

डोगरी बाइबल

The Open Dogri Bible

This Bible is copyrighted by Free Bibles India and made available under a Creative Commons Attribution-ShareAlike 4.0 International License. Original work available at <http://www.free-biblesindia.com>.)

This Bible is provided at the cost of printing by the Digital Bible Society (dbs.org). This Bible, and many others, are available for free download in a variety of digital formats at dbs.org/bibles.

मत्ती.....	4
मरकुस	21
लुका	32
युहन्ना	51
प्रेरितों के काम	65
रोमियो.....	82
1 कुरिन्थियों	90
2 कुरिन्थियों	97
गलातियों.....	102
इफिसियों	105
फिलिप्पियों.....	108
कुलुस्सियों	110
1 थिस्सलुनीकियों	112
2 थिस्सलुनीकियों	114
1 तीमुथियुस.....	115
2 तीमुथियुस.....	117
तीतुस	119
फिलेमोन.....	120
इब्रानियों	121
याकूब.....	127
1 पतरस	129
2 पतरस	132
1 यूहन्ना.....	134
2 यूहन्ना.....	137
3 यूहन्ना.....	138
यहूदा	139
प्रकाशित वाक्य.....	140

मत्ती

येशु दी वंशावली (लुका 3:23-38)

1 अब्राहम दी सन्तान, दाउद दी सन्तान, यीशु मसीह दा खानदान
2 अब्राहम कोलां इसहाक पैदा ओया, इसहाक कोलां याकूब पैदा
ओया, याकूब कोलां यहूदा ते ओस दे प्रा पैदा होए, 3 यहूदा ते तामार कोलां
फिरिस ते जोरह पैदा होए, फिरिस कोलां हिस्त्रोन पैदा ओया ते हिस्त्रोन कोलां
एराम पैदा ओया, 4 एराम कोलां अम्मीनादाब पैदा ओया, अम्मीनादाब कोलां
नहशोन ते नहशोन कोलां सलमोन पैदा ओया, 5 सलमोन ते राहब कोलां
बोअज पैदा ओया, बोअज ते रुत कोलां ओबेद पैदा ओया, ते ओबेद कोलां
यिशै पैदा ओया, 6 ते यिशै कोलां दाउद राजा पैदा ओया।

ते दाउद कोलां सुलैमान ओस जनानी कोलां पैदा ओया जेकी पैलें
उरिय्याह दी घरेआली ही, 7 सुलैमान कोलां रहबाम पैदा ओया, रहबाम
कोलां अबिय्याह पैदा ओया, ते अबिय्याह कोलां आसा पैदा ओया, 8 आसा
कोलां यहोशाफात पैदा ओया, यहोशाफात कोलां योराम पैदा ओया, ते
योराम कोलां उज़्रियाह पैदा ओया, 9 उज़्रियाह कोलां योताम पैदा ओया,
योताम कोलां आहाज पैदा ओया, ते आहाज कोलां हिजकिय्याह पैदा ओया,
10 हिजकिय्याह कोलां मनश्शिय्याह पैदा ओया, मनश्शिय्याह कोलां आमोन पैदा
ओया, ते आमोन कोलां योशिय्याह पैदा ओया; 11 ते बंदी होइयै बेबीलोन
जाने दे समे च योशिय्याह कोलां यकुन्याह, ते ओस दे प्रा पैदा होये।

12 बंदी होइयै बेबीलोन पजाए जाने दे बाद यकुन्याह कोलां शालतिएल पैदा
ओया, ते शालतिएल कोलां जरूबबाबिल पैदा ओया, 13 जरूबबाबिल कोलां
अबीहूद पैदा ओया, अबीहूद कोलां इल्याकीम पैदा ओया ते इल्याकीम
कोलां अजोर पैदा ओया, 14 अजोर कोलां सदोक पैदा ओया, सदोक कोलां
अखीम पैदा ओया, ते अखीम कोलां इलीहूद पैदा ओया, 15 इलीहूद कोलां
इलियाजार पैदा ओया, इलियाजार कोलां मत्तान पैदा ओया, ते मत्तान कोलां
याकूब पैदा ओया, 16 याकूब कोलां यूसुफ पैदा ओया, जेका मरियम दा
घरेआला हा, ते मरियम कोलां यीशु जेका मसीह खुआया जंदा ऐ, पैदा
ओया। 17 इस चाली अब्राहम कोलां दाउद तकर चौदां पीढ़ी होइ, ते दाउद
कोलां बेबीलोन गी बंदी होइयै पजाए जाने तकर चौदां पीढ़ी, ते बंदी होइयै
बेबीलोन गी पजाए जाने दे समे कोलां मसीह तकर चौदां पीढ़ी होई।

येशु दा जन्म (लुका 1:26-38, 2:1-7)

18 यीशु मसीह दा जन्म इस चाली ओया, के जिस लै ओस दी मां मरियम
दी कडमाई यूसुफ कन्ने होई गेई, तां उंदे किड्डा होने कोलां पैलें गै ओह पवित्र
आत्मा दी शक्ति कन्ने गर्भवती पाई गेई। 19 पर ओस दा घरेआला यूसुफ जेका
धर्मी हा ते उसी बदनाम करना नेई चांदा हा, उसी चुप्प - चाप तयागने दा
बचार किता। 20 जिस लै ओह इन्हें गल्लें दे सोचे च गै हा तां प्रभु दा सुर्गदुत
उसी सुखने च लबया ते उसी आखना लगया, " ऐ यूसुफ! दाउद दी संतान,
तू अपनी घरेआली मरियम गी अपने इत्थें अनने आस्ते मत डर, की वे जेडा
ओस दे गर्भ च ऐ, ओह पवित्र आत्मा कोलां ऐ। 21 ओह पुत्तर जमग ते तू
ओस दा नां यीशु रखेयां, की वे ओह अपने लोकें दा उंदे पापें कोलां उद्धार
करग।"

22 ऐ सब किश इस आस्ते ओया के जेका बचन प्रभु ने भविष्यवक्ता दे द्वारे
अखे गेदा हा, ओह पूरा होई जा: 23 "दिखो इक कुआरी गर्भवती ओह ग ते
इक पुत्तर जमग, ते ओस दा नां इम्मानुएल रखा जाग, " जिस दा मतबल ऐ -

परमात्मा साड़े कन्ने। 24 उस बेलै यूसुफ निंद्रे कोलां बिजियै प्रभु दे दूत दी
आग्या दे मताबक अपनी घरेआली गी अपने इत्थें लेई आया; 25 ते जिस लै
तकर ओह पुत्तर नेई जमी तैलू तकर ओह ओस दे कोल नेई गया:ते ओस ने
उस दा नां यीशु रखेया।

ज्योतिशइए दा आना (लुका 1:26-38;2:1-7)

2 हेरोदेस राजा दे दिनें च जिस लै यहूदिया दे बैतलहम च यीशु दा जन्म
ओया, तां पूर्व आली बक्खी दा मते सारे ज्योतिषी यरूशलेम च आइयै
पूछना लगे, 2 'यहूदियें दा राजा जिस दा जन्म ओया ऐ, कुत्थें ऐ ? की वे असें
पूर्व च ओस दा तारा दिखया ऐ ते उसी प्रणाम करने आए दे ना।' 3 ऐ सुनियै
हेरोदेस राजा ते ओस दे कन्ने सारा यरूशलेम घबराई गया। 4 उस बेलै ओस
ने लोकें दे सब प्रधान याजकें ते शास्त्रियें गी कड्डा करियै उन्हें गी पूछया, "
मसीह दा जन्म कुत्थें होना चाहिदा ?" 5 उन्हें उसी, " यहूदिया दे बैतलहम
च, की वे भविष्यवक्ता कोलां इय्यां लिखा गेदा ऐ:

6 "ऐ बैतलहम, तू जेका यहूदा दे प्रदेश च ऐ, तू किसे भी रिती कन्ने यहूदा
दे अधिकारियें च सबनी कुला नीका नेई; की वे तेरे बीचा इक अधिपति
निकलग, जेका मेरी प्रजा इस्राएल दी रखवाली करग।"

7 उस बेलै हेरोदेस ने ज्योतिषियें गी चुप्प - चाप बलाइयै उन्हें गी पूछया के
तारा ठीक किस बेलै लबया हा, 8 ते ओस ने ऐ अखियै उन्हें गी बैतलहम
भेजेया, " जाओ ओस बच्चे दे बारे च ठीक - ठीक पता करो, ते जिस लै ओह
मिली जाग ते मिगी समाचार देयो तां जे में भी आइयै उसी प्रणाम करं।"

9 ओह राजा दी गल्ल सुनियै चली गे, ते जेका तारा उन्हें पूर्व च लबया हा
ओह उंदे अगे - अगे चलया; ते जिथें बच्चा हा, ओस थारे दे उप्पर पुजियै
ठेरी गया। 10 ओस तारे गी दिखियै ओह मते खुश होए। 11 उन्हें ओस घर च
पुजियै ओस बच्चे गी ओस दी मां मरियम कन्ने दिखया, ते मूंह दे भार किरियै
बच्चे गी प्रणाम किता, ते अपना - अपना थैला खोलियै उसी सुन्ना, ते लोबान,
ते गन्धरस दी भेंट चढाई। 12 उस बेलै सुखने च ऐ चतावनी पाइयै के हेरोदेस
दे कोल फिरि नेई जायो, ओह दुए रस्ते कोलां अपने देश गी चली गे।

मिस्र देश गी जाना

13 उंदे जाने कोलां बाद प्रभु दे इक दूत ने सूखने च यूसुफ गी लबया ते
आखया, "उठ, ओस बच्चे गी ते ओस दी मां गी लेइयै मिस्र देश गी नस्सी
जा; ते जिस लै तकर में तुंदे कन्ने नेई आखां, उस बेलै तकर उत्थें गै रेयां; की
वे हेरोदेस एस बच्चे गी तुपने पर ऐ के उसी मराई दियै।" 14 उस बेलै ओह
रातीं गै उठियै बच्चे गी ते ओस दी मां गी लेइयै मिस्र गी चली गया, 15 ते
हेरोदेस दे मरने तकर उत्थें गै रेया। इसे आस्ते के ओह बचन जेका प्रभु ने
भविष्यवक्ता दे द्वारे आखे दा हा पूरा होए: " में अपने पुत्तर गी मिस्र बीचा
सदया।"

16 जिस लै हेरोदेस ने ए दिखया, के ज्योतिषियें ओस दे कन्ने धोखा किता
दा ऐ, उस बेलै ओह गुस्से कन्ने भरोई गया, ते लोकें गी भेजीयै ज्योतिषियें दे
द्वारा ठीक - ठीक सनाए गेदे समे दे मताबक बैतलहम ते ओस दे आसे - पासे
दी जगह दे सारे बच्चे गी जेहके दो सालें दे जां ओस कुला निक्के हे, मरवाई
शडया। 17 उस बेलै जेका बचन यिर्मयाह भविष्यवक्ता दे द्वारे अकखे दा हा,
ओह पूरा ओया:

18 " रामाह च इक करुण - नाद (आवाज) सनाई दिता, रोना ते बड़ा विलाप; राहेल अपने बच्चे आस्ते रोआ करदी ही, ते शांत नेई होना चांहदी ही, की वे ओह हूँ नेई रे"।

19 हेरोदेस दे मरने दे बाद, प्रभु दे दूत ने मिस्त्र च यूसुफ गी सुखने च लबया, ते अखया, 20 ' उत, बच्चे गी ते ओस दी मां गी लेइयै इस्राएल देश च चली जा, की वे जेहके बच्चे दे प्राण लेना चांहदे हे, ओह मरी गेदे न। 21 ओह उठया, ते बच्चे ते ओस दी मां गी कन्ने लेइयै इस्राएल दे देश च आया। 22 लेकन ऐ सुनीयै के अरखिलाउस अपने पिता हेरोदेस दी जगह यहूदिया दे उप्पर राज करा दा ऐ, उर्थे जाने आस्ते डरी गया। फिरी सुखने च परमातमा कोलां चतावनी पाइयै गलील परदेशे गी चली गया, 23 ते नासरत नां जगह च जाई बसया, तां करियै के ओह बचन पूरा होए, जेका भविष्यवक्तां दे द्वारे अकखे गेदा हा: " ओह नासरी खुआग।"

यूहन्ना पवित्र शनान देने आला

3 उन्हें दिनें च यूहन्ना बपतिस्मा देने आह्ला आइयै यहूदिया दे जंगल च ऐ परचार करना लगया: 2 'मने गी फेरो, की वे सुर्ग दा राज नेडे आई गेदा ऐ।" 3 ऐ उए ऐ जिस दी चर्चा यशायाह भविष्यवक्ता दे द्वारे किती गेई: " जंगल च इक पकारने आह्ले दा शब्द होआ दा ऐ, के प्रभु दा रस्ता तयार करो, ओस दी सिड़क सीधी करो।

4 ऐ यूहन्ना ने ऊंट दे बालें दा कपड़ा लाए दा हा, ते अपने लक च चमड़े दा कटिबन्ध बने दा हा। ओस दी रुट्टी त्रिडीयां ते वनमधु हा। 5 उस बेलै यरूशलेम ते सारे यहूदिया, ते यरदन दे आसे - पासे सब जगह दे लोक ओस दे कोल निकली आए। 6 उन्हें अपने अपने पापें गी मनीयै यरदन नदी च ओस कोलां बपतिस्मा लीता।

7 जिस लै ओस मते सारे फरिसियें ते सदूकियें गी बपतिस्मा लेने आस्ते अपने कोल आंदे दिखया, तां उन्हें गी अखया, " ऐ साप दे बच्यो, तुसें गी कुन्ने जताई दीता के आने आह्ले गुस्से कोलां नस्सो ? 8 इसे आस्तै मन फिराव जुगा फल लाओ; 9 ते अपने अपने मने च ऐ ना सोचो के साड़ा प्यो (बब्ब) अब्राहम ऐ; की वे मैं तुंदे कन्ने आखना ऐ के परमातमा इन्हें पत्थरा कोलां अब्राहम आस्ते संतान पैदा करी सकदा ऐ। 10 हूँ कुहाड़ा रुक्खें दी जड़ें उप्पर रखी दिते दा ऐ, इसे आस्तै जेहड़ा - जेहड़ा रुक्ख अछा फल नेई लांदा, ओह बडीयै अग्न बीच सुटया जांदा ऐ।

11 मैं ते पानी कन्ने तुसें मन फिराव दा बपतिस्मा दीना ऐ, लेकन जेका मेरे कोलां बाद बीच आने आह्ला ऐ, ओह मेरे कोलां शक्तिशाली ऐ; मैं ओस दी नूक चुकने दे काबिल नेईयै। ओह तुसें पवित्र आत्मा ते अग्नी कन्ने बपतिस्मा देगा। 12 ओस दा सूप ओस दे हत्थ बीच ऐ, ते ओह अपना खलिहान अछी रीती कन्ने साफ करग, ते अपनी कनक गी खत्ते च किट्टा करग, लेकन पोहू गी अग्न च जाली देग जेड़ी कदें हिस्लग नेई।"

13 उस बेलै यीशु गलील कोलां यरदन दे कंडे यूहन्ना दे कोल ओदे कुला बपतिस्मा लेने आस्तै आया। 14 लेकन यूहन्ना ऐ अखियै उसी रोकना लगया, " मीगी ते तेरे हत्थे बीचा बपतिस्मा लेने दी जरूरत ऐ, ते तू मेरे कोल आए दा ऐ ? 15 यीशु ने उसी उत्तर दिता, " हूँ ते इय्याँ गे होना दे, की वे अस्सें इस्सें रीती कन्ने सारी धार्मिकता गी पूरा करना उचित ऐ।" ओस बेलै ओस ने ओस दी गल्ल मनी लेती। 16 ते यीशु बपतिस्मा लेइयै फौरन पानीया बीचा उप्पर आया, ते दिखो, ओस आस्तै अंबर खुली गया, ते ओस ने परमातमा दी आत्मा गी कबूतर दे समान उतरदें ते अपने उप्पर ओंदे दिखया। 17 ते दिखो, ऐ आकाशवाणी होई: " ऐ मेरा प्यारा पुत्तर ऐ, जिस कोलां मैं मता खुश ऐ।

4 उस बेलै आत्मा यीशु गी जंगल च लेई गया तां जे इबलीस कोलां ओस दी अजमैश होए। 2 ओह चाली दिन ते चाली रात, भुक्खा रेया, इसदे बाद उसी भुक्ख लगी। 3 उस बेलै परखने आह्ले ने कोल आइयै उसी अखया, " जे तू परमातमा दा पुत्तर ऐ, तां अक्खी दे के ऐ पत्थर रुट्टी बनी जांन।" 4 यीशु ने जवाब दीता: " लिखे गेदा ऐ, ' मनुख छड़ा रुट्टी कन्ने गै नेई, लेकन हरेक बचन कोलां जेका परमातमा दे मूह बीचा निकलदा ऐ, जिंदा रोहगा।" 5 उस बेलै इबलीस उसी पवित्र नगर च लेई गया ते मंदिर दी चोटी

उप्पर खड़ेरी दीता, 6 ते ओस गी आखया, " जे तू परमातमा दा पुत्तर ऐ, ते अपने आप गी थले सुटी दे; की वे लिखे दा ऐ: 'ओह तेरे बारे च अपने सुर्ग दूतें गी आग्या देग, ते ओह तुगी हत्थो - हत्थ चुकी देंघन; कुते ऐसा नी होए के तेरे पैरें गी ठेस लगै।"

7 यीशु ने उसी अखया, " ऐ भी लिखे दा ऐ: तू प्रभु अपने परमातमा दी परीक्षा ना कर।" 8 फिरी इबलीस उसी इक बडे उचे पहाड़े उप्पर लेई गया ते सारी दुनिया दा राज ते ओस दा धन - दौलत दसियै 9 उसी अखया, " जे तू गिरीयै मिगी प्रणाम करां, ते मैं सब किश तुगी देई देगा।" 10 उस बेलै यीशु ने उसी अखया, " ऐ शैतान दूर होई जा, की वे लिखे दा ऐ: तू प्रभु अपने परमातमा गी प्रणाम कर, ते शड़ी ओस दी गै उपासना कर।" 11 इसदे बाद शैतान ओस दे कुला चली गया, ते दिखो सुर्ग दूत आइयै ओस दी सेवा करना लगे।

12 जिस लै ओस ने ऐ सुनया के यूहन्ना बंदी बनाई लिते दा ऐ, ते ओह गलील गी चली गया। 13 ते ओह नासरत गी छडीयै कफरनहूम च, जेका झील दे कंडे जबूलून ते नसाली दे देशे च ऐ, जाइयै रोह लगया; 14 तां जे जेड़ा यशायाह भविष्यवक्ता दे द्वारे अखे गेदा हा, ओह पूरा होए:

15 ' जबूलून ते नसाली दे देश, झील दे रस्ते कोलां यरदन दे पार, बखरीं जातियें दा गलील 16 जेहके लोक न्हरे च बैठे दे हे, उन्हें बडी लो दिखी; ते जेहके मोत दै देश ते छाया च बैठे दे हे, उंदे उप्पर लो चमकी। 17 ओस समें कोलां यीशु ने प्रचार करना ते ऐ आखना शुरु किता, "मने गी फराओ की वे सुर्ग दा राज कोल आई गेदा ऐ।"

18 गलील दी झील दे कंडे फिरदे होई ओस ने दो प्रागी मतलब शमोन गी जेड़ा पतरस अखा जंदा ऐ, ते उसदे प्रा अन्ड्रियास गी झील च जाल पांदे दिखया; की वे ओह मन्ने हे। 19 यीशु ने उन्हें गी अखया, "मेरै पीछें चली आओ, ते मैं तुसें गी मनुख दा पकड़ाने आह्ला बनागा।" 20 ओह फौरन जालें गी छडीयै ओस दे पीछें होई गे।

21 उर्थुआ दा अगें बढियै, यीशु ने होर दो भ्रांऽ गी मतलब जबदी दे पुत्तर याकूब ते ओस दे प्रा यूहन्ना गी दिखया। ओह अपने प्यो जबदी दे कन्ने नाव उप्पर जालें गी सधारा दे हे। ओस ने उन्हें गी भी बलाया। 22 ओह फौरन नाव ते अपने प्यो गी छडीयै ओस दे पीछें होई गे।

23 यीशु सारे गलील च फिरदे होई उंदे अराधनालय च उपदेश करदा, ते राज दा सुसमाचार करदा, ते लोके दी हरप्रकार दी बमारी ते कमजोरी गी दूर करदा रेया। 24 ते सारे सीरिया देश च ओस दा यश फैली गया; ते लोक सारे बमारें गी, जेहके बखरी - बखरी किस्म दी बमारियें ते दुखे च झकड़े दे हे, ते जिंदे बीच दुष्टआत्मां हियां, ते मिर्गी आह्ले ते लकवे दे रोगीयें गी उंदे कोल लेई आये ते ओस ने उन्हें गी चंगा किता। 25 गलील ते दिकापुलिस, यरूशलेम, यहूदिया ते यरदन नदी दे पारले बखी कोलां भीड़ दी भीड़ ओस दे पीछें होई गेई।

5 ओह एस भीड़ गी दिखियै पहाड़ उप्पर चढ़ी गया, ते जिस लै बेई गया ते चले ओस दे कोल आए। 2 ते ओह अपना मूह खोलियै उन्हें ऐ उपदेश देना लगया:

3 "धन्न न ओह, जेड़े मने दे दीन न, की के सुर्ग दा राज उंदा ऐ।

4 "धन्न न ओह, जेड़े बसोस करदे न, की के ओह शांति पांघन।

5 "धन्न न ओह, जेहके नम्र न, की वे ओह धरती दे हक दार आंघन।

6 "धन्न न ओह, जेहके धर्म दे भुक्खे ते त्रैदे न, की वे ओह तुम किते जांघन।

7 "धन्न न ओह, जेड़े दया करदे न, की वे उंदे उप्पर दया कीती जाग।

8 "धन्न न ओह, जिंदे मन शुद्ध (साफ) न, की वे ओह परमातमा गी दिखघन।

9 "धन्न न ओह, जेड़े मेल कराने आले न, की वे ओह परमातमा दे पुत्तर अकखे जांघन।

10 "धन्न न ओह, जेड़े धर्म आस्तै सताए जंदे न, की वे सुर्ग दा राज उन्हें दा गै।

11 "धन्न न तुस, जिस लै मनुख मेरी बजह कन्ने तुंदा निंदा करन, ते सतान ते झूठ बोली - बोली तुंदे बरोध च सारियां किसम दियां बुरी गल्लां अखन।

12 उस बेलै खुश ते मगन होयो, की वे तुंदे आस्ते सुर्ग च बडा फल ऐ। इस

आस्ते के उन्हें उन्हें भविष्यवक्ताएं गी जेहके तुंदे कोलां पैह्ले हे इसै रीती कन्ने सताया हा।

13 'तुस धरती दे लून न; लेकन जिस लै लून दा सुआद बिगड़ी जा, फिरी केस चीज कन्ने लूनका किता जाग ? फिरी ओह किसे भी कम्मे दा नेई, सिर्फ एस दै के बार सुटी दिते जा ते लोकें दै पैरें थले मिंधी दिते जा। 14 तुस दुनियां दी लो न। जेड़ा नगर प्हाड़ दे उप्पर बसे दा ऐ ओह शपी नेई सकदा। 15 ते लोग दीया बालिये पैमाने दै थले नेई लेकन छूट दे उप्पर रखदे न, उसलै ओस कन्ने घर दे सब लोकें गी लो पुज्जदी ऐ। 16 इस्सी चाली तुंदी लो इनसानें दे सामने चमके के ओह तुंदे भले कम्मं गी दिखीयें तुंदे प्यो दी, जेका सुर्ग च ऐ बड़ाई करन।

17 ' ऐ न समझो, के मैं व्यवस्था जां भविष्यवक्तां दी कताबें गी खत्म (नाश) करने आएदा, खत्म (नाश) करने नेई, लेकन पूरा करने आएदा ऐ। 18 की वे मैं तुंदे कन्ने सच आखना ऐ, के जिस लै तकर अंबर ते धरती टली नेई जाघन उस बेलै तकर व्यवस्था बीचा इक मात्रा जां इक बिंदु भी बगैर पूरा ओए दे नेई टलग। 19 इसे आस्ते जेका कोई इन्हें निकीं कोलां निकीं आग्या बीचा किसे इक गी भी तोड़ग, ते उए जेया लोकें गी सिखाग, ओह सुर्ग राज बीच सबनी कोलां नीका बनग; लेकन जेका कोई इन्हें आग्यां दा पालन करग ते उन्हें गी सिखाग, उए सुर्ग दे राज च महान अखा जाग। 20 की वे मैं तुंदे कन्ने आखना ऐ, के जे तुंदी धार्मिकता शास्त्रियें ते फरिसियें दी धार्मिकता कोलां बंद नेई होए, तां तुस सुर्ग दे राज बीच कदें भी परवेश करी नेई सकगे।

21 'तुस सुनी चुकेदे ओह, के पराने जमाने दे लोकें गी अखेया गया हा' के हत्या नी करयो', ते' जेका कोई हत्या करग ओह कचहरी च सजह दे काबल होग। 22 लेकन मैं तुंदे कन्ने ऐ आखना ऐ, के जेका कोई अपने प्रा दे उप्पर रो करग, ओह कचहरी च सजह दे काबल होग, ते जेका अपने प्रा गी नकम्मा अखग ओह महासभा च सजह दे काबल होग; ते जेका कोई अखग 'अरे बेवकूफ' ओह नरक दी अग दे सजह दे काबल होग। 23 इसे आस्ते जिस लै तू अपनी भेंट वेदी दे उप्पर लेई अरें, ते उत्थें तू याद करै, के तेरे प्रा दे मने च तेरे लेई किश बरोध ऐ, 24 ते अपनी भेंट उत्थें गै वेदी दे सामने शडी दे, ते जाइयें पैलें अपने प्रा कन्ने मेल जोल कर ते इस दे बाद आइयें अपनी भेंट चढ़ा। 25 जिस लै तकर तू अपने दुश्मन कन्ने रस्ते बीच ऐं, ओस कन्ने फौरन मेल जोल करी लै कुते ऐ सा नेई होए के दुश्मन तुगी हाकम गी सोंपै, ते हाकम तुगी सपाई गी सोंपी दियें, ते तू जेलै च पाई दिते जा। 26 मैं तुंदे कन्ने सच आखना ऐ के जिस लै तकर तू कौड़ी- कौड़ी भरी नेई देगा तां तकर उत्थें दा छुड़की नेई सकगा।

27 तुस सुनी चुकेदे हो के अखे गया हा, 'व्यभिचार नेई करयो।' 28 लेकन मैं तुंदे कन्ने ऐ आखना ऐ, के जेड़ा कोई किसे जनानी गी बुरी नजर कन्ने भी दिखग ओह अपने मने च ओस कन्ने व्यभिचार करी चुकया। 29 जे तेरी सज्जी अकख तुगी ठोकर कराए, तां उसी कडीयें सुट्टी दे; की वे तेरे आस्ते इयें भला ऐ के तेरे अंगां बीचा इक नाश होई जा ते तेरा सारा शरीर नरक बीच नेई पाई दीते जा। 30 जे तेरा सज्जा हत्थ तुगी ठोकर कराए, उस बेलै उसी कडीयें सुट्टी दे; की वे तेरे आस्ते इयें भला ऐ के तेरे अंगां बीचा इक नाश होई जा ते तेरा सारा शरीर नरक बीच नेई पाई दीते जा।

31 'ऐ भी आखया गया हा, "जेका कोई अपनी घरेआली गी तलाक देना चा, ते उसी अस्तीफा देई दीयै।' 32 लेकन मैं तुंदे कन्ने ऐ आखना ऐ के जेका कोई अपनी घरेआली गी व्यभिचार दे बगैर किसे होर कारण कोलां तलाक दीयें, ते ओह ओस कोलां व्यभिचार करवांदा ऐ; ते जेका कोई ओस त्यागी होई कन्ने ब्याह करै, ओह व्यभिचार करदा ऐ।

33 'फिरी तुस सुनी चुकेदे हो के पराने जमाने दे लोकें कन्ने आखया हा, चुठी कसम नेई खायो, लेकन प्रभु आस्ते अपनी कसम गी पुरी करयो।' 34 लेकन मैं तुंदे कन्ने ऐ आखना ऐ के कदें भी कसम नेई खायो; नां गै सुर्ग दी, की वे ओह परमातमा दा संघासन ऐ; 35 नां गै धरती दी, की वे ओह ओस दे पैरें दी चौकी ऐ; ना यरुशलेम दी, की वे ओह महाराजा दा नगर ऐ। 36 अपने सिरे दी भी कसम नेई खायो की वे तू इक बाल गी भी नेई गै सफेद, नां काला करी सकना ऐ। 37 लेकन तुंदी गल्ल 'हां' दी 'हां', जां 'नेई' दी 'नेई' होए; की वे जे किश एस कोलां मता होदा ऐ ओह बुराई कोलां होदा ऐ।

38 तुस सुनी चुकेदे हो के अखे गेदा हा, 'अकख दे बदले अकख, ते दंद दे बदले दंद।' 39 लेकन मैं तुंदे कन्ने ऐ आखना ऐ के बुरे दा सामना नेई करयो; लेकन जेका तेरै सज्जे ग' ल उप्पर चपेड़ मारै, ओस दी बक्खी दुआ भी फेरी दे। 40 जे कोई तेरे उप्पर मकदमा (जबरदस्ती) करीयें तेरा कुरता लेना चाह, उस बेलै उसी दोर भी लेना दे। 41 जे तुगी कोई इक मील चलाए ते तू ओस दे कन्ने दो मील चली जा। 42 जे कोई तेरे कोलां किश मंगै, उसी देई दे; ते जेका कोई तेरे कोलां दुहार लेना चाह, ओह दे कोलां मूह नेई मोड़।

43 'तुस सुनी चुकेदे हो के अखे गया हा, 'अपने गुआंड़ी कन्ने प्रेम रखयां, ते अपने बैरी कन्ने बैर।' 44 लेकन मैं तुंदे कन्ने ऐ आखना ऐ के अपने बैरियें कन्ने प्रेम रखो ते अपने सताने आह्लें आस्ते प्रार्थना करो, 45 जिस कन्ने तुस अपने सुर्गीय प्यो दी संतान ठैहगे की वे ओह भले ते बुरे दोनीं उप्पर अपने सूरज चाढ़दा ऐ, ते धर्मी ते अधर्मी दोनीं उप्पर अपनी बरखा बरसांदा ऐ। 46 की वे जे तुस अपने प्रेम रखने आह्लें कन्ने गै प्रेम रखो तां तुंदे आस्ते के फल होग ? के चुगी लेने आले भी ऐसा नी करदे ?

47 'जे तुस सिर्फ अपने प्राएं गी गै नमस्ते करो, ते के डा बड्डा कम्म करदे हो ? के बखरी जातियां (दुई जातियां) भी ऐ जेया नेई करदीयां ? 48 इसै आस्ते चाहीदा के तुस सिद्ध बनो, जिय्यां तुंदा सुर्गीय प्यो सिद्ध ऐ।

6 'सावधान रवो ! तुस इनसानें गी दसने आस्ते अपने धर्म दे कम्म ना करो, नेई तां अपने सुर्गीय प्यो कोलां किश भी फल नेई पाहगे। 2 ' इसै आस्ते जिस लै तू दान करै, तां अपने अंगें तुरही नेई बजा, जिय्यां कपटी, सभा ते गलियें च करदे न, तां जे लोक उंदी तरीफ करन। मैं तुंदे कन्ने सच आखना ऐ के ओह अपना प्रतिफल पाई चुके। 3 लेकन जिस लै तू दान करै, ते जेका तेरा सज्जा हत्थ करदा ऐ, उसी तेरा खब्बा हत्थ नेई जानी सकै। 4 तां जे तेरा दान गुप्त रवै ते उस बेलै तेरा प्यो जेका गुप्त च दिखदा ऐ, तुगी प्रतिफल देग।

5 ' जिस लै तू प्रार्थना करै, ते कपटीयें दे समान नेई हो, की वे लोकें गी दिखाने आस्ते अराधनालयें च ते सिडक दे मोड़ें उप्पर खडोइयें प्रार्थना करना उन्हें अच्छा लगदा ऐ। मैं तुंदे कन्ने सच आखना ऐ के ओह अपना इनाम पाई चुके। 6 लेकन जिस लै तू प्रार्थना करै, ते अपनी कोठरी च जा; ते दराजा बंद करियें अपने प्यो कोलां जेका गुप्त च ऐ प्रार्थना कर। उस बेलै तेरा प्यो जेड़ा गुप्त च दिखदा ऐ, तुगी इनाम देग। 7 प्रार्थना करदें समें बखरी जतियें दे समान बकबक नेई करो, की वे ओह समजदे न के उंदे मता बोलने कन्ने उंदी सुनी जाग। 8 इसे आस्ते तुस उंदे जेया नेई बनो, की वे तुंदा प्यो तुंदे मंगने कोलां पैह्ले गै जानदा ऐ के तुंदी के के जरूरतां न।

9 'इस आस्ते: तुस एस रीती कन्ने प्रार्थना करा करो: ' ऐ साड़े प्यो, (पिता) तू जेका सुर्ग च ऐ; तेरा नां पवित्तर मना जा।

10 तेरा राज अवै। तेरी मर्जी जिय्यां सुर्ग च पूरी होंदी ऐ , उघां गै धरती उप्पर भी उए।

11 ' साड़ी दिन भर दी रूट्टी अज्ज असें दे।

12 ' ते जिस चाली असैं अपने दुश्मनं गी माफ किता ऐ, उघां गै तू भी साड़े पापें गी माफ कर।

13 ते असैं अजमैश च नेई लेई आ, लेकन बराई कोलां बचा; (की वे राज ते सामर्थ ते मैह्या म्हेशा तेरे गै न।' आमीन।)

14 ' इसे आस्ते जे तुस मनुख दे पाप माफ करगे, तां तुंदा सुर्गीय प्यो भी तुसं माफ करग। 15 ते जे तुस मनुख दे पाप माफ नेई करगे, तां तुंदा प्यो भी तुंदे पाप माफ नेई करग।

16 ' जिस लै तुस बर्त करो, तां परखंडी आह्लें लेखें तुंदे मूह उप्पर उदासी नेई छाई रवै, की वे ओह अपना मूह बनाई रखदे न, तां जे लोग उन्हें बर्त रखने आले जांन। मैं तुंदे कन्ने सच आखना ऐ के ओह अपना इनाम पाई चुके। 17 लेकन जिस लै तू बर्त करै तां अपने सिरे उप्पर तेल मल ते मूह तो, 18 तां जे लोग नेई लेकन तेरा प्यो जेका गुप्त च ऐ, तुगी बर्त रखने आ ला जाने। इस दशा च तेरा प्यो जेका गुप्त च दिखदा ऐ, तुगी इनाम देग।

19 ' अपने आस्ते धरती उप्पर धन किड्डा न करो, जित्थें कीड़ा ते जांग बिगाड़दे न, ते जित्थें चोर संध लांदे ते चोरी करी दिंदे न। 20 लेकन अपने आस्ते सुर्ग बीच धन किड्डा करो, जित्थें न गै कीड़ा ते काई बिगाड़दे न, ते

जित्थें चोर न सेंध लांदे ते नेई गै चोरी करदे न। 21 की वे जित्थें तेरा धन ऐ उर्थें तेरा मन भी लगा रोह्ग।

22 शरीर दा दीया अक्ख ऐ: इसे आस्तै जे तेरी अक्ख साफ़ ऐ, तां तेरा सारा शरीर भी उजला ओह ग। 23 लेकन जे तेरी अक्ख बुरी ऊए, तां तेरा सारा शरीर भी न्हेरा ओह्ग; इसे आस्तै ओह लोऽ जेकी तेरे बीच ऐ जे नहेरा ऊए तां ओह न्हेरा किन्ना बडा ओह ग !

24 कोई भी मनुख दाऊँ स्वामियें दी सेवा नेई करी सकदा, की वे ओह इक कन्ने बैर ते दूर कन्ने प्रेम रखग, जां इक कन्ने मिला रोह्ग ते दूर गी तुच्छ जानग। तुस परमातमा ते धन दोनीं दी सेवा नेई करी सकदे। 25 इसे आस्ते मैं तुंदे कन्ने आखना ऐ के अपने प्राण आस्तै ऐ चिंता ना करयो के आह्स के खागे ते के ह पीगे; ते ना अपने शरीर आस्ते के के लागे। के प्राण रुट्टी कोलां, ते शरीर कपडे कोलां जरूरी नेइयें ? 26 अंबर दे पैँछीयें गी दिखो ! ओह ना राहंदे न, ना कटदे न, ते ना गै खेतें च कट्टा करदे न; फिरी भी तुंदा सुर्गीय प्यो (बब्ब) उन्हेँ गी खलांदा ऐ। के तुस उंदे कोलां मता मूल नेई रखदे ? 27 तुंदे बीचा कु'न्न ऐ, जेका चिंता करियै अपनी उमर बीचा इक घड़ी भी बदाई सकै ?

28 ते कपडें आस्तै की चिंता करदे हो ? जंगली सोसन दे उप्पर ध्यान करो के ओह कियां बदे न; ओह ना मँनत करदे, ना कतदे न। 29 तां भी मैं तुंदे कन्ने आखना ऐ के सुलेमान भी, अपने सारी शानो - शोकत च उंदे बीचा कुसै दै समान कपडा लांदे नेई हा। 30 इसे आस्ते जिस लै परमातमा मदान दे घा गी, जेकी अज्र ऐ ते कल अग बीच झोंकी जानी, ऐ सा कपडा लुआंदा ऐ, ते ऐ अल्पबिश्वासियो (थोड़ा विश्वास करने आलो), तुसेँ गी इन्हां कोलां शैल की नी लुआग ?

31 इसे आस्ते तुस चिंता करियै ऐ ना अख्यो के आह्स के खागे, जां के पीगे, जां के लाहगे। 32 की वे अन्यजातियाँ इन्हेँ चीजें दी खोज बीच रँहंदे न, लेकन तुंदा सुर्गीय प्यो (बब्ब) जानदा ऐ के तुसेँ ऐ सब चीजें दी जरूरत ऐ। 33 इसे आस्ते पैलें तुस परमातमा दे राज ते ओस दे धर्म दी खोज करो ते ऐ सब चीजां भी तुसेँ मिली जांघन। 34 इस आस्तै कल दी चिंता ना करो, की वे कल दा दिन अपनी चिंता अप्पू करी लैह्ग; अज्र आस्तै अज्रे दा दुःख गै बोहत ऐ।

7 दोष मत लाओ के तुंदे उप्पर भी दोष नेई लाया जा। 2 की वे जिस तरीकेँ तुस दोष लांदे हो, उस चाली तुंदे उप्पर भी दोष लाया जाग; ते जिस नाप कन्ने तुस नापदे हो, उसै नापेँ कन्ने तुंदे आस्तै भी नापा जाग।

3 तू की अपने प्रा दी अखी च तिनकेँ गी दिखना ऐ, ते अपनी अक्ख दा लड्डा नेई तुगी सुज्जदा ? 4 जदूँ तेरी गै अक्खी च लड्डा ऐ, ते तू अपने प्रा गी किय्यां अखी सकना ऐ, ' लेई आ मैं तेरी अक्ख बीचा तिनका कडां ? ' 5 हे कपटी, पैलें अपनी अक्खा बीचा लड्डा कडी लै, उस बेलै तू अपने प्रा दी अक्खी दा तिनका भली भांति दिखियै कडी सकगा।

6 पवित्र चीड कुतें गी नेई दियो, ते अपने मोती सुरें दै अगें नेई सुटो; ऐसा नी होऐ के ओह उन्हेँ पैरें थलै मिंधै ते पर्तोइयै तुगी फाडी दियै।

7 मंगो, ते तुसेँ गी दीता जाग; तुपगे ते तुस पाहगे; खटखटागे, ते तुंदे लेई खोला जाग। 8 की वे जेका कोई मंगदा ऐ; उसी मिलदा ऐ; ते जेका तुपदा ऐ, ओह पांदा ऐ; ते जेका खटखटादा, ओस दे लेई खोला जाग।

9 तुंदे बीचा ऐ सा केडा मनुख ऐ, के जे ओस दा पुत्तर ओस कोलां रुट्टी मंगै, ते ओह उसी पत्थर दै ? 10 जां मछली मंगै, ते उसी सप्प दै ? 11 इसे आस्तै जे तुस बुरे होइयै, अपने बच्चें गी अच्छी चीजां देना जानदे हो, ते तुंदा सुर्गीय प्यो अपने मंगने आह्ने गी अच्छी चीजां की नी देग ? 12 एस कारण जे किश तुस चांहंदे हो के मनुख तुंदे कन्ने करै, तुस भी उंदे कन्ने उय्यां गै करो; की वे व्यवस्था ते भविष्यवक्ता दी शिक्षा इयै ऐ।

13 सकेत फाडक कोलां परवेश करो, की वे चैडा ऐ ओह फाडक ते सरल ऐ ओह रस्ता जेका विनाश गी पज्जांदा ऐ; ते मते न जेहडे ओस कोलां परवेश करदे न। 14 की वे सकेत ऐ ओह फाडक ते ओखा ऐ ओह रस्ता जेका जीवन गी पज्जांदा ऐ; ते थोड़े न जेहके उसी पांदे न।

15 झूठे भविष्यवक्तां कोलां सावधान रवो, जेहके भिड्डे दे भेस च तुंदे कोल आंदे न, लेकन कोला डा ओह फाडने आह्ने भेडिये न। 16 उंदे फलां कोलां तुस उन्हेँ पनछानी लैगे। के लोग झूडीयां कोलां अंगूर, जां ऊंटकटारां कोलां

अंजीर तोडदे न ? 17 इस चाली हर इक अच्छा रुक्ख अच्छा फल लांदा ऐ। 18 अच्छा रुक्ख बुरा फल नेई लाइ सकदा, ते ना गै नकम्मा रुक्ख अच्छा फल लाइ सकदा ऐ। 19 जेका जेका रुक्ख अच्छा फल नेई लांदा, ओह कटीयै ते अग्गी बीच पाया जंदा ऐ। 20 इस चाली उंदे फलां कोलां तुस उन्हेँ गी पछानी लैगे।

21 ' जेहके मीगी, ' हे प्रभु ! हे प्रभु ! अखदा ऐ, उंदे बीचा हर इक सुर्ग दे राज बीच परवेश नेई करग, लेकन ऊए जेका मेरे सुर्गीय प्यो दी मर्जी उप्पर चलदा ऐ। 22 ओस दिन मते सारे लोग मीगी अखन गे, ' हे प्रभु ! हे प्रभु !, के तेरे नां कन्ने असेँ भविष्यवानी नेई कित्ती, ते तेरे नां कन्ने दुष्टात्मां गी नेई कड्या, ते तेरे नां कन्ने मते सारे आश्चर्य कम्म नी किते ? 23 उस बेलै मैं उंदे कन्ने खुलियै अखी देगा, ' मैं तुगी कदें भी नेई जानेया। हे कुकर्म करने आह्ने, मेरे कोलां चली जाओ।'

24 ' इसे आस्तै जेका कोई मेरीयां ऐ गल्लां सुनियै उन्हेँ गी मनदा ऐ, ओह ओस बुद्धिमान मनुख दै समान ठैह्ग जिस ने अपना घर चट्टान उप्पर बनाया। 25 ते बरखा पेई, ते हाड आया, ते न्हेरी पेई ते ओस घरै कन्ने टकराइयां, फिरी भी ओह नेई गिरेया, की वे ओस दी नीव चट्टान उप्पर पाई दी ही। 26 लेकन जेका कोई मेरीयां ऐ गल्लां सुनदा ऐ ते उंदे उप्पर नेई चलदा, ओह ओस निर्बुद्धि मनुख जेया ठैह्ग जिस ने अपना घर रेंते उप्पर बनाया। 27 ते बरखा पेई, हाड आया, ते न्हेरी पेई, ते ओस घरै कन्ने टकराइयां ते ओह गिरियै सत्यानाश होई गया।'

28 जिस लै यीशु ऐ गल्लां अखी चुक्या, ते ऐ सा ओया के भीड ओस दे उपदेश कन्ने हरान होई, 29 की वे ओह उंदे शास्त्रियें दै समान नेई लेकन अधिकारी दै समान उन्हेँ गी उपदेश दींदा हा।

8 जिस लै ओह ओस पहाडा उपरा उतरया, ते इक बडी भीड ओस दे पीछें होई गई। 2 ते दिखो इक कोढी ने कोल आइयै उसी प्रणाम किता ते अखया, " हे प्रभु, जे तू चांह, ते मीगी शुद्ध करी सकना ऐ।" 3 यीशु ने हत्थ बदाइयै उसी छूता, ते अखया, मैं चाह्नां ऐ तू शुद्ध होई जा।" ते ओह फोरन कोढ कोलां शुद्ध होई गया। 4 यीशु ने उसी अखया, " दिख, किसे कन्ने नेई गलायाँ, लेकन जाइयै अपने आप गी याजक गी दस ते जेका चढावा मूसै ठैहादा ऐ उसी चाढ, तां जे लोकेँ आस्ते गुआई होए।"

5 जिस लै ओह कफरनहूम बीच आया ते इक सूबेदार ने ओस दे कोल आइयै ओस अगें बिनती कित्ती, 6 ' हे प्रभु, मेरा सेवक घरै च लकवा बमारी कन्ने मता दुखी पेदा ऐ।" 7 ओस ने ओस कन्ने अखया, मैं आइयै उसी चंगा करगा।" 8 सूबेदार ने उसी उत्तर दीता, " हे प्रभु, मैं एस काबल नेईयै के तू मेरी छत दे तलै अमै, लेकन सिर्फ मूंह बीचा अखी दे ते मेरा सेवक चंगा होई जाग। 9 की वे मैं भी पराधीन मनुख ऐ, ते सपाई मेरे अधीन न। जिस लै मैं ऐसा आखना ऐं ' जा ! ते ओह जंदा ऐ; ते दुए गी ' आ ! ते ओह आंदा ऐ; ते जिस लै अपने दास गी अखनां ऐ कर !' ते ओह करदा ऐ।"

10 ऐ सुनियै यीशु गी अचम्भा ओया, ते जेहके ओस दे पीछें आ करदे हे उन्हेँ गी आख्या, " मैं तुंदे कन्ने सच - सच आखना ऐ के मैं इस्राएल च भी ऐ सा विश्वास नेई पाया। 11 ते मैं तुंदे कन्ने आखना ऐ के पूर्व ते पश्चिम कोलां मते सारे लोग आइयै अब्राहम ते इसहाक ते याकूब दे कन्ने सुर्ग दे राज बीच बैठघन। 12 लेकन राज दी संतान बार न्हेरे च सुटी दीते जाघन: उर्थें रोना ते दंद पीसना होग।" 13 उस बेलै यीशु ने सूबेदार कन्ने आख्या, " जा जिय्यां तेरा विश्वास ऐ, उए जेया तेरे आस्ते होई जा।" ते ओस दा सेवक उसै बेलै चंगा होई गया।

14 यीशु जिस लै पतरस दे घर आया, ते ओस ने ओहस दी ससु गी बमार पेदा दिखया। 15 ओस ने ओस दा हत्थ छूता ते ओस दा बमार उतरी गया, ते ओह उठीयै ओस दी सेवा करना लगी। 16 जिस लै शाम होई उस बेलै ओह ओस दे कोल मते सारें लोकेँ गी लेई आए जिंदे बीच दुष्टात्मां हियाँ ते ओस ने उन्हेँ आतमां गी अपने बचन कन्ने कड्डी दीता; ते सारें बमारें गी चंगा कीता। 17 तां जे जेका बचन यशयाह भविष्यवक्ता दे दवारै आखया गया हा ओह पूरा होए: " ओस ने अप्पू गै साडी दुर्बलतें गी लेई लीता ते साडीयें बमारियें गी चुकी लीता।"

18 यीशु ने जिस लै अपने चोह्नीं बकखी इक बडी भीड दिखी ते झील दे ओस पार जाने दी आया दीती। 19 उस बेलै इक शास्त्री ने कोल आइयै ओस

कन्ने आख्या, " ऐ गुरु, जिर्थे किते तू जाह्या, मैं तेरै पीछे होई जाह्या।" 20 यीशु ने ओस कन्ने आख्या, " लोमडीये दे भट ते अंबर दे पैछीये दे बसेरे होंदे न; लेकन मनुख दे पुत्तर आस्तै सिर रखने दा भी थाह नेइये।" 21 इक होर चले ने ओस कन्ने आख्या, " ऐ प्रभु, मीगी पैहें जानां दे के अपने प्यो गी दब्बां।" 22 यीशु ने ओस कन्ने आख्या, " तू मेरे पीछे चली आ, ते मुडदे गी अपने मुडदे दब्बना दे।"

23 जिस लै ओह किशती उप्पर चढ़या, ते ओस दे चले ओस दै पीछे होई गे। 24 ते दिखो, झील दे बीच इक ऐ सा बडा तूफान उठेया के किशती लैहें कन्ने ढकोना लगी, ते ओह सोह करदा हा। 25 उस बेलै चेलें कोल आईये उसी जगाया ते आख्या, " ऐ प्रभु, असें गी बचा, अस्स नष्ट होई जनेयां न।" 26 ओस ने उन्हें गी आख्या, ऐ थोड़ा विश्वास करने आह्लेयो, की डरदे हो ?" उस बेलै ओहस ने अंधी ते पानी गी डानटेया, ते सब शान्त होई गया। 27 ते ओह अचम्भा करीये आखना लगे, " ऐ कदेया मनुख ऐ के अंधी ते पानी भी ओस दी आग्या मनदे न।"

28 जिस लै ओह ओस पार गदेरनिथें दै देशे च पुज्रया, ते दो मनुख जिंदे बीच दुश्टआत्मां थीयां कब्रं बीचा निकलदे होई ओस कन्ने मिले। ओह इन्ने तेज तरार हे के कोई भी ओस रस्ते कोलां जाई नेई सकदा हा। 29 उन्हें कलाइये आख्या, " ऐ परमातमा दे पुत्तर, साड़ा तेरै कन्ने के कम्म ? के तू समें कोलां पैलें असें दुःख देने इर्थे आए दा ऐ ? 30 उंदे कोलां किश दूर मते सारें सूरें दा झुण्ड उर्थे चरा करदा हा। 31 दुश्टआत्में उसी ऐ अखीये बिनती कीती, " जे तू असें कडना ऐ, तां सूरें दे झुण्ड च भेजी दे। 32 ओस ने उसी आख्या, " जाओ !" ते ओह निकलिये सूरें च पौहच गेइं ते दिखो, सारा झुण्ड काड़ाइे कोलां झपटीये पानीये बीच जाई पेया, ते डुब्बी मरया। 33 उंदे चरवाहे नस्से, ते नगर च जाइये ऐ सब गल्लां ते जिंदे बीच दुश्टआत्मां थीयां उंदा सारा हाल आखी सनाया। 34 उस बेलै सारे नगर दे लोग यीशु कोल भेंट करने गी निकली आए, ते उसी दिखिये बिनती कीती के साडी सीमा कोलां चली जा।

9 फिरी ओह किशती उप्पर चड़ीये पार गया, ते अपने नगर च आया। 2 ते दिखो, कई लोग लकवा दे इक रोगी गी खटे उप्पर रखीये ओस दे कोल लेई आए। यीशु ने उंदा विश्वास दिखीये, ओस लकवे दे रोगी गी आख्या, " ऐ पुत्तर, ढाढस बन्न; तेरे पाप माफ होए।" 3 एस उप्पर कई शास्त्रीये सोचया, " ऐ तां परमातमा दी निंदा करदा ऐ।" 4 यीशु ने उंदे मने दी गल्ल जानीये आख्या, " तुस लोग अपने अपने मनें च बुरे बुरे बिचार की करा करदे हो ? 5 ठीक के ऐ ? ऐ आखना, ' तेरे पाप माफ होए ' जां ऐ आखना, ' उठ ते चल फिर।' 6 लेकन इस आस्तै के तुस जानी लेओ के मनुख दे पुत्तर गी धरती उप्पर पाप माफ करने दा हक ऐ।" उस बेलै ओस ने लकवे दे रोगी गी आख्या, " उठ ते अपनी खाट चूक, ते अपने घर चली जा।" 7 ओह उठीये अपने घरे गी चली गया। 8 लोग ऐ दिखीये डरी गे ते परमातमा दी मैहा करना लगे जिस ने मनुख गी ऐ सा हक दीते दा ऐ।

9 उत्थुंआं अगें बदीये यीशु ने मत्ती नां दे इक मनुख गी महसूल दी चोकी उप्पर बैठ दा दिखया, ते उसी आख्या, " मेरै पीछे होई जा।

10 जिस लै ओह रुट्टी खाने आस्तै बैठया तां मते सारे महसूल लेने आह्ले ते पापी आईये यीशु ते ओस दे चेलें कन्ने खाने बैठे। 11 ऐ दिखीये फरीसीये ओस दे चेलें गी आख्या, " तुंदा गुरु महसूल लेने आह्ले कन्ने ते पापीये कन्ने की खंदा ऐ ?" 12 ऐ सुनीये यीशु ने उंदे कन्ने आख्या, " वहीम भले चंगे आस्तै नेई लेकन बमारें आस्तै जरूरी ऐ। 13 इसे आस्तै तुस जाईये एस दा अर्थ सीखी लियो: ' मैं बलिदान नेई लेकन दया चाह्ना ऐं। की वे मैं धर्मिये गी नेई, लेकन पापिये गी बुलाने आएदा ऐं।

14 उस बेलै यूहन्ना दे चेलें ओस दे कोल आईये आख्या, " के कारण ऐ के आस ते फरीसी इना उपवास करने न, ते तेरे चले उपवास नेई करदे ?"

15 यीशु ने उन्हें गी आख्या, " के बराती, जिस लै तकर दूल्हा उंदे कन्ने ऐ, शोक करी सकदे न ? लेकन ओह दिन आई जाने न जिस लै दूल्हा उंदे कोलां बाख किता जाग, ओस समें ओह उपवास करघन। 16 कोरे कपड़े दा पैबन्द पराने कपड़े उप्पर कदें भी नेई लाह्दा, की वे ओह पैबन्द ओस कपड़े कोलां किश होर गै खीची लैदा ऐ, ते ओह मता फटी जंदा ऐ। 17 ते लोग नमां दाखरस परानी मशकें च नेई भरदे ऐं, की वे ऐ सा करदे मशकां फटी जांदीयां

न ते दाखरस रुट्टी जांदा ऐ ते मशकां नष्ट होई जांदीयां न; लेकन नमां दाखरस नर्मी मशकें च भरदे न ते ओह दोनो बचे रौहदे ना।"

18 ओह उंदे कन्ने ऐ गल्लां आखा ही करदा हा, के दिखो इक सरदार ने आइये उन्हें गी प्रणाम कीती ते आख्या, मेरी पुत्री हून मरी ऐ, लेकन चलीये अपना हत्थ ओस उप्पर रख, ते ओह जींदा होई जाग।" 19 यीशु उठीये अपने चेलें समेत ओस दे पीछे होई गया। 20 ते दिखो, इक घरेआली ने जीसी बारां सालें कोलां खून निकलने दी बमारी ही, पीछे दा आइये ओस दे कपड़े गी छुई लैता। 21 की वे ओह अपने मने च आखदी ही, " जे मैं ओस दे कपड़े गी गे छुई लेगी तां चंगी होई जागी।" 22 यीशु ने फिरीये उसी दीखया ते आख्या, " पुत्री ढारस रख; तेरे विश्वास ने तुगी चंगा कीता ऐ। ऐ दे ' ने ओह घरेआली उसें बेलै चंगी होई गयी। 23 जिस लै यीशु ओस सरदार दे घरे च पुज्रया ते बाँसरी बजाने आह्ले ते भीड़ गी हुल्लड़ मचांदे दीखया, 24 उस बेलै आख्या, " हटी जाओ, कुडी मरी नेई, लेकन सुती दी ऐ।" एस दे उप्पर ओह हसना लगे। 25 लेकन जिस लै भीड़ हटी गयी, ते ओस ने कोल जाईये कुडी दा हत्थ पकड़या, ते ओह जी उठी। 26 ते एस गल्ल दी चर्चा ओस सारै देशे च फैली गयी।

27 जिस लै यीशु उत्थां अगें बदया, ते दो अन्ने ओस दै पीछे ऐ पुकारदे गए, " ऐ दाऊद दी संतान, साडे उप्पर दया कर !" 28 जिस लै ओह घरे च पुज्रया, ते ओह अन्ने ओस दे कोल आए, ते यीशु ने उन्हें आख्या, " के तुसें गी विश्वास ऐ के मैं ऐ करी सकना ऐ? उन्हें उंदे कन्ने आख्या " हां, प्रभु !" 29 ओस बेलै ओस ने उंदी अक्खीं छुइये आख्या, " तुंदे विश्वास दे मताबक तुंदे आस्तै होऐ।" 30 ते उंदी अक्खीं खुली गेईयां। यीशु ने उन्हें गी चताईये आख्या, " सावधान, कोई एस गल्ले गी नेई जाने। 31 लेकन उन्हें निकलीये सारै देशे च ओस दा यश फैलाइ दीता।

32 जिस लै ओह बार जा करदे हे, ते दिखो, लोग इक गुंगे गी जेहस दे बीच दुश्टआत्मा ही, ओस दे कोल लेई आए; 33 ते जिस लै दुश्टआत्मा कडी दीती, ते गुंगा बोलना लगया। एस दे उप्पर भीड़ ने अचम्भा करीये आख्या, " इस्राएल च ऐ सा कदें दिखया गया।" 34 लेकन फरिसिये आख्या, " ऐ तां दुश्टआत्मां दे सरदार दी मदद कन्ने दुश्टआत्मां गी कडदा ऐ।"

35 यीशु सब नगरें ते ग्रां च फिरदा रेया ते उंदे अराधनालें च उपदेश करदा, ते राज दा सुसमाचार परचार करदा, ते हर किसम दी बमारी ते दुर्बलता गी दूर करदा रेया। 36 जिस लै ओस भीड़ गी दीखया ते उसी लोकें उप्पर तरस आया, की वे ओह उन भिड़ुं जेया जिंदा कोई रखवाला नेई होऐ, व्याकुल ते भटके जेह हे। 37 उस बेलै ओस ने अपने चेलें गी आख्या, " पके खेत ते मते न लेकन मजदूर थुडे न। 38 इसे आस्तै खेत दे स्वामी अगें बिनती करो के ओह अपने खेत कटने आस्तै भेजी दिये।"

10 फिरी ओस ने अपने बारां चेलें गी कोल सदीये, उन्हें गी अशुद्ध आत्मां उप्पर अधिकार दीता के उन्हें कडै ते सब किसम दी दुर्बलते गी दूर करै।

2 एन बारां प्रेरितां दे नां ऐ न: पैह्ना शमौन, जेका पतरस आखा जांदा ऐ, ते ओस दा प्रा अन्द्रियास; जबदी दा पुत्तर याकूब, ते ओस दा प्रा यूहन्ना; 3 फिलिप्पुस, ते बरतुल्मै, थोमा, ते महसूल लेने आह्ला मत्ती, हलफई दा पुत्तर याकूब, ते तदे, 4 शमौन कनानी, ते यहूदा इस्करियोती जिस ने उसी पडकाई भी दीता।

5 इन्हें बारें गी यीशु ने ऐ आग्या देइये भेजया: " अन्यजातिये दी बक्खी नेई जायो, ते सामरिये दे किसै नगर च परवेश नेई करयो। 6 लेकन इस्राएल दे घराने दी गै गुआची दी भिडुं दे कोल जायो। 7 ते चलदै चलदै ऐ परचार करो: ' सुर्ग दा राज नेडे आई गेदा ऐ।' 8 बमारें गी चंगा करो, मरें गी जिंदा करो, कोदिये गी शुद्ध करो, दुश्टआत्में गी कड्डो। तुसें संत मंत पाएदा ऐ, संत मंत दीयो। 9 अपनं पटुके च ना गै सुन्ना, ते ना रूपा, ते ना गै तांबा रखयो; 10 रस्ते आस्तै झोली नेई रखो, ना दो कुरते, ना नूकां ते ना सोटी लेओ, की वे मजदूर गी ओस दी रुट्टी मिलनी चाहीदी।

11 ' जिस किसै ग्रां जां नगर च जाओ, ते पता करो के उर्थें कुन्न काबल ऐ। ते जिस लै तकर उत्थां दा नेई निकलो, ओस दे उर्थें गै रवो। 12 घर बीच परवेश करदे गै ओस गी आशीष देयो। 13 जे ओस घर दे लोग काबल होंघन तां तुंदा कल्याण उंदे उप्पर पुज्रग, लेकन जे ओह काबल नेई होंन ते तुंदा

कल्याण तुंदे कोल मुडी जाग। 14 जेका कोई तुसें गी ग्रैह नेई करै ते तुंदी गल्लां नेई सुनें, ओस घर जां ओस नगर बीचा निकलदे होई अपने पैरें दी मिट्टी फंडी अवो। 15 मैं तुंदे कन्ने सच आखना ऐ के न्याय दे दिन ओस नगर दी दशा कोलां सदोम ते अमोरा दे देश दी दशा मती सैहे योग्य होग।

16 'दिखो, मैं तुसें भीडुं दे समान भेडीयें दे बीच भेजना ऐं, इसे आस्तै सप्पे दे समान बुद्धिमान ते कबूतर दे समान भोले बनो। 17 लेकन लोकें कोलां सावधान रवो, की वे ओह तुसें गी महासभां दे बीच सोंपघन, ते अपनी पंचायतें च तुसें गी कोड़े मारघन। 18 तुस मेरे आस्तै हकीम ते राजा दे सामने उंदे उप्पर, ते अन्यजातियें उप्पर गुआइ होने आस्तै पजाई जाहगे। 19 जिस लै ओह तुसें पडकाघन ते ऐ चिंता नेई करयो के आहस किस रीती कन्ने जां के आखगे, की वे जे किश तुसें गी आखना होग, ओह उसै समैं तुसें गी सनाई दीता जाग। 20 की वे बोलने आह्ले तुस नेई हो, लेकन तुंदे प्यो दा आत्मा तुंदे बीच बोलदा ऐ।

21 'प्रा, प्रा गी ते प्यो पुत्तर गी, मारने आस्तै सोंपघन, ते बच्चे मां प्यो दै बरोध बीच उठीयें उन्हें गी मराई जांघन 22 मेरे नां दै कारण सब लोग तुंदे कन्ने बैर करघन, लेकन जेका अंत तक र धीरज करग उसी का उद्धार होग। 23 जिस लै ओह तुसें इक नगर बीच सतांघन, ते दुए गी नसी जायो। मैं तुंदे कन्ने सच आखना ऐ, तुस इस्राएल दे सारे नगर बीच नेई फिरी जाहगे के मनुख दा पुत्तर आई जाग।

24 'चेला अपने गुरु कोलां बड्डा नेई होंदा; ते ना दास अपने स्वामी कोलां। 25 चेले दा गुरु दे, ते दास दा स्वामी दे बराबर होना गै बौहट ऐ। जिस लै उन्हें घरे दे स्वामी गी शैतान आखया ते ओस दे घरे आह्लें गी के किश नेई आखघन !

26 'इसे आस्तै मनुख कोलां मत डरयो; की वे किश डके दा नेईयें जेका खोला नेई जाग, ते ना किश शपे दा जेका जाना नेई जाग। 27 जे मैं तुंदे कन्ने न्हरे च आखना ऐ, उसी तुस लोई बीच आखो; ते जे कनैं कान सुनदे हो, उसी छतें उप्पर परचार करो। 28 जेहके शरीर गी मारी सकदे न, लेकन आत्मा गी मारी नेई सकदे, उंदे कोलां मत डरयो; लेकन ओह दे कोलां डरयो, जेका आत्मा ते शरीर दोनें गी नरक बीच नाश करी सकदा ऐ। 29 के पैसैं कोलां दो गौरैयां नेई बिकदीं ? तां भी तुंदे प्यो दी इच्छा दे बगैर उंदे बीचा इक भी धरती उप्पर नेई पेई सकदीं। 30 तुंदे सिरे दे बाल भी सब गिने देंन।

31 इसे आस्तै डरो नेई; तुस मतीं गौरैयां कोलां बद हो।

32 'जेका कोई मनुख दै सामने मीगी मनी लैहग, उसी मैं भी अपने सुर्गीय प्यो दै सामने मनी लैहगा। 33 लेकन जेका कोई मनुख दै सामने मेरा इनकार करग, ओस कन्ने मैं भी अपने सुर्गीय प्यो दै सामने इनकार करगा।

34 'ऐ ना समझो के मैं धरती उप्पर मिलाप कराने आएदा ऐं; मैं मिलाप कराने नेई, लेकन तलवार चलाने आएदा ऐं। 35 मैं ते आएदा ऐं के: 'मनुख गी ओहस दे प्यो कोलां, ते कुडी गी ओस दी मां कोलां, ते नूह गी ओस दी ससु कोलां बक्ख करी देयां; 36 मनुख दे भैरी ओस दे घरे दे लोग गै ओघन।'

37 'जेका मां जां प्यो गी मेरे कोलां मता प्यारा जानंदा ऐ, ओह मेरे काबल नेईयें; 38 ते जेका अपना क्रूस लेईयें मेरे पीछें नेई चलें ओह मेरे काबल नेईयें। 39 जेका अपना प्राण बचांदा ऐ, ओह उसी खोग; ते जेका मेरे कारण अपना प्राण खोंदा ऐ, ओह उसी पाहग।

40 'जेका तुसें ग्रैह करदा ऐ, ओह मीगी ग्रैह करदा ऐ; ते जेका मीगी ग्रैह करदा ऐ, ओह मेरे भेजने आह्लें गी ग्रैह करदा ऐ। 41 जेका भविष्यवक्ता गी भविष्यवक्ता जानीयें ग्रैह करै, ओह भविष्यवक्ता दा बदला पाहग; ते जेका धर्मी गी धर्मी जानीयें ग्रैह करै ओह धर्मी दा बदला पाहग। 42 जेडा कोई इंदे निकां बीचा इक गी मेरा चेला जानीयें सिर्फ इक कटोरा ठंडा पानी पलाए, मैं तुंदे कन्ने सच आखना ऐ, ओह किसी रीती कन्ने अपना प्रतिफल नेई खोग।'

11 जिस लै यीशु अपने बारें चेलें गी आग्या देई चुकया, ते ओह उंदे नगरें च उपदेश ते परचार करने गी उत्थां दा चली गया। 2 यूहन्ना ने बन्दीगृह च मसीह दे कम्में दा समाचार सुनया ते अपने चेलें गी ओस कन्ने ऐ पूछने भेजया, 3 'के आने आह्ला तू ऐं, जां अस्स किसे दुए रस्ते दी तलाश करचै " 4 यीशु ने जबाव दीता, जे किश तुस सुनदे हो ते दिखदे हो, ओह सब जाइयै यूहन्ना कन्ने आखी दीयो, 5 के अन्ने दिखदे न ते लंगड़े चलदे फिरदे न,

कोडी शुद्ध किते जांदे न ते बैरे सुनदे न, ते कंगालें गी सुसमाचार सनाया जांदा ऐ। 6 ते धन्य ऐ ओह, जेहके मेरे कारण ठोकर नेई खांह।"

7 जिस लै ओह उत्थां दा चली गे, ते यीशु यूहन्ना दे बारे च लोकें गी आखना लगया, " तुस जंगल च के दिखने गेदे हे ? के अक्वा कोलां हिल्दे ओए सरकंडे गी ? 8 फिरी तुस के दिखने गेदे हे ? के कोमल कपड़े लाएदे मनुख गी ? दिखो, जेहके कोमल कपड़े लांहदे न, ओह राज भवनें च रौंहदे न। 9 तां फिरी की गे हे ? के किसे भविष्यवक्ता गी दिखने गी ? हां, मैं तुंदे कन्ने आखना ऐं के भविष्यवक्ता कोलां भी बड्डे गी। 10 ऐ उए ऐ जिस दे बारें च लिखे दा ऐ: 'दिख, मैं अपने दूत गी तेरे अगमें भेजना ऐ, जेका तेरे अगमें तेरे रस्ते गी तैयार करग।' 11 मैं तुंदे कन्ने सच आखना ऐ के जेहके जनानियां कोलां जम्मे दे न, उंदे बीचा यूहन्ना बपतिस्मा देने आह्ले कोलां कोई बड्डा नेई ओया; लेकन जेका सुर्ग दे राज बीच निक्का कोलां निक्का ऐ ओह ओस कोलां बड्डा ऐ। 12 यूहन्ना बपतिस्मा देने आह्ले दे दिनें च हून तक सुर्ग दे राज बीच जबरदस्ती परवेश होंदा रेया ऐ, ते बलवान उसी खुसी जांदे न। 13 यूहन्ना तक सारे भविष्यवक्ता ते व्यवस्था भविष्यवाणी करदे रेह। 14 ते चाहो ते मन्ने के एलियाह जेका आने आह्ला हा, ओह इय्यै। 15 जिस दे सुनने दे कान होंन, ओह सुनी लै।

16 "मैं एस समें दे लोकें दी उपमा के स कन्ने दीयां ? ओह उन बच्चें दे समान न, जेहके बजारें च बैठे दे इक दुए गी पुकारीयें आखदे न: 17 'असैं तुंदे आस्तै बौंसरी बजाई, ते तुस नेई नच्चे; असैं विलाप कीता, ते तुसें छाती नेई पीटी।' 18 की वे यूहन्ना नेई खंदा आया ते नेई पिंदा आया, ते ओह आखदे न 'ओस दे बीच दुष्टआत्मा ही।' 19 मनुख दा पुत्तर खंदा पिंदा आया 'दिखो, पेटू ते पियक्कड मनुख, महसूल लेने आह्लें ते पापियें दा मित्तर !' लेकन ज्ञान अपने कम्में कोलां सचा ठैहाया गया ऐ।"

20 उस बेलें ओह उन्हें नगरें गी उलाहना देने लगया, जिस दे बीच ओस मते सारे सामर्थ दे कम्म कीते हे, की वे उन्हें अपना मन नेई फिरादा हा। 21 'हाए, खुराजीन ! हाय, बैतसदा ! जेहके सामर्थ दे कम्म तुंदे बीच कीते गे, जे ओह सूर ते सैदा बीच कीते जांदे, ते टाट ओढीयें, ते सुआह बीच बेईये ओह कदून दा मन फिराई लेंदे। 22 लेकन मैं तुंदे कन्ने आखना ऐ के न्याय दे दिन तुंदी दशा कोलां सूर ते सैदा दी दशा मती सैहे जोहग होनी। 23 हे कफरनहूम, के तू सुर्ग तक उच्चा कीता जाग ? तू ते अधोलोक तक थले कीता जाहगा! जेहके सामर्थ दे कम्म तुंदे बीच कीते गे न, जे सदोम बीच कीते जंदे, ते ओह अज तक बना रौंहदा। 24 लेकन मैं तुंदे कन्ने आखना ऐं के न्याय दे दिन तेरी दशा कोलां सदोम दी दशा मती सैहे जोहग होग। "

25 उसे बेलें यीशु ने आखया, " हे, पिता, सुर्ग ते धरती दे प्रभु, मैं तेरा शुक्र करना ऐं के तो इन्हें गल्लें गी ज्ञानी ते समझदारां कोलां छप्पाई रखेया, ते बच्चें उप्पर प्रगट कीता ऐ। 26 हाँ, हे पिता, की वे तुगी इयै अच्छा लगया।

27 'मेरे प्यो ने मीगी सब किश सौंपी दीते दा ऐ। ते कोई पुत्तर गी नेई जानदा, सिर्फ प्यो; होर कोई प्यो गी नेई जानदा, सिर्फ पुत्तर; ते ओह जिस उप्पर पुत्तर उसी प्रगट करना चाह।

28 'हे सारे परिश्रम करने आह्लेयो ते बोझ कन्ने दबे दे लोको, मेरे कोल आओ; मैं तुसें गी चैन देगा। 29 मेरा जुंगला अपने उप्पर चुकी लैओ, ते मेरे कोलां सीखी लैओ; की वे मैं मने बीच नम्र ते दीन ऐं: ते तुस अपने मने बीच चैन पाहगे। 30 की वे मेरा जुंगला सैहज ते मेरा बोझ हल्का ऐ।"

12 ओस दिन यीशु सब दे दिन खेतें बीचा होइयै जा करदा हा, ते ओस दे चेलें गी भुक्ख लगी ते ओह बालें तोड़ी - तोड़ी खाना लगे 2 फरिसियें ऐ दिखियें उसी आखया, " दिख, तेरे ओह कम्म करा करदे न, जेका सब दे दिन करना ठीक ने इयै।" 3 ओस ने उन्हें गी आखया, के तुसें नेई पढ्या, के दाऊद ने, जिस लै ओह ते ओस दे साथी भूखे होए ते के कीता ? 4 ओह किय्यां परमात्मा दे घर गया, ते भेंट कीती दिव्यां रुट्टीयां खादीयां, जिन्हें गी खाना न गै उसी ते न गै ओस दे साथीयें गी लेकन सिर्फ याजकें गी ठीक हा ? 5 जां के तुसें व्यवस्था बीच नेई पढ्या के याजक सब दे दिन मंदर च सब दे दिन दी बिधि गी तोड़ीयै भी निर्दोष ठैहदे न ? 6 लेकन मैं तुंदे कन्ने आखना ऐ के इत्थें ओह ऐ जेका मंदर कोलां भी बड्डा ऐ। 7 जे तुस इस दा मतलब जानदे, 'मैं दया कन्ने खुश होना बलिवान कन्ने नेई, तां तुस निर्दोष गी दोषी नेई ठैहांदे। 8 मनुख दा पुत्तर ते सब दे दिन दा भी प्रभु ऐ।"

9 उत्थें दा चलियै ओह उंदे अराधनालय बीच आया। 10 उत्थें इक मनुख हा, जिस दा हत्थ सुके दा हा। उन्हें यीशु उप्पर दोष लाने आस्ते उसी पुछ्या, " के सब्त दे दिन चंगा करना ठीक ऐ ? 11 ओस ने उंदे कन्ने आख्या, " तुंदे बीच ऐ सा के डा ऐ जिस दी इक गै भिड्डु होए, ते ओह सब्त दे दिन गडे च किरि जा, ते उसी पकडीयै नेई कडै ? 12 भला, मनुख दा मूल भिड्डु कोलां किन्ना मता ऐ ! इसे आस्तै सब्त दे दिन भलाई करना ठीक ऐ।" 13 उस बेलै ओस ने ओस मनुख गी आख्या, " अपना हत्थ बधा। "ओस ने बधाया, ते ओह फिरी दुए हत्थ जेया अच्छा होई गया। 14 उस बेलै फरीसीयें बार जाईयै ओस दे बिरोध च सम्मति किती के उसी किस चाली नष्ट करचे।

15 ऐ जानीयै यीशु उत्थां दा चली गया। ते मते लोग ओस दे पीछें होई गे, ते ओस ने सारें गी चंगा किता, 16 ते उन्हें गी चताया के मीगी प्रगट नेई करयो, 17 तां जे जेका बचन यशायाह भविष्यवक्ता दे द्वारै अखे गेदा हा, ओह पूरा होए:

18 ' दिखो, ऐ मेरा सेवक ऐ, जिसी मैं चुने दा ऐ; मेरा प्यारा, जिस कन्ने मेरा मन प्रसन्न ऐ: मैं अपना आत्मा ओस बीच पाह्या, ते ओह अन्य जातीयें गी न्याय दा समाचार देह्य।

19 ओह ना झगड़ा करग, ते ना धूम मचाह्य, ते ना बजारें च कोई ओस दा शब्द सुनग।

20 ओह कुचले दे सरकंडे गी नेई तोडग, ते धूआ दिंदी बत्ती गी नेई सालग, जिस लै तकर ओह न्याय गी प्रबल नेई करग।

21 ते अन्य जातियां ओस दे नां उप्पर आशा रखघन।"

22 उस बेलै लोग इक अन्ने - गुंगे गी जिस बीच दुष्ट आत्मा हियां, ओस दे कोल लेई आए; ते ओस ने उसी अच्छा कीता, ते ओह बोलना ते दिखना लगया। 23 एस दे उप्पर सारे लोग हरान होईयै आखना लगे, "ऐ के दाऊद दी संतान ऐ !" 24 लेकन फरिसियें ऐ सुनियै आख्या, " ऐ ते दुष्ट आत्मा दे सरदार बालजबूल दी मदद दे बगैर दुष्ट आत्मा गी नेई कडदा।" 25 ओस ने उंदी मने दी गल्ल जानीयै उन्हें गी आख्या, " जिस किसै राज बीच फुट होंदी ऐ, ओह उजड़ी जांदा ऐ; ते कोई नगर जां घराना जिस दे बीच फुट होंदी ऐ, बना नेई रोह्य। 26 ते जे शैतान गै शैतान गी कडै, ते ओह अपना गै बरोधी होई गया ऐ; फिरी ओस दा राज किय्यां बना रोह्य ? 27 भला, जे मैं शैतानं दी मदद कन्ने दुष्ट आत्मा गी कडना ऐं, ते तुंदे वंश किस दी मदद कन्ने कडदे न ? इसे आस्तै ओह गै तुंदा न्याय करघनं ? 28 लेकन जे मैं परमातमा दी आत्मा दी मदद कन्ने दुष्ट आत्मा गी कडना ऐं ते परमातमा दा राज तुंदे कोल आई गेदा ऐ। 29 जां किय्यां कोई मनुख किसै बलवन्त दे घरै बीच जाईयै ओस दा माल लुटी सकदा ऐ जिस लै तकर पैलें ओस बलवन्त गी नेई बन्नी लैह ? उस बेलै ओह ओस दा घर लुटी लैह्य। 30 जेका मेरे कन्ने नेईयै ओह मेरे बरोध बीच ऐ, ते जेका मेरे कन्ने नेई बटोरदा ओह खलारदा ऐ। 31 इसे आस्तै मैं तुंदे कन्ने आखना ऐ के मनुख दा सब किसमें दा पाप ते निंदा माफ किती जाग, लेकन पवित्र आत्मा दी निंदा माफ नेई किती जाग। 32 जेका कोई मनुख दे पुत्र दे बरोध बीच कोई गल्ल बोलग, ओस दा ऐ पाप माफ किता जाग, लेकन जेका कोई पवित्र आत्मा दे बरोध बीच किश बोलग, ओस दा अपराध ना एस लोक बीच ते ना गै परलोक बीच माफ किता जाग।

33 ' जे रुक्ख गी अच्छा आखो, ते ओस दे फल गी भी अच्छा आखो, जां रुक्ख गी नकम्मा आखो; ते ओस दे फल गी भी नकम्मा आखो; की वे फल अपने रुक्ख कोलां गै पछाना जांदा ऐ। 34 ऐ सप्प दे बच्चो, तुस बुरे होंदे होई किय्यां अच्छी गल्लां आखी सकदे हो ? की वे जे मने बीच भरे दा ऐ, उए मूह बीच आंदा ऐ। 35 भला मनुख मन दे भले भंडार कोलां भली गल्लां कडदा ऐ, ते बुरा मनुख बुरे भंडार कोलां बुरी गल्लां कडदा ऐ। 36 ते मैं तुंदे कन्ने आखना ऐ के जेडी नकम्मी गल्लां मनुख बोलघनं, न्याय दे दिन ओह हर इक गल्ल दा लेखा देंघन। 37 की वे तू अपनी गल्लां कोलां निर्दोष ते अपनी गल्लां कोलां गै दोषी ठराया जागा।

38 एस दे उप्पर किश शास्त्रीयें ते फरिसियें उसी आख्या, हे गुरु, आहस तेरे कोलां इक चि'न्न दिखना चाहेयां न। 39 ओस ने उन्हें गी उत्तर दीता, " एस युग दे बुरे ते व्यभिचारी लोग चि'न्न तुपदे न, लेकन योना भविष्यवक्ता दे चि'न्न गी शुडीयै कोई होर चि'न्न उन्हें गी नेई दीता जाग। 40 योना त्रै रात दिन जल जन्तुए दे टिड्डे च रेया, इय्यां गै मनुख दा पुत्र भी त्रै रात दिन धरती दे

अंदर रोह्य। 41 नीनवे दे लोग न्याय दे दिन एस युग दे लोकें कन्ने उठियै उन्हें गी दोषी ठैहाघनं, की वे उन्हें योना दा प्रचार सुनीयै मने गी फराया; ते दिखो, इत्थें ओह ऐ जेका योना कोलां भी बड्डा ऐ। 42 दक्षिण दी रानी न्याय दे दिन एस युग दे लोकें कन्ने उठीयै उन्हें दोषी ठैहाघनं, की वे ओह सुलेमान दा ग्यान सुनने आस्तै धरती दे छोर कोलां आई; ते दिखो, इत्थें ओह ऐ जेका सुलेमान कोलां भी बड्डा ऐ।

43 ' जिस लै अशुध्द आत्मा मनुख कोलां निकली जांदी ऐ, ते सूकै थार सुख तुपदी फिरदी ऐ, ते पांदी नेई। 44 उस बेलै आखदी ऐ, " मैं अपने उसै घरै बीच जिस्थां निकली ही, बापस चली जाना।" ते बापस जाइयै उसी सोह्ना, झाड़ा - बुहारा ते उसी सझा - सजाया पांदी ऐ। 45 उस बेलै अपने कोलां होर बुरी सात आत्मां गी अपने कन्ने लेई आंदीयां, ते ओह ओस बीच बेईयै उत्थें वास करदीयां न, ते ओस मनुख दी पिछली दशा पैह्ले कोलां भी बुरी होई जांदी ऐ। एस युग दे बुरे लोकें दी दशा भी इय्यै जेई होनी।"

46 जिस लै ओह लोकें कन्ने गल्लां करा दा गै हा, उस बेलै ओस दी मां ते प्रा बार खडोते दे हे ते ओस कन्ने गल्लां करना चांह्दे हे। 47 किसै उसी आख्या, " दिख, तेरी मां ते प्रा बार खडोते दे न, ते तेरे कन्ने गल्लां करना चांह्दे न।" 48 ऐ सुनीयै ओस आखने आह्लें गी जबाव दीता, " कु'न्न मेरी मां ? ते कु'न्न मेरे प्रा ? " ते अपने चेलें दी बकखी हत्थ बधाईयै आख्या, "दिखो, मेरी मां ते प्रा इय्यै न। 49 ते अपने चेलें दी बकखी हत्थ बधाईयै आख्या, "दिखो, मेरी मां ते प्रा इय्यै न। 50 की वे जेका कोई मेरे सुर्गीय प्यो दी इच्छा उप्पर चलै, उए मेरा प्रा ते मेरी पैन, ते मेरी मां ऐ।"

13 उसै दिन यीशु घरै दा निकलीयै झील दै कंडै जाई बैठा। 2 ते ओस दे कोल ऐ सी बड़ी भीड़ कड्डी होई के ओह किशती उप्पर चढ़ी गया, ते सारी भीड़ कंडै खडोती रेई। 3 ते ओस ने उंदे कन्ने दृष्टांतें च मती सारीयां गल्लां आख्यां: " इक बोने आह्ला बीह लाह्ले गी निकलया। 4 लांदै बेलै किश रस्तै कंडै किरे ते पैछियें आईयै चुगी लेता। 5 किश बीह पत्थरे आली धरती उप्पर किरे, जिस्थें उन्हें मती मिट्टी नेई मिली ते गैह्नी मिट्टी नेई मिलने दे कारण ओह जल्दी उगी आए। 6 लेकन सूरज निकलने मगरां ओह जली गए, ते जड ना पकडने मगरां सूकी गे। 7 किश बीह चूडीयें च किरे ते चुडीयें बधिये उन्हें गी दबाई लेता। 8 लेकन किश बीह अच्छी धरती उप्पर किरे ते फल लेई आए, कोई सौ गुना, कोई साठ गुना, ते कोई त्री गुना। 9 जिस दे कांन्न होंन ओह सुनी लैन।"

10 चेलें कोल आईयै ओस दे कन्ने आख्या, " तू लोकें कन्ने दृष्टांतें च की गल्लां करना ऐ ?" 11 ओस ने जबाव दीता, " तुसैं गी सुर्ग दे राज दे भेदें दी समझ दीती गेदी ऐ, लेकन उन्हें गी नेई। 12 की वे जिस दे कोल ऐ, उसी दीता जाग, ते ओस दे कोल होर होई जाग; लेकन जिस दे कोल किश भी नेईयै, ओस कोलां जे किश ओस दे कोल ऐ, ओह भी लेई लीता जाग। 13 मैं उंदे कन्ने दृष्टांतें च इसे आस्तै गल्लां करना ऐ के ओह दिखदे होई नेई दिखदे ते सुनदे होई नेई सुनदे, ते ना समझदे। 14 उंदे बारै च यशायाह दी ऐ भविष्यवाणी पूरी होंदी ऐ: ' तुस कन्न कन्ने ते सुनगे, लेकन समझगे नेई; ते अर्खी कन्ने ते दिखगे, लेकन तुसैं नेई सुजझग।

15 की वे इन्हें लोकें दा मन मुटा होई गेदा ऐ, ते ओह कन्न कन्ने उचा सुनदे न ते उन्हें अपनी अर्खी मिटी दीती दीयां न; कुत्तै ऐ सा नेई होए के ओह अपनी अर्खी कन्ने दिखन, ते कन्न कन्ने सुनन ते मन कन्ने समझन, ते फिरी जांह, ते मैं उन्हें गी चंगा करां। '

16 लेकन धन्य न तुंदी अखां, के ओह दिखदीयां न; ते तुंदे कन्न के ओह सुनदे न। 17 की वे मैं तुंदे कन्ने सच गलाना ऐं के मते सारे भविष्यवक्तै ते धर्मियें चाह्या के जेकी यां गल्लां तुस दिखदे हो, दिखो, लेकन नेई दिखियां; ते जेकी यां गल्लां तुस सुनदे हो, सुनो, लेकन नेई सुनीयां।

18 ' हूँ तुस बोने आह्ले दृष्टान्त दा मतलब सुनो: 19 जेका कोई राज दा बचन सुनीयै नेई समझदा, ओस दे मने बीच जे किश बोया गया हा, उसी ओह दुष्ट आईयै शडकाई लेई जंदा ऐ। ऐ उए ऐ, जेका रस्ते दे कंडै बोया गया हा। 20 ते जेका पथरीली धरती उप्पर बोया गया, एह ओह ऐ, जेका बचन सुनीयै झट - पट आनंद कन्ने मनी लैदा ऐ। 21 लेकन अपने च झड़ ना रखने दे कारण ओह थूडे गै दिने दा ऐ, ते जिस लै बचन दै कारण कलेश जां दुर्घटना होंदी ऐ, ते झट - पट ठोकर खंदा ऐ। 22 जेका चुडीयें च बोया गया, ऐ

ओह ऐ, जेका बचन गी सुनदा ऐ, लेकन एस संसार दी चिंता ते धन दा धोखा बचन गी दबांदा ऐ, ते ओह फल नेई लांदा। 23 जेका अच्छी धरती उप्पर बोया गया, ऐ ओह ऐ, जेका बचन गी सुनीयै समझदा ऐ, ते फल लांदा ऐ; कोई सौ गुना, कोई सड्ड गुना, ते कोई त्री गुना।"

24 यीशु ने उन्हें इक होर दृष्टान्त दीता: " सुर्ग दा राज ओस मनुख दे समान ऐ जिस ने अपने खेते च अच्छा बीह बोया। 25 लेकन जिस लै लोग सहा करदे हे ते ओस दा दुश्मन आईयै कन्नक दे बीच जंगली बीह लाइयै चली गया। 26 जिस लै कलीयां खिलीयां ते बालां लगीयां, ते जंगली दाने दे बूटे भी लबबे। 27 एस उप्पर करसान दे दासैं आईयै उसी आखया, ' ऐ स्वामी, के तो अपने खेते च अच्छा बीह नेई बोया हा ? फिरी जंगली दाने दे बूटे एस दे बीच कुत्थुं दा आए ? 28 ओस ने उसी आखया, ' ऐ किसे दुश्मन दा कम्म ऐ।' दासैं उसी आखया, ' के तेरी मर्जी ऐ के आहस जाईयै उन्हें गी किट्टे करचै ? ' 29 ओस ने आखया, ' नेई, ऐ सा नेई उए के जंगली दाने दे बूटे किट्टे करदैं होई तुस हूँदे कन्ने कन्नक भी पुट्टी लैओ। 30 कटोने तकर दोनीं गी इक साथ बदना दीयो, ते कटनी दे समैं में कटने आह्ले कन्ने आखगा के पैलें जंगली दाने दे बूटे किट्टे करियै जलाने आस्ते उंदे गट्टे बनी लेओ, ते कन्नक गी मेरे खत्ते बीच किट्टे करो । "

31 ओस ने उन्हें गी इक होर दृष्टान्त दीता: " सुर्ग दा राज ओह दे इक दाने दे समान ऐ, जीसी किसै मनुख ने लेइयै अपने खत्ते बीच लाई दीता। 32 ओह सारीं चीजां कोलां निक्का ते होँदा ऐ लेकन जिस लै ओह बदी जांदा ऐ उस बेलें सब साग - पात कोलां बड्डा होँदा ऐ; ते ऐ सा रुक्ख होई जांदा के अंबर दे पैँछी आईयै ओस दी डालीयै उप्पर बसेरा करदे न।"

33 ओस ने इक होर दृष्टान्त उन्हें गी सनाया: " सुर्ग दा राज खमीर दे समान ऐ जीसी किसै घरेआली ने लेइयै त्रै पसेर आटे च मिलाइ दीता ते होँदे - होँदे ओह सारा खमीरा होई गया।"

34 ऐ सारीं गल्लां यीशु ने दृष्टान्तें च लोकें कन्ने गलाइयां, ते बगैर दृष्टान्तै ओह उंदे कन्ने किश नी बोलदा हा, 35 के जेका बचन भविष्यवक्ता दे द्वारै आखा गया हा, ओह पूरा उए: " मैं दृष्टान्त बोलने आस्ते अपना मूह खोलगा: मैं उन्हें गल्लें गी जेटिकियां संसार दी शुरुआत कोलां गुप्त रेइयां न प्रगट करगा।"

36 उस बेलें ओह भीड़ गी शुडीयै घरे गी आया, ते ओस दे चेलें ओस दे कोल आईयै आखया, " खेत दे जंगली दानें दा दृष्टान्त असैं गी समझाई दे।"

37 ओस ने उन्हें गी जबाव दीता, " अच्छे बीह दा राह्णे आह्ला मनुख दा पुत्तर ऐ। 38 खेत संसार ऐ, अच्छा बीह राज दी संतान ते जंगली बीह दुष्ट दी संतान ऐ। 39 जिस दुश्मन ने उसी राह्या ओह शैतान ऐ; बाढी संसार दा अंत ऐ, ते बढने आह्ले सुर्गदूत न। 40 इस आस्ते जिय्यां जंगली दाने किट्टे किते जांदे ते जलाए जांदे न उय्यां गै संसार दे अंत च होना। 41 मनुख दा पुत्तर अपने सुर्गदूतें गी भेजग, ते ओह ओस दे राज बीचा सारे ठोकर दे कारणें गी ते कुकर्म करने आह्ले गी किट्टा करघन, 42 ते उन्हें अग्गी दे कुंड बीच सुटी देंघन, जित्थें रोना ते दंद पीह्ला होगा। 43 ओस बेलें धर्मी अपने प्यो दे राज बीच सूरज दे समान चमकन। जिस दे कन्न हॉन ओह सुनी लै।

44 ' सुर्ग दा राज खेत च छुपे दे धन दै समान ऐ, जीसी किसै मनुख ने पाया ते छुपाली दीता, ते खुशी दे मारै जाईयै अपना सारा किश बेची दीता ते ओस खेते गी खरीदी लेता।

45 ' फिरी सुर्ग दा राज इक बपारी दे समान ऐ जेका अच्छे मोतियें दी खोज बीच हा। 46 जिस लै उसी मँहगा मोती मिलया ते ओस ने जाइयै अपना सारा किश बेची दीता ते उसी खरीदी लेता।

47 ' फिरी सुर्ग दा राज ओस बडे जाल दै समान ऐ जेका समुंदर च सुट्ट्या, ते सब चाली दी मछीयें गी किट्टा करी लेई आया। 48 ते जिस लै जाल भरोई गया, ते मछुए उसी कुंडे खीची लेई आए, ते बेईयै अच्छी अच्छी ते भांडे च किट्टें कितियां ते नकम्मी सुटी दितियां। 49 संसार दे अंत बीच ऐ सा गै होगा। सुर्ग दूत आईयै दुष्टें गी धर्मियें कोलां बक्ख करघन, 50 ते उन्हें गी अग्ग दे कुंड बीच सुटी देंघन। जित्थें रोना ते दंदे गी पीह्ला होगा।

51 ' के तुसैं ऐ सारियां गल्लां समझियां ? " उन्हें उसी आखया, " हाँ। "

52 ओस ने उसी आखया, ' इसे आस्ते हर इक शास्त्री जेका सुर्ग दे राज दा

चेला बने दा ऐ, ओस करसान दे समान ऐ जेका अपने भंडार कोलां नमीं ते परानी चीजां कडदा ऐ।"

53 जिस लै यीशु ऐ सारे दृष्टान्त आखी चुकया, ते उत्थां दा चली गया। 54 ते अपने नगर बीच आईयै उंदे अराधनालें च उन्हें गी ऐ सा उपदेश देना लगया के ओह हरान होईयै आखना लगे, " इसी ऐ ग्यान ते शक्ति दे कम्म कुत्थुंआं मिले ? 55 के ऐ बढई दा जागत ते नेईयें ? ते के एस दी मां दा नां मरियम ते एस दे भ्रां दा नां याकूब, यूसुफ, शमौन ते यहूदा नेईयें ? 56 ते के एस दी सारियां भैह्लां साडें बीच नेई रौह्दियां ? फिरी उसी ऐ सब कुत्थुंआं मिलया ? "

57 इस आस्ते उन्हें ओस दे कारण ठोकर खादी, लेकन यीशु ने उंदे कन्ने गलाया, " भविष्यवक्ता दा अपने देश ते घरे गी शुडीयै कुतें भी बेजती नेई होंदी। " 58 ते ओस ने उत्थें उंदे अबिश्वास दे कारण मते सारे शक्ति दे कम्म नेई किते।

14 उस बेलें यरूशलेम कोलां किश फरीसी ते शास्त्री यीशु दे कोल आईयै आखना लगे, 2 ' तेरे चेले पुर्वजें दी परंपराऐं गी की टालदे न, के बगैर हत्थ धोते दै रूट्टी खंदे न ? "

3 ओस ने उन्हें गी जबाव दीता, "तुस भी अपनी परंपराऐं दे कारण की परमातमा दी आग्या गी टालदे ? 4 की वे परमातमा ने आख्या ऐ, 'के अपनी मां ते प्यो दा आदर करयो', ते 'जेका कोई प्यो ते मां गी बुरा बोलें, ओह मारी दीता जा।' 5 लेकन तुस आखदे हो के जे कोई अपने प्यो जां मां कन्ने बोलें ' जे किश तुगी मेरे कोलां फायदा पुज्जी सकदा हा, ओह परमातमा गी भेंट चढाई दिते दा ऐ ' ,

6 ते ओह अपने प्यो दा आदर नेई करै, इस आस्ते तुसैं अपनी परंपरा दे कारण परमातमा दा बचन टाली दीता। 7 एस दे उप्पर ओस कसम खाईयै बचन दीता, "जे किश तू मंगगी, मैं तुगी देगा। " 8 ओह अपनी मां दै उसकाने दे कारण बोली, " यूहन्ना बपतिस्मा देने आह्ले दा सिर थाले च इत्थें गै मीगी मंगाई दे। " 9 राजा दुखी ओया, लेकन अपनी कसम दे, ते कन्ने बैठने आह्ले दे कारण, आग्या दीती के देई दीता जा। 10 ते ओस ने जेलखाने च लोकें गी भेजीयें यूहन्ना दा सिर कटाई दीता; 11 ते ओस दा सिर थाले च लाई दीता गया ते कुडी गी दीता गया, जीसी ओह अपनी मां दे कोल लेई गया। 12 उस बेलें यूहन्ना दे चेले आए ते ओस दी लाश गी लेइयै दब्बी दीता, ते जाईयै यीशु गी समाचार दीता।

13 जिस लै यीशु ने ऐ सुनया, ते ओह किशती उप्पर चढीयै उत्थें दा किसै सुनसान थाह गी एकान्त च चली गया। लोग ऐ सुनीयै नगर नगर कोलां पैदल गै ओस दे पीछें होई गए। 14 ओस ने इक बड़ी भीड़ दिखी ते उंदे उप्पर तरस खादा, ते उंदे बमारें गी चंगा किता।

15 जिस लै शाम होई ते ओस दे चेलें ओस दे कोल आईयै आखया, " ऐ सुनसान थाह ऐ ते देर होआ करदी ऐ; लोकें गी विदा किता जा की वे बस्तियें च जाईयै अपने आस्ते रूट्टी खरीदी लेंन।" 16 लेकन यीशु ने उंदे कन्ने आखया, " उंदा जाना जरुरी नेईयै ! तू गै इन्हें खाने गी दे।" 17 उन्हें ओस कन्ने आखया, " इत्थें साडे कोल पंज रूट्टी ते दो मछियें गी शुडीयै और किश नेईयै। " 18 ओस ने आखया, " उन्हें गी मेरे कोल लेई आओ। " 19 उस बेलें ओस ने लोकें गी घाऽ उप्पर बैठने गी आखया, ते उन्हें पंज रूट्टीयां ते दो मछियें गी लेता; ते सुर्ग गी दिखीयें धन्यावाद किता ते रूट्टीयां पन्नी पन्नीयें चेलें गी दितीयां, ते चेलें लोकें गी। 20 जिस लै सारे खाइयै रज्जी गे, ते चेलें बचे दे टुकडें दीयां बारां टोकरियां चुकियां। 21 ते खाने आह्ले जनानियें ते बच्चें गी शुडीयै, पंज जहार मर्दें दै लगभग हे।

22 उस बेलें फोरन ओस ने अपने चेलें गी किशती उप्पर चढने आस्ते मजबूर किता के ओस कोलां पैलें पार चली जाह्ले, जिस लै तकर ओह लोकें गी विदा करै। 23 ओह लोकें गी विदा करीयै, प्रार्थना करने गी बखरे पहाड उप्पर चढी गया, ते शामी ओह उत्थें इकला हा। 24 ओस बेलें किशती झील दै बीच लैह्ले कन्ने डगमगा करदी ही, की वे अच्चा सामने दी ही। 25 ते यीशु रात दे चोथें पैह झील उप्पर चलदैं होई उंदे कोल आया। 26 चले उसी झील उप्पर चलदैं दिखीयै घबराई गए। ते आखना लगे, " ऐ भूत ऐ ! " ते डरें दै मारें कल्लां लगे। 27 उस बेलें फोरन यीशु ने उंदे कन्ने गल्लां कितियां ते आख्या, " ढाढस बन्नो ! मैं यां नेई डरो ! " 28 पतरस ने उसी जबाव दीता, " ऐ प्रभु जे

तू गै ऐं, ते मीगी अपने कोल पानी उप्पर चलीयै आने दी आग्या दे। " 29 ओस ने आख्या " आ ! " उस बेलै पतरस किशती उपरा उतरीयै यीशु दे कोल जाने आस्तै पानी उप्पर चलना लगया। 30 लेकन अक्वा गी दिखीयै डरी गया, ते जिस लै डूबना लगया ते करलाईयै बोलया, " ऐ प्रभु, मीगी बचा ! " 31 यीशु ने फोरन हत्थ बदाइयै उसी थमी लेता ते उसी आख्या, " ऐ अल्प बिशबासी, तो की शक किता ? " 32 जिस लै ओह किशती उप्पर चढ़ी गए, ते अक्वा थमोई। 33 एस दे उप्पर उन्हें जेहके किशती उप्पर हे, उसी दंडवत करीयै आख्या, " सच मुच, तू परमातमा दा पुत्तर ऐ। "

34 ओह पार उतरीयै गनेसरत पुज्जे। 35 उत्थे दै लोकें उसी पनछानी लेता ते आसै पासै दै सारै देशै च समाचार भेजया, ते सारैं बमारें गी ओस दे कोल लेई आए, 36 ते ओस अगें बिनती करना लगे के ओह उन्हें अपने कपडे दे आंचल गी गै छूना दीये; ते जिन्हें भी उसी छूता, ओह चंगे होई गए।

15 उस बेलै यरुशलेम कोलां किश फरीसी ते शास्त्री यीशु दे कोल आईयै आखना लगे, 2' तेरे चेले पुर्वजें दी परंपराएँ गी की टालदे न, के बगैर हत्थ धोते दै रूट्टी खंदे न ? " 3 ओस ने उन्हें गी जवाब दीता, " तुस भी अपनी परंपराएँ दे कारण की परमातमा दी आग्या गी टालदे ? 4 की वे परमातमा ने आख्या ऐ, 'के अपनी मां ते प्यो दा आदर करयो', ते 'जेका कोई प्यो ते मां गी बुरा बोलै, ओह मारी दीता जा।' 5 लेकन तुस आखदे हो के जे कोई अपने प्यो जां मां कन्ने बोलै 'जे किश तुगी मेरे कोलां फायदा पुज्जी सकदा हा, ओह परमातमा गी भेंट चढ़ाई दिते दा ऐ', 6 ते ओह अपने प्यो दा आदर नेई करै, इस आस्तै तुसै अपनी परंपरा दे कारण परमातमा दा बचन टाली दीता। 7 ऐ कपटियो, यशायहा ने तुंदे बारै च ऐ भविष्यवाणी ठीक गै किती ऐ:

8 ऐ लोग होठां कोलां ते मेरा आदर करदे न, लेकन उंदा मन मेरे कोलां दूर रौंहदा ऐ।

9 ते बेकार मेरी भक्ति करदे न, की वे मनुख दी विधियें गी धारमक उपदेश करियै सखांदे न। "

10 उस बेलै ओस ने लोकें गी अपने कोल बलाइयै उंदे कन्ने आख्या, " सुनो, ते समझो: 11 जे मूंह बीच जंदा ऐ, ओह मनुख गी अशुद्ध नेई करदा, लेकन जे मूंह बीचा निकलदा ऐ, उए मनुख गी अशुद्ध करदा ऐ। " 12 उस बेलै चेलें आईयै उसी आख्या, " के तू जानना ऐ के फरिसियें ऐ बचन सुनियें ठोकर खादी ? " 13 ओस ने जबाव दीता, " हर बूहटा जेका मेरे सुगीय प्यो ने नेई लाया, पुट्टी दीता जाग। 14 उन्हें गी जाना दियो; ओह अन्ने मार्गदर्शक न ते अन्ना जे अन्ने गी रस्ता दसै, ते दोनो खड्डे च किरी जांघन। "

15 ऐ सुनीयै पतरस ने ओस दे कन्ने आख्या, " ऐ दृष्टांत असें गी समझाई दे। " 16 ओस ने आख्या, " के तुस भी अय्यें तकर नासमझ हो ? 17 के तुस नेई जानंदे के जे किश मूंह बीच जंदा ओह टिड्डे बीच पाँदा ऐ, ते संडास कोलां निकली जंदा ऐ ? 18 लेकन जे किश मूंह बीच निकलदा ऐ, ओह मना बीच निकलदा ऐ, ते उए मनुख गी अशुद्ध करदा ऐ। 19 की वे बुरे बिचार, हत्या, परस्त्रीगमन, व्यभिचार, चोरी, झूठी गुआई ते निन्दा मने कोलां गै निकलदी ऐ। 20 इय्यें न जेहकियां मनुख गी अशुद्ध करदीयां न, लेकन हत्थ बगैर धोते दै रूट्टी खाना मनुख गी अशुद्ध नेई करदा। "

21 यीशु उत्थे दा निकलीयै, सूर ते सैदा दे प्रदेशे च चली गया। 22 ओस प्रदेशे बीचा इक कनानी घरेआली निकली, ते करलाईयै आखना लगी, " ऐ प्रभु दाऊद दी संतान, मेरे उप्पर दया कर ! मेरी कुडी गी दुष्टात्मा बडा गै सता करदा ऐ। " 23 लेकन ओस ने उसी किश जबाव नेई दीता। उस बेलै ओस दे चेलें आईयै ओस दे अगें बिनती किती, " इसी विदा कर, की वे ऐ साड़े पीछें करलादी अवा करदी ऐ। " 24 ओस ने जबाव दीता, " इस्राएल दे घराने दी गुआची गोदी भिड्डें गी छ डीयें मैं किसै दे कोल नेई भेजेया गोदा। " 25 लेकन ओह आई, ते यीशु गी परणाम करीयै आखना लगी, " ऐ प्रभु मेरी मदद कर। " 26 ओस ने जबाव दीता, " लडकें दी रूट्टी लेइयै कुत्तें दै अगें सुटना चंगा नेईयै। " 27 ओस ने आख्या, " सच ऐ प्रभु, लेकन कुत्ते भी ओह चुरचार खांदे न, जेका उंदे सवामियें दे मेज कोलां किरदे न। " 28 एहस दे उप्पर यीशु ने ओस गी जबाव दीता, " ऐ घरेआली ये, तेरा विश्वास बडा ऐ। जिय्यां तू चाही ऐ तेरे आस्तै उए जेय्या होए। " ते ओस दी कुडी उसै बेले कोलां चंगी होई गई।

29 यीशु उत्थुंआ गलील दी झील दे कोल आया, ते प्हाड उप्पर चढ़ीयै बैठी गया। 30 उस बेलै भीड़ उप्पर भीड़ ओस दे कोल आई। ओह अपने कोल लंगड़े, अन्ने, गूंगा, टुंडे ते बाकी मते गी ओस दे कोल लेई आए, ते उन्हें ओस दे पैरें उप्पर सुटी दीता, ते ओस ने उन्हें चंगा किता। 31 जिस लै लोकें दिखया के गूंगे बोलदे, ते टुंडे चंगे होंदे, ते लंगड़े चलदे, ते अन्ने दिखदे न ते अचम्भा करीयै इस्राएल दे परमातमा दी बडाई किती।

32 यीशु ने अपने चेलें गी बलाया ते आख्या, " मीगी एस भीड़ उप्पर तरस आंदा ऐ, की वे ओह त्रैं दिनें कोलां मेरे कन्ने न ते उंदे कोल किश खाने गी नेई ऐ। मैं उन्हें भुक्खा विदा करना नेई चाह्वा, किते ऐ सा नेई होए के रस्ते बीच थकीयै रेई जाह्वा। " 33 चेलें ओस कन्ने आख्या, " असें एस जंगल बीच कुत्थुंआ इन्नी रूट्टी मिलग के आहस इन्नी बड्डी भीड़ गी रखाचै ? " 34 यीशु ने उन्हें गी पूछया, " तुंदे कोल किनियां रूट्टीयां न ? " उन्हें आख्या, " सत्त, ते थुडी जेइयां मछियां। " 35 उस बेलै ओस ने लोकें गी धरती उप्पर बोह्ने दी आग्या दीती। 36 ते उन्हें सत्तें रूट्टीयें ते मछियें गी लेता, धन्यावाद करीयै तोड़या, ते अपने चेलें गी दींदा गया, ते चेलें लोकें गी। 37 एहस चाल्ही सारे खाइयै रूट्टी गए ते चेलें बचे दे टुकडें दे सत्त टोकरे चुक्के। 38 खाने आह्ने घरेआली यें ते बचें गी छूडीयै चार हजार मर्द हे। 39 उस बेलै ओह भीड़ गी विदा करीयै किशती उप्पर चढ़ी गया, ते मगदन देश दी सरहदे च आया।

16 फरिसियें ते सदुकियें कोल आइयै उसी परखने आस्तै उसी आख्या, " असें सुर्ग दा कोई चित्र दहस। " 2 ओस ने उन्हें गी जवाब दीता, " शामी तुस गलांदे हो, मोसम शैल रोहग, की वे अंबर लाल ऐ ' 3 ते सबेरै गलांदे हो, ' अज्र न्हेरी आहग, की वे अंबर लाल ते धुंदला। ' तुस अंबर दे लक्षण दिखियै ओस दे भेद दस्सी सकदे हो, लेकन समे दे चित्रें दा भेद की नी दस्सी सकदे ? 4 एस युग दे बुरे ते व्यभिचारी लोग चित्र तुपदे न, लेकन योना दे चित्र गी शडीयै उन्हें गी कोई चित्र नेई दीता जाग। " ते ओह उन्हें शडीयै चली गया।

5 चले झील दे ओस पार पुज्जे, लेकन ओह रूट्टी लैना पुल्ली गेदे हे। 6 यीशु ने उंदे कन्ने गलाया, " दिखो फरिसियें ते सदुकियें दे खमीर कोलां सावधान रेयो। " 7 ओह अप्पुं बीचें बचार करना लगे, " आहस रूट्टी नेई लेई आए इसे आस्तै ओह आखदा ऐ। " 8 ऐ जानियै, यीशु ने उन्हें गी आख्या, " ऐ अल्पबिश्वासियो, तुस अप्पुं बीचें की बचार करदे हो के साड़े कोल रूट्टी नेईयै ? 9 के तुस अय्यें तकर नेई समझे ? के तुसै उन पंज्र जहार दीयां पंज्र रूट्टीयां याद नेईयै, ते ना गै ऐ के तुसै किनीयां टोखरियां चुक्कियां हियां ? 10 ते ना गै उन चार जहार दीयां सात रूट्टीयां, ते ना गै ऐ के तुसै किन्ने टोखरे चुक्के हे ? 11 तुस की नी समझदे के मैं तुंदे कन्ने रूट्टीयै दे बारै च नेई आख्या, लेकन ऐ के तुस फरिसियें ते सदुकियें दै खमीर कोलां सावधान रेयो। " 12 उस बेलै उंदी समझ बीच आया के ओस ने रूट्टी दे खमीर लेई नेई, लेकन फरिसियें ते सदुकियें दी शिक्षा कोलां सावधान रोह्ने गी गलादा हा।

13 यीशु कैसरिया फिलिप्पी दे प्रदेशे च आया, ते चेलें कोलां पूछना लगया, " लोग मनुख दे पुत्तर गी के गलांदे न ? " 14 उन्हें गलाया, " किश ते यूहन्ना बपतिस्मा देने आह्वा गलांदे न, ते किश एलिय्याह, ते किश यिर्मयाह जां भविष्यवक्तां बीचा कोई इक गलांदे न। " 15 ओस ने उंदे कन्ने आख्या, " लेकन तुस मीगी के गलांदे हो ? 16 शमौन पतरस ने जबाव दीता, " तू जिंदे परमातमा दा पुत्तर मसीह ऐ ? " 17 यीशु ने उसी उत्तर दीता, " ऐ शमौन, योना दे पुत्तर तू धन्य ऐ; की वे मास ते खून ने नेई, लेकन मेरे प्यो ने जेका सुर्ग बीच ऐ ऐ गल्ल तेरे उप्पर प्रगट किती ऐ। 18 ते मैं भी तुगी गलाना ऐ के तू पतरस ऐ, ते मैं एस पत्थर उप्पर अपनी कलीसिया बनागा, ते अधोलोक दे फाटक ओस उप्पर कामयाब नेई होघंन। 19 मैं तुगी सुर्ग दे राज दी कुंजियां देगा: ते जे किश तू धरती उप्पर बनगा, ओह सुर्ग बीच बनोइ जाग; ते जे किश तू धरती उप्पर खोलगा ओह सुर्ग बीच खुली जाग। " 20 उस बेलै ओस ने चेलें गी ऐ चताया के कुस्सै कन्ने नेई बोलयो के मैं मसीह ऐ।

21 ओस बेले कोलां यीशु अपने चेलें गी सनाने लगया, " जरूरी ऐ के मैं यरुशलेम गी जांह ते पुरनिये ते प्रधान याजकें, ते शास्त्रियें दे हत्थे कोलां मता दुख चूकां; ते मारी दीता जां; ते त्रिये दिन जिंदा होई जां। 22 एस उप्पर पतरस उसी बखरै लेइयै निखरना लगया, " ऐ प्रभु, परमातमा नेई करै ! तेरै कन्ने ऐ सा कदें नी होग। " 23 ओस ने मुडियै पतरस गी आख्या, " ऐ शैतान,

मेरे अग्नो दा दूर हो ! तू मेरे आस्तै ठोकर दा कारण ऐ; की वे तू परमात्ममें दीयां गल्लें उप्पर नेई, लेकन मनुख दीयां गल्लें उप्पर मन लाह्ला ऐ। "

24 उस बेलै यीशु ने अपने चेलें गी आखया, " जे कोई मेरै पीछें आना चाह, ते अपने आप दा इनकार करै ते अपना क्रूस चुकै, ते मेरै पीछें होई जा। 25 की वे जेका कोई अपना प्राण बचाना चाह, ओह उसी खोई जाग, ते जेका कोई मेरै पीछें अपना प्राण खोह्य, ओह उसी पाह्य। 26 जे मनुख सारे संसार गी पाई लै, ते अपने प्राण दा नुकसान चुकै, ते उसी के फायदा होग ? जां मनुख अपने प्राण दै बदलै के देह्य ? 27 मनुख दा पुत्तर अपने सुर्गदूतें दै कन्ने अपने पिता दी मैह्या च ओह ग, ते ओस समें ' ओह हर इक गी ओस दे कम्मों दे मताबक प्रतिफल देह्य। ' 28 मैं तुंदे कन्ने सच आखना ऐ के जेहके इत्थें खड़ोते दे न, उंदे बीचा किश ऐसे न के ओह जिस लै तकर मनुख दे पुत्तर गी ओस दे राज च ओहदें नेई दिखगे, उस बेलै तकर मोत दा सुआद कदं भी नी चखघन। "

17 छे दिनें दै बाद यीशु ने पतरस ते याकूब ते ओस दे प्रा यूहन्ना गी कन्ने लेता, ते उन्हें सुनसान थाह च किसै उचे पहाड़ उप्पर लेई गया। 2 उत्थें उंदे सामने ओस दा रूपांतर ओया, ते ओस दा मूह सुरजे जेया चमकेया ते ओस दा कपड़ा लोई जेया उजला होई गया। 3 ते मूसा ते एलिय्याह ओस दे कन्ने गल्लां करदें उन्हें लबया।

4 एस लेई पतरस ने यीशु कन्ने आखया, " ऐ प्रभु, साड़ा इत्थें रोह्ला अच्छा ऐ। जे तेरी इच्छा होए ते मैं इत्थें त्रै मण्डप बनांह; इक तेरे आस्तै, इक मूसा आस्तै, ते इक एलिय्याह आस्तै। " 5 ओह बोला दा गै हा के इक उजला बदल उंदे उप्पर छाई गया, ते ओस बदले कोलां ऐ शब्द निकलया: " ऐ मेरा प्यारा पुत्तर ऐ, जिस कन्ने मैं खुश ऐ: एस दी सुनो। " 6 चले ऐ सुनीयें मूह दे पार किरि गे ते मते डरी गे। की वे 7 यीशु ने कोल आइयै उन्हें गी छूता, ते आखया, " उठो डरो नेई। " 8 उस बेलै उन्हें अपनी अर्खीयां चुकियां ते यीशु गी छुडीयै होर किसे गी नेई दिखया।

9 जिस जदू ओह पहाड़ कोलां उतरा करदे हे उस बेलै यीशु ने उन्हें गी ऐ आख्या दीती, " जिस लै तकर मनुख दा पुत्तर मरें बीचा नेई जिंदा होए, उस बेलै तकर जे किश तुसैं दिखया ऐ कुस्सैं कन्ने नेई गलायो। " 10 एस उप्पर ओस दे चेलें उसी पूछया, " फिरि शास्त्री की आखदे न के एलिय्याह दा पैह्ले ओह ना जरूरी ऐ ? " 11 ओस ने जवाब दीता, " एलिय्याह जरूरी आह्य, ते सब किश सधारी देह्य। 12 लेकन मैं तुंदे कन्ने आखना ऐ के एलिय्याह आई चुकै दा ऐ, ते लोकें उसी नेई पनछानया; लेकन जेया चाह्या उए जेया ओस दे कन्ने किता। इसे रीती कन्ने मनुख दा पुत्तर भी उंदे हत्थे बीचा दुख चुकग। 13 उस बेलै चेलें समझया के ओस ने साड़े कन्ने यूहन्ना बपतिस्मा देने आह्ले दे बारे च आखया ऐ।

14 जिस लै ओह भीड़ दे कोल पुजे, ते इक मनुख ओस दे कोल आया, ते घुटने टेकियै आखना लगया, 15 " ऐ प्रभु, मेरे पुत्तर उप्पर दया कर ! की वे उसी मीर्गी आंदी ऐ, ते ओह दुख चुकदा ऐ; ते बार बार अग्गी च ते बार बार पानी च किरि जंदा ऐ। 16 मैं उसी तेरे चेलें कोल लेई आया हा, लेकन ओह उसी ठीक नेई करी सके। " 17 यीशु ने जवाब दीता, " ऐ अल्पविश्वासी ते हठीले लोको, मैं कदू तकर तुंदे कन्ने रोह्या ? कदू तकर तुंदी सँहदा रोह्या ? उसी इत्थें मेरे कोल लेई आओ। " 18 उस बेलै यीशु ने दुष्टात्मा गी निखरया, ते ओह ओस दे बिछा निकली गई; ते जागत उसे बेलै अच्छा होई गया।

19 उस बेलै चेलें सुनसान थाह यीशु दे कोल आइयै आखया, " आहस उसी की नी कड्डी सके ? " 20 ओस ने उन्हें गी आखया, " अपने विश्वास दी कमी दे कारण, की वे मैं तुंदे कन्ने सच आखना ऐ जे तुंदा विश्वास ओह दे दाने दे बराबर होए, ते एस पहाड़ गी आखी सकगे, ' इत्थें दा सरकीयै उत्थें चली जा ', ते ओह चली जाग; ते कोई गल्ल तुंदे आस्तै नामुमकन नेई होग। 21 लेकन ऐ जाति बगैर प्रार्थना ते उपवास दे नेई निकलदी। "

22 जिस लै ओह गलील बीच हे, ते यीशु ने उंदे कन्ने आखया, " मनुख दा पुत्तर मनुख दे हात्थ बीच पड़काया जाग; 23 ओह उसी मारी देंघन, ते ओह त्रियै दिन जी उठग। " एस उप्पर ओह मते उदास होए।

24 जिस लै ओह कफरनहूम पुजे, ते मंदिर दा कर लेने आह्ले पतरस दे कोल आइयै पूछया, " के तुंदा गुरु मंदिर दा कर नेई दींदा ? 25 ओस ने

आखया, " हां, दींदा ऐ। " जिस लै ओह घरे आया, ते यीशु ने ओस दे पूछने कोलां पैलें गै ओस कन्ने आखया, " ऐ शमौन, तू के सोचना ऐ ? धरती दे राजा महसूल जां कर कुंदे कोला लेंदे न ? " अपने पुत्तरां कोलां जां परयां कोलां ? " 26 पतरस ने ओस कन्ने आखया, " परयां कोलां। " यीशु ने ओस दे कन्ने आखया, " ते पुत्तर बची गे। 27 तौभी इसे आस्तै के आहस उन्हें ठोकर ना लाह्यै, तू झील दे कंडू जाइयै बीहडी सुट, ते जेकी मछी पैलें निकलै, उसी लै; ओस दा मूह खोलियै तुगी इक सिक्का थोह्य, उसी गै लेइयै मेरै ते अपने बदलै उन्हें देई दिख्यां।

18 ओस बेलै चले यीशु दे कोल आइयै पूछना लगे, " सुर्ग दे राज च बड्डा कौन ऐ ? " 2 एस दे उप्पर ओस ने इक बच्चे गी कोल बलाइयै उंदे बीच खड़ा किता, 3 ते आखया, " मैं तुंदे कन्ने सच आखना ऐ के जिस लै तकर तुस ना फिरो ते बच्चें दे समान नेई बनो, ते तुस सुर्ग दे राज च परवेश करी नेई सकगे। 4 जेका अपने आप गी एस बच्चे जेया निक्का करग, ओह सुर्ग दे राज च बड्डा होग। 5 ते जेका कोई मेरे नां कन्ने इक ऐ जे बच्चे गी त्रैह्ल करदा ऐ ओह मीगी त्रैह्ल करदा ऐ।

6 " लेकन जेका कोई इन्हां निक्कां बीचा जेहके मेरे उप्पर विश्वास करदे न इक गी ठोकर खलाह, ओस आस्तै भला होंदा के बडी चक्की दी पीढी ओस दे गल्ले च लटकाइ जांदी, ते ओह गैहे समुंदर बीच डुबाया जांदा। 7 ठोकरें दे कारण संसार उप्पर हाय ! ठोकरां दा लगना जरूरी ऐ; लेकन हाय ओहस मनुख उप्पर जिस दे द्वारा ठोकर लगदी ऐ। 8 " जे तेरा हत्थ जां पैर तुगी ठोकर खलाह, ते उसी कडीयै सुटी दे; टुंडा जां लंगडा होइयै जीवन च परवेश करना तेरे आस्तै एस कोलां भला ऐ के दो हत्थ जां दो पैर रँहदें होई तू म्हेशां दी अग च सुट्टी दीता जा। 9 जे तेरी अक्ख तुगी ठोकर खलाह, ते उसी कड्डीयै सुटी दे; काना होइयै जीवन च परवेश करना तेरे आस्तै एस कोलां भला ऐ के दो अक्ख रँहदें होई तू नरक दी अग बीच सुट्टया जाए।

10 " दिखो, तुस इन्हां निक्कां बीचा किसे गी भी तुच्छ नेई जानयो; की वे मैं तुंदे कन्ने सच आखना ऐ के सुर्ग बीच उंदे दूत मेरे सुर्गीय पिता दा मूह म्हेशां दिखदे न। 11 [की वे मनुख दा पुत्तर गुआचें दें गी बचाने आहदा ऐ।]

12 " तुस के सोचदे हो ? जे किसे मनुख दी सौ भिड्डां होंन, ते उंदे बीचा इक भड्की जा, ते के ओह नडीनुएं गी शुडीयै, ते पहाड़ें उप्पर जाइयै, ओस भटकी गी नेई तुपग ? 13 ते जे ऐ सा हो के उसी पाई लै, ते मैं तुंदे कन्ने सच आखना ऐ के ओह उन्हें नडीनुएं भिड्डुं आस्तै जेहिकयां भटकीयां नेई हीं, इन्ना अनंद नेई करग जिन्ना एस भिड्डु आस्तै करग। 14 इय्यां गै तुंदे पिता दी जेका सुर्ग बीच ऐ मर्जी नेईयें के इन्हां निक्कां बीचा इक भी नाश होऐ।

15 " जे तेरा प्रा तेरे बरोध पाप करै, ते जा इकलै ओस दै कन्ने गल्ल बात करियै उसी समझा; जे ओह तेरी सुने ते तो अपने प्रा गी पाई लेता। 16 जे ओह नेई सुने, ते इक जां द'ऊं जने अपने कन्ने होर लेई जा, के ' हर इक गल्ल द'ऊं जां त्रै गुआएं दे मूह बीचा पक्की किती जा। ' 17 जे ओह उंदी भी नेई मन्ने, ते कलीसिया कन्ने आखी दे, लेकन जे ओह कलीसिया दी भी नेई मन्ने ते तू उसी अन्यजाति ते महसूल लेने आह्लें जेया जान।

18 " मैं तुंदे कन्ने सच आखना ऐ, जे किश तुस धरती उप्पर बनगे, ओह सुर्ग बीच बनोई जाग ते जे किश तुस धरती उप्पर खोलगे, ओह सुर्ग बीच खुली जाग। 19 फिरि मैं तुंदे कन्ने आखना ऐ, जे तुंदे बीचा द'ऊं जन धरती उप्पर किसे गल्ले आस्तै इक मन होइयै उसी मंघन, ते ओह मेरे पिता कोलां जेका सुर्ग बीच ऐ, उंदे आस्तै होई जाग। 20 की वे जित्थें द'ऊं जां त्रै मेरे नां कन्ने किड्डा होंदे न, उत्थें मैं उंदे बीच होना ऐ। "

21 उस बेलै पतरस ने कोल आइयै ओस कन्ने आखया; " ऐ प्रभु, जे तेरा प्रा पाप करदा रेह, ते मैं किन्नी बार उसी माफ करं ? के सत बारी तकर ? " 22 यीशु ने ओस कन्ने आखया, " मैं तेरे कन्ने ऐ नेई आखना के सत बार तकर बरना सत बार दे स्हत्तर गुने तकर।

23 " इसे आस्तै सुर्ग दा राज ओस राजा दे समान ऐ, जिस ने अपने दासैं कोलां लेखा लेना चाह्या। 24 जिस लै ओह लेखा लेना लगया, ते इक जन ओस दै सामने आह्लेया गया जेका दस जहार तोड़े दा करजदार हा। 25 जदू के चुकाने आस्तै ओहस दे कोल किश भी नेई हा, ते ओस दे स्वामी ने आखया, ' ऐ ते एस दी घरेआली ते बाल बच्चे ते जे किश एस दा ऐ सब बेची दीता जा, ते कर्जा मुकाई दीता जाह। ' 26 एस उप्पर ओस दास ने किरियै उसी परणाम

किता, ते आख्या, ' ऐ स्वामी सबर कर, मैं सब किश भरी देगा। ' 27 उस बेलै ओस दास दे स्वामी ने तरस खाइयै शुडी दीता, ते ओस दा कर्जा भी माफ़ करी देता।

28 " लेकन जिस लै ओह दास बार निकलया, ते ओस दे संगी दासैं बीचा इक उसी मिलया जेहड़ा ओस दा सौ दीनार दा कर्जदार हा; ओस ने उसी पकड़ियै ओस दा गला घोटया ते आख्या, ' जे किश तेरे उप्पर कर्जा ऐ भरी दे। ' 29 एस उप्पर ओस दा संगी दास किरियै ओस कन्ने बिनती करने लगया, ' सबर कर, मैं सब भरी देगा। ' 30 ओस ने नेई मनया, लेकन जाईयै उसी जेलै बीच पाई दीता के जिस लै तकर कर्जा भरी नेई दीयै, उस बेलै तकर उत्थें गै रवै। 31 ओस दे सर्गी दास ऐ जे ओया हा दिखियै मते उदास होए, ते जाईयै अपने स्वामी गी पूरा हाल सनाई दीता। 32 उस बेलै ओस दे स्वामी ने उसी बलाइयै उसी आख्या, ' ऐ दुश्ट दास, तो जेहड़ी मेरे अगं बिनती किती, ते मैं तेरा पूरा कर्जा माफ़ करी दीता। 33 इसे आस्तै जिय्यां मैं तेरे उप्पर दया किती, उय्यां गै के तुगी भी अपने संगी दास दे उप्पर दया करनी नेई चाहीदी ही ? 34 ते ओस दे स्वामी ने क्रोध बीच आइयै उसी दंड देने आह्ले दे हत्थे च सौपी दीता, के जिस लै तकर कर्जा भरी नेई दीयै, उस बेलै तकर ओस दे हत्थे च रवै।

35 " इस चाली जे तुंदा बीचा हर इक अपने प्रा गी मने कोलां माफ़ नेई करग, ते मेरा पिता जेका सुर्ग बीच ऐ, तुंदा कन्ने भी इय्यां गै करग।

19 जिस लै यीशु ऐ गल्लां आखी चुकया, ते गलील कोलां चली गया; ते यरदन दे पार यहूदिया दे परदेश च आया। 2 उस बेलै बड़ी भीड़ ओस दे पीछें होई गयी, ते ओस ने उन्हें चंगा किता।

3 उस बेलै फरीसी ओस दी परीक्षा करने आस्तै कोल आइयै आखना लगे, " के हर इक कारण कोलां अपनी घरेआली गी त्यागना ठीक ऐ ? " 4 ओस ने जवाब दीता, " के तुसैं नेई पढ़या के जिस ने उन्हें बनाया, ओस ने शुरू कोलां नर ते नारी बनाइयै आख्या,

5 एस कारण मनुख अपने मां ते पिता कोलां बक्ख होइयै अपनी घरेआली कन्ने रोहग ते ओह दोनों इक तन होघन ? "

6 इस आस्तै ओह हून द'ऊँ नेई, लेकन इक तन ऐं। इस आस्तै जीसी परमातमा ने जोड़े दा ऐ, उसी मनुख बक्ख ना करै। " 7 उन्हें ओस कन्ने, " फिरी मुसै ऐ की ठैहाया के त्यागपत्र देइयै उसी शुडी दे ? " 8 ओस ने उंदे कन्ने आख्या, " मूसा ने तुंदी मने दी कठोरता दे कारण तुसैं गी अपनी अपनी घरेआली गी शुडने दी आग्या दीती, लेकन शुरू कोलां ऐ सा नेई हा। 9 ते मैं तुंदा कन्ने आखना ऐ, के जेका कोई व्यभिचार गी शुडीयै होर किसै कारण मगरां अपनी घरेआली गी त्यागीयै दूई कन्ने व्याह करै, ओह व्यभिचार करदा ऐ; ते जेका कोई ओस शुडी दी कन्ने व्याह करै, ओह भी व्यभिचार करदा ऐ। "

10 चेलैं ओस कन्ने आख्या, " जे मरद दा घरेआली कन्ने ऐ सा रिश्ता ऐ, ते व्याह करना अच्छा नेईयै। " 11 ओस ने उंदे कन्ने आख्या, " सारे ऐ बचन ग्रैह नेई करी सकदे, सिर्फ ओह जिन्हें गी ऐ दान दीते दा ऐ। 12 की वे किश नमर्द ऐहसे न, जेहके मांस दे गर्भ बीचा गै ऐहसे जम्मे; ते किश नमर्द ऐहसे न, जिन्हें मनुख ने नमर्द बनाया; ते किश नमर्द ऐहसे न, जिन्हें सुर्ग दे राज आस्तै अपने आप गी नमर्द बनाया ऐ। जेका इसी ग्रैह करी सकदा ऐ, ओह ग्रैह करै। "

13 उस बेलै लोग बच्चें गी ओस दे कोल लेई आए के ओह उंदे उप्पर हत्थ रखें ते प्रार्थना करै, लेकन चेलैं उन्हें गी निखरया। 14 यीशु ने आख्या, " बच्चें गी मेरे कोल आना देयो, ते उन्हें मना नेई करो, की वे सुर्ग दा राज इय्ये जें दा ऐ। " 15 ते ओह उंदे उप्पर हत्थ रखियै उत्थुंआं चली गया।

16 इक मनुख यीशु दे कोल आया ते ओस कन्ने आख्या, " ऐ गुरु, मैं के डा भला कम्म करां के ह म्हेशां दा जीवन पां ? " 17 ओस ने उसी आख्या, " तू मेरे कन्ने भलाई दे बारें च की पूछना ऐ ? भला ते इक ही ऐ, लेकन जे तू जीवन च परवेश करना चाहां ऐ, ते आग्यां गी मनया कर। " 18 ओस ने ओस दे कन्ने आख्या, " के डी आग्यां ? "

यीशु ने आख्या, " ऐ के हत्या नी करयां, व्यभिचार नी करयां, चोरी नी करयां, झूठी गुआई नेई देयां, 19 अपने पिता ते मांस दा आदर करयां, ते अपने गुआंठी कन्ने अपने जेया प्रेम रखयां। " 20 ओस जवान ने उसी आख्या, " इन्हें सबनी गी ते मैं मन्ने दा ऐ; हून मेरे बीच किस गल्ल दी घटी ऐ ? " 21 यीशु ने ओस कन्ने आख्या, " जे तू सिद्ध होना चाहा ऐ ते जा, अपना माल बेचीयै

कंगालें गी दे, ते तुगी सुर्ग बीच धन थहोग; ते आईयै मेरे पीछें होई जा। " 22 लेकन ओह जवान ऐ गल्ल सुनी उदास होइयै चली गया, की वे ओह मता धनवान हा। 23 उस बेलै यीशु ने अपने चेलैं गी आख्या, " मैं तुंदा कन्ने सच आखना ऐ के धनवान दा सुर्ग दे राज बीच परवेश करना औखा ऐ। 24 तुंदा कन्ने फिरी आखना ऐ के परमातमा दे राज बीच धनवान दे परवेश करना कोलां ऊंट दा सुई दे नक्के बीचा निकली जाना सैहज ऐ। " 25 ऐ सुनीयै चेलैं मता हान होईयै आख्या, " फिरी किस दा उद्धार होई सकदा ऐ ? " 26 यीशु ने उंदी बक्खी दिखीयै आख्या, " इनसानां कोलां ते ऐ नेई होई सकदा, लेकन परमातमा कोलां सब किश होई सकदा ऐ। " 27 एस उप्पर पतरस ने उसी आख्या, " दिख, आहस ते सब किश शुडीयै तैरे पीछें होई गेदे न: ते अस्सैं गी के थहोग ? " 28 यीशु ने उसी आख्या, " मैं तुंदा कन्ने सच आखना ऐ के नमीं सरिश्टी च जिस लै मनुख दा पुत्तर अपनी मैह्या दे सिहांसन उप्पर बौहग, ते तुस भी जेहडे मेरे पीछें होई गेदे हो, बारें सिहांसने उप्पर बेईयै इस्त्राएल दे बारां गोत्रें दा न्याय करगे। 29 ते जिस किसै ने घर, जां प्रा, जां भैनां, जां पिता, जां मां, जां बाल बच्चे, जां खेतें गी मेरे नां आस्तै शुडी दीते दा ऐ, उसी सौ गुना मिलग, ते ओह म्हेशां दे जीवन दा अधिकारी होग। 30 लेकन मते सारे जेहडे पैलें न, पिछले होंघन; ते जेहके पिछले न, पैलें होंघन।

20 " सुर्ग दा राज किसै घरै दै मालक आंहगर ऐ, जेका बड्डलै निकलया के अपनी दाख दी क्यारी च मजदुरें गी लाह। 2 ओस ने मजदुरें कोलां इक दीनार रोज उप्पर ठैहाया ते उन्हें अपनी दाख दी क्यारी च भेजया। 3 फिरी इक पैह दिन चढै ओस ने निकलियै बाकी लोकें गी बजार बीच बेकार खडोते दे दिखया, 4 ते उंदे कन्ने आख्या, ' तुस भी दाख दी क्यारी च जाओ, ते जे किश ठीक ऐ तुसैं गी देगा। ' इसे आस्तै ओह भी गए। 5 फिरी ओस ने दुऐ ते त्रियै पैह दै कोल निकलियै उय्यां गै किता। 6 इक घंटा दिन रेइयै ओस ने फिरी निकलियै दुएं गी खडोते दे पाया, ते उंदे कन्ने आख्या, ' तुस की इत्थें दिन भर बेकार खडोते रेह ? उन्हें उसी आख्या ' इस आस्तै के असें कुस्सै मजदूरी उप्पर नेई लाया। ' 7 ओस ने उंदे कन्ने आख्या, ' तुस भी दाख दी क्यारी बीच जाओ। '

8 " शामी गी दाख दी क्यारी दे स्वामी ने अपने भंडारी गी आख्या, ' मजदुरें गी बलाइयै पिछलें कोलां लेइयै पैलें तकर उन्हें मजदूरी देई दे। ' 9 जिस लै ओह आए जेहके घंटा भर दिन रे लाहदे हे, ते उन्हें इक इक दीनार मिलया। 10 जेहके पैलें आए उन्हें ऐ समझया के अस्सैं मता थहोग, लेकन उन्हें गी भी इक इक दीनार गै थओया। 11 जिस लै मिलया ते ओह घरै दै स्वामी उप्पर कुडकुड़ाइयै आखना लगे, 12 इन्हें पिछलें इक गै घंटा कम्म किता, ते तो उन्हें साडे बराबर करी दीत्ता, जिन्हें दिन भर दा भार चुकया ते धूप सेही ? ' 13 ओस ने उंदे बीचा इक गी जबाब दीत्ता, ' हे मित्तर, मैं तेरे कन्ने किश अन्याय नेई करदा। के तो गै मेरे कोलां इक दीनार नेई ठैहाया हा ? 14 जेका तेरा ऐ, चुक्की लै ते चली जा; मेरी मर्जी ऐ के जिन्ना तुगी देयां इन्ना गै एस पिछले गी भी देयां। 15 के ऐ ठीक नेईयै के मैं अपने माल कन्ने जे चांह सो करां ? के मेरा भला होने दे कारण तू बुरी दरिश्टी कन्ने दीखना ऐ ? 16 इसै रिती कन्ने जेहके पिछले न, ओह पैलें होंघन; ते जेहके पैलें न, ओह पिछले होंघन। "

17 यीशु यरुशलम गी जांदा होई बारें चेलैं गी सुनसान थाह च लेई गया, ते रस्ते च उंदे कन्ने आखना लगया, 18 " दिखो, आहस यरुशलम गी जा करनेयां; ते मनुख दा पुत्तर परधान याजक ते शास्त्रियें दे हत्थे च पड़काया जाग, ते ओह उन्हें गी मारने जोहग ठैहाघन। 19 ते उसी अन्य जातियें दै हत्थे सौंपघन के ओह उसी ठठें च उडाघन, ते कोड़े मारघन, ते कूस उप्पर चढान, ते ओह त्रियै दिन जीवत करी दीता जाग। "

20 उस बेलै जबदी दे पुत्तरें दी मांस ने अपने पुत्तरें समेत यीशु दे कोल आइयै परनाम किता, ते ओस कोलां किश मंगना लगी। 21 ओस ने उसी आख्या, " तू के चाही ऐ ? " ओह ओस कन्ने बोली, " ऐ बचन दे के मेरे ऐ द'ऊँ पुत्तर इक तेरे सज्जै ते इक तेरे खब्बै बौह। " 22 यीशु ने उत्तर दीता, " तुस नेई जानदे की के मंगदे न। जेका कटोरा मैं पिने आह्ला ऐ, के तुस पी सकदे हो ? उन्हें ओस कन्ने आख्या, " पी सकनयां न। " 23 ओस ने उंदे कन्ने आख्या, " तुस मेरा कटोरा ते पीहगे, लेकन अपने सज्जै ते खब्बै बठालना

मेरा कम्म नेईयें, लेकन जिंदे आस्तै मेरे पिता कोलां तयार किता गेदा, उंदे आस्तै गै। "

24 ऐ सुनीयै दसैं चले उन्हें दोनीं प्रा उप्पर रोहें होए। 25 यीशु ने उन्हें गी कोल बलाइयै आखया, " तुस जानदे हो के अन्यजातियें दे वहीम उंदे उप्पर प्रभुता करदे न; ते जेहके बड्डे न, ओह उंदे उप्पर अधिकार जतांदे न।

26 लेकन तुंदे बीच ऐ सा नेई होग; लेकन जेका कोई तुंदे बीच बड्डा होना चाह, ओह तुंदा सेवक बने; 27 ते जेका कोई तुंदे बीच प्रधान होना चाह, ओह तुंदा दास बने; 28 जिय्यां के मनुख दा पुत्तर; ओह इस आस्तै नेई आया के ओस दी सेवा दिक्ख - भाल किती जा, लेकन इस आस्तै आया के अप्पु सेवा दिक्ख - भाल करै, ते मते दे छुटकारे आस्तै अपने प्राण गी दीयै। "

29 जिस लै ओह यरीहो कोलां निकलादे दे हे, ते इक बडी भीड़ ओस दे पीछें होई गई। 30 ते द'ऊँ अन्ने, जेहके सिडक दे कंठे बैठे हे, ऐ सुनीयै के यीशु जा करदा ए, जोरें - जोरें बोलियै आखना लगे, "ऐ प्रभु, दाऊद दी संतान, साडे उप्पर दया कर। " 31 लोकें उन्हें गी डांटिया के चुप्प रौह; लेकन ओह होर भी करलाईयै बोले, " ऐ प्रभु दाऊद दी संतान साडे उप्पर दया कर। " 32 उस बेलै यीशु ने खडोइयै, उन्हें बलाया ते आखया, " तुस के चांहेदे हो के मैं तुंदे आस्तै करां ? " 33 उन्हें ओस कन्ने आखया, " हे प्रभु, ऐ के साडीयां अक्खियां खुली जांह। " 34 यीशु ने तरस खाइयै उंदी अक्खीं छुतीयां, ते ओह फौरन दिखना लगे; ते ओस दे पीछें होई गे।

21 ओह यरुशलम दे कोल पुजे ते जैतून पहाड उप्पर बैतफगे दे कोल आए, ते यीशु ने द'ऊँ चेलें गी ऐ आखीयै भेजया, 2 " सामने दै ग्रां च जाओ। उर्थें पुज्दे गै इक खोती बन्नी दी, ते ओस दै कन्ने इक बच्चा तुसैं गी मिलना। उन्हें गी खोलीयै मेरे कोल लेई आओ। 3 जे तुसैं गी कोई किश आखै, ते बोलयो के प्रभु गी इंदा उपयोग करना ए, उस बेलै ओह फौरन उन्हें गी भेजी देह। " 4 ऐ इस आस्तै ओया के जेका बचन भविष्यवक्ता दै दवारै आखया गया हा, ओह पूरा होऐ:

5 " सिय्योन दी कुडी कोलां आखो, ' दिख, तेरा राजा तेरे कोल आंदा ए; ओह नम्र ए, ते गधे उप्पर बैठे दा ए; बरना लादू दे बच्चे उप्पर। " "

6 चेलें जाइयै, जिय्यां यीशु ने उंदे कन्ने आखया हा, उय्यां गै किता। 7 ते गधी ते बच्चे गी लाइयै, उंदे उप्पर अपने कपड़े सुटे, ते ओह उंदे उप्पर बैठी गया। 8 उस बेलै मते सारें लोकें अपने कपड़े रस्ते च बछाए, ते बाकी लोकें बुहटे कोलां डालियां बडीयै रस्ते च बछाइयां। 9 जेकी भीड़ अगें अगें जांदी ते पीछें पीछें चली ओंदी ही, जोरें जोरें बोलियै आखदी ही, " दाऊद दे संतान गी होशाना, धन्य ऐ ओह जेका प्रभु दे नां कन्ने ओंदा ए, अंबर च होशाना। " 10 जिस लै ओस यरुशलम च परवेश किता, ते सारे नगर बीच हलचल मची गई, ते लोग आखना लगे, " ऐ कुन्न ए ? " 11 लोकें आखया, " ऐ गलील दे नासरत दा भविष्यवक्ता यीशु ए। "

12 यीशु ने परमातमा दे मंदिर च जाइयै उन्हें सबनी गी, जेहके मंदिर च लें देन करा करदे हे, कड्डी दीत्ता, ते सरफिं दे पीढे ते कबूतर बेचने आह्लें दीयां चोकियां उलटी दीतीयां; 13 ते उन्हें गी आखया, " लिखे दा ए, ' मेरा घर प्रार्थना दा घर आखा जाग; लेकन तुस उसी डाकुएं दी खोह बनां दे हो। " "

14 उस बेलै अन्ने ते लंगड़े, मंदिर च ओस दे कोल आए, ते ओस ने उन्हें गी चंगा किता। 15 लेकन जिस लै परधान याजकें ते शास्त्रियें इन अद्भुत कम्मैं गी, जेहके ओस ने किन्ते, ते जागतें गी मंदिर च 'दाऊद दी संतान गी होशाना बोलदे होई दिखया, ते ओह रोहें होए, 16 ते ओस कन्ने आखना लगे, " के तू सुनना ए कि ऐ के आखदे न ? " यीशु ने उंदे कन्ने आखया, " हां; के तुसैं ऐ कदें नी पढ़या: ' बालकां कोलां ते दूध पिंदे बच्चें दे मुहों बीचा तो अपार स्तुति कराई ? " 17 उस बेलै ओह उन्हें गी शुडीयै नगर दे बार बैतनिय्याह गी गया ते उर्थें रात बिताई।

18 भ्यागैं जिस लै ओह नगर गी बापस आह करदा हा ते उसी भूख लगी। 19 सिडक दे कंठे अंजीर दा इक रुक्ख दिखियै ओह ओस दे कोल गया, ते पत्रें गी शुडीयै ओस बीच होर किश ना पांदें होई ओस गी आखया, " हूँन कोलां तेरे बीच फिरी कदें फल नेई लगन। " ते अंजीर दा रुक्ख फौरन सुकी गया। 20 ऐ दिखियै चेलें गी अचम्भा ओया ते उन्हें आखया, " ऐ अंजीर दा रुक्ख फौरन कियां सुकी गया ? " 21 यीशु ने उन्हें गी उत्तर दिता, " मैं तुंदे कन्ने सच आखना ए, जे तुस विश्वास रखो ते शक नेई करो, ते ना सिर्फ इय्यै

करगे जेका एस अंजीर दे रुक्ख कन्ने किता गया ए, लेकन जे एस पहाड गी भी आखगे, ' पटोइया, ते समुंदर बीच जाई पो', ते ऐ होई जाग। 22 ते जे किश तुस प्रार्थना च विश्वास कन्ने मंगे ओह सब तुसैं गी मिलग। "

23 ओह मंदिर च जाइयै उपदेश देया करा दा हा, ते परधान याजकें ते लोकें दै पुरनियें ओस दे कोल आइयै पूछया, " तू ऐ कम्म किस दे अधिकार कन्ने करना ए ? ते तुगी ऐ अधिकार कुस ने दिते दा ए ? " 24 यीशु ने उन्हें उत्तर दीत्ता, " मैं भी तुंदे कोलां इक गल्ल पूछना ए; जे ओह मीगी सनागे, ते मैं भी तुसैं सनागा के ऐ कम्म किस अधिकार कन्ने करना ए। 25 यूहन्ना दा बपतिस्मा कुत्थुआ हा ? सुर्ग कोलां जां मनुख कोलां ? " उस बेलै ओह अप्पु बीच विवाद करना लगे, " जे आहस आखचे 'सुर्ग कोलां', ते ओह साडे कन्ने बोलग, ' फिरी तुसैं ओस दा विश्वास क्यो नी किता ? 26 ते जे आखचै 'इनसानें कोलां' ते असें भीड़ दा डर ए, की वे ओह सारे यूहन्ना गी भविष्यवक्ता मनदे न। " 27 इस आस्तै उन्हें यीशु गी उत्तर दीत्ता, " आहस नेई जानदे। " ओस ने भी उंदे कन्ने आखया, " ते मैं भी तुसैं नेई सनांदा के ऐ कम्म किस अधिकार कन्ने करना ए।

28 " तुस के सोचदे हो ? किसे मनुख दे द'ऊँ पुत्तर हे; ओस ने पैह्ले दे कोल जाइयै आखया, ' हे पुत्तर, अज्र दाख दी क्यारी च कम्म कर। ' 29 ओस ने उत्तर दीत्ता, ' मैं नेई जाना' लेकन बाद बिच पछताइयै गया। 30 फिरी पिता ने दुए दे कोल जाइयै इय्यां गै आखया, ओस ने उत्तर दीत्ता, 'जी हां जन्नां', लेकन नेई गया। 31 इंदे दोनीं बीचा कोहस ने पिता दी इच्छा पूरी किती ? " उन्हें आखया पैह्ले, "यीशु ने उंदे कन्ने आखया, " मैं तुंदे कन्ने सच आखना ए के महसूल लेने आह्ले ते वेश्याएं तुंदे कोलां पैह्ले परमातमा दे राज च परवेश करदे न। 32 की वे यूहन्ना धर्म दा रस्ता दसदे होई तुंदे कोल आया, ते तुसैं ओस दा विश्वास नेई किता; लेकन महसूल लेने आह्ले ते वेश्यें ओस दा विश्वास किता: ते तुस ऐ दिखियै बाद बीच भी नेई पछताए के ओस दा विश्वास करी लेंदे।

33 इक होर दृष्टांत सुनो: इक घरै दा मालक हा, जिस ने दाख दी क्यारी लाइ, ओस दे चोनी बक्खी बाड़ा बन्या, ओस च रसें दा कुंड खोदया ते गुम्मत बनाया, ते किसानें गी ओस दा ठेका देईयै परदेस गी चली गया। 34 जिस लै फल दा समां कोल आया, ते ओस ने अपने दासैं गी ओस दा फल लेने आस्तै किसानें कोल भेजया। 35 लेकन किसानें ओस दे दासैं गी पकडीयै, कुस्से गी मार चाढी, ते कुस्से गी मारी दीत्ता, ते कुस्से उप्पर पत्थर मारे। 36 फिरी ओस ने पैह्ले कोलां मते दासैं गी भेजया, ते उन्हें उंदे कन्ने भी उए किता। 37 आखर बीच ओस ने अपने पुत्तर गी उंदे कोल ऐ सोचीयै भेजया के ऐ मेरे पुत्तर दा आदर करघन। 38 लेकन किसानें पुत्तर गी दिखियै अप्पु बीच ऐ आखया, ' ऐ तां बारस ए, आओ, इसी मार चाढचै ते एस दी मीरास लेई लेचै। ' 39 इस आस्तै उन्हें उसी पकड़या ते दाख दी क्यारी बीच बार कड्डीयै मारी दीत्ता। 40 इस आस्तै जिस लै दाख दी बारी दा स्वामी आहग, ते उन्हें किसानें कन्ने के करग ? " 41 उन्हें ओस कन्ने आखया, " ओह उन्हें बुरे लोकें गी बुरी रीती कन्ने नष्ट करग; ते दाख दी बारी दा ठेका दुएं किसानें गी देग, जेहके समें उप्पर उसी फल दे करघन। "

42 यीशु ने ओस कन्ने आखया, " के तुसैं कदें पवित्र शास्त्र बीच ऐ नेई पढ़या: ' जिस पत्थर गी राजमिस्त्रियें नक्कमा ठैहाया हा, उए कोने दे सिरे दा पत्थर होई गया ? ऐ प्रभु कोलां ओया, ते साडी दृष्टी च अद्भुत ए। ' 43 इस्से आस्तै मैं तुंदे कन्ने आखना ए के परमातमा दा राज तुंदे कोलां लेई लिता जाग ते ऐहसी जाती जेकी ओस दा फल लाहग, देई दीत्ता जाग। 44 जेका एस पत्थर उप्पर किरग, ओह चकना चूर होई जाग; ते जिस उप्पर ओह किरग, ओस गी पीह देग। " 45 परधान याजक ते फरीसी ओस दे दृष्टांते गी सुनीयै समझिये के ओह उंदे बारै च आखा करदा ए। 46 ते उन्हें उसी पकड़ना चाह्या, लेकन लोकें कोलां डरी गे कयोकी ओह उसी भविष्यवक्ता मनदे हे।

22 यीशु फिरी उंदे कन्ने दृष्टांतें च आखना लगया, 2 " सुर्ग दा राज ओस राजा दे समान ए, जिस ने अपने पुत्तर दा ब्याह किता। 3 ते ओस ने अपने दासैं गी भेजया, के नमंत्रन दे लोकें गी ब्याह च सदै; लेकन उन्हें आना नेई चाह्या। 4 फिरी ओस ने होर दासैं गी ऐ आखीयै भेजया, ' नमंत्रन लोकें कन्ने आखो: दिखो, मैं भोज तयार करी चुकेदा ऐं, मेरे बैल ते पले दे पशु मारे दीत्ते दे न, ते सब किश तयार ए; ब्याह दे भोज च आओ। ' 5 लेकन ओह

नरादर करिये चली गे: कोई अपने खेत गी, कोई अपने बपार गी। 6 बाकी लोकें जेहके बची गेदे हे ओस दे दासैं गी पकड़िये उंदा अनादर कित्ता ते मारी दीत्ता। 7 उस बेलें राजा गी रोह आया, ते ओस ने अपनी सैना भेजीयें उन हतयारां दा नाश कित्ता, ते उंदा नगर गी फुकी दीत्ता। 8 उस बेलें ओस ने अपने दासैं कन्ने आखया, ' ब्याह दा भोज तां तयार ए लेकन नमंत्रन लोक काबल नेई ठैहे। 9 इसे आस्तै चरस्तैं जाओ ते जिन्ने लोग तुसैं गी मिलघन, सबनीं गी ब्याह दे भोज च बलाई लेई आओ। ' 10 इसे आस्तै उन्हें दासैं सिडकें उप्पर जाइयें के बुरे ते के भले, जिन्ने मिले, सबनी गी किट्टा कित्ता; ते ब्याह दा घर परौहें कन्ने भरोई गया।

11 " जिस लै राजा परौहें गी दिखने आस्तै कोल आया, ते ओस ने उर्थें इक मनुख गी दिखया, जिस ने ब्याह दा कपड़ा नेई लाहदा हा। 12 ओस ने उसी पूछया, ' हे मित्तर; तू ब्याह दा कपड़ा लाए दै बगैर इर्थें की आए दा ? ' ओस दा मूंह बंद होई गया। 13 उस बेलें राजे सेवकें कन्ने आखया, ' एस दे हत्थ पैर बनीयें उसी बार न्हैरे च सुटी दियो, उर्थें रोना ते दंद पीह्ला होग। ' 14 की वे बलाए दे ते मते न लेकन चुने दे थुडे ना। "

15 उस बेलें फरिसियें जाइयें अप्पु बीचें बचार कित्ता के उसी के स चाली गल्लें च फसाचै। 16 उस बेलें उन्हें अपनं चेलें गी हेरोदियें कन्ने ओस दे कोल ए आखने गी भेजया, " हे गुरु, आहस जाननेयां के तू सच्चा ए, ते परमात्मा दा रस्ता सच्चाई कन्ने सखाना ए, ते किसे दी परवाह नी करना, की वे तू मनुख दा मूंह दिखीयें गल्लां नेई करना। 17 इसे आस्तै असैं गी दस्स तू के सोचना ए ? केसर गी टैक्स देना ठीक ए यां नेई। " 18 यीशु ने उंदा दुष्टता जानीयें आखया, " हे कपटियो, मीगी की परखदे हो ? 19 टैक्स दा सिक्का मीगी दस्सो। " उस बेलें ओह ओस दे कोल इक दीनार लेई आए। 20 ओस ने उन्हें गी पूछया, " ए मोह ते नां किस दा ए ? " 21 उन्हें उसी आखया, " कैसर दा। " उस बेलें ओस ने उंदा कन्ने आखया, " जेका कैसर दा ए, ओह कैसर गी; ते जेका परमात्मा दा ए, ओह परमात्मा गी दियो। " 22 ए सुनीयें उन्हें अचम्भा कित्ता, ते उसी छुडीयें चली गे।

23 उसैं दिन सदुकी जेहके आखदे न के मरें दा पुनरुत्थान है गे नेइयें, ओस दे कोल आए ते उसी पूछया, 24 " हे गुरु मूसा ने आखया हा के जे कोई बगैर संतान दे मरी जा, ते ओस दा प्रा ओस दी घरेआली कन्ने ब्याह करियें अपने प्रा आस्तै वंश पैदा करै। 25 हूंन साडे इर्थें सत प्रा हे; पैह्ला ब्याह करियें मरी गया, ते संतान ना होने दे कारण अपनी घरेआली गी अपने प्रा आस्तै शुडी गया। 26 इसे चाली दुए ते त्रियें भी कित्ता, ते सतें तकर इय्ये ओया। 27 सबनी कोलां बाद ओह घरेआली भी मरी गयी। 28 इसे आस्तै जींदे होने उप्पर ओह उन सतें बीचा किस दी घरेआली होग ? की वे ओह सबनी दी घरेआली होई चुकी दी ही। " 29 यीशु ने उन्हें उत्तर दीत्ता, " तुस पवित्र शास्त्र ते परमात्मा दी शक्ति नेई जानदे; इसे कारण भूल्ल च पेदे हो। 30 की वे जींदे होने उप्पर ओह ना ब्याह करघन ते ना ब्याह च दीते जांघन लेकन सुर्ग बीच परमात्मा दे दुतें दे समान होंघन। 31 लेकन मरें दे जींदे होने दे बारें च के तुसैं ए बचन नेई पढ़या जेका परमात्मा ने तुंदे कन्ने आखया: 32 " मैं अब्राहम दा परमात्मा, ते इसहाक दा परमात्मा, ते याकूब दा परमात्मा एं ? ओह मरें दा नेई, लेकन जींदे दा परमात्मा ए। " 33 ए सुनीयें लोक ओस दे उपदेश कोलां हान होई गे।

34 जिस लै फरिसियें सुनया के यीशु ने फरिसियें दे मूंह गी बंद करी दीत्ता, ते ओह किट्टा होए। 35 उंदा बीचा इक व्यवस्थापक ने उसी परखने आस्तै उसी पूछया, 36 " हे गुरु, व्यवस्थापक च के डी आग्या बड्डी ए ? " 37 ओस ने उसी आखया, " तू परमात्मा अपने प्रभु कन्ने अपने सारे मन ते अपने सारे प्राण ते अपनी सारी अकल दै कन्ने प्रेम रख। 38 बड्डी खास आग्या ते इय्ये ए। 39 ते ओस दे समान ए दुई भी ए के तू अपने गुआंडी कन्ने अपने समान प्रेम रख। 40 इय्ये गै द'ऊँ आग्यां सारी व्यवस्था ते भविष्यवक्तां दा आधार ए।

41 जिस लै फरीसी किट्टे हे, ते यीशु ने उन्हें पूछया, 42 " मसीह दे बारें च तुस के सोचदे हो ? ओह किस दा पुत्तर ए ? " उन्हें ओस कन्ने आखया, " दाऊद दा। " 43 ओस ने उन्हें गी पूछया, " ते दाऊद आत्मा च होइयें उसी प्रभु की आखदा ए ? 44 ' प्रभु ने, मेरे प्रभु कन्ने आखया, मेरे सज्जै बौह, जिस लै तकर के मैं तेरे बैरियें गी तेरे पैरें दै थलै नेई करां। ' 45 भला, जिस लै दाऊद उसी प्रभु आखदा ए, ते ओह ओस दा पुत्तर किय्यां ठैहया ? " 46 एस

दे उत्तर बीच कोई भी इक गल्ल नी बोली सकया। ओस दिन कोलां किसे गी फिरी ओस गी पूछने दा साहस नेई ओया।

23 उस बेलें यीशु ने भीड़ कोलां ते अपनं चेलें गी आखया, 2 " शास्त्री ते फरीसी मूसा दी गद्दी उप्पर बैठे दे न; 3 इसे आस्तै ओह तुंदे कन्ने जे किश आखन ओह करयो ते मनयो, लेकन उंदा जैसे कम्म नेई करयो; की वे ओह आखदे ते हेंन लेकन करदे नेईयें। 4 ओह इक ए सै भारी भोज गी जीसी चूकना मुश्कल ए, बनीयें उन्हें मनुख दे मुंढे उप्पर रखदे न; लेकन अप्पु उसी अपनी उगली कन्ने भी सरकाना नेई चांहदे। 5 ओह अपने सारे कम्म लोकें गी दसने आस्तै करदे न: ओह अपनं तबीतें गी चैड़ा करदे ते अपनं कपड़ें दे कोरे बदांदे न। 6 भोज बीच खास खास थाह, ते सभा बीच खास खास आसन, 7 बजारें बीच नमस्कार, ते इनसानें बीच रब्बी खुआना उन्हें भांदा ए। 8 लेकन तुस रब्बी नेई खुआयो, की वे तुंदा इक गै गुरु ए, ते तुस सारे प्रा हो। 9 धरती उप्पर किसे गी अपना पिता नेई आखयो, की वे तुंदा इक गै पिता ए, जेका सुर्ग बीच ए। 10 ते स्वामी भी नेई खुआयो, की वे तुंदा इक गै स्वामी ए, मतलब मसीह। 11 जेका तुंदे बीच बड्डी होए, ओह तुंदा सेवक बने। 12 जाग: ते जेका कोई अपने आप गी निक्का बनाह्य, ओह बड्डी कित्ता जाग।

13 " हे कपटी शास्त्रियो एते फरीसियो, तुंदे उप्पर हाय ! तुस मनुख आस्तै सुर्ग दे राज दा द्वार बंद करदे हो, ना गै अप्पु ओस बीच परवेश करदे हो ते ना ओस बीच परवेश करने आह्लें गी परवेश करना दिंदे हो। 14 [हे कपटी शास्त्रियो ते फरीसियो, तुंदे उप्पर हाय ! तुस बिधवा दे करें गी खाई जांदे हो, ते दसने आस्तै मते देर तकर प्रार्थना करदे रोंदे हो: इसे आस्तै तुसैं मता दंड थहोग।]

15 " हे कपटी शास्त्रियो ते फरीसियो, तुंदे उप्पर हाय ! तुस इक जन गी अपने मत बीच लाह्ने आस्तै सारे पानी ते जगह बीच फिरदे हो, ते जिस लै ओह मत बीच आई जांदा ए ते उसी अपने कोलां दूना पापी बनाई दिंदे हो।

16 " हे अन्ने अगुवो, तुंदे उप्पर हाय ! जे आखदे हो के जे कोई मंदिर दी कसम खाह ते किश नेई, लेकन जे कोई मंदिर दे सुन्ने दी कसम खाह ते ओस कन्ने बन्नोई जाग। 17 हे मूर्खों ते अन्नो, के डा बड्डी ए; सुन्ना यां ओह मंदिर जिस दे कन्ने सुन्ना पवित्र होदा ए ? 18 फिरी आखदे हो के जे कोई वेदी दी कसम खाह ते किश नेई, लेकन जेकी भेंट ओस उप्पर ए, जे कोई ओस दी कसम खाह ते बन्नोई जाग। 19 हे अन्नो, के डा बड्डी ए; भेंट जां वेदी जिस कन्ने थाह पवित्र होदा ए ? 20 इसे आस्तै जेका वेदी दी कसम खांदा ए, ओह ओस दी ते जे किश ओस दे उप्पर ए, ओस दी भी कसम खांदा ए। 21 जेका मंदिर दी कसम खांदा ए, ओह ओस दी ते ओस बीच रोहने आह्ले दी भी कसम खांदा ए। 22 जेका सुर्ग दी कसम खांदा ए, ओह परमात्मा दे सिंहासन दी ते ओस उप्पर बै ठने आह्ले दी भी कसम खांदा ए।

23 " हे कपटी शास्त्रियो ते फरीसियो, तुंदे उप्पर हाय ! तुस पोदीने ते सौंफ, ते जीरे दा दसमा अंश ते दिंदे हो, लेकन तुसैं व्यवस्था दी गंभीर गल्लें गी मतलब न्याय, ते दया, ते विश्वास गी शुडी दीते दा ए; चाहीदा के तुस इन्नं भी करदे रोंदे ते उन्हें गी भी नेई शुडदे। 24 हे अन्ने अगुवो, तुस मछर गी ते छानी लेंदे हो, लेकन ऊंट गी निंगली दिंदे हो।

25 " हे कपटी शास्त्रियो ते फरीसियो, तुंदे उप्पर हाय ! तुस कटोरे ते थाली गी उप्पर उपरा ते मांजदे हो लेकन कोल न्हैर ते अंसयम कन्ने भरोए दे न। 26 हे अन्ने फरीसी, पैह्लें कटोरे ते थाली गी कोला मांज के ओह बाह्ला भी साफ़ रवै।

27 " हे कपटी शास्त्रियो ते फरीसियो, तुंदे उप्पर हाय ! तुस चुना फिरीं दी कबरें दै समान हो जेहकियां उपरां तां शैल लबदियां न, लेकन कोल मुडदे दीयां हड्डियां ते सारे किसम दी मलिनता कन्ने भरोई दीयां। 28 इसैं रीती कन्ने तुस भी उपरा इनसानें गी धर्मी लबदे हो, लेकन कोल कपट ते अधर्म कन्ने भरोएदे हो।

29 " हे कपटी शास्त्रियो ते फरीसियो, तुंदे उप्पर हाय ! तुस भविष्यवक्तां दी कबरां संवारदे ते धर्मी दीयां कबरां बनांदे हो, 30 ते आखदे हो, ' जे आहस अपने बबब दादें दे दिनें च होंदे ते भविष्यवक्तां दी हत्या च उंदा साझी नेई होंदे। ' 31 एस दे उप्पर ते तुस अपने उप्पर अप्पु गै गुआई दिंदे हो के तुस भविष्यवक्ते दे हत्यारें दी संतान हो। 32 इसे आस्तै तुस अपने बबब दादें दे पाप दा घड़ा पूरी तरह भरी देयो। 33 हे सप्पो, हे करैतों दे बचयो, तुस नरक दे

दंड कोलां किय्यां बचगे ? 34 इसै आस्तै दिखो, मैं तुंदे कोल भविष्यवक्तें ते बुधिमानें ते शास्त्रियें गी भेजना ए; ते तुस उंदे बीचा कइयें गी ते मारी देगे ते क्रूस उप्पर चढ़ागे, ते कईयें गी अपने अराधनालें च कोड़े मारगे ते इक नगर बीचा दुए नगर गी खदेड़दे फिरगे। 35 जिस कन्ने धर्मी हाबील कोलां लेइयै बिरिक्याह दे पुत्तर जकरयाह तकर, जीसी तुसैं मंदिर ते वेदी दे बीच मारी दीत्ता हा, जिन्ने धर्मियें दा खून धरती उप्पर बहाए गेदा ए ओह सारा तुंदे सिरे उप्पर पोहा। 36 मैं तुंदे कन्ने सच आखना ए, ए सब गल्लां एस समें दे लोकें उप्पर आई पोंघन।

37 " हे यरुशलेम, हे यरुशलेम ! तू भविष्यवक्तें गी मार चाढ़ना ए, ते जेहके तेरे कोल भेजे गेदे न, उंदे उप्पर पथराव करना ए। किनी गै बारी मैं चाहया के जिय्यां मुर्फी अपने बच्चें गी अपने पंखें थलै कइया करदी ए, इय्यां गै मैं भी तेरे बालकें गी किइया करी लैं, लेकन तुसैं ना चाह्या। 38 दिखो, तुंदा घर तुंदे आस्तै उजाड़ शुडया जांदा ए। 39 की वे मैं तुंदे कन्ने आखना ए के हून कोलां जिस लैं तकर तुस ना आखगे, ' धन्य ए ओह, जेका प्रभु दे नां कन्ने आंदा ए ' उस बेलैं तकर तुस मीगी फिरी कदें भी नेई दिखगे। " जेका कोई अपने आप गी बड्डा बनाह्य, ओह निक्का किक्ता

24 जिस लैं यीशु मंदिर कोलां निकलियै जा करदा हा, ते ओस दे चले ओस गी मंदिर दी रचना दसने आस्तै ओस दे कोल आए। 2 ओस ने उंदे कन्ने आखया, " तुस ए सब दीखा करदे हो ना ! मैं तुंदे कन्ने सच आखना ए, इत्थें पत्थर उप्पर पत्थर भी नी शडोग जेका ढाया नेई जाग। "

3 जिस लैं ओह जैतून पहाड़ उप्पर बैठा हा, ते चेलैं एकांत बीच ओस दे कल आइयै आखया, " अस्सैं सना के ए गल्लां कदुं होंघन ? तेरे आने दा ते जगत दे अंत दा के चित्र होग ? " 4 यीशु ने उन्हे उत्तर दीत्ता, " सावधान रहो ! कोई तुसैं नेई भरमाए, 5 की वे मते सारे ए से होंघन जेहके मेरे नां कन्ने आइयै आखघन, मैं मसीह ए, ते मते गी भरमांघन। 6 तुस लड़ाइयां ते लड़ाइयें दीयां चर्चा सुनगे, ते घबराई नेई जायो की वे इंदा होना जरूरी ए, लेकन ओस बेलैं अंत नेई होग। 7 की वे जाति उप्पर जाति, ते राज उप्पर राज चढ़ाई करग, ते थाहै थाहै अकाल पोंघन, ते भुंचाल होंघन। 8 ए सारियां गल्लां पीड़ें दी शुरुआत होग। 9 उस बेलैं ओह क्लेश देने आस्तै तुसैं गी पड़कांघन, ते तुसैं मार चाढ़घन, ते मेरे नां दै कन्ने सारी जातियें दे लोग तुंदे कन्ने बैर रखघन। 10 उस बेलैं मते सारे ठोकर खाघन, ते इक दुए गी पड़कांघन, ते इक दुए कन्ने बैर रखघन। 11 मते सारे झूठे भविष्यवक्ते उठ खड़ोघन, ते मते सारे गी भरमांघन। 12 अधर्म दे बदने कन्ने मते सारें दा प्रेम ठंडा पेई जाग, 13 लेकन जेका अंत तकर सबर - संदोख रखे रोह्य, उसे दा उद्धार होग। 14 ते राज दा ए सुसमाचार सारें संसार बीच परचार किक्ता जाग, के सारियें जातियें उप्पर गुआई होए, उस बेलैं अंत आई जाग।

15 " इसे आस्तै जिस लैं तुस ओस उजाड़ने आली घृणीत चीज गी जिस दी चर्चा दानिय्येल भविष्यवक्ता दे दवारै होई ही, पवित्तर थाह बीच खड़ोती दी दीखो (जेका पढ़े ते समझै), 16 उस बेलैं जेहके यहूदिया बीच होंघन ओह पहाड़ें उप्पर नस्सी जांह। 17 जेहके छतै उप्पर हॉन, ओह अपने घरे गी समान लेने आस्तै नेइ उतरन; 18 ते जेहके खेते बीच हॉन, ओह अपना कपड़ा लेने आस्तै पीछें ना परतोन।

19 उन्हे दिनें बीच जेहकियां गर्भवती ते दुद्ध पिलादियां होंघन, उंदे आस्तै हाय हाय। 20 प्रार्थना करा करो के तुसैं जोड़े बीच जां सवत दे दिन नस्सना नेई पवै। 21 की वे ओस बेलैं ए सा भारी क्लेश होग, जेया संसार दे शुरु कोलां ना अय्यें तकर ओया ते ना कदें होग। 22 जे ओह दिन घटाए नेई जांदे ते कोई प्राणी नेई बचदा, लेकन चुनें दे कारण ओह दिन घटाए जांघन। 23 ओस बेलैं जे कोई तुसैं गी बोलग, 'दिखो, मसीह इत्थें ए !' जां 'उत्थें ए !' ते विश्वास नेई करयो। "

24 की वे झूठे मसीह ते झूठे भविष्यवक्ते उठी खड़ोघन, ते मते चित्र ते अद्भुत कम्म दसघन के जे होई सकग ते चुनें दे भी भरमाई देंन। 25 दिखो, मैं पैहें गै तुंदे कन्ने ए सब किश आखी दीत्ता ए। 26 इसे आस्तै जे ओह तुंदे कन्ने आखन, ' दिखो, ओह जंगल बीच ए ', ते बार ना निकलयो; जां 'दिखो, ओह कोठरियें बीच ए ', ते विश्वास नेई करयो।

27 की वे जिय्यां बिजली पूर्व कोलां निकलियै पश्चिम तकर चमकदी ए, उय्यां गै मनुख दे पुत्तर दा भी आना होग। 28 जित्थें लोथ होए, उत्थें गै गिद्ध किट्टे होंघन।

29 " उन्हे दिनें दे क्लेश दे फोरन बाद सूरज अंधियारा होई जाग, ते चन्न दी लोऽ जांदी रोह्य, ते तारे अंबरा पेई जांघन ते अंबर दिय्यां शक्तियां ह्वाई जांघन। " 30 उस बेलैं मनुख दे पुत्तर दा चित्र अंबर बीच लबग, ते उस बेलैं धरती दे सारें कुलें दे लोक छाती पिटघन; ते मनुख दे पुत्तर गी बड़ी शक्ति ते ऐश्वर्य दै कन्ने अंबर उप्पर ओंदे दिखघन। 31 ओह तुरही दे बड्डे शब्द कन्ने अपने दुतें गी भेजग, ते ओह अंबर दे एस छोर कोलां ओस छोर तकर, चोनी दिशें कोलां ओस दे चुनें गी किइया करघन।

32 " अंजीर दे रुक्ख कोलां ए दृष्टांत सीखो: जिस लैं ओस दी डाली कोमल होई जांदी ते पुत्तर निकलना लगदे न, ते तुस जानी लेंदे हो के गर्मी दी रुक्त कोल ए। 33 इसे चाली जिस लैं तुस इन सारियें गल्लें गी दिखो, ते जानी लेओ के ओह कोल ए, बरना दराजे उप्पर गै 34 मैं तुंदे कन्ने सच आखना ए के जिस लैं तकर ए सारियां गल्लां पुरियां नेई होई जांह, उस बेलैं तकर एस पीढ़ी दा अंत नेई होग। 35 अंबर ते धरती टली जांघन, लेकन मेरियां गल्लां कदें नी टलघन।

36 " ओस दिन ते ओस घड़ी दे बारै बीच कोई नी जानदा, ना सुर्ग दे दूत ते ना पुत्तर, लेकन सिर्फ पिता। 37 जिय्यां नूह दे दिन हे, उय्यां गै मनुख दे पुत्तर दा भी आना होग। 38 की वे जिय्यां जल - प्रलय कोलां पैहें दे दिनें बीच, जिस दिन तकर नूह जहाज उप्पर नेई चढ़या, ओस दिन तकर लोक खांदे पिंदे हे, ते उंदे बीच ब्याह होंदे हे। 39 ते जिस लैं तकर जल - प्रलय आइयै उन्हे गी रोहडी नेई गया, उस बेलैं तकर उन्हे गी किश भी पता नेई चलया; उय्यां गै मनुख दे पुत्तर दा भी आना होग। 40 ओस बेलैं द'ऊँ मनुक्ख खेतें च होंघन, इक लेई लिक्ता जाग ते दुआ शुडी दीत्ता जाग। 41 द'ऊँ जनानियां चक्की पीह्दीयां रोहघन, इक लेई लेती जाग ते दुई शुडी दीत्ती जाग। 42 इसे आस्तै जागे रवो, की वे तुस नेई जानदे के तुंदा प्रभु किस दिन आह्य। 43 लेकन ए जानी लेओ के जे घर दा स्वामी जानदा होंदा के चोर किस पैह आह्य ते जागा रोहदा, ते अपने घरे बीच चोरी नेई होना दिंदा। 44 इसे आस्तै तुस भी तयार रवो, की वे जिस घड़ी दे बारै बीच तुस सोचदे भी नेई हो, उसै बेलैं मनुख दा पुत्तर आई जाग।

45 " इसे आस्तै ओह विश्वास जोग ते बुद्धिमान दास कुन्न ए, जीसी स्वामी ने अपने नोकर - चाकरें उप्पर सरदार ठैहाया के समें उप्पर उन्हे रूडी दीयै ? 46 धन्य हे ओह दास, जीसी ओस दा स्वामी आइयै इय्यां गै करदे पाए। 47 मैं तुंदे कन्ने सच आखना ए, ओह उसी अपनी सारी संपति उप्पर अधिकारी ठैहाग। 48 लेकन जे ओह दुष्ट दास सोचना लगै के मेरे स्वामी दे ओह ने गी देर ए, 49 ते अपने साथी दासं गी मारना लगे, ते पिय्यकदें कन्ने खा -पी। 50 ते ओस दास दा स्वामी ऐहसे दिन आह्य, जिस लैं ओह ओस दी बाट दा इंतजार नेई करदा होए, ते ऐहसी घड़ी जीसी ओह नेई जानदा होए, 51 उस बेलैं ओह उसी भारी ताड़ना देह्य ते ओस दा भाग कपटियें दै कन्ने ठैहाग: उत्थें रोना ते दंद पीह्ना होग।

25 " सुर्ग दा राज उन दस कवारियें दै समान होग जेहकीं अपनी मशालां लेइयै मराजे कोलां भेंट करने गी निकलियां। 2 उंदे बीच पंज मूर्ख ते पंज समझदार थीं। 3 मूर्खें अपनी मशालां ते लेतियां, लेकन अपने कन्ने तेल नेई लेता; 4 लेकन समझदारें अपनी मशालें कन्ने अपनी कुप्पियें बीच तेल भी भरी लेता। 5 जिस लैं मराजे दे आने गी देर होई, ते ओह सारियां उंघनां लगीयां ते सेई गईयां।

6 " अधी राती शोर मचया: ' दिखो, मराज आह करदा !ओस कन्ने भेंट करने गी चलो। ' 7 उस बेलैं सारियां कवारियां उठियै अपनियां मशालां ठीक करना लगियां। 8 ते मूर्खें समझदारें कन्ने आखया, ' अपने तेले बीच अस्सैं भी किश दियो, की वे साडीयां मशालां हिस्सला दियां। ' 9 लेकन समझदारें उत्तर दीत्ता, 'अगर ए साडे ते तुंदे आस्तै पूरा नेई होए; भला ते ए ए के तुस बेचने आहें दे कोल जाईयै अपने आस्तै मुलें लेई लैओ। 10 जिस लैं ओह मुलें लेने जा करदी हियां ते मराज आई पुजज्या, ते जेहकियां तयार हियां, ओह ओस दे कन्ने ब्याह आहें घर चली गइयां ते द्वार बंद करी दीत्ता गया। 11 एस दे बाद दुइयां कवारियां भी आईयै बोलना लगियां, ' हे स्वामी, हे स्वामी, साडे

आस्तै द्वार खोली दे !¹² ओस ने उत्तर दीत्ता, 'मैं तुंदे कन्ने सच आखना एं, मैं तुसैं गी नेई जानना।'¹³ इसै आस्तै जागदे रवो, की वे तुस ना ओस दिन गी जांदे हो, ना ओस घड़ी गी।

¹⁴ "की वे ऐ ओस मनुख आली दशा ए जिस ने परदेस जांदे समैं अपने दासैं गी बलाइयै अपनी संपत्ति उन्हें सौंपी दीत्ती।¹⁵ ओस ने इक गी पंज तोड़े, दुए गी द'ऊँ, ते त्रिये गी इक; मतलब हर इक गी ओस दी सामर्थ दे अनुसार दीत्ता, ते उस बेलै ओह परदेस चली गया।¹⁶ उस बेलै, जीसी पंज तोड़े मिले दे हे, ओस ने फोरन जाइयै उंदै कन्ने लेन देन कीत्ता, ते पंज तोड़े होर कमाए।¹⁷ इसै रीती कन्ने जीसी द'ऊँ मिले दे हे ओस ने भी द'ऊँ होर कमाए।¹⁸ लेकन जीसी इक मिले दा हा, ओस ने जाइयै मिट्टी खोदी, ते अपने स्वामी दे पैसे छपाली दीत्ते।

¹⁹ "मते दिनें दे बाद उंदे दासैं दा स्वामी आइयै उंदे कोलां लेखा लेने लगया।²⁰ जीसी पंज तोड़े मिले हे, ओस ने पंज तोड़े होर लाइयै आखया, 'हे स्वामी, तू मीगी पंज तोड़े सौंपे हे, दिख, मैं पंज तोड़े होर कमाए न।'²¹ ओस दे स्वामी ने ओस कन्ने आखया, "धन्य, हे अच्छे ते विश्वास जोग दास, तू थहोड़े बीच विश्वास जोग रहा; मैं तुगी मती सारी चीजां दा अधिकारी बनागा। अपने स्वामी दे आन्नंद बीच सहभागी हो।"

²² "ते जीसी द'ऊँ तोड़े मिले हे, ओस ने भी आइयै आखया, 'हे स्वामी, तू मीगी द'ऊँ तोड़े सौंपे हे, दिख, मैं द'ऊँ तोड़े होर कमाए।'²³ ओहस दे स्वामी ने ओस कन्ने आखया, धन्य, हे अच्छे ते विश्वास जोग दास, तू थहोड़े बीच विश्वास जोग रहा; मैं तुगी मती चीजां दा अधिकारी बनागा। अपने स्वामी दे आन्नंद बीच सहभागी हो।"

²⁴ "उस बेलै जीसी इक तोड़ा मिले दा हा, ओस ने आइयै आखया, 'हे स्वामी, मैं तुगी जानदा हा के तू कठोर मनुख ए: तू जित्थें कुत्तै नेई राह्ना उत्थें बड्डना ए, ते जित्थें नेई छींटना उत्थुंआं गै किड्डा करना ए।²⁵ इसे आस्तै मैं डरी गया ते तेरा तोड़ा मिट्टी बीच शपाली दीत्ता। दिख, जेका तेरा ए, ओह ए ऐ।²⁶ ओस दे स्वामी ने उसी उत्तर दीत्ता, 'हे दुष्ट ते आलसी दास, जे तू ए जानदा हा के जित्थ मैं नेई राह्ना उत्थुंआं बड्डना ए, ते जित्थें मैं नेई छींटया उत्थुंआं किड्डा करना ए; ²⁷ ते तुगी चाहीदा हा के मेरा पैसा सरफिं गी देई दिंदा, उस बेलै मैं अपना धन ब्याज दे समेत लेई लेंदा।²⁸ इसे आस्तै ओह तोड़ा ओस कोलां लेई लेओ, ते जिस दे दस तोड़े न, उसी देई देयो।²⁹ की वे जिस किसै दै कोल ऐ, उसी होर दीत्ता जाग; ते ओस दे कोल होर होई जाग: लेकन जिस दे कोल नेईयै, ओस कोलां ओह भी जेका जेहका ओस दे कोल ऐ, लेई लिता जाग।³⁰ ते एस न्कम्मे दास गी बार न्हरे बीच सुट्टी देओ, जित्थें रोह्ना ते दंद पीह्ना होग।

³¹ "जेस लै मनुख दा पुत्तर अपनी महिमा च आह्ग ते सारे सुर्ग दूत ओस दे कन्ने आंघन, ते ओह अपनी महिमा दे सिंहासन उप्पर विराजमान होग।³² ते सारीयां जातियां ओस दे सामने किट्टीयां किती जांघन; ते जिय्यां चरवाहा भिड्डें गी बकरीयां कोलां अलग करी दिंदा ए, उस चाली ही ओह उन्हें गी इक दुए कोलां अलग करग।³³ ओह भिड्डें गी अपनी सज्जी बखी ते बकरीयें गी खबी बखी खड़ा करग।³⁴ उस बेले राजा अपनी सज्जी बखी आलें गी आखग, 'हे मेरे पिता दे धन्य लोको, आओ ओस राज दे अधिकारी होई जाओ, जेड़ा संसार दे आदि कोलां तुंदे आस्तै तेयार किते दा ऐ।³⁵ की वे मैं भूखा हा, ते तुसैं मीगी खाने दिता; मैं त्रै (प्यासा) दा हा, ते तुसैं मीगी पानी पिलाया; मैं परदेसी हा, ते तुसैं मीगी अपने घरे च ठहराया; ³⁶ मैं नंगा हा, ते तुसैं मीगी कपड़े पहनाए; मैं बीमार हा, ते तुसैं मेरी सुधि लेती, मैं जेल बीच हा, ते तुस मीगी मिलने आए।"

³⁷ "उस बेले धर्मी उसी उत्तर देंघन, 'हे प्रभु, अस्सैं कोले तुगी भूखा दिखया ते खिलाया ? जां त्रै (प्यासा) दा दिखया ते पानी पिलाया ? ³⁸ अस्सैं कोले तुगी परदेसी दिखया ते अपने घरे च ठहराया ? जां नंगा दिखया ते कपड़े पहनाए ? ³⁹ अस्सैं कोले तुगी बीमार जां जेले च दिखया ते तेरे कन्ने मिलने आए ?'⁴⁰ उस बेले राजा उन्हें उत्तर देग, 'मैं तुंदे कन्ने सच आखना के तुसैं जेड़ा मेरे इनां छोटे कोलां छोटे भ्रांड बीचा किसै इक कन्ने किता, ओह मेरे गे कन्ने किता।"

⁴¹ "उस बेले ओह खबी बखी आलें गी आखग, 'हे शापित लोको, मेरे सामने कोलां ओस अनन्त अग्न बीच चली जाओ, जेड़ी शैतान ते ओदे दूतें

लेई तेयार किती ऐ।⁴² की वे मैं भूखा हा, ते तुसैं मीगी खाने गी नेई दिता; मैं त्रै (प्यासा) हा, ते तुसैं मीगी पानी नेई पिलाया; ⁴³ मैं परदेसी हा, ते तुसैं मीगी अपने घर नेई ठहराया; मैं नंगा हा, ते तुसैं मीगी कपड़े नेई पहनाए; मैं बीमार ते जेले च हा, ते तुसैं मेरी सुधि नेई लेती।"

⁴⁴ "उस बेले ओह उत्तर देंघन, हे प्रभु, अस्सैं तुगी कोले भूखा, जां प्यासा, जां परदेसी, जां नंगा, जां बीमार, जां जेले च दिखया, ते तेरी सेवा टहल नेई किती ? ⁴⁵ उस बेले ओह उन्हें उत्तर देग, "मैं तुंदे कन्ने सच आखना ए के तुसैं जेड़ा इनां छोटा कोलां छोटे बीचा किसै इक कन्ने नेई किता, ओह मेरे कन्ने भी नेई किता।"⁴⁶ ते ए अनन्त दंड भोगघन मगर धर्मी जीवन बीच परवेश करघन।"

26 जिस ले यीशु ए सब गल्लां आखी चूका ते अपने चेलें गी आखना लगया, ² "तुस जानदे हो की दो दिनें बाद फसह दा त्योहार ऐ, ते मनुख दा पुत्तर कूस उप्पर चढ़ाए जाने आस्ते पडकाया जाग।"

³ उस बेले प्रधान याजक ते प्रजा दे पुरनिए काइफा नां दे महायाजक दे आंगने च किट्टे होए, ⁴ ते आपस बीच बिचार करना लगे की यीशु गी चलाकी कन्ने पकड़ीयै मारी दिचै। ⁵ लेकन ओह आखदे हे, त्योहार दे समें नेई, कुत्ते ऐसा नेई होए की लोकें च बलवा मची जाए।"

⁶ जिस ले यीशु बैतनिय्याह च शमोन कोट्टी दे घर हा, ⁷ ते इक घरेआली संगमरमर दे पांडे च मता किमती इन्न लेइयै ओस दे कोल आई, ते जिस ले ओह रुट्टी खाने गी बैठा हा ते ओस दे सिर उप्पर डोली दिता। ⁸ ए दिखियै ओस दे चले नाराज होए ते आखना लगे, एस दा की सत्यानाश किता ? ⁹ इसी ते अच्छे मूले उप्पर बेचिये कंगालें गी बंडोई सकदा हा।"¹⁰ ए जानियै यीशु ने उन्हें आखया, "घरेआली गी की सतांदे हो ? ओस ने मेरे कन्ने भलाई किती ऐ। ¹¹ कंगाल ते तुंदे कन्ने म्हेशां रेंदे न, मगर मैं तुंदे कन्ने म्हेशां नेई रेगा। ¹² ओस ने मेरे शरीर उप्पर जेड़ा इन्न डोल्या ऐ ओह मेरे दब्बने आस्ते किता गया ऐ। ¹³ मैं तुंदे कन्ने सच आखना ऐ, की सारे संसार च जित्थें कुत्ते ए सुसमाचार प्रचार किता जाग, उत्थें ओस दे इस कम्म दा बर्णन भी ओस दी याद च किता जाग।"

¹⁴ उस बेले यहूदा इस्करीयोती ने, जेड़ा बारां चेलें बीचा इक हा, प्रधान याजकें दे कोल जाइयै आखया, ¹⁵ "जे मैं उसी तुंदे हत्थ पडकाई दियां ते मीगी के देगे ?" उन्हें उसी त्री चांदी दे सिक्के तोलियै देई दिते। ¹⁶ ते ओह उसे समें कोलां उसी पडकाने दा बला तुपना लगया।

¹⁷ अखमीरी रुट्टी दे त्योहार दे पैले दिन, चले यीशु दे कोल आइयै पूछना लगे, "तू कुत्थें चाना की आस तेरे आस्ते फसह खाने दी तेयारी करचे ?" ¹⁸ ओस ने आखया, नगर च अमुक मनुख दे कोल जाइयै ओदे कन्ने आखो, 'गुरु आखदा ऐ के मेरा समां कोल ऐ। मैं अपने चेलें कन्ने तेरे इत्थें त्योहार मनागा।"¹⁹ इस आस्ते चेलें यीशु दी आग्या मनी ते फसह तेयार किता।"

²⁰ जिस ले शाम होई ते ओह बारें दे कन्ने भोजन करने गी बैठा। ²¹ जिस लै ओह खा करदे हे ते ओस ने आखया, "मैं तुंदे कन्ने सच आखना के तुंदा बीचा इक मीगी पकड़ग।"²² इस लेई ओह मते उदास होए, ते हर इक उसी पूछना लगया, "हे गुरु, के ओह मैं ऐं ?" ²³ ओस ने उत्तर दिता, "जिस ने मेरे कन्ने थाली च हत्थ पाए दा, उए मीगी पडकाग। ²⁴ मनुख दा पुत्तर ते जिय्यां ओस दे बारे च लिखे दा ऐ, जांदा ही ऐ; लेकन ओस मनुख आस्ते शोक ऐ जिस दे द्वारें मनुख दा पुत्तर पडकाया जांदा ऐ: जे ओस मनुख दा जन्म गै नेई होंदा, ते ओस दा भला होंदा।"²⁵ उस बेले ओस दे पडकाने आले यहूदा ने आखया, "हे रब्बी, के ओह मैं हां ?" ओस ने उसी आखया, "तू आखी चुकया।"

²⁶ जिस लै ओह खा करदे हे ते यीशु ने रुट्टी लेती, ते आशीष मंगिये तोड़ी ,ते चेलें गी देइयै आखया, "लेओ, खाओ; ए मेरी जिंद ऐ।"²⁷ फिरी ओस ने कटोरा लेइयै धन्यावाद किता, ते उन्हें देइयै आखया, तुस सारे एस बीचा पीओ, ²⁸ की वे ऐ वाचा दा मेरा ओह खून ऐ, जेड़ा मते सारें आस्ते पापें दी माफी आस्ते बहाया जांदा ऐ। ²⁹ मैं तुंदे कन्ने आखना ऐ के दाख दा ए एस ओस दिन तकर कदें नी पीगा, जदू तकर तुंदे कन्ने अपने पिता दे राज बीच नमां नेई पियां।"³⁰ फिरी ओह भजन गाइयै जैतून पहाड़ उप्पर गए।

³¹ उस बेले यीशु इ उंदे कन्ने आखया, "तुस सारे अज्ज गे राती गी मेरे बारे च ठोकर खागे, की के लिखे दा ऐ: 'मैं चरवाहे गी मारगा, ते झुंड दी पीडडां

तितर बितर ओई जाघन। 32 लेकन मैं अपने जी उठने दे बाद तुंदे कोलां पैलें गलील गी जागा। 33 एस उप्पर पतरस ने ओस कन्ने आख्या, “जे सारे तेरे बारे च ठोकर खानं ते खानं, लेकन मैं कदें भी ठोकर नी खागा।” 34 यीशु ने ओस कन्ने आख्या, “मैं तेरे कन्ने सच आख्या के अज़ गै रातीं मुगें दे बाघ देने कोलां पैलें, तू त्रै बारी मेरे लेई मुकरी जागा।” 35 पतरस ने ओस कन्ने आख्या, “जे मीगी तेरे कन्ने मरना भी पोग, तां भी मैं तेरे कोलां कदें नी मुकरगा।” ते इय्यां गै सब चेलें आख्या।

36 उस बेले यीशु अपनं चेलें दे कन्ने गतसमनी नां दे इक जगह च आया ते अपनं चेलें आख्या लगया, “इत्थें बैठे रेयो, जिस लै तकर मैं उत्थें जाइयै प्रार्थना करां।” 37 ओह पतरस ते जबदी दे दोर्नीं पूत्रें गी कन्ने लेई गया, ते उदास कन्ने व्याकुल होना लगया। 38 उस बेले ओस ने उंदे कन्ने आख्या, “मेरा जी मता उदास ऐ, जित्थें तकर के मेरा प्राण निकला जादा ए। तुस इत्थें ठैरो ते मेरे कन्ने जागदे रवो।” 39 फिरी ओह थोड़ा होर अगें बढियै मूंह दे बल किरया, ते ऐ प्रार्थना किती, “हे मेरे पिता, जे होई सके ते ऐ कटोरा मेरे कोलां टली जाए, तां भी जिय्यां मैं चाना इय्यां नेई, लेकन जिय्यां तू चानां उए होए। 40 फिरी ओस ने चेलें दे कोल आइयै उन्हें सुते दिखया ते पतरस कन्ने आख्या, “के तुस मेरे कन्ने इक घड़ी भी नेई जागी सके ? 41 जागदे रवो, ते प्रार्थना करदे रवो के तुस परीक्षा च नेइ पवो: आत्मा ते तेयार ऐ, लेकन शरीर कमजोर ऐ।” 42 फिरी ओस ने दुई बार जाइयै ऐ प्रार्थना किती, “हे मेरे पिता, जे ऐ मेरे पीते बगैर नेई हटी सकदा ते तेरी मर्जी पूरी होए।” 43 उस बेले ओस ने आइयै उन्हें फिरी सुते दे दिखया, की वे उंदी अखां नींदर कन्ने परोती हियां। 44 उन्हें शुडीयै ओह फिरी चली गया, ते उन्हें शब्दें च फिरी त्री बारी प्रार्थना किती। 45 उस बेले ओस ने चेलें दे कोल आइयै उन्हें आख्या, “हून् सुते रवो, ते आराम करो: दिखो, घड़ी आई पुजी ऐ, ते मनुख दा पुत्तर पापियें दे हत्थ पड़काया जांदा ऐ। 46 उठो, चलचे; दिखो, मेरा पकड़ाने आला कोल आई पुजे दा ऐ।”

47 ओह ऐ आखा गै करदा हा के यहूदा जेड़ा बारां बीचा इक हा आया, ते ओस कन्ने प्रधान याजकें ते लोकें दे पुरनियें दी भीड़, तलवारां ते लाठीयां लेइयै आई। 48 ओस दे पड़काने आले ने उन्हें ऐ संकेत दिता हा: “जिसी मैं चूमी लेगा उए ऐ: उसी पकड़ी लेयो।” 49 ते फोरन यीशु दे कोल आइयै आख्या, “हे रब्बी, नमस्कार !” ते उसी मता चुमया। 50 यीशु ने उसी आख्या, “हे मित्र, जिस कम्म आस्ते तू आया ऐ, उसी करी लै।” उस बेले उन्हें यीशु उप्पर हत्थ रखे ते उसी पकड़ी लेता। 51 यीशु दे साथियें बीचा इक ने हत्थ बदाइयै अपनी तलवार खिची लेती ते महायाजक दे दास उप्पर चलाइयै ओस दा कान उड़ाई दिता। 52 उस बेले यीशु ने उसी आख्या, “अपनी तलवार म्यान च रख लै की वे जेड़े तलवार चलांदे ओह तलवार कन्ने नाश किते जाघनं। 53 के तू नेई जानना के मैं अपने पिता अगें विनती करी सकना ऐ, ते ओह सुर्ग दुते दी बारां पलटन कोलां जादे मेरे कोल हून् हाजर करी देग ? 54 लेकन पवित्र शास्त्र दी ए गल्लां के एसा होना जरूरी ऐ, किय्यां पुरीयां होघनं ? 55 उस बेले यीशु ने भीड़ गी आख्या, “के तुस तलवारां ते लाठियां लेइयै मीगी डाकू दे समान पकड़ने आस्ते निकले हो ? मैं हर दिन मंदिर च बेईयै उपदेश दिदा हा, ते तुसैं मीगी नेई पकड़या। 56 लेकन ए सब इस आस्ते ओया ऐ के भविष्यवक्तें दे बचन पुरे हों।” उस बेले सारे चले उसी शुडीयै नसी गए।

57 उस बेले यीशु मसीह दे पकड़ने आले उसी काइफा नां दे महायाजक दे कोल लेई गए, जित्थें शास्त्री ते पुरनिये किट्टे होए दे हे। 58 पतरस दूर गै दूर ओस दे पिछें पिछें महायाजक दे आंगन तकर गया, ते कोल जाइयै अंत दिखने गी प्यादें दे कन्ने बैठी गया। 59 प्रधान याजक ते सारी महासभा यीशु गी मारने आस्ते ओस दे विरोध च झूठी गुआई च हे, 60 लेकन मते सारें झूठें गवाएं दे आने उप्पर भी ना पाई। अंत बीच दो जन आए, 61 ते आख्या, एस ने आखे दा ऐ की मैं परमात्मा दे मंदिर गी टाई सकना ऐ ते उसी तीन दिनें च बनाई सकना ऐ।”

62 उस बेले महायाजक ने खड़े होइयै यीशु कन्ने आख्या, “के तू कोई उत्तर नेई दिना ? ए लोक तेरे बिरोध च के गुआई दिंदे न ?” 63 लेकन यीशु चुप रेया। उस बेले महायाजक ने उसी आख्या, “मैं तुगी जिंदे परमात्मा दी कसम दिना ऐ के जे तू परमात्मा दा पुत्तर मसीह ऐं ते साड़े कन्ने आखी दे।”

64 यीशु ने उसी आख्या, “तो अप्पुं गै आखी दिता; बरना मैं तेरे कन्ने ए भी आख्या ऐ के हून् कोलां तुस मनुख दे पुत्तर गी सर्वशक्तिमान दे सज़े बखी बैठे, ते आकाश दे बदले उप्पर ओंदे दिखगे।” 65 एस उप्पर महायाजक ने अपने कपड़े फाड़े ते आख्या, “एस ने परमात्मा दी निंदया किती ऐ, हून् असं गुआइयें दी के लोड ? दिखो, तुसैं हून् ए निंदया सुनी ऐ ! 66 तुस के सोचदे हो ? ” उन्हें उत्तर दिता, ऐ हत्या दे काबल ऐ।” 67 उस बेले उन्हें ओंदे मूंह उप्पर थुक्या ते उसी मुक्के मारे, दुएँ चपेटां मारीयै आख्या, 68 “ हे मसीह, साड़े कन्ने भविष्यवाणी करीयै बोल के किस नै तुगी मारया ? ”

69 पतरस बार आंगन च बैठा हा के इक दासी ओस दे कोल आई ते आख्या, “तू भी यीशु गलीली दे कन्ने हा।” 70 ओस ने सारे दे सामने ए आखे दे होई मना किता, “मैं नेई जानना के तू के आखनी ऐ।” 71 जेस लै ओह बार डेवढी च गया, ते दुई दासी ने उसी दिखियै उंदे कन्ने ओह जेड़े उत्थें हे आख्या, “ ए भी ते यीशु नासरी दे कन्ने हा।” 72 ओस ने कसम खाइयै फिरी मना किता: मैं ओस मनुख गी नेई जानना।” 73 थुडी देर बाद लोक जेड़े उत्थें खड़ोते हे, पतरस दे कोल आइयै उसी आख्या, “सचमुच तू भी उंदे बीचा इक ऐ, की वे तेरी बोली तेरा भेद खोली दिंदी।” 74 उस बेले ओह धिक्कारने ते कसम खाना लगया: “मैं ओस मनुख गी नेई जानना।” ते फोरन मुगें बांग दीती। 75 उस बेले पतरस गी यीशु दी आखी गेदी गल्ल याद हो आई: “मुगें दे बांग देने कोलां पैलें तू त्रै बारी मेरा मना करगा।” ते ओह बार जाइयै फुटी -फुटी करी रोने लगया।

27 जेस ले भोर (भ्याग) होई ते सारे प्रधान याजक ते लोकें दे पुरनियें यीशु गी मारी देने दी कामना किती 2 उन्हें उसी बनया ते लेई जाइयै पिलातुस हाकिम दे हत्थे बीच सोंपी दिता।

3 जिस ले ओस दे पड़काने आले यहूदा ने दिखया के ओह दोषी ठहराया गया ऐ ते ओह पछताया ते ओह त्री चांदी दे सिक्के प्रधान याजक ते पुरनियें दे कोल फेरी लाया 4 ते आख्या, “मैं निर्दोष गी घात करने आस्ते पकड़ाइयै पाप किता ऐ।” उन्हें आख्या, “असं के ? तू ऐ जान।” 5 उस बेले ओह उन सिक्के गी मंदिर च सुडी ऐ चली गया, ते जाइयै अपने आप गी फांसी दिती।

6 प्रधान याजकें उन सिक्के गी लेइयै आख्या, “इन्हें, भंडार च रखना उचित नेईयै, की वे ए खूने दा मूल ऐ।” 7 इस आस्ते उन्हें सम्मति करिये उन सिक्के कन्ने परदेसियें गी गाड़ने आस्ते कम्हार दा खेत मुलें लेई लेता। 8 इस आस्ते ओह खेत अज़ तकर लहू दा खेत आखा जांदा। 9 उस बेले ओह बचन जेड़ा यिर्मयाह भविष्यवक्ता दे द्वारे आखे गेदा हा ओह पूरा ओया: “ उन्हें ओह त्री सिक्के मतलब ओस ठहराए गेदे मूल गी जिसी इस्राएल दी संतान बीचा मते ठहरादा हा लेई लेता, 10 ते जिय्यां प्रभु ने मीगी आज्ञा दिती ही उय्यां गै उन्हें कम्हार दे खेत दे मूल कोलां देई दिता।”

11 जेस ले यीशु हाकिम दे सामने खड़ोते दा हा ते हाकिम ने उसी पुछ्या, “ के तू यहूदियां दा राजा ऐ ? ” यीशु ने उसी आख्या, “तू अप्पुं गै आखाना।”

12 जेस ले प्रधान याजक ते पुरनीए ओस उप्पर दोष ला करदे हे, ते ओस ने किश उत्तर ना दिता। 13 इस उप्पर पिलातुस ने उसी आख्या, “के तू नेई सुनदा के इ तेरे बिरोध बीच किनियां गुआइयां दिया करदे न ? ” 14 लेकन ओस ने उसी इक गल्ल दा भी उत्तर नेई दिता, जित्थें तकर की हाकिम गी बड़ा हैरान लगया।

15 हाकिम दी ए रिती ही के ओस त्योहार च लोकें आस्ते किसे इक बंदी गी जीसी ओह चांदे हे शुडी दिंदा हा। 16 ओस समें उंदे उत्थें बरअब्बा नां दे मने दा इक बंदी हा। 17 इस आस्ते ओह किट्टा होए, ते पिलातुस ने उन्हें आख्या, “तुस कुसी चांदे के मैं तुंदे आस्ते शुडी दियां ? बरअब्बा गी यां यीशु गी जेड़ा मसीह आखा जांदा ऐ ? ” 18 की वे ओह जानदा हा की उन्हें उसी डाह कन्ने पड़काए दा ऐ। 19 जेस लै ओह न्याय दी गदी उप्पर बैठा हा ते ओस दी घरेआली ने उसी स्नेहा भेजया, “तू ओस धर्मी दे मामले च हत्थ नी पायां, की वे मैं अज़ सूखने च ओंदे कारण मता दुःख चुकया।”

20 प्रधान याजकें ते पुरनियें लोकें गी उभारया की ओह बरअब्बा गी मंगी लेन, ते यीशु दा नाश करान। 21 हाकिम ने उन्हें पूछ्या, इना दोनों बीचा केड़े गी चांदे हो के मैं तुंदे आस्ते शुडी दियां ? ” उन्हें आख्या, “बरअब्बा गी।” 22 पिलातुस ने उन्हें पूछ्या, “फिरि यीशु गी, जेड़ा मसीह आखा जांदा ऐ, के करां ? ” सबनी उसी आख्या, “ओह कूस उप्पर चढ़ाया जा ! ” 23 हाकिम ने

आखया, "की, ओस ने के बुराई किती ऐ? लेकन ओह होर भी करलाई करलाई आखना लगे, "ओह क्रूस उप्पर चढ़ाई दिता जा!" 24 जेस ले पिलातुस ने दिखया, की किश बनी नेई सकदा लेकन एस दे बजाय रोला बदा करदा ऐ, ते ओस ने पानी लेईयै भीड़ दे सामने अपने हत्थ धोते ते आखया, "मैं इस धर्मी दे लहू कोलां निर्दोष ऐ; तुस गै जानो!" 25 सब लोकें उत्तर दिता, "एस दा खून साड़े उप्पर ते साड़ी संतान उप्पर होए!" 26 एस दे उप्पर ओस ने बरअब्बा गी उंदे आस्ते शुड़ी दिता, ते यीशु गी कोड़े मराइये सोंपी दिता, के क्रूस उप्पर चढ़ाई दिता जा।

27 उस बेले हाकिम दे सपाइयें यीशु गी किले च लेइयै सारी पलटन ओस दे चार चबखी किट्टी किती, 28 ओस दे कपड़े उतारीयै उसी लाल रंग दा भागा पहनाया, 29 ते कंडे दा मुकुट गुंथीयै ओस दे सिरे उप्पर रखया, ते ओस दे सज्जे हत्थ च सरकंडा दिता ते ओस दे अगें घुटने टेकियै उसी ठठें च डुआना लगे ते आखया, "हे यहूदिये दे राजा नमस्कार!" 30 ते ओस उप्पर थुकया; ते उए सरकंडा लेइयै ओस दे सिरे उप्पर मारना लगे। 31 जेस लै ओह ओस दा ठठा करी चुके, ते ओह बागा ओदे उपरा उतारीयै फिरी ओस दे कपड़े गै उसी पहनाए, ते क्रूस उप्पर चढ़ाने आस्ते लेई गए।

32 बार जांदे होई उन्हेँ शमोन नां दा इक कुरेनी मनुख मिलया। उन्हेँ उसी बेगार च पकड़या के ओस दा क्रूस चुकिये लेई चले। 33 ओस जगह उप्पर जेड़ी गुलगुता मतलब खोपड़ी दी जगह आखी जांदी ऐ, पुजिये 34 उन्हेँ पित्त मिलाए दा दाखरस उसी पिने गी दीता, लेकन ओस ने चखी ऐ उसी पिना नेई चाया। 35 उस बेले उन्हेँ उसी क्रूस उप्पर चाढ़या, ते चिठियाँ पाइयै ओस दे कपड़े बंडी लेते, 36 ते उत्थें बैठीयै ओस दा पैरा देन लगे। 37 ते ओस दा दोष पत्र ओस दे सिरे दे उप्पर लाया, के "ऐ यहूदीयां दा राजा यीशु ऐ"। 38 उस बेले ओस दे कन्ने दो डाकू इक सज्जे ते इक खब्बे, क्रूसें उप्पर चाढ़े गए। 39 आने - जाने आले सिरे गी लाई - लाई ओदी निन्दा करदे हे, 40 ते ऐ आखदे हे, "ऐ मंदिर दे ढाने आले ते त्रै दिन च बनाने आले, अपने आप गी ते बचा ! जे तू परमातमा दा पुत्तर ऐ ते क्रूस उपरा थले उतरी आ!" 41 इसे रीती कन्ने प्रधान याजक भी शास्त्री ते पुरनिये दे समेत ठठा करी करी आखदे हे, 42 "इस नै ओरें गी बचाया, ते अपने आप गी नेई बचाई सकदा। ए ते 'इस्राएल दा राजा' ऐ। हूं क्रूस उपरा उतरी आए ते आस ओस उप्पर बिश्वास करचे। 43 ओस ने परमातमा उप्पर भरोसा रखा ऐ; जे ओह इस गी चांदा ऐ, ते हूं इसी शुड़ाई लै, की वे इस ने आखया हा, "मैं परमातमा दा पुत्तर ऐ!" 44 इसे चाली डाकू भी जेड़े ओस दे कन्ने क्रूसे उप्पर चढ़ाए दे हे, ओस दी निन्दा करदे हे।

45 दोपहरी कोलां लेइये त्रिये पहर तकर ओस स्सरे देश च न्हेरा छादा रेया। 46 त्रिये पहर दे कोल यीशु बड्डे शब्द कन्ने पुकारीये आखया, "एली, एली, लमा शबकनी ?" मतलब "हे मेरे परमातमा, हे मेरे परमातमा, तू मीगी की शुड़ी दिता ?" 47 जेड़े उत्थे खड़ोते दे हे, उंदे बीचा किन्नं ऐ सुनिये आखया, "ऐ ते एलिय्याह गी पुकारा करदा ऐ।" 48 उंदे बीचा इक फोरन दोड़या, ते स्पंज लेइये सिरके च डुबाया, ते सरकंडे उप्पर रखियै उसी चुसाया। 49 बाकीयें आखया, "रै जाओ, दिखचे एलिय्याह उसी बचाने आंदा यां नेई!" 50 उस बेले बड्डे शब्द कन्ने यीशु ने करलाइये प्राण शुड़ी दिते। 51 ते दिखो, मंदिर दा परदा उपरा लेइये थले तकर फटीयै दो टुकड़े होई गया: ते धरती डोल गयीं ते चटानां तड़क गयीं, 52 ते कन्नां खुली गईयां, ते सुते दे पवित्र लोकें दे मते सारे शव जिंदे होई गए, 53 ते ओस दे जी उठने कोलां बाद ओह कन्नां बीचा निकलिये पवित्र नगर बीच गए ते मते गी लबे। 54 उस बेले सूबेदार ते जेड़े ओस दे कन्ने यीशु दा पहरा दिया करदे हे, भुंचाल ते जे किश ओया हा उसी दिखिये अत्यंत डरी गए ते आखया, "सची ऐ परमातमा दा पुत्तर हा!" 55 उत्थें मतियां जनानियां जेकियां गलील कोलां यीशु दी सेवा करदे होई ओस दे कन्ने आईयां थियां, दूरा ए दिखा करदीयां थियां। 56 उंदे

बीच मरियम मगदलीनी, ते याकूब ते योसेस दी माँ मरियम, ते जबदी दे पुत्रें दी मा ही।

57 जिस ले शाम होई ते युसूफ नां दा अरिमतिया दा इक अमीर मनुख, जेड़ा आप गै यीशु दा चेला हा, आया। 58 ओस ने पिलातुस दे कोल जाइये यीशु दा शव मंगया। इस उप्पर पिलातुस ने देई देने दी आज्ञा दिती। 59 युसूफ ने शव लेता, उसी उज्रवल चादर च लपेटया, 60 ते उसी अपनी नमी कन्न च रखया, जेड़ी ओस ने चट्टान च खुदवाई ही, ते कन्न दे द्वार उप्पर बड्डा पत्थर लढकाइये चली गया। 61 मरियम मगदलीनी ते दुई मरियम उत्थें कन्न दे कोल बैठी थीयां।

62 दुए दिन जेड़ा तेयारी दे बाद दा दिन हा, प्रधान याजकें ते फरिसियें पिलातुस दे कोल किट्टे होइयै आखया, 63 "ऐ महाराज, असें याद ऐ के ओस भरमाने आले ने जिस ले ओह जिंदा हा, आखया हा, 'मैं त्रै दिन बाद जिंदा होई जागा।' 64 इस आस्ते आज्ञा दे के त्रिये दिन तकर कन्न दी रखवाली किती जा, एसा नि होए के ओस दे चले आइयै उसी चोरिये लेई जांन ते लोकें कन्ने आखना लगन, 'ओह मरां बीचा जिंदा होई गेदा ऐ।' उस बेले पिछला धोखा पैले कोलां भी बुरा होग।" 65 पिलातुस ने ओस कन्ने आखया, "तुंदे कोल पहरए ते हैं। जाओ, अपनी समझ दे मताबक रखवाली करो।" 66 इस आस्ते ओह पहरए गी कन्ने लेइयै गए, ते पत्थर उप्पर मोहर लाइयै कन्न दी रखवाली किती।

28 सब्त दे दिन दे बाद हफते दे पैले दिन सबेरा होंदे गै मरियम मगदलीनी ते दुई मरियम कन्न गी दिखने आईं। 2 ते दिखो, इक बड्डा भुंचाल ओया, की वे प्रभु दा इक दूत सुर्ग कोलां उतरया ते कोल आइयै ओस ने पत्थर गी लढकाई दिता, ते ओस उप्पर बैठी गया। 3 ओस दा रूप बिजली जेया ते ओस दा कपड़ा पाले जेया उज्वल हा। 4 ओस दे डर कन्ने पहरए कंबी उठे, ते मुडदे दे समान होई गए। 5 सुर्ग दूत ने घरेआली यें गी आखया, "मत डरो, मैं जानना ऐ के तुस यीशु गी जेड़ा क्रूस उप्पर चढ़ाया गया हा तुपा करदीयां हो। 6 ओह इत्थें नेईयै, लेकन अपने बचन दे मताबक जी उठे दा ऐ। आओ, ए जगह दिखो, जित्थें प्रभु पेदा हा, 7 ते जल्दी जाइयै ओस दे चेलें कन्ने आखो, के ओह मुडदां बीचा जिंदा होई गेदा ऐ, ते ओह तुंदे कोलां पैलें गलील गी जांदा ऐ, उत्थें ओस दा दर्शन पागे ! दिखो, मैं तुंदे कन्ने आखी दिता।"

8 ओह डर ते बड़े आनंद कन्ने कन्न बीचा जल्दी बापस आइयै ओस दे चेलें गी समाचार देने आस्ते दोड़ी पेईयां। 9 उस बेले यीशु उन्हेँ मिलया। ते आखया, "सलाम।" उन्हेँ कोल आइयै ते ओस दे पैर पकड़ियै उसी दंडवत किता। 10 उस बेले यीशु ने उसी आखया, "मत डरो; मेरे प्रा गी जाइयै आखो के गलील गी चली जांन, उत्थें मीगी दिखंन।"

11 ओह जा गे करदी हियां के पहरए बीचा किश ने नगर च आइयै पूरा हाल प्रधान याजकें कन्ने कह दिता। 12 उस बेले उन्हेँ पुर्नियें कन्ने किट्टे होइये सम्मति किती ते सपाइयें गी मती चांदा देइयै आखया, 13 "ऐ आखयो के, राती आस जिस लै सोआ करदे हे, ते ओस दे चले उसी चुराई लेई गए। 14 ते जे ऐ गल्ल हाकिम दे कर्ने तकर पुजग, ते आस उसी समझाई लेगे ते तुगी जोखिम कोलां बचाई लेगे।" 15 इस आस्ते उन्हेँ पैसे लेइयै जिय्यां सिखादे हे, उथ्यां गै किता। ऐ गल्ल यहूदिये च बड़ी मशुर ऐ।

16 जारां चले गलील च ओस फ्हाड़ उप्पर गए, जिसी यीशु ने उन्हेँ बतादा हा। 17 उन्हेँ ओस दे दर्शन पाइयै उसी प्रणाम किता, लेकन किसे किसे गी शक ओया। 18 यीशु ने उंदे कोल आइयै आखया, "सुर्ग ते धरती दा सारा अधिकार मीगी दिते दा ऐ। 19 इस आस्ते तुस जाओ; सारी जातिये दे लोकें गी मेरा चेला बनाओ; ते उन्हेँ पिता, ते पुत्तर, ते पवित्र आत्मा दे नां कानने बपतिस्मा दियो, 20 ते सब गल्लां जेड़ीयां मैं तुसें गी आज्ञा दिती दियां न, मनना सिखाओ: ते दिखो, मैं दुनिया दे आखर तकर हमेशां तुंदे कन्ने ऐ।"

मरकुस

1 परमात्मा दे पुत्र यीशु मसीह दे सुसमाचार दा आरम्भ। 2 जिया यशायाह नबी ने लिख्या ऐ, " देखख, में अपने दूत गी तेरे अग्रे भेजना हां, जेड़ा तेरे लेई रस्ता तैयार करग।

3 जंगल च इक पुकारने आले दी आवाज़ ए सुनाई दे रई ऐ कि प्रभु दा रस्ता तैयार करो।"

4 यहुन्ना आया, जेड़ा जंगल च बपतिस्मा दिंदा, और पापे दी क्षमा लेई मनफिराव दा बपतिस्मा दा प्रचार करदा ऐ। 5 सारे यहूदिया परदेश ते ,यरुशलैम दे रोने आले ओदे कोल आईये, ते अपने पापं गी मानिये यार्दन दे दरय: च बतिस्मा लें लेई पे।

6 यहुन्ना ते ऊंट दे रोएं दे कपड़े पांदा ही और कमर च चमड़े दा कटिबन्ध पाया करदा ही और टिड्डियाँ ते वन मधु खाया करदा ही। 7 और ए प्रचार करदा ही, " मेरे बाद ओह आने आला ऐ, जेड़ा मेरे कोला भी बड्डा सामर्थी ऐ और में इस योग्य नेई कि झुकिये उदे जूती दा बन्धन खोली सका। 8 में ते तोहे गी पानी कन्ने बपतिस्मा दिता ऐ, लेकन ओह तोहे गी पवित्र आत्मा दा बपतिस्मा देगा। "

9 उन दिनों च यीशु ने गलील दे नासरत तो आईये, यरदन च यहुन्ना कोला बपतिस्मा लेया 10 और जिसलै ओह पानी च निकलिये उप्पर आया ते उन आकाश दी खुलदे होए और आत्मा गी कबूतर दे रूप च अपने उप्पर उतरदे दिखेया। 11 फेर स्वर्ग च ए आवाज आई, " तू मेरा प्रिय पुत्र ऐ, और में तेरे कन्ने बड़ा खुश हां।

12 फेर आत्मा ने जल्दी उसी जंगल दी ओर भेजेया। 13 जंगल च चालीस दिन तक शैतन ने उदी परीक्षा लेई; और ओह वन पशुओं दे कन्ने रेहा, और स्वर्गदूत उदी सेवा करदे रहे।

14 यहुन्ना दे पकड़वाये जाने दे बाद यीशु ने गलील च आईये परमात्मा दे राज्य दा सुसमाचार प्रचार किता। 15 और आख्या, " समय पूरा होया ऐ, और परमात्मा दा राज्य निकट आई गेया ऐ; मन फिराओ और सुसमाचार उप्पर विश्वास करो। "

16 जिसलै ओह गलील सागर दे किनारे- किनारे जा दा हां, ते उन शमौन और उदे परा अनिद्रयास दे सागर च जाल पांदे दिखेया, क्योंकि ओह मछुवे ही। 17 यीशु ने उ'नेगी आख्या, " मेरे पीछे आओ, और में तोहे गी मनुखे दे मछुवे बनागा। 18 ओह तुरन्त जाले गी छडीये उदे पीछे होईये।

19 कुछ अग्रे बदिये, उने जब्दी दे पुत्र याकूब, और उदा परा यहुन्ना गी, किशतिया ठीक करदे दिखेया। 20 उने तुरन्त उ'नेगी बुलाया और ओह अपने पिता जब्दी गी मजदूर दे कन्ने किशती उप्पर छोड़िये उदे पीछे होईये।

21 फेर ओह कफरनहूम च आये, और तुरन्त सब्त दे दिन ओह आराधनालय च जाईये शिक्षा देन लग्गा। 22 और लोक उदे शिक्षा कोला चकित होईये; क्योंकि ओह उ'नेगी शास्त्रियों दे समान नेई परैन्त अधिकारी दे समान शिक्षा दे दा हां। 23 उसी समय, उन्दे आराधनालय च इक मनुख ही, जिदे च इक अशुध्द आत्मा ही। 24 उन चिल्लाईये आख्या, " हे यीशु नासरी, सानू तेरे कोला के काम ? क्या तू सानू खत्म करन लेई आया हां ? में तुगी जान्दा हां, तू कोन ऐ ? परमात्मा दा पवित्र जन !" 25 यीशु ने उसी डांटिये आख्या, " चुप रह, और उदे बीचा निकली जा। " 26 फेर अशुध्द आत्मा उसी मरोड़िये, और बड़े शब्द च चिल्लाईये उदे बीचा निकली गई। 27 इदे उप्पर सारे लोक चकित होईये आपस च वाद- विवाद करदे होई बोलन लग्गे, " ए केरी गल्ल ऐ ? ए ते कोई नयी शिक्षा ऐ ! ओह अधिकार दे कन्ने अशुध्द आत्मा गी भी आज्ञा दिंदा ऐ, और ओह उदी आज्ञा मनदी ऐ। " 28 और उदा नांउ तुरन्त गलील दे आसे-पासे दे सारे जगह च फैली गेया।

29 ओह तुरन्त आराधनालय च निकलिये, याकूब और यहुन्ना दे कन्ने शमौन और अनिद्रयास दे कार आया। 30 शमौन दी सास ज्वर ता पीड़ित ही, और उने तुरन्त उदे विषय च उसी आख्या। 31 फेर उन उदे कोल जाईये उदा हाथ पकड़िये उसी उठाया। उदा ज्वर उतरी गेया, और ओह उदी सेवा करन लग्गा पेई। 32 शाम दा समय जिसलै सूर्य डूबी गेया ते लोक जेड़े सारे बीमार ही और उ'नेगी जिन्दे च दुष्टात्मार्ये समाई दी ही यीशु दे कोल आन लग्गे। 33 और सारे लोक दरबाजे उप्पर कठे होई गए। 34 उन बड़े गे जेड़े नाना प्रकार दी बीमारियों कन्ने दुखी ही, चंगा किता, बड़ी सारी दुष्टात्माओं गी कडेया और दुष्टात्माओं गी बोलन नेई दिता, क्योंकि ओह उसी पहचान दी ही।

35 सवेर दा समय जिसलै थोड़ा नेरा ही ओह उठिये बाहर निकलिये आया, और इक जंगल जगह च गेया और उथे प्रार्थना करन लग्गा। 36 फेर शमौन और उदे साथी उसी तुपन लग्गे, 37 जिसलै ओह मिलेया, ते उसी आख्या, " सारे लोक तुगी तुपा दे ने। " 38 उन उ'नेगी आख्या, " आओ; आहे और किते आसपास दी बसती बीच जाचे, कि में उदर भी प्रचार करा, क्योंकि में इदे बासते आया हां। " 39 आखिर ओह सारे गलील च उन्दे आराधनालय च जाईये प्रचार करदा और दुष्टात्मा गी निकलदा रेहा।

40 इक कोढ़ी उदे कोल आया, उदे अग्रे विनती किती, और उदे सामने घुटने टेकिये उसी आख्या, " यदि तू चाहे ते मिगी शुध्द करी सकदा ऐ। " 41 उन उदे उप्पर तरस खाईये अपना हाथ बढ़ाया, और उसी छुईये उसी आख्या, " में चाना हां कि तू शुध्द होई जाये। " 42 और तुरन्त उदा कोढ़ जन्दा रेहा और ओह शुध्द होई गेया। 43 फेर उन उसी कड़ी चेतावनी दिये उसी तुरन्त भेजी ओड़िया, 44 और उन बोल्या, " देखख, किसे गी कुछ नेई आख्या, लेकन जाईये अपने आप गी याजक दी दस, और शुध्द होने दे बारे च मूसा ने जेड़िया आज्ञा दिती ऐ, उन्दे च भेंट चाड़ कि ताकि उन्दे च तेरी गवाही होए। " 45 लेकन ओह बाहर जाईये इस बारे च बड़ा प्रचार करन लग्गा कि यीशु फेर खुलेआम नगर च नेई जाई सकेया, लेकन बाहर जंगली जगह च रेहा, और चारों पासे दे लोक उदे कोल आन्दे रए

2 केई दिने बाद यीशु फेर कफरनहूम च आया, और सुनने च आया कि ओह अपने कार च ऐ। 2 और बड़े लोक कठे होए, इथु तक कि दरवाजे कोल भी जगह नेई रेयी, और ओह उ'नेगी अपना वचन सुना दा हां। 3 और लोक इक लकवे दे रोगी गी चार मनुख चूकिए ली आये। 4 लेकन ओह भीड़ दे कारण उदे कोल नेई पूजी सके, ते उने उस छत गी जिन्दे थल्ले यीशु खलोते दा हां, उसी खोली ओड़िया, और लकवे दे रोगी दी खाट दे थल्ले लवाई ओड़िया। 5 यीशु ने उन्दा विश्वास दिखिये उस लकवे दे रोगी गी बोल्या, " हे पुत्र, तेरे पाप माफ़ होए। " 6 ते केई शास्त्री उथे जेड़े बैठे दे हे, अपने मन च विचार करन लग्गे, 7 " ए मनुख क्यों इस तरह बोल्दा ऐ ? ए ते परमात्मा दी निन्दा करदा ऐ ! परमात्मा गी छोड़िये और कोन पाप माफ़ करी सकदा ऐ ? " 8 यीशु ने अपने आत्मा च जानी लेया कि ओह अपने - अपने मन च इस तरह विचार करदे ऐ, और उ'नेगी आख्या, " तोहे अपने मन च एह विचार क्यों करदे हो ? 9 सहज की होंदा ऐ ? इस लकवे दे रोगी गी ए बोलना कि, ' तेरे पाप माफ़ होए ' या ए कि ' उठ और अपनी खाट चोक ते चल फेर ? 10 परैन्त इसलेई कि तोहे जानो कि मनुख दे पुत्र गी इस जगत च पाप माफ़ करन दा अधिकार ऐ। " 11 " में तुगी बोलना हां, कि उठ, ते अपनी खाट चोक ते अपने कार चली जा। " 12 ओह उठया और अपनी खाट चूकिए सारे दे सामने ओह निकलिये चली गेया; और ओह बड़े हैरान होए, और परमात्मा दी महिमा करदे बोलन लग्गे, " आहे ते इन्ना कदे भी नेई दिखया

13 ओह फेर निकलिए झील दे कन्डे गया, और सारी बड्डी भीड़ उदे कोल आई, और ओह उ'नेगी प्रचार करन लग्गा। 14 जनदे होए उन हलफई दे पुत्तर लेवी गी चुंगी दे चोकी च बैठे दिखया, और उसी आख्या, " मेरे पीछे आ। " और ओह उठया और उदे पीछे चली पेया। 15 जदू ओह उदे कार च रुट्टी खान बैठे, ते बडी सारी चुंगी लेने आले और पापी, यीशु और उदे चेले कन्ने रुट्टी खान बैठे; क्योंकि ओह बडे सारे ही, और उदे पीछे चला दे ही। 16 शास्त्रियों और फरीसियों ने ए दिखिये कि ओह ते पापियों और चुंगी लेने आले दे कन्ने रुट्टी खा दा ऐ, ते उदे चेले गी बोलन लग्गे, " ओह ते चुंगी लेने आले और पापिये कन्ने खानदा पिन्दा ऐ ! " 17 यीशु ने ए सुनिए उ'नेगी आख्या, " भले - चंगो गी वेध दी जरूरत नेई, लेकन बीमार गी ऐ। में धर्मिये गी नेई, लेकन पापिये गी बुलाने लेई आया हां। "

18 यहुन्ना दे चेले, और फरीसी उपवास रखदे हे, और ओह आईये उ'नेगी बोलन लग्गे, " यहुन्ना दे चेले और फरीसियों दे चेले उपवास रखदे ऐ, लेकन तेरे चेले उपवास नेई रखदे ? " 19 यीशु ने उ'नेगी आख्या, " जदू तकर दूल्हा बरातियों दे कन्ने रहदा ऐ, ते क्या बराती उपवास रख सकदे ने ? जदू तकर दूल्हा उन्दे कन्ने ऐ ओह उपवास नेई कर सकदे। 20 लेकन ओह दिन आएगा जदू दूल्हा उन्दे कोला अलग किता जाग, और उस समय ओह उपवास रखन गी।

21 कोरे कपडे दा पैवन्द पुराने वस्त्र उप्पर कोई भी नेई लगानदा; नेई ते पैवन्द उन्दे च खीची लैग, लेकन नया, पुराने च, और ओह पैहले कोला भी ज्यादा फटी जाग। 22 नये दाखरस गी पुराने मशकें च कोई नेई रखदा, नेई ते दाखरस मशकें गी फाडी ओडग और दाखरस और मशकें दोनों खत्म होई जाग; परैन्त नया दाखरस नये मशकें च भरा जन्दा ऐ। "

23 ऐसा होया कि ओह सब्ब दे दिन खेतरे बीचा होईये जा दे हां, और उदे चेले चलदे- चलदे दाने तोड़न लग्गे। 24 फेर फरीसि उसी आख्या, " देखख, ए ऐसा काम क्यों करदे ने जेड़ा सब्ब दे दिन करना उचित नेई ? " 25 फेर उन उसी आख्या, क्या तू ए कदे भी नेई पढ़या कि जिसलै दाऊद और उदे दोस्तेगी पोख लग्गी और जरूरत पेई ते दाऊद ने के किता ? 26 उने किना अबियातार महायाजक दे समय च, परमात्मा दे भवन च जाईये भेंट दी रुट्टिया खादिया, जिन्दा खाना याजक दी छोड़िये और किसे दी भी नेई ही, और अपने दोस्ते गी भी दिती ? " 27 फेर उन उसी आख्या, " सब्ब दा दिन मनुख दे लेई बनाया गया ऐ, न कि मनुख सब्ब दे दिन लेई। 28 इसलेई मनुख दा पुत्तर सब्ब दा भी स्वामी ऐ।

3 और ओह फेर आराधनालय च गया। उथे इक मनुख ही जिदा हाथ सुकी गेदा हां। 2 ओह उदे उप्पर दोष लगाने बासते उदी ताक च ही कि दिखिये, ओह सब्ब दे दिन च उसी चंगा करदा या नेई। 3 उन सुकेहाथ आले मनुख गी आख्या, उठ, बीच खड़ा होई जा। " 4 उस मनुख ने उसी आख्या, " सब्ब दे दिन चंगा करना उचित ऐ या बुरा करना, प्राण दी बचाना या मारना ? " परैन्त ओह चुप रेया। 5 उन उसी अपने मन च दुखी होईये, उसी गुसे च चारों तरफ दिखया, और उस मनुख गी आख्या, अपना हाथ बढ़ा। " उन बढ़ाया, और उदा हाथ चंगा होई गया। 6 फेर फरीसी बाहर निकलिये और तुरन्त यीशु दे खिलाफ हेरोदियों दे कन्ने गल्ला करन लग्गा कि उसी किना खत्म करीये।

7 यीशु अपने चेले कन्ने झील दे कंडे चली गया और गलील च इक बड्डी भीड़ उदे पीछे चल पेई; 8 और यहूदिया, और यरूशलेम, और इदूमिया, और यरदन दे पार, और सूर और सैदा दे आसे-पासे च भी इक बड्डी भीड़ उदे सारे चमत्कारे दे बारे च सुनिये उदे कोल आये। 9 उन अपने चेले गी आख्या, " भीड़ दे कारण इक छोटी नाव मेरे लेई तैयार करो ताकि ओह मिगी केरी न लैन। 10 क्योंकि उन बडे ज्यादा गी चंगे किता ही, इसलेई जिन्ने लोक रोग-ग्रस्त ही, उसी छुने बासते उदे उप्पर डिगी पोदे ही। 11 अशुध्द आत्मा भी, जिसलै उसी दिखदी ही, ते उदे अगे डिगी जन्दी ही, और चिल्लाईये आखदी ही कि तू परमात्मा दा पुत्तर ऐ; 12 और ओह उ'नेगी बार-बार चेतावनी दिंदा हां कि उसी प्रकट नेई करेया।

13 फेर ओह पहाड़ी उप्पर चढ़ी गया और जिन्ने गी चांदा हां उ'नेगी अपने कोल बुलाया; और ओह उदे कोल आये। 14 फेर उन उन्दे च बारह मनुखे गी नियुक्त किता कि ओह उन्दे कन्ने-कन्ने रेन, और ओह उ'नेगी प्रचार करने लेई

भेजन, 15 और दुष्टात्माओं गी निकालने दा अधिकार रखन। 16 फेर उन इनदे बारहों गी नियुक्त किता; शमौन, जिदा नां उन पतरस रखेया, 17 और जब्दी दा पुत्तर याकूब, और याकूब दा परा यहून्ना [जिदा नां उन बुअनरगिस मतबल गर्जन दा पुत्तर रखेया]; 18 और अनिद्रयास, और फिलिप्पुस, और बरतुलमै, और मत्ती, और थोमा, और हलफई दा पुत्तर याकूब, और शमौन कनानी, 19 और यहूदा इस्करियोती, जिन उसी पकड़वाई भी ओडया।

20 फेर ओह कार आया और ऐसी भीड़ कठी होई कि ओह रुट्टी भी खाई नेई सआख्या। 21 जिसलै यीशु दे कुटुम्बियों ने ए सुनया, ते ओह उसी पकड़ने बासते निकले, क्योंकि ओह बोलदे ही कि उदा चित ठिकाने नेई ऐ।

22 शास्त्री भी जेडे यरूशलेम च आये दे हे, ए बोलदे ही, " उदे च शैतान ऐ , " और "ओह दुष्टात्मा दे सरदार दी सहायता कन्ने दुष्टात्मा गी कडदा ऐ। "

23 फेर उन उ'नेगी अपने कोल बुलाईये और उ'नेगी दष्टान्त च बोलन लग्गा, " शैतान किना शैतान गी कडी सकदा ऐ ? 24 यदि किसे राज्य च फूट पेई जाए, ते ओह राज्य किना ठीक रेई सकदा ऐ ? 25 और यदि किसे कार च फूट पेई जाए, ते ओह कार किना ठीक होग ? 26 और यदि शैतान अपने गे खिलाफ खड़ा होई जाए और उदे च फूट पेई जाए, ते ओह ठीक नेई रेई सकदा, परैन्त ए उदा अन्त होग !

27 परैन्त कोई मनुख किसे बलवन्त दे कार बीच घुसिये उदा माल नेई लूटी सकदा, जदू तकर कि ओह पैहले उसी बन्नी ना लेन; इदे बाद गे ओह फेर उस कार दी लूटी सकदा ऐ।

28 में तोहे गी सच्च-सच्च बोलना कि मनुखे दे बच्चे दे सारे पाप और निन्दा जेडे ओह करदे ही माफ किते जाग, 29 परैन्त जेड़ा कोई पवित्र आत्मा दे खिलाफ निन्दा करदा ऐ उसी कदे भी माफ नेई किता जाग, लेकन ओह अनन्त पाप दा दोषी ठहरदा ऐ।" 30 क्योंकि ओह ए बोलदे ही कि उदे च अशुध्द आत्मा ऐ।

31 फेर उदी माता और उदे परा आये, और बाहर खलोईये उसी बुलावा भजेया। 32 और भीड़ उदे आसे-पासे बैठी दी ही, और उने उसी आख्या, " देखख, तेरी माता और तेरे परा बाहर 33 उन उ'नेगी उत्तर दिता, " मेरी माता और मेरे परा कौन ऐ ? " 34 और उन्दे उप्पर जेडे उदे आसे -पासे बैठे दे ही, जोरी कन्ने बोल्या, दिखो, मेरी माता और मेरे परा ए ने। 35 क्योंकि जेडे कोई परमात्मा दी इच्छा उप्पर चलन, ओहो मेरा परा, और मेरी पेन, और मेरी माता ऐ

4 ओह फेर झील दे कडे प्रचार करन लग्गा। और बहुत बड्डी भीड़ उदे कोल कठी होई गई कि ओह झील दे इक नाव उप्पर चढ़िये बैठी गया और सारी भीड़ जमीन उप्पर झील दे कडे खलोती रेई। 2 ओह दष्टान्त च उ'नेगी बडी गल्ला सिखान लग्गा, और ओह प्रचार च उ'नेगी बोला दा हां, 3 सुनो ! दिखो, इक बोन आला बीज बोन निकलेया। 4 जिसलै ओह बीज बोया दा हां ते कुछ रस्ते दे कडे डिगी पे और चिड़िये आईये उसी खाई लेया 5 और कुछ बीज पथरीली जमीन उप्पर पए जित्थे उ'नेगी ज्यादा मिट्टी नेई मिली, और गहरी मिट्टी ना मिलने दे कारण ओह जल्दी उगी गे, 6 और जिसलै सूर्य निकलेया ते ओह सडी गए और जड़ नेई फड़ने दे कारण ओह सूकी गए। 7 कुछ बीज झाड़ियां च डिगी पर और झाड़ियां ने फड़ीये उ'नेगी दबाई ओडया, और उन्दे च फसल नेई उगी। 8 परैन्त कुछ बीज अच्छी जमीन उप्पर पए, और जिसलै ओह उगिये बदे ते ओह फसल देन लग्गे - कोई तीस गुणा, कोई साठ गुणा और कोई सौ गुणा। " 9 फेर उन आख्या, " जिन्दे कोल सुनने लेई कान ने, ओह सुनी लैन। "

10 जिसलै ओह कल्ला रेई गया, ते उदे दोस्त और बारहा चेले उसी दष्टान्त दे विषय च पूछन लग्गे। 11 उने उसी आख्या, तेरे उप्पर ते परमात्मा दे राज्य दा भेद प्रकट किता गया ऐ, परैन्त बाहर आले दे लेई सारी गल्ला दष्टान्त च बोली जान्दी ऐ,

12 इसलेई कि "ओह दिखदे होए दिखन और उ'नेगी सूझ ना प और सुनदे होए सुनन भी लेकन ओह नेई समझी सकन ; ऐसा नेई होए कि ओह फिरन, और माफ किते जान। "

13 फेर उन उ'नेगी आख्या, " क्या तोहे ऐ दष्टान्त नेई समझे ? ते फेर और सारे दुष्टान्त गी किना समझागे ? 14 बोन आला वचन बोया जन्दा ऐ। 15 और ए ओह ने जेडे मार्ग दे किनारे दे ने जित्थे वचन बोया जन्दा ऐ, और जिसलै

ओह सुनदे ऐ, ते शैतान तुरन्त आईये उन्दे बोए दे वचन दी चूकिये लेई जन्दे नए। 16 इन्ना गे जेड़े पथरीली जमीन उप्पर बोए जन्दे ने, ए ओह ने जेड़े वचन दी सुनिये तुरन्त आनन्द कन्ने ग्रहण करी लेनदे नए। 17 परैन्त अपने भीतर जड़ नेई रखने दे कारण ओह थोड़े गे दिनें लेई रोंदे नए, लेकिन जिसलै वचन दे कारण उन्दे उप्पर कष्ट या सताव आदा ऐ ते ओह तुरन्त ठोकर खन्दे नए। 18 जेड़े झाड़ियें च बोए गे नए, ए ओह ने जिन्ने वचन सुनया। 19 और संसार दी चिन्ता, और पैसे दा तोखा, और अन्य वस्तुओं दा लाभ उन्दे च समाईये वचन दी दबाई ओड़दी ऐ और ओह निष्फल होई जन्दे नए। 20 और जेड़े अच्छी जमीन उप्पर बोए गेदे ने, ए ओह ने जेड़े वचन सुनिये ग्रहण करदे ने और फल लेयान दे नए, कोई तीस गुणा, कोई साठ गुणा ते कोई सौ गुणा। "

21 उन उ'नेगी आख्या, " क्या दीये गी इसलेई लेयान दे नए कि पैरे च या पलंग दे थल्ले रखया जाए ? लेकिन क्या इसलेई नेई लेयानदे कि ओह दीवट उप्पर रखया जाए ? 22 क्योंकि कुछ भी छिपेया नेई जेड़ा प्रकट नेई किता जाए; ना गे कुछ गुप्त ऐ जेड़ा रोशनी च ना आए। 23 यदि किसे कोल सुनने लेई कान नए ते ओह सुनी लैन।

24 फेर यीशु ने उ'नेगी आख्या, " सावधान रहो कि के सुन्दे हो। जिस नाप कन्ने तोहे नापदे हो उदे कन्ने तोहे भी नापया जाग, और तोहे गी ज्यादा दिता जाग। 25 क्योंकि जिन्दे कोल ने, उसी और दिता जाग; और जिन्दे कोल नेई ऐ, उदे कोल जो कुछ भी होग ओह भी लेता जाग। "

26 फेर उन आख्या, " परमात्मा दा राज्य इस तरा दा ऐ कि जिन्ना कोई मनुख जमीन उप्पर बीज सुटा दा ऐ। " 27 और राती ओह सोई गे और दिन च ओह जागी गे, और ओह बीज किना उग्गे और बदिगे कि मनुख भी नेई जान्दा कि ए किना होई गया। 28 पृथ्वी अपने आप गे फसल लेयान दी ऐ, पैहले अंकुर, फेर बालें, और फेर बालों च तैयार दाने। 29 परैन्त जिसलै दाना पकी जन्दा ऐ, ते ओह तुरन्त हँसिया लगान्दा ऐ, क्योंकि कटनी आ पुज्दी ऐ। "

30 फेर उन आख्या, " कि परमात्मा दे राज्य दी उपमा कुसी देवे, और किस दष्टान्त च उदा वर्णन करवे ? 31 ओह इक राई दे दाने दे समान ऐ, जिसलै जमीन उप्पर बोया जन्दा ऐ ते जमीन दे सारे बिजे कोना छोटा होंदा ऐ, 32 फेर भी जिसलै ओह बोया जन्दा ऐ ते उगिये जमीन दे सारे पोधे कोला बड्डा होई जन्दा ऐ और उदे च बड्डी-बड्डी डलिया निकलदी ऐ, जिदे च कि आकाश दे पक्षी उदी छाया च बसेरा करदे नए। " 33 ओह उ'नेगी ऐसे केई दष्टान्त दे द्वारा वचन सुनादा हां जिन्ना कि ओह सुनने दे योग्य नए 34 और ओह दष्टान्त दे बिना उ'नेगी कुछ नेई बोलदा हां, परैन्त कल्ले च अपने चले गी सारा कुछ समझादा हां।

35 उसी दिन जिसलै शाम होई ते उन चले गी आख्या, " आओ, आहो उसपार चत्चे। 36 और ओह भीड़ दी छोड़िये जिन्ना ओह ही, इन्ना गे उसी नाव उप्पर कन्ने लेई गए; और उदे कन्ने और भी नावें ही। 37 फेर बड़ी अंधी आई, और लहरें नाव कन्ने टकराने लगिया। इत्थू तकर कि पानी नाव च परोचन लग्या। 38 और ओह नाव दे पिछले तरफ गददी उप्पर सोआ दा हां, और उने उसी जगाया और आख्या, " ऐ गुरु, क्या तुगी चिन्ता नेई कि आहो नाश होआ दे ऐ ? " 39 फेर उन उठिये अंधी गी डाँटया, और पानी गी आख्या, " शान्त होई जा, थम जा ! " और अंधी थमी गई और बड़ा गे शान्त होई गया। 40 फेर उन उ'नेगी आख्या, " तोहे इन्ने डरपोक क्यों हो ? ए केरी गल्ल ऐ कि तुन्दे विश्वास नेई। 41 और ओह बड़े डरी गए और आपस च बोलन लग्ये, " ए कौन ऐ कि अंधी और पानी भी उदी आज्ञा मनदी ऐ ?

5 ओह झील दे पार गिरासेनियों दे प्रदेश च गए। 2 और जिसलै ओह नाव ता उतरेया ते तुरन्त इक मनुख जिदे च अशुध्द आत्मा ही, ओह कन्न च निकलिये उसी मिलेया। 3 ओह कन्न च रेन्दा ही और कोई उसी जंजीरे च भी बनिये नेई रखी सकदा हां, 4 क्योंकि बेड़िये और जंजीरे कन्ने ते उसी बन्ने दा हां, परैन्त ओह जंजीरे गी तोड़ी ओड़दा हां और बेड़िये दे टुकड़े-टुकड़े करी ओड़दा हां, और कोई इन्ना शक्तिशाली नेई ही कि उसी अपने वश च करी सकन। 5 ओह लगातार रात - दिन कन्न और पहाड़े च चिल्लान्दा हां और अपने गी पत्थरे कन्ने घायल करदा ही। 6 ओह दूरा गे यीशु गी दिखिये दौड़ेया, और झुकिये उसी प्रणाम करन लग्या। 7 और जोरिये चिल्लाईये आख्या, परमप्रधान परमात्मा दे पुत्तर यीशु, मिगी तेरे कोला के काम ऐ ? में तुगी परमात्मा दी शपथ दिना हां कि तू मिगी पीड़ा नेई दे ! " 8 क्योंकि ओह

उसी बोलादा हां, " हे अशुध्द आत्मा, इस मनुख बीचा निकली जा ! " 9 उन उसी पूछया, " तेरा नांस के ऐ ? " उन उसी आख्या, " मेरा नांस सेना ऐ; क्योंकि आहो बड़े ज्यादा ऐ। " 10 और उन यीशु दे अग्गे गिडगीड़ाईये विनती किती, " सानू इस प्रदेश च बाहर नेई भेजेया।

11 उत्थे पहाड़ उप्पर सुअरें दा इक बड्डा झुण्ड चरा दे हे। 12 और उने उसदे अग्गे विनती करदे होए बोल्या, " सानू उन सुअरें च भेजी ओड़ कि आहो उन्दे च समाई जागे। " 13 उन उ'नेगी अनुमति देई ओड़ी। अशुध्द आत्मा उन्दे च निकलिये सुअरें बीच समाई गई। और सुअरें दा झुण्ड जेड़ा लगभग दो हजार दा हां, कड़ाड़े उप्परा झपटिये झील च जाई पेया और डूबी मरे।

14 उन्दे चरवाहे ने दौड़िये शहर और ग्रा च ए समाचार सुनाया, और जो कुछ होया हा लोक उसी दिखने लेई गए। 15 फेर ओह यीशु दे कोल आये, जिन्दे च दुष्टात्मा ही और उ'नेगी जिन्दे च " सेना " समाई दी ही, कपड़े पहनाये तथा सचेत बैठे दे दिखिये डरी गए। 16 जिन्ने भी ए दिखया हा उने दुष्टात्मा मनुख तथा सुअरें दे विषय च जेड़ा कुछ होया हां, सारा कुछ उ'नेगी दसया। 17 फेर ओह उदे अग्गे विनती करदे बोलेया कि सारी जगह बीचा चली जा।

18 और जिसलै ओह नाव च चढ़न लग्या फेर ओह मनुख जेड़े च पैहले दुष्टात्मा ही ओह विनती करन लग्या कि मिगी अपने कन्ने रैन दे। 19 परैन्त उन उसी आज्ञा नेई दिती और उसी आख्या, " अपने कार जाईये अपने लोके गी सुना कि प्रभु ने तेरे उप्पर दया करिये तेरे लेई किन्ने महान् काम किते। " 20 ओह चली गया और दिकापुलिस च प्रचार करन लग्या कि यीशु ने मेरे लेई किन्ने महान् कार्य किते ; और लोके ने हैरान किता। "

21 जिसलै यीशु नाव ते फेर उसपार गया, ते इक बड्डी भीड़ उदे कोल कठी होई गई, और ओह झील दे किनारे ठेहरी गया। 22 फेर आराधनालय दे अधिकारिये बीचा याईर नांस दा इक मनुख आया और उसी दिखिये उदे पैरे च डिगी पेया, 23 और गिडगीड़ाईये उदे अग्गे विनती करन लग्या, " मेरी छोटी बेटी मरने च ऐ। कृपया चलिये उदे उप्पर हाथ राख्ख ताकि ओह बची जाए और जिंदा रहे। " 24 ओह उदे कन्ने गया और इक बहुत बड्डी भीड़ उदे पीछे चली पेई, इत्थू तकर कि लोक उदे उप्पर डिगी पोंदे ही।

25 इक स्त्री ही जिसी बाहरा वर्ष दे लहू बहने दा रोग ही, 26 और उन बड़े गे चिकित्सकों दे हाथ कन्ने दुख उठाया हां, और अपना सारा कुछ व्यय करने च भी उसी कोई लाभ नेई होया हा, परैन्त हालत और भी ज्यादा खराब होई गई ही। 27 उन यीशु दी चर्चा सुनिये, भीड़ च उदे पीछे आई गई और उदे कपड़े गी छुई लेया, 28 क्योंकि ओह बोलदी ही, " यदि में उदे कपड़े गी छुई लेगी, ते में ठीक होई जागी। 29 और तुरन्त उदा लहू बगना बन्द होई गया, और उन अपने मन च जानी लेया कि में उस बीमारी कोला ठीक होई गई। 30 यीशु ने तुरन्त अपने मन च जानी लेया कि मेरे बीचा सामथ्य निकली ऐ, और उन लोके च फिरिये पूछया, " मेरे कपड़े गी कुना छूता ? " 31 उदे चले उसी आख्या, " तू ते दिखा दा हा कि भीड़ तेरे उप्पर डिगी पोंदी ऐ, और तू बोलना कि मिगी कुना छूता ? " 32 फेर उन उस स्त्री दी दिखेया जिन ए काम किते हां, दिखने लेई चारों तरफ नजर मारी। 33 परैन्त ओह स्त्री जेड़ा कुछ उदे कन्ने होया हां उसी जानिये डरदी और कवरादी होई आई और उदे सामने डिगी पेई, और उसी सच्च-सच्च दसी ओड़या। 34 यीशु ने उसी आख्या, " बेटी, तेरे विश्वास ने तुगी चंगा किता ऐ। खुशी च जा और अपनी बिमारियें बीचा चंगी होईये जा। "

35 ओह ए गे बोलादा ही इन्ने तकर कि आराधनालय दे अधिकारी दे कार दे लोके आईये आख्या, " तेरी बेटी ते मरी गई, हुन गुरु दी क्यों दुखी करदा ऐ ? " 36 परैन्त यीशु ने उस गल्ल दी सुनी लेया और आराधनालय दे अधिकारी दी बोल्या, " मत डर, केवल विश्वास राख। " 37 और उन पतरस, याकूब और याकूब दा परा यूहन्ना दी छोड़िये अन्य किसे दी भी अपने कन्ने नेई आन दिता। 38 और ओह आराधनालय दे अधिकारी दे कार च आए, ते उन लोके गी रोंदे और चिल्लादे दिखेया। 39 फेर उन उन्दे कोल जाईये आख्या, " तोहे क्यों रोंदे और हल्ला मचांदे हो ? ए बेटी मरी नेई, परैन्त ए सो रेई ऐ। 40 सारे उसदे उप्पर हँसन लग्ये, परैन्त उन सारे गी बाहर भेजेया फेर ओह बेटी दे माता-पिता और अपने दोस्ते कन्ने उदे कमरे च गया, जित्थे बेटी लेटी दी ही,

41 और उन उस बच्ची का हाथ फड़िये उस आख्या, " तलीथा कूमी ! " जिदा मतबल ऐ, हे बच्ची में तुगी बोलदा हां, उठी जा ! " 42 और बेटी तुरन्त उठिये चलन-फिरन लगी, क्योंकि ओह बाहरा वर्ष दी ही। और तुरन्त सारे हेरान होई गए। 43 फेर उन उ'नेगी सकत आज्ञा दिती कि इस गल्ल दी कोई जानी ना लैन, और उ'नेगी आख्या, " बेटी दी कुछ खान बासते दिता जाए

6 और उदरा निकलिये ओह अपने नगर च गया और उदे चले भी उदे पीछे चली गए। 2 और जिसलै सब्त दा दिन आया ते ओह आराधनालय च प्रचार करन लग्गा, और सारे सुनने आले हेरान होईये बोलन लगे, " इस मनुख गी ए गल्ला कुदरु आई ? ए केरा ज्ञान ऐ जेड़ा इसी दिता गया ऐ ? किन्ना चमत्कार दे काम इदे हाथे च प्रगट होंदे नए ? 3 क्या ए ओह मनुख ते नेई जेड़ा मरियम दा पुत्तर ऐ और जेड़ा याकूब, योसेस, यहूदा, और शमोन दा परा ऐ ? क्या उदी पैने इदर साडे बीच ते नेई ऐ ? " इसलेई लोके उदे कारण ठोकर खादी। 4 यीशु ने उ'नेगी आख्या, " नबी दे अपने नगर, और अपने कुटुम्ब, और अपने कार गी छोड़िये और किते भी निरादर नेई होंदा। 5 कुछ बीमारे उप्पर हाथ रखिये उ'नेगी चंगा करने दे अतिरिक्त ओह उत्थे और कोई चमत्कार नेई करी सकेया।

6 और उसी उन्दे अविश्वास उप्पर बड़ा आश्चर्य होया, फेर ओह ग्रा-ग्रा च जाईये प्रचार करन लग्गा।

7 उन बाहरा चले गी अपने कोल बुलाया और उ'नेगी दो-दो करिये भेजन लग्गा; और उ'नेगी अशुध्द आत्मा उप्पर अधिकार दिता। 8 उन उ'नेगी आज्ञा दिती, " मार्ग दे लेई लाठी छोड़ो और कुछ नेई लेयो; ना गे रुट्टी, और ना झोली, ना बटुए च पैसे, 9 परैन्त चप्पल पाओ, और ए भी आख्या, " दो - दो कुरते नेई पायो। " 10 और उन उ'नेगी आख्या, " जित्थे भी तोहे किसे कार च उतरगे ते नगर छडने तकर उदर गे ठेहरी रयो। 11 जिस जगह दे लोक तोहे गी स्वीकार नेई करन और तुन्दी नेई सुनग, ते तोहे उदरा निकलदे समय अपने पैरे दे तलवे दी तूड चाड़ी उडेयो ताकि कि उन्दे उप्पर गवाही होए। 12 फेर उने जाईये प्रचार किता कि अपना मन फिराओ, 13 और बड़ी ज्यादा दुष्टात्मा गी कडेया, और बड़े गे बीमारे उप्पर तेल मलिये उ'नेगी चंगा किता।

14 हेरोदेस राजा ने भी उदी चर्चा सुनी, क्योंकि उदा नांऽ फैली गे दा हां, और उन अख्य, " यहून्ना बपतिस्मा देने आला मरे दे बीचा जिन्दा होई गया ऐ, इसलेई उदे च ए चमत्कार दे काम प्रगट होंदे नए। " 15 परैन्त कुछ लोके आख्या, " ए एलिय्याह ऐ। " और केई कुछ लोके आख्या, " ओह नबी ऐ - प्राचीनकाल दे नबिये दे किसी इक दे समान ऐ। " 16 हेरोदेस ने ए सुनिये बोल्या, " जिस यहून्ना दा सिर में कटवाया हां, ओही जी उठया ऐ ! 17 हेरोदेस ने ते स्वयं लोके गी भेजिये यहून्ना गी पकड़वाई ओडया हां और पानी च सूटी ओडया हां, क्योंकि हेरोदेस ने अपने परा फिलिप्पुस दी पत्नी हेरोदियास दे कन्ने ब्याह करी लेया हां। 18 क्योंकि यहून्ना ने हेरोदेस दी बोल्या हां, " अपने परा दी पत्नी गी रखना तुगी उचित नेई 19 इसलेई हेरोदियास उदे कन्ने नफरत करदी ही और ए चांदी ही कि उसी मरवाई ओडे; लेकन ऐसा नेई होया सकया, 20 क्योंकि हेरोदेस यहून्ना गी धर्मी और पवित्र मनुख जानिये उदे कोला डरदा हां, और उसी बचाईये रखदा हां, और उदी गल्ला सुनिये बड़ा कवरादा हां, लेकन आनन्द कन्ने सुन्दा हां।

21 और ठीक अवसर फेर आया जिसलै हेरोदेस ने अपने जन्म दिन उप्पर प्रधानों, सेनापतियों और गलील दे मुख्य मनुखे गी खाने च बुलाया। 22 ते हेरोदियास दी बेटी कोल आई, और नचिये हेरोदेस गी और उदे दोस्ते गी खुश किता। फेर राजा ने बेटी गी आख्या, " तू जो चाहे मेरे कोला माँग में तुगी देगा। " 23 और उन शपथ खाईये उसी आख्या, " तू मेरे कोला जो कुछ भी मगगी में तुगी देगा इत्थू तकर कि अपना अधा राज्य भी तुगी देगा। " 24 उन बाहर जाईये अपनी माता कोला पूछया, " में के मंगा ? " और उदी ने आख्या, " यहून्ना बपतिस्मा देने आले दा सिर ! " 25 उन तुरन्त राजा दे कोल आई और विनती करन लगी, " में चांदी हां कि तू यहून्ना बपतिस्मा देने आले दा सिर इक थाल च रखिये हुन गे मिगी देयो। " 26 फेर राजा बड़ा उदास होया, परैन्त शपथ दे कारण और कन्ने बैठने आले दे कारण उस गल्ला दी टाली नेई सकया। 27 फेर राजा ने तुरन्त इक सिपाही गी आज्ञा दिये भेजेया कि उदा सिर कटी ओड़ो। 28 तथा उने सिर कटीये और थाल च रखिये उस

बेटी गी दिता, और उस बेटी ने अपनी माता गी दिता। 29 जिसलै उन्दे चले ने सुन्या ते ओह आईये उदी लाश गी लेई गए और उसी इक कन्न च रखेया।

30 प्रेरितों ने यीशु दे कोल कठे होईये, जो कुछ उने किता और सिखाया ही, सारा उसी दसया 31 उन उ'नेगी आख्या, " आओ अलग एकान्त दी जगह च जाईये कुछ देर विश्राम करी लाओ। " - क्योंकि उदरा बड़े लोक आजा दे हे, इत्थू तकर कि उ'नेगी रुट्टी खान दा समय नेई मिलदा हां - 32 फेर ओह कल्ले गे नाव उप्पर चढ़ीये एकान्त दी जगह च चली गए।

33 और लोके उ'नेगी जांदे दिखी लेया और बड़े गे उ'नेगी पहचानी लेया, और सारे शहर दे लोक पैदल दौड़िये उन्दे पैहले गे उस जगह उप्पर जाई पूजे। 34 उन उतरिये बड़ी भीड़ दिखी, और उन्दे उप्पर तरस खादा, क्योंकि ओह उन भेड़ों दे समान ही, जिन्दा होई रखवाला नेई ऐ; और ओह उ'नेगी बड़ी ज्यादा गल्ला सिखायन लग्गा।

35 जिसलै दिन थोड़ा टली गया ते उस दे चले उदे कोल आये और बोलन लगे, " ए जगह सुनसान ऐ और दिन बड़ा टली गया ऐ; 36 उ'नेगी जान दे कि चारों ओर दे ग्रा और बसतिये च जाईये अपने खाने बासते कुछ मोल लेई सकन। " 37 परैन्त उन उत्तर दिता, " तोहे गे इन्ने गी कुछ खान लेई देयो ! " उने उसी आख्या, " क्या आहे जाईये दो - सौ दीनार दी रुट्टिया मोल लेयाचे और उ'नेगी खाने लेई देचे ? " 38 उन उ'नेगी आख्या, " तुन्दे कोल किनिया रुट्टिया नए ? जाईये दिखो। " उने पता करिये बोल्या, " पांज - और दो मछली भी। "

39 फेर उन उ'नेगी आज्ञा दिती कि सारे लोक गी भोजन करान बासते हरी - हरी घास दी पतियों उप्पर बिठाओ। 40 और लोक पचास - पचास और सौ - सौ दी पतिये उप्पर बैठी गए। 41 उन उस पांज रुट्टिया और दो मछलिये गी लेता और स्वर्ग दी ओर दिखेया धन्यवाद किता और रुट्टियाँ तोड़ी - तोड़िये चले गी दिंदा गया कि ओह लोके गी परोसें, और ओह दो मछलियाँ भी उन सारे गी बंडी ओड़ी। 42 और सारे खाईये रजी गए। 43 उने रुट्टी दे टुकड़े और मछलिये दी परी दी टोकरियां चुकिया। 44 और रुट्टी खाने आले मनुखे दी संख्या पांज हजार ही।

45 फेर उन तुरन्त चले गी नाव उप्पर चढ़ने लेई आख्या कि ओह उन्दे पैहले उस पार बैतसैदा दी तरफ चली जान, जबकि ओह लोके गी विदा करन लग्गा। 46 और जिसलै उने लोके गी विदा करी ओडया ते ओह पर्वत उप्पर प्राथना करन लेई चली गया 47 जिसलै शाम होयी ते नाव सागर दे बीच ही, और ओह किनारे उप्पर कल्ला हां। 48 जिसलै उन उ'नेगी बड़ी कठिनाई दे कन्ने नाव च दिखया, क्योंकि हवा उन्दे खिलाफ ही, ते रात दे लगभग तीन भजे दे हे ओह उन्दे कोल झील उप्पर चलिये आया और उन्दे कोला निकलिये चली गया। 49 परैन्त जिसलै उने उसी झील उप्पर चलदे दिखया ते उने समझया कि भूत ऐ ते ओह चिल्लान लगे; 50 क्योंकि ओह सारे उसी दिखिये डरी गए ही। परैन्त उन तुरन्त उन्दे कन्ने गल्ला कितिया और आख्या, " साहस रखो; में हां, उरो नेई। " 51 फेर ओह उन्दे कन्ने नाव उप्पर चढ़ी गया और हवा थमी गई; और ओह बड़े ही हेरान होए 52 ओह उन रुट्टिये दे विषय च नेई समझे ही, क्योंकि उन्दे मन कठोर होई गेदे हे।

53 जिसलै ओह उस पार उतरिये गन्नेसरत दे तट उप्पर पूजे ते उने नाव गी किनारे उप्पर लगाई। 54 और जिसलै ओह नाव बीचा उतरया, ते लोके ने तुरन्त उसी पहचान लेया, 55 आसे - पासे दे सारे लोक शहर च दौड़े, और बिमारिये गी पंजिये उप्पर छडिये, जिदर - जिदर समाचार सुनया कि ओह ऐ, उदर - उदर लिये फिरे। 56 और जित्थे भी ओह ग्रा, नगर, बस्तिये च जन्दा हां, लोक बीमारे गी बाजारे च रखिये उदे अग्गे विनती करदे हे कि ओह उ'नेगी अपने कपड़े कन्ने छून दे; और जिन्ने भी उसी छूई लेनदे हे, सारे चंगे होई जन्दे नए

7 फेर फरीसी और कुछ शास्त्री जेडे यरुशलेम च आए दे हे, उदे कोल कठे होए, 2 और उने उन्दे कुछ चले गी अशुध्द हाथ तथा बिना हाथ तोते रुट्टी खन्दे दिखेया। 3 क्योंकि फरीसी और सारे यहूदी, पूर्वजे दी परम्परा उप्पर चलदे हे और जदू तकर ओह हाथ नेई तोई लेनदे ही उदू तकर कुछ नेई खन्दे ही; 4 और बाजार च आईये, जदू तकर स्नान नेई करी लेनदे ही, अदू तकर कुछ नेई खन्दे ही; और बड़ी कुछ ऐसी गल्ला नए, जेड़ी

उन्दे कोल मनने लेई पहुँचाई गेदी ही, जिन्ना कटोरे, घोड़े, तांबे दे बर्तन दी तोना और मांजना।

5 इसलेई उन फरीसियों और शास्त्रियों ने उसी पूछ्या, " तेरे चले कयों पूर्वजों दी परम्परा उप्पर नेई चलदे, और बिना हाथ तोते रुट्टी खन्दे नए ? " 6 उन उ'नेगी आख्या, " यशायाह ने तुन्दे पाखंडियों दे लेई ठीक ही भविष्यवाणी दिती ही, जिन्ना कि लिखेया ऐ, " ए लोक मुँह बीचा ते मेरा आदर करदे नए, परैन्त इन्दा मन मेरे कोला दूर ऐ।

7 ए व्यथ मेरी उपासना करदे नए, कयोंकि मनुखे दी शिक्षा गी धार्मिक सिध्दान्त दे रूप च सिखान्दे नए। "

8 कयोंकि तोहे परमात्मा दी आज्ञा दी टालिये मनुखे दी रीतिये गी मनदे हो। "

9 उन उ'नेगी ए भी आख्या, तोहे अपनी परम्परा गी मनने बासते परमात्मा दी आज्ञा किन्ना अच्छी तरह टाली ओड़दे हो। " 10 कयोंकि मूसा ने आख्या ऐ, " अपने पिता और अपनी माता दा आदर कार, " और "जेड़ा कोई पिता - माता गी बुरा बोले, ओह अवश्य मारा जाए। " 11 परैन्त तोहे बोलदे हो, यदि कोई मनुख अपने पिता और अपनी माता गी बोले, " मेरे कोला तोहे गी जेड़ा कुछ लाभ होई सकदा हां ओह " कुर्बान " तथा परमात्मा गी संकल्प ऐ, 12 ते तोहे ऐसे मनुख गी उन्दे पिता या उन्दी माता दे लेई कुछ भी करने नेई दिंदे, 13 इस प्रकार तोहे अपनी परम्पराओं गी, जिसी तोहे ठहराया ऐ, परमात्मा दा वचन टाली ओड़दे हो; और ऐसे - ऐसे बड़े काम करदे हो। "

14 फेर उन लोके गी अपने कोल बुलाईये उ'नेगी आख्या, " तोहे सारे मेरी सुनो, और समझो 15 ऐसी कोई वस्तु नेई जेड़ी मनुख ता बाहर च समाईये उसी अशुध्द करन; परैन्त जेड़ी वस्तुएं बीचा बाहर निकलदी ऐ, ओह ही ऐ जेड़ी उसी अशुध्द करदी ऐ। 16 [यदि किसी दे सुनने लेई कान नए ते ओह सुनी लेन।] 17 और जिसलै भीड़ दी छोड़िये उन कार च प्रवेश किता, ते उदे चले ने इस दष्टान्त दे विषय च पूछ्या। 18 उन उ'नेगी आख्या, " क्या तोहे इन्नी भी समझ नेई रखदे ? क्या तोहे नेई दिखदे कि जेड़ा कुछ बाहर ता मनुख दे भीतर जान्दा ऐ, ओह उसी अशुध्द नेई करी सकदा ऐ ? 19 कयोंकि ओह उदे मन च नेई परैन्त उदे पेट च जन्दा ऐ और बाहर निकली जन्दा ऐ " - इसप्रकार उन सारे भोजन - वस्तुएं गी शुध्द ठहराया - 20 फेर उन आख्या, " जेड़ा मनुख बिचा निकलदा ऐ ओही मनुख गी शुध्द करदा ऐ। 21 कयोंकि भीतर च, तथा, मनुखे दे मन च कुविचार, व्यभिचार, चोरी, हत्या, परस्त्रीगमन 22 लोभ और दुष्टता दे काम तथा छल, कामुकता, ईर्ष्या, निन्दा, अहंकार और मुखता निकलदी ऐ। 23 ए सारी बुराइया बीचा निकलदी ऐ और मनुख गी अशुध्द करदी ऐ। "

24 और उदरा उठिये ओह सूर - क्षेत्र च चली गया। और उन इक कार च प्रवेश किता ते नेई चान्दा हां कि कोई ए जानें; फेर भी ओह छिपी नेई सकेया। 25 परैन्त उदे बारे च सुनिये इक स्त्री जिदी छोटी बेटी च अशुध्द आत्मा ही, तुरन्त आईये उदे पेर च डिगी पेई। 26 ए स्त्री यूनानी और सुरुफिनिकी जाति दी ही। उन उस दे अगे विनती किती कि मेरी बेटी बीचा दुष्टात्मा दी कडी ओड़। 27 उन उसी आख्या, " पैहले बच्चे गी तृप्त होई लेन दे, कयोंकि बच्चे दी रुट्टी लेईये कुत्ते दे अगे फेंकना उचित नेई। " 28 परैन्त उन उत्तर दिता, " हाँ, प्रभु, परैन्त मेज दे थल्ले कुत्ते भी ते बच्चे दे जूठन उप्पर पलदे नए। " 29 उन उसी आख्या, " इस उत्तर दे कारण चली जा, दुष्टात्मा तेरी बेटी बीचा निकली गई। " 30 और कार आईये उन दिखेया कि बेटी बिस्तर उप्पर लेटी दी ऐ और दुष्टात्मा उदे बीचा निकली गई ऐ।

31 फेर ओह सूर और सैदा दे देश च निकलिये दिकापुलिस च होंदे होई गलील दी झील च पूज्या। 32 और उने उदे कोल इक मनुख गी लेयानदा जेड़ा बहरा हां और कठिनाई च बोल्दा हां, और उने विनती किती, कि ओह उसदे उप्पर हाथ रखन। 33 फेर ओह भीड़ गी अलग लेई गया, और अपनी उंगलियाँ उन्दे कन्ने बीच पाई, और थूकिये उदी जीभ गी छूता; 34 और स्वर्ग दी ओर दिखिये आह भरी, और उसी आख्या, " इप्फतह ! " तथा खुली जा " 35 उदे कान खुली गए, और जीभ दी गाँठ खुली गई, और ओह साफ - साफ बोलन लग्गा। 36 फेर उन उ'नेगी आदेश दिता कि किसे दी भी नेई दसेयो; परैन्त जिन्ना गे ओह मना करदा रेहा, इदे कोला ज्यादा ओह उदा प्रचार करन लग्गे। 37 ओह बड़े हेरान होईये बोलन लग्गे, " इन्न जो कुछ किता

अच्छा किता ऐ; ओह बहरे गी भी सुनने लेई और गूगे दी भी बोलने दी शक्ति दिंदा ऐ।

8 उने दिने च फेर बड़ी भीड़ कठी होई, और उन्दे कोल खान बासते कुछ नेई ही, ते अपने चले गी अपने कोल बुलाईए उ'नेगी आख्या, 2 " मिगी इस भीड़ ते तरस आन्दा ऐ, कयोंकि ए तीन दिन तो मेरे कन्ने ऐ, और उन्दे कोल खान लेई कुछ भी नेई ऐ। 3 जे में उ'नेगी पुखा कार पेजा, ते ओह रस्ते च ही थकी जाना ऐ; कयोंकि इनदे बिचा कुछ बड़ी दूर तो आये नए। " 4 उदे चले ने उत्तर दिता, " इस जगल च इन्नी रुट्टी कोई कुथू लेयानग कि ए तृप्त होई जान ? " 5 उन उ'नेगी पुछेया, " तुन्दे कोल किनिया रुट्टिया ऐ ? " उने बोल्या, " सात। "

6 फेर उन भीड़ गी जमीन उप्पर बैठने बासते बोल्या, " और उन सात रुट्टिया गी लेईये 7 उन्दे कोल कुछ छोटी मछलियां भी ही; उन उन्दे उप्पर आशीष मंगिये उने भी लोके गी बंडने बासते बोलया। 8 और ओह खाईये तृप्त होए, और उने बचे दे टुकड़े दे परे सात टोकरे चुके। 9 और उत्थे लगभग चार हजार लोक ही। उन उ'नेगी विदा किता, 10 और ओह तुरन्त अपने चले दे कन्ने नाव उप्पर चढिये दलमनूता प्रदेश च चली गया

11 फेर फरीसी आईये उदे कन्ने वाद - विवाद करन लग्गे, और उसी जाँचने बासते उने उदे कोला इक स्वगीय चिन्ह मगेया। 12 उन अपनी आत्मा च गहरी आह भरिये बोल्या, " इस पीढी दे लोक चिन्ह कयों दूढ दे नए? में तोहे गी सच्च बोलना, इस पीढी गी कोई चिन्ह नेई दिता जाग। 13 और ओह उ'नेगी छोड़िये फेर नाव उप्पर चढेया और दुए किनारे च चली गया।

14 और ओह रुट्टी लेना पुली गए ही, तथा नाव च उन्दे कोल केवल इक ही रुट्टी ही। 15 उन उ'नेगी चेतावनी दिंदे होए बोल्या, " दिखो, फरीसियों दे खमीर तथा हेरोदेस दे खमीर कोला सावधान रेहो। " 16 और ओह रुट्टी नेई होने दे विषय च आपस बीच गल्ला करन लग्गे। 17 यीशु ने ए जानदे होए उ'नेगी बोल्या, " तोहे इस सोच - विचार च कयों पेई गए कि तुन्दे कोल रुट्टी नेई ऐ ? क्या जानदे होए तोहे अजे तकर नेई दिखदे या नेई समझदे ? क्या तुन्दा मन कटोर नेई होई गया ऐ ? 18 अरख्खा होंदे होई क्या तोहे नेई दिखदे ? और कान होंदे होई क्या तोहे नेई सुनदे ? और क्या तोहे स्मरण नेई करदे, 19 जिसलै में पांज हजार दे लेई रुट्टिया तोड़ी ही, उसले तोहे टुकड़े दी परी, बड़ी बड़ी किनिया टोकरियां चुकिया ही ? " उने उसी आख्या, " बाहरा। " 20 " और जिसलै में चार हजार दे लेई सात रुट्टियां तोड़ी ही उसले तोहे टुकड़े दी परी किनिया टोकरियां चुकिया ही ? " उने उसी आख्या, " सात। " 21 उन उ'नेगी आख्या, " क्या तोहे अजे भी नेई समझे ? "

22 ओह बैतसैदा च आए और लोके इक अन्ने गी उदे कोल लेयादा और उदे अगे विनती करन लग्गे कि उसी ठीक करन। 23 ओह अन्ने दा हाथ पकड़िये उसी ग्रा दे बाहर लेई गया और उदी अरख्खे उप्पर थुकेया तथा उदे उप्पर हाथ रखिये उसी पूछ्या, " क्या तुगी कुछ दिखाई दे रा ऐ ? " 24 उन दिखिये आख्या, " में मनुखे गी दिखदा हां, परैन्त ओह मिगी चलदे - फिरदे पेड़ों दे समान दिखाई दिंदे नए। " 25 फेर उन दोबारा उदी अरख्खे उप्पर हाथ रखेया, और अन्ने ने तयान करिये दिखेया। ओह चंगा होई गया, और सारा कुछ साफ - साफ दिखन लग्गा। 26 उन उसी ए बोलिये भेजेया, " इस गरा दे भीतर पैर भी नेई रखेया।

27 यीशु और उदे चले कैसरिया फिलिप्पी दे गरा च चली गए। रस्ते च उन अपने चले गी पूछ्या, " लोक मिगी के बोलदे नए ? " 28 उने उत्तर दिता, " यूहन्ना बपतिस्मा देने आला; पर कोई कोई एलिय्याह और कोई कोई भविष्यदक्ताओं बीचा इक भी बोलदे नए। " 29 उन उ'नेगी पूछ्या, " परैन्त तोहे मिगी के बोलदे हो ? " पतरस ने उसी उत्तर दिता, "तू मसीह ऐ। " 30 फेर उन उ'नेगी चेतावनी दिंदे होए बोलेया कि तोहे मेरे बारे च किसे दी नेई सुनाये यो।

31 फेर ओह उ'नेगी सिखान लग्गा कि मनुख दे पुत्तर दे लेई अवश्य ऐ कि ओह बहुत दुःख उठान, और प्राचीन, महायाजक और शास्त्री उसी तुच्छ समझिये मारी ओड़न, और ओह तीन दिन दे बाद जी उठन। 32 उन ए गल्ल साफ - साफ बोली ओड़ी। इदे उप्पर पतरस उसी अलग लेई जाईये चगड़न लग्गा, 33 परैन्त उन फिरिये अपने चले दी ओर दिखेया, और पतरस गी

डाटिये बोलेया, " हे शैतान, मेरे सामनेआ दूर होई जा; क्योंकि तू परमात्मा दी गल्ले उप्पर नेई, परैन्त मनुखे दी गल्ले उप्पर मन लगादा ऐ। "

34 उन भीड़ गी अपने चले समेत कोल बोलिये उ'नेगी आख्या, " जेड़ा मेरे पीछे आना चाहे, ओह अपने आप गी इन्कार करिये और अपना क्रूस चुकिये, मेरे पीछे आई जाए। 35 क्योंकि जेड़ा कोई अपना प्राण बचाना चाहे ओह उसी खोग, लेकिन जेड़ा कोई मेरे और सुसमाचार दे लेई अपना प्राण देग, ओह उसी बचाया जाग। 36 क्योंकि यदि मनुख सारे जगत गी प्राप्त करग और अपने प्राण लेई हानि उठाग, ते उसी के लाभ होग ? 37 मनुख अपने प्राण दे बदले के देग ? 38 इसलेई जेड़ा कोई इस व्यभिचारी और पापी जाति दे बीच मेरे कोला और मेरी गल्ले कोला लजित होग, मनुख दा पुत्तर भी, जिसलै अपने पिता दी महिमा च पवित्र स्वर्गदूते दे कन्ने आग ते उदे कोला लजित होग। "

9 उन उ'नेगी आख्या, " में तोहे गी सच्च - सच्च बोलना कि जेड़े इत्थे खलोते दे ऐ, उन्दे बिचा कुछ लोक मृत्यु दा स्वाद नेई चखी सकदे जदू तकर परमात्मा दे राज्य गी सामर्थ्य कन्ने आया होया नेई दिखी लेन। "

2 यीशु छे: दिन दे बाद पतरस और याकूब और युहन्ना गी अपने कन्ने लेईये इक ऊंचे पर्वत उप्पर एकान्त च आया; उत्थे गे उन्दे सामने उदा रूप बदली गया, 3 और उदे कपड़े ऐसे चमकन लगे और इत्थू तकर चमकन लगे, कि जमीन उप्पर कोई तोबी भी वैसा कपड़े गी चमकाई नेई सकदा। 4 और उ'नेगी मूसा दे कन्ने एलिय्याह लबेया, और दोनों यीशु दे कन्ने गल्ला करा दे हे। 5 पतरस ने यीशु गी आख्या, " हे रब्बी, साड़े लेई इत्थे रेना ठीक ऐ; इसलेई आहे तीन मण्डप बनाए दे नए - इक तेरे लेई, इक मूसा लेई और इक एलिय्याह दे लेई। " 6 ओह ते नेई जान्दा हां कि के बोले क्योंकि ओह बड़े उरे दे ही। " 7 फेर इक बादल गरजेया जिस ने उ'नेगी केरी लेया, और उस बादल बीचा ए आवाज आई, " ए मेरा प्रिय पुत्तर ऐ, इदी सुनो। " 8 फेर उने एकाएक चारों ओर दष्टि किती, और यीशु गी छोड़िये अपने कन्ने और किसे दी भी नेई दिखेया।

9 और जिसलै ओह पहाड़े च उतरा दे ही ते उन उ'नेगी आज्ञा दिती कि जदू तकर मनुख दा पुत्तर मेरे बीचा जी नेई उठाग अदू तकर जेड़ा कुछ तोहे दिखेया ऐ उसी किसे गी नेई दसेयो। 10 और ओह इस आज्ञा दी लेईये आपस च वाद - विवाद करन लगे कि मेरे बीचा जी उठने दा मतबल के होई सकदा ऐ। 11 और ओह उदे कोला ए बोलिये पूछन लगे, " शास्त्री क्यों बोलदे नए कि एलिय्याह दा पैहले आना जरूरी ऐ ? " 12 उन उ'नेगी आख्या एलिय्याह गी पैहले आईये सारा कुछ सुधारना ही। फेर भी मनुख दे पुत्तर दे लेई ए क्यों लिखेया ऐ कि ओह बड़े दुख उठाग और तुच्छ समझे जाग ? 13 परैन्त ने तोहे गी बोलना कि एलिय्याह ते आई चुके दा ऐ, और जिन्ना उदे विषय च लिखे दा ऐ लोके जो कुछ चाहा उदे कन्ने किता। "

14 और जिसलै ओह चले दे कोल आया ते दिखेया कि उन्दे चारों ओर बड़ी भीड़ लगी दी ऐ और कुछ शास्त्री उन्दे कन्ने विवाद करा दे ही। 15 परैन्त जिसलै भीड़ ने उसी दिखेया ते सारे लोक हेरान होए और दौड़िये उने उसी नमस्कार किता। 16 उन पूछया, " तोहे उन्दे कन्ने के विवाद करा दे हो ? "

17 भीड़ बीचा इक ने उसी उत्तर दिता, " हे गुरु, में तेरे कोल अपने पुत्तर गी लेयाने दा ऐ जिदे च ऐसी आत्मा समाई दी ऐ जेड़ा उसी गूंगा बनाई ओड़दी ऐ; 18 और जिसलै किंते उसी फड़दी ऐ ते जमीन उप्पर पटकी ओड़दी ऐ और ओह मुंह च फेन परी लेयान दा ऐ और दांद पीसदा और लेटी जन्दा ऐ। में तेरे चले गी उसी कडने बासते बोलेया, लेकिन उसी कडी नेई सके। "

19 उन उत्तर दिंदे होए बोलया, " हे अविश्वासी लोक, में कदू तकर तुन्दे कन्ने रोगा ? में कदू तकर तुन्दा ए सब सेना ऐ ? उसी मेरे कोल लेयानो। " 20 उने उस बालक गी उदे कोल लेयानदा। और जिसलै उन उसी दिखेया ते तुरन्त उस आत्मा ने उसी मरोडेया और ओह जमीन उप्पर डिगीये मुंह च फेन कडदे इधर - उधर जान लग्गा। 21 और उन उदे पिता कोला पूछया, " इसी ए कदू दा होआ दा ऐ ? " उन उत्तर दिता, बचपन कोला। 22 उन इसी नाश करन बासते कदे आग च ते कदे पानी च सुटेया। परैन्त यदि तू कुछ करी सकदा ऐ ते साड़े उप्पर तरस खाईये साड़ी सहायता कार। " 23 यीशु ने उसी उत्तर दिता, " क्या ? " " यदि तू करी सकदा ऐ ! " विश्वास करन आले बासते सारा कुछ सम्भव ऐ। " 24 बालक दे पिता ने तुरन्त चिल्लाईये आख्या,

" हे प्रभु, में विश्वास करदा हां, मेरे अविश्वास दा उपाय कार। " 25 और जिसलै यीशु ने दिखेया कि भीड़ बहुत बढ़दी जा दी ऐ फेर उन अशुध्द आत्मा गी ए आखिये डाटेया, " हे गूंगी और बहरी आत्मा, में तुगी आज्ञा दिना हां कि इदे बीचा निकली जा और फेर कदे भी इदे च प्रवेश नेई करेया। " 26 और ओह चिल्लाईये और उसी बड़ा मरोड़िये उदे बीचा निकली गेई; और बालक मरे दा होई गया, इत्थू तकर कि बड़े लोक बोलन लगे कि ओह मरी गया। 27 परैन्त यीशु ने उदा हाथ फड़िये उसी उठाया और ओह उठी गया। 28 जिसलै ओह कार च आया ते उदे चले एकान्त च उसी पूछन लगे, " आहे उसी क्यों नेई कडी सके ? " 29 उन उसी आख्या, " ए जाति बिना प्रार्थना किसे और उपाय कन्ने नेई निकली सकदी। "

30 फेर ओह उदरा निकले और गलील बीचा होईये जान लगे। ओह नेई चांदा हां कि किसे गी इदा पता लगे। 31 क्योंकि ओह अपने चले गी शिक्षा दे दा हां और उ'नेगी दसा दा हां, " मनुख दा पुत्तर, मनुखे दे हाथ च पकड़वाया जाग, और उने उसी मारी ओड़ना ऐ; लेकिन मारी ओड़ने दे तीन दिन दे बाद ओह फेर जी उठेगा। " 32 लेकिन ए गल्ल उ'नेगी समझ नेई आई, और ओह उदे कोला पूछने बासते उरने ऐ।

33 फेर ओह कफरनहूम पूजे, और जिसलै कार च ही ते उन उ'नेगी पूछया, " रस्ते च तोहे के विवाद करा दे ही ? " 34 परैन्त ओह चुप रेए, क्योंकि रस्ते च उने आपस च वाद - विवाद किता हां कि साड़े बीचा बड्डा कौन ऐ। 35 फेर उन बैठिये बाहरों गी अपने कोल बुलाया और उ'नेगी बोलया, " यदि कोई बड्डा होना चाहे, ते सारे कोला छोटा और सारे दा सेवक बने। " 36 फेर उन इक बच्चे गी लेईये उन्दे बीच खड़ा किता और उसी गोद च लेईये उसी आख्या, 37 जेड़ा कोई मेरे नांस च किसे ऐसे बच्चे गी ग्रहण करदा ऐ ओह मिगी ग्रहण करदा ऐ, और जेड़ा मिगी ग्रहण करदा ऐ ओह मिगी नेई, परैन्त उसी ग्रहण करदा ऐ जिन मिगी भेजे दा ऐ।

38 युहन्ना ने उसी आख्या, " हे गुरु, आहे किसे गी तेरे नांस च दुष्टात्मा गी निकलदे दिखेया और उसी रोकन दा प्रयत्न किता, क्योंकि ओह साड़ा साथी नेई ही। " 39 परैन्त यीशु ने आख्या, " उसी नेई रोको, क्योंकि ऐसा कोई नेई जेड़ा नांस च चमत्कार करग और इदे तुरन्त बाद मिगी बुरा बोली सकन। 40 क्योंकि जेड़ा साड़े खिलाफ च नेई ओह साड़े कन्ने नए। 41 जेड़ा कोई तोहे गी मसीह दे होने दे कारण इक गिलास पानी पिलाग, ते में तोहे गी सच्च बोलना कि ओह अपना प्रतिफल कदे भी नेई खोग।

42 जेड़ा कोई इन छोटे बीचा जेड़ा मेरे उप्पर विश्वास करदे नए, किसे गी ठोकर खिलाए ते उदे लेई भला ए ऐ कि इक बड्डी चक्री दा पाटा उदे गले च लटकाया जाग और ओह समुद्र च सुटेया जाग। 43 यदि तेरा हाथ तुगी ठोकर खिलाग ते उसी कटी ओड़। टुंडा होईये जीवन च प्रवेश करना तेरे लेई ए भला ऐ कि दो हाथ रोंदे होई नरक दी आग च सुटेया जाए जेड़ा कदे बुझने च नेई। 44 [जित्थे उन्दा कीड़ा नेई मरदा और आग नेई बुझदी।] 45 यदि तेरा पैर तुगी ठोकर खिलाए ते उसी कटी ओड़। लंगड़ा होईये जीवन च प्रवेश करना तेरे लेई ए भला ऐ कि दो पैर रोंदे होई नरक च सुटेया जाए। 46 [जित्थे कीड़ा नेई मरदा और आग नेई बुझदी।] 47 यदि तेरी आख्ख तुगी ठोकर खिलाए ते उसी कडी ओड़। काना होईये परमात्मा दे राज्य च प्रवेश करना तेरे ए भला ऐ कि दो अख्खा रोंदे होई तू नरक च सुटेया जाए। 48 जित्थे कीड़ा नेई मरदा और आग नेई बुझदी। 49 क्योंकि हर इक जन आग कन्ने नमकीन किता जाग। 50 नमक अच्छा ऐ, लेकिन यदि नमक दा स्वाद जन्दा रेए, ते उसी किसे च नमकीन करगे ? अपने च नमक रखो, और आपस च मेल मिलाप च रहो। "

10 फेर ओह उत्थु उठीये यरदन नदी दे कोल आया और यहूदिया दी सीमा च आया। भीड़ फेर उदे कठी होई गेई, और अपनी रीती मतावक उ'नेगी फेर प्रचार देन लग्गा।

2 ते फरीसियों ने उदे कोल आईए उदी परीक्षा लेन लेई उसी पूछन लगे, " क्या ए ठीक ऐ कि आदमी अपनी ओरत गी त्यागे ? " 3 उन उ'नेगी उत्तर दिता, " मूसा ने तुनेगी के आज्ञा दिती ऐ ? " 4 ओह बोले, " मूसा ने मनुख गी आज्ञा दिती ऐ कि ओह त्याग - पत्र लिखे और त्यागने दी आज्ञा दिती ऐ। " 5 यीशु ने उ'नेगी बोलया, " तुन्दे मन दे कठोरता दे कारण ए आज्ञा लिखी ऐ। " 6 लेकिन सृष्टि दे शुरुवात कोला गे, परमात्मा ने नर और नारी बनाई।

7 इसलेई मनुख अपने माँ - बब्ब कोला लग रोग ते अपनी पत्नी कन्ने रोग।
8 और ओह दोने इक तन होंग, इसलेई ओह दो नेई इक तन ऐ।⁹ इसलेई
जिसी परमात्मा ने जोड्या ऐ उसी कोई मनुख लग्न न करे। "

10 और चले कार च अईए इस दे बारे च फेर पूछ्या।¹¹ उन उ'नेगी
आख्या, जेड़ा कोई अपनी पत्नी गी तलाक देईए और दुई कन्ने शादी करे ते
ओह पहली दे खिलाफ व्यभिचार करदा ऐ।¹² और ओरत भी यदि अपने
पति गी तलाक देईये दुए कन्ने शादी करे ते ओह भी व्यभिचार करदी ऐ। "

13 फेर लोक बच्चे गी उदे कोल लेयान लग्गे कि ओह उन्दे उप्पर हाथ
रखन, लेकन चले ने उ'नेगी डाटेया।¹⁴ यीशु ने जिसलै ऐ दिखेया ते गुस्सा
होईये उ'नेगी आख्या, " बच्चे गी मेरे कोल आन देयो, उ'नेगी मना नेई करो,
क्योंकि परमात्मा दा राज्य इन्दे बासते गे ऐ।¹⁵ में तोहे गी सच्च बोलना, जेड़ा
कोई परमात्मा दे राज्य दे बच्चे दे समान ग्रहण नेई करदे, ओह उदे च कदे भी
प्रवेश नेई करी सकदे। " ¹⁶ फेर ओह उ'नेगी गोद च लेईये और उन्दे उप्पर
हाथ रखिये उ'नेगी आशीष देने लग्गा।

17 और जिसलै ओह उदरा निकलिये यात्रा उप्पर जा दा हां, ते इक मनुख
उदे कोल दौड़दा होए आया, और घुटने टेकिये उसी पूछन लग्गा, " हे ऊतम
गुरु, तू भला ऐ। अनन्तजीवन दा अधिकारी होन दे लेई में के करा ? "

18 यीशु ने उसी आख्या, " तू मिगी उत्तम क्यों बोलदा ऐ ? परमात्मा दे सिवाय
कोई उत्तम नेई ¹⁹ तू आज्ञा गी ते जान्दा ऐ, " हत्या न करना, व्यभिचार न
करना, चोरी न करना, झूठी साक्षी न देना, छल न करना, अपने पिता और
अपनी दा आदर करना, " ²⁰ उन उसी आख्या, " हे गुरु, में बचपन ता ही
इकड़ी सारी गल्ले दा पालन करदा आया हां। " ²¹ उसी दिखिये यीशु गी प्यार
आया और उन आख्या, " तेरे च अजे भी इक गल्ल दी कमी ऐ। जा, जो कुछ
तेरा ऐ उसी बेचिये गरीबे गी बडी ओड़ और तुगी स्वर्ग च धन मिलग, और
आईये मेरे पीछे चाल। " ²² ए वचन सुनिये उदे चेहरे उप्पर उदासी छाई गई
और ओह दुखी होईये उदरा चली गया, क्योंकि ओह बड़ा धनी ही।

23 यीशु ने चारों ओर दिखिये अपने चले गी बोल्या, " धनवानों दे लेई
परमात्मा दे राज्य च प्रवेश करना किन्ना कठिन ऐ ! " ²⁴ चले उदी गल्ला
सुनिये हेरान होई गे। परैन्त यीशु ने उ'नेगी फेर आख्या, हे बच्चों, परमात्मा दे
राज्य च प्रवेश करना किन्ना कठिन ऐ ! " ²⁵ परमात्मा दे राज्य च धनवान दे
प्रवेश करने च ऊँट दी सूई दे नाके बीचा निकली जाना आसान ऐ ! " ²⁶ ओह
बड़े गे हेरान होईये आपस च बोलन लग्गे, " ते फेर कूदा उध्दार होई सकदा
ऐ ? " ²⁷ यीशु ने उदी ओर दिखिये बोल्या, " मनुखे कोला ते ऐ नेई होई
सकदा ऐ, परैन्त परमात्मा कोला होई सकदा ऐ; क्योंकि परमात्मा कोला सब
कुछ होई सकदा ऐ। ²⁸ पतरस ने उसी आख्या, " देखख, आहे ते सारा कुछ
छोड़िये तेरे पीछे होई गे हां। " ²⁹ यीशु ने आख्या, " में तोहे गी सच्च - सच्च
बोलना कि ऐसा कोई नेई, जिन्ने मेरे और सुसमाचार दे लेई कार या परा या
पैना या माता या पिता या बाल - बच्चे या खेती गी छडी ओड़ेया ऐ। ³⁰ और
ओह इसले इस वर्तमान समय च कार, परा, पैना, माता, बच्चे और खेतों गी
सौ गुना ज्यादा नेई पान - लेकन सताव दे कन्ने - और अपने आने आले युग
च अनन्त जीवन। ³¹ लेकन बड़े गे जेड़े पैहले ऐ, ओह पिछले होगन; और
जेड़े पिछले नए, ओह पैहले होगन।

32 और ओह यरुशलेम जन्दे होई रस्ते च जा दे ही, और यीशु उन्दे अग्गे
अग्गे चला दा हां; चले बड़े हेरान ही, और जेड़े पीछे - पीछे चलदे ही ओह
बड़े डरे दे ही। फेर ओह बाहरों गी लेईये उ'नेगी गल्ला बोलन लग्गा, जेड़ी उन्दे
उप्पर आने आली ही, ³³ दिखखो, आहे यरुशलेम च जा दे हां, और मनुख
दा पुत्र प्रधान याजकों और शास्त्रियों दे हाथ च पकड़वाया जाग, और ओह
उसी प्राण दण्ड दे योग्य ठैहराईये गैरयहूदियों दे हाथ च सौपी ओड़ना।
³⁴ उने उसी ठटठो च उड़ाना ऐ, उदे उप्पर थूकने ऐ, उसी कोड़े मारने नए
और मारी ओड़ना ऐ, और तीन दिन दे बाद ओह तुरन्त जी उठग। "

35 फेर जब्दी दे दो पुत्र, याकूब और यूहन्ना उदे कोल आईये बोलन लग्गे,
" हे गुरु, आहे चान्दे हां कि जेड़ा कुछ आहे तेरे कोला मगिये ओह तू साड़े
बासते करगा। " ³⁶ और उन उसी आख्या, " तोहे के चान्दे हो कि तुन्दे
बासते करा ? " ³⁷ उने उसी आख्या, " तेरी महिमा च साड़े बीचा इक तेरे
दाहिने और दुए तेरे बाएं च बैठिये। ³⁸ परैन्त यीशु ने उसी आख्या, " तोहे नेई
जानदे कि तोहे के मंगा दे हो। जेड़ा प्याला में पीने आला हां क्या तोहे पी

सकदे हो ? या जेड़ा बपतिस्मा में लेने आला हां उसी भी तोहे लेगे। ³⁹ जेड़ा
प्याला में पीने आला हां क्या तोहे पी सकदे हो ? या जेड़ा बपतिस्मा में लेने
आला हां उसी भी तोहे लेगे। ⁴⁰ परैन्त अपने दाहिने या बाएं बिठाना मेरा
काम नेई; ऐ उन्दे लेई ऐ जिन्दे लेई तैयार किता गया ऐ। "

41 ए सुनिये दसों चले याकूब और यूहन्ना उप्पर गुस्से होई गए। ⁴² लेखन
यीशु ने उ'नेगी कोल बुलाईये उ'नेगी आख्या, " तोहे जानदे हो कि जेड़े
गैरयहूदियों दे अधिकारी समझे जन्दे ऐ ओह उन्दे उप्पर प्रभुता करदे ही;
और उन्दे च जेड़े बड़ु नए उन्दे उप्पर अधिकार जितांदे नए। " ⁴³ परैन्त तुन्दे
च ऐसा नेई ऐ, लेकन जेड़ा कोई तुन्दे च बड़ु बनना चाहे, ओह तुन्दा सेवक
बने; ⁴⁴ और जेड़ा तुन्दे बीचा प्रधान बनना चाहे, ओह सारे दा दास बने।
⁴⁵ क्योंकि मनुख दा पुत्र भी अपनी सेवा कराने नेई, वरन् सेवा करने और
बड़े दी फिरौती दे मूल्य च अपना प्राण देने आया। "

46 ओह यरीहो पूजे। और जिसलै ओह अपने चले और इक विशाल भीड़ दे
कन्ने यरीहो च बाहर जा दा हां ते बरतिमाई नाम दा इक अन्ना भिखारी, जेड़ा
तिमाई दा पुत्र ही, सड़क दे किनारे बैठे दा हां। ⁴⁷ जिसलै उन सुनेया कि ए
नासरत निवासी यीशु ऐ ते पुकारिये बोलन लग्गे, " हे यीशु, दाऊद दी
सन्तान, मेरे उप्पर दया कार ! " ⁴⁸ बड़े ने डाटिये आख्या कि चुप कार,
परैन्त ओह और भी जोरिये चिल्लान लग्गा, " दाऊद दी सन्तान, मेरे उप्पर
दया कार ! " ⁴⁹ यीशु ने रुकिये बोल्या, " उसी बुलाओ। " और लोके ने उस
अन्ने गी ए आखदे होई बोल्या "साहस राख, उठ ! ओह तुगी बुला दा ऐ। " ⁵⁰
और ओह अपना चोगा इक तरफ सुटिये उछल पेया और यीशु दे कोल
आया। ⁵¹ परैन्त यीशु ने उत्तर दिंदे होए बोल्या, " तू के चाना ऐ कि में तेरे
लेई करा ? और अन्ने ने उसी आख्या, " मेरे स्वामी, में चाना हां कि दिखन
लग्गा ! " ⁵² यीशु ने उसी आख्या, " चला जा, तेरे विश्वास ने तुगी चंगा करी
ओड़ेया ऐ। " ओह तुरन्त दिखने लग्गा और रस्ते च उदे कन्ने चलने लग्गा

11 जिसलै ओह यरुशलेम दे कोल, जैतून पर्वत दे किनारे बैतफगे और
बैत - नियाह च पूजे ते उन अपने चले बीचा दो गी भेजेया, 2 और
उ'नेगी आख्या, " अपने सामने दे गरा च जाओ और प्रवेश करदे ही तोहे गी
इक गदही दा बच्चा बँधा होया मिलग जिदे उप्पर अजे तकर कोई सवार नेई
होया। उसी खोलिये ली आओ 3 यदि कोई तोहे गी पूछे, " ऐसा क्यों करदे हो
? " ते तोहे बोलेयो, " प्रभु गी इस दी जरूरत ऐ, और ओह तुरन्त गे उसी
इत्थे भेजी ओड़ग। "

4 ओह गए और उने बाहर, गली च दवार दे कोल इक गदही दे बच्चे गी बँधा
होया पाया, और ओह खोलन लग्गे। 5 उत्थे खलोते दे कुछ लोके ने उ'नेगी
आख्या, " ए के करा दे हो, गदही दे बच्चे गी केली खोलादे हो ? " 6 और यीशु
ने जिन्ना दसेया ही उने इन्ना ही उ'नेगी बोली ओड़ेया; फेर उने उसी लेई जान
दिता। 7 उने गदही दे बच्चे गी लेयाईये उदे उप्पर अपने कपड़े पाए: और ओह
उदे उप्पर बैठी गया 8 और बड़े लोके ने अपने कपड़े रस्ते उप्पर बिछाए, और
अन्य लोके ने खेतों बीचा डालियां कटिये फैलाई ओड़ी। 9 और जेड़े उदे
अग्गे - अग्गे जान्दे और जेड़े पीछे - पीछे चले आंदे ही, पुकारिये बोला दे ही,
" होशाना ! धन्य ऐ ओह जेड़ा प्रभु दे नांस च आंदा ऐ ! 10 साड़े पिता दाऊद
दा आने आला राज्य धन्य ऐ ! आकाश च होशाना ! "

11 ओह यरुशलेम च प्रवेश करिये मन्दिर च आया; और चारों ओर दिखिये
बाहरों दे कन्ने बैतनिय्याह चली गया, क्योंकि शाम होई चुकी ही।

12 और दुए दिन जिसलै ओह बैतनिय्याह च निकले ते उसी पूख लग्गी।
13 और पत्ते च परे इक अंजीर दे पेड़ गी दूरा दिखिये, ओह उदे कोल गया कि
के पता कुछ मिली जाए। लेकन उत्थे पुजिये पत्ते गी छोड़िये और कुछ नेई
पाया, क्योंकि फल लगने दा मौसम नेई ही। 14 फेर उन पेड़ गी बोल्या, " हुन
ता कोई तेरा कोई फल कदे भी नेई खाग ! " और उदे चले सुना दे ही।

15 फेर ओह यरुशलेम च आए और ओह मन्दिर च जाईये उत्थे लेन - देन
करने आले गी कडने लग्गा, और सर्राफों दी पीढ़े और कबूतर बेचने आले दी
चौकियाँ उलटी गई; 16 और उन किसे गी भी मन्दिर बीचा होईये सामान लेई
जाने दी आज्ञा नेई दिती। 17 और ओह उ'नेगी उपदेश देन लग्गा, " क्या ए
नेई लिखेया ऐ, " मेरा कार सारे जातिये दे लेई प्रार्थना दा कार कहलाग ? "
लेकन तोहे इसी डाकुओं दी खोह बनाई ओड़े 18 और याजकों तथा शास्त्रियों
ने जिसलै ए सुनेया ते उसी खत्म करने दा अवसर टूटन लग्गे, क्योंकि ओह

उदे कोला उरदे ही इसलेई कि सारे लोक उदी शिक्षा कोला हेरान ही।

19 और शाम होंदे ही, ओह नगर ता बाहर जाया करदे ही।

20 फेर सवेर च जिसलै ओह उदरा जन्दे ही ते उने उस अंजीर दे पेड़ दी जड़ तक सूके दा दिखेया। 21 पतरस ने स्मरण करिये आख्या, "रब्बी, देखख, ए अजीर दा पेड़, जिन्ने तुगी शाप दिता हां, सूकी गया ऐ।" 22 यीशु ने उसी बोल्या, "परमात्मा उप्पर विश्वास राख। 23 में तुगी सच्च - सच्च बोलना, जेड़ा कोई इस पर्वत दी बोले, "उखड़ी जा और समुद्र च पेई जा," और अपने मन च शक नेई करे, परैन्त जो कुछ उ'नेगी बोले, विश्वास करन कि होई जाग ते उदे लेई होई जाग। 24 इसलेई में तोहे गी बोलना ऐ, कि जेड़ा कुछ तोहे प्रार्थना च मगदे हो विश्वास करो कि उसी पाई चुके हो, और ओह तोहे गी मिली जाग। 25 और जिसलै कदे भी तोहे खड़े होईये प्रार्थना करो ते यदि तुन्दे मन च किसे दे प्रीति कुछ विरोध ऐ ते क्षमा करो, जिदे कन्ने कि तुन्दे पिता जेड़ा स्वर्ग च ऐ तुन्दे भी अपराध क्षमा करी ओड़े। 26 [यदि तोहे क्षमा नेई करगे ते तुन्दे पिता भी जेड़ा स्वर्ग च ऐ तुन्दे अपराध क्षमा नेई करग।]

27 ओह फेर यरुशलम च आए। और जिसलै ओह मन्दिर च फिरादा दे ही, ते मुख्य याजक, शास्त्री और प्राचीन उदे कोल आए, 28 ओह उदे कोला पूछन लगे, "तू ए काम किस अधिकार च करा दा ऐ, या इन कमे गी करने दा अधिकार तुगी कुने दिता ऐ?" 29 और यीशु ने उ'नेगी बोल्या, "में तोहे गी इक प्रश्न पूछदा हां। तोहे मिगी उत्तर देयो, फेर में भी तोहे गी दसगा कि ए काम किस अधिकार कन्ने करदा हां। 30 यहन्ना दा बपतिस्मा स्वर्ग दी ओर ता ही या मनुखे दी ओर ता? मिगी उत्तर देयो।" 31 ओह ए बोलिये आपस च विवाद करन लगे, "यदि आहे बोलिये, "स्वर्ग च," ते ओह बोलग, "ते तोहे उदा विश्वास क्यों नेई किता?" 32 फेर क्या आहे ए बोलिये, "मनुखे दी ओर ता?" ओह लोके कोला उरदे ही क्योंकि सारे ए मनदे ही कि यहन्ना सचमुच इक नबी ऐ। 33 यीशु गी उत्तर दिदे होए उने बोल्या, "आहे नेई जानदे।" और यीशु ने उ'नेगी बोल्या, "में भी तोहे गी नेई दसना कि ए काम किस अधिकार कन्ने करदा हां।"

12 फेर ओह उन्दे कन्ने द्रष्टान्त च गल्ला करन लग्गा; "इक मनुख ने दाख दी बारी लगाई, और उदे चारों ओर बाड़ा बनेया, और रस दा कुण्ड खोदेया, और गुम्मत बनाया; और किसने गी ठेका देईये यात्रा उप्पर चली गया। 2 फसल दे मौसम च उन इक दास गी किसाने कोल भेजेया कि उन किसाने कोला दाख दी बारी दा हिस्सा ले। 3 लेकन उने उसी फड़िये मारेया और खाली हाथ बापस भेजी ओड़या। 4 फेर उन इक और दास गी उन्दे कोल भेजेया; उने उदा सिर फाड़ी ओड़या ते उदा अपमान किता। 5 फेर उन इक और गी भेजेया; उने उसी मारी ओड़या। ते उन बड़े सारे गे भेजे; उन्दे बिचा उने कुछ गी कुटया और कुछ गी मारी ओड़या। 6 हुन भेजन आले कोल इक गे रास्ता रेई गया, मतबल उदा प्रिय पुतर। ए सोचिए कि उन उसी आखिर च उन्दे कोल भेजेया कि 'ओह मेरे पुतर दा आदर करन गे। 7 लेकन उन किसाने ने आपस च बोल्या कि, ए ते वारिस ऐ; आओ, आहे इसी मारी ओड़ये, ते सारी जयेदाद साड़ी होई जाग। 8 और उने उसी फड़िये मारी ओड़या, और दाख दी बारी च बार सुट्टी ओड़या।

9 "इसलेई दाख दी बारी दा मालक के करग? ओह आईये उन किसने गी नाश करग और दाख दी बारी दुए गी देई ओड़ग। 10 क्या तोहे पवित्रशास्त्र च ए वचन नेई पढ़ेया: "जिस पत्थर गी राजमिसित्रयों ने तुकराई ओड़या ही, ओही कोने दा सिरा बनी गया।

11 ए परमात्मा दी ओर ता होया, और साड़ी नजर च अद्बुद ऐ!"

12 ओह उसी फड़ना चान्दे ही; क्योंकि ओह समझी गे दे हे कि ए द्रष्टान्त साडे लेई बोलया ऐ। पर ओह लोके कोला उरदे, उसी छोड़िये चली गे।

13 ते उने उसी गल्ले च फसाने बासते कुछ फरीसियों और हेरोदियों गी उदे कोल भेजेया। 14 और उने आईये उसी आख्या, "हे गुरु, आहे जानदे हां कि तू सच्चा ऐ और तू किसे दे दबाब च नेई आन्दा। तू किसे दा पक्षपात नेई करदा, लेकन परमात्मा दे मार्ग गी सच्चाई कन्ने सिखाना ऐ। ते क्या कैसर गी कर देना ठीक ऐ या नेई? 15 आहे देयीये, या न देयीये?" उन उन्दा कपट गी जानिये उ'नेगी बोल्या, "मिगी क्यों परखदे हो? इक दीनार मेरे कोल लेयाओ कि में उसी दिखा।" 16 ओह दीनार ली आए, और उन उ'नेगी

बोलया, "ए छाप और नांस कूदा ऐ?" उने आख्या, "कैसर दा।" 17 यीशु ने आख्या, "जेड़ा कैसर दा ऐ ओह कैसर गी दो, और जेड़ा परमात्मा दा ऐ ओह परमात्मा गी दो।" ते ओह बड़े हेरान होन लगे।

18 फेर सदुकियों ने भी, जेड़े बोलदे नए कि पुनस्थान ऐ ही नेई - उदे कोल आईये पूछन लगे 19 हे गुरु, मूसा ने साडे लेई लिखा ऐ कि यदि किसे दा परा बिना बच्चे दे मरी जाए और उदी पत्नी रेई जाए, ते उदा परा उदी पत्नी कन्ने विवाह करी ले और अपने परा दे लेई सन्तान पैदा करे। 20 सात परा ही। पैहला परा विवाह करिये बिना बच्चे दे मरी गया। 21 फेर दुए परा ने उस स्त्री कन्ने विवाह करी लेया और बिना सन्तान दे मरी गया; और इन्ना गे तीसरे ने भी किता। 22 और सात परा बीचा बच्चे नेई होए। सारे दे पीछे ओह स्त्री भी मरी गई। 23 आखिर च जी उठने उप्पर ओह उन्दे च किसे दी पत्नी होग? क्योंकि ओह सत्ते दी पत्नी होई चुकी दी ही।"

24 यीशु ने उ'नेगी आख्या, "क्या तोहे इस कारण पोल च नेई परे हो कि तोहे ना ते पवित्रशास्त्र गी जान्दे हो, और ना गे परमात्मा दी सामर्थ्य गी? 25 क्योंकि जिसलै ओह मरे बीचा जी उठन गे, ते ओह ना गे विवाह करन गे और ना विवाह च दिते जागन, परैन्त स्वर्ग च दूतों दे समान होगन। 26 मरे बीचा जी उठने दे विषय च क्या तोहे मूसा दी पुस्तक च झाड़ी दी कथा च नेई पढ़ेया कि परमात्मा ने उसी बोल्या, "में अब्राहम दा परमात्मा, और इसहाक दा परमात्मा, और याकूब दा परमात्मा हां?" 27 परमात्मा मरे बीचा दा नेई परैन्त जीवतों दा परमात्मा ऐ; आखिर तोहे बड़ी पोल च परे हो

28 शास्त्रियों बीचा इक ने आईये उ'नेगी वाद - विवाद करदे सुनेया, और ए जानिये कि उन उ'नेगी अच्छी रीति कन्ने उत्तर दिता, उसी पूछेया, "सारे कोला मुख्य आज्ञा केरी ऐ?" 29 यीशु ने उसी उत्तर दिता, "सारी आज्ञाओं बीचा ए मुख्य ऐ: "हे इस्राएल सुन! प्रभु साड़ा परमात्मा इक ही प्रभु ऐ, 30 और तू प्रभु अपने परमात्मा कन्ने अपने सारे मन कन्ने, और अपने सारे प्राण कन्ने, और अपनी सारी बुद्धी कन्ने, और अपनी सारी शक्ति कन्ने प्रेम करेया।" 31 और दुई इकड़ी ऐ, "तू अपने पड़ोसी कन्ने अपने समान प्रेम करेया।" इदे कोला और कोई बड़्डी आज्ञा नेई।" 32 शास्त्री ने उसी बोल्या, "हे गुरु, बोलकुल ठीक, तू सच्च ही बोल्या कि ओह इक ही ऐ; और उसी छोड़िये कोई दुआ नेई; 33 और उदे सारे मन, और सारी बुद्धी, और सारे प्राण और सारी शक्ति दे कन्ने प्रेम करना, और अपने पड़ोसी कन्ने अपने समान प्रेम करना, सारे होमबलि और बलिदानों कन्ने बढ़कर ऐ।" 34 जिसलै यीशु ने दिखेया कि उन समझदारी कन्ने उत्तर दिता, ते उन बोल्या, "तू परमात्मा दे राज्य च दूर नेई," इदे बाद किसे गी उसी कुछ पूछने दा साहस नेई होया।

35 फेर यीशु ने मन्दिर च उपदेश दिंदे होए बोल्या, "शास्त्री केली बोलदे ने कि मसीह दाऊद दा पुतर ऐ? 36 क्योंकि दाऊद ने आप ही पवित्र आत्मा च होईये बोल्या ऐ: "प्रभु ने मेरे प्रभु गी बोल्या, "मेरे दाहिने बैठ, जदू तकर कि में तेरे बैरियों गी तेरे परे दी पीढी नेई करी ओड़ग।" 37 दाऊद ते आप ही उसी प्रभु बोलदा ऐ, फेर ओह उदा पुतर किन्ना होया?" और भीड़ दे लोक उदी आनन्द च सुन्दे ही।

38 उन अपने उपदेश च उ'नेगी बोल्या, "शास्त्रिये कन्ने सावधान रहे, जेड़े लम्बे - लम्बे चोगे पाईये फिरना और बाजारों च नमस्कार, 39 और आराधनालयों च मुख्य मुख्य आसन और भोजे च खास खास स्थान पाना पसन्द करदे नए। 40 ओह विधवाओं दे कार गी निगली जनदे नए, और दसने दे लेई लम्बी - लम्बी प्रार्थना करदे नए। ए अधिक दण्ड पागन।"

41 ओह मन्दिर दे भण्डार दे सामने बैठिये दिखा दा हां कि लोक मन्दिर दे भण्डार च किस तरह पैसे पांदे नए; और बड़े गे धनवान बहुत कुछ पा दे हे। 42 इनने च इक कंगाल विधवा ने आईये तांबे दे दो छोटे - छोटे सिक्के पाए जिन्दा मूल्य लगभग इक पैसे दे बराबर होंदा ऐ। 43 फेर यीशु ने अपने चले गी कोल बुलाईये उ'नेगी बोल्या, "में तोहे गी सच्च - सच्च बोलना हां, कि मन्दिर दे भण्डार च पाने आले बीचा इक कंगाल विधवा ने सारे कोला ज्यादा पाया ऐ; 44 क्योंकि सारे ने अपने धन बीचा थोड़ा - थोड़ा दिता ऐ, परैन्त इन अपनी कमाई देई ओड़ी ऐ।"

13 जदु ओह मन्दिर बिचा बाहर निकला दा हां, ते उदे चले बिचा इक ने उसी आख्या, "हे गुरु, देख किन्ने बड़े पत्थर और किन्ने बड़े भवन

ऐ ! " 2 यीशु ने उसी बोल्या, " क्या तोहे ए बड़े भवनों गी दिख्दे हो ? ए पत्थर ते पत्थर भी बचा नेई रोग जेड़ा टाया ना जाग। "

3 जदु ओह मन्दिर दे सामने जैतून पर्वत ते बैठे दा ही ते पतरस, याकूब, यहूना, और अनिद्रयास ने अलग जाईये उसी पूछ्या, " 4 " सानु दस कि ए गल्ला कदु होनिया ऐ ? और जदु ए सारी गल्ला पुरी होने अलिया होन ते उस समय दे चिन्ह के होग ? " 5 यीशु उ'नेगी बोलन लग्गा, कि सावधान रहो कि कोई तोहे गी तोखा न दे। 6 बड़े मेरे नांस च आईये बोलन गे, ' में ओही हां ' और बड़े गी तोखा देनगे। 7 जदु तोहे लड़ाइयाँ, और लड़ाइयाँ दी खबरा सुनो ते घबरायो नेई; क्योंकि इनदा होना जरूरी ऐ, लेकन उस समय अन्त नेई होग। 8 क्योंकि जाति ते जाति, और राज्य ते राज्य चड़ाई करन गे। ते बड़िया जगह ते भूकम्प होन गे, और अकाल पड़न गे। ए ते दर्द दी शुरुवात होग।

9 लेकन तोहे सावधान रहे। क्योंकि लोग तोहेगी महासभाओं च सौपन गे और तोहे पंचायते च मार खागे, और मेरे कारण शासकों और राजाओं दे अग्गे खड़े किते जागे, कि उन्दे सामने गवाही हो। 10 पर ए जरूरी ऐ कि पैहले सुसमाचार सारी जातियों च प्रचार किता जाए। 11 ओह जिसलै तोहे गी बन्दी बनाईये सौपी ओड़ग, ते पैहले कोला चिन्ता नेई करेयो कि आहे के बोलगे, परैन्त उस कड़ी तोहे गी जो कुछ दिता जाए ओही बोल्या; क्योंकि बोलने आले तोहे नेई हो, परैन्त पवित्र आत्मा ऐ। 12 परा, परा गी और पिता, पुत्र गी मृत्यु दे लेई सौपी ओड़ग; और बच्चे अपने माता - पिता दे विरोध उठिये उ'नेगी मरवाई ओड़ग। 13 और मेरे नांस दे कारण सारे लोक तुन्दे कन्ने बैर करन गए, परैन्त जेड़ा आखिर तकर सवर करी लेग उस दा उध्दार होग।

14 परैन्त जिसलै तोहे उस उजाड़नेआली घृणित वस्तु गी जित्थे उचित नेई उतथे खलोते दिखन, [पढ़नेआला समझी ले] फेर जेड़ा यहूदिया च हों, ओह पहाड़े उप्पर नसी जाएँ; 15 और ओह जेड़ा कार दी छत उप्पर होए, नीचे नेई उतरे और ना कुछ लेन दे लेई कार दे भीतर जाए; 16 और ओह जो खेत च होए, अपना चोगा लेने बासते पीछे नेई जाए। 17 उन दिने च जेड़ी गर्भवती और दूध पिलादी होग, उन्दे लेई हाय हाय ! 18 और प्रार्थना करेया करो कि ए जाड़े च नेई होए। 19 क्योंकि ओह दिन ऐसे क्लेश दे होने ऐ जिन्ना कि सृष्टि दे आरम्भ च, जेड़ी परमात्मा ने सृजी ऐ, अजे तकर ना ते होए और ना फेर कदे होने नए। 20 यदि प्रभु उन दिनों गी नेई घटावा, ते कोई प्राणी भी नेई बचदा; परैन्त उन चुने होए दे कारण जिनने गी उन चुने दा ऐ, उन इन दिने गी घटाया। 21 फेर यदि कोई तोहे गी बोले, " दिखो, मसीह इत्थे ऐ, " या, " दिखो, ओह उदर ऐ, " ते विश्वास नेई करेयो; 22 क्योंकि झूठे मसीह और झूठे नबी खड़े होने नए, और चिन्ह और अद्भुत काम दसन गे कि यदि हो सके ते चुने होए गी भी भकाई देन। 23 परैन्त तोहे सावधान रहो; देखो, में पैहले ही तोहे गी सब कुछ दसी ओड़या ऐ।

24 परैन्त उन दिने च, उस क्लेश दे बाद सूरज अन्धेरा होई जाग, और चन्द्रमा अपना प्रकाश नेई देग, 25 और आकाश कन्ने तारागण डिगन गए; और आकाश दी शक्तियाँ हिलाई जान गी। 26 फेर लोक मनुख दे पुत्र गी बड़ी सामर्थ्य और महिमा दे कन्ने बादले च आंदे दिखन गे। 27 उस समय ओह अपने दुते गी भेजिये, पृथ्वी दे इस छोर कन्ने आकाश दे उस छोर तक, चारों दिशाओं च अपने चुने होए लोके गी कठा करग।

28 " अंजीर दे पेड़ च ए दष्टान्त सीखो: जदु उस दी डाली कोमल होई जन्दी ऐ, और पत्ते निकलने लगदे नए; ते तोहे जान लेनदे हो कि ग्रीष्म ऋतु निकट ऐ। 29 इसी प्रकार तोहे भी जदु इन गल्ले गी होंदे दिखगे ते जानी लेयो कि ओह निकट ऐ वरन् दवार पर ही ऐ। 30 में तोहे गी सच्च - सच्च बोलना हां कि जदु तकर ए सब गल्ला पूरी नेई होई जाग इस पीढ़ी दा अन्त नेई होग।

31 आकाश और पृथ्वी टली जाग, लेकन मेरे वचन कदे भी नेई टलन गे।

32 परैन्त उस दिन या घड़ी दे विषय च कोई नेई जान्दा, ना स्वर्ग दे दूत, ना गे पुत्र, परैन्त केवल पिता। 33 सावधान होई जाओ, जागदे रहो और प्रार्थना करो, क्योंकि तोहे नेई जानदे कि ओह निर्धारित समय हुन आई जाग। 34 ए उस मनुख दी दशा ऐ, जेड़ा परदेश जानदे समय अपना कार छोड़ी जाए, और अपने दासे गी अधिकार देग: और हर इक गी उदा काम दसी ओड़े, और दारपाल गी जागदे रेने दी आज्ञा दे। 35 इसलेई जागदे रहो, क्योंकि तोहे नेई जानदे कि कार दा स्वामी कदु आग, सवेरे गी या अधी रात गी, या मुर्ग दे बाँग दे समय च या शाम गी। 36 किते ऐसा नेई होए कि ओह

अचानक आईये तोहे गी सोंदे दिखन। 37 और जो कुछ में तोहे गी बोलना हां, ओही सारे गी बोलना हां: जागदे रहो ! "

14 फसह और अखमीरी रुट्टी दे पर्व लेई सिर्फ दो दिन रेई गेदे हे, महायाजक और शास्त्री इस गल्ले दी खोज च ही कि उसी किन्ना छल कन्ने फड़िये मारी ओड़चे; 2 लेकन ओह बोलदे ही, " कि पर्व दे दिन नेई, किते ऐसा ना होए कि लोके च दंगा होई जाए

3 जदु ओह बैतनिय्याह च शमौन कोढ़ी दे कार च भोजन करन लेई बैठे दा ही, ते उतथे इक स्त्री संगमरमर दे पात्र च जटामासी दा मैहंगा शुध्द इत्र लेईये आई; और उन पात्र तोड़िये इत्र गी उदे सिर च पाया। 4 लेकन कुछ लोग गुस्से होईये अपने मन च बोलन लगे, " इस इत्र दा क्यों सत्यनाश किता गया ? 5 क्योंकि ए इत्र ते तीन सौ दीनार कोला ज्यादा मूल्य च बेची जाईये कंगालों गी दिता जा सकदा ऐ। " 6 यीशु ने बोल्या, " उसी छडी ओड़ो, उसी क्यों तंग करदे हो ? उन ते मेरे कन्ने भलाई किती ऐ। 7 क्योंकि कंगाल ते तुन्दे कन्ने सदा रोंदे नए, और तोहे जदु चाहो उसले गे उन्दे कन्ने भलाई करी सकदे हो; लेकन में तुन्दे कन्ने सदा नेई रेना ऐ। 8 जिन्ना गे ओह करी सकदी ही, उन किता, उन मेरे गाड़े जाने दे लेई पैहले ही गे मेरी देह उप्पर मिट्टी मली ऐ। 9 में तोहे गी सच्च बोलना कि सारे जगत च जित्थे भी सुसमाचार दा प्रचार किता जाग, उतथे उदे काम दी चर्चा भी उदे स्मरण च किती जाग। "

10 फेर यहूद इस्करियोती जेड़ा बारह बीचा इक ही, प्रधान याजकों दे कोल गया कि उसी उन्दे हाथ पकड़वाई ओड़। 11 ओह ए सुनिये खुश होए, और उसी पैसे देना स्वीकार किता; और ओह अवसर दूढ़ने लग्गा कि उसी किस तरह पकड़वाईये।

12 अखमीरी रोटी दे पर्व दे पैहले दिन, जिसलै फसह दे मेमने दा बलिदान किता जन्दा ही ते उदे चेलों ने उसी पूछ्या, " तू कुतथे चाना ऐ कि आहे जाईये तेरे लेई फसह खाने दी तैयारी करिये ? " 13 उन अपने चेलों बीचा दा गी ए बोलिये भेजेया, " नगर च जाओ, और इक मनुख पानी दा कड़ा चुके दे होए तोहे गी मिलग, उदे पीछे होई जायो; 14 और ओह जिस कार बीच जाग, उस कार दे स्वामी गी बोलेयो, " गुरु बोलदा ऐ कि मेरी पाहुनशाला जिदे च में अपने चले दे कन्ने फसह खावा किदर ऐ ? " 15 ओह तोहे गी इक सजी सजाई, और तैयार किती होई बड़ी अटारी दसी ओड़ग, और उतथे साड़े लेई तैयारी करेयो। " 16 चले निकलिये नगर च आये, और जिन्ना उन उ'नेगी बोल्या हां, इन्ना ही किता; ओए फसह तैयार किता।

17 जिसलै शाम होई, ते ओह बाहरों दे कन्ने आया। 18 जिसलै ओह बैठिये भोजन करा दे ही, ते यीशु ने बोल्या, " में तोहे गी सच्च बोलना हां कि तुन्दे बीचा इक, जेड़ा मेरे कन्ने भोजन करा दा ऐ, ओह मिगी पकड़वाई ओड़ग। " 19 उन्दे उप्पर उदासी छाई गई और ओह इक इक करिये उसी पूछन लगे, " क्या ओह में हां 20 उन उ'नेगी बोल्या, " ओह बाहरों बीचा इक ऐ, जेड़ा मेरे कन्ने थाली च हाथ पांदा ऐ। 21 क्योंकि मनुख दा पुत्र, जिन्ना उदे विषय च लिखेया ऐ, जान्दा ही ऐ; परैन्त हाय उस मनुख उप्पर जिदे दवारा मनुख दा पुत्र पकड़वाया जन्दा ऐ !

22 जिसलै ओह भोजन करा दे ही, उन रुट्टी लेई और आशीष मगिये तोड़ी और उ'नेगी देईये बोल्या, " इसी लेयो; ए मेरी देह ऐ। " 23 फेर उन प्याला लेता और धन्यवाद करिये उ'नेगी दिता और उने सारे उन्दे च पीता। 24 फेर उन उ'नेगी बोल्या, " ए वाचा दा मेरा ओह लहू ऐ जेड़ा बहुतों दे लेई बहाया जन्दा ऐ। 25 में तुन्दे कन्ने सच्च बोलना हां, में दाख दा रस उस दिन तकर फेर कदे भी नेई पीना ऐ, जदु तकर परमात्मा दे राज्य च नया नेई पिगा। " 26 फेर ओह गीत गाईये बाहर जैतून दे पहाड़ उप्पर गया।

27 फेर यीशु ने उ'नेगी बोल्या, " तोहे सारे ठोकर खागे, क्योंकि लिखेया ऐ: में रखवाले गी मारगा, और भेड़े तितर - बितर होई जाग। " 28 परैन्त में अपने जी उठने दे बाद तुन्दे कोला पैहले गलील च जागा। " 29 पतरस ने उसी बोल्या, " यदि सारे ठोकर खाग ते खाएँ, लेकन में ठोकर नेई खानी ऐ। "

30 यीशु ने उसी बोल्या, " में तुगी सच्च बोलना हां कि आज ही इसी रात गी मुर्ग दे दो बार बाँग देने दे पैहले, तू तीन बार मेरे कोला मुकरी जागा। "

31 लेकन उन और भी जोर देईये बोल्या, " यदि मिगी तेरे कन्ने मरना भी पड़े, तौभी में तेरा इनकार कदे भी नेई करगा। "

32 फेर ओह गतसमनी नांस क इक जगह च आए, और उन अपने चले गी बोलया, " इत्थे बैठी रहो, जदू तकर में प्रार्थना करा। 33 और ओह पतरस और याकूब और यूहन्ना गी अपने कन्ने लेई गया; और बड़ा ही अधीर और व्याकूल होन लगा, 34 और उन बोलया, " मेरा मन बड़ा उदास ऐ, इत्थे तकर कि में मरने उप्पर हां: तोहे इत्थे ठहरो, और जागदे रहो। " 35 फेर ओह थोड़ा अगगे गया और जमीन उप्पर डिगीये प्रार्थना करन लगा कि यदि होई सके ते ए कड़ी मेरे उप्परा टली जाए। 36 और बोलया, " हे अब्बा, हे पिता, तेरे लेई सब कुछ सम्भव ऐ; इस कटोरे गी मेरे कोला चुकी लै; तामी जिया में चाना हां ओह नेई, लेकन जो तू चाना ऐ ओही हो। " 37 फेर ओह आया और उने सूते दा दिखये और पतरस गी बोलया, " शमौन, तू सौ रेहा ऐ ? के तू इक कड़ी भी नेई जागी सकदा ? 38 जागदे और प्रार्थना करदे रहो कि तोहे परीक्षा च नेई पेयो। आत्मा ते तैयार ऐ, पर शरीर कमजोर ऐ। " 39 और फेर ओह चली गया और इनी शब्दे च प्रार्थना कित्ती। 40 फेर आईये उने गी सुते दे दिखेया, क्योंकि उनदी अखखा नीदर कन्ने परोची दी ही; और नेई जानदे हे कि के उत्तर देचे। 41 फेर उन तीसरी बार आईये उ'नेगी बोलया, " क्या तोहे अजे तकर सोआ करदे हो और विश्राम करा करदे हो ? बड़ा होई चुकेया ! कड़ी आ पूजी ऐ। दिखो, मनुख दा पुत्तर पापिये दे हाथ च पकड़वाया जा दा ऐ। 42 उतो, चलिये ! दिखो, मेरा फडाने आला कोल आई पुजेया ऐ ! "

43 जिसलै ओह ए अजे बोलेया गे ते इनने तकर यहूदा, जेड़ा बाहरों बीचा इक ही, अपने कन्ने प्रधान याजकों और शास्त्रियों और पुरनियों दी ओर ता इक बड्डी भीड़ लेईये तुरन्त आई पूजे, ओह ते कन्ने तलवारा और लाठियाँ लिये आये दे हे। 44 उदे फडाने आले ने उ'नेगी ए पता दिते दा हां कि जिसी में चूमगा ओही ऐ, उसी फडिये यत्न च लेई जायो। 45 ओह आया, और तुन्त उदे कोल जाईये बोलया, " हे रब्बी ! " और उसी बड़ा गे चूमेया। 46 फेर उने उदे उप्पर हाथ पाईये उसी फडी लेया। 47 उन्दे च जेड़े कोल खलोते दे ही, इक ने तलवार खिचिये महायाजक दे दास उप्पर चलाई, और उदा कान कटी ओड़या। 48 यीशु ने उ'नेगी बोलया, " क्या तोहे डाकू जानिये मिगी फडने दे लेई तलवारा और लाठियाँ लेईये निकले हो ? 49 में ते हर दिन मन्दिर च तुन्दे कन्ने रेयीये उपदेश दिंदा हां, और उसले तोहे मिगी नेई फडेया: परैन्त ए इसलेई होया ऐ कि पवित्रशास्त्र दी गल्ला पूरी होए। " 50 इदे उप्पर सारे चले उसी छोड़िये नसी गए।

51 इक जवान उदे पीछे चला दा हां। ओह अपने नंगे शरीर उप्पर केवल मलमल दी चादर ओढ़ी दी ही। उने उसी फडेया, 52 परैन्त ओह मलमल दी चादर छोड़िये नंगा ही नसी गया।

53 ओह यीशु गी महायाजक दे कोल लेई गए; और सारे मुख्य याजक, प्राचीन और शास्त्री कठे होई गए। 54 पतरस ते दूर ही दूर ता महायाजक दे आंगन तकर उदे पीछे - पीछे चली गया हां। ओह पहरेदारे दे कन्ने बैठिये उल्थे आग सेकन लगा। 55 प्रधान याजक और सारी महासभा यीशु गी मारी ओड़ने बासते उदे विरोध च गवाही दी खोज च ही, लेकन नेई मिली। 56 क्योंकि बड़े गे उदे खिलाफ च झूठी गवाही देआ करदे ही, लेकन उन्दी गवाही इको लेई नेई ही। 57 उसले कुछ लोके ने उठिये उदे खिलाफ ए झूठी गवाही दिती, 58 " ओहे इदे कोला ए आखदे सुनेया ऐ, " में इस हाथ दे बनाए होए मन्दिर गी टाई ओड़गा, और तीन दिन च दूसरा बनाई ओड़गा, जेड़ा हाथ कन्ने नेई बनेया हो। " 59 इदे उप्पर भी उन्दी गवाही इको लेई नेई निकली।

60 फेर महायाजक ने बीच खड़े होईये यीशु गी पूछेया, " तू कोई उत्तर नेई दिता ? ए लोक तेरे खिलाफ च के गवाही दिंदे नए ? " 61 परैन्त ओह चुप रेहा और उन कोई उत्तर नेई दिता। महायाजक ने उसी फेर पूछेया, " क्या तू उस परम धन्य दा पुत्तर मसीह ऐ ? " 62 यीशु ने बोलया, " में हां: और तोहे मनुख दे पुत्तर गी सर्वशक्तिमान दी दाहिनी ओर बैठे दे, और आकाश दे बादलों दे कन्ने आंदे दिखगे। " 63 फेर महायाजक ने अपने वस्त्र फाड़िये बोलया, " हुन आहे गी गवाहों दा और के प्रयोजन ऐ 64 तोहे ए निन्दा सुनी चुके हो। हुन इदे उप्पर तुन्दी के राय ऐ ? " और उने सारे उसी प्राण - दण्ड दे योग्य दोषी ठहराया। 65 फेर कुछ लोक उदे उप्पर थूकन लगगे, और उदी अखखे उप्पर पट्टी बनिये मूके मारन लगगे और उसी बोलन लगगे, " भविष्यदवानी कार ! " और पहरेदारे ने फडिये उदे मुंह उप्पर मारे।

66 जिसलै पतरस थल्ले आंगन च ही, ते महायाजक दी दासी बिचा इक उल्थे आई, 67 और पतरस गी आग सेकदे दिखेया और अखखा कुरिये उसी दिखदे होए बोलया, " तू भी ते उस यीशु नासरी दे कन्ने ही। " 68 परैन्त उन इनकार करदे होए बोलया, " में ना ते जान्दा और ना ही समझदा हां कि तू के बोला दी ऐ। " 69 उसी दिखिये कोल खलोते होए लोके गी ओह दासी फेर बोलन लगगी, " ए ते उन्दे च इक ही ! " 70 परैन्त उन फेर इनकार कित्ता। थोड़ी देर बाद जेड़े कोल खलोते दे ही उने फेर पतरस गी बोलया, " पका तू उन्दे च इक होना ऐ; क्योंकि तू गलील भी ऐ। " 71 फेर ओह कसमा खान लगा, " में इस मनुख गी जिदी तोहे चर्चा करा दे हो नेई जान्दा ! 72 और तुन्त मुर्गे ने दुई बार बांग दिती। फेर पतरस गी ओह गल्ल जेड़ी यीशु ने उसी बोली ही, उसी आई गई, " मुर्गे दी दो बार बांग देने कोला पैहले तू तीन बार मेरा इनकार करगा। " और ओह रोन लगा

15 शाम होदे ही तुरन्त प्रधान याजकों, पुरनियों और शास्त्रियों ने मतबल सारी महासभा ने सलाह करिये, और यीशु गी बनिये लेई गए तथा उसी पिलातुस दे हाथ सौपी ओड़या। 2 पिलातुस ने उसी पूछेया, " क्या तू यहूदियों दा राजा ऐ ? " उन उत्तर दिंदे होए उसी बोलया, " तू आपे ही बोला दा ऐ। " 3 और मुख्य याजक उदे उप्पर बड़ी गल्ले दा दोष लगा दे ही। 4 पिलातुस ने उसी फेर पूछेया, " क्या तू कोई उत्तर नेई दिंदा, देख ए तेरे उप्पर किन्नी गल्ला दा दोष लगांदे नए ? " 5 यीशु ने फेर कोई उत्तर नेई दिता; इत्थू तकर कि पिलातुस बड़ा हेरान होया।

6 पर्व दे समय ओह उन्दे अनुरोध उप्पर किसी इक कैदी गी छोड़ी ओड़दे हां। 7 बरअब्बा नांस दा इक मनुख उन बलवाईयों दे कन्ने बन्दी हां, जिनने बलवे च हत्या कित्ती ही 8 और भीड़ उप्पर जाईये उदे अगगे विनती करन लगी, कि जिन्ना तू साड़े लेई करदा आया ऐ इन्ना ही कार। 9 पिलातुस ने उ'नेगी उत्तर दिता, " क्या तोहे चान्दे हो कि में तुन्दे लेई यहूदियों दे राजा गी छडी ओड़ ? " 10 क्योंकि ओह जान्दा हां कि प्रधान याजकों ने उसी डाह च फड़ाया हां। 11 परैन्त मुख्य याजकों ने भीड़ गी ए बोलने दे लेई मजबूर कित्ता कि ओह उन्दे लेई बदले च बरअब्बा गी छडी ओड़। 12 ए सुनिये पिलातुस ने उ'नेगी फेर पूछेया, " ते जिसी तोहे यहूदियों दा राजा बोलदे हो, उसी में के करा ? " 13 ओह फेर चिल्लाए, " उसी क्रूस उप्पर चढ़ाई ओड़ ! " 14 पिलातुस ने उ'नेगी बोलया, " क्यों, इस ने के बुराई कित्ती ऐ ? " परैन्त ओह और भी चिल्लाए, " कि उसी क्रूस उप्पर चढ़ाई ओड़ ! " 15 फेर पिलातुस ने लोके गी खुश करने दी इच्छा च, बरअब्बा गी उन्दे लेई छडी ओड़या, और यीशु गी कोड़े लगवाईये सौपी ओड़या कि उसी क्रूस उप्पर चढ़ाया जाए।

16 सैनिक उसी किले दे भीतर दे आंगन च लेई गए जो प्रीटोरियुस कहलांदा ऐ, और सारी पलटन गी बुलाई लेयान्दा। 17 फेर उने उसी बैजनी कपड़े पैहाये और काँटों दा मुकुट उदे सिर उप्पर रखेया, 18 और ए बोलिये उसी नमस्कार करन लगगे, " हे यहूदियों दे राजा, नमस्कार ! " 19 ओह उदे सिर उप्पर सरकंडे मारदे, और उदे उप्पर थूकदे, और घुटने टेकिये उसी प्रणाम करदे रहे। 20 जिसलै ओह उदा ठटठा करी चुके, ते उदे उप्परा बैजनी कपड़े उतारिये उदे गे कपड़े पहिनाए; और फेर उसी क्रूस उप्पर चढ़ाने दे लेई बाहर लेई गए।

21 और उने सिकन्दर और रुफुस दे पिता शमौन कुरेनी गी जेड़ा गरा ता आवा करदा ही, बेगार च फडेया कि यीशु दा क्रूस चूकिये लेई चलिये। 22 और ओह उसी " गुकमुता " नांस क जगह उप्पर लेयांदा, जिदा मतबल ऐ " खोपड़ी दी जगह " 23 उल्थे उसी मुर्ग मिलाया होया दाखरस देन लगगे, परैन्त उन नेई लेता। 24 फेर उने उसी क्रूस उप्पर चढ़ाया और उदे कपड़े उप्पर चिटठियाँ पाईया, कि किसे गी के मिलग, उदे कपड़े गी आपस च उने बंडी लेया। 25 जिसलै उने उसी क्रूस उप्पर चढ़ाया ते सवेरे दे नौ बजा दे ही। 26 और उदे दोषपत्र उप्पर ए लिखेया हां, " यहूदियों दा राजा "। 27 उने उदे कन्ने दो डाकुओं गी भी क्रूस उप्पर चढ़ाया, इक गी दाहिनी ओर तथा दुए गी बाई ओर। 28 फेर पवित्रशास्त्र दा ओह वचन पूरा होया जिदे च बोलया गया ही, " ओह अपराधियों 29 और उल्थे आने - जाने आले उदी निन्दा करदे होए और सिर हिला - हिलाईये बोलन लगगे, " अरे ! मन्दिर गी टाने आले और तीन दिन च बनाने आले, 30 अपने आप गी बचा और क्रूस उप्परा उतरी जा ! " 31 इसी तरह मुख्य याजक भी शास्त्रियों दे कन्ने मिलिये आपस च उदा

मजाक करदे होए ए बोला दे ही, “ इन दूसरों गी बचाया; लेकिन अपने आप गी नेई बचाई सकदा। ³² हुन ए मसीह - इस्राएल दा राजा - कूस उप्परा थल्ले उतर आए कि आहे दिखी सकिये और विश्वास करिये ! ” और ओह भी उदे कन्ने कूस उप्पर चढ़ाए गेदे ही, इसी तरह उदी निन्दा करा दे ही।

³³ जिसलै दोपहर दे बाहरा बजी गए ते सारे देश च अन्धकार छाई गया तीन बजे दिन तकर छाया रेहा। ³⁴ और तीन बजने उप्पर यीशु ने बड़े ऊंचे स्वर च चिल्लाईये बोल्या, “ इलोई, इलोई, लमा शबकनी ? ” जिदा मतबल ऐ, “ हे मेरे परमात्मा, हे मेरे परमात्मा, तू मिगी क्यों छोड़ी ओड़या ? ” ³⁵ फेर जेड़े कोल खलोते दे ही उन्दे बीचा कुछ ए सुनिये बोलन लगगे, “ दिखो, ओह एलिय्याह गी पुकारा दा ऐ। ” ³⁶ और इक ने दौड़िये स्पंज गी सिरके च डुबोया, और सरकंडे उप्पर रखिये उसी चुसाया और बोल्या, “ ठहरी जाओ, दिखो एलिय्याह उसी उतारने दे लेई आंदा ऐ कि नेई। ” ³⁷ फेर यीशु बड़े शब्द कन्ने चिल्लाईये प्राण छोड़ी ओड़े। ³⁸ और मन्दिर दा पर्दा ऊपर ता थल्ले तकर फटिये दो टुकड़े होई गए। ³⁹ जेड़ा सूबेदार उदे सामने खलोते दा हां, जदू उसी यूँ चिल्लाईये प्राण छोड़दे होए दिखेया, ते उन बोल्या, “ सचमुच ए मनुख, परमात्मा दा पुत्र ही ! ” ⁴⁰ केई स्त्रियाँ भी दूरा दिखा दिया हां: उन्दे च मरियम मगदलीनी, छोटे याकूब और योसेस दी माता मरियम, और सलोमी ही। ⁴¹ जदू ओह गलील च हां ते ए उदे पीछे - पीछे चला करदी और उदी बड़ी सेवा करदी ही; और अन्य बड़ी स्त्रियाँ भी ही जेड़ी उदे कन्ने यरूशलेम च आई ही।

⁴² जिसलै शाम होई गेई ते इसलेई कि तैयारी दा दिन हां, जेड़ा सब्त दे इक दिन पैहले होंदा ऐ, ⁴³ अरिमतिया दा रहने आला यूसुफ आया, जेड़ा महासभा दा सदस्य हां और आप भी परमात्मा दे राज्य दी बाट जोहता हां। ओह हियाव करिये पिलातुस दे कोल गया और यीशु दा शव मगेया।

⁴⁴ पिलातुस गी हेरान होया कि ओह इन्नी जल्दी मरी गेया; और उन सूबेदार गी बुलाईये पूछेया, “ क्या ओह मरी चुकेया ऐ ? ” ⁴⁵ जदू उन सूबेदार दे दवारा हाल जानी लेया, ते शव यूसुफ गी दिलाई ओड़या। ⁴⁶ फेर उन मलमल दी इक चादर मोल लेई, और शव गी उतारिये उस चादर च लपेटेया, और इक कन्न च जेड़ी चढ़ान च खोदी गेई ही उसी रखेया, और कन्न दे दवार उप्पर इक पत्थर देई ओड़या। ⁴⁷ मरियम मगदलीनी और योसेस दी माता मरियम दिखा दी ही कि ओह कुत्थे रखेया गेया ऐ

16 जदू सब्त दा दिन खत्म होई गेया, ते मरियम मगदलीनी, और याकूब दी माता मरियम, और सलोमी ने मसाले मोल ले कि आईये उदे उप्पर मले। ² और हफते दे पैहले दिन बड़ी सवेरे सूरज निकलदे ही ओह

कन्न ते आई। ³ ओह आपस च बोला दी ही कि साड़े लेई कौन कन्न दे दरबाजे तो पत्थर हटाग ? ⁴ जदू उने अख्खा चूकिया, ते दिखेया कि पत्थर हटे दा हां और ओह बड़ा बड्डा ही। ⁵ कन्न दे अन्दर जाईये उने इक जवान गी चीटे कपड़े पाए दे सजे पासे बैठे दे दिखेया, और बड़ी हेरान होई। ⁶ उन उ'नेगी आख्या, “ हेरान नेई हो, तोहे यीशु नासरी गी, जेड़ा कूस ते चढ़ाया गया ही, उसी तुपदी हो। ओह जी उठेया ऐ, इत्थे नेई ऐ। दिखो, ए ओही जगह ऐ, जित्थे उने उसी रखेया ही। ⁷ परैन्त तोहे जाओ, और उदे चले और पतरस गी बोलो कि ओह तुन्दे कोला पैहले गलील च जाग और तोहे उसी उत्थे दिखगे, जिन्ना कि उन तोहे गी बोल्या हां। ” ⁸ ओह उदरा निकली और कन्न ता नसी गेई, क्योंकि कवरादी और घबराहट उदे उप्पर छाई गेदी ही; और उन किसे गी कुछ भी नेई दसेया, क्योंकि डरदी ही।

⁹ [हफते दे पैहले दिन सवेरे होंदे ही ओह जिंदा उठिये पहले - पहल मरियम मगदलीनी गी जिदे च उन सात दुष्टामाएँ कडिया ही, उन उसी दिखेया। ¹⁰ उन जाईये ए समाचार यीशु दे दोस्ते गी सुनाया जेड़े शोक करा करदे नए और रोआ दे ही। ¹¹ जिसलै उने ए सुनेया कि ओह जीवित ऐ और उने दिखेया, ते उ'नेगी विश्वास ही नेई होया

¹² इदे बाद ओह दुसरे रूप च उन्दे च दो गी जिसलै ओह गरा दी तरफ जा दे ही, ते उने उसी दिखेया। ¹³ उने भी जाईये दुए गी समाचार सुनाया, परैन्त उने भी विश्वास नेई किता।

¹⁴ पीछे ओह उन ग्यारहों गी भी, जदू ओह भोजन करने बैठे ते उने उसी दिखेया, और उन्दे अविश्वास और मन दी कठोरता उप्पर उलाहना दिता, क्योंकि जिन्ने उदे जी उठने दे बाद उसी दिखेया हां, फेर भी उने विश्वास नेई किता। ¹⁵ और उन उ'नेगी बोल्या, तोहे सारे जगत च जाईये सारी सृष्टि दे लोके गी सुसमाचार प्रचार करो। ¹⁶ जेड़ा विश्वास करग और बपतिस्मा लेग उदा गे उध्दार होए गा, परैन्त जेड़ा विश्वास नेई करग ओह दोषी ठहराया जाग; ¹⁷ विश्वास करने आले च ए चिन्ह होगन कि ओह मेरे नांस च दुष्टात्माओं गी कडन गे, और नवी नवी भाषा बोलन गे, ¹⁸ सप्पे गी चुकी लेन गे, और यदि ओह प्राणनाशक वस्तु भी पी लेन गे तौभी उ'नेगी कुछ नेई होग; ओह बीमारों उप्पर हाथ रखन गे, और ओह चर्गे होई जान गे। ”

¹⁹ प्रभु यीशु उन्दे कन्ने गल्ला करने दे बाद स्वर्ग उप्पर चली गे, और परमात्मा दी दाहिनी ओर बैठी गेया। ²⁰ और उने निकलिये हर जगह च प्रचार किता, और प्रभु उन्दे कन्ने काम करदा रेहा, और उन चिन्ह दे दवारा जेड़े कन्ने कन्ने होंदे ही, वचन गी मजबूत करदा रेहा। आमीन।]

लुका

1 बड़े गे लोके ने उन गल्ले दी जेड़ी साड़े बीच बीती दी ऐ, इतिहास लिखने दा काम अपने हाथ च लेया, 2 जिन्ना कि उने जेड़ी पैहले ही गे इन गल्ले गी दिखने आले और वचन दे सेवक ही, साड़े तकर पहुँचाया। 3 इसलेई, हे श्रीमान् थियोफिलुस, मिगी भी ए मालुम होया कि इन सारी गल्ले गी सावधानी कन्ने शुरू च ठीक ठीक जाँच करिये, उनेगी तेरे लेई क्रमानुसार लिखेया। 4 ताकि तू ए जानी ले कि ओह गल्ला जिन्दी तू शिक्षा पाई दी ऐ, किन्ना अटल ऐ।

5 यहूदिया दे राजा हेरिदेस दे समय अबिय्याह दे दल च जकरयाह नाम दा इक याजक हां, और उदी पत्नी हारून दे वंश दी ही जिदा नाम इलीशिबा ही। 6 ओह दोनों परमात्मा दे सामने धर्मो ही, और प्रभु दी सारी आज्ञाओं और विधियों उप्पर निर्दोष चलने आले ही। 7 उन्दी कोई सन्तान नेई ही, क्योंकि इलीशिबा बांझ ही और दोनों ही बूढ़े होई गे दे ही।

8 ऐसा होया कि जदू ओह अपने दल दी बारी आने उप्पर परमात्मा दे सम्मुख याजक दा काम करा दा हां, 9 ते याजकों दी रीति दे अनुसार उदे नाम च चिठी कडी कि प्रभु दे मन्दिर बीच जाईये तूफ जलाए। 10 तूफ जलाने दे समय लोके दी सारी मण्डली बाहर प्रार्थना करा दी ही। 11 उस समय प्रभु दा इक स्वर्गदूत तूफ दी वेदी दी दाहिनी ओर खड़ा होया उन उसी दिखेया। 12 जकरयाह उसी दिखिये कबराई गया और उदे उप्पर बड़ा गे डार छाई गया। 13 लेकन स्वर्गदूत ने उसी बोल्या, हे जकरयाह, परेशान नेई हो, क्योंकि तेरी प्रार्थना सुनी लेई गई ऐ, और तेरी पत्नी इलीशिबा तेरे लेई इक पुत्तर दी जन्म देग और तू उदा नाम यूहन्ना रखेया। 14 तुगी आनन्द और खुशी होग, और उदे जन्म उप्पर बड़े गे लोक आनन्द मनानगे, 15 क्योंकि ओह प्रभु दे सामने महान होग; और ओह दाखरस और मदिरा कदे भी नेई पीग, और अपनी माता दे गर्भ च गे ही पवित्र आत्मा कन्ने परिपूर्ण होई जाग। 16 ओह इस्राएल दी सन्तानों बीचा बड़े गे लोके गी उन्दे प्रभु परमात्मा दी ओर फेरी ओड़ग। 17 ओह एलिय्याह दी आत्मा और सामर्थ्य बीचा होईये उदे अगगे अगगे चलग कि पितरों दा मन बाल - बच्चे दी ओर फेरी दे, और आज्ञा नेई मनने आले गी धर्मियों दी समझ उप्पर लेई आए, जिदे कन्ने कि ओह प्रभु दे लेई इक योग्य प्रजा तैयार करे। "

18 जकरयाह ने स्वर्गदूत गी पूछेया, " ए में किन्ना जाना ? " क्योंकि में ते बूड़ा हां; और मेरी पत्नी भी बूड़ी होई गई ऐ। " 19 स्वर्गदूत ने उसी उत्तर दिता, " में जिब्राइल हां, जेड़ा परमात्मा दे सामने खड़ा रेदा ऐ; मिगी इसलेई भजेया गया ऐ कि में तेरे कन्ने गल्ला करा और तुगी ए सुसमाचार सुनावा। " 20 देखख, जिस दिन तकर ए गल्ला पूरी नेई होई जाए तू गूंगा रोगा और तू बोली भी नेई सकदा ऐ, क्योंकि तू मेरी गल्ले उप्पर विश्वास नेई किता जेड़ी ठीक समय उप्पर पूरी होनी ऐ। " 21 लोक जकरयाह दा इन्तजार करा दे ही, और ओह बड़े हेरान होआ दे ही कि उसी मन्दिर च इन्नी देर क्यों लगा दी ऐ ? " 22 परन्त जिसले ओह बाहर आया ते उन्दे कन्ने बोली नेई सकेया, और ओह सारे जानी गए कि उसी मन्दिर च कोई दर्शन मिलेया, और ओह संकेत करदा रेहा और गूंगा बनी रेहा। 23 और ऐसा होया कि जदू उदे सेवा दे दिन पूरे होए ते ओह अपने कार चली गया।

24 इन दिनों दे बाद उदी पत्नी इलीशिबा गर्भवती होई और पांज महीने तकर अपने आप गी ए बोलिये छिपाए रखेया, 25 " मनुखे च मेरा अपमान दूर करने दे लेई, प्रभु ने इन दिनों च कृपा - दृष्टि करिये मेरे लेई ऐसा किता ऐ। "

26 छठे महीने च परमात्मा दी ओर ता जिब्राइल स्वर्गदूत नासरत नामक गलील दे नगर च, 27 इक कुवारी दे कोल भजेया गया जिदी मंगनी यूसुफ नामक इक पुरुष कन्ने होई ही जेड़ा दाऊद दे वंश दा हां, और उस कुवारी दा

नाम मरियम ही। 28 और कोल आईये स्वर्गदूत ने उसी बोल्या, " आनन्द और जय तेरी होये, जिदे उप्पर परमात्मा दा अनुग्रह होया ऐ ! प्रभु तेरे कन्ने ऐ ! " 29 ओह इस वचन दी सुनिये बड़ी कबराई गई कि ए किस तरह दा अभिवादन होई सकदा ऐ। 30 फेर स्वर्गदूत ने उसी बोल्या, " हे मरियम, इन्ना डर नेई ! क्योंकि तेरे उप्पर परमात्मा दा अनुग्रह होया ऐ। 31 देखख, तू गर्भवती होगी और इक पुत्तर गी जन्म देगी, और तू उस दा नाम यीशु रखेया। 32 ओह महान् होग, और परमप्रधान दा पुत्तर कैहलाग। प्रभु परमात्मा उदे पिता दाऊद दा सिंहासन उसी देग, 33 और ओह याकूब दे घराने च अनन्तकाल तकर राज्य करग, और उदे राज्य दा अन्त नेई होग। " 34 मरियम ने स्वर्गदूत गी बोल्या, " ए किन्ना होई सकदा ऐ, क्योंकि में ते कुवारी हां ? 35 स्वर्गदूत ने उसी बोल्या, " पवित्र आत्मा तेरे उप्पर उतरेगा और परमप्रधान दा सामर्थ्य तेरे उप्पर छाया करेगी; इसलेई ओह पवित्र जेड़ा उत्पन्न होने आला ऐ, परमात्मा दा पुत्तर कैहलाग। 36 और देखख, तेरी कुटुम्बिनी इलीशिबा बीचा भी इस बुढ़ापे च इक पुत्तर होने आला ऐ और ए उदा, जेड़ी बांझ कैहलादी ही, उसी छठवा महीना ऐ। 37 क्योंकि परमात्मा दे लेई कुछ भी असम्भव नेई ऐ। " 38 मरियम ने बोल्या, " देखख, में ते प्रभु दी दासी हां। तेरे वचन दे अनुसार ही मेरे कन्ने होए। " फेर स्वर्गदूत उदे कोला होईये चली गया।

39 फेर उनी दिनों च मरियम उठिये जल्दी गे पहाड़ी प्रदेश च यहूदा दे इक नगर च गई, 40 और जकरयाह दे कार च प्रवेश करिये उन इलीशिबा गी नमस्कार किता। 41 ऐसा होया कि ज्यों ही इलीशिबा ने मरियम दा नमस्कार सुनेया, बच्चा उदे गर्भ च उछल पेया और इलीशिबा पवित्र आत्मा कन्ने परिपूर्ण होई। 42 उन ऊंची आवाज च पुकारिये बोल्या, " तू स्त्रियों च धन्य ऐ, और तेरे गर्भ दा फल भी धन्य ऐ ! 43 मेरे उप्पर ए अनुग्रह किन्ना होया कि मेरे प्रभु दी माता मेरे कोल आई ? 44 देखख, ज्यों ही तेरे नमस्कार दा शब्द मेरे कान च पेया, बच्चा मेरे गर्भ च आनन्द कन्ने उछली पेया। 45 धन्य ऐ ओह स्त्री जिन विश्वास किता कि जो कुछ प्रभु ने उसी बोल्या ऐ ओह पूरा होग। "

46 फेर मरियम ने बोल्या, " मेरा प्राण प्रभु दी बड़ाई करदा ऐ,

47 और मेरी आत्मा मेरे उध्दारकर्ता परमात्मा च आनन्दित होई ऐ,

48 क्योंकि उन अपनी दासी दी दीन - हीन दशा उप्पर कृपा - दृष्टि किती ऐ। इसलेई दिखो, हुन ता लेईये युग - युगान्तर दी पीढ़ियाँ मिगी धन्य बोलग।

49 क्योंकि उस शक्तिमान ने मेरे लेई बड़े - बड़े काम किते नए। उदा नाम पवित्र ऐ,

50 और उदी दया उन्दे उप्पर, जेड़े उदे कोला डरदे नए, पीढ़ी - पीढ़ी तकर बनी रेंदी ऐ।

51 उन अपना भुजबल दसेया, और जेड़े अपने आप गी बड़े समझदे ही, उनेगी तितर - बितर किता।

52 उन राजाओं गी सिंहासन बीचा सूटी ओड़ेया और दिनों गी ऊँचा किता।

53 उन पुरखे गी ते अच्छी - अच्छी वस्तुओं कन्ने तृप्त किता, और धनवानों गी खाली हाथ कडी ओड़ेया।

54 उन अपने सेवक इस्राएल गी सम्भाली लेया कि अपनी उस दया गी स्मरण करे,

55 जेड़े अब्राहम और उदे वंश उप्पर सदा रोग, जिन्ना उन साड़े बाप - दादों गी बोल्या हां। " 56 मरियम लगभग तीन महीने उदे कन्ने रेईये अपने कार चली गई।

57 फेर इलीशिबा दे प्रसव दा समय पूरा होया, और उन पुत्तर गी जन्म दिता। 58 उदे पड़ोसियों और सम्बन्धियों ने जदू ए सुनेया कि प्रभु ने उदे

उत्पर अपनी बड़ी कृपा किती ऐ ते उने उदे कन्ने आनन्द मनाया। 59 और ऐसा होया कि आठवें दिन ओह बालक दा खतना करान आए और उदा नाम उदे पिता दे नाम उत्पर जकरयाह रखन लग्गे। 60 इदे उत्पर उदी माता ने बोल्या, "नेई! उदा नाम यूहन्ना रखेया जाग।" 61 फेर उने उसी बोल्या, "तुन्दे सम्बन्धियों बीचा किसे दा भी ए नाम नेई!" 62 उने उदे पिता गी इशारा करिये पूछेया कि तू उदा नाम के रखना चाना ऐ? 63 उन लिखने दी तख्ती मंगिये उदे उत्पर लिखेया, "उदा नाम यूहन्ना ऐ," और सारे हेरान होई गए। 64 फेर उदा मुँह और जीभ तुरन्त खुली गई; और ओह बोलने लग्गा और परमात्मा दा धन्यवाद करन लग्गा। 65 उस दे आसे - पासे दे सारे रेहने आले उत्पर डर छाई गया; और उन सारी गल्ले दी चर्चा यहूदिया दे सारे पहाड़ी देश च फैली गई, 66 और सारे सुनने आले ने अपने - अपने मन च विचार करिये बोल्या, "ए बालक कैसा होए गा?" क्योंकि प्रभु दा हाथ उदे कन्ने ही।

67 उदा पिता जकरयाह पवित्र आत्मा कन्ने परिपूर्ण होई गया, और भविष्यदवानी करन लग्गा:

68 "प्रभु इस्राएल दा परमात्मा धन्य हो, क्योंकि उन साड़ी सुधि लेई ऐ और अपने लोके दे छुटकारे दा कार्य पूरा किता ऐ।

69 और साड़े लेई अपने सेवक दाऊद दे घराने च उध्दार दा इक सींग कडेया ऐ,

70 जिन्ना कि उन प्राचीनकाल च अपने पवित्र नबियों दे मुँह च कहलवाया हां,

71 कि साड़े शत्रुओं च और साड़े कन्ने बैर रखने आले दे हथ्थे कन्ने साड़ा उध्दार होए,

72 कि साड़े बाप - दादों उत्पर दया करिये अपनी पवित्र वाचा दा स्मरण करे,

73 और ओह शपथ जेड़ी उन साड़े पिता अब्राहम च खादी ही,

74 कि ओह सानू ए देग कि आहे अपने शत्रुओं दे हाथ च छडोईये,

75 उदे सामने पवित्रता और धार्मिकता च जीवन भर निडर रेईये उदी सेवा करदे रहे।

76 और तू हे बालक, परमप्रधान दा नबी कैहलाएगा, क्योंकि तू प्रभु दा मार्ग तैयार करने दे लेई उदे अगे - अगे चलगा,

77 कि उदे लोके गी उध्दार दा ज्ञान दे, जेड़े उन्दे पापे दी क्षमा कन्ने प्राप्त होंदा ऐ।

78 ए साड़े परमात्मा दी उस दी बड़ी करुणा कन्ने होग; जिदे कारण ऊपरा साड़े उत्पर भोर दा प्रकाश चमकेगा,

79 कि अन्धकार और मृत्यु दी छाया च बैठनेआले गी ज्योति दे, और साड़े पैरे गी कुशल दे मार्ग च सीधे चलाए।"

80 और ओह बालक बढ़दा और आत्मा च बलवन्त होंदा गया, और इस्राएल उत्पर प्रगट होने दे दिन तक रजंगले च रेहा।

2 उन दिने च ऐसा होया कि औरगुस्तुस कैसर दी ओर ता आज्ञा निकली कि सारे जगत दे लोके दे नाम लिखे जान 2 ए पहली नाम लिखाई उस समय होई, जदू क्विरिनियुस सीरिया दा हाकिम हां। 3 सारे लोक नाम लिखवाने दे लेई अपने अपने नगर च गए। 4 अतः यूसुफ भी इसलेई कि ओह दाऊद दे घराने और वंश दा हां, गलील दे नासरत नगर बीचा यहूदिया च दाऊद दे नगर बैतलहम च गया, 5 कि अपनी मंगेतर मरियम दे कन्ने जेड़ी गर्भवती ही, नाम लिखवाए। 6 और ऐसा होया कि उन्दे उत्थे रेनदे होई मरियम दे प्रसव दे दिन पूरे होए। 7 उन अपने पहलौठे पुत्र गी जन्म दिता, और उसी कपड़े च लपेटिये चरनी च रखेया, क्योंकि सराय च उन्दे लेई कोई जगह नेई ही।

8 और उस देश च कुछ चरवाहे ही जेड़े राती दे समय मैदान च रेईये अपने झुण्ड दी रखवाली करदे ही। 9 और प्रभु दा इक दूत उन्दे कोल आई खलोता, और प्रभु दा तेज उन्दे चारों ओर चमकेया, और ओह बड़े डरी गए।

10 फेर स्वर्गदूत ने उ'नेगी बोल्या, "डरो नेई; क्योंकि दिखो, में तोहे गी बड़े आनन्द दा सुसमाचार सुनाना जेड़े सारे लोके दे लेई होग, 11 कि आज दाऊद दे नगर च तुन्दे लेई इक उध्दारकर्ता जन्मा ऐ, और ओही मसीह प्रभु ऐ। 12 और इस दा तुन्दे लेई ए पता ऐ कि तोहे इक बालक गी कपड़े च लपेटे दा और चरनी च पेरा दिखो।" 13 फेर इकाइक उस स्वर्गदूत दे कन्ने

स्वर्गदूतों दा दल परमात्मा दी स्तुति करदे होए और ए बोलदे दिखाई दिता, 14 "आकाश च परमात्मा दी महिमा और पृथ्वी उत्पर उन मनुखे च जिदे कन्ने ओह खुश ऐ, शान्ति हो।"

15 जदू स्वर्गदूत उन्दे कोला होईये स्वर्ग च चली गए, ते चरवाहे आपस च बोलन लग्गे, "आओ, आहे बैतलहम जाईये ए गल्ल जेड़ी होई ऐ, और जिसी प्रभु ने सानू दसेया ऐ, दिखिये।" 16 और उने तुरन्त जाईये मरियम और यूसुफ गी, और चरनी च उस बालक गी पेरा दिखेया। 17 इनने गी दिखिये ओह गल्ल जेड़ी इस बालक दे विषय च उ'नेगी बोली गई ही, प्रगट किती, 18 और सारे सुनने आले ने उन गल्ले गी जेड़ी चरवाहों ने उन्दे कन्ने बोली ही, हेरान किता। 19 परैन्त मरियम ए सारी गल्ला अपने मन च रखिये सोचदी रेही। 20 चरवाहों, जिन्ना उ'नेगी बोल्या गया ही, सारा कुछ इन्ना गे सुनेया और दिखिये परमात्मा दी महिमा और स्तुति करदे होए चली गए।

21 जिसलै आठ दिन पूरे होए और उदे खतने दा समय आया, ते उदा नाम यीशु रखेया गया जेड़ा स्वर्गदूत ने उदे पेट च आने कोला पैहले बोल्या ही।

22 जदू मूसा दी व्यवस्था दे अनुसार उन्दे शुध्द होने दे दिन पूरे होए, ते ओह उसी यरुशलम च लेई गए कि प्रभु दे सामने लेयाचे, 23 [जिन्ना कि प्रभु दी व्यवस्था च लिखेया ऐ: "हर इक पहिलौठा प्रभु दे लेई पवित्र ठहरगा।"]

24 और प्रभु दी व्यवस्था दे वचन दे अनुसार: "इक जोड़ा पंडुक या कबूतर दे दो बच्चे गी लेईये बलिदान करन।"

25 यरुशलम च शमौन नामक इक मनुख ही, और ओह मनुख धर्मी और भक्त ही; और इस्राएल दी शान्ति दी प्रतीक्षा करा दा ही और पवित्र आत्मा उदे उत्पर ही। 26 और पवित्र आत्मा दे दवारा उदे उत्पर ए प्रकट किता गया ही कि जदू तकर तू प्रभु दे मसीह गी दिखी नेई लेगा, अदू तकर मृत्यु गी नेई दिखी सकदा। 27 ओह पवित्र आत्मा दी प्रेरणा कन्ने मन्दिर च आया, और जदू माता - पिता व्यवस्था दी विधि गी पूर्ण करने दे लेई बालक यीशु गी मन्दिर बीच लेयांदा, 28 उसलै उन बालक गी गोद च लेया और परमात्मा दी स्तुति करदे होए बोल्या:

29 हे स्वामी, हुन तू अपने वचन दे अनुसार अपने दास गी शान्ति कन्ने विदा होन दे,

30 क्योंकि मेरी अरखे ने तेरे उध्दार गी दिखी लेया ऐ,

31 जिदे कन्ने तू सारे देश दे लोके दे सामने तैयार किता ऐ,

32 कि ओह अन्य जातियों गी प्रकाश देने दे लेई ज्योति, और तेरे निज लोक इस्राएल दी महिमा होए।"

33 उस दा पिता और उदी माता इन गल्ले उत्पर जेड़ी उदे विषय च बोली जान्दी ही, हेरान करदे ही। 34 फेर शमौन ने उ'नेगी आशीष देईये, उदी माता गी बोल्या, "देख, ओह ते इस्राएल च बड़े गे डिगने, और उठने दे लेई, और इक ऐसा चिन्ह होने दे लेई ठहराया गया ऐ, जिदे विरोध च गल्ला किती जागन - 35 और तलवार कन्ने इत्थू तकर कि तेरा अपना प्राण भी छिद किता जाग - इदे कन्ने बड़े हृदय दे विचार प्रगट होन गए।

36 हन्ना नाम दी इक नबिया ही जेड़ी आशेर - वंशी फनुएल दी बेटी ही। ओह बड़ी बूड़ी ही, और विवाह होने दे बाद सात वर्ष अपने पति दे कन्ने रह पाई ही। 37 ओह चौरासी वर्ष च विधवा ही: और मन्दिर गी नेई छोड़दी ही, लेकन उपवास और प्रार्थना करी करिये रात - दिन उपासना किया करदी ही। 38 और ओह उस कड़ी उत्थे आईये प्रभु दा धन्यवाद करने लग्गी, और उन सारे जेड़े यरुशलम दे छुटकारे दी प्रतीक्षा करा दे ही, उस बालक दे विषय च गल्ला करन लग्गी।

39 जदू ओह प्रभु दी व्यवस्था दे अनुसार सारा कुछ पूरा करी चुके ते अपने नगर गलील दे नासरत च चली गए।

40 और बालक बढ़दा, बलवन्त होंदा गया और बुध्दि कन्ने परिपूर्ण होंदा गया, और परमात्मा दा अनुग्रह उदे उत्पर हां।

41 उस दे माता - पिता प्रति वर्ष फसह दे पर्व उत्पर यरुशलम जाया करदे ही। 42 जदू ओह बारह वर्ष दा होया ते ओह पर्व दी प्रथा दे अनुसार यरुशलम गए। 43 उन दिने गी पूरा करिये जदू ओह कार जा दे ही ते बालक यीशु यरुशलम च गे रेई गया और माता पिता इस गल्ल च अनजान ही। 44 ए समझिये कि ओह यात्रियों दे दल दे कन्ने होग, ओह इक दिन दे पड़ाव तकर अगे निकली गए और उसी अपने सम्बन्धियों और परिचितों दे बीच तुपने

लम्गे। 45 लेकिन जदू ओह नेई मिलेया ते तुपदे - तुपदे फेर यरूशलेम च चली गए, 46 और ऐसा होया कि तीन दिन दे बाद उने उसी मन्दिर च उपदेशकों दे मध्य बैठे दे, उन्दी गल्ला सुन्दे और उ'नेगी प्रश्न करदे होए दिखेया। 47 और सारे लोक जेडे उदी सुना दे ही उस दी समझ और उस दे उत्तरों गी सुनिये हेरान होई गए। 48 और जदू उने उसी उल्थे दिखेया ते हेरान होए और उदी माता ने उसी बोल्या, " बेटा, तू साडे कन्ने ऐसा व्यवहार क्यों कित्ता ? देख्ख, तेरे पिता और में परेशान होईये तुगी तुपा दे ही। " 49 उन उ'नेगी बोल्या, " तोहे मिगी क्यों तुपा दे ही ? क्या तोहे नेई जानदे ही कि मिगी अपने पिता दे कार च होना जरूरी ऐ ? " 50 लेकिन उन जेडी गल्ल उ'नेगी बोली ओह उसी समझी नेई सके। 51 फेर ओह उन्दे कन्ने चलिये नासरत आया और उन्दी अधीनता च बनी रेहा; परैन्त उस दी माता ने ए सारी गल्ला अपने मन च रखी।

52 यीशु बुद्धि और डील - डौल च, और परमात्मा तथा मनुखे दे अनुग्रह च बढ़दा गया।

3 तिबिरियुस कैसर दे राज्य दे पन्द्रहवें वर्ष च जदू पुन्तियुस पिलातुस यहूदिया दा हाकिम हां, और गलील च हेरोदेस, इतूरैया और त्रखोनीतिस च उस दा परा फिलिप्पुस, और अबिलेने च लिसानियास, चौथाई दे राजा हे, 2 और जिसलै हन्ना और कैफा महायाजक ही, उस समय परमात्मा दा वचन जंगल च जकरयाह दे पुत्तर यहून्ना दे कोल पूजेया। 3 ओह यरदन दे आसे - पासे दे सारे प्रदेश च जाईये, पापे दी क्षमा दे लेई मन फिराव दे बपतिस्मा दा प्रचार करन लम्गा। 4 जिन्ना कि यशायाह नबी दे वचनों दी पुस्तक च लिखेया ऐ:

" जंगल च किसे पुकारने आले दा शब्द होआ दा ऐ कि, " प्रभु दा रस्ता तैयार करो, और उस दी सड़कें सीधी करो।

5 हर इक घाटी भर दिती जान गी, और हर इक पहाड़ और टीला नीचा कित्ता जाए गा; और जेड़ा टेढ़ा ऐ सीधा, और जेड़ा ऊँचा नीचा ऐ ओह चौरस रस्ता बनेगा।

6 और सारे प्राणी परमात्मा दे उध्दार गी दिखन गए। "

7 जेडे भीड़ दी भीड़ उस दे कोल बपतिस्मा लेने दे लेई निकलिये आन्दी ही, उ'नेगी ओह बोल्दा ही, " हे साँप दे बच्चो, तोहे गी आने आले क्रोध च नसने दे लेई किस ने तोहे गी चेतावनी दिती ऐ ? 8 अतः मन फिराव दे योग्य फल लेयाओ, और अपने अपने मन च ए नेई सोचो कि साड़ा पिता अब्राहम ऐ; क्योंकि में तोहे गी बोलना हां कि परमात्मा इन पत्थरों गी अब्राहम दे लेई सन्तान पैदा करी सकदा ऐ। 9 और पेड़ों दी जड़ उप्पर कुल्हाड़ा रखेया होया ऐ, इसलेई जेड़ा जेड़ा पौधा अच्छा फल नेई लेयान दा, ओह कटेया और आग च सुटेया जाग। " 10 फेर लोके उसी पूछेया, " ते आहे के करिये ? "

11 उन उ'नेगी उत्तर दिता, " जिदे कोल दो कुरते होन, ओह उस दे कन्ने जिदे कोल नेई ऐ बंडी लेन, जिस दे कोल रुट्टी ऐ ओह भी इन्ना गे करे। 12 कुछ चुंगी लेने आले भी बपतिस्मा लेन आए और उने उसी पूछेया, " हे गुरु, आस के करिये ? " 13 और उन उ'नेगी बोल्या, " जिन्ना लेने दी तोहे गी आज्ञा दिती गेई ऐ उस दे कोला ज्यादा लेन दी कोशिश नेई करो। 14 और कुछ सैनिक भी उसी ए पूछन लम्गे, " और साड़ा के, आहे के करिये ? " उन उ'नेगी बोल्या, " किसे उप्पर दबाव पाईये उदे कोला पैसा नेई लो और ना ही किसे उप्पर झूठा दोष लगाओ, परैन्त अपने वेतन च गे सन्तुष्ट रहो। "

15 जदू लोके आस लगाई दी ही, और सारे अपने मन च यहून्ना दे बारे च विचार करा दे ही कि किते ए मसीह ते नेई, 16 ते यहून्ना ने उने सारे गी बोल्या, " में ते तोहे गी पानी कन्ने बपतिस्मा दिंदा हां, परैन्त ओह आने आला ऐ जेड़ा मेरे कोला ज्यादा शक्तिमान ऐ; में ते इस योग्य भी नेई कि उदा जूती दा बन्धन खोली सका; ओह ते तोहे गी पवित्र आत्मा और आग कन्ने बपतिस्मा देग। 17 उस दा सूप, उसदे हाथ च ऐ; और ओह अपना खलिहान अच्छी तरह कन्ने साफ करग; और गेहूँ गी अपने खत्ते च कठा करग; परैन्त भूसी गी उस आग च जेडी बुझने दी नेई जलाई ओडग।

18 अतः ओह बड़ी गे ज्यादा शिक्षा देई देईये लोके गी सुसमाचार सुनादा रेहा। 19 परैन्त जदू उन चौथाई देश दे राजा हेरोदेस गी उदे परा फिलिपुस दी पत्नी हेरोदियास दे विषय और सारे कुकर्मों दे विषय च जेडे उन किते ही,

उलाहना दिता, 20 ते उन उन्दे सारे कन्ने ए भी कित्ता कि यहून्ना गी बन्दीगृह च पाई ओड़ेया।

21 ऐसा होया कि जदू सारे लोके ने बपतिस्मा लेया ते यीशु ने भी बपतिस्मा लेया, और जदू कि ओह प्रार्थना करा दा हां ते तुरन्त आकाश खुली गया, 22 और पवित्र आत्मा शारीरिक रूप च कबूतर दे समान उदे उप्पर उतरेआ, और ए आकाशवाणी होई: " तू मेरा प्रिय पुत्तर ऐ, में तेरे कोला खुश हां। "

23 जदू यीशु ने अपनी सेवा शुरू किती ते ओह लगभग तीस वर्ष दा हा। जिन्ना कि समझेया जान्दा ही ओह यूसुफ दा पुत्तर हा, और ओह एली दा, 24 और ओह मत्तात दा, और ओह लेवी दा, और ओह मलकी दा, और ओह हन्ना दा, और ओह यूसुफ दा, 25 और ओह मत्तीत्याह दा, और ओह आमोस दा, और ओह नहूम दा, और ओह असल्याह दा, और ओह नोगह दा, 26 और ओह मात दा, और ओह मत्तीत्याह दा, और ओह शिमी दा, और ओह योसेख दा, और ओह योदाह दा, 27 और ओह यहून्ना दा, और ओह रेसा दा, और ओह जरुब्बाबिल दा, और ओह शालतियेल दा, और ओह नेरी दा, 28 और ओह मलकी दा, और ओह अद्वी दा, और ओह कोसाम दा, और ओह इलमोदाद दा, और ओह एर दा, 29 और ओह येशु दा, और ओह एलीएजेर दा, और ओह योरीम दा, और ओह मत्तात दा, और ओह लेवी दा, 30 और ओह शमौन दा, और ओह यहूदाह दा, और ओह यूसुफ दा, और ओह योनान दा, और ओह एलियाकीम दा, 31 और ओह मलेआह दा, और ओह मिन्नाह दा, और ओह मत्तात दा, और ओह नातान दा, और ओह दाऊद दा 32 और ओह यिशै दा, और ओह ओबेद दा, और ओह बोअज़ दा, और ओह सलमोन दा, और ओह नहशोन दा, 33 और ओह अम्मीनादाब दा, और ओह अरनी दा, और ओह हिरत्रोन दा, और ओह फिरिस दा, और ओह यहूदाह दा, 34 और ओह याकूब दा, और ओह इसहाक दा, और ओह इब्राहीम दा, और ओह तिरह दा, और ओह नाहोर दा, 35 और ओह सरूग दा, और ओह रऊ दा, और ओह फिलिग दा, और ओह एबिर दा, और ओह शेलाह दा, 36 और ओह केनान दा, और ओह अरफक्षद दा, और ओह शेम दा, और ओह नूह दा, और ओह लिमिक दा, 37 और ओह मथूशिलह दा, और ओह हनोक दा, और ओह यिरिद दा, और ओह महललेल दा, और ओह केनान दा, 38 और ओह एनोश दा, और ओह शेत दा, और ओह आदम दा और ओह परमात्मा दा पुत्तर ही।

4 फेर पवित्र आत्मा कन्ने परिपूर्ण होईये यरदन च आया और चालीस दिन तकर आत्मा दे सिखाने च जंगल च फिरदा रेहा। 2 और शैतान उस दी प्रतीक्षा करदा रेहा। उन दिनों च उन कुछ नेई खादा, और जिसलै ओह दिन पुरे होई गए, ते उसी पूख लम्गी। 3 फेर शैतान ने उसी बोल्या, " यदि तू परमात्मा दा पुत्तर ऐ, ते इस पत्थर गी बोल, कि रुट्टी बनी जाए। 4 यीशु ने उसी उत्तर दिता, " लिखेया ऐ: " मनुख केवल रोटी कन्ने ही जीवित नेई रेदा ऐ "। 5 फेर शैतान उसी लेई गया और उसी पल भर च जगत दे सारे राज्य दसे, 6 और उसी बोल्या, " ए सारा अधिकार और इस दा वैभव में तुगी देई ओडगा, क्योंकि ए मिगी दिता गया ऐ और में जिसी चान्दा हां उसी दिंदा हां। 7 इसलेई यदि तू मिगी प्रणाम करे, ते ए सब तेरा होई जाग। " 8 यीशु ने उसी उत्तर दिता, " लिखेया ऐ: तू प्रभु अपने परमात्मा गी प्रणाम कार और केवल उसी दी सेवा कार "। 9 फेर उन यीशु गी यरूशलेम लेई जाईये उसी मन्दिर दी चोटी उप्पर खड़ा कित्ता और उसी बोल्या, " यदि तू परमात्मा दा पुत्तर ऐ ते अपने आप गी इत्थू सूटी ओड, 10 क्योंकि लिखेया ऐ, " ओह स्वर्गदूतों गी तेरे विषय च ए आज्ञा देग कि ओह तेरी रक्षा करे, " 11 और ओह तुगी हथ्थों हाथ चुकी लेग, ऐसा ना होये कि तेरे पैर च पत्थर कन्ने ठेस लम्गे। 12 यीशु ने उसी उत्तर दिता, " ए भी बोल्या गया ऐ: " कि तू प्रभु अपने परमात्मा दी परीक्षा नेई करेया। " 13 जदू शैतान उस दी सारी परीक्षा करी चुकेया, फेर कुछ समय दे लेई उस दे कोला चली गया।

14 फेर यीशु आत्मा दे सामर्थ्य च गलील आया और आसे - पासे दे सारे देश च उस दी चर्चा फैली गेई। 15 ओह उन्दे आराधनालयों च जाईये प्रचार करदा रेहा और सारे लोक उस दी प्रशंसा करदे ही।

16 फेर ओह नासरत च आया, जित्थे उस दा पालन - पोषण होया ही और अपनी रीती दे अनुसार सब्ब दे दिन आराधनालय च जाईये पढ़ने दे लेई

खड़ा होया।¹⁷ और यशायाह नबी दी पुस्तक उसी देई गई। उन पुस्तक खोलिये ओह जगह कड़ी जित्थे ए लिखेया ही:

¹⁸ " प्रभु दा आत्मा मेरे उप्पर ऐ, इसलेई कि उस ने कंगालों गी सुसमाचार सुनाने दे लेई मेरा अभिषेक किता ऐ, और मिगी इसलेई भेजेया ऐ बन्दियों गी छुटकारे दा और अन्ने गी द्ष्टि पाने दा सुसमाचार प्रचार करा और कुचले होये गी छुड़ावा,

¹⁹ और प्रभु दे खुश रहने दे समय दा प्रचार करा।

²⁰ फेर उन पुस्तक बन्द करिये सेवक दे हाथ च देई दिती और बैठी गया, और आराधनालय दे सारे लोके दी अख्खा उस दे उप्पर लगी रेई,²¹ और ओह उ'नेगी बोलन लम्गा, " आज ही ए लेख तुन्दे सामने पूरा होया ऐ।²² सारे लोके उस दी प्रशंसा किती और जेड़ी अनुग्रह दी गल्ला उस दे मुँह बीचा निकली ही, उन्दे उप्पर हेरान किता; और बोलन लम्गे, " क्या ए यूसुफ दा पुत्र ते नेई? ²³ उन उ'नेगी बोल्या, " तोहे मेरे उप्पर ए कहावत जरूर बोलगे कि " हे वैध, अपने आप गी अच्छा कार! जेड़ा कुछ आहे सुनेया कि कफरनहूम च किता गया ओह इत्थे अपने नगर च भ कार। " ²⁴ उन बोल्या, " में तोहे गी सच्च बोलदा हां कि कोई भी नबी अपने नगर च मान - सम्मान नेई पांदा। ²⁵ लेकन में तोहे गी सच्च बोलदा हां कि एलिय्याह दे दिने च जदू साढ़े तीन साल तक आकाश बन्द रेहा, इत्थू तकर कि सारे देश च बड़ा आकाल पेया, ते इस्त्राएल च केई विधवाएं ही, ²⁶ लेकन सैदा देश दे सारपत नगर दी विधवा गी छोड़िये एलिय्याह और किसे दे कोल नेई भेजेया गया। ²⁷ और एलिशा नबी दे दिने च इस्त्राएल च बड़े गे कुष्ट - रोगी हे लेकन सीरिया निवासी नामान दी छोड़िये और कोई शुध्द नेई किता गया। " ²⁸ जदू आराधनालय दे लोके ने ए गल्ला सुनेया ते ओह गुस्से च आई गए, ²⁹ और उने उठिये उसी नगर बीचा बाहर कड़ी ओड़ेया और जिस पहाड़ी उप्पर उस दा नगर बसेया होया ही, उस दी चोटी उप्पर लेई गए कि उदरा उसी थल्ले सूटी ओड़िये। ³⁰ लेकन ओह उन्दे बीचा निकलिये चली गया।

³¹ फेर ओह गलील दे इक नगर कफरनहूम च गया; और सब्त दे दिने च लोके गी उपदेश दिंदा ही। ³² ओह उस दे उपदेश च हेरान होई गए क्योंकि उस दा वचन अधिकार सहित ही। ³³ आराधनालय च इक मनुख ही जिदे च अशुध्द आत्मा ही। ओह ऊंची आवाज च चिल्लाया, ³⁴ " हे यीशु नासरी, सानु तेरे कोला के काम? क्या तू सानु खत्म करन दे आया ऐ? में तुगी जान्दा हां तू कौन ऐ? तू परमात्मा दा पवित्र जन ऐ! " ³⁵ यीशु ने ए बोलिये उसी डाटेया, चुप कार, उस दे बीचा निकली जा! " फेर दुष्टात्मा उसी बीच पटकिये बिना हानि पहुंचाए उस दे बीचा निकली गई। ³⁶ इदे उप्पर सारे लोक हेरान होए और आपस च गल्ला करिये बोलन लम्गे, " ए किस तरह दा वचन ऐ? क्योंकि ओह अधिकार और सामर्थ्य कन्ने अशुध्द आत्माओं गी आज्ञा दिंदा हां और ओह निकली जन्दी ही। " ³⁷ इस तरह चारों ओर हर जगह उस दी चर्चा फैली गई।

³⁸ फेर ओह उठेया और आराधनालय च निकलिये शमौन दे कार गया। उत्थे शमौन दी सास तीव्र ज्वर कन्ने पीड़ित ही और उने उस दे लेई उदे अग्गे विनती किती। ³⁹ उस दे कोल खड़े होईये उस ने ज्वर गी डाटेया और ज्वर उतरी गया, और ओह तुरन्त उठिये उस दी सेवा करन लम्गी। ⁴⁰ सूरज डुबदे समय, जिन - जिन दे उत्थे लोक नाना प्रकार दी बीमारियों च पेरे ही, ओह सारे उ'नेगी लेईये उस दे कोल आए, और उन इक इक उप्पर हाथ रखिये उ'नेगी चंगा किता। ⁴¹ और दुष्टात्माएं भी चिल्लां दी और ए बोलदी होई निकली गई, " तू परमात्मा दा पुत्र ऐ! " लेकन ओह उ'नेगी डांटदे और बोलने नेई दिंदा हां, क्योंकि ओह जान्दी ही कि ओह मसीह ऐ।

⁴² जदू दिन होया ते ओह निकलिये इक सुनसान जगह च गया, और भीड़ दी भीड़ उसी तुपदे होए उस दे कोल आई, और उसी रोकन लम्गी कि ओह उन्दे कोल नेई जान। ⁴³ परैन्त उन उ'नेगी बोल्या, " मिगी अन्य नगरे च भी परमात्मा दे राज्य दा सुसमाचार सुनाना जरूरी ऐ, क्योंकि में इसी लेई भेजेया गया हां। "

⁴⁴ और ओह गलील दे आराधनालय च प्रचार करदा रेहा।

5 इक समय, जिसलै कि भीड़ परमात्मा दा वचन सुनने दे लेई उदे उप्पर डिगी पोंदी ही, और ओह गन्नेसरत दी झील दे किनारे उप्पर खलोते दा ही, ते ऐसा होया। ² कि उन झील दे किनारे दो किशतिया खलोते

दे दिखी, और मछुवे उन्दे बीचा उतरिये अपने - अपने जाल तोआ दे ही।

³ ओह उन्दे बीचा इक किशती जेड़ी शमौन दी ही उदे उप्पर चढ़ी गया और उसी बोल्या कि किशती गी किनारे बीचा कुछ दूरी उप्पर लेई चल। फेर ओह बैठिये लोके गी किशती च गे उपदेश देन लम्गा। ⁴ जदू ओह उपदेश खत्म करी चुकेया ते शमौन गी बोल्या, " किशती गी गहरे पानी च लेई चल और मछली पकड़ने दे लेई अपने जाल गी पानी बीच सूटी ओड़। " ⁵ शमौन ने उसी उत्तर दिता, " हे स्वामी, आहे सारी रात मेहनत किती और कुछ नेई फड़ेया; फिर भी तेरे बोलने उप्पर पानी बीच जाल सूटी ओड़। " ⁶ जिसलै उने ऐसा किता, ते बड़ी गे मछलियाँ केरी लेयाए, और उन्दे जाल फटन लम्गे। ⁷ इदे उप्पर उने अपने दोस्ते गी जेड़े दूसरी किशती उप्पर ही, विनती किती कि आईये साड़ी सहायता करो, और उन आईये दोनों किशतियाँ इत्थू तकर परी लेई कि ओह डूबन लम्गी। ⁸ ए दिखिये शमौन पतरस यीशु दे पैरे उप्पर डिगी पेया और बोल्या, " हे प्रभु, मेरे कोला चली जा, क्योंकि में पापी मनुख हां! " ⁹ क्योंकि इन्नी मछलियाँ दे पकड़े जाने च उसी और उदे दोस्ते गी बड़ा हेरान होया, ¹⁰ और वैसे ही जबूदी दे पुत्र याकूब और यूहन्ना गी भी, जेड़ा शमौन दे सहभागी हे, हेरान होया। फेर यीशु ने शमौन गी बोल्या, " डर नेई; हुन ता तू भी मनुखे गी पकड़ा करगा। " ¹¹ और ओह किशती गी किनारे उप्पर लेई आए, और सब कुछ छोड़िये उस दे पीछे चली गए।

¹² जिसलै ओह किसे नगर च ही, ते उत्थे कोढ़ च परे होया इक मनुख आया; और ओह यीशु गी दिखिये मुहँ दे बल डिगेया और विनती किती, " हे प्रभु, यदि तू चाहे ते मिगी शुध्द करी सकदा ऐ। " ¹³ उन अपना हाथ बढ़ाया और उसी छुईये बोल्या, " में चान्दा हां - तू शुध्द होई जा। " और तुरन्त उदा कोढ़ चली गया। ¹⁴ उन उसी आज्ञा दिती किसे गी नेई सुनाया, " परैन्त जाईये अपने आप गी याजक गी दास और अपने शुध्द होई जाने दे बारे च जिन्ना मूसा ने आज्ञा दिती ही, भेंट चढ़ा कि इदे च उन्दे उप्पर गवाही होए। " ¹⁵ परैन्त उस दी चर्चा और भी फैलदी गई, और भीड़ दी भीड़ उस दी सुनने दे लेई और अपनी बीमारियों च चंगा होन दे लेई कठी होई। ¹⁶ परैन्त ओह जंगले च अलग जाईये प्रार्थना किया करदा ही।

¹⁷ इक दिन ऐसा होया कि ओह उपदेश दे दा ही, और फरीसी और व्यवस्थापक उत्थे बैठे दे ही जेड़े गलील और यूहदिया दे हर इक गरा दे और यरूशलेम च आए ही, और चंगा करने दे लेई प्रभु दी सामर्थ्य उस दे कन्ने ही। ¹⁸ उस समय केई लोक इक मनुख गी जेड़ा लकवे दा रोगी ही, खाट उप्पर लेयाए, और ओह उसी कोल लेई जाने और यीशु दे सामने रखने दा उपाय तुपा दे ही। ¹⁹ लेकन जदू भीड़ दे कारण उसी कोल नेई लेई जाई सके ते उने छत उप्पर चढ़िये और खपरैल हटाईये उसी खाट समेत बीच च यीशु दे सामने उतारी ओड़ेया। ²⁰ उन उन्दा विश्वास दिखिये उसी बोल्या, " हे मनुख, तेरे पाप माफ होए। " ²¹ फेर शास्त्री और फरीसी विवाद करन लम्गे, " ए कौन ऐ जेड़ा परमात्मा दी निन्दा करदा ऐ? परमात्मा गी छोड़िये और कौन पापे गी क्षमा करी सकदा ऐ? " ²² यीशु ने उन्दे मन दी गल्ला जानिये, उ'नेगी बोल्या, तोहे अपने मनो च के गल्ला करा करदे हो? ²³ के बोलना सरल ऐ, " क्या ए बोलना कि " तेरे पाप माफ होए " या ए बोलना कि " उठ और चल फेर? " ²⁴ परैन्त इसलेई कि तोहे जानो कि मनुख दे पुत्र गी पृथ्वी उप्पर पाप माफ करने दा भी अधिकार ऐ। " ²⁵ ओह तुरन्त उन्दे कोला उठेया, और जिदे उप्पर ओह पेरा ही उसी चुकिये, परमात्मा दी बड़ाई करदा होया अपने कार चली गया। ²⁶ फेर सारे हेरान होए और परमात्मा दी बड़ाई करन लम्गे बड़े डरिये बोलन लम्गे, " आज आहे अनोखी गल्ला दिखिया नए! "

²⁷ इदे बाद ओह बाहर गया और लेवी नामक इक चुंगी लेने आले गी चुंगी दी चौकी उप्पर बैठे दे दिखेया, और उसी बोल्या, " मेरे पीछे आई जा। "

²⁸ फेर ओह सब कुछ छोड़िये उठेया, और उस दे पीछे चली पेया।

²⁹ फेर लेवी ने अपने कार च उस दे लेई इक बड़ा भोज दिता; और चुंगी लेने आले दी ओर अन्य लोके दी जेड़े उस दे कन्ने भोजन करने बैठे हे, इक बड्डी भीड़ ही। ³⁰ इदे उप्पर फरीसी और उन्दे शास्त्री उस दे चले कन्ने कुड़कुड़ान लम्गे, " तोहे चुंगी लेने आले और पापियों दे कन्ने क्यों खांटे - पिन्डे हो? " ³¹ यीशु ने उ'नेगी उत्तर दिता, " वैध भले चंगे दे लेई नेई, परैन्त बीमारों दे लेई जरूरी ऐ। ³² में धर्मियों गी नेई, परैन्त पापियों गी मन फिराने दे लेई बुलाने आया हां। "

33 उने उसी बोल्या, "यूहन्ना दे चले ते बराबर उपवास रखदे और प्रार्थना किया करदे नए, और वैसे ही फरीसियों दे चले भी, परैन्त तेरे चले ते खांदे - पिन्दे नए।" 34 यीशु ने उ'नेगी बोल्या, "क्या तोहे बरातियों कन्ने, जदू तकर दूल्हा उन्दे कन्ने रहे, उपवास करवा सकदे हो? 35 लेकन ओह दिन आन गे, जिन्दे दूल्हा उन्दे च अलग किता जाग, फेर ओह उन दिने उपवास रखन गए।"

36 उन उ'नेगी इक दष्टान्त भी बोल्या: कोई भी मनुख नए कपड़े बीचा टुकड़े फाड़िये पुराने कपड़े च पैवन्दे नेई लगान्दा, नेई ते नया फटी जाग और ओह पैवन्दे पुराने च मेल भी नेई खाग। 37 और कोई नया दाखरस पुरानी मशकों च नेई भरवा, नेई ते नया दाखरस मशकों गी फाड़िये बह जाग, और मशकों भी खराब होई जाग। 38 लेकन नया दाखरस नई मशकों च भरना चायी दा ऐ। 39 कोई मनुख पुराना दाखरस पिये नया नेई चान्दा क्योंकि ओह बोल्दा ऐ, कि पुराना ही अच्छा ऐ।"

6 फेर सब्त दे दिन ओह खेतों बीचा होईये जा दा ही, और उस दे चले दाने तोड़ी - तोड़िये और हथ्थे च मली - मलिये खन्दे जा दे ही। 2 फेर फरीसियों बीचा कुछ बोलन लगे, "तोहे ओह कान क्यों करदे हो जेड़ा सब्त दे दिन करना उचित नेई?" 3 यीशु ने उ'नेगी उत्तर दिता, "क्या तोहे ए नेई पढ़ेया कि दाऊद ने जदू ओह और उदे दोस्त पूखे ही ते के किता? 4 ओह किन्ना परमात्मा दे कार च गया, और भेंट दी रुट्टियाँ लेईये खादी, जिनने गी खाना याजकों गी छोड़िये और किसे गी उचित नेई ही, 5 और उन उ'नेगी बोल्या, "मनुख दा पुत्तर सब्त दे दिन दा भी प्रभु ऐ।"

6 ऐसा होया कि किसे और सब्त दे दिन ओह आराधनालय च जाईये उपदेश देने लग्गा; और उत्थे इक मनुख ही जिस दा दाहिना हाथ सूखा ही। 7 शास्त्री और फरीसी इस ताक च ही कि दिखिये ओह सब्त दे दिन चंगा करदा ऐ या नेई, जिदे च कि उ'नेगी उस दे उप्पर दोष लगाने दा अवसर मिली सके। 8 परैन्त ओह उन्दे विचारों गी जान्दा ही, इसलेई उन सूखे हाथ आले गी बोल्या, "उठिये सामने आ," और ओह उठिये खड़ा होया। 9 फेर यीशु ने उ'नेगी बोल्या, "में तोहे गी पूछदा हां कि क्या सब्त दे दिन ठीक करना उचित ऐ या बुरा करना, इक जीवन बचाना या उसी खराब करना?" 10 फेर उन चारों ओर उन्दे सारे गी दिखिये उस मनुख गी बोल्या, "अपना हाथ बढ़ा।" उन किन्ना ही किता और उस दा हाथ फेर चंगा होई गया। 11 परैन्त ओह आपे गे बाहर होईये आपस च गल्ला करन लगे कि आहे यीशु दे कन्ने

12 उने दिने च ओह पाड उप्पर प्रार्थना करने आस्ते गया, ते पिता कने प्रार्थना च पूरी रात मुकाई। 13 जेले सवेरा ओया ते ओन्ने अपने चले लोकां गी बुलाइए बारां गी चुनी लेता ते उने गी प्रेरित अखेया। 14 ते उन्दे न ये एन शमोन जेड़ा न उसने पतरस भी रखेया, ते ओस दा प्राह अन्द्रेयास, ते याकूब, ते यूहन्ना, ते फिलिपुस, ते बरतुलमै 15 ते मति, ते थोमा, ते हल्फई दा पुत्तर याकूब, ते शमोन जेड़ा जेलोतेस केलान्दा हे। 16 ते याकूब दा पुत्तर यहूदा, ते यहूदा इस्करियोता जेड़ा उसी पकड़ाने आल्ला हा।

17 ओस वेले ओह उतरिये चोरस रसते च खदोहता, ते ओसदे चले दि चले दि बडी भिड सारे यहुधिया यरूशलेम ते सूर ते सैदा दे समंदर दे किनारे बडे लोक, 18 ते जेड़े उसदी सुन्नने ते अपनी बीमारीयां कोलं चंगा ओने आस्ते उसदे कोल आयेदे हे ओभी उद्धर हे, ते दुष्ट आत्मा दे सताये भी सारे चंगे ओन्दे हे। 19 सारे उसी शुना चांदे हे जेके कि ओसदे ओपेरन शक्ति निकळि हि ते सारे गि चनगे करदा हा।

20 ओस वेले उसने अपने चलेगी धिखिये अखेया तन हो तोस जेड़े दीन ओह जेके परमेश्वरें दा राज तुन्दा ए।

21 तन ओह तुस जेड़े हुन पुखे ओह सेर किते जगेओ, तन ओह तोस जेड़े हुन रोदे ओह जेके तोस अस्गेओह।

22 "धन्य हो तोहे जदू मनुख दे पुत्तर दे कारण लोक तुन्दे कन्ने नफरत करन गए, और तोहे गी कडी ओड़ना ऐ, और तुन्दी निन्दा करन गए, और तुन्दा नाम बुरा जानिये कटी देन गए।

23 उस दिन तोहे खुश होईये उछलेयो - कूदेयो, क्योंकि स्वर्ग च तुन्दे लेई बड़ा प्रतिफल ऐ, क्योंकि उन्दे पूर्वज भी नबियों दे कन्ने ऐसा ही किया करदे ही।

24 परैन्त हाय तुन्दे उप्पर जेड़े धनवान हो, क्योंकि तोहे अपनी शान्ति पाई चुके।

25 "हाय तुन्दे उप्पर जेड़े हुन तुम हो, क्योंकि तोहे पुखे होन गए।" हाय तुन्दे उप्पर जेड़े हँसदे हो, क्योंकि तोहे शोक करगे और रोगे।

26 हाय तुन्दे उप्पर जदू सारे मनुख तुन्दी प्रशंसा करन गए, क्योंकि उन्दे बाप - दादे झूठे नबियों दे कन्ने भी इन्ना ही किया करदे ही।

27 परैन्त में तोहे सुनने आले गी बोलना हां कि अपने शत्रुओं दे कन्ने प्रेम करो; जेड़े तुन्दे कन्ने नफरत करन, उन्दा भला करो। 28 जेड़े तोहे गी शाप दिंदे नए, उ'नेगी आशीष देयो, जेड़े तुन्दे कन्ने बुरा व्यवहार करदे नए उन्दे लेई प्रार्थना करो 29 जेड़ा कोई तुन्दे इक गाल उप्पर थप्पड़ मारे उस दी ओर दूआ भी फेरी दो, जेड़ा तुन्दा चोगा तुन्दे कोला खोई लेए उसी कुरता लेने च भी नेई रोको। 30 जेड़ा कोई तुन्दे कोला मंगे उसी देयो, और जेड़ा कोई तुन्दी वस्तु खोई लेए उस दे कोला फेर नेई मंगो। 31 जिया तोहे चांदे हो कि लोग तुन्दे कन्ने करन, तोहे भी उन्दे कन्ने इया ही करो। 32 यदि तोहे भी अपने प्रेम रखने आले कन्ने प्रेम रखदे हो ते इदे च तुन्दी के बड़ाई? क्योंकि पापी भी अपने प्रेम करने आले कन्ने प्रेम रखदे ऐ। 33 यदि तुम भी अपने भलाई करने आले कन्ने भलाई करदे हो ते तुन्दी के बड़ाई? क्योंकि पापी भी ते एसा ही करदे ऐ। 34 यदि तोहे उने गी ही उधार दिन्दे हो जुड़े कोला पाने दी उमीद रखदे हो ते तुन्दी के बड़ाई? क्योंकि पापी भी पापियों गी उधार दिन्दे ऐ कि उन्हा गे फेर वापस लैन। 35 लेकन अपने दुश्मनों कन्ने प्रेम रखो, और भलाई करो, और उधार देइए पाने दी पाने दी उमीद नेई रखो, और तुन्दे लेई बड़ा फल होग, और तोहे परमप्रधान गी बच्चे ठैरगे, क्योंकि ओह उन्दे उप्पर भी जेड़े धन्यवाद नेई करदे बुरों ते भी दयालु ऐ। 36 जिया तुन्दा पिता दयालु ऐ, इया तोहे ही दयालु बनो।

37 "दोष नेई लाओ, ते तुन्दे उप्पर भी दोष नेई लाया जाग। दोषी न ठराओ, ते तोहे भी नेई ठराए जागे। क्षमा करो, ते तूने गी भी क्षमा किता जाग। 38 देया करो, ते तोहे गी भी दिता जाग। ओह तुन्दी गोदी च पूरा-पूरा नापिए और दबाईये दबाईये, और लहिए -लहिए कर और उभरता होया पानगे। क्योंकि जिस नाप कन्ने तोहे नापदे हो, उसी नाप कन्ने तुन्दे लेई नापया जाग।"

39 फेर उन उनेगी इक कहावत केइ "अन्ना दुए अन्ने गी रस्ता नेई दसी सकदा ऐ? के ओह दोने ही खड़े च नेई दिगनगे? 40 चेला अपने गुरु तो बड़ा नेई, लेकन जेड़ा पूरा सिद्ध होग, ओह अपने गुरु दे समान होग। 41 तू अपने परा दे आख दे तिनके गी क्यों दिखना ऐ? और अपनी ही आख दे लड़े गी नेई समझदा ऐ? 42 जदू तू अपने ही आख दा लड्डा नेई दिखदा, ते अपने परा गी किया आखी सकना ऐ, "हे परा, ठहरी जा तेरी आख चा तिनका कडी ओड़ा? हे कपटी, पैहले अपनी आख च लड्डा कड़, ते जेड़ा तिनका तेरी परा दी आख च ऐ, उसी सही तरीके कन्ने दिखी सकगा।

43 "कोई अच्छा बूटा नेई जेड़ा निकम्मा फल हो, और न ही कोई निकम्मा बूटा जेड़ा अच्छा फल लगदा हो। 44 हर इक बूटा अपने फल कन्ने जानया जन्दा ऐ, लोग झाड़ियों च अंजीर नेई तोडदे और झड़बेरी तो अंगूर। 45 भला मनुख अपने मन च भले भण्डार तो भली गल्ला कड़दा ऐ, और बुरा मनुख अपने मन च बुरी गल्ला कड़दा ऐ। क्योंकि जो मन च परोचे दा होए, ओही मुह च निकलदा ऐ।

46 "जदू तोहे मेरा केहना नेई मनदे ते कैली मिगी 'हे प्रभु, 'हे प्रभु,' कहनदे हो? 47 जेड़ा कोई नेरे कोल अन्दा ऐ और मेरी गल्ला गी सुनिए मन्दा ऐ, में तोनेगी दसना ओह कूदे बराबर ऐ: 48 ओह उस मनुख दे बराबर ऐ जिन अपने कार बनाने समय जमीन गहरी खोदी ए चट्टान ते नीव पाई, और जदू बाढ़ आई और पानी दी धारा उदे कार च लगी ते उसी हिला नेई सकी क्योंकि ओह पक्का बने दा हां। 49 लेकन जेड़ा सुनीये नेई मन्दा ओह उस मनुख दे बराबर ऐ, जिन मिट्टी ते बगैर नीव दे कार बनाया, जदू उदे ते धारा लगी ते ओह उले ही डिगी गया।"

7 जदू ओह लोके कन्ने ए सारी गल्ला बोली चुकेया, ते कफरनहूम च आया। 2 उत्थे किसे सूबेदार दा इक दास जेड़ा प्यारा ही, बीमारी च मरने उप्पर ही। 3 उन यीशु दी चर्चा सुनिए यहूदियों दे कई पुरनियों गी उदे अगे ए विनती करने गी उदे कोल पेजेया कि आईये मेरे दास गी चंगा कार।

4 ओह यीशु दे कोल आए, और उदे अग्रे बड़ी विनती करिये बोलने लग्गे, " ओह इस योग्य ऐ कि तू उदे लेई ए करे, 5 क्योंकि ओह साडी जाति कन्ने प्यार करदा ऐ, और उन गे साडे आराधनालय गी बनाया ऐ। " 6 यीशु उन्दे कन्ने गया, लेकन जदू ओह कार च थोडी दूर गे ही, ते सूबेदार ने उदे कोल कई दोस्ते दे द्वारा आखिए पेजेया, " हे प्रभु, दुःख ना चूक, क्योंकि में इस योग्य नेई कि तू मेरी छत दे थल्ले आए। 7 इसी कारण में अपने आप गी इस योग्य भी ना समझेया कि तेरे कोल आवा, लेकन वचन ही बोली दे ते मेरा सेवक ठीक होई जाग। 8 में भी पराधीन मनुख हां, और सिपाही मेरे हाथ च ऐ; और जदू इक गी बोलना हां, " जा " ते ओह जान्दा ऐ; और दुए गी बोलना हां, " आ " ते आन्दा ऐ; ओर अपने किसे दास गी कि " ए कार " ते ओह उसी करदा ऐ। " 9 ए सुनिए यीशु गी हेरान होया और उन मुँह फेरिये उस भीड़ कन्ने जेडी उदे पीछे आ रही ही, उत्थे, " में तोहे गी सच बोलना हां कि में इस्त्राएल च भी ऐसा विश्वास नेई पाया। " 10 और पेजे होए लोके ने कार आईये उस दास गी ठीक दिखेया। "

11 थोड़े दिन बाद ओह नाईन नाम दे इक नगर च गया। उदे चेले और बड़ी भीड़ उदे कन्ने जा दी ही। 12 जदू ओह नगर दे फाटक दे कोल पुजेया, ते दिखो, लोक इक मुरदे गी बारह लेईये जा दे ही; जेड़ा अपनी माँ दा इकलौता पुत्तर ही, और ओह विधवा ही; और नगर दे बड़े गे लोक उदे कन्ने ही। 13 उसी दिखिए प्रभु गी तरस आया, और उदे अग्रे बोलेया, " नेई रो। " 14 फेर उन कोल आईये लाश गी छुता, और चुकने आले ठहरी गए। फेर उन बोल्या, " हे जवान, में तुगी बोलना हां, उठ ! " 15 फेर ओह मुरदा उठी गया, और बोलन लग्गा। उन उसी उदी माँ गी सौपी दिता। 16 इदे कन्ने सारे उप्पर डार छाई गया, और ओह परमात्मा दी बड़ाई करिये बोलन लग्गे, " साडे बीच इक बड़ा नबी उठेया ऐ, और परमात्मा ने अपने लोके उप्पर दया किती ऐ। " 17 और उदे बारे च ए गल्ल सारे यहूदिया और आसे - पासे दे सारे देश च फैली गई।

18 यूहन्ना गी उदे चेलों ने इन सारी गल्ले दा समाचार दिता। 19 फेर यूहन्ना ने अपने चले बीचा दो गी बुलाईये प्रभु दे कोल ए पूछने दे लेई पेजेया " क्या आनेआला तू ही ऐ, या आहे किसी और दी इन्तजार करिये ? " 20 उने उदे कोल आईये बोल्या, " यूहन्ना बपतिस्मा देनेआले ने सानु तेरे कोल ए पूछने गी पेजेया ऐ कि क्या आनेआला तू ही ऐ, या आहे किसे दुए दा इन्तजार करिये ? " 21 उसी कड़ी उन बड़े दी बिमारियों और पीड़ाओं, और दुष्टात्माओं च छुड़ाया; और बड़े गे अन्ने गी अख्खा दिती; 22 और उन उनेगी बोल्या, " जेड़ा कुछ तोहे दिखेया और सुनेया ऐ, जानिये यूहन्ना गी बोली दो; कि अन्ने दिखदे नए, लंगड़े चलदे - फिरदे नए, कोढी शुध्द किते जानदे नए, बहरे सुनदे नए, मुरदे जिलाए जानदे नए, और कंगालों गी सुसमाचार सुनाया जान्दा ऐ। 23 धन्य ऐ ओह जेड़े मेरे बारे च ठोकर खान। "

24 जदू यूहन्ना दे पेजे होए लोक चली गए ते यीशु यूहन्ना दे बारे च लोके कन्ने बोलन लग्गा, " तोहे जंगल च क्या के दिखन गए ही ? क्या हवा च हिलदे होए सरकंडे गी ? 25 ते फेर तोहे के दिखन गए ही ? क्या कोमल कपडे पाए होए मनुख गी ? दिखो, जेड़ा भडकीला कपड़ा पाए और सुख विलास च रेंदे नए, ओह राजभवनों च रेंदे नए। 26 ते फेर के दिखन गए ही ? क्या किसे नबी गी ? हाँ, में तोहे गी बोलना हां, लेकन नबी दे भी बड्डे गी। 27 ए ओही ऐ, जिदे बारे च लिखेया ऐ: ' दिखो, में अपने दूत गी तेरे अग्रे - अग्रे पेजदा हां, जेड़े तेरे अग्रे तेरा रस्ता सीधा करग। "

28 में तोहे गी बोलना हां जेडी जनानियों च जम्मे नए, उन्दे बीचा यूहन्ना च बड्डा कोई नेई: लेकन जेड़ा परमात्मा दे राज्य च छोटे तो छोटा ऐ, ओह उदे कोला भी बड्डा ऐ। " 29 और सारे साधारण लोके ने सुनिए और चुंगी लेनेआले ने भी यूहन्ना दा बपतिस्मा लेईये परमात्मा गी सच्चा मनी लेया। 30 लेकन फरीसियों और व्यवस्थापकों ने उदे कोला बपतिस्मा ना लेईये परमात्मा दे अभिप्राय गी अपने बारे च टाली दिता।

31 " आखिर: में इस युग दे लोके दी उपमा किसी देया कि ओह किते समान ऐ ? 32 ओह उन बच्चे दे समान ऐ जेड़े बजार च बैठे होए इक दुए कन्ने पुकारिए बोलदे नए, " आहे ते तुन्दे लेई बांसली बजाई, और तोहे नेई नचे; आहे ते अफसोस किता, और तोहे नेई रोए ! " 33 क्योंकि यूहन्ना बपतिस्मा देने आला ना रुडी खानदा आया, ना दाखरस पिन्दा आया, और तोहे बोलदे

हो, ' उदे च शैतान ऐ। ' 34 मनुख दा पुत्तर खानदा - पिन्दा आया ऐ, और तोहे बोलदे हो, ' दिखो, पेटू और पियकड़ मनुख, चुंगी लेनेआले दा और पापियों दा दोस्त। " 35 लेकन ज्ञान अपनी सारी बच्चों द्वारा सच्चा ठहराया गया ऐ। "

36 फेर किसी फरीसी ने उदे अग्रे विनती किती कि ओह उदे कन्ने रुडी करे, आखिर: ओह उस फरीसी दे कार च जाईये रुडी खान बैठेया। 37 उस नगर दी इक पापिनी जनानी ए जानिए कि ओह फरीसी दे कार च रुडी खाने बैठेया ऐ, संगमरमर दे कटोरे च अपने अथरु लेयाई, 38 और उदे पैर दे कोल, पीछे खड़ी होईये, रॉदी होई उदे पैर गी अथरु कन्ने और अपने बाले कन्ने उदे पैर साफ करन लग्गी, 39 ए दिखिए ओह फरीसी जिन्ने उसी बुलाया ही, अपने मन च सोचन लग्गा, " अगर ए नबी होंदा ते जानी लेनदा कि ए जेडी उसी छुआ दी ऐ, ओह कौन और किसतरह दी जनानी ऐ, क्योंकि ओह ते पापिनी ऐ। " 40 यीशु ने उसी उत्तर दिता, " हे शमौन, मिगी तुगी कुछ बोलना ऐ। " ओह बोल्या, " हे गुरु, बोलो। " 41 " किसी महाजन दे दो देनदार ही, इक पाँज सौ और दूसरा पचास दीनार दा देनदार ही। 42 जदू उन्दे कोल पटाने गी कुछ ना रेहा, ते उन दोनों गी माफ करी दिता। इसलेई उन्दे च कौन उदे कोला जादा प्यार करग ? " 43 शमौन ने उत्तर दिता, ' मेरी समझ च ओह, जिदा उन जादा छोड़ी दिता। " उन उनेगी बोल्या, " तू ठीक विचार किता ऐ। " 44 और उस जनानी दी ओर फिरिए उन शमौन गी बोल्या, " क्या तू इस जनानी गी दिखदा ऐ ? में तेरे कार च आया लेकन तू मेरे पैर तोने दे लेई पानी नेई दिता, लेकन इन मेरे पैर अथरु कन्ने साफ किते और अपने बाले कन्ने भी साफ किता। 45 तू मिगी चुमेया नेई, लेकन जदू ता में आया हां अदू ता इन मेरे पैर दा चूमना नेई छोड़या। 46 तू मेरे सिर उप्पर तेल नेई मलेया, लेकन इन मेरे पैरों उप्पर तेल मलेया ऐ। 47 इसलेई में तुगी बोलना हां कि इदे पाप जेड़े बड़े ही, माफ होए, क्योंकि इन बड़ा प्यार किता; लेकन जिदा थोड़ा माफ होया ऐ, ओह थोड़ा प्यार करदा ऐ। " 48 और उन उस जनानी गी बोल्या, " तेरे पाप माफ होए। " 49 फेर जेड़े लोक उदे कन्ने रुडी खाने बैठे ही, ओह अपने अपने मन च सोचन लग्गे, " ए कौन ऐ जेड़े पापे गी भी माफ करदा ऐ ? " 50 लेकन उन जनानी कन्ने बोल्या, " तेरे विश्वास ने तुगी बचाई लेता ऐ, आराम कन्ने चली जा। "

8 इदे बाद ओह नगर - नगर और गरा - गरा प्रचार करदा होया और परमात्मा दे राज्य दा सुसमाचार सुनादा होया फिरने लग्गा, और ओह बारहा उदे कन्ने ही, 2 और कुछ जनानिया भी ही जेड़े दुष्टात्माओं च और बीमारियों च छुड़ाई गई ही, और ओह ए ही: मरियम जेडी मगदलीनी कहलांदी ही, जिदे बीचा सात दुष्टात्माएं निकली ही, 3 और हेरोदेस दे भण्डारी खुजना दी जनानी योअन्ना, और सूसन्नाह, और बड़े गे ज्यादा जनानिया। ए अपनी सम्पत्ति कन्ने उदी सेवा करदी ही।

4 जदू ज्यादा भीड़ कठी होई और नगर - नगर दे लोक उदे कोल चली आंदे ही, ते उन गुस्से च बोलेया: 5 " इक बोने आला बीज बोने निकलेया। बोंदे होए कुछ रस्ते दे किनारे पेया, और रॉदा गया, और आकाश दे पक्षियों ने उसी खाई लेया। 6 कुछ जमीन उप्पर पेया, और उगेया, लेकन तरी ना मिलने कन्ने सुखी गया। 7 कुछ चाड़ियों दे बीच पेया, और चाड़ियों ने कन्ने - कन्ने होईये उसी दबाई लेया। 8 कुछ अच्छी जमीन उप्पर पेया, और उगिये सौ गुणा फल लेयानदा। ए बोलिए उन ऊँचे शब्द कन्ने बोल्या, " जिदे सुनने दे कान होन ओह सुनी ले। "

9 उदे चेलों ने उसी पुछेया कि इस दृष्टान्त दा मतलब के ऐ ? 10 उन बोल्या, " तोहे गी परमात्मा दे राज्य दे भेदों दी समझ दिती गई ऐ, लेकन लोके गी दृष्टान्त च सुनाया जांदा ऐ, इसलेई कि ' ओह दिखदे होए भी ना दिखन, और सुनदे होए भी ना समझन। "

11 " दृष्टान्त दा मतलब ए ही: बीज परमात्मा दा वचन ऐ। 12 रस्ते दे किनारे दे ओह ही, जिन्ने सुनेया; फेर शैतान आईये उन्दे मन बीचा वचन चुकी लेई जांदा ऐ कि किते ऐसा ना होए कि ओह विश्वास करिये उध्दार पान। 13 चट्टान उप्पर दे ओह नए कि जदू सुनदे ऐ, ते आनन्द कन्ने वचन गी ग्रहण ते करदे नए, लेकन जड़ ना फड़ने कन्ने ओह थोड़ी देर तक विश्वास करदे नए और परीक्षा दे समय बहकी जांदा नए। 14 जेडी चाड़ियों च पेया, ए ओह नए जेड़े सुनदे नए, लेकन अग्रे चलिए चिन्ता, और पैसा, और जीवन दे सुखविलास

च फसी जांदे नए और उन्दा फल नेई पकदा। 15 लेकन अच्छी जमीन दे ओह नए, जेड़े वचन सुनिए पले और उत्तम मन च सम्भाले रेंदे नए, और धीरज कन्ने फल लांदे नए।

16 " कोई दीया जलाईये बरतन च नेई डकदा, और ना मजी दे थल्ले रखदा ऐ, लेकन दीवट उप्पर रखदा ऐ कि कोल आने आले रौशनी पान। 17 कुछ छिपेया नेई जेड़ा प्रगट ना होए, और ना कुछ गुप्त ऐ जेड़ा जानेया ना जाए और प्रगट ना होए। 18 इसलेई सावधान रोवो कि तोहे किस रीति कन्ने सुनदे हो ? क्योंकि जिदे कोल ऐ उसी दिता जाग, और जिदे कोल नेई ऐ उसी ओह भी लेई लेता जाग, जिदे कन्ने ओह समझदा ऐ। "

19 उदी माता और उदे परा उदे कोल आए, लेकन भीड़ दे कारण उदे कन्ने मिली ना सके। 20 उसी बोल्या गया, " तेरी माता और तेरे परा बाहर खड़े होए नए, तेरे कन्ने मिलना चानदे नए। " 21 उन इदे उत्तर च उनेगी बोल्या, " मेरी माता और मेरे परा ए ही नए, जेड़े परमात्मा दा वचन सुनदे और मनदे नए। "

22 फेर इक दिन ओह और उदे चले नाव उप्पर चढ़े, और उन उनेगी बोल्या, " आओ, झील दे पार चले। " आखिर: उने नाव खोली दिती। 23 लेकन जदू नाव चला दी ही, ते ओह सोई गया: और झील उप्पर तूफान आया और नाव पानी च प्रोचन लगी और ओह जोखिम च ही। 24 फेर उने कोल आईये उसी जगाया, और बोल्या, " स्वामी ! स्वामी ! आहे खत्म होई जांदे हां। " फेर उन उठिए तूफान गी और पानी दी लहरों गी निखरेया और ओह थमी गए और चैन होई गया। 25 फेर उन उनेगी बोल्या, " तुन्दा विश्वास कुत्थे हां ? " लेकन ओह डरी गए और हैरान होईये आपस च बोलन लगे, " ए कौन ऐ जेड़ा तूफान और पानी गी भी आज्ञा दिंदा ऐ, और ओह उदी मनदे नए ? "

26 फेर ओह गिरसेनियों दे देश च पूजे, जेड़े उस पार गलील दे सामने ही। 27 जदू ओह किनारे उप्पर उतरेया ते उस नगर दा इक मनुख उसी मिलेया जिदे च दुष्टमाएँ ही। ओह बड़े दिनों च ओह कपड़े नेई पानदा ही और ना कार रोदा ही लेकन कन्ने च रेंदा ही। 28 ओह यीशु गी दिखिए चिल्लाया और उदे सामने डिगिये ऊँचे शब्द च बोल्या, " हे परम प्रधान परमात्मा दे पुत्र यीशु ! मिगी तेरे कन्ने के काम ? में तेरे अग्रे विनती करदा हां मिगी दर्द ना दे। " 29 क्योंकि ओह उस अशुध्द आत्मा गी उस मनुख बीचा निकलने दी आज्ञा दे दा ही, इसलेई कि ओह उस पार बार प्रबल होदी ही। अगर लोक उसी सांकलों और बेड़ियों च बनदे ही फेर भी ओह बन्धनों गी तोड़िये दिंदा ही, और दुष्टात्मा उसी जंगल च नसाए फिरदी ही। 30 यीशु ने उसी पुछेया, " तेरा के नाम ऐ ? " उन बोल्या, " सेना, " क्योंकि बड़ी दुष्टात्माएँ उदे च बसी गए दी ही। 31 उने उदे अग्रे विनती किती कि सानु जंगल च जाने दी आज्ञा दिती। 32 उत्थे पहाड़ उप्पर सूअरों दा इक बड़ा झुण्ड चरा दा ही, इसलेई उने उदे अग्रे विनती किती कि सानु उन्दे च जाने दे। उन उनेगी जाने दिता। 33 फेर दुष्टात्माएँ उन मनुख बीचा निकलिए सूअरे चली गई और ओह झुण्ड कड़ाडे उप्पर ता झील च जा पेई और डूबी मरेया।

34 चरवाहे ए जेड़ा होया ही दिखिए नसी गए, और नगर च और गरा च जाईये उदा समाचार दिता। 35 लोक ए जेड़ा होया हां उसी दिखने गी निकले, और यीशु दे कोल आईये जिस मनुख च दुष्टात्माएँ निकली ही, उसी यीशु दे पैर दे कोल कपड़े पाए दे और ठीक बैठे होए दिखिए डरी गए; 36 और देखनेआले ने उनेगी दसेया कि ओह दुष्टात्माएँ दा सताया होया मनुख किस तरह ठीक होया। 37 फेर गिरसेनियों दे आसे - पासे दे सारे लोके ने यीशु अग्रे विनती किती कि साड़े इदरा चली जा; क्योंकि उन्दे उप्पर बड़ा डार छाई गया ही। आखिर: ओह नाव उप्पर चढ़िये चली गया। 38 जिस मनुख बीचा दुष्टात्माएँ निकली ही ओह उदे अग्रे विनती करन लगा कि मिगी अपने कन्ने रेंदे दे, लेकन यीशु ने उसी विदा करिये बोल्या, " 39 " अपने कार चली जा और लोके गी दास कि परमात्मा ने तेरे लेई किन्ने बड़े बड़े काम किते नए। " ओह जाईये सारे नगर च प्रचार करन लगा कि यीशु ने मेरे लेई किन्ना बड़े - बड़े काम किते।

40 जदू यीशु चली गया ते लोक उसी आनन्द दे कन्ने मिले, क्योंकि ओह सारे उदा इन्तजार करा दे ही। 41 इन्ने च याईर नामक इक मनुख जेड़ा

आराधनालय दा सरदार ही, आया और यीशु दे पैरों उप्पर डिगिये उदे अग्रे विनती करन लगा कि मेरे कार चाल,

42 क्योंकि उदे बारहा वर्ष दी इकलौती बैठी ही, और ओह मरने उप्पर ही। जदू ओह जा दा ही, उसले लोक उदे उप्पर डिगी पांदे ही। 43 इक जनानी ने जिसी बाहरा वर्ष च लहू बहने दा रोग ही, और जेड़ी अपनी साड़ी जीविका पैसे दे पीछे लगाई चुकी ही, फेर भी किसी दे हाथ च ठीक नेई होई सकी, 44 पीछे ता आईये उदे कपड़े गी छुया, और जल्दी उदा लहू बगना बन्द होई गया। 45 इदे उप्पर यीशु ने बोल्या, " मिग कुन्ना छुया ? " जदू सारे मुकरने लगे, ते पतरस और उदे दोस्तों ने बोल्या, " हे स्वामी, मिगी ते भीड़ दबा दी ऐ और तेरे उप्पर डिगी पेई ही। " 46 लेकन यीशु ने बोल्या, " किसी ने मिगी छुया ऐ, क्योंकि में जानी लेता ऐ कि मेरे च सामर्थ्य निकली ऐ। " 47 जदू जनानी ने दिखेया कि में छिपी नेई सकदी, फेर कम्बदी होई आई और उदे पैर उप्पर डिगिये सारे लोके दे सामने दसेया कि उन किस कारण ता उसी छुया, और किन्ना जल्दी ठीक होई गई। 48 उन उसी बोल्या, " बेटी, तेरे विश्वास ने तुगी ठीक किता ऐ, आराम कन्ने चली जा। " 49 ओह ए बोल गे रहा ही किसी ने आराधनालय दे सरदार दे उदरा आईये बोल्या, " तेरी बेटी मरी गई: गुरु गी दुःख ना दे। " 50 यीशु ने ए सुनिए उसी उत्तर दिता, " नेई डार; केवल विश्वास राख, ते ओह बची जाग। " 51 कार च आईये उन पतरस, यूहन्ना याकूब, और बेटी दे माता - पिता गी छोड़िये एनी किसी गी अपने कन्ने कोल आन नेई दिता। 52 सारे उदे लेई रोआ पिटा दे ही, लेकन उन बोल्या, " रोओ नेई; ओह मरी नेई लेकन सो रही ऐ। " 53 ओह ए जानिए कि ओह मरी गई ऐ उदी हँसी करन लगे। 54 लेकन उन उदा हाथ फड़ेया, और पुकारिए बोल्या, " हे बेटी, उठ ! " 55 फेर उदे प्राण चली आए और ओह जल्दी उठी बैठी। फेर उन आज्ञा दिती कि उसी कुछ खाने गी दिता जाए। 56 उदे माता - पिता हेरान होए, लेकन उन उनेगी बोल्या कि ए जो होया ऐ किसी गी नेई बोलना।

9 फेर उन बाहरों गी बुलाईये उने सारे दुष्टात्माओं और बीमारियों गी दूर करन दे लेई सामर्थ्य और अधिकार दिता। 2 और उनेगी परमात्मा दे राज्य दा प्रचार करने और बीमारों गी चंगा करन दे लेई भेजेया। 3 उन उनेगी बोल्या, " अपनी यात्रा दे लेई कुछ ना लेंयो - ना गे लाठी, ना झोली, ना रूट्टी, और ना रूपये - पैसे - इत्थू तकर कि दो - दो कुरते भी नेई लेई जायो। 4 जिस किसे कार च तोहे जागे, उत्थे रहो और उदरा गे विदा होई, जायो। 5 और जेड़ा तोहे गी स्वीकार नेई करग, उस नगर च निकलदे होए अपने पैरे दी धूल चाड़ी ओड़ो कि उन्दे उप्पर गवाही होए। " 6 अंत: ओह निकलिये गरा - गरा सुसमाचार सुनादे होए और हर जगह च लोके गी चंगा करदे होए फिरदे रहे।

7 देश दे चौथाई दे राजा हेरोदेस ने ए सब सुनिये कबराई गया, क्योंकि कुछ लोके ने बोल्या कि यूहन्ना मरे दे बीचा जी उठेया ऐ, 8 और कुछ लोके ने ए बोल्या कि एलिय्याह प्रगट होया ऐ, अन्य लोके दे अनुसार पुराने नबियों बीचा इक जी उठेया ऐ। 9 हेरोदेश ने बोल्या, " यूहन्ना दा सिर ते स्वयं में कटवाया ही, लेकन ए मनुख कौन ऐ जिस दे विषय च में ऐसी गल्ला सुनादा हां ? " और ओह उन उसी दिखने दी इच्छा किती।

10 जदू प्रेरीत चली गए ते सारा कुछ जेड़ा उने किता ही उसी दसेया। फेर ओह उनेगी अपने कन्ने लेईये चुपचाप बैतसैदा नांस क नगर च गया।

11 लेकन भीड़ दे लोके गी पता लगी गया और ओह उसदे पीछे चली पए। उन्दा स्वागत करिये ओह उन्दे च परमात्मा दे राज्य दी गल्ला करन लगा, और जेड़े चंगा होना चान्दे ही उनेगी चंगा किता।

12 जदू शाम होन लगी ते बारहों ने उसदे कोल आईये बोल्या, " लोके गी विदा कार कि ओह आसे - पासे दे गरा और बस्तियों च जाईये अपने लेई रहने गी जगह और खाने गी कुछ तुपी सकें, क्योंकि आहे ते इत्थे सुनसान स्थान च ऐ। " 13 उन उनेगी बोल्या, " तोहे गे उनेगी कुछ खाने गी देयो। " उने बोल्या, " साड़े कोल पांज रुट्टियाँ और दो मछलियों गी छोड़िये और कुछ नेई; परैन्त हां, अगर आहे जाईये इन सब लोके दे लेई भोजन मोल लेन, ते होई सकदा ऐ। " ओह लोक ते पांज हजार पुरुषों दे लगभग ही। 14 फेर उन अपने चले गी बोल्या, " उने पचास - पचास करिये पांति - पांति बैठाई ओड़ो। " 15 उने ऐसा गे किता, और सारे गी बैठाई ओड़ेया। 16 ते उन पांज

रुट्टियाँ और दो मछलियों गी लेई, और स्वर्ग आल दिखिए धन्यवाद किता ते उन्दे उप्पर आशीष मंगी और तोड़ी - तोड़ीए चले गी दिन्दा गया कि लोके गी देन। 17 फेर सारे खाईये रजी गए, और चले ने बचे होए टुकड़े गी बाहरा टोकरियाँ चुकिया।

18 फेर जदु ओह कल्ले प्रार्थना कर दा ही और उदे चले उदे कन्ने ही, ते उनेगी पूछेया कि लोक उदे बारे च के बोलदे नए ? 19 उने उसी उत्तर दिता कि कुछ यूहन्ना बपतिस्मा देने आला, और कुछ एलियाह, और कुछ कि पुराने नबीयाँ च कोई जी उठेया ऐ। 20 उन उनेगी पूछेया, "लेकन तोहे मिगी के बोलदे हो ?" पतरस ने उत्तर दिता, "परमात्मा दा मसीह।" 21 लेकन उन उनेगी चेतावनी देईये आदेश दिता कि ए गल्ल किसे गी नेई सुनाया।

22 फेर उन बोलया, मनुख दे पुत्तर दे लेई जरूरी ऐ कि ओह दुःख चुके, और प्राचीनों, महायाजकों, शास्त्रियों उसी तुच्छ समझिये मारी ओड़न, और ओह तीसरे दिन जी उठे।

23 उन सारे गी बोलया, कि यदि कोई मेरे पीछे आना चाहे, ते अपने आप दा इन्कार करे और रोज अपना क्रूस चूकिए मेरे पीछे होई जाए। 24 क्योंकि जेड़ा कोई अपने प्राण गी बचाग ओह उसी खोग, लेकन जेड़ा कोई मेरे लेई प्राण खोग ओह उसी बचाग। 25 यदि मनुख सारे जगत गी प्राप्त करे और अपना प्राण खोई दे या उस दी हानि उठाए, ते उसी के लाभ होग ? 26 जेड़ा कोई मेरे कन्ने और मेरे वचन कन्ने लज्जित होंदा ऐ, उस दे कोला मनुख दा पुत्तर भी उस समय लज्जित होग जदू ओह अपनी, और अपने पिता दी, और स्वर्गदूतों दी महिमा च आग। 27 लेकन में तोहे गी सही बोलदा हां कि इत्थे कुछ ऐसे खड़े नए जेड़े जदू तकर स्वर्ग दा राज्य ना दिखी लेन अदू तकर मृत्यु दा स्वाद नेई चखन गए। "

28 इन गल्ले दे कोई आठ दिन बाद ओह पतरस, यूहन्ना और याकूब गी कन्ने लेईये प्रार्थना करने दे लेई पहाड़ी उप्पर गया। 29 जदु ओह प्रार्थना करा दा ही, ते उदे मुंह दा रंग बदली गया, और उदे कपड़े श्वेत होईये चमकन लगी पे। 30 और दिखो मूसा और एलियाह, ए दो मनुख उदे कन्ने गल्ला करा दे ही। 31 ए महिमा च प्रकट होईये और उदे मरने दे बारे च गल्ला करा दे ही, जेड़ी यरूशलेम च होने आली ही। 32 पतरस और उदे दोस्ते गी निंदर ने दबाई रखे दा हां, लेकन जदु उन्दी जाग खुली ते उने उदी महिमा गी और उदे कन्ने उने दो मनुखे गी खलोते दिखया। 33 जदु ओह उदे कोला जान लग्गे ते पतरस ने यीशु गी बोलया, "हे प्रभु, साडा इत्थे रेना चंगा ऐ: आहे तीन तम्बू खड़े करगे, इक तेरे लेई, इक मूसा लेई और इक एलियाह दे लेई" ओह जानदा नेई ही कि ए के बोला दा ऐ। 34 ओह ए बोला दा ही कि इक बदल ने आईये उनेगी केरी लेया, और ओह बदल च डरी गे। 35 ते उस बदल बिचा आवाज निकली, "ए मेरा प्रिय पुत्तर ऐ और मेरा चुनया होया ऐ, इस दी सुनो।" 36 ए वाणी होने दे बाच यीशु कला उत्थे ही; और ओह सारे चुपचाप होई गए और जो कुछ उने दिखया ही उदे बारे च उने ओकड़े दिने गी किसे गी नेई दसेया।

37 दुए दिन जदु ओह पहाड़ी तो थल्ले उतरे ते इक बड्डी भीड़ उन्दे कन्ने मिली। 38 और दिखो, भीड़ बीचा इक मनुख ने जोरिए बोलया, "हे गुरु, में तेरे अग्गे विनती करना कि तोहे मेरे पुत्तर उप्पर दया करो, क्योंकि ओह मेरा इकलौता पुत्तर ऐ। 39 और देख, दुष्टात्मा उदे च समाई जान्दी ऐ, और ओह अचानक चिलादा ऐ; और उसी ऐसा मरोड़दी ऐ कि इदे मुह च चाग निकलदी ऐ; और उसी मरोड़ी ए बीमार करी ओड़दी ऐ। 40 में तेरे चले अग्गे विनती किती कि ओह इसी कडन, लेकिन ओह नेई कडी सके।" 41 "यीशु ने उत्तर दिता, "हे अविश्वासी और हठीले लोको, में कदू तकर तुन्दे कन्ने रोगा और तुनदिया सेन्दा रोगा ? अपने पुत्तर गी इत्थे लेई आ।" 42 ओह आ रेहा ही कि दुष्टात्मा ने उसी जमीन उप्पर पटकिये और बुरी तरह मरोड़या, लेकन यीशु ने दुष्टात्मा गी डाटेया और मनुख गी ठीक करिए उदे पिता गी सोपी ओड़ेया।

43 ते सारे लोक परमात्मा दी महानता तो हेरान होए। ओह जो कुछ करा दा ही उसी दिखिए सारे लोक हेरान ही, ते उन अपने चले गी बोलया, "44" इन्ने गल्ले उप्पर कान लगाओ, क्योंकि मनुख दा पुत्तर लोके दे हाथ च फड़ाए जाने आला ऐ।" 45 लेकन ओह इन्ने गल्ले गी नेई समझदे ही, और ए गल्ल उन्दे कोला गुप्त रेही कि ओह इसी नेई समझन, और ओह इस बारे च उसी पूछने तो उरदे ही।

46 फेर उन्दे बीच ए विवाद होन लगी पेया कि साड़े बिचा कोन बड्ठा ऐ। 47 लेकन यीशु ने उन्दे मन दे विचार जानी लेया, और इक बालक गी लेईये अपने कोल खड़ा किता, 48 और उन बोलया, "जेड़ा कोई इस बालक गी मेरे नांस कन्ने ग्रहण करदा ऐ, ओह मिगी ग्रहण करदा ऐ और जेड़ा कोई मिगी ग्रहण करदा ऐ, ओह मेरे भेजन आले गी ग्रहण करदा ऐ, क्योंकि जेड़ा तुन्दे च सारे कोला छोटे कोला छोटा ऐ, ओह ही बड्ठा ऐ।"

49 ते यूहन्ना ने बोलया, "हे प्रभु, आहे इक मनुख गी तेरे नांस कन्ने दुष्टात्मा गी कडदे दिखेया और आहे उसी मना किता, क्योंकि ओह साड़े कन्ने होइए तेरे पीछे नेई चलदा। 50 यीशु ने बोलया, "उसी मना नेई करो; क्योंकि जेड़ा कोई तुन्दे विरोध च नेई, ओह तुन्दी ओर ऐ।"

51 फेर जदु उदे स्वर्ग जाने दा समय लागे आन लागे, ते उन यरूशलेम जाने दा विचार पक्का किता। 52 और उन अपने अग्गे दूत भेजे। उने जाईये सामरियों दे इक गरा च प्रवेश किता कि उदे लेई जगह तैयार करन। 53 लेकन उने लोके ने उसी उत्थे उतरन नेई दिता, क्योंकि ओह यरूशलेम जा दा ही। 54 ए दिखिए उदे चले याकूब और यूहन्ना ने बोलया कि, "हे प्रभु, क्या तू चाहना ऐ कि आहे आज्ञा देचे, कि आसमान च अग्ग डिगे और इन्ने लोके च भस्म करी दे ?" 55 लेकन उन उनेगी डाटेया (और बोलया, "तोहे नेई जानदे कि तोहे केरी आत्मा च हो। क्योंकि मनुख दा पुत्तर लोके दे प्राण गी नाश करन लेई नेई परैन्त बचान लेई आया ऐ।") 56 और ओह किसे दुसरे नगर च चली गे।

57 जदु ओह रस्ते च जा दे हे, ते किसे ने बोलया, "जत्थे - जत्थे तू जागा, में तेरे पीछे चलगा।" 58 यीशु ने बोलया, "लोमड़ियों दे भट और आकाश दे पक्षियों दे बसेरे होनदे ने, लेकन मनुख दे पुत्तर गी सिर रखन लेई कोई जगह नेई।" 59 उन दुए गी बोलया, "मेरे पीछे चल," लेकन उन बोलया, "हे प्रभु मिगी पैहले जान दे कि में अपने पिता गी दफनाई ओड़ा। 60 लेकन उन उसी बोलया, "मुर्दों गी अपने मुर्दे दफन करन दे, लेकन तू आईये परमात्मा दे राज्य दी कथा सुना।" 61 फेर इक और ने भी बोलया, "हे प्रभु, में तेरे पीछे चलगा, लेकन मिगी पैहले जान दे कि अपने कार दे लोके कन्ने विदा लेई आवा।" 62 यीशु ने उसी बोलया, "जेड़ा कोई अपना हाथ हल उप्पर रखिये पीछे दिखदा ऐ, ओह परमात्मा दे राज्य दे योग्य नेई।

10 फेर इन गल्ले दे बाच प्रभु ने सत्तर और मनुष्य गी नियुक्त किता, और उनेगी अपने अग्गे - अग्गे दो दो करिए भेजेया जत्थे ओह आपु जाने आला ही। 2 उन उनेगी बोलया, "पक्के खेत ते बड्ठे ने, लेकन मजदूर थोड़े ने, इस लेई खेते दे मालके अग्गे विनती करो कि ओह खेत कटाई करन लेई मजदूर भेजे। 3 जाओ दिखो, में तोहे गी भेड़ो दे समान भेड़ियों दे बीच भेजदा हां। 4 इस लेई अपने कन्ने ना ते बटुआ, ना झोली, ना जूते लो, और रास्ते च किसे गी नमस्कार भी नेई करयो। 5 जिस कर च तोहे जाओ, पैहले बोलो, 'इस कर दा कल्याण हो।' 6 यदि उत्थे कोई कल्याण दे योग्य होग, ते तुन्दा कल्याण उदे उप्पर ठेरग, नेई ते तुन्दे कोल लोटी आग। 7 उसी कार च रहो, और जेड़ा कुछ ओह तोहेगी खान लेई देन उसी गे खाओ और पीयो, क्योंकि मजदूर गी मजदूरी जरूर मिलनी चाए दी ऐ। कार कार नेई फिरा करो। 8 जिस नगर च भी जाओ, जदु ओह तुन्दा स्वागत करन ते जेड़ा कुछ तुन्दे सामने रखेया जाए ओही गे खाएयो। 9 उत्थे जेड़ा बीमार होए उनेगी चंगा करो और उनेगी बोलो, "परमात्मा दा राज्य तुन्दे कोल आई पूजेया ऐ। 10 लेकन जिस नगर च तोहे जाओ और लोक तुन्दा स्वागत नेई करन ते उन्दी गलियों च जाईये बोलो, 11 'तुन्दे नगर दी तूड़ भी, जेड़े साड़े पैरे च लग्गी ऐ, आहे तुन्दे सामने चाड़ी ओड़ने हां; तौभी ए जानी लो कि परमात्मा दा राज्य तुन्दे कोल आई पूजेया ऐ।' 12 में तोहे गी बोलना कि उस दिन उस नगर दी दशा कन्ने सदोम दी दशा अधिक सहने योग्य होग।

13 "हाय खुराजीन ! हाय बैतसैदा ! जेड़ा सामर्थ्य दे काम तेरे च किते गए, यदि ओह सूर और सैदा च किते जानदे ते टाट ओढ़िये और राख च बैटिए ओह कदू दे मन फिरांदे। 14 परैन्त न्याय दे दिन तुन्दी दशा कन्ने सूर और सैदा दी दशा अधिक सहने योग्य होग। 15 और हे कफरनहूम, क्या तू स्वर्ग तकर ऊँचा किता जागा ? तू ते अधोलोक तक थल्ले चली जागा।

16 " जेड़ा तुन्दी सुन्दा ऐ, ओह मेरी सुन्दा ऐ; और जेड़ा तोहे गी तुच्छ जान्दा ऐ; और जेड़ा मिगी तुच्छ जान्दा ऐ, ओह मेरे भेजेने आले गी तुच्छ जान्दा ऐ। "

17 ओह सत्तर आनन्द करदे होए चली गए और बोलन लगे, " हे प्रभु, तेरे नांस च दुष्टात्मा भी साड़े वश च ऐ। " 18 उन उनेगी बोल्या, " में शैतान गी बिजली दे समान स्वर्ग बीचा डिगदे दिखा दा हा। 19 दिखो, " में तोहे गी साँपो और बिच्छुओं गी कुचलने तथा शत्रु दी सारी सामर्थ्य उप्पर अधिकार दिता ऐ, अतः कोई तोहे हानि नई होग। 20 फेर भी इस गल्ल उप्पर खुश नई होवो कि आत्मा तुन्दे वश च ऐ, लेकन इस गल्ल कन्ने खुश होवो कि तुन्दे नांस स्वर्ग च लिखे होए नए। "

21 उस समय ओह पवित्र आत्मा च प्रोची गए, और बोलया, हे पिता, स्वर्ग और जमीन दे प्रभु, में तेरा धन्यवाद करना कि तोहे ज्ञानियों और समझदारों तो इन्हे गल्ले गी गुप्त रखेया, और बच्चे उप्पर प्रकट किता। हां, हे पिता, क्योंकि तुगी ए अच्छा लगेया। 22 मेरे पिता ने मिगी सारा कुछ सौपी दिता ऐ; और कोई नई जान्दा कि पुत्र कौन ऐ केवल पिता, और पिता कौन ऐ ए भी कोई नई जान्दा केवल पुत्र दे और ओह जिस उप्पर पुत्र उसी प्रगट करना चाहे। "

23 फेर चेलों दी ओर मुड़िये उन उनेगी गुप्त रूप च बोल्या, " धन्य ऐ ओह अख्खा जेड़ी उन गल्ले गी दिखदी ऐ जिन्ने गी तोहे दिखदे हो, 24 क्योंकि में तोहे गी बोल्दा हां कि तोहे जिन गल्ले गी दिखदे हो उनेगी बड़े गे नबियों तथा राजाओं ने दिखना चाहा लेकन नई दिखेया, और उन गल्ले गी सुनना चाहा जिन्ने तोहे सुनदे हो, लेकन नई सुनेया। "

25 और दिखो, इक व्यवस्थापक उठेया और ए बोलिये उस दी परीक्षा करन लग्गा, " हे गुरु, अनन्त जीवन दा वारिस होने दे लेई में के करा ? " 26 उन उसी बोल्या, " व्यवस्था च के लिखेया ऐ ? तू किन्ना पढ़ना ऐ ? " 27 उन उत्तर दिता, " तू प्रभु अपने परमात्मा च अपने सारे मन और अपने सारे प्राण और अपनी सारी शक्ति और अपनी सारी बुद्धि दे कन्ने प्रेम रख; और अपने पड़ोसी कन्ने अपने समान प्रेम रख। " 28 उन उसी बोल्या, " तू ठीक उत्तर दिता, ए ही कर ते तू जीवित रोगा। " 29 परैन्त उन अपने आप गी धर्मी ठहराने दी इच्छा कन्ने यीशु गी पूछेया, " ते मेरा पड़ोसी कौन ऐ ? " 30 यीशु ने उत्तर दिता, " इक मनुख यरूशलेम च यरीहो दी जा दा ही कि डाकुओं ने केरिये उस दे कपड़े उतारी ओड़े, और मारी पीटीए उसी अधमरा छोड़िये चली गए। 31 और ऐसा होया कि उसी रस्ते च इक याजक जा दा ही, परैन्त उसी दिखिये कतराईये चली गया। 32 इसी रीति कन्ने इक लेवी उस जगह उप्पर आया, ओह भी उसी दिखिये कतराईये चली गया। 33 लेकन इक सामरी यात्री उत्थे आई निकलेया, और उसी दिखिये तरस खादा। 34 उन उस दे कोल आईये उस दे पैरे उप्पर तेल और दाखरस पाईये पट्टियाँ बनियाँ, और अपनी सवारी उप्पर चढाईये सराय च लेई गया, और उस दी सेवा किती। 35 दूसरे दिन उन दो दीनार कडिये सराय दे मालिक गी दिते, और बोल्या, " इस दी सेवा करेया, और जो कुछ तेरा और लाग, ओह में वापिस आईये तुगी परी ओड़गा। " 36 हुन तेरी समझ च जो डाकुओं दे हाथ च पेई गया ही, इन तीनों बीचा उस दा पड़ोसी कौन ठहरेया ? " 37 उन बोल्या, ओही जिस ने उस उप्पर दया किती। " यीशु ने उसी बोल्या, " जा, तू भी ऐसा कर। "

38 जदु ओह दे ही ते ओह इक गरा च गया, और मार्था नांस क इक स्त्री ने उसी अपने कार च उतारेया। 39 मरियम नांस क उस दी पैन ही। ओह प्रभु दे चरणों च बैठिये उस दा वचन सुनदी ही। 40 परैन्त मार्था सेवा करदे करदे कवराई गई, और उस दे कोल आईये बोलन लग्गी, " हे प्रभु, क्या तुगी कोई भी चिंता नई ऐ कि मेरी बहन ने मिगी सेवा करन लेई कली छडी गई ऐ ? इसलेई उसी बोल कि मेरी साहयता करे। " 41 प्रभु ने उत्तर दिता, " मार्था, हे मार्था; तू बड़ी गे गल्ला दे लेई चिंता करदी और कवराई जानी ऐ। 42 लेकन इक गल्ल जरूरी ऐ, और उस उत्तम भाग गी मरियम ने चुन लेया ऐ जेड़ा उस दे कोला छीना नई जाग। "

11 फेर ऐसा होया कि ओह किसी जगह च प्रार्थना करा दा हां। जदु ओह प्रार्थना करी चुकेया, ते उस दे चले बीचा इक ने उसी बोल्या, "

हे प्रभु, जिन्ना यूहन्ना ने अपने चले गी प्रार्थना करना सिखाया वैसे ही सानु भी तू सिखा।

2 उन उनेगी बोल्या, " जदु तोहे प्रार्थना करो ते बोलो: ' हे पिता, तेरा नाम पवित्र मनेया जाए, तेरा राज्य आए।

3 ' साड़ी दिन भर दी रोटी हर दिन सानु देया कर,

4 ' और साड़े पापे गी क्षमा कर, क्योंकि आह भी अपने हर इक अपराधी गी क्षमा करदे हा, और सानु परीक्षा च नई लेया। "

5 फेर उन उनेगी बोल्या, " तुन्दे च ऐसा कौन ऐ जिस दा इक दोस्त होए, और ओह अधी रात गी उस दे कोल जाईये बोले, ' हे दोस्त, मिगी तीन रुट्टियाँ दे। 6 क्योंकि मेरा इक दोस्त, यात्रा करदे होए मेरे कोल आया ऐ और मेरा कोल उसी खिलाने दे लेई कुछ भी नई; 7 ओह कोल आईये उत्तर देईये बोले, ' मिगी नई सता; हुन ते द्वार बन्द ऐ और मेरे बच्चे मेरे कन्ने बिस्तर उप्पर पेरे नए: में उठिये तुगी कुछ भी नई देई सकदा ' ? 8 में तोहे गी सच्च बोलना हां, यदि उस दा दोस्त होने उप्पर भी उसी उठिये नई दे, फिर उस दे लज्जा छोड़िये मगने दे कारण उसी जिन्नी जरूरत होए उन्नी उठिये देगा। 9 और में तुन्दे कन्ने बोलना हां कि मगों, ते तोहे गी दिता जाग; दूढगे, ते तोहे पागे; खटखटागे, ते तुन्दे लेई खुलेया जाग। 10 क्योंकि जेड़ा कोई मगदा ऐ, उसी मिलदा ऐ; और जेड़ा तुपदा ऐ, ओह पान्दा ऐ; और जेड़ा खटखटादा ऐ, उस दे लेई खुलेया जाग। 11 तुन्दे च ऐसा कौन पिता होग, कि जदु उस दा पुत्र रुट्टी मगें, ते उसी पत्थर देग; या मछली मगे, ते मछली दे बदले उसी साँप देग ? 12 ये अंडा मगे, ते उसी बिच्छु देग ? 13 अतः जदु तोहे बुरे होईये अपने बच्चे गी अच्छे वस्तुएँ देना जानदे हो, ते स्वर्गीय पिता अपने मगने आले गी पवित्र आत्मा क्यो नई देगा। "

14 फेर उन इक गुँगी दुष्टात्मा गी कडेया। जदु दुष्टात्मा निकली गई ते गुँगी बोलने लग्गी; और लोक बड़े हेरान होए। 15 लेकन उन्दे च कुछ लोके बोल्या, " ए ते बालजबूल नामक दुष्टात्मा दे प्रधान दी सहायता कन्ने दुष्टात्माओं गी कडा दा ऐ। " 16 अन्य कुछ लोके ने उस दी परीक्षा करने दे लेई उस दे कोला आकाश दा इक चिन्ह मगेया। 17 लेकन ओह उन्दे विचारों गी जान्दा ही, लेकन उन बोल्या, " जिस राज्य च फूट पेई गई होए ओह उजड़ी जन्दा ऐ, और जिस कार च फूट पेई होए ओह नष्ट होई जन्दा ऐ। 18 अगर शैतान ही अपना विरोधी होई जाए ते उस दा राज्य किन्ना स्थिर रेई सकदा ऐ ? क्योंकि तोहे बोलदे हो कि में बालजबूल दी सहायता कन्ने दुष्टात्मा गी कडदा हां। 19 अगर में बालजबूल दी सहायता कन्ने दुष्टात्मा गी कडदा हां, ते तुन्दी सन्तान किस दी सहायता कन्ने निकलदी ऐ ? इसलेई ओह ही तुन्दे न्यायी होग। 20 लेकन अगर में परमात्मा दी सहायता कन्ने दुष्टात्मा गी कडदा हां ते परमात्मा दा राज्य तुन्दे कोल आई पूजेया ऐ। 21 जदु इक बलवन्त मनुख हथियार बन्दे होए अपने कार दी रखवाली करदा ऐ ते उस दी सम्पत्ति बची रेंदी ऐ। 22 लेकन जदु उस दे कन्ने कोई और बलवन्त चढाई करदे उसी जीती लेनदा ऐ, ते उसी ओह हथियार जिन्दे उप्पर उस दा भरोसा ही, छिनी लेनदा ऐ और उस दी संपत्ति लूटिये बंडी दिन्दा ऐ। 23 जेड़ा मेरे कन्ने नई ओह मेरे खिलाफ ऐ, और जेड़ा मेरे कन्ने नई बटोरदा ओह बिखेरदा ऐ।

24 " जदु अशुद्ध आत्मा मनुख बीचा निकली जन्दी ऐ ते सूखी जगह च विश्राम टूढदी ऐ फिरदी ऐ, और जदु नई पांटी ते बोल्दी, ' में अपने उसी कार च जिन्दे बीचा निकलदी ही चली जागी। " 25 और आईये उसी झाड़ा - बुहारेया और सजा - सजाया पांटी ऐ। 26 फेर ओह जाईये अपने कन्ने बुरी सात और आत्माओं गी अपने कन्ने लेई आंटी ऐ, और ओह उस दे बीच प्रवेश करदी ऐ, और उस मनुख दी पिछली दशा पैहले कोला भी बुरी होई जन्दी ऐ। "

27 जदु ओह ऐ गल्ला बोला दा ही ते लोके बीचा किसी स्त्री ने ऊँचे शब्द कन्ने बोल्या, " धन्य ऐ ओह गर्भ जिस दे च तू रेहा और ओह स्तन जेड़ा तू चूसे। " 28 उन बोल्या, " हाँ; परैन्त धन्य ओह ऐ जेड़ा परमात्मा दा वचन सुन्दे और मन्दे नए। "

29 जदु बड़े कोल कठे होए जा दे हे ते ओह बोलन लग्गा, " इस युग दे लोक बुरे नए; ओह चिन्ह तुन्दे नए; लेकन योना दे चिन्ह गी छोड़िये कोई और चिन्ह उनेगी नई दिता जाग। 30 जिन्ना योना नीनवे दे लोके दे लेई चिन्ह ठहरा, इन्ना ही मनुख दा पुत्र भी इक युग दे लोके दे लेई ठहरा। 31 दक्षिण

दी रानी न्याय दे दिन इस पीढ़ी दे लोके कन्ने खड़ी होईए उन्दे उप्पर दोष लाग, क्योकि ओह पृथ्वी दे छोर तो लेई ए सुलैमान दा ज्ञान सुनाने दे लेई आई, पर देखो, ए ओह ए जेड़ा सुलैमान तो भी बड्डा ऐ।³² न्याय दे दिन निनवे दे लोक इस समय दे लोके कन्ने खड़े होनगे, उन्दे उप्पर दोष ठैहरान गए; क्योकि उने योना दा प्रचार सुनिए मन फिराया, और देखो, इत्थे ओह ए जेड़ा योना कोला बड्डा ऐ।

³³ " कोई मनुख दीया बालीए तखाने च नेई रखदा, लेकन दीवट ते रखदा ऐ कि अंदर आने आले की प्रकाश मिले।³⁴ तेरी शरीर दा दीया तेरी अख्ख ऐ, इसलेई जदु तेरी अख्ख निर्मल ऐ ते सारा शरीर भी प्रकाशमान ऐ; लेकन जदु ओह बुरी ऐ ते सारा शरीर भी अंधकार ऐ।³⁵ इसलेई चौकस रेयओ कि जेड़ा उजियाला तेरे च ऐ ओह अंधकार न बनी जाए।³⁶ इसलेई यदि तेरा सारा शरीर उजियाला हो और उदा कोई भी हिस्सा अन्धरे च न रे ते सारे दा सारा ईया उजियाला होग, जिन्ना उस समय होंदा ऐ जदु दीया अपनी चमक तो तोहेगी उजाला दिन्दा ऐ।

³⁷ जदु ओह गल्ला कर ही रेहा ही ते किसे फरीसी ने विनती किती कि मेरे इत्थे भोजन कर। ओह अंदर गया भोजन करन बैठेया।³⁸ फरीसी ने ए दिखिये हेरान होया कि उन भोजन करने तो पैहले स्नान नेई किता।³⁹ लेकन प्रभु ने बोलया, " हे फरीसियों, तोहे कटोरे और थाली गी उपरा गे साफ करदे हो, लेकन तुन्दे अंदर डकैती और दुष्टता परी ऐ।⁴⁰ हे मूर्खों, जिस ने बाहर दे भाग गी बनाया, क्या उन अंदर दे भाग गी नेई बनाया ?⁴¹ लेकन हां, अंदर दी चीजे गी दान करो, ते देखो, सारा कुछ तुन्दे लेई शुध्द होई जाग।⁴² " लेकन हे फरीसियों, तुन्दे उप्पर हाय ! क्योकि तोहे पोदीने और सुदाब और सारे तरह दी साग - सब्जियों दा दशमांश ते दिन्दे हो, लेकन न्याय और परमात्मा दे प्रेम गी टाल दिन्दे हो; ऐही ओह गल्ला ऐ जिन्ने गी तोहे अन्य गल्ले दी अवहेलना किते बिना करना चाही दा हां।⁴³ हे फरीसियों, तुन्दे उप्पर हाय ! क्योकि तोहे आराधनालयों च अग्गे दा स्थान और बाजारों च नमस्कार चानदे हो।⁴⁴ तुन्दे ते हाय ! क्योकि तोहे उन छिपी दी कब्र दे समान हो, जिदे उप्पर लोक चलदे ने लेकन नेईजानदे। "

⁴⁵ ते इक व्यवस्थापक ने उसी उत्तर दिता, " हे गुरु, तू ए बोलिए साडी निन्दा करदा ऐ। " ⁴⁶ लेकन उन बोलया, " तोहे व्यवस्थाविदों उप्पर भी हाय ! क्योकि तोहे मनुखे गी ऐसे बोझ कन्ने दबादे हो जिन्ने चूकना मुश्किल ऐ, जदु कि तोहे उन बोझों गी इक उंगली कन्ने भी छूना नेई चान्दे।⁴⁷ तुन्दे उप्पर हाय ! क्योकि तोहे उन नबियों गी कब्र बनादे हो, जिन्ने तुन्दे ही बाप - दादों ने मारी ओडेया ही।⁴⁸ लेकन तोहे गवाह हो, और अपने बाप - दादों दे कमे कन्ने सहमत हो; क्योकि उने उनेगी मारी ओडेया और तोहे उन्दी कब्र बनादे हो।⁴⁹ इसलेई परमात्मा दी बुध्दि ने भी बोलया ही, में उन्दे कोल नबियों और प्रेरितों गी पेजगी, और उन्दे च कुछ गी ते ओह मारी ओडना ऐ और कुछ गी सताग। " ⁵⁰ ताकि जिन्ने नबियों दा लहू जगत दी उत्पति कन्ने बहाया गया ऐ, सारे दा लेखा इक युग दे लोके कन्ने लेता जागः⁵¹ हाबील दी हत्या कन्ने लेईये जकरयाह दी हत्या तकर, जेड़ा वेदी और मन्दिर दे बीच च घात किता गया। में तुन्दे कन्ने सच्च बोलना हां, इन सारे दा लेखा इसी समय दे लोके कन्ने लेता जाग।⁵² हाय तोहे व्यवस्थापकों उप्पर ! तोहे ज्ञान दी कुंजी ले ते लेई, परैन्त तोहे आप ही प्रवेश नेई किता, और प्रवेश करने आले गी भी रोकी ओडेया।

⁵³ जदु ओह उदरा निकलेया, ते शास्त्री और फरीसी बुरी तरह उस दे पीछे पेई गए और छेड़न लग्गे कि ओह बड़ी गे गल्ले दी चर्चा करन, ⁵⁴ और घात च लग्गे रहे कि उस दे मुँह दी कोई गल्ल पकड़ी सकन।

12 इन्ने च जदु हजारों दी भीड़ लग्गी गई, इत्थे तकर कि ओह इक दुसरे उप्पर डिगी पाँदे ही, ते ओह सारे कोला पैहले अपने चेलों गी बोलदे ही, " फरीसियों दे कपटरूपी खमीर कन्ने सावधान रहे।² कुछ ढकेया नेई, जेड़ा खुलेया नेई जाग; और नेई कुछ छिपेया ऐ, जेड़ा जानेया नेई जाग।³ इसलेई जेड़ा कुछ तोहे नरे च बोलया ऐ, ओह उजाले तो सुनेया जाग; और जेड़ा तोहे कोठरियों च कानों कान बोलया ऐ, ओह छत उप्पर ता प्रचार किता जाग।

⁴ हे ! मेरे दोस्तों, में तुन्दे कन्ने बोलना हां, उन्दे कोला नेई डरो जेडे शरीर गी घात करदे नए लेकन इस दे पीछे और कुछ नेई करी सकदे।⁵ में तोहे गी चेतावनी देईये बोलना हां कि तोहे गी किस दे कोला डरना चाही दा ऐ, घात

करने दे बाद जिसी गी नरक च सूटने दा अधिकार ऐ, उस दे कोला डरो; हाँ, में तोहे गी बोलना हां कि उस दे कोला डरो।⁶ क्या दो पैसे च पांज गौरैय्यां नेई बिकदी ? फेर भी परमात्मा उन्दे च किसी इक गी भी नेई पुलदा।⁷ तुन्दे सिर दे सारे बाल भी गिने गे नए इसलेई डरो नेई, तोहे बडे गौरैय्यां तो बढिया हो।

⁸ " में तोहे गी बोलना हां जेड़ा कोई मनुखे दे सामने मिगी मनी लेग उसी मनुख दा पुत्तर भी परमात्मा दे स्वर्गदूतों दे सामने मनी लेग।⁹ लेकन जेड़ा मनुखे दे सामने मेरा इन्कार करग उस दा परमात्मा दे स्वर्गदूतों दे सामने मेरा इन्कार किता जाग।

¹⁰ जेड़ा कोई मनुख दे पुत्तर दे विरोध च कोई गल्ल बोले, उस दा ओह अपराध क्षमा किता जाग, लेकन जेड़ा पवित्र आत्मा दी निन्दा करग, उस दा अपराध क्षमा नेई किता जाग।

¹¹ जदु लोक तोहे गी सभाओं और हाकिमों और अधिकारियों दे सामने लेई जान, ते चिन्ता नेई करेयो कि आहे किसे रीति कन्ने या के उत्तर देचे, या के बोले।¹² क्योकि पवित्र आत्मा उस कड़ी तोहे गी सिखाई ओडग कि के करना चाही दा ऐ।

¹³ फेर लोके बीचा इक ने उनेगी बोलया, " हे गुरु, मेरे परा गी बोल कि पिता दी सम्पति मेरे कन्ने बंडी ले। " ¹⁴ उन उसी बोलया, " हे मनुख, किसे ने मिगी तुन्दा न्यायी या बंडने आला नियुक्त किता ऐ ? " ¹⁵ और उन उनेगी बोलया, " सावधान रहो, और हर प्रकार दे लाभ कन्ने अपने आप गी बचाए रखो; क्योकि किसे दा जीवन उस दी सम्पति दी बहुतायत कन्ने नेई होंदा। "

¹⁶ फेर उन उनेगी इक दष्टान्त बोलया, " किसे धनवान दी भूमि च बड़ी उपज होई।¹⁷ फेर ओह अपने मन च विचार करन लग्गा, ' में के करा ? क्योकि मेरे इत्थे जगह नेई जित्थे अपनी उपज इत्यादि रखा।¹⁸ और उन बोलया, " में के करगा: में अपनी बखारियां तोडिये बड्डी बनागा; और उत्थे अपना सारा अन्न और सम्पति रखगा।¹⁹ और अपने प्राण गी बोलगा कि प्राण, तेरे कोल बडे वर्षों दे लेई बड़ी सम्पति रखी ऐ; चेन कर, खा, पि, सूखी कन्ने रह। " ²⁰ लेकन परमात्मा ने उसी बोलया, " हे मूर्ख ! इसी रात च तेरा प्राण तेरे कोला लेता जाग; फेर जो कुछ तू कठा किता ऐ ओह किस दा होग ? " ²¹ ऐसा ही ओह मनुख भी ऐ जो अपने लेई धन बटोरदा ऐ, लेकन परमात्मा दे नजर च धनी ऐ। "

²² फेर उन अपने चेलों गी बोलया, " इसलेई में तोहे गी बोलना हां, अपने प्राण दी चिन्ता नेई करो कि आहे के खागे; ना अपने शरीर दी कि के पागे।²³ क्योकि रुट्टी कन्ने प्राण, और कपडे कोला शरीर बढिया ऐ।²⁴ कौवों उप्पर ध्यान देयो, क्योकि ओह ना बोले, ना कटदे ऐ; और ना उन्दे कोल भण्डार और खत्ता होंदा ऐ; फिर भी परमात्मा उनेगी पालदा ऐ। तुन्दा मूल्य पक्षियों तो जादा अधिक ऐ !²⁵ तुन्दे च ऐसा कौन ए जेडे चिन्ता करदे नए अपनी उग्र च इक कड़ी भी बढाई सकदा ऐ ?²⁶ इसलेई यदि तोहे सारे कोला छोटा काम भी नेई करी सकदा ऐ, ते और गल्ले दे लेई केली चिन्ता करदे हो ?²⁷ सोसनों दे पोधे उप्पर ध्यान करो कि ओह किन्ना बढदे नए: ओह ना परिश्रम करदे, ना कातते ऐ; फेर भी में तोहे गी बोलना हां कि सुलैमान भी अपने सारे वैभव च, उन्दे च किसे इक दे समान कपडे पाए दे नेई ही।²⁸ इसलेई यदि परमात्मा मैदान दी घास गी, जो आज ऐ और कल भीड़ च झोकी जाग, ऐसा पैह्लादा ऐ; ते हे अल्प विश्वासियों, ओह तोहे गी क्यो नेई पैहनाग ?²⁹ और तोहे इस गल्ल दी खोज च नेई रहो कि के खागे और के पीगे, और ना सन्देह करो।³⁰ क्योकि संसार दी जातियां इन सारी वस्तुओं दी खोज च रेंदी ऐ: और तुन्दा पिता जान्दा ऐ कि तोहे गी इन वस्तुओं दी जरूरत ऐ।³¹ लेकन उदे राज्य दी खोज करो, ते ए वस्तुएं भी मिली जाग।

³² " हे छोटे झुण्ड, मत डर; क्योकि तुन्दे पिता गी ए भाया ऐ, कि तोहे गी राज्य दे।³³ अपनी जायेदाद बेचिए दान कर दे। और अपने लेई एहे बटुए बनाओ जेडे फटदे नेई, मतलब स्वर्ग च ऐसा धन कट्टा करो जेड़ा घटदा नेई और जिदे लागे चोर नेईजानदा, और ना उसी कीड़ा बिगाड़दा ऐ।

³⁴ क्योकि जित्थे तुन्दा धन ऐ उत्थे तुन्दा मन भी लग्गी रोग।

³⁵ " तुन्दी कमर कसी रहे और तुन्दा दीये जल्दे रोन।³⁶ और तोहे उस मनुख दे समान बनो, जो अपने स्वामी दी बाट दिखदे ने कि ओह कदु विवाह च वापस लौटग, कि जदु ओह आग दरबाजा खटखटाग ते तुरन्त उदे लेई

खोली देयो।³⁷ धन्य ऐ ओह दास जिस्सी स्वामी आईये जागदे पानदा ऐ; में तोहेगी सच्च – सच्च बोलना कि ओह अपनी कमर कसिए उदी सेवा करग और उसी भोजन करन लेई बैठाग, और कोल आईए उदी सेवा करग।³⁸ चाहे ओह रात दे दुसरे पहर या तीसरे पहर च आए उनेगी जाग दा दिखग, ते ओह दास धन्य ऐ।³⁹ लेकन तोहे ऐ जानी लो कि यदि कार दा स्वामी जानदा होए कि चोर किस कड़ी आग, ते जागदा रेनदा और कार च संध ना लगन दिन्दा।⁴⁰ तोहे भी तैयार रहो; क्योकि मनुख दा पुत्तर उस कड़ी आ रेहा ऐ जिस्सी बारे च तोहे सोचदे भी नेई हो। ”

⁴¹ पतरस ने बोलया, “ हे प्रभु, क्या तू ऐ कहावत साड़े लेई बोलदा ऐ या सारे लोके कन्ने ? ”⁴² प्रभु ने बोलया, “ ओह विश्वासयोग्य और समझदार भण्डारी कौन ऐ, जिदा स्वामी उसी सेवकों दे उप्पर सरदार ठैरानदा ऐ कि उनेगी समय ते भोजन – सामग्री दे।⁴³ धन्य ऐ ओह दास, जिस गी उस दा स्वामी आईये ऐसा ही करदे पाए।⁴⁴ में तोहे गी सच्च बोलना हां, ओह उसी अपनी सारी जायदात उप्पर अधिकार ठैहराग।⁴⁵ लेकन यदि ओह दास सोचन लग्गे कि मेरा स्वामी आने च देर करा दा ऐ, और दासों और दासियों गी मारने – पिटन लग्गे, और खाने – पीने और पियकड़ होन लग्गे।⁴⁶ ते उस दास दा स्वामी ऐसे दिन, जदु ओह उस दी बाट जोहदा ना रहे, और ऐसी कड़ी जिस्सी ओह जान्दा नेई होए, आई जाग और उसी पारी दण्ड देईये उस दा भाग अविश्वासियों दे कन्ने ठैहराग।⁴⁷ ओह दास जेड़ा अपने स्वामी दी इच्छा जान्दा ही, और तैयार ना रेहा और ना उस दी इच्छा दे अनुसार चलेया, बड़ी मार खाग।⁴⁸ लेकन जेड़ा नेई जानिये मार खाने दे योग्य काम करग ओह थोड़ी मार खाग।

⁴⁹ में पृथ्वी उप्पर आग लगाने आया हां; और क्या चानदा ऐ केवल ऐ कि हुन सुलग जन्दी !⁵⁰ मिगी ते इक बपतिस्मा लेना ऐ, और जदु तकर ओह नेई होई जाए अदू तकर में कैसी व्यथा च रोग।⁵¹ क्या तोहे समझदे हो कि में पृथ्वी उप्पर मिलाप कराने आया हां ? में तोहे गी बोलना हां; नेई, लेकन अलग कराने आया हां।⁵² क्योकि हुन ता इक कार च पांज जन आपस च विरोध रखन गए, तीन दो कन्ने और दो तीन कन्ने।⁵³ पिता पुत्तर कन्ने, और पुत्तर पिता कन्ने विरोध रखग; माँ बेटी कन्ने, और बेटी माँ कन्ने, सास बहू कन्ने, और बहू सास कन्ने विरोध रखग। ”

⁵⁴ उन लोके कन्ने भी बोलया, “ जदु तोहे बादल गी पश्चिम कन्ने उठदे दिखदे हो ते तुरन्त बोलदे हो कि वर्षा होग, और ऐसा ही होंदा ऐ;⁵⁵ और जदु दक्षिणी हवा चलदी दिखदे हो ते बोलदे हो कि लूह चलग, और ऐसा ही होंदा ऐ।⁵⁶ हे कपटियो, तोहे धरती और आकाश दे रूप – रंग च भेद करी सकदे हो, लेकन इस युग दे विषय च क्यो भेद करना नेई जानदे ?

⁵⁷ “ तोहे आप ही निर्णय क्यो नेईकरी लेनदे कि उचित क्या ऐ ?⁵⁸ जदु तू अपने वादी दे कन्ने हाकिम दे कोल जा दा ऐ ते मार्ग ही च उस दे छूटने दा यत्न करी ले, ऐसा ना होए कि ओह तुगी न्यायी दे कोल खीची लेई जाए, और न्यायी तुगी सिपाही गी सौंपे और सिपाही तुगी बन्दीगृह च पाई दे।⁵⁹ में तोहे गी बोलना हां कि जदु तकर तू दमड़ी – दमड़ी परी ना देग अदू तकर उरदा छूटन नेई पाग।

13 उस समय कुछ लोक आ पूजे, और उदे कन्ने उन गलीलियों दे बारे चर्चा करन लग्गी पे, जिदा लहू पिलातुस ने उन्दे ही बलिदानों कन्ने मिलाया ही।² उन उत्तर दिन्दे होए बोलया, “ क्या तोहे समझदे हो कि ऐ गलीली और सारे गलीलियों कोला ज्यादा पापी हे कि उन्दी ऐ दशा होई ? ”³ में तोहे गी बोलना हां कि नेई; लेकन यदि तोहे मन नेई फिरागे ते तोहे सारे भी इसी प्रकार खत्म होई जागे।⁴ या, क्या तोहे समझदे हो कि ओह अठारह जन जिन्दे उप्पर शिलोह दा गुम्मत डिगेया और दबिये मरी गए, यरुशलेम च रहने आले कन्ने ज्यादा अपराधी हे ? आया, लेकन उसी कुछ नेई मिलेया।⁵ मैं तुन्दे कोला अखदा हाँ के नि, लेकेन अगर तुस मन नि फिरागेयो ते तोस सारे भी इयो जेया गे नष्ट ओगेयो।

⁶ फेर उसने इक और दृष्टान्त आखेया के, कुसे दे अंगूर दे बगीचे च अंजीर दा बूटा लगे दा हा ते ओह फल दिखने आस्ते आया लेकन केश भी ने लाबेया।⁷ फेर उन बारी दे रखवाले गी बोलया, ‘ देख, तीन वर्ष च में इस अंजीर दे पेड़ च फल तुपने आया हां लेकन कुछ नेई पाया। इसी कटी ओड़ कि ऐ भूमि गी भी केली केरे दा ऐ ? ’⁸ उन उसी उत्तर दिता, ‘ हे स्वामी, इस

साल भी रेहने दे, में इदे चारे पासे खोदीए खाद पागा।⁹ यदि ऐ अग्गे फल देग ते ठीक ऐ, नेई ते इसी कटी ओड़या। ’ ”

¹⁰ सब्त दे ओह इक आराधनालय च उपदेश कर दा ही।¹¹ दिखो, उन्थे इक स्त्री ही जिस्सी अठारह साले तो इक दुष्टात्मा ने रोग – ग्रस्त कर रखेया ही, और ओह कुबड़ी हो गई ही और किसी चला तो सीधी नेई हो सकदी ही।¹² यीशु ने उसी दिखिए बलाया और बोलया, “ हे नारी, तू अपने रोग तो मुक्त गई ऐ।¹³ फेर उन उस दे उप्पर हाथ रखेया; ओह तुरन्त ही सीधी होई गई और परमात्मा दी महिमा करन लग्गी।¹⁴ इसलेई कि यीशु ने सब्त दे दिन उसी ठीक किता हां, आराधनालय दा सरदार रिसियाकर लोके गी बोलन लग्गा, “ छः दिन ऐ जिन्दे च काम करना चाही दा ऐ, लेकन उन ही दिनों आईये चंगे होवो परेन्त सब्त दे दिन च नेई। ”¹⁵ लेकन प्रभु ने उत्तर दिता, “ हे पाखण्डियो, क्या तोहे गी हर मनुख सब्त दे दिन अपने बैल या गदहे गी थान तो खोलिए पानी पलाने नेई लेई जनदे ?¹⁶ ऐ स्त्री ते इब्राहिम दी बेटी ऐ जिस्सी शैतान ने अठारह साले तकर बनिए रखेया ही, इस बन्धन तो आजाद होना के सब्त दे दिन जरूरी नेई ? ”¹⁷ जदु उन ऐ सारी गल्ला बोलिया, ते उदे सारे विरोधी लजित होई गे, और सारी भीड़ ने महिमा दे उन सारे कामो तो जेड़े ओह करदा हां, खुश होए।

¹⁸ फेर उन बोलया, “ परमात्मा दा राज्य कुदे बराबर ऐ ? और में उदी बराबरी कुदे कन्ने करा ?¹⁹ ओह उस खमीर दे बराबर ऐ, जिन किसे स्त्री ने लेईए तीन पसेरी आटे च मिलाया, और सारा आटा खमीर होए गया।

²⁰ ओह नगर – नगर, और ग्रा – ग्रा होनदे उपदेश करदे होए यरुशलेम जा रहा हां।²¹ ते किसे ने उसी पूछेया, हे प्रभु, के मुक्ति पाने आले थोड़े ही ऐ ? ” उन उसी उत्तर दिता,

²² “ सकेत रास्ते तो प्रवेश करने दा यत्न करो क्योकि में तोहे गी बोलना, कि बड़े ऐ जेड़े प्रवेश करने दा यत्न ते करन गे लेकन सफल नेई होन गे।

²³ जदु कार दा मालक उठिए दरबाजे बंद करी ओड़ दा ऐ और तोहे बाहर खडोते दे दरबाजा खटकानदे बोलगे कि, हे प्रभु, साड़े लेई खोली दे, ते ओह तोहेगी बोलगा, में तोहेगी नेई जानदा, तोहे कुथू दे हो ? ”²⁴ ते तोहे बोलगे, ‘ आहे तेरे कन्ने खादा – पीता और तोहे साड़ी गलियों च उपदेश किता।

²⁵ लेकन ओह बोलग, में नेई जानदा कि तोहे कुदर दे हो। हे सारे कुकर्मियो, मेरे कोला दूर होए जाओ ! ’²⁶ उन्थे रोना और दांत पिसना होग; जदु तोहे अब्राहम, और इसहाक और याकूब और सारे नबियों गी परमात्मा दे राज च बैठे, और अपने आप गी बाहर निकले होए दिखगे;²⁷ और पूर्व और पश्चिम; उत्तर ते दक्षिण तो लोक आईए परमात्मा दे राज्य दे भोज च शामिल होनगे।²⁸ और दिखो, कुछ पीछे ऐ ओह प्रथम होनगे, और कुछ प्रथम ऐ ओह पीछे होनगे।²⁹ ठीक उस बेले, कुछ फरीसीयो ने आईए उसी बोलया, “ इत्थु निकलिए चला जा, क्योकि हेरोदेस तुही मरना चाहदा ऐ। ”³⁰ उन उनेगी बोलया, “ जाईए उस लोमड़ी गी बोली ओड़ कि में आज ते कल दुष्टात्मा दी कडीये और रोगियों गी चंगा करिए और तरिये दिन अपना लक्ष्य पूरा करगा।

³¹ तामी मिगी आज, कल और परसों चलना जरूरी ऐ, क्योकि ऐ होई नेई सकदा कि कोई नबी यरुशलेम दे बाहर मारा जाए।³² “ हे यरुशलेम ! हे यरुशलेम ! तू जेड़ा नबियों गी मारी ओड़ दा ऐ, और जेड़े तेरे कोल भेजे गे उन्दे उप्पर पथराव करना ऐ। किनी बारी में ऐ चाहा कि जिस चली मुर्गी अपने बच्चे गी अपने पंखो च कटठठा करदी ऐ, इसी चली में भी तेरे बलके गी कटा करा लेकन तू ऐ नेई चाहया।³³ दिखो, तुन्दा कार तुन्दे लेई उजड़ा छोड़ा जान्दा ऐ और में तोहेगी बोलना, जदु तकर तोहे ऐ नेई बोलगे कि, ‘ धन्य ऐ ओह, जेड़ा प्रभु दे ना च अन्दा ऐ ! ’ अदू तकर तोहे मिगी फेर नेई दिखगे।

³⁴ ऐ एरुसेलेम, ऐ एरुसेलेम तू जेकी पविश्येवेक्ताएगी मारी सूटदा ऐ, ते जेड़े तेरे कोल पेजे गे, उने पथराव करदे ओह। किनी बारी मैं ये चांदा हा कि जियां मुर्गी अपने बच्चों गई अपने परं दे एड कडेह करदी ऐ उए जेया गे मैं भी अपने बच्चों गी रखन, लेतुसं नि मन्नेया।³⁵ दिखो तोहड़ा कार तोहाड़े लेई इयान गे शोड़ेया जांदा ऐ, ते मैं तुसं अखना जेदुं तककर तुस ऐ न अखोगे, के धन ऐ ओह जेड़ा प्रभु दे न बिच आंदा ऐ उस वेले तककर तुस मिगी नि दिखगेओ।

14 फेर ओह सब्त दे दिन, जदु ओह फरीसीयो दे सरदार दे कार च रुट्टी खाने दे लेई गया; और ओह उदी घात च लगे दे हे। 2 उत्थे एक मनुख सामने ही, जिसे जलन्धर दा रोग ही। 3 यीशु ने व्यवस्थाविदों और फरीसीयो गी बोलया, " सब्त दे दिन चंगाई करना उचित ऐ या नेई ? " 4 पर ओह चुप रे। ते उन उसी छुईए चंगा किता और जान दिता। 5 और उन बोलया, " तुन्दा पुत्तर या बैल खू च डिगी पै ते तुन्दे च एहो लेया कोन ऐ कि ओह सब्त दे दिन तुरन्त बाहर न कडे। 6 ते ओह इस गल्ल दा उत्तर नेई देई सके।

7 जदु उन दिखया कि बुलाए गेदे लोक किस चली बैठन लेई मुख्य - मुख्य जगह चुना दे नए ते ओह उन्दे कन्ने इक कहावत बोलन लग्गा, 8 जदु कोई विवाह च बुलाया जान्दा ऐ, ते मुख्य जगह च नेई बैठेयो, किते ऐसा ना होए कि उन तोहे गी भी किसे बड्डे गी नेवता दिता होए, 9 और जिन्ने तुगी और उसी दोनो गी नेवता दिता होए, आईये तुगी बोले, ' इस गी जगह दे, ' और फेर तुगी लज्जित होईये सारे कोला नीची जगह च बैठाना पर। 10 लेकन जदु तू बुलाया जाए ते सारे कोला नीची जगह जाईये बैठ कि जदु ओह, जिन्ने तुगी नेवता दिता ऐ आए, ते तुगी बोले, ' हे दोस्त, अग्रे जाईये बैठ, ' फेर तेरे कन्ने बैठने आले दे समान तेरी इज्जत होग। 11 क्योंकि जेडा कोई अपने आप गी बड्डा बनाग, ओह छोटा किता जाग; और जेडा कोई अपने आप गी छोटा बनाग, ओह बड्डा किता जाग। "

12 फेर उन अपने नेवता देने आले गी भी बोलया, " जदु तू दिन दा या रात दी रुट्टी खागा, ते अपने दोस्तों या परा या कुटुम्बियों या धनवान पड़ोसियों गी नेई बुलाया, किते ऐसा ना होए कि ओह भी तुगी नेवता दें, और तेरा बदला होई जाए। 13 परैन्त जदु तू रुट्टी खागा ते कंगालों, टुन्डों, लंगडों और अन्ने गी बुलाया। 14 फेर तू धन्य होई जागा, क्योंकि उन्दे कोल तुगी बदला देने गी कुछ नेई, परैन्त तुगी धर्मियों दे जी उठने उप्पर इस दा प्रतिफल मिलग। "

15 ते उन्दे बीचा एक भोजन करने आले ने ए सुनि ए उसी बोलया, " धन्य ऐ ओह जेडा परमात्मा दे राज्य दी रुट्टी खाग। 16 उन उसी बोलया, " किसे मनुख ने इक बड्डा भोज रखेया और बडे लोके गी बुलाया। 17 जदु भोजन तैयार होई गया ते उन अपने दास दे हाथ लोके गी बुलावा भेजेया, " आओ, हुन भोजन तैयार ऐ। " 18 लेकन ओह सारे दे सारे क्षमा मंगने लग्गे। पैहले ने उसी बोलया, " में खेतर मोल लेया ऐ, और जरूरी ऐ के उसी दिखा; में तेरे अग्रे विनती करना मिगी माफ करी ओड। 19 दुये ने बोलया, में पांज जोड़ी बैल खरीदे ने, मिगी उनेगी परखन लेई जाना ऐ; में तेरे अग्रे विनती करना मिगी माफ करी ओड। 20 इक और ने बोलया, ' में ब्याह किता ऐ, इसलेई में नेई आ सकदा। ' 21 उस दास ने आईए अपने स्वामी गी सारी गल्ल सुनाई। ते कार दा स्वामी ने गिस्से च आईए अपने दास गी बोलया, ' शहर दे गलीयो और बजारों च जल्दी जाओ और कंगालों, विकलागों, अन्ने, और लंगडो गी इत्थे लेई आओ। " 22 दास ने फेर बोलया, " हे स्वामी, जिन्ना तू बोलया हां, इन्ना गे ही किता गया ऐ; और फेर भी जगह ऐ। " 23 स्वामी ने दास गी बोलया, " सड्कों उप्पर और बाडों दी ओर जा और लोके गी विवश करिये लेई आ ताकि मेरा कार परी जाए। 24 क्योंकि में तोहे गी बोलना हां कि उन बुलावा दिते गए लोके बीचा कोई मेरी रुट्टी गी नेई चखन गए। "

25 जदु बड्डी भीड़ उस दे कन्ने जा दी ही, ते उन पीछे मुडिये उनेगी बोलया, 26 " यदि कोई मेरे कोल आए, और अपने पिता और माता और पत्नी और बच्चे और परा और पैना मतबल अपने प्राण गी भी अप्रिय नेई जाने, ते ओह मेरा चेला नेई होई सकदा; 27 और जेडा कोई अपना कूस नेई उठाए, और मेरे पीछे नेई आए, ओह भी मेरा चेला नेई होई सकदा। 28 " तुन्दे बीचा कौन ऐ जेडा गढ बनाना चानदा होए, और पैहले बैठिए खर्च नेई जोडे कि पूरा करने दी सामर्थ्य मेरे कोल ऐ कि नेई ? 29 किते ऐसा ना होए कि जदु ओह नीव डाली ले लेकन नेई करी सके, ते सारे दिखने आले ऐ बोलिये उसी ठठो च उडान लग्गे, 30 " ए मनुख बनाने ते लगा लेकन तैयार नेई करी सकेया ? " 31 या कौन ऐसा राजा ऐ जेडा दुसरे राजा कन्ने युध्द करने जान्दा होए, और पैहले बैठिए विचार नेई करी ले कि जेडा बीस हजार लेईये मेरे उप्पर चढी आन्दा ऐ, क्या में दस हजार लेईये उस दा सामना कर सकदा हां, या नेई ? 32 नेई ते उस दे दूर रोदे ही ओह दूतों गी भेजिए मिलाप करना चाहगा।

33 इस तरह तुन्दे च कोई मेरा चेला नेई हो सकदा जदु तकर कि ओह अपना सारा कुछ त्यागी नेई देग।

34 " नमक ते अच्छा ऐ, लेकन यदि नमक दा स्वाद बिगडी जाए, ते ओह किस चीज कन्ने नमकीन किता जाग। 35 न ते ओह जमीन च दे और न गे खाद दे काम आन्दा ऐ, उसी लोक बाहर सुटी ओडदे ने। जुदे कान हो ओह सुनी ले। "

15 सारे चुंगी लेने आले और पापी उदे कोल आये करदे ही कि उदी सुनये। 2 ते फरीसी और शास्त्री कुडकुड़ाईये बोलन लग्गे, " ए ते पापियों कन्ने मिलदा ऐ और उन्दे कन्ने खन्दा पिन्दा ऐ। "

3 ते उन उनेगी ए कहावत बोली, 4 तुन्दे च कौन ऐ, जिस दी सौ भेडें नए, और उन्दे च इक खोई जाए, ते निन्धानबे गी जंगल च छोडिये, उस खोई होई गी जदु तकर मिली नेई जाए खोजदा ना रए ? 5 और जदु मिली जन्दी ऐ, उसले ओह बडे आनन्द कन्ने उसी अपने कंधे उप्पर चुकी लेनदा ऐ; 6 और कार च आईये दोस्त और पड़ोसियों गी कठा करिये बोल्दा ऐ, ' मेरे कन्ने आनन्द करो, क्योंकि मेरी खोई भेड मिली गई ऐ। ' 7 में तुसें गी बोलना हां कि इसी रीति कन्ने इक मन फिरानेआले पापी दे विषय च भी स्वर्ग च इन्ना ही आनन्द होग, जिन्ना कि निन्धानबे ऐसे धर्मियों दे विषय नेई होंदा, जिन्ने गी मन फिराने दी जरूरत नेई।

8 " या कौन ऐसी स्त्री होए गी जिस दे कोल दस सिक्के और होन गए, और उन्दे च इक खोई जाए, ते ओह दीया जलाईये और कार झाड - बुहरिये, जदु तकर मिली नेई जाए जी लगाईये तुपदी रेंदी ऐ ? 9 और जदु मिली जन्दा ऐ, ते ओह अपनी सखियों और पड़ोसियों गी कठा करिये बोल्दी ऐ, ' मेरे कन्ने खुशी मनाओ, क्योंकि मेरा खोया होया सिक्का मिली गया ऐ। ' 10 में तोहे गी बोलना हां कि इसी रीति च इक मन फिराने आले पापी दे बारे च परमात्मा दे स्वर्गदूतों दे सामने आनन्द होंदा ऐ। "

11 फेर उन बोलया, " किसे मनुख दे दो पुत्तर ही। 12 उन्दे च छोटे ने पिता गी बोलया, " हे पिता, जायदात बीचा जेडा हिस्सा मेरा ऐ ओह मिगी देई ओड। " उन उनेगी अपनी जायदात बंडी ओडी। 13 बडे दिन नेई बीते ही कि छोटा पुत्तर सारा कुछ कठा करिये दूर देश च चली गया, और उत्थे कुकर्म च अपनी जायदात उडाई ओडी। 14 जदु ओह सारा कुछ खत्म करी चुकेया, ते उस देश च बडा अकाल पेया, और ओह कंगाल होई गया। 15 इसलेई ओह उस देश दे निवासियों बीचा इक दे इत्थे जाई पेया। उन उसी अपने खेतों च सूअर चराने दे लेई भेजेया। 16 और ओह चानदा ही कि उन फलियों कन्ने जिन्ने गी सूअर खानदे ही, अपना पेट परे; और उसी कोई कुछ नेई दिन्दा हां। 17 जदु तकर अपने आपे च आया फेर बोलन लग्गा, " मेरे पिता दे किन्ने ही मजदूरों गी भोजन च जादा रुट्टी मिलदी ऐ, और में इत्थे पूखा मरा दा हां। 18 में हुन उठिये अपने पिता दे कोल जागा और उसी बोलगा कि पिता जी, में ते स्वर्ग दे विरोध च और तेरी नजर च पाप किता ऐ। 19 हुन इस योग्य नेई रेहा कि तेरा पुत्तर कैह्लावा, मिगी अपने इक मजदूर दे समान रखी ले। "

20 फेर ओह उठिये, अपने पिता दे कोल गया: ओह अजे दूर गे हां कि उस दे पिता ने उसी दिखिये तरस खादा, और दौडिये उसी गले लगाया, और बडा गे चूमेया। 21 पुत्तर ने उसी बोलया, " पिता जी, में ते स्वर्ग दे विरोध च और तेरी नजर च पाप किता ऐ; और हुन इस योग्य नेई रेहा कि तेरा पुत्तर कैह्लावा। " 22 लेकन पिता ने अपने दासों गी बोलया, " झट, अच्छे तो अच्छा कपडा उसी पैहनाओ, और उस दे हाथ च अँगूठी, और पैरे च जूतियाँ पैहनाओ, 23 और तैयार किता होया पशु लेयाईये मारो ताकि आहे खाचे, और खुशी मनाईये। 24 क्योंकि मेरा ए पुत्तर मरी गया ही, फेर जी गया ऐ: खो गया ही, हुन मिली गया ऐ। " और ओह खुशी मनान लग्गे।

25 " लेकन उस दा जेठा पुत्तर खेत च ही। जदु ओह आन्दे होए कार दे कोल पूजेया, ते उन गाने - बजाने और नचने दा शब्द सुनेया। 26 अतः उन इक दास गी बुलाईये पूछेया, " ए के हो दा ऐ ? " 27 उन उसी बोलया, " तेरा परा आया ऐ, और तेरे पिता ने तैयार किता होया पशु कटवाया ऐ, इसलेई कि उसी भला चंगा पाया ऐ। " 28 ए सुनिये ओह गुस्से च परी गया और कोल जाना नेई चाहा, लेकन उस दा पिता बाहर आईये उसी मनान लग्गा। 29 उन पिता गी उत्तर दिता, " देख, में इन्ने साल दा तेरी सेवा करा दा हां और कदे भी तेरी आज्ञा नेई टाली, फेर भी तू मिगी कदे भी इक बकरी दा बच्चा भी नेई

दिता कि मैं अपने दोस्ते दे कन्ने खुशी मनादा।³⁰ परैन्त जदु तेरा ए पुत्तर, जिस ने तेरी जायदात वेश्याओं च उड़ाई दिती ऐ, आया, ते उस दे लेई तू तैयार किता होया पशु कटवाया।³¹ उन उसी बोल्या, " पुत्तर, तू सर्वदा मेरे कन्ने ऐ; और जो कुछ मेरा ऐ ओह सारा तेरा ही ऐ।³² लेकन हुन खुशी मनाया और मगन होना चाही दा ऐ, क्योंकि ए तेरा परा मरी गया हां, फेर जी गया ऐ; खो गया ऐ, हुन मिली गया ऐ। "

16 फेर उन अपने चेलों कन्ने भी बोल्या, " किसे धनवान दा इक भण्डारी हां, और लोके उस दे सामने उस दे उप्पर ए दोष लगाया कि ओह तेरी सारी जायदात खत्म करी दिन्दा ऐ।² अतः उन उसी बुलाईये बोल्या, " ए के ऐ जो में तेरे बारे च सुना दा ऐ ? अपने भण्डारीपन दा लेखा दे, क्योंकि तू अग्रे दी भण्डारी नेई रह सकदा।³ फेर भण्डारी सोचन लगा, " हुन में के करा ? क्योंकि मेरा स्वामी हुन भण्डारी दा काम मेरे कोला खोआ दा ऐ। मिट्टी ते मेरे कोला खोदी नेई जान्दी ; और भीख मंगने च मिगी शरम आन्दी ऐ।⁴ में समझी गया कि के करगा, ताकि जदु में भण्डारी दे काम च छुड़ाया जावा ते लोक मिगी अपने कार च लेई लेन। " ⁵ फेर उन अपने स्वामी दे देनदारों गी इक इक करिये बुलाया और पैहले गी पूछेया, " मेरे उप्पर मेरे स्वामी दा किन्ना ऋण ऐ ? " ⁶ उन बोल्या, " सौ मन तेल, " फेर उन उसी बोल्या, " अपना खाता - बही ले और बैठिये तुरन्त पचास लिखी ओड़। " ⁷ फेर उन दुसरे गी पूछेया, " तेरे उप्पर किन्ना कर्ज ऐ ? " उन बोल्या, " सौ मन गेहूँ, " फेर उन उसी बोल्या, " अपना खाता - बही लेईये अस्सी लिखी ओड़। "

⁸ स्वामी ने उस अधर्मी भण्डारी गी सराहा कि उन चतुराई कन्ने काम किता ऐ। क्योंकि इस संसार दे लोक अपने समय दे लोके दे कन्ने रीति - व्यवहारों च ज्योति दे लोके कन्ने अधिक चतुर ऐ।⁹ और में तोहे गी बोलना हां कि अधर्म दे धन कन्ने अपने लेई दोस्त बनाई लो, ताकि जदु ओह जन्दा ऐ ते ओह तोहे गी अनन्त निवासों च लेई ले।¹⁰ जेड़ा थोड़े कन्ने थोड़े च सच्चा ऐ, ओह बड़े च भी सच्चा ऐ; और जेड़ा थोड़े कन्ने थोड़े च अधर्मी ऐ, ओह बड़े च भी अधर्मी ऐ।¹¹ इसलेई जदु तोहे अधर्मी दे धन च सच्चे नेई ठहराग, ते सच्चा धन तोहे गी कौन सौपग ? ¹² और यदि तोहे पराये धन च सच्चे नेई ठहरे ते जेड़ा तुन्दा ऐ, उसी तोहे गी कौन देग ?

¹³ " कोई दास दो स्वामियों दी सेवा नेई करी सकदा, क्योंकि ओह ते इक कन्ने बैर और दुसरे कन्ने प्रेम करग; या इक कन्ने मिलाप और दुसरे गी तुच्छ जानग। तोहे परमात्मा और धन दोनों दी सेवा नेई करी सकदे। "

¹⁴ फरीसी जी लोभी ही, ए सारी गल्ला सुनिये उसी उठ्ठो च उडान लगे।¹⁵ उन उनेगी बोल्या, " तोहे ते मनुखे दे सामने अपने आप गी धर्मी ठहरानदे हो, लेकन परमात्मा तुन्दे मन दी जाचदा ऐ, क्योंकि जेड़ी वस्तु मनुखे दी नजर च महान ऐ, ओह परमात्मा दे कोल घृणित ऐ।

¹⁶ " व्यवस्था और नबिया यहन्ना तक रह; उस समय च परमात्मा दे राज्य दा सुसमाचार सुनाया जा दा ही, और हर कोई उस दे बीच प्रबलता कन्ने प्रवेश करदा ऐ।¹⁷ आकाश और पृथ्वी दा टल जाना व्यवस्था दे इक बिन्दु दे मिट जाने च सहज ऐ।

¹⁸ " जेड़ा कोई अपनी स्त्री दी त्यागिये दूसरी कन्ने विवाह करदा ऐ, ओह व्यभिचार करदा ऐ, और जेड़ा कोई ऐसी त्यागी होई स्त्री कन्ने विवाह करदा ऐ, ओह भी व्यभिचार करदा ऐ।

¹⁹ " इक धनवान मनुख हां जेड़ा बैजनी कपड़े और मलमल पैहनादा और प्रति दिन सुख - विलास और धूम - धाम दे कन्ने रेंदा ही।²⁰ लाजर नांस दा इक कंगाल घावों च भरा होया उस दी डेवढी उप्पर छोड़ दिता जन्दा हां,²¹ और ओह चान्दा ही कि धनवान दी मेज उप्पर दी जूठन कन्ने अपना पेट परन; इत्थूतकर कि कुत्ते भी आईये उस दे घावों गी चटदे ही।²² ऐसा होया कि ओह कंगाल मरी गया, और स्वर्गदूतों ने उसी लेईये अब्राहम दी गोद च पहुँचाया। ओह धनवान भी मरेया और गाड़ा गया,²³ और अधोलोक च उन पीड़ा च पेरे होए अपनी अख्खा चुकिया, और दूर ता अब्राहम दी गोद च लाजर गी दिखेया।²⁴ उसले उन पुकारेया, " हे पिता अब्राहम, मेरे उप्पर दया करिये लाजर गी भेजी दे, ताकि ओह अपनी उँगली दा सिरा पानी च भिगोईये मेरी जीभ गी ठंडी करग, क्योंकि में इस ज्वाला च तड़फा दा हां। " ²⁵ लेकन अब्राहम ने बोल्या, " हे पुत्तर, स्मरण कर कि तू अपने जीवन च अच्छी

वस्तुएँ लेई चुकेया ऐ, और इन्ना ही लाजर बुरी वस्तुएँ: परैन्त हुन ओह इत्थे शान्ति पा दा ऐ, और तू तड़फा दा ऐ।²⁶ इन सारी गल्ले गी छोड़ साड़े और तुन्दे बीच इक भारी गड़हा ठहराया गया ऐ कि जेड़ा इत्थू ता उस पार तुन्दे कोल जाना चाहें, ओह जाई नेई सकें; और ना कोई उत्थू ता इस पार साड़े कोल आई सके।²⁷ उन बोल्या, " ते हे पिता, में तेरे अग्रे विनती करदा हां कि तू उसी मेरे पिता दे कार भेज, ²⁸ क्योंकि मेरे पांज परा नए; ओह उन्दे सामने इन गल्ले दी गवाही दे, ऐसा ना होए कि ओह भी इस पीड़ा दी जगह च आएँ। " ²⁹ अब्राहम ने उसी बोल्या, " उन्दे कोल ते मूसा और नबियों दी पुस्तकें नए, ओह उन्दी सुनें। " ³⁰ उन बोल्या, " नेई, हे पिता अब्राहम; लेकन यदि कोई मेरे होए बीचा उन्दे कोल जान, ते ओह मन फिरागन। " ³¹ उन उसी बोल्या, " जदु ओह मूसा और नबियों दी नेई सुनदे, ते यदि मेरे होए बीचा कोई जी भी उठे फिर भी उस दी नेई मनन गए। "

17 फेर उन अपने चेलों गी बोल्या, " होई नेई सकदा कि ठोकरें नेई लगन, लेकन हाय, उस मनुख उप्पर जिस दे कारण ओह आन्दी ऐ।² जेड़ा इन छोटे बीचा किसे इक गी ठोकर खिलांदा ऐ, उस दे लेई ए भला होंदा कि चक्की दा पाट उस दे गल्ले च लटकाया जान्दा, और ओह समुद्र च डाली दिता जान्दा।³ सावधान रहो; यदि तेरा परा अपराध करे ते उसी समझा, और यदि पछताए ते उसी क्षमा कर।⁴ यदि दिन भर च ओह सात बार तेरा अपराध करे और सातों बार तेरे कोल फेर आईये बोले, " में पछताना ऐ, " ते उसी क्षमा कर। "

⁵ फेर प्रेरितों ने प्रभु गी बोल्या, " साड़ा विश्वास बढ़ा। " ⁶ प्रभु ने बोल्या, " यदि तोहे गी राई दे दाने दे बराबर भी विश्वास होंदा, ते तोहे इस शहतूत दे पेड़ गी बोलदे कि जड़ कन्ने उखड़िये समुद्र च लगी जा, ते ओह तुन्दी मनी लेनदा।

⁷ " तुन्दे बीचा ऐसा कौन ऐ, जिस दा दास हल जोतदा या भेड़ें चरान्दा होए, और जदु ओह खेत च आए, ते उसी बोले, " तुरन्त आईये भोजन करन दे लेई बैठ " ? ⁸ और ए ना बोले, " मेरा खाना तैयार कर, और जदु तकर में खावा - पीया अदू तकर कमर बनिए मेरी सेवा कर; इस दे बाद तू भी खाई पी लेया " ? ⁹ क्या ओह उस दास दा अहसान मनग कि उन ओह ही काम किते जिस दी आज्ञा दी गई ही ? ¹⁰ इसी रीति कन्ने तोहे भी जदु उन सारे कमे गी करी चुको जिस दी आज्ञा तोहे गी दी गई ही, ते बोलो, " आहे निकम्मे दास ऐ; जेड़े सानु करना चाही दा हां आहे केवल ओही किता ऐ। "

¹¹ ऐसा होया कि ओह यरूशलेम जनदे होए सामरिया और गलील दे बीच ता होईये जा दा ही।¹² किसे गरा च प्रवेश करदे समय उसी दस कोढ़ी मिले।¹³ उने दूर खड़े होईये ऊँचे शब्द च बोल्या, " हे यीशु, हे स्वामी, साड़े उप्पर दया कर ! " ¹⁴ उन उनेगी दिखिये बोल्या, " जाओ, और अपने आप गी याजकों गी दसो। " और जनदे ही जनदे ओह शुध्द होई गए।¹⁵ फेर उन्दे बीचा इक ए दिखिये कि में चंगा होई गया हां, ऊँचे शब्द कन्ने परमात्मा दी महिमा करदा होया चली गया; ¹⁶ और यीशु दे पैरे उप्पर मुँह दे बल डिगिये उस दा धन्यवाद करन लगे; और ओह सामरी हां।¹⁷ इस दे उप्पर यीशु ने बोल्या, " क्या दसों शुध्द नेई होए, ते फेर ओह नौ कुदर नए ? ¹⁸ क्या इस परदेशी गी छोड़ कोई और नेई निकलेया जेड़ा परमात्मा दी बढ़ाई करदा ऐ ? " ¹⁹ फेर उन उसी बोल्या, " उठिये चली जा; तेरे विश्वास ने तुमी चंगा किता ऐ। "

²⁰ जदु फरीसियों ने उसी पूछेया कि परमात्मा दा राज्य कदू आग, ते उन उनेगी उत्तर दिता, " परमात्मा दा राज्य दृश्य रूप च नेई अन्दा। ²¹ और लोक ए नेई बोलन गए, " दिखो, इत्थे ऐ, या उत्थे ऐ। क्योंकि दिखो, परमात्मा दा राज्य तुन्दे बीच ऐ। " ²² फेर उन चेलों गी बोल्या, " ओह दिन आए गा, जिन्दे च तोहे मनुख दे पुत्तर दे दिनों बीच इक दिन गी दिखना चाहगे, और नेई दिखी सकगे। ²³ लोक तोहे गी बोलन गए, " दिखो, उत्थे ऐ ! " या " दिखो, इत्थे ऐ ! " लेकन तोहे चली नेई जायो और ना उन्दे पीछे होई जायो। ²⁴ क्योंकि जिन्ना बिजली आकाश दे इक छोर च कूदिये आकाश दे दूसरे छोर तकर चमकदी ऐ, इन्ना ही मनुख दा पुत्तर भी अपने दिन च प्रगट होग। ²⁵ लेकन पैहले जरूरी ऐ कि ओह बड़ा दुःख उठाए, और इस युद दे लोक उसी तुच्छ ठहरान। ²⁶ जिन्ना नूह दे दिनों च होया ही, इन्ना ही मनुख दे पुत्तर दे दिनों च भी होग। ²⁷ जिस दिन तकर नूह जहाज उप्पर नेई चढ़ेया,

उस दिन तकर लोक खन्दे - पिन्दे ही, और उन्दे च विवाह होंदे ही। अदू जल - प्रलय ने आईये उन सारे गी खत्म किता।²⁸ और जिन्ना लूत दे दिनों च होया ही कि लोक खन्दे - पिन्दे, लेन - देन करदे, पेड़ लगांदे और कार बनांदे ही; ²⁹ लेकन जिस दिन लूत सदोम च निकलेया, उस दिन आग और गन्धक आकाश च बरसी और सारे गी खत्म करी दिता। ³⁰ मनुख दे पुत्तर दे प्रगट होन दे दिन भी ऐसा ही होग।

³¹ " उस दिन जेड़ा छत उप्पर होए और उस दा समान कार च होए, ओह उसी लेने गी नेई उतरन; और इन्ना ही जेड़ा खेत च हो ओह पीछे ना जाए। ³² लूत दी पत्नी गी स्मरण रखो ! ³³ जेड़ा कोई अपना प्राण बचाना चाहे ओह उसी खोग, और जेड़ा कोई उसी खोग ओह उसी जीवित रखग। ³⁴ में तोहे गी बोलना हां, उस रात दो मनुख इक खाट उप्पर होन गए; इक ले लेता जाग और दूसरा छोड़ी दिता जाग। ³⁵ दो स्त्रियाँ इक कन्ने चक्की पिसती होन गी, इक ले ली जाग और दूसरी छोड़ी दी जाग। ³⁶ [दो जन खेती च होन गए, इक ले लेता जाग और दूसरा छोड़ा जाग। "] ³⁷ ए सुनिये उने उसी पूछेया, " हे प्रभु ए कुदर होग ? " उन उनेगी पूछेया, " जित्थे लोथ ऐ, उत्थे गिध्द कठे होन गए। "

18 फेर उन इस दे विषय च कि नित्य प्रार्थना करना और हियाव नेई छोड़ना चाही दा ऐ, उनेगी ए दृष्टान्त बोल्या: ² " किसे नगर च इक न्यायी रेंदा ही, जेड़ा ना परमात्मा कोला उरदा ही और ना किसे मनुख दी परवाह करदा ही। ³ उसी नगर च इक विधवा भी रेंदी ही, जेड़ा उस दे कोल आई - आईये बोल्दी ही, ' मेरा न्याय चुकाईये मिगी मुदई कोला बचा। " ⁴ कुछ समय तकर ते ओह नेई मनेया लेकन आखिर च मन च विचार करिये बोल्या, " वैसे भी में नेई परमात्मा कोला उरदा, और ना मनुखे दी कुछ परवाह करदा हां; ⁵ फेर भी ए विधवा मिगी सतान्दी रेंदी ऐ, इसलेई में उस दा न्याय चुकाना ऐ, किते ऐसा ना होए कि कड़ी - कड़ी आईये आखिर गी मेरी नक च दम करे '। "

⁶ प्रभु ने बोल्या, " सुनो, ए अधर्मी न्यायी के करदा ऐ ? ⁷ इसलेई क्या परमात्मा अपने चुने होए दा न्याय ना चुकाग, जेड़ा रात - दिन उस दी दुहाई दिन्दे रेंदे ऐ ? क्या ओह उन्दे विषय च देर करग ? ⁸ में तोहे गी बोलना हां, ओह तुरन्त उन्दा न्याय चुकाग। फेर भी मनुख दा पुत्तर जदु आणा, ते क्या ओह पृथ्वी उप्पर विश्वास पाग ? "

⁹ उन उनेगी जो अपने उप्पर भरोसा रखदे ही, कि आहे धर्मी ऐ, और दूसरों गी तुच्छ जानदे ही, ए दृष्टान्त बोल्या: ¹⁰ " दो मनुख मन्दिर च प्रार्थना करने दे लेईगए; इक फरीसी ही और दूसरा चुंगी लेनेआला। ¹¹ फरीसी खड़ा होईये अपने मन च यों प्रार्थना करन लग्गा, " हे परमात्मा, में तेरा धन्यवाद करदा हां कि में दूसरे मनुखे दे समान नेरा करने आला, अन्यायी और व्यभिचारी नेई, और ना इस चुंगी लेनेआला दे समान हां। ¹² में सप्ताह च दो बार उपवास रखदा हां; में अपनी सारी कमाई दा दसवाँ अंश भी दिन्दा हां। "

¹³ " लेकन चुंगी लेने आले ने दूर खड़े होईये, स्वर्ग दी ओर अख्खा उठाना भी नेई चाहा, परन्त अपनी छाती पीटी - पीटीए बोल्या, " हे परमात्मा, मेरे जे पापी उप्पर दया कर ! " ¹⁴ में तोहे गी बोलना हां कि ओह दूसरा नेई, परन्त ए ही मनुख धर्मी ठहराया जाईये अपने कार गया; क्योंकि जेड़ा कोई आने आप गी बड्ठा बनाग, ओह छोटा किता जाग; और जेड़ा अपने आप गी छोटा बनाग, ओह बड्ठा किता जाग। "

¹⁵ फेर लोक अपने बच्चे गी भी उस दे कोल लेयान लग्गे कि ओह उन्दे उप्पर हाथ रखे; लेकन चेलों ने दिखिये उनेगी जानटेया। ¹⁶ यीशु ने बच्चों गी कोल बुलाईये बोल्या, " बालकों गी मेरे कोल आने दो, और उनेगी मना नेई करो: क्योंकि परमात्मा दा राज्य इन्दे बासते गे ऐ। ¹⁷ में तोहे गी सच्च बोलना हां कि जेड़ा कोई परमात्मा दे राज्य गी बच्चे दे समान ग्रहण नेई करग ओह उन्दे च कदे भी प्रवेश करी नेई सकदा। "

¹⁸ किसे सरदार ने उसी पूछेया, " हे उत्तम गुरु, अनन्त जीवन दा अधिकारी होने दे लेई में के करा ? " ¹⁹ यीशु ने उसी बोल्या, " तू मिगी उत्तम क्यों बोल्ला ऐ ? कोई उत्तम नेई, केवल इक, ओ भी परमात्मा। ²⁰ तू आज्ञाओं गी ते जान्दा ऐ: ' व्यभिचार नेई करना, हत्या नेई करना, और चोरी नेई करना, झूठी गवाही नेई देना, अपने पिता और अपनी माता दा आदर करना '। " ²¹ उन बोल्या, " में ते इन सारे गी लड़कपन ही कन्ने मनदा आया

हां। " ²² ए सुनिये यीशु ने उसी बोल्या, " तुगी हुन भी इक गल्ल दी कमी ऐ, अपना सारा कुछ बेचिए कंगालों गी बंडी दे; और तुगी स्वर्ग च धन मिलग, और आईये मेरे पीछे होई जा। " ²³ ओह ए सुनिये बड़े उदास होया, क्योंकि ओह बड़ा धनी हां।

²⁴ यीशु ने उसी दिखिये बोल्या, " धनवानों दा परमात्मा दे राज्य च प्रवेश करना किन्ना मुश्किल ऐ। ²⁵ परमात्मा दे राज्य च धनवान दे प्रवेश करने कन्ने, ऊँट दा सूई दे नाके बीचा निकलना सहज ऐ। " ²⁶ इस उप्पर सुनने आले ने बोल्या, " ते फेर किस दा उध्दार होई सकदा ऐ ? " ²⁷ उन बोल्या, " जेड़ा मनुख कोला नेई होई सकदा ऐ। " ²⁸ पतरस ने बोल्या, " देख, आहे ते कार - कार छोड़िये तेरे पीछे होई गए नए। " ²⁹ उन उनेगी बोल्या, " में तोहे गी सच्च बोलना हां कि ऐसा कोई नेई जिन्ने परमात्मा दे राज्य दे लेई कार, या स्त्री, या परा, या माता - पिता, या बाल - बच्चों गी छोड़ी दिता होए; ³⁰ और इस समय कई गुणा ज्यादा ना पाग और आने आले युग च अनन्त जीवन। "

³¹ फेर उन बारहों गी कन्ने लेई जाईये उनेगी बोल्या, " दिखो, आहे यरूशलेम गी जनदे हां, और जिन्नी गल्ला मनुख दे पुत्तर दे लेई नबियों दे द्वारा लिखी गई ऐ, ओह सब पूरी होग। ³² क्योंकि ओह अन्य जातियों दे हाथ च सौपा जाग, और ओह उसी ठड्डो च उड़ान गए; और उस दा अपमान करन गए, और उस दे उप्पर थुकन गए, ³³ और उसी कोड़े मारन गए, और घात करन गए; और ओह तीसरे दिन जी उठी जाग। " ³⁴ लेकन उने इन गल्ले बीचा कोई गल्ल नेई समझी; और ए गल्ल उन्दे कोला छिपाई रखी, और जो बोल्या गया ही ओह उन्दी समझ च नेई आया।

³⁵ जदु ओह यरीहो दे कोल पूजेया, ते इक अन्ना सड़क दे किनारे बैठिए पीख मंगा दा ही। ³⁶ ओह भीड़ दे चलने दी आहट सुनिये पूछने लग्गा, " ए के होआ दा ऐ ? " ³⁷ उने उसी दसेया, " यीशु नासरी जा दा ऐ। " ³⁸ फेर उन पुकारिए बोल्या, " हे यीशु, दाऊद दी सन्तान, मेरे उप्पर दया कर ! " ³⁹ जेड़े अग्गे - अग्गे जा दे ही, ओह उसी डाँटन लग्गे कि चुप रहे; लेकन ओह और भी चिल्लाने लग्गा, हे दाऊद दी सन्तान, मेरे उप्पर दया कर ! " ⁴⁰ फेर यीशु ने खड़े होईये आज्ञा दिती कि उसी मेरे कोल लेयाओ, और जदु ओह कोल आया ते उन उसी पूछेया, ⁴¹ " तू के चाना ऐ कि में तेरे लेई करा ? " उन बोल्या, " हे प्रभु, ए कि में दिखने लग्गा। " ⁴² यीशु ने उसी बोल्या, " दिखने लग; तेरे विश्वास ने तुगी चंगा करी दिता ऐ। " ⁴³ फेर ओह तुरन्त दिखने लग्गा और परमात्मा दी महिमा करदा होया उस दे पीछे होई गया; और सारे लोके ने दिखिये परमात्मा दी स्तुति किती।

19 ओह यरीहो च प्रवेश करिए उत्थु जा दा हा। ² उत्थे जक्कई ना दा एक मनुख ही जेड़ा चुंगी लेने आले दा सरदार ही और धनी ही। ³ ओह यीशु गी दिखना चानदा ही कि ओह कोन ऐ। लेकन भीड़ दी वजह कन्ने ओह नेई दिखी सकया, क्योंकि ओह नाटा ही। ⁴ ते उसी दिखनदे लेई ओह अगे दोडीए एक गुलर दे बूटे उप्पर चडी गया, क्योंकि यीशु उसी रस्ते तो जाने आला ही। ⁵ जदु यीशु उस जगह पूजया, ते उप्पर नजर करिए उसी बोलया, ' हे जक्कई, झट उतरी आ; क्योंकि अज मिगी तेरे कार च रहना जरूरी ऐ। ⁶ ओह तुरन्त उतरिए खुशी कन्ने उसी अपने कार लेई गया।

⁷ ए दिखिए सारे लोक कुड़कुडाकर बोलन लग्गे, " ओह ते पीपी मनुख दा महमान बनिए गया ऐ। "

⁸ जक्कई ने खड़े होइए प्रभु गी केया, " हे प्रभु, देख, में अपनी आधी दोलत कंगालों गी देगा, और यदि में किसे दा कुछ अन्याय करिए लेया ऐ ते उसी चौगुना फेरी ओड़गा। " ⁹ ते यीशु उसी केया, " अज इस कार च उध्दार आया ऐ, इसलेई कि ए भी अब्राहम दा एक पुत्तर ऐ। ¹⁰ क्योंकि मनुख दा पुत्तर खोए होए गी तुपन और उन्दा उध्दार करन लेई आया ऐ।

¹¹ जदु ओह ए गल्ला सुना दे ही, ते उन इक दृष्टान्त च बोल्या, इसलेई कि ओह यरूशलेम दे कोल ही, और ओह समझदे ही कि परमात्मा दा राज्य हुन प्रगट होने आला ऐ। ¹² अतः उन बोल्या, " इक धनी मनुख दूर देश च गया कि अपने लेई राज्य पाईये चली जाए। ¹³ उन अपने दासां बीचा दस गी बुलाईये उने दस मुहरें दिती और उनेगी बोल्या, ' मेरे चली आने तकर लेन - देन करेया। " ¹⁴ लेकन उदे नगर दे रहेने आले उस दे कोला बैर रखदे ही, और उदे पीछे दूतों दे द्वारा कहलाई भेजेया, " आहे नेई चानदे कि ए साड़े उप्पर राज्य करे। "

15 " ऐसा होया कि जदु ओह राज्य पाईये गया ते उन आज्ञा दिती कि ओह दास जिन्ने गी उन धन दिता हां बुलाया जाए, जिस दे कन्ने उसी मालूम होई जाए कि उने कैसा व्यापार किता। 16 फेर पैहले ने आईये बोल्या, " हे स्वामी, तेरी मुहर कन्ने दस और मुहरें कमाई ऐ। " 17 उन उसी बोल्या, ' धन्य, हे उत्तम दास ! तू बड़े ही थोड़े च विश्वासयोग्य निकलेया हुन दस नगरों उप्पर अधिकार रख। ' 18 दूसरे ने आईये बोल्या, ' हे स्वामी, तेरी मुहर कन्ने पांज और मुहरें कमाई ऐ। ' 19 उन उसी भी बोल्या, ' तू भी पांज नगरों उप्पर हाकिम होई जा। ' 20 तीसरे ने आईये बोल्या, " हे स्वामी, देख तेरी मुहर ए नए, जिसी में अंगोछे च बन्नी रखेया ही। 21 क्योंकि में तेरे कोला उरदा ही, इसलेई कि तू कठोर मनुख ऐ: जेड़ा तू नेई रखेया उसी चुकी लेनदा ऐ, और जेड़ा तू नेई बोया, उसी कटदा ऐ। " 22 उन उसी बोल्या, " हे दुष्ट दास, में तेरे ही मुँह तो तुगी दोषी ठहरादा हां। तू मिगी जान्दा हां कि कठोर मनुख हां, जेड़ा में नेई रखेया उसी चुकी लेनदा, और जेड़ा में नेई बोया उसी कटदा हां; 23 ते तू मेरे रूपये सराफों दे कोल क्यों नेई रख दिते कि में आईये ब्याज समेत लेई लेनदा ? " 24 और जेड़े लोक कोल खड़े ही, उन उनेगी बोल्या, ' ओह मुहर उस दे कोला लेई लो, और जिस दे कोल दस मुहरें ऐ उसी देई ओड़ो। ' 25 उने उसी बोल्या, " हे स्वामी, उस दे कोल दस मुहरें ते ऐ। ' 26 में तोहे गी बोलना हां कि जिस दे कोल ऐ, उसी दिता जाग; और जिस दे कोल नेई ऐ, उस दे कोल ओह भी जो उस दे कोल ऐ ले लेता जाग। 27 लेकन मेरे उन बैरियों गी जेड़े नेई चान्दे ही कि में उन्दे उप्पर राज्य करा, उनेगी इत्थे लेयाईये मेरे सामने मारी ओड़ो। "

28 ए गल्ला बोलिए ओह यरूशलेम दी ओर उन्दे अगे - अगे गया।

29 जदु ओह जैतून नामक पहाड़ उप्पर बैतफगे और बैतनिय्याह दे कोल पूजेया, ते उन अपने चेलों बीचा दी गी ए बोलिए भजेया, 30 " सामने दे गरा च जाओ; और उदर पूजदे ही इक गदही दा बच्चा जिस दे उप्पर कदे भी कोई सवार नेई होया, बधेया होया तोहे गी मिलग, उसी खोलिए लेई आओ। 31 यदि कोई तोहे गी पूछे कि क्यों खोलदे हो, ते ए बोली ओड़यो कि प्रभु गी इस दी जरूरत ऐ।

32 जेड़े भजे गए ही, उने जाईये जिन्ना उन उनेगी बोल्या हां, इन्ना ही पाया।

33 जदु ओह गदहे दे बच्चे दी खोला दे ही, ते उदे मालिकों ने उनेगी पूछेया, " इस बच्चे की क्यों खोलदे हो ? " 34 उने बोल्या, " प्रभु गी इस दी जरूरत ऐ। " 35 ओह उसी यीशु दे कोल लेई आए, और अपने कपड़े उस बच्चे उप्पर पाईये यीशु गी उस दे उप्पर बैठाई दिता। 36 जदु ओह जा दा ही, ते ओह अपने कपड़े रस्ते च बिछानदे जनदे ही।

37 कोल आंदे होई जदु ओह जैतून पहाड़दी डाली उप्पर पूजेया, ते चेलों दी सारी मण्डली उन सारे सामर्थ्य दे कमे दे कारण जेड़े उने दिखे ही, खुश होईये बड़े शब्द कन्ने परमात्मा दी स्तुति करने लगे:

38 " धन्य ऐ ओह राजा, जेड़ा प्रभु दे नाम कन्ने आन्दा ऐ ! स्वर्ग च शान्ति और आकाश मण्डल च महिमा होए ! "

39 फेर लोके बीचा कुछ फरीसी उसी बोलन लगे, " हे गुरु, अपने चेलों गी डाँट। " 40 उन उत्तर दिता, " में तोहे गी बोलना हां, यदि ए चुप रहे ते पत्थर चिल्लान लगन गए। "

41 जदु ओह कोल आया ते नगर गी दिखिए उसे दे उप्पर रोया। 42 और बोल्या, " क्या ही भला होंदा कि तू, हाँ, तू ही, इसी दिन च कुशल दी गल्ला जान्दा, लेकन हुन तेरी अख्खा च छिप गई ऐ। 43 क्योंकि ओह दिन तेरे उप्पर आन गए कि तेरे बैरी मोर्चा बनिये तुगी केरी लेन गए, और चारों ओर च तुगी दबान गए; 44 और तुगी और तेरे बालकों गी जेड़े तेरे च नए, मिट्टी च मिलान गए, और तेरे च पत्थर उप्पर पत्थर भी ना छोड़न गए, क्योंकि तू उसी अवसर गी जदु तेरे उप्पर कृपा दिष्टे किती गेई नेई पैहचाना। "

45 फेर ओह मन्दिर च जाईये बचने आले गी बाहर निकालन लग्गा, 46 और उनेगी बोल्या, " लिखेया ऐ, ' मेरा कार प्रार्थना दा कार होए गा, ' लेकन तू उसी डाकुओं दी खोह बनाई दिता ऐ।

47 ओह प्रतिदिन मन्दिर च उपदेश करदा ही; और प्रधान याजक और शास्त्री और लोके दे प्रमुख उसी खत्म करने दा अवसर तुपदे ही। 48 लेकन कोई उपाय ना निकाली सकेया कि ए किस प्रकार करिये, क्योंकि सारे लोक बड़ी चाह कन्ने उस दी सुन्दे ही।

20 इक दिन ऐसा होया कि जदु ओह मन्दिर च लोके गी उपदेश दे रहा ही और सुसमाचार सुना दा ही, ते प्रधान याजक और शास्त्री, पुरनियों दे कन्ने कोल आईये खड़े होए; 2 और बोलन लगे, " सानु दास, तू इन कमे गी किस अधिकार कन्ने करना ऐ, और ओह कौन ऐ जिन्ने तुगी ए अधिकार दिता ऐ ? " 3 उन उनेगी उत्तर दिता, " में भी तुन्दे कोला इक गल्ल पूछना हां; मिगी दसो 4 यूहन्ना दा बपतिस्मा स्वर्ग दी ओर ता ही या मनुखे दी ओर ता ही ? " 5 फेर ओह आपस च बोलन लगे, " यदि आहें बोलिए, ' स्वर्ग दी ओर ता, ' ते ओह बोलेगा, ' फेर तोहे उस दे उप्पर विश्वास क्यों नेई किता ? " 6 और यदि आहें बोलिए, ' मनुखे दी ओर ता, ' ते सारे लोक साडे उप्पर पथराव करन गए, क्योंकि ओह सचमुच जानदे नए कि यूहन्ना नबी हां। " 7 अतः उने उत्तर दिता, " आहें नेई जानदे कि ओह किस दी ओर ता ही। " 8 यीशु ने उनेगी बोल्या, " ते में भी तोहे गी नेई दसना कि में ए काम किस अधिकार कन्ने करदा हां। "

9 फेर ओह लोके कन्ने ए दृष्टान्त बोलने लग्गा: " किसे मनुख ने दाख दी बारी लगाई, और किसानों गी उस दा ठेका दे दिता और और बड़े दिनों दे लेई परदेश चली गया। 10 जदु समय आया ते उन किसानों दे कोल इक दास गी भजेया कि ओह दाख दी बारी दे कुछ फलों दा भाग उसी दें, लेकन उने उसी मारी - पीटीए खाली हाथ पेजी ओड़ेया। 11 इदे उप्पर उन दुसरे दास गी भजेया, लेकन उने उसी भी मारी - पीटीए और अपमान करिये खाली हाथ पेजी ओड़ेया। 12 इसी तरह उन तीसरे गी भजेया और उने उसी मारिये नसाई ओड़ेया। 13 फेर दाख दी बारी दे स्वामी ने बोल्या, " में के करा ? में अपने प्रिय पुत्र गी भजेगा, सम्भव ऐ कि ओह उस दा आदर करन। " 14 जदु किसानों ने उसी दिखेया ते आपस च विचार करन लगे, " ए ते वारिस ऐ; आओ, आहें इसी मारी ओड़िये कि मीरास साडी होई जाए। " 15 और उने उसी दाख दी बारी कन्ने बाहर कडिये मारी ओड़ेया। इसलेई दाख दी बारी दा स्वामी उन्दे कन्ने के करग ? 16 ओह आईये उन किसानों गी खत्म करग, और दाख दी बारी दूसरों गी सौपी ओड़गा। "

17 उन उन्दे ओर दिखिये बोल्या, " फेर ए के लिखेया ऐ: ' जिस पत्थर गी राजमिस्त्रियों ने निकम्मा ठहराया ही, ओही कोने दा सिरा होई गया। ' "

18 जेड़ा कोई उस पत्थर उप्पर गिरग ओह चकनाचूर होई जाग, और जिस उप्पर ओह गिरग, उसी पीसी ओड़गा। "

19 उसी कड़ी शास्त्रियों और प्रधान याजकों ने उसी पकड़ाना चाएया, क्योंकि ओह समझी गए ही कि उन साडे उप्पर ए दृष्टान्त बोल्या, लेकन ओह लोके तो डरी गए। 20 और ओह उस दी ताक च लग्गी रहे और भेदिए भजे कि धर्म दा भेष धरिए उस दी कोई ना कोई गल्ल फडिये, ताकि उसी हाकिम दे हाथ और अधिकार च सौपी देचे। 21 उने उसी ए पूछेया, " हे गुरु, आहें जानदे हां कि तू ठीक बोल्दा और सिखाना भी ऐ, और किसे दा पक्ष - पात नेई करदा, लेकन परमात्मा दा रस्ता सच्चाई कन्ने दसदा ऐ। 22 क्या आहें कैसर गी दूर देना उचित ऐ या नेई ? " 23 उन उन्दे चतुराई गी तोड़िये उनेगी बोल्या, 24 " इक दीनार मिगी दसो। इदे उप्पर किस दी छाप और नाम ऐ ? " उने बोल्या, " कैसर दा। " 25 उन उनेगी बोल्या, " ते जेड़ा कैसर दा ऐ, ओह कैसर गी देयो; और जेड़ा परमात्मा दा ऐ, ओह परमात्मा गी देयो। " 26 ओह लोके दे सामने इस गल्ल च उसी पकड़ नेई सके, लेकन उदे उत्तर कन्ने हेरान होईये चुप रेई गए।

27 फेर सदूकी जो बोलदे ही कि मरे होए दा जी उठना ऐ ही नेई, उन्दे च कुछ ने उसदे कोल आईये पूछेया, 28 " हे गुरु, मूसा ने साडे लेई ए लिखेया ऐ: ' यदि किसे दा परा अपनी पत्नी दे रेंदे होए बिना सन्तान मरी जाए, ते उस दा परा उस दी पत्नी कन्ने विवाह करी ले, और अपने परा दे लेई वंश उत्पन्न करन। " 29 सात परा ही, पैहला परा विवाह करिये बिना सन्तान मरी गया। 30 फेर दूसरे, 31 और तीसरे ने भी उस स्त्री कन्ने विवाह करी लेया। इसी रीति कन्ने सतों बिना सन्तान मरी गए। 32 आखिर च ओह स्त्री भी मरी गेई।

33 इसलेई जी उठने उप्पर ओह उन्दे च किस दी पत्नी होग, क्योंकि ओह सतों दी पत्नी होई चुकी दी ही। " 34 यीशु ने उनेगी बोल्या, " इस युग दी सन्तानों च ते विवाह होंदा ऐ, 35 लेकन जेड़े लोक इस योग्य ठहरन गए कि उस युग गी और मरे होए बीचा उठने गी प्राप्त करन, ओह ना विवाह करन गए और ना विवाह च दिते जान गए। 36 ओह फेर मरने दे भी नेई; क्योंकि ओह

स्वर्गदूतों दे समान होन गए, और पुनरुत्थान दी सन्तान होने कन्ने परमात्मा दी भी सन्तान होन गए।³⁷ लेकन इस गल्ल गी कि मेरे होए जी उठदे नए, मूसा ने भी झाड़ी दी कथा च प्रगत किती ऐ कि ओह प्रभु गी ' अब्राहम दा परमात्मा, और इसहाक दा परमात्मा और याकूब दा परमात्मा ' कहलान्दा ऐ।³⁸ परमात्मा ते मुरदों दा नेई लेकन जीवितों दा परमात्मा ऐ: क्योंकि उदे कोल सारे जीवित ऐ।³⁹ फेर ए सुनिये शास्त्रियों बीचा कुछ ने ए बोल्यो, " हे गुरु, तू ठीक बोल्यो। " ⁴⁰ और उने फेर उसी कुछ और पूछने दा हियाव ना होया।⁴¹ फेर उन उनेगी पूछेया, " मसीह गी दाऊद दी सन्तान किन्ना बोलदे नए ? ⁴² दाऊद आप भजन संहिता दी पुस्तक च बोल्दा ऐ: " प्रभु ने मेरे प्रभु गी बोल्यो, मेरे दाहिने बैठ, ⁴³ जदु तकर कि में तेरे बैरियों गी तेरे पैरे दे तले ना कर देया। " ⁴⁴ दाऊद ते उसी प्रभु बोल्दा ऐ: ते फेर ओह उस दी सन्तान किन्ना ठहरेया ? " ⁴⁵ जदु सारे लोक सुना दे ही, ते उन अपने चेलों गी बोल्यो, ⁴⁶ " शास्त्रियों कन्ने सावधान रहो, जिन्ने गी लम्बे लम्बे कपड़े पाए होए फिरना ठीक लगदा ऐ, और जिन्ने गी बाजारों च नमस्कार, और आराधनालयों च मुख्य आसन और भोज च मुख्य स्थान प्रिय लगदे नए। ⁴⁷ ओह विधवाओं दे कार खाई जानदे नए, और दिखाने दे लेई बड़ी देर तकर प्रार्थना करदे रेंदे नए: ए बड़ा ही दण्ड पान गए। "

21 फेर उन अख्ख चूकिए धनवानों गी अपना अपना दान भण्डार च डालदे दिखेया।² उन इक कंगाल विधवा गी भी उदे च दो दमड़ियाँ डालदे दिखेया।³ फेर उन बोल्यो, " में तुहे गी सच्च बोलना हां कि इस कंगाल विधवा ने सारे कोला ज्यादा पाया ऐ। ⁴ क्योंकि उन सारे ने अपनी अपनी कमाई बीचा दान च कुछ पाया ऐ, लेकन इन अपनी घटी बीचा अपनी सारी जीविका पाई दिती ऐ। "

⁵ जदु कुछ लोक मन्दिर दे विषय च बोला दे ही कि ओह किन्ना सुन्दर पत्थरों और भेंट दी वस्तुओं कन्ने सँवारा गया ऐ, ते उन बोल्यो, ⁶ " ओह दिन आन गए, जिन्दे च ए सारे जेड़े तोहे दिखदे हो, उन्दे च इत्थे किसे पत्थर उप्पर पत्थर भी नेई छोड़ग जेड़ा टाया ना जाग। "

⁷ उने उसी पूछेया, " हे गुरु, ए सब कोले होग ? और ए गल्ला जदु पूरी होने उप्पर होन गी, ते उस समय दा क्या चिन्ह होए गा ? " ⁸ उन बोल्यो, " सावधान रहो कि डरी नेई जायो, क्योंकि बड़े गे मेरे नाम कन्ने आईये बोलन गए, में ओही हां, ' और ए भी कि, ' समय कोल आई गया ऐ। ' तोहे उन्दे पीछे नेई चली जायो। ⁹ जदु तोहे लड़ाईयाँ और बलवों दी चर्चा सुनो ते घबरा नेई जायो, क्योंकि इन्दा पहले होना जरूरी ऐ, लेकन उस समय अन्त नेई होग।

¹⁰ ते उन बोल्यो, " जाति ते जाति और राज्य ते राज्य चढ़ाई करन गे। ¹¹ और जगह - जगह अकाल और महामारियाँ पोन गए और असमान च भयंकर गल्ला और बड़े - बड़े चिन्ह प्रकट होन गे। ¹² लेकन इन सारी गल्ला तो पैहले ओह मेरे नाम दे कारण तोहे गी फड़न गए, और सतान गए, और पंचायतों च सौपन गए, और बन्दीगृह च डलवान गए, और राजाओं और हाकिमों दे सामने ले जान गए। ¹³ लेकन ए तुन्दे लेई गवाही देने दा अवसर होई जाग। ¹⁴ इसलेई अपने अपने मन च टान रखो कि आह पैहले तो उत्तर देने दी चिन्ता नेई करगे। ¹⁵ क्योंकि में तोहे गी ऐसा बोल और बुद्धि देगा कि तुन्दे सारे विरोधी सामना या खण्डन नेई करी सकन गए। ¹⁶ तुन्दे माता - पिता, और भाई, और कुटुम्ब, और दोस्त भी तोहे गी फड़ान गए; इत्थू तकर कि तुन्दे बीचा कुछ लोक गी मरवाई ओड़न गए। ¹⁷ मेरे नाम दे कारण सारे लोक तुन्दे कन्ने बैर करन गए। ¹⁸ लेकन तुन्दे सिर दा इक बाल भी बाँका ना होग। ¹⁹ अपने धीरज कन्ने तोहे अपने प्राणों गी बचाई रखेयो।

²⁰ " जदु तोहे यरूशलेम गी सेनाओं च डिगेया होया दिखगे, ते जानी लेयो कि उस दा उजड़ जाना कोल ऐ। ²¹ फेर जो यहूदिया च होए ओह पहाड़ों च नसी जान; और जो यरूशलेम दे कोल होए ओह बाहर निकली जान; और जो गरा च होए ओह उदर नेई जान। ²² क्योंकि ए बदला लेने दे ऐसे दिन होन गए, जिन्दे च लिखी होई सारी गल्ला पूरी होई जाए गी। ²³ उन दिनों च जो गर्भवती और दूध पिलांदी होए गी, उन्दे लेई हाय, हाय ! क्योंकि देश च बड़ा क्लेश और इन लोक उप्पर बड़ा प्रकोप होए गा। ²⁴ ओह तलवार दे कौर होई जान गए, और सारे देशों दे लोक च बन्दी होईये पहुँचाए जान गए; और जदु तकर अन्य जातियों दा समय पूरा नेई होए, अदू तकर यरूशलेम अन्य जातियों च रौंदा जाएगा।

²⁵ " सूरज, और चाँद, और तारों च चिन्ह दिखाई देन गए; और पृथ्वी उप्पर देश - देश दे लोके गी संकट होए गा, क्योंकि ओह समुद्र दे गरजने और लहरों दे कोलाहल कन्ने कबराई जान गए। ²⁶ डर दे कारण और संसार उप्पर आनेआली घटनाओं दी बाट दिखदे - दिखदे लोके दे जी च जी ना रहेगा, क्योंकि आकाश दी शक्तियाँ हिलाई जान गी। ²⁷ फेर ओह मनुख दे पुत्तर गी सामर्थ्य और बड़ी महिमा दे कन्ने बादल उप्पर आंदे दिखन गए। ²⁸ जदु ए गल्ला होन लगगी, ते सीधे होईये अपने सिर ऊपर चूकना; क्योंकि तुन्दा छुटकारा कोल होग। "

²⁹ उन उनेगी इक दृष्टान्त भी बोल्यो: " अंजीर दे पेड़ और सारे पेड़ों गी दिखो। ³⁰ ज्योंही उन्दे च कोंपलें निकलदी ऐ, ते तोहे दिखिये आप ही जानी लेनदे हो कि ग्रीष्मकाल कोल ऐ। ³¹ इसी रीति कन्ने जदु तोहे ए गल्ला हाँदे दिखो, फेर जानी लेयो कि परमात्मा दा राज्य कोल ऐ। ³² में तोहे गी सच्च बोलना हां कि जदु तकर ए सारी गल्ला ना होई जाए, अदू तकर इस पीढ़ी दा कदे भी अन्त नेई होग। ³³ आकाश और पृथ्वी टली जान गी, लेकन मेरी गल्ला कदे भी नेई टलग।

³⁴ " इसलेई सावधान रहो, ऐसा ना होए कि तुन्दे मन खुमार, और मतवालेपन, और इस जीवन दी चिन्ताओं कन्ने सुस्त होई जाएँ, और ओह दिन तुन्दे उप्पर फन्दे दे समान अचानक आ पड़े। ³⁵ क्योंकि ओह सारी पृथ्वी दे सारे रहने आले उप्पर इसी प्रकार आई पोग। ³⁶ इसलेई जागदे रहो और हर समय प्रार्थना करदे रहो कि तोहे इन सारी आने आली घटनाओं कन्ने बचने और मनुख दे पुत्तर दे सामने खड़े होने दे योग्य बनो। "

³⁷ ओह दिन गी मन्दिर च उपदेश करदा हां, और रात गी बाहर जाईये जैतून नामक पहाड़ उप्पर रहा करदा ही; ³⁸ और सवेरे दे समय सारे लोक उस दी सुनने दे लेई मन्दिर च उस दे कोल आया करदे ही।

22 अखमीरी रुट्टी दा पर्व जेड़ा फसह कहलान्दा ऐ, कोल ही; ² और प्रधान याजक और शास्त्री इस गल्ल दी खोज च ही कि उसी किन्ना मारिये, लेकन ओह लोके कोला उरदे ही।

³ फेर शैतान यहूदा च समाया, जेड़ा इस्करियोती कहलान्दा और बारह चेलों च गिनेया जान्दा ऐ। ⁴ उन जाईये प्रधान याजकों और पहरुओं दे सरदारों दे कन्ने बातचीत किती कि उसी किस प्रकार उन्दे हाथ पकड़वाईये। ⁵ ओह खुश होए, और उसी रूपये देने दा वचन दिता। ⁶ उन ए गल्ल मनी लेई, और अवसर तुपने लग्गा कि जदु भीड़ नेई होग ते उसी उन्दे हाथ फड़ाई ओड़ गए।

⁷ फेर अखमीरी रुट्टी दे पर्व दा दिन आया, जिस दे बीच फसह दा मेम्ना बलि देना जरूरी ही। ⁸ यीशु ने पतरस और यूहन्ना गी ए बोलिए भेजेया: " जाईये साड़े खाने दे लेई फसह तैयार करो। ⁹ उने उसी पूछेया, " तू कुत्थे चाना ऐ कि आह इसी तैयार करिये ? " ¹⁰ उन उनेगी बोल्यो, " दिखो, नगर च प्रवेश करदे ही इक मनुख जल दा कड़ा चुकेया होया तोहे गी मिलग; जिस कार च ओह जाए तोहे उदे पीछे चली जाएयो, ¹¹ और उस कार दे स्वामी गी बोलेयो: ' गुरु तुगी बोल्दा ऐ कि ओह पाहुनशाला कुत्थे ऐ जिनदे च में अपने चेलों दे कन्ने फसह खावा ? ' ¹² ओह तोहे गी इक सजी - सजाई बड़ी अटारी दिखाई ओड़ग; उत्थे तैयार करेयो। ¹³ उने जाईये, जिन्ना उन उनेगी बोल्यो ही, इन्ना ही पाया और फसह तैयार किता।

¹⁴ जदु ओह समय आई पूजेया, ते ओह प्रेरितों दे कन्ने भोजन करने बैठेया। ¹⁵ और उन उनेगी बोल्यो, " मिगी बड़ी लालसा ही कि दुःख पोगने कन्ने पैहले ए फसह तुन्दे कन्ने खावा। ¹⁶ क्योंकि में तोहे गी बोलना हां जदु तकर ओह परमात्मा दे राज्य च पूरा ना होए अदू तकर में उसी कदे भी नेई खागा। " ¹⁷ फेर उन कटोरा लेईये धन्यवाद किता और बोल्यो, " इस गी लेयो और आपस च बंडी लो। ¹⁸ क्योंकि में तोहे गी बोलना हां कि जदु तकर परमात्मा दा राज्य ना आए हुन तकर में दाख दा रस हुन ता कदे भी ना पिना ऐ। " ¹⁹ फेर उन रुट्टी लेई, और धन्यवाद करिये तोड़ी, और उनेगी ए बोलदे होए दिती, " ए मेरी देह ऐ जो तुन्दे लेई दी जन्दी ऐ: मेरे स्मरण दे लेई ऐही करेया करो। " ²⁰ इसी रीति कन्ने उन भोजन दे बाद कटोरा भी ए बोलदे होए दिता, " ए कटोरा मेरे उस लहू च जेड़ा तुन्दे लेई बहाया जान्दा ऐ नई वाचा ऐ। ²¹ ते दिखो, मेरा फड़ाने आले दा हाथ मेरे मेज ते ऐ। ²² क्योंकि मनुख दा पुत्तर जिया उदे लेई निश्चित किता गया ऐ, पर उस मनुख ते जिदे द्वारा ओह

फड़ाया जानदा ऐ! " 23 ते ओह आपस च पूछताश करन लगी पेए कि साड़े च कोन ऐ, जेड़ा ए काम करग।

24 उन्दे बिचा ए विवाद होन लगी पेया कि उन्दे बिचा कोन बड़ा समझया जानदा ऐ। 25 उन उनेगी बोल्या, " अन्यजातियो दे राजा उन्दे उप्पर राज करदे ऐ, और उन्दे उप्पर अधिकार रखदे ऐ, ओह ' उपकारक कहलानदे नए। 26 लेकन तुन्दे च इस तरह नेई हो। ओह जेड़ा तुन्दे बिच बड्डा होना चाहे, ओह छोट अंग्र और जेड़ा प्रधान ऐ, ओह सेवक दे समान बने। 27 क्योकि बड्डा कोन ऐ, ओह जेड़ा ते बैठया, या ओह जेड़ा भोजन परोसता ऐ? कया ओह नेई जेड़ा भोजन करन लेई बैठया ऐ? लेकन में तुन्दे बिचा सेवक दे समान हां।

28 " तोहे ओह हो जेड़े मेरी परीक्षाओं च लगातार मेरे कन्ने रहे; 29 और जी जिन्ना मेरे पिता ने मिगी राज्य दिता ऐ, इन्ना गए में भी तोहेगी राज्य दिना हां, 30 कि तोहे मेरे राज्य च मेरी मेज ते खाओ और पीओ और न्याय - आसन ते बैठीए इस्त्राएल दे बारह गोत्रो दा न्याय करो।

31 " शमौन, हे शमौन! देख, शैतान ने तोहे लोके गी गेहूँ दे समान फटके दे लेई आज्ञा मंगी लेई ऐ, 32 लेकन में तेरे लेई प्रार्थना किती कि तेरा विश्वास चली ना जाए; और जदु तू फिरे, ते अपने पराए गी स्थिर करेया। " 33 उन उनेगी बोल्या, " हे प्रभु, में तेरे कन्ने बन्दीगह जाने, वरन् मरने गी भी तैयार हां। " 34 उन बोल्या, " हे पतरस, में तुगी बोलना हां कि आज मुर्गा बाँग देग जदु तकर तू तीन बार मेरा इनकार ना करी लेगा कि तू मिगी नेई जानदा।

35 फेर उन उनेगी बोल्या, " जदु में तोहे गी बटुए, और झोली, और जूते बगैर भेजया ही, ते के तोहेगी किसी चीज दी घटी होई ही? " उन बोल्या, " किसी चीज दी नेई। " 36 उन उनेगी बोल्या, " लेकन हुन जिस दे कोल बटुआ होए ओह उसी ले और इन्ना ही झोली भी, और जिस दे कोल तलवार ना हो ओह अपने कपड़े बेचिए इक मोल लेई लेन। 37 क्योकि में तोहे गी बोलना हां, कि ए जो लिखेया ऐ: ' ओह अपराधियों दे कन्ने गिना गया, ' उस दा मेरे च पूरा होना जरूरी ऐ: क्योकि मेरे विषय च लिखी गल्ला पूरी होने उप्पर ऐ। " 38 उन बोल्या, " हे प्रभु, देख, इत्थे दो तलवारें ऐ। " उन उनेगी बोल्या, " बड़े नए। "

39 फेर ओह बाहर निकलिये अपनी रीति दे अनुसार जैतून दे पहाड़ उप्पर गया, और चले उस दे पीछे होई गए। 40 उस जगह पूजिए उन उनेगी बोल्या, " प्रार्थना करो कि तोहे परेशानी च नेई पड़ो। " 41 और ओह उन्दे कोला अलग लगभग पत्थर फेंकने दी दूरी तक गया और घुटने टेकिये प्रार्थना करन लग्गा, 42 " हे पिता, यदि तू चाहे ते इस प्याले गी मेरे कोला हटाई ले; फेर भी मेरी इच्छा नेई, लेकन तेरी इच्छा पूरी होए। 43 उसले स्वर्ग च इक दूत उसी लबेया जेड़ा उसी सामर्थ्य दिन्दा ही। 44 यीशु व्याकुल होईये और भी हार्दिक वेदना च प्रार्थना करन लग्गा, और उस दा पसीना मनो लहू दी बड़ी - बड़ी बूंदों दे समान जमीन उप्पर डिगा दे ही। 45 जदु ओह प्रार्थना करिये उठेया और अपने चेलों दे कोल आया ते उन दिखेया कि ओह उदासी दे मारे सोआ दे ही। 46 उन उनेगी बोल्या, " कयाँ सोआ दे हो? उठो, प्रार्थना करो कि तोहे परेशानी च नेई पड़ो।

47 जदु कि ओह गल्ला कर ही रहा हां कि इक भीड़ आई, और उन बारहों बीचा इक जिस दा नाम यहूदा ही उन्दे अग्गे - अग्गे आवा दा ही। ओह यीशु दे कोल आया कि उदा चूमा लेया। 48 यीशु ने उसी बोल्या, " हे यहूदा, कया तू मनुख दे पुत्तर गी चूमिए तोखे कन्ने पकड़वा दा ऐ? " 49 उस दे दोस्ते ने जदु दिखेया कि के होने आला ऐ, ते उने बोल्या, " हे प्रभु, कया आहे तलवार चलाईये? " 50 उन्दे बीचा किसे इक ने महायाजक दे दास उप्पर तलवार चलाईये उदा दाहिना कान कटी ओड़ेया। 51 लेकन यीशु ने बोल्या, " ठहरो, ऐसा ना करो! " उन उदा कान छुईये ठीक करी ओड़ेया। 52 यीशु ने मुख्य याजकों और मन्दिर दे अधिकारियों तथा प्राचीनों गी जो उस दे विरुध्द उठिये आए ही, बोल्या, " कया तोहे तलवार और डंडे लेईये किसे डाकु गी फड़ने आए हो? 53 जदु में प्रतिदिन मन्दिर च तुन्दे कन्ने रेया ते तोहे मेरे उप्पर हाथ नेई पाया, लेकन ए कड़ी और अन्धकार दा अधिकार तुन्दा ऐ। "

54 ओह उसी बन्दी बनाईये लेई गए और महायाजक दे कार लेई आए; परैन्त पतरस दूर ही दूर उदे पीछे चलिए आ दा ही। 55 और जदु ओह आँगन च अग जलाईये कठे बैठे, ते पतरस भी उन्दे बीच बैठी गया। 56 उसले इक

दासी उसी अग दे उजियाले च बैठे दिखिये और उदी ओर तकिये बोलन लगी, " ए भी ते उदे कन्ने ही। " 57 परैन्त उन ए बोलिए इन्कार किता, " हे नारी, में उसी नेई जानदा। " 58 थोड़ी देर बाद किसे और ने उसी दिखिये बोल्या, " तू भी ते उन्दे बीचा इक ऐ। " पतरस ने बोल्या, " हे मनुख, में नेई हां। " 59 लगभग इक घंटा बीती जाने दे बाद इक और मनुख जोर देईये बोलन लग्गा, " पका ए भी ते उदे कन्ने ही, क्योकि ए गलील ऐ। " 60 पतरस ने बोल्या, " हे मनुख, में नेई जानदा कि तू के बोला दा ऐ! " ओह बोला दा ही कि तुरन्त मुर्गे ने बांग दिती। 61 फेर यीशु ने फिरिए पतरस दी ओर दिखेया, और पतरस गी प्रभु दी ओह गल्ल याद आई जेड़ी उन बोली ही: आज मुर्गे दे बांग देने दे पैहले, तू तीन बार मेरा इन्कार करगा। " 62 और ओह बाहर निकलिये फूट - फूट करिये रोया।

63 जेड़े मनुख यीशु गी फड़े दे ही, ओह उसी ठड्डो च उड़ाईये पिटन लग्गे; 64 और उदी अरुखा बनिये उसी पूछन लग्गे, " भविष्यवाणी करिये बोल कि तुगी कुने मारेया! " 65 और उन बड़ी गे और भी निन्दा दी गल्ला उदे विरोध च बोली।

66 जदु दिन होया ते लोके दे प्राचीनों दी महासभा बुलाई गई जिन्दे च मुख्य याजक और शास्त्री भी ही और ओह उसी महासभा च ए बोलदे होए लेई गए: 67 यदि तू मसीह ऐ ते सानु दास। " लेकन उन उनेगी बोल्या, " यदि में बोला, फेर भी तोहे विश्वास नेई करना, 68 और यदि में प्रश्न पूछा ते तोहे उत्तर नेई देगे। 69 परैन्त हुन ता मनुख दा पुत्तर परमात्मा दी सत्ता दी दाहिनी ओर बैठाया जाग। " 70 फेर सारे पूछेया, " ते कया तू परमात्मा दा पुत्तर ऐ? " उन बोल्या, हां, में हां। " 71 उने बोल्या, " हुन सानु अग्गे साक्षी दी के जरूरत ऐ? क्योकि आहे स्वयं उदे मुहं तो सुनी लेया।

23 फेर सारी सभा उठिये उसी पिलातुस दे कोल लेई गई। 2 ओह ए बोलिए उदे उप्पर दोष लगान लग्गे: " आहे ते इसी लोके गी बहकांदे, और कैसर गी कर देने वासते मना करदे, और अपने आप गी मसीह, राजा बोलदे होए सुनेया ऐ। " 3 पिलातुस ने उसी पूछेया, " कया तू यहूदियों दा राजा ऐ? " उन उसी उत्तर दिता, " तू आपे ही बोला दा ऐ। " 4 फेर पिलातुस ने प्रधान याजकों और लोके गी बोल्या, " में इस मनुख च कोई दोष नेई लगान्दा। " 5 लेकन ओह ए बोलिए दबाव डालदे रहे कि ओह गलील ता लेईये समस्त यहूदिया च शिक्षा देई देईये लोके गी भड़कांदा ऐ, इत्थे तकर कि इस जगह च भी। 6 जदु पिलातुस ने ए सुनेया ते पूछेया कि कया ए मनुख गलील ऐ? 7 और ए जानिए कि ओह हेरोदेस दी रियासत दा ऐ, उसी हेरोदेस दे कोल पेजी दिता, क्योकि उन दिनों च ओह भी यरुशलम च ही।

8 हेरोदेस यीशु गी दिखिए बड़ा ही खुश होया, क्योकि ओह बड़े दिनों च उसी दिखना चान्दा ही; इसलेई कि उदे बारे सुनेया हां, और उदे कोला कुछ चिन्ह दिखने दी आशा रखवा ही। 9 ओह उदे कोला बड़ी गे गल्ला पूछवा रेहा, लेकन उन उसी कुछ भी उत्तर नेई दिता। 10 प्रधान याजक और शास्त्री खड़े होए तन मन कन्ने उदे उप्पर दोष लगांदे रहे। 11 फेर हेरोदेस ने अपने सिपाहियों दे कन्ने उदा अपमान करिये ठड्डो च उड़ाया, और भड़कीला कपड़े पहिनाईये उसी पिलातुस दे कोल पेजी ओड़ेया। 12 उसी दिन पिलातुस और हेरोदेस दोस्त होई गए; इदे पैहले ओह इक दुए कन्ने बैर करदे ही।

13 पिलातुस ने प्रधान याजकों और शासकों और लोके गी बुलाया उनेगी बोल्या, 14 " तोहे इस मनुख गी लोके दा बहकाने आला ठहराईये मेरे कोल लेई आए हो, और दिखो, में तुन्दे सामने उदी जाँच किती, लेकन जिन्ने गल्ले दा तोहे उदे उप्पर दोष लगा दे हो उन गल्ले दे बारे च में ते उदे बीच कुछ दोष नेई पाया ऐ; 15 ना हेरोदेस ने, क्योकि उन उसी साड़े कोल पेजी ओड़ेया ऐ: और दिखो, उदे कोला ऐसा कुछ नेई होया कि ओह मृत्यु दे दण्ड दे योग्य ठहराया जाए। 16 इसलेई में उसी मरवाईये छोड़ी देगा। " 17 [पिलातुस पर्व दे समय उन्दे लेई इक बन्दी गी छोड़ने उप्पर विवश ही] 18 फेर सारे मिलिए चिल्लान लग्गे, " इदा काम तमाम कर, और साड़े लेई बरअब्बा गी छोड़ी देयो ! " 19 ओह किसे बलवे दे कारण जो नगर च होया हां - 20 लेकन पिलातुस ने यीशु गी छोड़ने दी इच्छा कन्ने लोके गी फेर समझाया, 21 परैन्त उने चिल्लाईये बोल्या, " उसी क्रूस उप्पर चढ़ा, क्रूस उप्पर ! " 22 उन तीसरी बार उनेगी बोल्या, " कयाँ, उन केरी बुराई किती ऐ? में ते उदे च मृत्यु दे दण्ड दे योग्य कोई गल्ल नेई पाई। इसलेई में उसी मरवाईये छोड़ी देगा। " 23 लेकन ओह

चिल्लाई - चिल्लाईये पीछे पेई गए कि ओह क्रूस उप्पर चढ़ाया जाए, और उन्दा चिल्लाना प्रबल होया।²⁴ आखिर च पिलातुस ने आज्ञा दिती कि उन्दी विनती दे अनुसार किता जाए।²⁵ उन उस मनुख गी जो बलवे और हत्या दे कारण बन्दीगृह च पाया गया ही, और जिसी ओह मंगदे ही, छोड़ दिता; और यीशु गी उन्दी इच्छा दे अनुसार सौंपी दिता।

²⁶ जदु ओह उसी लेई गए ते उने गरा दी ओर ता आंदे होए शमौन नामक इक कुरेनी गी फड़ेया और क्रूस उदे कंधे उप्पर रखेया कि ओह यीशु दे पीछे - पीछे लेई चले।

²⁷ लोके दी बड़ी भीड़ उदे पीछे होई गई और उन्दे च बड़ी स्त्रियाँ भी ही जो उदे लेई छाती पीटदी और विलाप करदी ही।²⁸ यीशु ने उन्दी ओर मुड़िये बोल्या, " हे यरूशलेम दी पुत्रियो, मेरे लेई नेई रोओ; परैन्त अपने और अपने बालकों दे लेई रोओ।²⁹ क्योंकि दिखो, ओह दिन आंदे नए, जिन्दे च लोक बोलन गए, ' धन्य ए ओह जो बाँझ ऐ और ओह गर्भ जो ना जने और ओह स्तन जिन्ने दूध नेई पिलाया।³⁰ उस समय ' ओह पहाड़े गी बोलन लगन गए कि साड़े उप्पर डिगो, और टीलों गी कि सानु डकी लो।'³¹ क्योंकि जदु ओह हरे पेड़ दे कन्ने ऐसा करदे नए, ते सूखे दे कन्ने के कुछ नेई किता जाग ? "

³² ओह अन्य दो मनुखे गी भी जो कुकर्मी ही उदे कन्ने घात करने गी लेई चले।

³³ जदु ओह उस जगह जिसी खोपड़ी बोलदे नए पहुँचे, ते उने उत्थे उसी और उन कुकर्मियों गी भी, इक गी दाहिनी और दुसरे गी बाई ओर क्रूसों उप्पर चढ़ाया।³⁴ फेर यीशु ने बोल्या, " हे पिता, इन्ने गी क्षमा कर, क्योंकि ए जानदे नेई कि के करा दे नए। " और उने चिडियाँ पाईये उदे कपड़े बन्दी ले।

³⁵ लोक खड़े होईये दिखा दे ही, इत्थे तकर कि अधिकारी भी ए बोलिए उसी ताना मारा दे ही: " इन अन्य लोके गी बचाया; यदि ए परमात्मा दा मसीह मतबल उदा चुनेया होया ऐ, ते अपने आप गी बचाए। " ³⁶ सैनिक भी उदे कोल आईये मजाक करने और सिरका पिलाईये ³⁷ बोलन लगे, " यदि तू यहूदियों दा राजा ऐ ते अपने आप गी बचा। " ³⁸ और उदे ऊपर ए दोष - पत्र भी लगेया ही: " ए यहूदियों दा राजा ऐ। "

³⁹ जेड़े उत्थे लटकाए गए ही उन्दे बीचा इक अपराधी ए बोलिए उदी निन्दा कर रेहा ही: " क्या तू मसीह नेई ? अपने आप गी और सानु बचा ! " ⁴⁰ लेकन दुसरे ने उसी डाटिये बोल्या, " क्या तू परमात्मा तो भी नेई डरदा ? तू भी ते ओही दण्ड पा दा ऐ, ⁴¹ और आहे ते न्यायनुसार दण्ड पा रहे ऐ, क्योंकि आहे अपने कमे दा ठीक फल पा दे ऐ; लेकन इन कोई अनुचित काम नेई किता। " ⁴² फेर उन बोल्या, " हे यीशु, जदु तू अपने राज्य च आए, ते मेरी भी सुधि लेया। " ⁴³ उन उनेगी बोल्या, " में तुगी सच्च बोलना कि आज ही तू मेरे कन्ने स्वर्गलोक च होगा। "

⁴⁴ लगभग दो पहर ता तीसरे पहर तकर सारे देश च अन्धकार छाया रेहा, ⁴⁵ और सूर्य दा उजियाला जन्दा रेहा, और मन्दिर दा परदा बीचा फटी गया, ⁴⁶ और यीशु ने बड़े शब्द कन्ने पुकारिए बोल्या, " हे पिता, में अपनी आत्मा तेरे हथ्थे च सौंपदा हां। " ⁴⁷ सूबेदार ने, जो कुछ होया ही दिखिये परमात्मा दी बड़ाई किती, और बोल्या, " पका ए मनुख धर्मी ऐ। " ⁴⁸ और लोक जो ए दिखने गी कठे होए ही, इस घटना गी दिखिये छाती पीटदे होए चली गई। ⁴⁹ लेकन उदे सारे जान पहचान, और जो स्त्रियाँ गलील ता उदे कन्ने आई ही, दूर खड़ी होई ए सब दिखा दी ही।

⁵⁰ उत्थे यूसुफ नाम दा महासभा दा इक सदस्य ही जो सज्जन और धर्मी मनुख ही ⁵¹ और उन्दी योजना और उन्दे इस काम कन्ने खुश ना ही। ओह यहूदियों दे नगर अरिमतिया दा रहनेआला और परमात्मा दे राज्य दी बाट जोहनेआला ही। ⁵² उन पिलातुस दे कोल जाईये यीशु दा शव मगेया; ⁵³ और उसी उतारिये मलमल दी चादर च लपेटया, और इक कन्न च रखेया, जो तरती च खुदाई किती दी ही; और उन्दे च कोई कदे भी नेई रखेया गया ही। ⁵⁴ ओह तैयारी दा दिन ही, और सब्त दा दिन आरम्भ होने उप्पर ही। ⁵⁵ उन स्त्रियाँ ने जो उदे कन्ने गलील च आई ही, पीछे पीछे जाईये उस कन्न गी दिखेया, और ए भी कि उदा शव किस रीति कन्ने रखेया गया ऐ। ⁵⁶ फेर उन जाईये सुगन्धित मसाले और इत्र तैयार किता; और सब्त दे दिन उने आज्ञा दे अनुसार विश्राम किता

24 परैन्त सप्ताह दे पैहले दिन पौ फटदे ही ओह स्त्रियाँ उन सुगन्धित मसालों गी लेईये जो उने तैयार किते ही, कन्न उप्पर आई। ² उन पत्थर गी कन्न उप्पर ता लटकेया होया दिखेया। ³ लेकन कोल जाईये प्रभु यीशु दा शव नेई दिखेया। ⁴ जदु ओह इस गल्ल कन्ने हैरान होई ते दिखो, दो मनुख झलकदे कपड़े पाईए उन्दे कोल आए खड़े होई गए। ⁵ जदु ओह स्त्रियाँ डरिये गई और जमीन आल मुहं झकाईए दी ही ते उने उनेगी बोलया, "तोहे जिन्दे गी मरे बिच क्यों तुपदी हो? ⁶ ओह इत्थे नेई, लेकन जी उठया ऐ। याद करो कि उन गलील च रहंदे होए तुन्दे कन्ने के बोलया ही, ⁷ जरूरी ऐ कि मनुख दा पुत्तर पापियों दे हथो फड़ाया जाग, और क्रूस ते चड़ाया जाग, और तीजे दिन जी उठग। " ⁸ ते उनेगी उदिया गल्ला याद आईया। ⁹ और कन्न तो लोटिये ए गल्ला ग्यारहो चेलों गी, और बाकी सारे गी, ए गल्ला सनाई ओडिया। ¹⁰ जिन्ने ए गल्ला प्रेरितों गी बोलया ओह मरियम मगदलीनी, योअन्न, और याकूब दी माता मरियम और कुछ और स्त्रियाँ ही। ¹¹ लेकन उनेगी ए गल्ला कहानीया लगी, और उने उन्दा विश्वास नेई किता। ¹² ते पतरस उठिए और दौड़िये कन्न ते गया, और जदु अंदर गया ते उसी सिर्फ कपड़े गे मिले, और इस घटना तो हैरान होया ओह अपने कार वापिस आई गया।

¹³ उसे दिन उन्दे च दो मनुख एम्माऊस ना दे गरा गी जावा करदे ही जेड़ा यरूशलेम तो सात मील दी दूरी ते ही। ¹⁴ ओह इन सारी घटनाओ दे बारे च गल्ला करा दे हे। ¹⁵ और जदु ओह आपस च गल्ल बात और पूछताछ करा दे हे, ते यीशु आपु उत्थे आईए उन्दे कन्ने चलन लगगी पे। ¹⁶ लेकन उसी आँखे ऐही बन्द करी ओही ही, कि उसी पहिचान नेई सके। ¹⁷ उन उनेगी बोलया, " ए केडी गल्ला ऐ " जेड़ी तोहे चलदे-चलदे आपस च करदे हो ? " ओह उदास कन्ने खड़े रह गए। ¹⁸ ए सुनिए उन्दे बीचा क्लियोपास नामक इक मनुख ने बोल्या, " क्या तू यरूशलेम च अकेला परदेशी ऐ, जेड़ा नेई जान्दा कि इन दिनों च उदे च के के होया ऐ ? " ¹⁹ उस उनेगी पुछेया, " केरी गे गल्ला ? " उने उसी बोल्या, " यीशु नासरी दे बारे च जेड़ा परमात्मा और सारे लोके दे कोल काम और वचन च सामर्थी नबी ही, ²⁰ और प्रधान याजकों और साड़े सरदारों ने उसी फड़ाई ओड़ेया कि उदे उप्पर मौत दी आज्ञा दिती जाए; और उसी क्रूस उप्पर चढ़ाया जाए। ²¹ लेकन सानु आशा ही कि ऐही इस्त्राएल गी छुटकारा देग। इन सारी गल्ले दे सिवाय इस घटना गी होए तीसरा दिन ऐ, ²² और साड़े बीचा कई स्त्रियों ने भी सानु परेशानी च पाई ओड़ेया, जेड़ी सवेर गी कन्न उप्पर गई ही; ²³ और जदु उदी लाश नेई मिली ते ए बोल्दी होई आई कि आहे स्वर्गदूते दा दर्शन पाया, जिन्ने बोल्या कि ओह जिन्दा ऐ। ²⁴ फेर साड़े दोस्ते बीचा कई इक कन्न उप्पर गए, और जिन्ना स्त्रियाँ ने बोल्या हां इन्ना ही पाया; लेकन उसी नेई दिखेया। " ²⁵ फेर उन उनेगी बोल्या, " हे निर्बुद्धियो, और नबियों दी सारी गल्ले उप्पर विश्वास करने च मतिमन्द लोको ! ²⁶ क्या मसीह दे लेई ए जरूरी नेई ही कि ए सब दुख उठाए और अपनी महिमा च प्रवेश करे ? " ²⁷ फेर उन मूसा गी और सारे नबियों कन्ने शुरू करिये सारे पवित्रशास्त्र बीचा अपने बारे च लिखी गल्ले दा मतलब, उनेगी समझाई ओड़ेया।

²⁸ इन्ने च ओह उस गरा दे कोल पूजे जित्थे ओह जा दे ही, और उदे चलने कन्ने ऐसा जानेया कि ओह अग्गे बढ़ना चान्दा ऐ। ²⁹ लेकन उने ए बोलिए उसी रोकेया, " साड़े कन्ने रह, क्योंकि रात होई चली ऐ और दिन हुन बड़ा टली गया ऐ। " फेर ओह उन्दे कन्ने रहने दे लेई कोल गया। ³⁰ जदु ओह उन्दे कन्ने रुट्टी खान बैठेया, ते उन रुट्टी लेईये धन्यवाद किता और उसी तोड़िए उनेगी देने लगा। ³¹ फेर उन्दी अख्खा खोली गई; और उने उसी पहचानी लेया, और ओह उन्दी अख्खे च छिपी गया। ³² उने आपस च बोल्या, " जदु ओह रस्ते च साड़े कन्ने गल्ला करदा हां और पवित्रशास्त्र दा मतलब सानु समझाना ही, ते क्या सानु मन च उत्तेजना ना पैदा होई ? " ³³ ओह उसी कड़ी उठिए यरूशलेम गी चली गए, और उन ग्यारहों और उन्दे दोस्तों गी कठा पाया। ³⁴ ओह बोलदे ही, " प्रभु सचमुच जी उठेया ऐ, और शमौन गी दिखाई लबेया ऐ। " ³⁵ फेर उने रस्ते दी गल्ला उनेगी दसी ओड़ी और ए भी कि उने उसी रुट्टी तोड़दे समय किन्ना पहचानेया।

³⁶ ओह ए गल्ला बोल ही रहे ही कि ओह आपे ही उन्दे बीच आई खलोता, और उनेगी बोल्या, " तोहे गी शान्ति मिले। " ³⁷ लेकन ओह कबराई गए और डरी गए, और समझे कि आहे किसे पूत गी दिखा दे हां। ³⁸ उन उनेगी

बोल्या, “ केली कबरा दे हो ? और तुन्दे मन च केली गल्ला उठा दी ऐ ? ³⁹ मेरे हाथ और मेरे पैर गी दिखो कि ओही हां। मिगी छुईये दिखो, क्योंकि आत्मा दे हड्डी मॉस नेई होंदा जिन्ना मेरे च दिखा दे हो। ”

⁴⁰ ए बोलिए उन उनेगी अपने हाथ पैर दसे। ⁴¹ जदू खुशी दे मारे उनेगी प्रतीति ना होई, और ओह हेरान करदे ही, ते उन उनेगी पुछेया, “ क्या इत्थे तुन्दे कोल कुछ भोजन ऐ ? ” ⁴² उने उसी भुनी होई मछली दा टुकड़ा दिता। ⁴³ उन लेई ये उन्दे सामने खादा। ⁴⁴ फेर उन उनेगी बोल्या, “ ए मेरी ओह गल्ला नए, जो में तुन्दे कन्ने रेंदे होए तोहे गी बोली ही कि जरूर ऐ कि जिन्नी गल्ला मूसा दी व्यवस्था और नबियों और गीते दी किताबे च मेरे बारे च लिखी ऐ, सारी पूरी होए। ”

⁴⁵ फेर उन पवित्रशास्त्र बूझने दे लेई उन्दी समझ खोली दिती, ⁴⁶ और उनेगी बोल्या, “ क्यों लिखेया ऐ मसीह दुःख उठाग, और तीसरे दिन मरे

होए बीचा जी उठग, ⁴⁷ और यरूशलेम ता लेईये सारी जातियों बीचा मन फिराव दा और पापे दी क्षमा दा प्रचार, उसी दे नाम च किता जाग। ⁴⁸ तोहे इन सारी गल्ले दे गवाह हो। ⁴⁹ और दिखो, जिदी प्रतिज्ञा मेरे पिता ने किती ऐ, में उसी तुन्दे उप्पर उतारगा और जदू तकर स्वर्ग च सामर्थ्य ना पागे, अदू तकर तोहे इसी नगर च ठहरे रहो। ”

⁵⁰ फेर ओह उनेगी बैतनिय्याह तकर बाहर लेई गया; और अपने हाथ चूकिए उनेगी आशीष दिती; ⁵¹ और उनेगी आशीष दिंदे होए ओह उन्दे कोला अलग होई गया और स्वर्ग उप्पर उठाई लेया गया। ⁵² फेर ओह उसी सजा देईये बडे खुशी कन्ने यरूशलेम गी चली गया; ⁵³ और ओह लगातार मन्दिर च हाजिर होईये परमात्मा दी स्तुति किया करदे ही।

युहन्ना

1 सारें कोलां पैले वचन हा ते वचन परमातमे दे कन्ने हा ते बचन परमातमा था। 2 इय्ये आदि च परमातमा दे कन्ने हा। 3 साब किश ओदे द्वारा गै पैदा होया, ते जे किश पैदा होया ऐ इस दे बीचा कोई भी चीज उस दे बगैर पैदा नई होई। 4 उस दे बीच जीवन हा ओह जीवन मनुखें दी लो ही। 5 लो न्हरे च चमकदी ऐ, पर न्हरे ने उसी कबूल (ग्रहण) नई किता।

6 इक मनुख परमातमा कोलां हाजर होया जिस दा ना यूहन्ना हा। 7 ओह गुआही देने गी आया के लो दी गुआही दिय्ये, तां जे, सब उस दे द्वारा विश्वास गी लेई हॉन। 8 ओह आपू ते, ओह लो नई हा, पर ओह लो दी गुआही देने गी आहदा हा

9 सच्ची लो जेहड़ी सारे मानुएँ गी प्रकाश मान करदी ऐ, दुनियां च आने आह्नी ही। 10 ओह संसार च हा, ते दुनियां ओहदे द्वारा गै पैदा होई, ते दुनियां ने उसी नई पनछानया। 11 ओह अपने घर आया ते उस दे अपनै उसी कबूल नई किता। 12 मगर जेहस जेहस उसी कबूल किता, ओहस ने उन्हे परमातमा दा टब्बर होने दा हक्क दीता, अर्थात् उन्हेगी जेहडे उस दे नां पर विश्वास रखदे न 13 ओह ना खूने कन्ने, नांहे गे जिंदु (शरीर) दी मर्जी कन्ने, नांहे गे मानुए दी मर्जी कन्ने, मगर परमातमा कोलां पैदा होए न।

14 ते वचन देहधारी होया; ते अनुग्रह ते सच्चाई कन्ने परिपूर्ण होइये साडे बीच डेरा किता, ते अस्सैं ओहस दी ऐसी मेह्ना दिखी, जियां पिता दे इकलोते दी मेह्ना। 15 यूहन्ने ओहदे बारे च गुआई दिती, ते पुकारीये अखेया, "एह उए ऐ, जेहस दा मैं बर्णन कीता के जेहडा मेरे कोलां बाद आह करदा, ओह मेरे कोलां बाहद ए की वे ओह मेरे कोलां पैलें दा ए"। 16 की वे उस दी परिपूर्णता बीचा अस्सैं सारें जन्ने प्राप्त किता अर्थात् अनुग्रह पर अनुग्रह। 17 इसे आहस्ते कि व्यवस्था मूसा दे द्वारा दिति गेदी ही, लेकन अनुग्रह ते सच्चाई येशु मसीह दे द्वारा पुज्जी। 18 परमातमा गी कुस्सैं नै कदैं नी दिखया, इकलोता पुत्तर जेडा पिता दी गोदी च ऐ, ओहस ने गै उसी प्रगट किता।

19 यूहन्ना दी गुआई एह ही, के जदूं यहूदियें यरूशलेम बीचा याजके ते लेवियें गी ओदे कोल एह पूछनै आस्तै भेजे, "तू कुन्न ऐ?" 20 ओहस बेलै ओहस ने एह मनी लेता ते मना नई किता, लेकन मनी लेता, "आऊं मसीह नैइयें।" 21 उसलै उन्हे उसी पूछया, "ते फिरी कुन्न ऐ? केह तू एलियाहा ऐ?" ओहस अखेया, "आऊं नैइयें।" "ते केह तू ओह भविष्यवक्ता ऐ?" ओह जवाब दीता, "नैई।" 22 इसदे बाद उन्हे उसी पूछया, "ते फिरी तू कुन्न ऐ? तां जे आहस अपने भेजने आह्ने गी जवाब देचै। तू अपने बारे च केह गलाना?" 23 ओहस गलाया, "जिय्यां यशायाह भविष्यवक्ता ने गलाया ऐ: 'आऊं जंगलै च इक पुकारने आह्ने दा इक शब्दें केह तुस प्रभु दा रस्ता सीद्धा करो।'"

24 ओह फरिसियें कोलां भेजे गेदे हे। 25 उन्हे उसी एह सवाल पूछया, "जे तू ना मसीह ऐ, ते ना एलियाहा, ते ना गे ओह भविष्यवक्ता ऐ, ते फिरी बपतिस्मा (जल संस्कार) कै दीना ओह्ना?" 26 यूहन्ना ने उन्हे गी जवाब दीता, "आऊं ते पानीयें कन्ने बपतिस्मा (जल संस्कार) देह करना, लेकन तुन्दे बीच इक ऐसा मनुख खलोते दा ए जीसी तुस नई जानदे। 27 अर्थात् मेरे कोलां बाहद आह्ने आह्ना ऐ, जेहस दी नौक (जूती) दी रस्सी खोलने दे आऊं काबल नैइयें।" 28 एह गलां यरदन दे पारली बक्खी बैतनिय्याह च होइयां, जित्थें यूहन्ना बपतिस्मा दीदा हा।

29 दूए दिन ओह्ने येशु गी अपनी बक्खी ओह्दै दिखियें अखेया, "दिखो, एह परमातमे दा मेमना ऐ जेहडा दुनियां दा पाप चूकी लेई जाहदा। 30 एह उए जेहस दे बारे च मैं अखेया हा, 'इक मनुख मेरै पीछें आवा करदा जेहडा मेरे कोलां श्रेष्ठ ऐ, की वे ओह मेरे कोलां पैलें दा ए।' 31 आऊं ते उसी पनछानदा नई हा, लेकन इसैलेई आऊं पानीयें कन्ने बपतिस्मा (जल संस्कार) दिंदा

आया केह ओह इस्राएलै पर प्रकट होई जाए।" 32 अते यूहन्ने एह गुआई दिती: "मैं आतमे गी कबूतरें दै समान अंबरा उतरदै दिखया, ते ओह ओहस दे उपर ठैहरी गया। 33 आऊं ते उसी पनछानदा नई हा, लेकन जेहस ने मिगी पानीयें कन्ने बपतिस्मा (जल संस्कार) देने गी भेजेया, उसै मिगी गलाया, 'जेहस दे उपर तू आतमे गी उतरदै ते ठैहरदै दिखें, ओह गै पवितर आतमे कन्ने बपतिस्मा (जल संस्कार) देने आह्ना ऐ।' 34 ते मैं दिखया, अते गुआई दिती ऐ के इय्ये परमातमे दा पुतर ऐ।"

35 दूए दिन फिरी यूहन्ना अते ओहस दे चेलें बीचा दो मनुख खडोते दे हे, 36 ते ओहस ने येशु पर जेहका जा करदा हा, एह परमातमे दा मेमना ऐ।", दृष्टि करियें गलाया, "दिखो 37 उस बेलै ओह दमैं चले ओहस दी एह सुनीयें होइए। 38 येशु ने मुडीए उन्हे गी पीछें ओहदै दिखया ते उन्हे गी गलाया, "तुस कुस्सी तुप्पादे?" उन्हे उसी गलाया, "हे रब्बी (अर्थात् हे गुरु), तू कुत्थें रौह्ना ऐ?" 39 ओस ने उन्हे गी गलाया, "चलो, ते दिखी लैगे।" इसदे बाद उन्हे जाइयें उस दे रौह्ने दा थाह (जगह) दिखी, ते उस दिन ओदे कन्ने रेह। दसमें घँटे दे लग - भग था।

40 उन्था दोह्नी बीचा, जेहडे यूहन्ना दी गल्ल सुनीयें येशु दे पीछें ओहदे हे, इक शमोन पतरस दा भ्राऽ अन्द्रियास हा। 41 ओहस पैलें अपनै सक्के भ्राऽ शमोन कन्ने मिलियें उसी गलाया, "असंगी ख्रिस्त, अर्थात् मसीह, मिली गेदा।" 42 ओह उसी येशु दे कोल लेई आया। येशु ने ओहदे उपर दृष्टि करियें अखेया, "तू यूहन्ना दा पुतर शमोन ऐ: तू कैफा अर्थात् पतरस खुआगा।

43 दूए दिन यीशु होरें गलील गी जाना चाया। ओह फिलिप्पुस कन्ने मिलेया ते अखेया, "मेरै पीछें चली आ।" 44 फिलिप्पुस, अन्द्रियास ते पतरस दे नगर बैतसैदा दा निवासी हा। 45 फिलिप्पुस नतनएल से मिला ते उसी गलाया, "जेहस दा वर्णन मूसे व्यवस्था च अते, भविष्यवक्तें ने किता दा ऐ, ओह असंगी मिली गया; ओह यूसुफ दा पुतर यीशु नासरी ऐ।" 46 नतनएल ने ओहस दे कन्ने अखेया, "केह कोई अच्छी चीज भी नासरत बीचा निककी सकदी ऐ?" फिलिप्पुस नै उसी गलाया, "चलियें दिखी लै।" 47 यीशु ओह्ने (नै) नतनएल गी अपनी बक्खी ओह्दै दिखियें ओह दै बारे च गलाया, "दिखो, एह सच्च-मुच्च इस्राएली ऐ: एह दै बीच कपट नैइयें।" 48 नतनएल नै उसी गलाया, "तू मिगी किय्यां जानना ऐ?" यीशु नै उसी जवाब दीता, "एहस कोलां पैलें केह फिलिप्पुस नै तुगी (तुकी) बलाया, जेहस लै तू अंजीर दे रुक्ख दै थल्लै हा, उस बेलै मैं तुकी दिखया हा।" 49 नतनएल नै उसी जवाब दीता, "हे रब्बी, (गुरु) तू परमातमे दा पुतर ऐ।" 50 येशु नै उसी जवाब दीता, "मैं जेह तेरै कन्ने गलाया केह मैं तुकी अंजीर दे रुक्ख दै थल्लै दिखया, केह तू इससैं आस्तै विश्वास करना ऐ? तू एह दे कुल्ला भी बडे-बडे काम दिखगा।" 51 फिरी ओहदे कन्ने गलाया, "आऊं तेरे कन्ने सच्च - सच्च गलाना केह तू सुगें गी खुले दा, अते परमातमा दे सुगंदुतें गी मनुख दे पुतर दे उपर उतरदै ते ऊपर जां दे दिखो।"

2 फिरी त्रिये दिन गलील दे काना च किसे दा ब्याह हा, अते यीशु दी मां भी उत्थे ही। 2 यीशु ते कन्ने ओहस दे चले भी ओहस ब्याह च सद्दे गेदे हे। 3 जेहस ले दाखरस घटी गया, तां यीशु दी मां नै उसी अख्या "उन्दे कोल दाखरस नई रेया।" 4 यीशु नै ओहदे कन्ने अख्या "एह जनानिये मिगी तेरे कन्ने केह कम्म? अय्यें मेरा समां नई आया।" 5 ओहस दी मां नै सेवकें गी अख्या, "जे किश भी ओह तुन्दे कन्ने अक्खें, उए करयो।" 6 उत्थें यहूदियें दी शुध्द करने दी रीती दे मताबक पत्थरे दे छे: मटके भरे दे हे, जेहस दे बीच दो - दो, तीन - तीन मन समांदा हा। 7 यीशु ने उन्हे गी गलाया, "मटकें च पानी भरी देओ।" उन्हे उन्हे मूहो - भरी दीता। 8 इसदे बाद ओहस नै उन्हे गी

अख्या, " हून कडिये भोज दे प्रधान दे कोल लेई जाओ।" अते ओह लेई गो। 9 जेहस लै भोज दे प्रधाने ओह पानी चखया, जेहका दाखरस बनी गेदा हा अते नेई जान्दा हा केह ओह कुत्थां आया ए (लेकन जिन्हें सेवकें पानी कडे दा हा ओह जान्दे हे), ते भोज दे प्रधाने घरेआले गी सदिये उसी अख्या, 10 " हर इक इन्सान पैहें अच्छा दाखरस दिंदा ए, अते जेहस लै लोग पी - पाइये मस्त होई जंन्दे न, उस बेलें मध्यम दिंदा ए; लेकन तो अच्छा दाखरस अय्यें तक ररखी दिते दा ए।" 11 यीशु ने गलील दे काना च एह पैह्ला चित्र दसिये अपनी मैह्ला प्रगत किती अते ओहस दे चेलें ओहस दे उपर बिशबास किता।

12 इस दे बाद ओह अते ओहस दी मां ते ओहस दे भ्रास अते ओहस दे चले कफरनहूम गी गे अते उत्थें किश दिन रे।

13 यहूदिये दा फसह दा त्यहार कोल हा, अते यीशु यरुशलेम गी गया। 14 ओहस नै मन्दिर बीच बैल, भिडु अते कबूतर दे बेचने आहें गी अते सरफिं गी बैठे दा दिखया। 15 उस बेलें ओहस नै रस्सिये दा कोड़ा बनाइयै, सारिये भिडुं ते बेलें गी मन्दिर बीचा कडी दीता, अते सरफिं दे पैसे खल्लारी दिते अते पिडें गी उल्टा करी दीता, 16 अते कबूतर दे बेचने आहें गी अख्या " इन्हें गी इत्थां लेई जाओ। मेरे बब्ब (प्यो) दे घरे गी बपार दा घर नेई बनाओ।" 17 उस बेलें ओहस दे चेलें गी चेत आया केह लिखे दा ए केह, " तेरे घरे दी धुन मिगी खाई जाग।"

18 इस आस्ते यहूदिये उसी अख्या, " तू जेहका एह करना ए तां अस्सें गी केहडा चित्र दसना ए ?" 19 यीशु नै उन्हें गी उत्तर दीता, " एहस मन्दिर गी ढाई देयो, अते मैं इसी त्रें दिनें च खड़ेरी देगा।" 20 यहूदिये अख्या, " एहस मन्दिर गी बनने आस्ते छेआली साल लगे दे न, अते तू केह उसी त्रें दिनें च खड़ेरी गा ?" 21 लेकन ओहस नै अपने शरीर दे मन्दिर दे बारे च अक्खे दा हा। 22 इस आस्ते जेहस लै ओह मुडदां बीचा जी उठया तां ओहस दे चेलें गी चेत आया केह ओहस नै एह अखेदा हा, अते उन्हें पबित्र शास्त्र ते ओहस बचन दी जेहका यीशु नै अखेदा हा, प्रतीति किती।

23 जेहस लै ओह यरुशलेम च फसह दे समें त्यहार च हा, उस बेलें मते सारें उन्हें चित्रे गी जेहके ओह दसदा हा दिखिये ओहस दे उपर बिशबास किता। 24 लेकन यीशु नै अपने आप गी उन्दे भरोसे नेई शडया, की वे ओह सारें गी जान्दा हा; 25 अते उसी जरूरत नेई ही के इन्सान दे बारे च कोई गुआइ दिये की वे ओह अप्पुं गै जानदा हा केह इन्सान दे मने च केह ए ?

3 फरिसिये च निकुदेमुस नां दा इक मनुख हा, जेडा यहूदिये दा सरदार हा। 2 ओस ने राती यीशु दे कोल आइये उसी आख्या, एह रब्बी आस जाननेयां केह तू परमात्मा कोलां गुरु होइये आएदा, की वे कोई इन्हें चित्रे गी जेहके तू दसना ए, जे परमात्मा ओस दे कन्ने नेई ओए तां नेई दसी सकदा।" 3 यीशु ने उसी जवाब दिता, " मैं तुं दे कन्ने सच - सच आखना ए जे कोई नमें सिरे कोलां नेई जन्म लै तां परमात्मा दा राज नेई दिखी सकदा।"

4 निकुदेमुस ने उसी आख्या, " इन्सान जिस लै बुडा होई गया, ते किय्यां जन्म लेई सकदा ए ? केह ओह अपनी मां दे गर्भ च दूई बार परवेश करिये जन्म लेई सकदा ?" 5 यीशु ने जवाब दीता, " मैं तुं दे कन्ने सच - सच अखना ए, जिस लै तकर कोई इन्सान पानी अते आत्मा कन्ने नेई जमै ते ओह परमात्मा दे राज च परवेश नेई करी सकदा। 6 की वे जेडा शरीर कन्ने जमेया ए ओह शरीर ए; अते जेडा आत्मा कन्ने जमेया ओह आत्मा ए। 7 अचम्भा नेई कर केह मैं तुं दे कन्ने अख्या, 'तुगी नमें सिरे कोलां जन्म लेना जरूरी ए।'

8 अच्वा जित्थें चांहदी उत्थें चलदी ए अते तू ओस दे शब्द गी सुनना ए, लेकन नेई जानदा केह ओह कुत्थां आहदी अते कुत्थें गी जंदी ए ? जेडा कोई आत्मा कोलां जन्मे दा ए ओह इय्ये जेया ए।" 9 निकुदेमुस ने उसी जवाब दिता, " एह गलां कियां होई सकदीयां ?" 10 एह सुनिये यीशु ने उसी आख्या, " तू इस्राएलिये दा गुरु होंदे होई भी केह इन्हें गले गी नेई समझना ? 11 मैं तेरे कन्ने सच - सच अखना ए केह आहस जे जाननेयां ओह अखनेयां, अते तुस मेरी गुआइ ग्रहण नेई करदे। 12 जिस लै मैं तुं दे कन्ने धरती दियां गलाइयां अते तुस विश्वास नेई करदे, ते जे मैं तुं दे कन्ने सुर्ग दीयां गलां आखां तां फिरी किय्यां विश्वास करगे ? 13 कोई भी सुर्ग गी नेई चढ़या, सिर्फ उए जेडा सुर्ग बीचा उतरया, अर्थात इन्सान दा पुत्तर जेडा सुर्ग च ए। 14 अते जिस रीती कन्ने मूसै जंगल च सपे गी उच्चे उप्पर चढ़या, उसै रीती

कन्ने जरूरी ए केह इन्सान दे पुत्तर गी भी उच्चे उप्पर चढ़या जाई सकै; 15 तां करिये जेडा कोई ओस दै उप्पर विश्वास करै ओह म्हेशां जीवन पाई सकै।

16 की के परमात्मा ने दुनियां कन्ने एह जेया प्यार रखेया केह ओस ने अपना इकलोता पुत्तर देई दिता, तां करिये जेडा कोई ओस दे उप्पर विश्वास करग ओह नाश नेई होए, लेकन अनन्त जीवन पाए। 17 परमात्मा ने अपने पुत्तर गी दुनियां च एहस गले नेई भजेया केह दुनियां उप्पर दंड दी आग्या दिये, लेकन एहस गले केह दुनिया ओस दे द्वारे उध्दार पाई सकै। 18 जेडा ओस उप्पर व्वि विश्वास करदा ए, ओस दे उप्पर दंड दी आग्या नेई होंदी, लेकन जेडा ओस दे उप्पर व्वि विश्वास नेई करदा, ओह दोषी ठैही गया; इस आस्ते केह ओस ने परमात्मा दे इकलोते पुत्तर उप्पर व्वि विश्वास नेई किता। 19 अते दंड दी आग्या दा कारण एह ए केह लोस दुनियां च आई ए, अते इन्साने न्हेरे गी लोस कोलां मता प्रिय जानेया की वे उंदे कम्म बुरे हे। 20 की वे जेडा कोई बुराई करदा ए, ओह लोस कन्ने बैर रखदा ए, अते लोस दै कोल नेई होंदा, ऐसा नेई होए केह उंदे कम्म उप्पर दोष लगाया जाई सकै। 21 लेकन जेडा सच्चाई उप्पर चलदा ए, ओह लोस दे कोल होंदा ए, तां करिये ओह दे कम्म प्रगत हों केह ओह परमात्मा कोलां किते गेदे न।

22 इस दे बाद यीशु अते ओस दे चले यहूदिया देश च आए; अते ओह उत्थें उंदे कन्ने रेइये बपतिस्मा देने लगया। 23 यहून्ना भी शालेम दे कोल एनोन च बपतिस्मा दिंदा हा, की वे उत्थें मता पानी हा, अते आइये बपतिस्मा लेंदे हे - 24 यहून्ना ओस बले तकर जेल खाने च नेई पाएदा हा - 25 उंदे यहून्ना दे चेलें दा किसे यहूदी कन्ने शुध्दी दे बारे च वाद - विवाद होया। 26 अते उन्हें यहून्ना दे कोल आइये उसी अख्या, "एह रब्बी, जेडा इन्सान यरदन दे पार तेरे कन्ने हा, अते जिस दी तो गुआइ दिती ए; दिख, ओह बपतिस्मा दींदा ए अते सारे ओस दे कोल होंदे न।" 27 यहून्ना ने जवाब दिता, " जदू तकर इन्सान गी सुर्ग बीचा नेई दिता। जा, तां तकर ओह किश नेई पाई सकदा। 28 तुस ते अप्पुं गै मेरे गवाह न केह मैं अख्या, ' मैं मसीह नेइये, लेकन ओस दे अग्गें भजे दा ए। 29 जिस दी लाडी ए ऊए घरेआला ए; लेकन घरेआला दा मित्र जेडा खड़ोते दा ओस दी सुनदा ए, घरेआले दे शब्द कन्ने मता हर्षित होंदा ए: हून मेरा एह हर्ष पूरा होया ए 30 जरूरी ए केह ओह बदै अते मैं घटां। 31 " जेडा उपरा होंदा ओह श्रेष्ठ ए; जेडा धरती कोलां होंदा ए ओह धरती दा ए, अते धरती दीयां गलां करदा ए: जेडा सुर्ग कोलां होंदा ए, ओह सारें दे उप्पर ए। 32 जे किश ओस ने दिखया अते सुनया ए, ओस दी गै गुआइ दिंदा ए; अते कोई ओस दी गुआइ ग्रहण नेई करदा। 33 जिस ने ओस दी गुआइ ग्रहण करी लेती ओस ने एहस गले उप्पर मोह (छाप) लाइ दिती केह परमात्मा सच्चा ए। 34 की वे जीसी परमात्मा ने भजेया ए, ओह परमात्मा दीयां गलां अखदा दा ए; की वे ओह आत्मा नापी - नापी नेई दिंदा 35 पिता पुत्तर कन्ने प्यार रखदा ए, अते ओस ने सारीयां चीजां ओस दे हत्थे बीच देई दितीयां न। 36 जेडा पुत्तर उप्पर विश्वास करदा ए, अनन्त जीवन ओस दा ए; लेकन जेडा पुत्तर दी नेई मनदा, ओह जीवन गी नेई दिखग, लेकन परमात्मा दा क्रोध ओस दे उप्पर रोंदा ए।"

4 फिरी जेहस लै प्रभु गी पता चलया केह फरिसिये सुनया केह यीशु यहून्ना कोलां मते चले बनाए करदा ए अते उन्हें गी बपतिस्मा दे करदा ए - 2 अगरचे यीशु यीशु अप्पुं नेई वरन ओहस दे चले बपतिस्मा दे करदे हे - 3 उस बेलें ओह यहूदिया गी शुडीये फिरी गलील गी चली गया, 4 अते उसी सामरिया कोलां होइये जाना जरूरी हा 5 इसे आस्ते ओह सुखार नामक सामरिया दे इक नगर तकर आया, जेहका ओहस जमीन दे कोल ए जिसी याकूब नै अपने पुत्तर युसूफ गी दीता हा; 6 अते याकूब दा खूह भी उत्थें हा। इस आस्ते यीशु रस्ते दा थके दा ओहस खूह उपर इय्यां गै बेई गया। एह गल्ल छेमें घण्टे दे लग - भग होई।

7 इन् च इक सामरी जनानी पानी भरने आस्ते आई। यीशु नै उसी उसी अख्या, " मिगी पानी पिला।" 8 की वे ओहस दे चले नगर च रूडी मुल्लें लेने गी गेदे हे। 9 ओहस सामरी जनानी नै उसी अख्या, "तू यहूदी होंदे होई आऊँ सामरी कोलां पानी केंह मंगना ए ?" (की वे यहूदी सामरिये कन्ने किसे भी चाली दा बपार नेई रखदे) 10 यीशु नै जवाब दीता, " जे तू परमात्मा दे बरदान गी जानदी, अते एह भी जानदी केह ओह कुत्र ए जेहका तेरे कन्ने

अखदा ए, 'मिगी पानी पिला, 'तां तू ओहस कोलां मंगदी, अते ओह तुगी जीवन दा पानी दिंदा।' 11 जनानी नै उसी अखया " एह प्रभु तेर कोल पानी भरने आस्ते किश एह भी नैई, अते खूह एह भी दुगा ए; ते फिरी ओह जीवन दा पानी तेरे कोल कुत्थुआ आया ? 12 केह तू साडे बबब याकूब कोलां बडा ए, जेहस नै असं गी एह खूह दीता; अते अप्पु गै अपनी सन्तान, अते अपने पशुएं समेत एहस दे बीचा पीता ?" 13 यीशु नै उसी जवाब दीता, " जेहका कोई एह पानी पीग ओह फिरी त्रैदा रोहग, 14 लेकन जेहका कोई ओहस पानी बीचा पीग जेहका मैं उसी देगा, ओह फिरी अनन्तकाल तक त्रैदा नैई रोहग; बरन जेहका पानी मैं उसी देगा, ओह ओहस दे बीच इक सोता बनी जाग जेहका अनन्त जीवन आस्ते उमडदा रोहग।" 15 जनानी नै उसी अखया, " एह प्रभु, ओह पानी मिगी दे तां जे मैं त्रैदी नैई रेई सकां अते नैई गै पानी भरने गी इनी दूर अमां।"

16 यीशु नै उसी अखया, " जा, अपने खसम गी इत्थें सद्दी लेई आ।" 17 जनानी नै जवाब दीता, "मैं बगैर खसम दे ऐ।" यीशु नै उसी अखया, " तू ठीक अखनी ए, ' मैं बगैर खसम दी ऐ।' 18 की वे तू पंज खसम करी चुकी दी ए, अते जेहस दे कोल तू हूं ए ओह भी तेरा खसम नैईयें। एह तो सच गै अखया ऐ।" 19 जनानी नै उसी अखया, ' एह प्रभु मिगी लगदा ए केह तू कोई भविष्यवक्ता ए। 20 साडे बबब दादैं इसै प्हाड उपर अराधना किती, अते तू अखना केह ओह थार जिथें अराधना करनी चाहीदी यरुशलेम च ऐ।' 21 यीशु नै उसी अखया, एह नारी, मेरी गल्ले दा बिशबास कर केह ओह समां आंदा ऐ केह तुस सिर्फ एहस प्हाड उपर परमातमा दी अराधना करगे, ना गै यरुशलेम च। 22 तुस जिसी नैई जानदे, ओहस दी अराधना करदे ओ; अते आहस जिसी जाननेयां ओहस दी अराधना करने यां; की वे उध्दार यहूदियें बीचा ए। 23 लेकन ओह समां आंदा ए; बरना हूं भी ए, जेहस च सच्चे भक्त परमातमा दी अराधना आत्मा अते सच्चाई कुला करघंन, की वे परमातमा अपने आस्ते इय्ये जे अराधकें गी तुपदा ए। 24 परमातमा आत्मा ए, अते जरूरी ए केह ओहस दी अराधना करने आह्ले आत्मा ते सच्चाई कन्नै अराधना करन।" 25 जनानी नै उसी अखया, " मैं जाननी ए मसीह जेहका ख्रिस्त अखा जंदा ए, आह्ले आह्ला ए; जेहस लै ओह आई जाग, ते अस्सं गी सारीयां गल्लां सनाई देग।" 26 यीशु नै उसी अखया, " मैं जे तेरे कन्नै बोलाना, उए ऐं।" 27 इने च ओहस दे चेले आई गे, अते अचम्भा करना लगे केह ओह जनानी कन्नै गल्लां करा करदा ए; तां भी कुसै नी पूछ्या, तू केह चाह्ला ए ?" जां " किस आस्ते ओहस दे कन्नै गल्लां करना ए ? " 28 उस बेलै जनानी अपना घडा शुडीयै नगर च चली गई, अते लोके कन्नै अखना लगी, 29 " आओ, इक इनसान गी दिखो, जेहस नै सब किश जो मैं किता मिगी सनाई दीता। 30 इस आस्ते ओह नगर बीचा निकलियै ओहस दे कोल आना लगे। 31 एहस दै बीच ओहस दे चेलें यीशु कन्नै एह बिनती किती, " एह रब्बी किश खाई लै।" 32 लेकन ओहस नै उंदै कन्नै अखया, मेरे कोल खाने आस्ते एहसी रुट्टी ए जिसी तुस नैई जानदे।" 33 उस बेलै चेलें अप्पु बीचै अखया " केह कोई ओहदे आस्ते किश खाने गी अन्ने दा ?" 34 यीशु नै उन्हें गी अखया, " मेरी रुट्टी एह ऐ केह अपने भेजने आह्ले दी इच्छा दे मताबक चलां अते ओहस दा कम्म पूरा करां। 35 केह तुस नैई अखदे, कटनी होने आस्ते अय्यें भी चार म्हीने पेदे न ? ' दिखो, मैं तुंदे कन्नै अखना ए अपनी अक्खीं चूकियै खेतें उपर दृष्टि पाओ केह ओह काटने आस्ते पक्की गेदे न। 36 कटने आह्ला मजदूरी पांदा अते, अन्नंत जीवन आस्ते फल किट्टा करदा ऐ, तां जे राह्ले आह्ला अते कटने आह्ला दमैं मिलिये आनन्द करी सकन। 37 कि वे इत्थें एह कावत ठिक बोंदी ऐ: ' राह्ले आह्ला कोई होर ते कटने आह्ला कोई होर। ' 38 मैं तुसं गी ओह खेत कटने आस्ते भेजेया जेहस दे बीच तुसं परिश्रम नैई किता: दुएं परिश्रम किता अते तुस हुंदे परिश्रम च शामिल होए। "

39 ओहस नगर च रोह्ले आह्ले मते सामरियें ओहस जनानी दे अखने दे मताबक बिश्वास किता; कि वे ओहस नै एह गुआइ दिती ही: ' ओहस नै सब किश जो भी मैं किता हा ,मिगी सनाई दिता।" 40 एहस आस्ते जेहस लै सामरी ओहदे कोल आए, ते ओहस दे कन्नै बिनती करन लगे केह साडे इत्थें रोह। 41 ओहस दे बचन दे कारण अते होर भी मते सारे लोके बिश्वास किता। 42 अते ओहस जनानी कन्नै अखया, " हूंन आहस तेरे अखने कन्नै गै

बिश्वास नैई करनेयां; कि वे अस्सं अप्पु गै सुनी लीता, अते जाननेयां भी एन केह इय्ये सचमुच संसार दा उध्दारकर्ता ऐ।

43 फिरी उन्हें दाऊं दिनें दे बाद ओह उत्थें दा निकलिये गलील गी चलिया, 44 कि वे यीशु नै अप्पु गै साक्षी दिती ही केह भविष्यवक्ता अपने देश दे बीच आदर नैई पादा। 45 जेहस लै ओह गलील च आया, ते गलीली आनन्द दे कन्नै ओहदे कन्नै मिले; कि वे जिन्ने कम ओह्ले यरुशलेम च त्यहार दे समें किते हे, उन्हें उन्हें सबनी कम्मं गी दिखे दा हा, कि वे ओह भी त्यहार च आए दे हे।

46 उस बेलै ओह फिरी गलील दे काना च आया, जिथें ओह्ले पानी गी दाखरस बनाया हा। उत्थें राजे दा इक कर्मचारी हा जेहस दा पुत्तर कफरनहूम च बीमार हा। 47 ओह एह सुनियै केह यहूदिया बीचा गलील च आई गेदा ऐ, ओहस दे कोल गया ते ओहदे अगें बिनती करन लगा केह चलिये मेरे पुत्तर गी चंगा करी दे: कि वे ओह मरने पर हा। 48 यीशु नै ओहदे कन्नै अखया, " जेहस लै तकर तुस अद्भुत कम्म नैई दिखगे उस बेलै तकर कदें भी बिश्वास नैई करगे।" 49 राजे दे कर्मचारी नै उसी अखया, " ऐ प्रभु, मेरे बच्चे दी मोत होने कोलां पैह्लें चल।" 50 यीशु नै उसी अखया "जा, तेरा पुत्तर जिंदा ऐ।" ओहस इन्साने यीशु दी अखी दी गल्ल उपर खुश होया अते चली गया। 51 ओह रस्ते गै हा केह ओहदे दास ओहदे कन्नै आई मिले अते अखना लगे, तेरा बच्चा जिंदा ऐ।" 52 ओहस नै उन्हें गी पूछ्या, कोहस घड़ी ओह चंगा होने लगेया ?" उन्हें उसी अखया, कल सतमैं घंटै च ओहस दा बखार उतरी गया।" 53 उस बेलै बबब जानी गया केह ऐ उसै घड़ी होया जेहस घड़ी यीशु नै उसी अखया, " तेरा पुत्तर जिंदा ऐ, " अते ओहस नै ते ओहस दे पुरै परिवार नै बिश्वास किता। 54 ऐ दुआ आश्चर्यकर्म हा जेहका यीशु ने यहूदिया कोलां गलील च आइयै दसया

5 इन्हें गल्लें मगरा (पश्चात) यहूदियें दा इक त्यहार होया, अते यीशु यरुशलेम गी गया। 2 यरुशलेम च भिड्डु - फाटक दे कोल इक कुण्ड ऐ जेहडा इब्रानी भाषा च बैतहसदा अखा जंदा ऐ; उस दे पंज ओसार न। 3 एहस दे बीच बडे सारे बीमार, अन्ने, लंगडे अते सुके अंग आह्ले पानी दे हल्लने दी आशा च पेहदे रोहदे हे। 4 कयोकि नियुक्त समे पर परमातमा दे सुर्गदुत कुण्ड च उतरियै पानी गी हल्लाया करदे हे। पानी हल्लादै जेहका पैह्लें उतरदा ओह चंगा होई जंदा हा चाहे ओहस दी कोई भी बीमारी कयो ना होईदी ही। 5 उत्थें इक इन्सान हा, जेहका ठत्ती सालें कोलां बमारी च पेदा हा। 6 यीशु ने उसी पेदा दिखियै अते एह जानियै के एह मते दिने दा एहस दशे च पेदा ऐ, उसी पूछ्या, " के तू चंगा होना चाह्ला ए ? " 7 ओहस बमार इन्सान नै उसी जवाब दिता, एह प्रभु मेरे कोल कोई इन्सान नैइयै के जेहस लै पानी गी हल्लाया जा, उस बेलै मिगी कुण्ड च तूआरे; लेकन मेरे पुज्दे - पुज्दे दुआ मेरे कोलां पैह्लें उतरी जंदा ऐ।" 8 यीशु ने उसी अखया, " उठ, अपनी खाट चुक्क अते चल फेर।" 9 ओह इन्सान तैलूं गै चंगा होई पेया, अते अपनी खाट चुक्कियै चलने - फिरने लगी पेया।

10 ओह सब्त दा दिन हा। इसै लेई यहूदी ओहदे कोला जेहका चंगा होया हा, अखने लगया," अज ते सब्त दा दिन ऐ, तुगी खाट चुक्कना ठीक नैइयै।" 11 ओहस नै उन्हें गी जवाब दिता, " जेहस नै मिगी चंगा किता, उसै मिगी गलाया, 'अपनी खाट चुक्क, अते चल - फिर ।' " 12 उन्हें उसी पुछ्या, " ओह कुन्न इन्सान ऐ जेहस नै तुगी अखया केह अपनी 'खाट चुक्क, अते चल फिर ' ?" 13 लेकन जेहका चंगा होई गेदा हा ओह नैई जान्दा हा केह ओह कुन्न ऐ, कि वे उस थार मती भीड़ होने दे कारण यीशु उत्थां पासै होई गेदे हे। 14 इन्हें गल्लें कोलां बाद बीच ओह यीशु गी मन्दिर बीच मिलेया। यीशु ने उसी अखया, " दिख, तू चंगा होई गेदा ऐ: फिरी पाप नी करेयां, ऐसा नी हुए केह एहदा कुल्ला बडी भारी विपत्ति (मसीबत) आई पवै।" 15 उस इन्साने जाइयै यहूदियें कन्नै अक्खीं दिता केह जेहस नै मिगी चंगा किता ओह यीशु ऐ। 16 एहस कारण यहूदी यीशु गी सताना लगे, कि वे ओह एह कम्म सब्त दे दिन करदा हा। 17 एहस उपर यीशु ने उन्हें गी अखया, " मेरा बबब (पिता) अय्यें तकर कम्म करदा ऐ, अते मैं भी करना ऐ।" 18 एहस कारण यहूदी और भी मता उसी मारने दी कोशिश करन लगे, कि वे ओह ना केवल सब्त दे दिन दे नियम गी तोड़दा, लेकन परमातमा गी अपना बबब (पिता) अखियै अपने आप गी परमातमा दे तुल्ल भी ठैहांदा हा।

19 एहस दे उपर यीशु नै उन्हें गी अख्या, " मैं तुंदे कन्ने सच्च - सच्च अखना ऐ, पुत्तर अपने कोला किश नी करी सकदा, सिर्फ उए जेहका ओह बब्ब गी करदे दिखदा ऐ; कि वे जेहके - जेहके कम्मं गी ओह करदा ऐ उन्हें गी पुत्तर भी उसै रीती कन्ने करदा ऐ। 20 कि वे बब्ब पुत्तर कन्ने प्यार रखदा ऐ अते जेहडे - जेहडे कम्म ओह अप्पुं करदा ऐ, ओह सारे उसी दसदा ऐ; अते ओह एहदे कोलां ज्यादै कम्म उसी दसग, ताकि तुस अचम्भा करो। 21 जियां बब्ब मरें गी चुकदा अते जिंदा करदा ऐ, उसै चाली पुत्तर भी जिन्हें गी ओह चांदा ते जिंदा करदा ऐ। 22 बब्ब किसै दा न्याय नेई करदा, लेकन न्याय करने दा सारा कम्म पुत्तर गी सांपी दिते दा। 23 के सारे लोग जियां पिता दा आदर करदे न उय्यां गे पुत्तर दा आदर करन। जेड़ा पुत्तर दा आदर नेई करदा, ओह पिता दा जिसी ओस ने पेजे दा ऐ, आदर नेई करदा। 24 मैं तुंदे कन्ने सच्च सच्च अखना ऐ, जेड़ा मेरा वचन सुनिये मेरे पेजने आले उप्पर बिश्वास करदा ऐ, मेशां दा जीवन ओस दा ऐ; ते ओस उप्पर दंड दी आज्ञा नेई ओदीं लेकन ओह मोत कोलां पार ओइये जीवन च परवेश करी चुके दा ऐ।

25 मैं तुंदे कन्ने सच्च सच्च अखना ऐ ओह समां ओंदा ऐ, ते हून ऐ, जेस च मेरे दे परमात्मा दे पुत्तर दा शब्द सुनघन, ते जेड़े सुनघन ओह जिंदे रोंघन। 26 की के जिस रिती कन्ने पिता अपने आप च जीवन रखदा ऐ, उसे रीती कन्ने ओस ने अपने पुत्तर गी भी ए अक्क दीत्ता ऐ के अपने आप च जीवन रखे; 27 बरना उसी न्याय करने दा भी अक्क दीत्ता ऐ, इस आस्ते की ओह मनुख दा पुत्तर ऐ। 28 इस कन्ने हरान नेई उओ; की के ओह समां आंदा ऐ की जिन्ने कन्न बीच न ओह ओस दा शब्द सुनिये निकली आघन। 29 जिन्हें पलाई किती ऐ ओह जीवन दे जिंदे ओने आस्ते जिंदे ओई जांघन ते जिन्हें बराई किती ऐ ओह दंड दे जिंदे ओने आस्ते जिंदे ओई जांघन।

30 मैं अपने आप कोलां किश नी करी सकदा; जियां सुनना ऐ, उए जेया न्याय करना ऐ; ते मेरा न्याय सचा ऐ, की के मैं अपनी इच्छा नेई लेकन अपने पेजने आले दी इच्छा चाना ऐ। 31 जे अप्पुं गे अपनी गुआइ देयां, ते मेरी गुआइ सच्ची नेई। 32 इक और ऐ जेड़ा मेरी गुआइ दिंदा ऐ, ते मैं जानना ऐ के मेरी जेड़ी गुआइ ओह दिंदा ऐ, ओह सच्ची ऐ। 33 तुसैं यूहन्ना कोलां पूछवाया ते ओस ने सच्चाई दी गुआइ दीती ऐ। 34 लेकन मैं अपने बारे च मनुख दी गुआइ नेई चाना; तां भी मई ए गल्लां एस आस्ते अखना ऐ की तुसैं उद्धार मिलै। 35 ओह ते जलदा ते चमकता दीया हा, ते तुसैं किश देर तक ओस दी जोती च मगन ओना अच्छा लगया। 36 लेकन मेरे कोल जेड़ी गुआइ ऐ ओह यूहन्ना दी गुआइ कोलां बड्डी ऐ; की के जेड़ा कम्म पिता ने मीगी पूरा करने आस्ते सांपा ऐ मतलब इय्ये कम्म जेड़ा मैं करना ऐ, ओह मेरे गवाह न के पिता ने मीगी पेज ऐ। 37 ते पिता जेस ने मीगी पेजे दा ऐ, उसै मेरी गुआइ दीती ऐ। उसे मेरी गुआइ दीती ऐ। तुसैं ना कदें ओदा शब्द सुनया, ते ना ओस दा रूप दिखया; 38 ते ओस दे वचन गी मन च निश्चत नेई रखदे, की के जिसी ओस ने पेजेया तुस ओदा बिश्वास नेई करदे। 39 तुस पवित्र शास्त्र च तुपदे ओ, की के समझदे ओ के ओस च मेशां दा जीवन तुसैं गी मिलदा ऐ; ते ए उए ऐ जेड़ा मेरी गुआइ दिंदा ऐ; 40 फी भी तुस जीवन पाने आस्ते तुस मेरे कोल नेई आना चांदे। 41 मैं मनुखें कोलां आदर नेई चाना। 42 लेकन मैं तुसैं जानना ऐ के तुंदे बीच परमात्मा दा प्रेम नेई। 43 मैं अपने पिता दे नां कन्ने आया ऐ, ते तुस मीगी ग्रैन नेई करदे; जे बाकी कोई अपने गे नां कन्ने आए, ते उसी ग्रैन करी लैगे। 44 तुस जेड़ा इक दुए कोलां आदर चांदे ओ ते ओ आदर जेड़ा इकमत परमात्मा कोलां ऐ, नेई चांदे, किस चाली बिश्वास करी सकदे ओ ? 45 ए ना समझो के मैं पिता दे सामने तुंदे उप्पर दोष लागा; तुंदे उप्पर दोष लाने आला ते मूसा ऐ, जेस उप्पर तुसैं परोसा रखेया ऐ। 46 की के जे तुस मूसा दा बिश्वास करदे, ते मेरा भी बिश्वास करदे, इसे आस्ते के ओस ने मेरे बारे च लिखा ऐ। 47 लेकन जे तुस ओस दी लिखी गोदी गल्लें उप्पर बिश्वास नेई करदे, ते मेरी गल्लें उप्पर किय्या बिश्वास करगे ?"

6 इस गला दे बाच, यीशु गलील सागर मतबल तिबिरियास झील दे उस पार चली गेआ। 2 और इक बहुत बड्डी भीड़ उस दे पीछे चलन लग पई, ते लोक उस चमत्कार गी दिखदे ऐ जेड़े ओह बीमारे उप्पर करदा हां। 3 यीशु पहाड़ी ते उते चड्यीए अपने चलेया कन्ने बेई गेआ। 4 यहूदियों दा फसह दा पर्व नेड़े ही।

5 जदु यीशु ने अपनी अख्खा उप्पर करिये दिख्या कि इक बहुत बडी पीड़ उदे कोल आबा करदी ऐ, ते फिलिपुस तो पूछ्या, " इंदे खान बास्ते असी रुट्टी कुत्थू मोल लैयाचे ? " 6 एह गल्ल उसी परखन लेई बोली ही, ओह आपू जान्दा हां की के करन जा दा ऐ। 7 फिलिपुस ने उत्तर दिता, " दो सौ दीनार दी रुट्टीया इंदे बासते पुरी नेई होनीया ते थोड़ी- थोड़ी रुट्टी सारे गी मिलनी ऐ। " 8 उदे चलेया बीचु इक शमोन पतरस दे परा आन्द्रियास ने उसी आख्या, 9 " इत्थे इक मुंडा ऐ जिंदे कोल जौ दी पांज रुट्टीया ते दो मछलिया ऐ, पर इने लोके लेई के ऐ ? " 10 यीशु ने आख्या, " लोके गी बाली ओडो " उस थां ते बड़ा का ही। ते बन्दे दी तादाद तकरीबन पंज हजार ही, ओह बैठीये। 11 ते यीशु ने रुट्टीया लेईया, ते तानबाद करिये, बैठने आले गी बंडी ओडिया; इस चला जेड़े मछलिया खाना चन्दे हे उ'नेगी बंडी ओडिया। 12 जदू लोक खायीए बेले ओए ते यीशु ने आपने चले गी आख्या, " बचे दे टुकड़या गी इकठा कर लो ते सुटया ना जान। 13 ते उने इकठा किता, जौ दी पांज रुट्टीया दे टुकड़े गी जेड़े खान आल्या तो बची ही, उने बारा टोकरिया परीया। 14 फेर लोके चमत्कार दिखे जेड़े यीशु ने किते ही, उने आख्या सचमुच ऐ ओही नबी ऐ जेड़ा जगत च आने आला ऐ।

15 यीशु जानी गेआ की ऐ मिगी राजा बनान लेई, जोरा कन्ने लेई जाना चानदे ऐ, ता यीशु पहाड़ी ते कल्ला चली गेआ।

16 जोले शाम होई ते, उदे चले झील दे किनारे चली गै, 17 ते नाब दे उते चडिये झील उस पार कफरनहूम जान लग्गे। उस समय नेरा आई गेआ हां, और अदू तकर यीशु उन्दे कोल नेई आयदा ऐ। 18 तेज तोफान दे कारन झील च लेहरं उठन लग्गे पई। 19 जदू ओह पांज या छे किलोमीटर अगे बदिए, ते उने यीशु गी झील च चलदे और अपने किस्ती दे नेड़े आदे उसी दिख्या, ओह डरिये। 20 यीशु ने आख्या "मैं हां, डरो नेई। " 21 आखिर ओह उसी किस्ती बीच लेन लेई तैयार होई गै, बहुत जल्द ओह उस जगह ते पुजिए जि'थे ओह जाबा करदे ऐ।

22 दुए दिन उस भीड़ च जेड़ी झील दे उस पार रेई गेई दी ही, ऐ दिखेया की इत्थे इक गी किस्ती छोडीये और कोई किस्ती नेई ही, ते यीशु अपने चले कन्ने उस किस्ती उप्पर नेई चढैया, पैरन्त चले ही उस पार चली गै। 23 ते उ'दे बाद दुईया किस्तिया तीबिरियास उस थां दे नेड़े आई गेई, जित्थे उने परमात्मा दा तानवाद करिये रुट्टी खादी ही। 24 जदु उने दिख्या यीशु इत्थे नेई ऐ, और ना उदे चले, ते लोक किस्ती उते चढईए यीशु गी तुपदे-तुपदे कफरनहू पहुँच गै।

25 लोक झील दे उस पार आए ते उसी आखन लग्गे " रब्बी " तू इत्थे कदू आया ? " 26 यीशु ने उ'नेगी उत्तर दिता, तोहे मिगी इस करिए नेई तुपया की मेरे चमत्कार दिखो, पैरन्त इसकरिये की तोहे रुट्टीया खाइए ते तृप्त होए। 27 उस रुट्टी बासते मैंनत नेई करो जेड़ी नासबान ऐ, पैरन्त उस रुट्टी बिसते जेड़ी अनंत जीवन बासते ठहरदी ऐ, जेड़ा मनुख दा पुत्तर तुनेगे देग, पैरन्त पिता मतबल परमात्मा ने उदे उते छाप लाई ऐ। " 28 इसकरिये उने उसी आख्या, परमात्मा दा काम करन लेई हुन असी की करीए ? " 29 यीशु ने उने गी उत्तर दिता " परमात्मा दा काम ऐ की जेन उसी भेजया ऐ तू उदे उप्पर विश्वास कार। " 30 इसकरिये उने उसी आख्या, " तू केरा चमत्कार सानू दसदा ऐ, कि आहे उदे उप्पर विश्वास करिये ? " तू केरा काम करदा ऐ ? 31 साडे बजुर्गा ने जगल च मन्ना खादा हा, ते जिया लिखेया ऐ, " परमात्मा ने उ'नेगी खाने बासते स्वर्ग च रुट्टी दिती। " 32 इस करिए यीशु ने उ'नेगी आख्या, मैं तु'नेगी सच्च - सच्च बोलना, मूसा ने तु'नेगी ओह रुट्टी स्वर्ग च नेई दिती, लेकन मेरा पिता ऐ जेड़ा सच्ची रुट्टी तु'नेगी दिंदा ऐ। 33 परमात्मा दी रुट्टी मैं हां, जेड़ा स्वर्ग च उत्तरेया ऐ और जगत दी जीवन दिन्दा ऐ। 34 इस करिए लोके उसी आख्या, " प्रभु, ऐ रुट्टी सानु सदा रोज लेई देआ कार। "

35 यीशु ने उ'नेगी आख्या, " जीवन दी रुट्टी मैं हां; जेड़ा मेरे कोल अन्दा ऐ, ओह पुख्खा नेई रहेगा, जो मेरे उते विश्वास करदा ऐ, ओह कदे प्यासा ना रहेगा। 36 मैं तोहेगी आख्या ऐ की, तोहे मिगी दिखी लेआ ऐ, फेर भी विश्वास नेई करदे। 37 ओह सब जो पिता मिगी दिंदे ऐ, मेरे कोल अन्दा ऐ, जेड़ा कोई मेरे कोल आग में उसी कदे नेई छोड़गा 38 मैं अपनी मरजी कन्ने नेई, लेकन अपने भेजने आले दी मरजी पूरी करन लेई स्वर्ग च उत्तरेया ऐ। 39 जिन मिगी भेजया ऐ उदी मरजी ऐ, कि एह सब कुछ जो मिगी दिता गेआ ऐ, उदे बीचा

कुछ भी नेई खां, लेकन आखरी दिनया च जी उंठा। 40 लेकन मेरे पिता दी मर्जी ऐ ही, कि जेड़ा कोई मेरे पुत्तर गी दिखदा ऐ, और उदे उप्पर विश्वास करदा ऐ, ओह अनन्त - जीवन पाग, और में आपु उसी जिन्दा करगा।

41 इस करिये यहूदी उदे उप्पर कुड़कुड़ाने लगगे, क्योंकि ओह आखन लगगे, " ओह रुट्टी जेड़ी स्वर्ग च उत्तरी ऐ, ओह में हा। " 42 और ओह आखन लगगे, " ऐ यूसुफ दा पुत्तर यीशु नेई, इदे माँ-बब्ब गी आहे जांदे हां ? हुन ओह किया आखदा ऐ कि ' मैं स्वर्ग च उतरेया ऐ ? ' 43 यीशु ने उत्तर दिन्दे हुए बोलया, तुस आपस च मत कुड़कुड़ाओ। 44 मेरे कोल कोई नेई आ सकदा, जदु तकर पिता जिन मिगी भेजया ऐ, ओह अपने कोल खिची ना लेए; और में आखरी दिन उसी जिन्दा करगा। 45 नबियों दे लेखा च हे लिख्या ऐ, ' और ओह सब परमात्मा तो सिखया होया होना ऐ ' हर इक जिन्ने पिता कोला सुनया और सिखया ऐ, ओह मेरे कोल आनंदे ऐ। 46 एह नेई की किसे ने पिता दिखया ऐ, पैरन्त जेड़ा परमात्मा दे कोला ऐ, उन पिता गी दिखया ऐ। 47 में तु'नेगी सच्च- सच्च बोलना कि जेड़ा कोई विश्वास करदा ऐ, अनन्त -जीवन उदा ऐ। 48 जीवन दी रुट्टी में हां। 49 तुन्दे बजुर्गे ने जंगल च मन्ना खादा, और ओह मरिये। 50 एह ओह रुट्टी ऐ जेड़ी स्वर्ग तो उत्तरी ऐ कि कोई उ'दे च खाए और न मरे। 51 ओह जीवत रुट्टी जेड़ी स्वर्ग तो उत्तरी ऐ, में हां। जेड़ा कोई इस रुट्टी दी खाग ते ओह मनुख सदा जीवत रेग; और जो रुट्टी में जगत दे जीवन लेई देगा ओहो मेरी देह ऐ।

52 इदे उप्पर यहूदी आपस बीच भैहस करन लगग पे की, एह सानु अपना मांस खान बासते किया देई सकदा ऐ ? " 53 यीशु ने उ'नेगी बोलया, " में तु'नेगी सच्च- सच्च आखना, जद तक तुसी मनुख दे पुत्तर दा मांस ना खाओ और उदा खुन ना पियो, तुन्दे च जीवन नेई। 54 जेड़ा कोई मेरा मांस खन्दा और मेरा खुन पिन्दा ऐ, अनन्त जीवन उदा ऐ, और में आखरी दिन उही जिंदा करगा। 55 मेरा मांस ते सही च खान आली चीज ऐ और खुन सही च पिने आली चीज ऐ। 56 जेड़ा कोई मेरा मांस खन्दा और खुन पिन्दा ऐ, ओह मेरे च बना रहदा ऐ और में उदे च। 57 जिस तरह जीवित पिता ने मिगी भेजया, और में पिता दी बजा कन्ने जीवित हां, इसे चला जेड़ा भी मेगी खन्दा ऐ, ओह मेरी बजा कन्ने जीवत ऐ। 58 एह उहे रुट्टी ऐ जेड़ी स्वर्ग तो उत्तरी ऐ - उस रुट्टी दे बराबर नेई जेड़ी बाप दादया ने खादी ते मरिये, जेड़ा कोई एह रुट्टी खाग ओह हमेशा लेई जिन्दा रहेगा। 59 एह गल्ला उन कफरनहूम दे इक आराधनालय बिच शिक्षा दिन्दे होए बोलियां।

60 उदे चेले बिच बड़े जनया ने एह सुनया ते बोलन लगगे, " एह गल्ल ते बड़ी कठोर ऐ : इही कोन सुन सकदा ऐ ? " 61 यीशु ने अपने मन च एह गल्ल जान लेई, कि मेरे चेले आपस च इस गल्ल दे लेई कुड़कुड़ा दे ने ऐ, उन्दे कोला पूछया, " क्या तु'नेगी इस गल्ल तो ठोकर लगगी ऐ ? 62 यदि तोहे इंसान दे पुत्तर गी उप्पर जांदे दिखो जित्थे ओह पैहले ही, ते तोहे के करगे ? 63 आत्मा ही ऐ जेड़ी जीवन दिंदा ऐ, शरीर तो कोई लाभ नेई। जेड़ा वचन में तु'नेगी बोले नए, ओह आत्मा और जीवन ऐ। 64 लेकन तुन्दे बीचा कुछ ओह ने जेड़े विश्वास नेई करदे। क्योंकि यीशु पैहले गे जान्दा ही कि जेड़े विश्वास नेई करदे, ओह कोन ऐ; और कोन मिगी फड़ाग। 65 और उन बोलया, इस करिये में तु'नेगी बोला दा हां, कि जद तक पिता कोला किसे गी वरदान ना मिले, अदू तकर ओह मेरे कोल नेई आई सकदा।

66 इ'दे बाद चेले कुछ उलटे पैर बापिस चली गै और फेर यीशु कन्ने नेई गै। 67 यीशु ने उन बारहों गी बोलया, " कि तोहे भी जाना चन्दे हो ? " 68 शमौन पतरस ने उत्तर दिता, " हे प्रभु, असी कूदे कोल जाचे ? अनन्त जीवन दे वचन तेरे कोल ने। 69 असी विश्वास किता ऐ और फेर जान लेआ ऐ कि परमात्मा दा पवित्र जन तू ऐ। 70 यीशु ने उत्तर दिता, " कि में तुने बाहरों चेलो गी नेई चुनया ? लेकन फेर भी तुन्दे बीचा इक शैतान ऐ। 71 एह गल्ल ओह शमौन इस्करियोती दे पुत्तर यहूदा दे बासते बोला दा हां, क्योंकि ओह बाहरों चेले बीचा इक ही, जेड़ा यीशु गी फडान लेई तैयार ही।

7 इस गल्ला दे बाच यीशु गलील च घुमदा फिरदा रेया। ओह यहूदिया च नेई जाना चान्दा हां, क्योंकि यहूदी उसी मारना चानदे ही। 2 यहूदिया दा तोहर - झोपड़ियो दा पर्व लगगे ही। 3 इस करिए उदे पराये ओही आख्या, ऐथू यहूदीया चला जा कि तेरे चेले भी उस चमत्कारे गी दिखी सकन जेनेगी तू करदा ऐ। 4 क्योंकि अहा कोई नेई जेड़ा प्रसिद होना चान्दा ऐ और छपिये

कुछ करदा ऐ। अगर तू इ'न्हे कामे गी करदा ऐ, ते अपने आप गी दुनीया उप्पर प्रकट कर। 5 क्योंकि उ'दे परा उदे उप्पर विश्वास नेई करदे हे।

6 इसकरिये यीशु ने उ'नेगी आख्या, " अजे मेरा समय नेई आया ऐ, पर तुन्दे लेई हमेशा समय ऐ। 7 जगत तु'नदे कन्ने नफरत नेई कर सकदा, लेकन मेरे कन्ने करदा ऐ, क्योंकि में इस गल्ल दी गवाही दिना हां कि उदे काम बुरे हन। 8 तोहे आपु ही इस पर्व च जाओ, में इस पर्व च अजे नेई जन्दा, अल्ले मेरा पुरा चला समय नेई आया। 9 उ'न्दे कन्ने एह गल्ला करन दे बाद ओह गलील च ठेरी गेआ।

10 जुले उदे परा पर्व च चलिए, फेर ओह आपु भी गेआ, लेकन गुप्त रूप च। 11 यहूदी पर्व बिच उसी इस करिए तुपा दे ही, कि यीशु कुत्थे ऐ ? 12 और लोक चोरी-चोरी यीशु दे बारे बिच बड़िया गल्ला करा दे ही, कि ओह इक भला मनुख ऐ, ते कुछ बोलदे की नेई ओह लोके गी बैहका दा ऐ। 13 फेर भी कोई मनुख यहूदीया दे उरदे मारे यीशु दे बारे खुलिये नेई बोलदा हा।

14 जदु पर्व दे आधे दिन बीती गे, ते यीशु मंदिर च जाईए प्रचार करन लगगा। 15 यहूदी बड़े हेरान परेशन होई गे और अखन लगगे, एह मनुख बघेर कोई शिक्षा लेनदे, ज्ञानी किया बनी गेआ। 16 फेर यीशु ने उत्तर दिता, मेरा प्रचार मेरा नेई, लेकन मेरे भेजने आले दा ऐ। 17 जो कोई उदी मरजी ते चलना चाहे, ते ओह उदे प्रचार दे बारे जानी जाग कि एह परमात्मा दी होरा ऐ, या फेर में अपनी और तो बोलना ऐ। 18 जेड़ा अपनी कोला कुछ बोलदा ऐ, ओह अपने बड़ाई चान्दा ऐ; लेकन जेड़ा अपने भेजने आले दी बड़ाई चान्दा ऐ, ओह सच्चा ऐ, और ओह अधमी नेई। 19 क्या मूसा ने तु'नेगी व्यवस्था नेई दिती ? फेर तामी तुन्दे बीचा कोई व्यवस्था उप्पर नेई चलदा। तुहे मिगी क्यों मरना चान्दे हो ? 20 लोके उत्तर दिता, कि तेरे बिच दुस्टआत्मा ऐ ! कोन तुगी मरना चान्दा ऐ ? 21 यीशु ने उ'नेगी उत्तर दिता, में इक काम किता, और तोहे सारे मेरे उप्पर शक करदे हो। 22 इस बजा कन्ने तु'नेगी मूसा ने खतना करन दी आज्ञा दिती ऐ- इसलेई नेई कि ओह मूसा दी ऐ, पैरन्त बजुर्गो तो ऐ और तुस सब्त दे दिन मनुख दा खतना करदे हो। 23 जदु सब्त दे दिन मनुख दा खतना किता जान्दा ऐ, कि मूसा दी व्यवस्था दी आज्ञा टल ना जाए, ते तुस मेरे उत्ते केली गुस्सा करदे हो, कि में सब्त दे दिन इक मनुख गी पुरी रीति चंगा किता ऐ। 24 मुँह दिखिए न्याय ना करो, लेकन ठीक ठीक न्याय करो।

25 यरूशलेम दे कुछ लोक बोलन लगगे, कि एह ओहो मनुख नेई जिसी मारी उड़ने दी तैयारी करा करदे ने 26 लेकन दिखो एह ते खुले-आम गल्ला करदा ऐ और कोई उसी कुछ भी नेई आखदा ऐ। कि अधिकारियों गी पता चली गेआ कि एह मसीह ऐ ? 27 इसी ते आहे जान्दे हां कि एह कुथू दा ऐ, लेकन जदु मसीह ने आना ऐ, ते कोई भी नेई जान्ना कि ओह कुदरा आया ऐ। 28 फेर यीशु ने मंदिर च शिक्षा देंदे हुए पुकारिए बोलया, तोहे जान्दे हो, और एह भी जान्दे हो कि में कुदर दा रेहन आला हां। में अपने आप नेई आया, मेरा भेजने आला सच्चा ऐ, उसी तोहे नेई जान्दे। 29 में उसी जान्दा हां, क्योंकि में उदी ओर दा हां, और उ'न मिगी भेज्या ऐ। 30 इ'दे उप्पर उ'ने उसी फडना चाया, तामी किसे ने उदे उप्पर हाथ नेई पाया क्योंकि उदा समय अजे तक नेई आये दा हां। 31 फेर भीड़ बीचो बड़े लोके यीशु उप्पर विश्वास किता, और बोलन लगगे कि जदु मसीह ने आना ऐ, ते फेर इदे कोला जयदा आश्चर्यकर्म दसग जेड़े इन दसे ने ?

32 फरीसियों ने भीड़ गी यीशु बारे कानाफूसी करदे सुना; और महायाजकों और फरीसियों ने उसी फडने बासते सिपाही गी भेजया। 33 लेकन इ'दे उप्पर यीशु ने बोलया, में थोड़ी चेर तकर तुन्दे कन्ने हां, और अपने भेजने आले दे कोल चली जाना ऐ। 34 तोहे मिगी तुपगे, लेकन नेई लभी सकगे, और जुदर दा में हां तोहे उ'त्थे नेई आई सकदे। 35 इस गल्ला पर यहूदी आपस च आखन लगगे, एह मनुख कुदर जाना चान्दा ऐ जित्थे ओह इसी नेई पाई सकदे ? कि एह उ'नदे कोल जाग जेड़े यूनानीयों च तितर बितर होइए रहेंदे ऐ, और यूनानीयों गी शिक्षा देग 36 एह केड़ी गल्ल ऐ जेड़ी उन आख्खी कि, तोहे मिगी तुपो पर मिगी नेई पागे, और जुदर में जान्दा हां तोहे उ'त्थे नेई आई सकदे ?

37 पर्व दे आखरी दिन, जेड़ा मुख्य दिन ही, यीशु खड़ा होइए पुकारिए बोलन लगगा, जेड़ा कोई प्यासा ऐ, ते मेरे कोल आये और पिए। 38 जेड़ा मेरे उप्पर विश्वास करदा ऐ, जिया पवित्रशास्त्र च लिखया ऐ उ'दे दिल बीचो जीवन दे जल दी नदिया निकलनी ऐ। 39 उ'न ए शब्द पवित्र अत्मा दे बारे च

बोले, जिसी उदे उप्पर विश्वास करने वाले पाने आले हे, इस करिये की पवित्र आत्मा अदू तकर नेई दिता गेदा हां। क्योंकि यीशु अजे तकर अपनी महिमा च नेई पूजे दा हां। 40 जदु भीड़ बीचो कुछ लोके ए शब्द सुने ते आखन लगे, ए निश्चय ही नबी ऐ। 41 दुऐ बोलन लगे, ए मसीह ऐ। लेकिन कुछ बोलन लगे, 'क्यों ? क्या मसीह ने गलील च आना ऐ ? 42 क्या पवित्र शास्त्र च ए नेई आया, कि मसीह दौऊद दे वंश च और बैहतलहम गरा च नेई आग, जि'तथे दौऊद रहंदा हां ? 43 इस बजा कत्रे लोके च फुट पेई गी। 44 उ'न्दे बीचा कुछ उसी फाडना चान्दे हे, लेकिन किसे ने उदे उप्पर हाथ नेई पाया।

45 फेर सिपाही प्रधान याजको और फरीसियों बापस लोटी आये, उने उसी आख्या तोहे उसी क्यों नेई लिये आये। 46 सिपाहीयों ने उत्तर दिता, अजे तकर किसे ने अहो लेई गल्ला नेई कितिया जेडी ओह करदा ऐ। 47 फरीसियों ने उ'नेगी उत्तर दिता, क्या तोहे भी भरमाए गे हो। 48 के अधिकरियों या फरीसियों च किसे ने उदे उप्पर विश्वास किता ऐ। 49 लेकिन ए लोक व्यवस्था नेई जान्दे, शापित ऐ। 50 नीकुदेमुस ने जेड़ा पैहले उ'न्दे कोल आया ही और उ'न्दे बीचा इक ही, उ'नेगी आख्या, 51 क्या साड़ी व्यवस्था किसे मनुख गी, जदु तकर उसी सुनी न लैन, कि ओह मनुख के करदा ऐ, उसी दोषी ठैरादी ऐ ? 52 उन्हे उसी उत्तर दिंदे होए बोलया, कि तू भी गलील दा ते नेई ? ,ढूँढ ते देखख, गलील च कोई नबी प्रकट ते नेई होया।

53 [इ'दे बाद सारे अपने कार चली गै]

8 परैन्त यीशु जैतून पहाड़ ते गेआ। 2 २ सूबा उह फेर मंदिर च आया; और सारे लोक उ'ंदे कोल आयै और बैठईए उने गी प्रचार करन लग्गा। 3 फरीसी और शास्त्री एक ओरत गी जेडी व्यभिचारी करदे पकड़ी गेदी ही लेइयै आयै और उसी बिच खड़ा करिये यीशु गी अखन लगे, 4 हे गुरु, ए ओरत व्यभिचारी करदे पकड़ी गई ऐ। 5 व्यवस्था च मूसा ने सानु आज्ञा दिती ऐ की एही जेई ओरते गी पथराव करिये; तूस सानु इदे बारे च के बोलना ऐ। 6 उ'ने यीशु गी परखन लेई ए गल्ल पूछी ही, ताकि उ'दे उप्पर दोष लान लेई कोई गल्ल लभे, लेकिन यीशु झुकिये अपनी ऊँगली कन्नै जमीन उते लिखन लग्गा। 7 परैन्त जदु ओह बार - बार उसी पुछदे ऐ, ते यीशु सीधे ख्लोयिए अखन लग्गा, तुं'दे बीचो जेडा निष्पाप होए, उह उसी पैह्ला पत्थर मारे। 8 यीशु फेर झुकिए उगली कन्नै जमीन उप्पर लिखन लग्गा। 9 परैन्त सारे सुनिये, बड्डे कोला लेइयै छोटे तकर, इक इक करिये निकलिये, और यीशु कल्ला रेइया और ओरत उ'ंदे बिच कल्ला रेइयी ईई। 10 यीशु ने ख्लोइए उसी पुचया ऐ नारी, उह लोक कुदर गे ? के किसे ने तेरे उप्पर दण्ड दी आज्ञा नेई दिति 11 उह बोली, हे प्रभु, किसे ने नेई। यीशु ने आख्या में भी तेरे उप्पर दण्ड दी आज्ञा नेई दिंदा; और फेर कदे पाप न करी।

12 यीशु ने फेर लोके की आख्या, जगत दी ज्योति में हां। जो कोई मेरे पीछे औइ लैग अंधकार च नेई चलग, लेकिन जीवन दी ज्योति पाग। 13 फरीसियों उही अखन लगे, तूस अपनी गबाही आपु दिन्दे हो, हे ठीक नेई ऐ। 14 यीशु ने उ'नेगी उत्तर दिंदे होए बोलया, भले ही में अपनी गबाही आपु दिना हां, फेर भी मेरी गबाही ठीक ऐ, क्योंकि में जानना की मी कुदरा आया हा ते कुदरे गी जाना ऐ ? लेकिन तोहे लोक नेई जानदे की में कुदरे आया हा ते कुदरे जाबा करदा ऐ। 15 तूस लोक जिस्म दे मुताबिक न्याए करदे हो, में किसे दा न्याए नेई करदा। 16 यदि में न्याए भी करा, ते मेरा न्याए सच्चा ऐ; क्योंकि इनदे च में कला नेई, मतबल में हा और मेरा पिता ऐ जिन्हें मिगी भेजया ऐ। 17 तुन्दी व्यवस्था च भी लिख्या ऐ की दो जन दी गबाही ठीक रहँदी ऐ। 18 इक में हा जेडा में अपनी गबाही आपु दिना, और दुआ पिता ऐ जिन मिगी भेजया ऐ। 19 उदु ओह उसी पुछन लगे, तेरा पिता कुदर ऐ ? यीशु ने उत्तर दिता, तुहे न ते मिगी जांदे हो न मेरे पिता गी। अगर तुहे मिगी जांदे ते मेरे पिता गी भी जांदे। 20 ए वचन यीशु ने मंदिर च प्रचार करदे हुए भंडार कर च बोली, और किसे ने उसी नेई फडया क्योंकि उदा समय अजे नेई आयदा ऐ।

21 उन फेर उ'नेगी बोलया, में जान्दा हा, और तुहे मिगी तुपना ऐ; और अपने पाप च मरगे; जिदर में जना उदर तुहे नेई आई सकदे। 22 एदे उप्पर युहदीयों आखन लगे, के ओह अपने आप गी मारी औइग, जेड़ा ओह बोलदा ऐ, जिदर में जन्दा हा उथे तुहे नेई आई सकदे ? 23 उन उ'नेगी आख्या, तोहे थल्ले दे हो, में उप्पर दा हा, तुहे संसार दे हो, में संसार दा नेई। 24 इसकरीए में तूने गी बोलया की तुहे पाप च मरगे; जदु तकर तुहे विश्वास

नेई करगे की में उदर दा हा ,तुहे अपने पाप च मरगे। 25 उह उसी बोलन लगे, तू कोन ऐ ? यीशु ने उ'नेगी बोलया, में ओही हा जेड़ा शुरु तो तोनेगी बोलदा आया हा। 26 तुन्दे बारे च मिगी बडी कुछ गल्ला बोलनीया ऐ, और न्याय भी करना ऐ, लेकिन जिन मिगी भेजया ऐ ओह सच्चा ऐ; और जेडीया गल्ला में उदे कोला सुनिया ओह ही में जगत कत्रे करनीया ऐ। 27 उह ए नेई समझन की उह उन्दे पिता दे बारे च बोला दा ऐ। 28 इसकरीए यीशु ने उ'नेगी आख्या, तोहे मनुख दे पुत्तर गी उते चाढगे उले तोहे जानगे की में उहे हा, और में अपने आप कुछ नेई करदा, लेकिन जियां मेरा पिता मिगी सिखया ऐ में उहे गल्ला बोलना हा। 29 मेरा भेजन आला मेरे कत्रे ऐ; उन मिगी कल्ला नेई छडेया ऐ, में हमेशा उहे कम करना हा जीसी उह पसंद करदा ऐ। 30 जुले उन एह गल्ला बोलिया ते बहुत लोके उदे उप्पर विश्वास किता।

31 फेर यीशु ने युहदीयों गी जीने उदे उप्पर विश्वास किता हा आख्या, अगर तुहे मेरे वचन च बने रोगे, ते सच्चुच मेरे चले ठेरोगे। 32 और तोहे सत्य गी जानगे और सत्य तुन्हेगी आजाद करग। 33 उन्हे उसी उत्तर दिता, आहे ते अब्राहम दे वंश हा, और कदे किसे दे दास नेई होए। फेर तू किया बोलना ऐ की तोहे आजाद होई जागे।

34 यीशु ने उन्हे गी उत्तर दिता, में तोनेगी सच्च - सच्च बोलना की जेड़ा कोई पाप करदा ऐ ओह पाप दा दास ऐ। 35 दास सदा कर च नेई रहँदा लेकिन पुत्तर हमेशा रहँदा ऐ। 36 इसकरीए यदि पुत्तर तोनेगी आजाद करग, ते तोहे आजाद होई जागे। 37 में जान्दा हा की तोहे अब्राहम दे वंश हो; फेर भी मिगी मरना चान्दे हो, क्योंकि मेरे वचन तुन्दे दिल च जगह नेई बनांदे। 38 में उहे गल्ला बोलना जेडी में अपने पिता दे उदर दिखीया हन। और तुहे उरे करदे हो जेड़ा आपने पिता दे कार तो सुन्दे हो।

39 उन्हे उसी उत्तर दिता, साड़ा पिता ते अब्राहम ऐ। यीशु ने उ'नेगी आख्या, यदि तुन्दा पिता अब्राहम होंदा, ते तुहे भी अब्राहम दे समान कम करदे। 40 लेकिन हून तुहे मेरे अन्न मनुख गी मारना चान्दे हो, जिन्हें तुहे गी सत्य वचन दसया, जेडा परमात्मा कोला सुनया; एहो लेया ते अब्राहम ने नेई किता हा। 41 तुहे आपने पिता दे समान कम करदे हो, " उन्हे उसी आख्या, " आहे व्यभिचार च 42 जन्म नेई लेता, इस करीये साड़ा इक ही पिता ऐ उस दा नाम परमात्मा ऐ " 43 यीशु ने उन्हे गी आख्या, "अगर परमात्मा तुन्दा पिता हुन्दा ,ते तुहे मेरे कत्रे प्रेम करदे ,क्योंकि में परमात्मा बीचो निकलिये आया ,में अपनी मरजी कत्रे नेई आया, इस 44 परमात्मा ने मिगी भेजया ऐ। 45 तोहे मेरी गल्ल क्यों नेई समझदे ? इसकरीये तोहे मेरे वचन नेई सुन सकदे। 46 तोहे अपने पिता शैतान तो हो और अपने पिता दी लालसयो गी पूरा करना चान्दे हो। उह ते शुरु तू हत्यारा ऐ और सत्य उप्पर टिकया न रहेया, क्योंकि सत्य उदे च ऐ ही नेई। जदु उह चुठ बोलदा, ते अपने स्वभाव तो ही बोलदा ऐ; क्योंकि उह चुठा ऐ मतबल चुठ दा पिता ऐ। 47 लेकिन में जो सच बोलदा हा, इसकरीए तुहे मेरा विश्वास नेई करदे।

48 तुन्दे बीचा कोन मिगी पापी ठैरान्दा ऐ ? यदि में सच्च बोलदा हां, ते तुहे मेरा विश्वास क्यों नेई करदे ? 49 जेड़ा परमात्मा कोला होदा ऐ, ओह परमात्मा दी गल्ल सुन्दा ऐ; और तोहे इस करिये नेई सुन्दे की तोहे परमात्मा कोला नेई हो। 50 एह सुनिये यहूदियों ने उसी केया, के ओह ठीक नेई बोलदे की तू सामरी ऐ और तेरे बिच दुष्टात्मा ऐ ? 51 यीशु ने उत्तर दिता, मेरे बिच दुष्टात्मा नेई ऐ, लेकिन में अपने पिता दा आदर करदा हा, और तोहे मेरा निरादर करदे हो। 52 में अपनी प्रतिस्ता नेई चान्दा; लेकिन इक ऐ जेड़ा चान्दा ऐ और न्याय करदा ऐ। 53 में तुसे गी सच्च - सच्च बोलना की जिले कोई मेरा वचन दा पालन करग ता ओह मुत्यु गी नई दिख 54 यहूदियों ने उसी आखेया, हुन असेगी पता चलिया की तेरे बिच दुष्टात्मा ऐ। अब्राहम मरी गेआ, और नबी भी; और तू कैना ऐ जल्हे कोई मेरे वचन दा पालन करग ता कदे मुत्यु दा स्वाद नेई चख्वा। 55 साड़ा पिता अब्राहम ते मर गेआ। के तू उ'ंदे कोला बड्डा ऐ ? और नबी भी मर गै। तू अपने गी क्या जानना ऐ। 56 यीशु ने उत्तर दिता, अगर में अपनी महिमा करा, ता मेरी महिमा कख्ख भी नेई; परैन्त मेरी महिमा करने आला मेरा पिता ऐ, जिसी तूस अपना पिता आखदे हो। 57 तुसे ते उसी नेई जान्या, परैन्त में उसी जानना ऐ, इसलै में अख्खा की में उसी नई जान्दा, ता में तुन्दे अन्न चुठा ठैरगा; परैन्त में जानना और उ'ंदे वचन ते च्लन्ना ऐ।

58 तुन्दा पिता अब्राहम मेरे दिना गी दिखने दी आशा तो बड़ा खुश ही, और

उन्ह दिख्या ते आनद किता। 59 यहूदियों ने उसी आख्या, इसलै तू पंजाह वर्ष दा नई, और तू अब्राहम गी दिख्या ऐ ?

9 फेर जन्दे होए उन इक मनुख गी दिख्या जेड़ा जन्म तो अन्ना हां। 2 उन्दे चले ने उसी पुछ्या, " ए रब्बी, कोन पाप किता कि ऐ अन्ना जम्या, इस मनुख ने या इदे माँ- बब्ब ने ? " 3 यीशु ने उत्तर दिता, " न ते इस मनुख ने पाप किता, न गे इदे माँ-बब्ब ने; पर ए इसलेई होया की परमात्मा दे काम उदे च प्रकट हो। 4 जिन मिगी भेजया ऐ, सानु उदे काम दिन ही दिन च करना जरूरी ऐ, ओह रात आने आली ऐ, जेदे च कोई काम नेई कर सकदा। 5 जदु तककर में जगत च ऐ, में जगत दी ज्योति ऐ। 6 एह आखियै उन जमीन उते थूकैया, और उस थूक कन्ने मिट्टी मली, और उह मिट्टी गी अन्ना दी अखखे उप्पर लाया। 7 और उसी आख्या, " जा, शीलोम दे कुण्ड च तोई ले "(शीलोम दा मतबल ऐ, भेजा होया)। उन जाईए अखखा तोतिया, और दिखदा होया बापस आया। 8 उले पड़ोसी, और जिन्हें उसी पैह्ले भीख मंगदे दिख्या हां, कैहन लग्गे, " एह उहे मनुख नेई ऐ, जेड़ा बैठिए भीख मंगदा हां। " 9 दूए बोलन लग्गे, " ए ओही ऐ। " और लोके ने आख्या, " नेई, परैन्त ए उदे अन्ग ऐ। " उह बोलदा रेया, " में उहे हां। " 10 इसलैई ओह उसी पूछन लग्गे, " तेरिया अखखा किन्ना खुलिया ? " 11 उ'ने उसी उत्तर दिता, " यीशु नामक मनुख ने मिट्टी मली, और मेरी अखखे उते लाईए मिगी आख्या, ' शीलोम च जाईए तोई लै; ' आखिर में गेआ और अखखा तोतिया और मिगी लबन लग्गी पेया। " 12 उ'ने उसी पुछ्या, " ओह कुदर ऐ ? " उन आख्या, " में नेई जान्दा। "

13 लोक उसी जेड़ा पैह्ले अन्ना हां फरीसीयों दे कोल लेई गे। 14 जिस दिन यीशु ने मिट्टी मलिए उदिया अखखा खोलिया ही, ओह सब्त दा दिन हां। 15 फेर फरीसीयों ने उसी पुछ्या की तू किस चली दिखन लग्गा। उन उ'नेगी आख्या, " मेरी अखखा उते मुट्टी लाई, और में अखखा तोतिया और हुन में दिखदा हां। " 16 इदे उप्पर केई फरीसीयों आखन लग्गे, " ए मनुख परमात्मा तो नेई ऐ, क्योंकि ए सब्त दे दिन गी नेई मनदा। " परैन्त दूए आखन लग्गे, " इक पापी मनुख ऐहो ले चिन्ह किना दसी सकदा ऐ ? " और उ'न्दे च फुट पेई गेई। 17 आखिर उन्हें उस अन्ने मनुख दी फेर आख्या, " उन तेरी अखखा खोलिया ऐ, कि तू उदे विषय च के बोलना ऐ ? " उन आख्या, " ओह नबी ऐ। "

18 इसलेई यहूदियो ने उदी इस गल्ल दा विश्वास नेई किता कि ओह अन्ना ही हुन दिखदा ऐ, जदु तक उ'न्हें अखखा पाने आले दे माँ- बब्ब गी बलाया। 19 उन्हेगी ए न पूछ लेआ, " के एह तुन्दा पुत्तर ऐ, जीसी तोहे आखदे हो ए जन्म तो अन्ना ऐ ? फेर हुन ओह किया दिखदा ऐ ? " 20 उदे माँ-बब्ब ने उत्तर दिता, " आसी जानदे हां कि ए साड़ा पुत्तर ऐ, और जन्म तो अन्ना ऐ; 21 परैन्त असी ए नेई जानदे ऐ कि हुन किया दिखदा ऐ, और न ए जानदे हां कि कौन उदिया अखखा खोलिया। ओह सयाना ऐ, और अपने बारे च अप्पु दसी ओडग। 22 एह गल्ला उदे माँ - बब्ब ने इस करिए बोलिया क्योंकि ओह यहूदियों तो उन्दे हे, क्योंकि यहूदी पैहले ही एकमत होई चुके दे ए, यदि कोई कहे ओह मसीह ऐ, ते आराधनाय च कड्या जाग। 23 इस करिये उदे माँ - बब्ब ने आख्या, " ओह सयाना ऐ, उसी पूछी लो। "

24 फेर उन्हें उस मनुख गी जेड़ा अन्ना हां, दुई बार उसी बलाईऐ आख्या, " परमात्मा दी महिमा कर। आहे जानदे ऐ कि ओह मनुख पापी ऐ। " 25 उने उत्तर दिता, " में नेई जान्दा ओह पापी ऐ या नेई; में इक गल्ल जान्दा में अन्ना ही और हुन दिखदा हां। " 26 उन्हें उसी फेर आख्या, " उन तेरे कन्ने के किता ? और उन तेरी अखखा किन्ना खोलिया ? " 27 उस ने उत्तर दिता, " में ते तूने गी पैह्ले ही बोली चुक्या ? और तुसे नेई सुन्या, फेर दुई बारी सुनना चाहन्दे हो ? के तोहे भी उदे चले बनना चाहन्दे हो ? " 28 उन्हें उसी बुरा - भला बोलदे होए केआ, " तूमी उदा चेला ऐ, लेकिन आहे ते मूसा दे चले ऐ, 29 आहे जानदे ऐ कि परमात्मा ने मूसा कन्ने गल्ला कितिया, परैन्त इस मनुख गी नेई जानदे कि कुदरा दा ऐ। " 30 उन उ'नेगी उत्तर दिता, " ए ते बडे आश्रय दी गल्ल ऐ कि तुहे नेई जानदे कि ओह कुदरा दा ऐ, तामी उन मेरी अखखा खोली ओडिया। 31 आहे जानदे ऐ कि परमात्मा पापियों दी नेई सुन्दा, परैन्त यदि कोई परमात्मा दा भक्त हो और उदी इच्छा ते चलदा हो ता ओह उदी सुन्दा ऐ। 32 जगत दे आरम्भ तो ए कदे सुनने च नेई आया कि

किसे ने जन्म दे अन्ने दी अखखा खोलिया हो। 33 यदि ए मनुख परमात्मा आला नेई होंदा ते ओह कुछ भी कर नेई सकदा। " 34 उ'नहे उसी उत्तर दिता, " तू ते बिलकुल पाप च जन्मया ऐ, तू सानु के सीखन आया ऐ ? " और उने उसी बाहर कड़ी ओडया।

35 यीशु ने सुनया कि उन्हें उसी बहर कड़ी ओडया ऐ, और उसी मिलये उन आख्या, " क्या तू मनुख दे पुत्तर उप्पर विश्वास करना ऐ ? " 36 उन उत्तर दिता, " हे प्रभु, ओह कोन्न ऐ, की में उदे उप्पर विश्वास करा ? " 37 यीशु ने उसी आख्या, " तू उसी दिख्या भी ऐ, और ओह उये ए जेड़ा तेरे कन्ने गल्ला करादा ऐ। " 38 उन आख्या, " हे प्रभु, में विश्वास करदा हां। और उही दण्डवत् किता। 39 ते यीशु ने केया, " में एस जगत च न्याय लेई आया हां, ताकि जेडे नेई दिखदे ओह दिखन, और जो दिखदे ऐ ओह अन्ने होई जान। " 40 जेडे फरीसी लोक उदे कन्ने हे उने ए गल्ल सुनिये उसी बोलया, " क्या आहे अन्ने ऐ ? " 41 यीशु ने उ'नेगी आख्या, " यदि तुस अन्ने ओदे ता तुन्दे च कोई पाप नेई होदा। हुन तोहे बोलदे ओह कि ' आहे दिखने ऐ; ' इसलैई तुन्दा पाप बनया रोंदा ऐ।

10 " में तुसे गी सच्च - सच्च बोलना ऐ, कि ओह जेड़ा दरबाजे तो भेड़शाला च प्रवेश नेई करदा, परैन्त किसे दुसरे राए चड अन्दा ऐ, ओह चोर और डाकू ऐ। 2 लेकन जेड़ा दरबाजे दे अन्दर आन्दा ऐ, ओह भेड़े दा चरवाहा ऐ। 3 दारपाल उदे लेई दरबाजा खोलदा ऐ और भेड़े उदी आवाज सुनदी ऐ, और ओह अपनी भेड़े दा ना लेइए पुकारदा ऐ और बाहर ली आन्दा ऐ। 4 जदु ओह अपनी भेड़े गी बाहर लेई आन्दा ऐ ते उ'न्दे अग्गे- अग्गे चलदा ऐ, और भेड़े उदे पीछे चलदी ऐ, क्योंकि ओह उदी आवाज जानी गेदे ऐ। 5 और ओह किसे दुसरे पीछे नेई जाग, परैन्त उदे कोला नसदे ने, क्योंकि ओह दुये दी आवाज नेई पैहचान दे। " 6 यीशु ने उ'नेगी इस करिये द्रष्टान्त केया, परैन्त ओह नेई समझे कि ऐ गल्ला जेडीया ओह सानु बोलदा ऐ।

7 यीशु ने फेर उ'नेगी आख्या, " में तुसे गी सच्च - सच्च बोलना हां, भेड़ों दुआर में हां। 8 जेड़े मेरे कोला पैहले आये ओह सब चोर और डाकू ऐ; परैन्त भेड़ें ने उंदी नेई सुनी। 9 दरबाजा में हां; यदि कोई मेरे दबारा अन्दर प्रवेश करग, ते उदार पाग, और अन्दर बाहर आग जाग करग और चारा पाग। 10 चोर केवल चोरी, मार डालने बासते, नष्ट करन लेई आन्दा ऐ, में इसलेई आया हां कि ओह जीवन पान, और बहुतायत कन्ने पान। 11 अच्छा चरवाहा में हां; अच्छा चरवाहा भेड़ें लेई अपने प्राण भी दिंदा ऐ। 12 मजदूर जेड़ा न चरवाहा ऐ और न भेड़ें दा मालिक ऐ, भेड़िए गी आन्दे दिखीए भेड़ें गी छोडिये नसी जान्दा ऐ; और भेड़िया उ'नेगी फडदा और तितर - बितर करी दिन्दा ऐ। 13 ओह इसलेई नसी जान्दा ऐ क्योंकि ओह मजदूर ऐ, और उसी भेड़ें दी चिन्ता नेई। 14 अच्छा चरवाहा में ऐ; में अपनी भेड़ें गी जान्दा हां और मेरी भेड़ा मिगी जान्दी ऐ। 15 जिया पिता मिगी जान्दा ऐ और में पिता गी जान्दा हां - और में भेड़ें बासते अपने प्राण दिन्दा हां। 16 मेरी और भी भेड़ें ऐ जेडीया इस भेड़शाला दी नेई। मिगी उ'नेगी भी लेयाना जरूरी ऐ, ओह मेरा आवाज सुनग; उदु इक ही झुण्ड ओर इक ही चरवाहा होग। 17 पिता इसलेई मेरे कन्ने प्रेम रखदा ऐ कि में अपना प्राण दिना हां कि उही फेर लेई ले। 18 और किसे ने उसी मेरे कोला नेई खोता, लेकिन में उसी आप दिना हां। मिगी उसी देने दा अधिकार ऐ, और फेर लेन दा भी अधिकार ऐ। एह आज्ञा मिगी अपने पिता कोला मिली ऐ।

19 इन गल्ले दे कारण यहूदियों च फेर फुट पेई गेई। 20 उ'न्दे बीचा बहुत बोलन लग्गे, उदे च दुष्टात्मा ऐ, और ओह पागल ऐ; उदी क्यों सुन्दे हो ? " 21 दुए लोक बोलन लग्गे, " ए गल्ला ऐहो मनुख दी नेई ऐ जिदे च दुष्टात्मा होए। क्या दुष्टात्मा अन्ने दी अखखा खोली सकदा ऐ।

22 उस समय यरूशलेम च स्थापन पर्व मनाया जा दा हां; 23 ए जाड़े दा समय ही, और यीशु मन्दिर च सुलैमान दे ओसारे च जा दा हां। 24 फेर यहूदियों ने ओरे चारो तरफा ख्लोइए उसी पूछ्या, " तू सानु कदू तककर परेशानी च रखगा ? अगर तू मसीह ऐ, ते सानु साफ -साफ बोल दे। " 25 यीशु ने उ'नेगी उत्तर दिता, में तोहे गी बोलेया परैन्त तोहे विश्वास नेई करदे; जेड़ा कम में अपने पिता दे ना ते करना हां, ओह मेरा ही गवाह ऐ। 26 परैन्त तोहे विश्वास नेई करदे क्योंकि तोहे मेरी भेड़ें च नेई हो। 27 मेरी भेड़ें मेरी आवाज सुनदी ऐ, और में उ'नेगी जान्दा हां, और ओह मेरे पीछे-पीछे

चलदे ने। 28 में उ'नेगी अनन्त जीवन दिंदा हां, और ओह कदे नष्ट नेई होग; और कोई भी उ'नेगी मेरे हृथों च छीनी नेई सकदे। 29 मेरा पिता, जिन्ने उ'नेगी मिगी दिता ऐ, ओह बड़ा महान् ऐ, और कोई भी उ'नेगी पिता दे हृथों च छीनी नेई सकदा। 30 में और पिता इक हां। 31 यहूदियों ने उदे उप्पर पथराव करन लेई फेर पत्थर चुके। 32 यीशु ने उ'नेगी उत्तर दिता, " में तोहे गी पिता दी ओर ता बड़े सारे अच्छे काम दसे; उदे च कूदे बासते तोहे मेरा पथराव करा करदे हो ? " 33 यहूदियों ने उसी उत्तर दिता, आहे अच्छे काम लेई तेरा पथराव नेई करदे, पैरन्त परमात्मा दी निन्दा करने दे कारण; और इसलेई भी कि तू मनुख होईये अपने आप गी परमात्मा दसदा हां। 34 यीशु ने उ'नेगी उत्तर दिता, " क्या तुदी व्यवस्था च नेई लिख्या ऐ, " में आख्या, तू ईश्वर ऐ। " 35 यदि उने उसी आख्या जिदे कोल परमात्मा दा वचन पूजया [और पवित्रशास्त्र दा खण्डन नेई किता जा सकदा], 36 ते जिसी पिता ने पवित्र ठैहराईये जगत च भेजया, क्या तोहे उदे विषय च इसकरिये आखखदे हो, ' कि तू निन्दा करदा ऐ, ' क्योंकि में आख्या, ' में परमात्मा दा पुत्तर हां ' ? 37 यदि में अपने पिता दे काम गी नेई करगा, ते मेरा विश्वास नेई करेयो; 38 पैरन्त यदि में करना हां, ते चाहो मेरा विश्वास न भी करो, लेकन उन कमे दा ते विश्वास ते करो, ताकि तोहे जानो और समझो कि पिता मेरे च ऐ और में पिता च हां। " 39 ते फेर उने उसी फडने दी कोशिश किती लेकन ओह उन्दे हाथे च निकली गया।

40 फेर ओह यरदन दे उस पार उस जगह ते चली गया, जित्थे पैहले युहना बपतिस्मा दिंदा हां; और उत्थे रेआ। 41 बहुत लोक उदे कोल आइए उसी अख्दे हे, " यूहना ने ते कोई चिन्ह नेई दसे, लेकन जो कुछ यूहना ने इदे च बोलया हां, ओह सब सच्च ही। " 42 और बोहत लोके यीशु उप्पर विश्वास किता।

11 मरियम और उदी पैत्र मार्था दे गांव बैतनिय्याह च लाजर ना दा इक मनुख बीमार ही। 2 ए ओह ही मरियम ही जिन्ने प्रभु यीशु दे इत्र पाइए उदे पैर गी अपने बाले कन्ने पुन्जया ही, इदा गे परा लाजर बीमार ही। 3 इसलेई पैत्रे उसी स्नेहा भेजया, " प्रभु, देखख, जिसी तोह इन्ना प्यार करदा ऐ। " 4 ए सुनिए यीशु ने आख्या, " ए बीमारी मृत्यु दी नेई; लेकन परमात्मा दी महिमा बासते ऐ, कि उदे करिये परमात्मा दी महिमा होए।

5 यीशु मार्था और उदिया पैत्रे कन्ने प्रेम रखदा हां। 6 फेर भी जदु उन सुन्या कि ओह बीमार ऐ, ते जिस जगह उप्पर ओह ही, उत्थे दो दिन ठैरिई गया। 7 इदे बाद उन अपने चले गी आख्या, " आओ, आहे फेर यहूदिया गी चलचे। 8 चले उसी आख्या, हे रब्बी, अल्ले ते यहूदी तेरे उप्पर पत्थराव करना चान्दे ही, और क्या तू फेर भी उथे जा दा ऐ ? " 9 यीशु ने उत्तर दिता, " क्या दिन च बारह घंटे नेई होंदे ? यदि कोई दिन च चले ते ठोकर नेई कन्दा, क्यूकि इस जगत दा उजाला दिखदा ऐ। 10 लेकन यदि कोई रात च चले ते ठोकर खानदा ऐ, क्यूकि उदे च प्रकाश नेई। " 11 उस ने ए गल्ला बोलिया, और इदे बाद उसी बोलन लग्गा, " साड़ा मित्र लाजर सो गेआ ऐ, लेकन में उसी जगान लेई जादा हां। " 12 चले बोलन लग्गे, " हे प्रभु, यदि ओह सो गेआ ऐ, ते ओह बची जाग। " 13 यीशु ने ते उदी मृत्यु दे बारे च बोलया ही, लेकन उने सोचया कि ओह निंदर च सुते दे बारे बोला दा ऐ। 14 फेर यीशु ने साफ - साफ बोली ओडया, " लाजर मर गेआ ऐ; 15 और में तुन्दे कारण आनन्दित हां कि में उत्थे नेई ही जिन्दे कन्ने तोहे विश्वास करो। लेकन हुन आओ, आहे उत्थे चलिए। " 16 ते थोमा ने जेड़ा दिद्युस कैहलांदा ऐ, अपने साथी चले गी आख्या, " आओ, आहे भी इदे कन्ने मरन चलिये। "

17 उत्थे पूजिये ते यीशु गी पता चलेया कि लाजर गी कन्न च रखदे चार दिन होई गे नए। 18 बैतनिय्याह ते यरुशलम दे कोल ही, कोई दो मील दी दुरी ही। 19 और बड़े यहूदी मार्था और मरियम दे कोल उदे परा दी मृत्यु च उ'नेगी शान्ति देन लेई आए ही। 20 जदु मार्था ने यीशु दे आने दा स्नेहा सुनया ते उसी मिलन लेई गई, लेकन मरियम कार गे बैठी रेयी। 21 मार्था ने यीशु गी आख्या, " हे प्रभु, अगर तू इत्थे होन्दा, ते मेरा परा नेई मरदा। 22 और में आज भी जान्दी हां कि तू जो कुछ परमात्मा तो मंगे, परमात्मा तुगी देगा। 23 यीशु ने उसी बोलया, तेरा परा फेर जी उठगा। " 24 मार्था ने उसी आख्या, " कि में जान्दी हां कि अन्तिम दिन च पुनरुत्थान दे समय ओह जी उठगा। " 25 यीशु ने उसी आख्या, " पुनरुत्थान और जीवन में ही हां; जेड़ा कोई मेरे

उप्पर विश्वास करदा ऐ ओह अगर मर भी जाग फेर भी जीवित रोग, 26 और जो कोई जीवित ऐ और मरे उप्पर विश्वास करदा ऐ, ओह अनन्तकाल तक न मरगा। क्या तू इस गल्ल ते विश्वास नेई करदी ऐ ? " 27 उन उसी आख्या, " हां हे प्रभु, में विश्वास करनी हां कि परमात्मा दा पुत्तर मसीह जेड़ा जगत च आने आला हां, ओह तू ही ऐ। "

28 ए बोलिए चली गई, और अपनी पैत्र मरियम गी चोरी कन्ने आख्या, " गुरु इत्थे ऐ और तुही बला दे ऐ। " 29 ए सुनिए ओह तुरन्त उठिये उदे कोल आई। 30 यीशु अजे तक गांव नेई पूजया हां, लेकन उसी जगह ते ही जित्थे मार्था मिली ही। 31 ते जेड़े यहूदी उदे कार च बैठे दे हे और उसी शान्ति दिंदे हे, ए दिख्या कि मरियम जक-दम उठिए बाहर गई ऐ, ते उदे पीछे होइए। 32 जदु मरियम उत्थे पूजी जित्थे यीशु ही, ते उसी दिख्दे ही उदे पैरे च डिगी गई और आख्या, " हे प्रभु, यदि तुस इत्थे होंदे ते मेरा परा नेई मरदा। " 33 जदु यीशु ने उसी और उदे कन्ने आयदे यहूदियों गी भी रोन्दे दिख्या, ते ओह आत्मा च बहुत उदास होया। 34 और आख्या, " तुसे उसी कुथे रखया ऐ ? उने उसी बोलया, " प्रभु, चलिए दिखी ले। " 35 यीशु रोई पेया। 36 ते यहूदी बोलन लग्गे, " दिखो ऐ उदे कन्ने किना प्रेम करदा ऐ। " 37 पैरन्त उन्दे च केईये आख्या, " क्या ए जिन्ने अन्ने दी अख्खा खोलिया, ऐ इस मनुख गी मरने तो नेई रोकी सकदा हां।

38 यीशु मन च फेर बहुत उदास होईए कन्न ते आया। उत्थे इक गुफा ही और इक पत्थर उदे उप्पर रख्खे दा हां। 39 यीशु ने फेर आख्या, " पत्थर हटाओ। " उस मरे दी पैत्र मार्था उसी आखन लगई, " हे प्रभु, हुन ते इदे चा दुर्गन्ध आनदी ऐ, क्यूकि उही मरे दे आज चार दिन होइए। 40 यीशु ने उसी आख्या, " क्या में तुगी नेई आख्या कि अगर तू विश्वास करगी ते परमात्मा दी महिमा दिखगी ? " 41 फेर पत्थर गी हटाया। और यीशु ने अपनी अख्खा उप्पर करिये आख्या, " पिता में तेरा धन्यवाद करदा हां कि तू सुन लेई। 42 और में जान्दा हां कि तू सदा मेरी सुन्दा ऐ; पैरन्त चारों ओर खलोते जेड़े लोके दे कारण में इसकरिये आख्या, कि ओह विश्वास करन कि तुसे मिगी भेजे दा ऐ। 43 और ए गल्ल आखिये उन्ने बड़े शब्द कन्ने पुकारेया, " हे लाजर निकल आ। " 44 जेड़ा मरी गेदा हां ओह कफन च हाथ-पैर बनोदे बाहर निकली आया, और उदा मुहं कपड़े कन्ने ब्नोदा हा। यीशु ने उ'नेगी आख्या, " उसी खोली ओडो और जान देयो। "

45 ते जेड़े यहूदी मरियम दे कोल आए दे हे और उदा ए काम दिखया, ते उदे च बड़े लोके उदे उप्पर विश्वास किता। 46 लेकन उन्दे च कुछ ने फरीसीयों कोल जेईये यीशु दे कमें बारे दा समाचार दिता। 47 इदे उप्पर प्रधान याजको और फरीसियों ने महासभा बलाई, और बोलन लग्गे, " आहे के करादे हां ? ए मनुख ते बड़े चिन्ह दिखानदा ऐ। 48 यदि आहे उसी इन्ना गे छडी ओडया ते, सारे उदे उप्पर विश्वास करी लैनगे, और रोमी आइए साडी जमीन और जाति दोने उप्पर अधिकार करी लैनगे। 49 ते उन्दे बीचा काइफा न दे नामक इक मनुख ने जेड़ा उस वर्ष दा महायाजक ही, उ'नेगी बोलन लग्गा, " तुस कुछ भी नेई जानदे; 50 और न ए समझदे हो कि तुन्दे लेई ए भला ऐ कि साडे लोके लेई इक मनुख मरे, और सारी जाति नष्ट न होए। 51 ए गल्ल उन अपने आला नेई आखिया, लेकन उस वर्ष दा महायाजक होइए भविष्यवाणी किती, कि यीशु अपनी जाति लेई मरगा; 52 न केवल उस जाति लेई, इसलेई भी कि परमात्मा दी तितर - बितर संतानों गी इकठे करी ओडगा। 53 उसी दिन तो ओह उसी मारी ओडने दा षडयंत्र रचन लग्गी पे।

54 उस दिन तो यीशु यहूदियों दे बिच प्रकट होइए नेई चलया - फिरया, लेकन उथु जंगल दे लाग्गे इफ्राईम ना दे नगर चली गया; और अपने चले कन्ने उत्थे रेया।

55 यहूदियों दे फसह दा पर्व लाग्गे ही, और बड़े लोके फसह तो पैहले यरुशलम च गे कि अपने आपने गी शुध्द करन। 56 इसलेई ओह यीशु गी ढूँढदे रहे और मंदिर च खलोइए आपु बीचे गल्ला करदे ऐ, कि तोहे के सोचदे हो ? के ओह पर्व च नेई आग ? 57 प्रधान याजकों और फरीसियों ने ए आज्ञा दिती दी ही कि यदि किसे गी ए पता लग्गे की यीशु कुथे ऐ, ते दसे ताकि आहे उसी फडी लैचे।

12 फेर फसह दे छः दिन पैहले यीशु बैतनिय्याह च आया जित्थे लाजर ही, जिसे यीशु ने जिन्दा किता हां। 2 उत्थे उने उन्दे बासते भोजन

तैयार किता; और मार्था भी सेवा करा दी ही, और लाज़र भी उन्दे च इक ही जेड़ा उदे कन्ने भोजन लेई बैठेदा हां।³ ते मरियम ने जटामासी दा आधा किलो बहुमूल्य इत्र लेई यीशु दे पैरे च पाया, और अपने बाले कन्ने उदे पैरे गी पुन्जया; और इत्र दी सुगंध कन्ने पूरा कार सुगन्धित होई गेआ।⁴ लेकन उदे चेलया च यहूदा इस्करियोती ने, जेड़ा यीशु गी फडाना चानदा हां, ओह बोलन लग्गा,⁵ "ए इत्र गी तीन सौ दीनार च बेचीए ए कंगालों गी क्यों नेई दिता गया ? " ⁶ ए गल्ल उन इसलेई नेई बोली कि उसी कंगाले दी चिन्ता ही, लेकन इसलेई कि ओह चोर ही, और उन्दे कोल जेड़ी थैली ही, जो कुछ उदे च पानदे ही ओह उसी चोरी करी लेनदा हां।⁷ यीशु ने आख्या, " उसी रैन देयों, कि ओह मेरे गाडे जाने दे दिन लेई करदा ऐ।⁸ क्योंकि कंगाल ते तुन्दे कन्ने सदा रैनदे नए; लेकन में सदा तुन्दे कन्ने नेई रैनाए। "

⁹ ते यहूदियों दी बड्डी भीड़ जात्री गई कि ओह उत्थे ऐ, ते न केवल यीशु लेई आए लेकन इसलेई कि लाज़र गी दिख्वे, जिंसी ओह मरे च जिन्दा किता ही।¹⁰ ते प्रधान याजके ने भी लाज़र गी मारी ओड़ने दी योजना बनाई।¹¹ क्योंकि उदे कारण बडे यहूदी अलग होइए यीशु दे उप्पर विश्वास करण लग्गी पै ही।

¹² दुए दिन पर्व च आए दी बड्डी भीड़ च लोके ऐ सुनया कि यीशु यरुशलम च आबा करदे नए।¹³ ते लोके खजूर दी डालियां लेईए उदे कन्ने मिलन लेई निकले, और पुकारन लग्गे, " होशाना ! धन्य इस्त्राएल दा राजा, ओह जेड़ा प्रभु दे ना कन्ने अन्दा ऐ,

¹⁴ और यीशु गी गधे दा इक बच्चा मिल्या; ते उदे उप्पर बैठी गया, जिया लिख्या ऐ,

¹⁵ " हे सिम्योन दी बेटी, मत डर; देख, तेरा राजा गधे दे बच्चे उप्पर चडिये चला अन्दा ऐ। " ¹⁶ उदे चले पैहले ए गल्ला नेई समझदे ए, लेकन जदु यीशु दी महिमा प्रकट होई ते उ'नेगी याद आया की ए गल्ला उदे बारे च लिखिया हन और लोके उदे कन्ने ऐहो जेया गे व्यवहार किता।¹⁷ ते भीड़ च उने लोके गवाही दिती जेडे उस समय उदे कन्ने ही यदु उन लाज़र गी कन्न च बाहर बुलाइए मरे च जिन्दा किता ही।¹⁸ इसलेई लोक उदे कन्ने भेंट करन लेई निकल आये हे क्योंकि उने सुन्या हां कि उदे ए चिन्ह दसया ऐ।¹⁹ इसलेई फरीसियों ने इक दुए गी बोलया, "सोचो ते सही कि तुन्दे कोला कुछ भी नेई होन्दा। दिखो, संसार उदे पीछे होई पेया ऐ। "

²⁰ जेडे लोक उस पर्व च आए दे हे उन्दे च कुछ यूनानी ही।²¹ उने गलील दे बैतसैदा दा रहने आला फिलिप्पुस दे कोल आइए उदे अग्रे बिनती किती कि, " श्रीमान, असी यीशु कन्ने मिलना चान्दे हां। " ²² फिलिप्पुस ने आइए अन्द्रियास गी आख्या, ते अन्द्रियास और फिलिप्पुस ने जाइए यीशु गी बोलया।²³ इस पर यीशु ने आख्या, "ओह समय आई गया ऐ कि मनुख दे पुत्तर दी महिमा होए।²⁴ में तुसे गी सच्च - सच्च बोलना, कि जदु तकर गेहूँ दा दाना भूमि च पेई ये मरी ना जान्दा, ओह कला रेन्दा ऐ; लेकन यदि मर जान्दा ऐ ते बडे फल लेयान दा ऐ।²⁵ जेड़ा अपने प्राण गी प्रिय जान्दा ऐ, ओह उसी खोन्दा ऐ; और जेड़ा कोई इस संसार च अपने प्राण गी अप्रिय जान्दा ऐ, ओह उसी अनन्त जीवन तकर बचान्दा ऐ।²⁶ अगर कोई मेरी सेवा करना चाहे, ते मेरे पीछे आये, और जित्थे में हां, उत्थे मेरा सेवक भी होगा। यदि कोई मेरी सेवा करण ते पिता उदा सम्मान करेगा।

²⁷ हुन मेरा जी परेशान ऐ। इसकरिये हुन में के बोला ? ' हे पिता, मिगी एस घड़ी कोना बचा ? ' नेई, क्योंकि में इसी कारण एस घड़ी तक पूज्या हां।²⁸ हे पिता, अपने ना दी महिमा कार। " फेर ऐ आकाशवाणी होई, " में अपने ना दी महिमा किती ऐ, और फेर भी करगा। " ²⁹ फेर जेडे लोक खलोइये सुना दे ही ओह बोलन लग्गे कि बादल गरजा दा ऐ। दुए बोलन लग्गे, " कोई स्वगदूत उदे कन्ने बोलेया। " ³⁰ उदे उप्पर यीशु ने आख्या, " ए शब्द मेरे लेई नेई ऐ, परैन्त तूदे लेई आया ऐ।³¹ हुन इस संसार दा न्याय हो दा ऐ, हुन इस संसार दे शासक दी कडी ओड़ना ऐ।³² और मिगी यदि पृथ्वी कोना ऊचा चढाया जाग, ते सारे लोके गी अपने कोल खीची लेगा। " ³³ लेकन ऐसा बोलिये ओह ऐ प्रकट करा दा ही कि ओह किना मरग।³⁴ इदे उप्पर लोके उसी आख्या, " आहे व्यवस्था दी ऐ गल्ल सुनी ही कि मसीह हमेशा लेई रोग, फेर तू क्यों बोलना ऐ कि मनुख दे पुत्तर गी सूली उप्पर चढाया जाना जरूरी ऐ ? ऐ मनुख दा पुत्तर कोन ऐ ? " ³⁵ यीशु ने उ'नेगी बोलया, " ज्योति हुन थोड़ी

देर तकर तुन्दे बीच ऐ। जदु तकर ज्योति तुन्दे कन्ने ऐ अदू तकर चलदे चलो, अेहा ना हो की अन्धकार तोहे गी केरी ले जेड़ा अन्धकार च चलदा ऐ ओह नेई जान्दा कि किधर जन्दा ऐ।

³⁶ जदु तकर ज्योति तुन्दे कन्ने ऐ, ज्योती उप्पर विश्वास करो ताकि तोहे ज्योति दी सन्तान बनो। " ए गल्ला बोलिये यीशु चली गया और उदे कोला छिपिये रेया।³⁷ उस ने उन्दे सामने इन्ने चिन्ह दसे, फेर भी उने उदे उप्पर विश्वास नेई किता;

³⁸ ताकि यशायाह नबी दा ओह वचन पूरा होए जेड़ा उस ने बोलया हा, " हे प्रभु, सारे समाचार दा कुने विश्वास किता ? और प्रभु दा भुजबल कूदे उप्पर प्रकट होया ? "

³⁹ इस कारण ओह विश्वास नेई करी पाये, क्योंकि यशायाह ने ऐ भी आख्या ही,

⁴⁰ उस ने उदी अखखा अन्नी, और उदा मन कठोर करी ओड़या ऐ; किते ऐसा नेई होए कि ओह अखखी दिखे, और मन कन्ने समझें, और फिरें, और में उ'नेगी चगा करा। " ⁴¹ यशायाह ने ऐ गल्ला इसकरिये बोलिया कि उस ने उदी महिमा दिखी, उस ने उदे विषय दे बारे च गल्ला कितिया।⁴² फेर भी अधिकारियों बीचा बडे लोके ने उदे उप्पर विश्वास किता, परैन्त फरीसियों दे कारण ओह उदा अंगीकार नेई करा दे ही, किते ऐसा ना हो कि ओह आराधनालयों कोना कडया जाए; ⁴³ क्योंकि उ'नेगी ते परमात्मा दी ओर ता मिलने आली प्रशंसा दी अपेक्षा मनुखो दी ओर ता मिलने आली प्रशंसा ज्यादा प्यारी लगदी ऐ।

⁴⁴ फेर यीशु ने पुकारिये आख्या, " जेड़ा मेरे उप्पर विश्वास करदा ऐ, ओह मेरे उप्पर नेई परन्तु मेरे भेजने आले उप्पर विश्वास करदा ऐ।⁴⁵ और जेड़ा मिगी दिखदा ऐ, ओह उसी दिखदा ऐ जिस ने मिगी भेजे दा ऐ।⁴⁶ में जगत दी ज्योति हां और जगत दी ज्योति च आया हां कि जेड़ा कोई मेरे उप्पर विश्वास करदा ऐ ओह अन्धकार च नेई रोग।⁴⁷ यदि कोई मेरी गल्ला सुनिये ना मनग, ते में उसी दोषी नेई ठहरान्दा; क्योंकि में जगत दी दोषी ठहराने लेई नेई, परैन्त जगत दा उदार करन लेई आया हां।⁴⁸ जेड़ा मिगी तुच्छ जान्दा ऐ और मेरी गल्ला ग्रहण नेई करदा ऐ उसी दोषी ठहराने आला ते ही ऐ; परन्तु जेड़ा वचन आख्या ऐ, ओह पीछले दिन च उसी दोषी ठहराग।⁴⁹ क्योंकि में अपनी ओर दा गल्ला नेई बोलिया; परैन्त पिता जिस ने मिगी भेजेया ऐ उने गे मिगी आज्ञा दिती ऐ कि मिगी के आखना ऐ और के बोलना ऐ।⁵⁰ और में जान्दा हां कि उदी आज्ञा अनन्त जीवन ऐ इसकरिये में जेड़ा कुछ बोलदा हां, ठीक उना ही बोलना हां जिना पिता ने मिगी आख्या ऐ। "

13 फसह दे पर्व तो पैहले, जदु यीशु ने जान लेया कि मेरी ओह घड़ी आ पूजी ऐ कि में जगत दी छोड़ीए अपने पिता दे कोल जा, ते अपने लोके गी जेडे जगत च ऐ जनेआ प्रेम ओह रखदा आया हां, अन्त तकर उन्दे कन्ने उहेलेया प्रेम रखदा रेहा।² और भोजन दे समय जदु शैतान पैहले ही शमौन दे पुत्तर यहूदा इस्करियोती दे मन च ए पाई बैठा हां कि ओह उसी धोखे कन्ने पकड़वाग,³ ते यीशु ने, ए जानिए कि पिता ने सारा कुछ मेरे हाथ च करी ओड़या ऐ, और में परमात्मा दे कोला आया हां और परमात्मा कोल जान्दा हां,⁴ भोजन तो उठिए अपने उप्पर आले कपडे उतारी ओडे, और अंगोछा लेईये अपनी कमर बननी।⁵ ते बरतन च पानी परीये चेलें दे पैर तोते और जेडे अंगोछा उन कमर च बनया हां उदे कन्ने पैर पुंजन लग्गा।⁶ जदु ओह शमौन पतरस कोल आया ते, पतरस बोलन लग्गा, " हे प्रभु, के तुस मेरे पैर तोगे ? " ⁷ यीशु ने उत्तर दिता, " जो में करना हां, तू उसी आज्ञे नेई जान्दा ऐ, लेकन इदे बाद समझी जागे। " ⁸ पतरस ने उसी आख्या, " में अपने पैर तुसेगी नेई तौन देगा ! ए सुनिए यीशु ने उत्तर दिता, यदि में तोहे गी नेई तौआ, ते मेरा कन्ने तेरा कुछ भी साझा नेई। " ⁹ शमौन पतरस ने उसी आख्या, " हे प्रभु, केवल मेरे पैर ही नेई, परैन्त मेरा हाथ और सेर भी तोई ओड़। " ¹⁰ यीशु ने उसी आख्या, " जेड़ा नाई चुक्या ऐ उसी पैर तोने दे सिवाय और कुछ तोने दी जरूरत नेई, परैन्त ओह शुद ऐ; और तू शुद ऐ, परैन्त सारे दे सारे नेई। " ¹¹ ओह ते अपने फडाने आले गी जान्दा हां इस लेई उन बोलया, " तोहे सारे दे सारे शुध नेई। "

¹² ते जदु उस ने उन्दे पैर तोई ओडे, ते अपने कपडे फेर पाईये बैठी गया, ते उ'नेगी अखखन लग्गा, " तोहे के समझे कि में तुन्दे कन्ने के किता ? ¹³ तुस

मिगी गुरु और प्रभु आखदे हो, और ठीक ही आखदे हो, क्योंकि में ओह ही हां। 14 यदि में प्रभु और गुरु होइए भी तुन्दे पैर तोते ने, ते तु'नेगी भी इक दुये दे पैर तोने चाये दे ने। 15 क्योंकि में तु'नेगी नमूना दसया ऐ कि जिया में तुन्दे कन्ने किता ऐ, तुसे भी इया करो। 16 में तुसे गी सच्च - सच्च बोलना, दास अपने स्वामी कोला बड्डा नेई, और न गे भेजने अल्ला अपने भेजन कोला बड्डा ऐ। 17 तोहे ए गल्ला जान्दे हो, और यदि इन्दे उप्पर चलदे हो ते तोहे धन्य हो। 18 में तुन्दे सारे बारे च नेई बोलदा, लेकन जि'नेगी में चुन लेया ऐ, उ'नेगी में जान्दा हां; परैन्त ए इसलेई ऐ कि पवित्रशास्त्र दा ए वचन पूरा हो, ' जेड़ा मेरी रुट्टी खादा ऐ, उस ने मिगी लतता मारी। 19 ए होने कोला पैहले तु'नेगी दसा दा हां कि जदु ए पूरा होए ते तोहे विश्वास करो कि में ओही हां। 20 में तु'नेगी सच्च - सच्च बोलना, जेड़ा मेरे भेजने होए गी ग्रहण करदा ऐ, ओह मिगी ग्रहण करदा ऐ; और जेड़ा मिगी ग्रहण करदा ऐ, ओह मेरे भेजन आले गी ग्रहण करदा ऐ। "

21 ए गल्ला करने बाद यीशु आत्मा च व्याकुल होया और ए गवाही दिती कि, में तुसे गी सच्च -सच्च बोलना कि तुन्दे च गे इक मिगी फडाग। " 22 ते चले हरान होईए, कि ए कूदे बारे च बोलदा ऐ, इक दुए गी दिखन लग्गे। 23 उदे चले बिचा इक ही जिसी यीशु प्रेम रखदा हां, यीशु दी छाती दे कोल झुकिये बैठ दा हां। 24 शमौन पतरस ने उदी और इशारा करदे होए पुछ्या, " सानु दस कि ओह कोन ऐ जिदे बारे च ओह बोलदा ऐ ? " 25 ते उन फेर उसी चली यीशु दी छाती दे कोल झुकिये उसी पुछ्या, हे प्रभु, ओह कोन ऐ ? " 26 यीशु ने उत्तर दिता, " जिसी में ए रुट्टी दा टुकड़ा डोबिये देगा ओही ऐ। " और उन टुकड़ा डोबिये शमौन इस्करियोती दे पुत्तर यहूदा गी दिता। 27 टुकड़ा लेनदे ही उदे च शैतान समाई गया। ते यीशु ने उसी आख्या, " जो तू करना ऐ, जल्दी कर। 28 लेकन बैठन आले च किसे ने ऐ नेई जान्या कि ए गल्ल उन किस लेई बोली। 29 यहूदा दे कोल रूपए दी थेली हाँदी ही इसलेई किसे किसे ने समझया कि यीशु उसी बोल दा ऐ कि जो कुछ सानु पर्व लेई चाई दा ऐ खरीदये ली आ, या कि कंगाले गी कुछ दे। 30 जुले ओह टुकड़ा लेईये तुरन्त बाहर चली गया; और ए रात दा समय ही।

31 जदु ओह बाहर चली गया ते यीशु ने आख्या, " हुन मनुख दे पुत्तर दी महिमा होई ऐ; और परमात्मा दी महिमा उदे च होई ऐ; 32 यदि उदे च परमात्मा दी महिमा होई ऐ, ते परमात्मा भी अपनी महिमा तो उदी महिमा करग और जल्द करग। 33 हे बालको, में और थोड़ी देर तकर तुन्दे कन्ने हां। तोहे मिगी तुपगे; और जिया में यहूदियों गी आख्या ही, ' जुदर में जादा हां उत्थे तोहे नेई आई सकदे, ' हुन तु'नेगी भी में आखना हां। 34 में तोहे इक नई आज्ञा दिना हां कि इक दुये कन्ने प्रेम रखो; जिया में तुन्दे कन्ने प्रेम रखया ऐ, उसे चला इक दुये गी प्रेम रखो। 35 यदि तुस आपस च प्रेम रखगे, ते इदे कन्ने सारे जानन गे कि तोहे मेरे चले हो। "

36 शमौन पतरस ने उसी आख्या, " हे प्रभु तू कुदर जाना ऐ ? " यीशु ने उत्तर दिता, " जित्थे में जादा हां उत्थे तू आज मेरे पीछे आ नेई सकदा; लेकन इदे बाद तू आगा। " 37 पतरस ने उसी बोलया, " हे प्रभु, आज में तेरे पीछे कि नेई आई सकदा ? में तेरे लेई प्राण भी देगा। " 38 यीशु ने उत्तर दिता, क्या तू मेरे लेई प्राण देगा ? में तेरे कन्ने सच्च - सच्च बोलना हां कि मुर्गा बांग न देग जदु तकर तू तीन बारी मेरा इन्कार न करी लेगा।

14 "तुन्दा मन व्याकुल न होए; परमात्मा ते विश्वास रखो और मेरे उप्पर भी विश्वास रखो। 2 मेरे पिता दे कार बीच रैन लेई बहुत जगह ऐ, अगर नेई होंदे ते में तु'नेगी बोली ओडदा, क्योंकि में तुन्दे लेई जगह तैयार करन जान्दा हां। 3 और यदि में जाईये तुन्दे लेई जगह तैयार करा ते फेर आइए तु'नेगी अपने कन्ने लेई जागा कि जित्थे में हां, उत्थे तोहे भी रहो। 4 और जित्थे में जनना हां तोहे उदर दा रास्ता जादे हो। " 5 थोमा ने उसी आख्या, " हे प्रभु, आहे नेई जानदे तुस कुदर जा दे हो; ते रास्ता किना जानिए ? " 6 यीशु ने उ'नेगी आख्या, " रास्ता और सत्य और जीवन में हां; मेरे बगैर कोई पिता दे कोल नेई आई सकदा। 7 यदि तुसे मिगी जानदे हुनदे, ते मेरे पिता गी भी जानदे; और हुन उसी जानदे हो, और उसी दिखया भी ऐ।

8 फिलिप्पुस ने उसी आख्या, " हे प्रभु, सानु पिता दसी ओड, और ए साडे लेई बहुत ऐ। " 9 यीशु ने उसी आख्या, " हे फिलिप्पुस, में इन्ने दिन तो तेरे कन्ने हा, और तू मिगी नेई जान्दा ? जिन मिगी दिखया ऐ, उन पिता गी

दिखया ऐ। फेर तू क्यों बोलना ऐ कि मिगी पिता दसी ओड। 10 के तू विश्वास नेई करदा कि में पिता च हां और पिता मेरे च ऐ ? और जो गल्ला में तेरे कन्ने करदा हां, अपनी और तो नेई करदा, लेकन पिता मेरे च रेईये अपने काम करदा ऐ। 11 मेरा विश्वास करो कि में अपने पिता च हां, और पिता मेरे च ऐ; नेई ते मेरे काम दे कारण मेरा विश्वास करो।

12 "में तुसेगी सच्च - सच्च बोलना हां कि जेड़ा मेरे उप्पर विश्वास रखदा ऐ, ए काम जेड़े में करदा हां ओह भी करग, और इन्दे कोला भी बड्डे महान काम करग, क्योंकि में पिता कोल जा दा हां। 13 जो कुछ तुस मेरे नाम च मंगगे, ओह में करग कि पुत्तर च पिता दी महिमा होए। 14 यदि तोहे मेरे कोला मेरे नाम च कुछ भी मंगगे ते में उसी करगा।

15 " यदि तोहे मेरे कन्ने प्रेम करदे हो, ते मेरी आज्ञा दा पालन करगे। 16 में पिता तो बिनती करगा, और ओह तु'नेगी इक और मद्दगार देग ओह हमेशा तुन्दे कन्ने रोग। 17 मतलब सत्य दा आत्मा, जिसी संसार ग्रहण नेई कर सकदा, क्योंकि ओह न उसी दिखदा ऐ और न उसी जान्दा ऐ; तुस उसी जानदे हो, क्योंकि ओह तुन्दे कन्ने ऐ, और ओह तुन्दे बीच ऐ।

18 " में तु'नेगी अनाथ नेई छोडगा; में तुन्दे कोल अग्गा। 19 और थोड़ी देर रेई गेई ऐ कि फेर संसार मिगी न दिखग, लेकन तोहे मिगी दिखगे; इसलेई कि में जीवित हां, और तोहे भी जीवित रौगे। 20 उस दिन तोहे जानगे कि में पिता च हां, और पिता मेरे च, और में तुन्दे च। 21 जिदे कोल आज्ञा ऐ ओह उसी मनदा ऐ, ओहे मेरे कन्ने प्रेम करदा ऐ; और जेड़ा मेरे कन्ने प्रेम रखदा ऐ, और में उदे कन्ने प्रेम रखगा और अपने आप गी उदे च उप्पर प्रकट करगा।

22 यहूदा ने जेड़ा इस्करियोती नेई ही, उन आख्या, " प्रभु, ऐसा के होया कि तुस अपने आप गी साडे उप्पर प्रकट करना चाहदे हो और संसार ते नेई ? " 23 यीशु ने उसी उत्तर दिता, " यदि कोई मेरे कन्ने प्रेम रखग ते मेरे वचन दा पालन करग, और मेरा पिता उदे कन्ने प्रेम करग, और आहे उदे कोल आगे और उदे बीच वास करगे। 24 जेड़ा मेरे कन्ने प्रेम नेई करदा, ओह मेरे वचन नेई मन्दा; और जेड़े वचन तोहे सुन्दे हो ओह मेरे नेई लेकन मेरे पिता दे ऐ, जिन मिगी भेजया ऐ। 25 "ए गल्ला में तुन्दे कन्ने रेहंदे होए तु'नेगी बोलिया हां। 26 लेकन मद्दगार मतलब पवित्र आत्मा जिसी पिता मेरे नाम च भेजग, ओह तु'नेगी सारीया गल्ला सखाग, और सब कुछ जेडिया में बोलया ऐ, ओह सब याद करग। 27 में तु'नेगी शान्ति दिये जन्दा हां, अपनी शान्ति तु'नेगी दिना हां; जिया संसार दिदा ऐ, में तु'नेगी नेई दिदा; तुन्दा मन व्याकुल ना होए और न डरे। 28 तोहे सुन्या कि में तु'नेगी बोलया, में जा दा हां, और फेर तुन्दे कोल आगा। यदि तुस मेरे कन्ने प्रेम रखदे, ते इस गल्ल तो खुश होंदे कि में पिता कोल जा दा हां, क्योंकि पिता मेरे कोला बड्डा ऐ। 29 और ए होने कोला पैहले में तु'नेगी हुनेगे दसी ओडया ऐ, जिदे कन्ने कि जदु ए होए ते तोहे विश्वास। 30 हुन में तुन्दे कन्ने और इनिया गल्ला नेई करी सकदा क्योंकि इस संसार दा सरदार अन्दा ऐ। मेरे उप्पर उदा कोई अधिकार नेई, 31 लेकन ए इसलेई कि संसार जानी ले कि में पिता गी प्रेम करदा हां और जिस तरह पिता ने मिगी आज्ञा दिती ऐ में उहे करना हां। उठो, आओ इदरा चल्चे।

15 "सच्ची दाखलता में हां, और मेरा पिता किसान ऐ। 2 जेड़ी डाली मेरे फल्दी ऐ, उसी ओह छागदा ऐ कि और फले। 3 "तुस ते ओह वचन दे कारण जेड़े में तु'नेगी बोले ऐ, शुद हो। 4 तुस मेरे च बने रहो, और में तुन्दे च। जिया डाली यदि दाखलता च बनी न रहे, ते अपने आप तो फल नेई लयाई सकदी, इसे तरह तोहे भी यदि मेरे च नेई बने रहगे ते फल नेई लियाई सकदे। 5 में दाखलता हां, तुहे डलिया हो। जेड़ा मेरे च बना रैन्दा ऐ, और में उदे च, ओह बहुत फल फलदा ऐ, क्योंकि मेरे कोला अलग होइए तोहे कुछ भी नेई करी सकदे। 6 यदि कोई मेरे च बनी नेई रैदी, ते ओह डाली दे अन्य सुटया जान्दा ऐ, और ओह सुख जन्दा ऐ; और लोग उ'नेगी इड्ठा करिए आग च पाई दिन्दे नए, और ओह जल जादी ऐ। 7 यदि तोहे मेरे च बने रहो और मेरे वचन तुन्दे च बने रहन, ते जो चाहो मंगो और ओह तुन्दे लेई होई जाग। 8 मेरे पिता दी महिमा इदे च ऐ कि तोहे बहुत फल लेयाओ, अदु गे तोहे मेरे चले ठैरगे। 9 जिया पिता ने मेरे कन्ने प्रेम रखया, इया गे में भी तुन्दे कन्ने प्रेम रखया; मेरे प्रेम च बने रहो 10 यदि तुस मेरे आज्ञाओं दा पालन करगे, ते मेरे प्रेम च बने रहगे, और जिया गी में अपने पिता दी आज्ञाओं दा पालन किता ऐ, और उदे

प्रेम च बने रहन्दा हां। 11 में ए गल्ला तुन्दे कन्ने इसलेई कित्या ऐ, कि मेरे आनन्द तुन्दे च बना रहे, और तुन्दा आनन्द पूरा हो।

12 "मेरी आज्ञा ए ऐ कि जिया में तुन्दे कन्ने प्रेम रखया, इन्ना गे तोहे भी इक दुए कन्ने प्रेम करो। 13 इदे च बड़ा प्रेम और किसे दा नेई, कि कोई अपने दोस्ते लेई प्राण दे। 14 जेड़ी आज्ञा में तु'नेगी दिना हां, यदि उसी मनगे ते तोहे मेरे मित्र हो। 15 हुन ते में तुसे गी दास नेई बोलना, क्योंकि दास नेई जान्दा कि उदा स्वामी के करदा ऐ, परैन्त में तुसे गी मित्र आख्या ऐ, क्योंकि ओह सब गल्ला जेड़ी में अपने पिता कोला सुनी ही तुसे गी दसी ओड़िया ने। 16 तोहे मिगी नेई चुनया, परैन्त में तोहे गी चुने दा ऐ और तोहे गी नियुक्त किते दा ऐ कि तोहे फल लेयाओ और तुन्दा फल बना रेए, कि तोहे मेरे नाम च जेड़ा कुछ पिता कोना मगगे ओह तोहे गी देगा। 17 में तोहे गी ए आज्ञा इसलेई दिना हां कि तोहे इक दुए कन्ने प्रेम रखो।

18 यदि संसार तुन्दे कन्ने बैर रखदा ऐ, ते तोहे जानदे हो कि उने तुन्दे कोला पैहले मेरे कन्ने बैर रखया। 19 यदि तोहे संसार दे होंदे ते संसार अपने कन्ने प्रेम रखदा ऐ; परैन्त इसलेई कि तोहे संसार दे नेई हो और में तोहे गी संसार बीचा चुनी लेया - इसलेई संसार तुन्दे कन्ने बैर करदा ऐ। 20 जेड़ी गल्ला में तुन्दे कन्ने किती ही, ' कि दास अपने स्वामी कोना बड़ा नेई होंदा, ' उसी याद रखो। यदि उने मिगी सताया, ते तोहे भी सताग; यदि उने मेरी गल्ला मनिया हां, ते तुन्दी भी मनग। 21 परैन्त ए सब कुछ ओह मेरे नाम दे कारण तुन्दे कन्ने करग, क्योंकि ओह मेरे भेजने आले दी नेई जानदे। 22 यदि में नेई आन्दा और उदे कन्ने गल्ला नेई करदा ते ओह पापी नेई ठेहरदे, लेकन हुन अपने पाप दे लेई उदे कोल कोई बहाना नेई ऐ। 23 जेड़ा मेरे कन्ने बैर करदा ऐ ओह मेरे पिता कन्ने भी बैर करदा ऐ। 24 यदि में उदे च ओह काम नेई करदा जेड़ा और किसे ने नेई किते, ते ओह पापी नेई ठेहरदे, परैन्त ते उने मिगी और मेरे पिता गी दोनों दी दिखया ऐ और दोनों कन्ने बैर किते। 25 ए इसलेई होया कि ओह वचन पूरा होए जेड़ा उदी व्यवस्था च लिखया ऐ, " उने मेरे कन्ने अकारण बैर किते। " 26 परैन्त जिस ले ओह सहायक आग, जिसी में तुन्दे कोल पिता दी ओर ता भेजना ऐ, मतलब सत्य दा आत्मा जेड़ा पिता दी ओर ता निकलदा ऐ, ते ओह मेरी गवाही देगा। 27 और तोहे मेरे गवाह हो क्योंकि तोहे आरम्भ दा मेरे कन्ने रे हो।

16 ए गल्ला में तेरे कन्ने इसलेई कितिया, कि तू ठोकर खाने कोना बची रहे। 2 उने तुगी आराधनालयों बीचा कडी ओड़ना ऐ, परैन्त ओह समय आ दा ऐ कि जेड़ा कोई तुगी मारी ओड़ग, ओह समझेगा कि में परमात्मा दी सेवा करदा हां। 3 और ओह ऐसा इसलेई करग, क्योंकि उने ना ते पिता दी जानया और ना गे तुगी।

4 और ए गल्ला में इसलेई किती कि जदू समय आये ते तू स्मरण करे कि में तुगी इदे विषय च दसी ओड़या ऐ, और ए गल्ला में तुगी आरम्भ च इसलेई नेई किती क्योंकि में तेरे कन्ने हां। 5 परैन्त हुन में अपने भेजने आले दे कोल जा दा हां; और तुन्दे च कोई मिगी नेई पुछदा, ' तू कुत्थे जा दा ऐ ? ' 6 परैन्त इसलेई कि में ए गल्ला तेरे कन्ने बोलिया, तुन्दा मन शोक कन्ने भरी गया ऐ। 7 परैन्त में तुन्दे कन्ने सच्च - सच्च बोलना कि मेरा जाना तुन्दे लेई अच्छा ऐ, क्योंकि यदि में नेई गया ते ओह सहायक तुन्दे कोल नेई आग; लेकन अगर में जागा, ते उसी तुन्दे कोल भेजगा। 8 और जिस ले ओह आग ते संसार च पाप और धार्मिकता और न्याय दे विषय च निरुत्तर करग। 9 पाप दे विषय च इसलेई कि ओह मेरे उप्पर विश्वास नेई करदे। 10 और धार्मिकता दे विषय, च इसलेई कि में पिता दे कोल जांदा हां, और तोहे मिगी फेर नेई दिखगे, 11 और न्याय दे विषय च, इसलेई कि संसार दा अधिकारी दोषी ठहराया गया ऐ।

12 मिगी तेरे कन्ने और भी बहुत सारी गल्ला करनी ऐ, परैन्त तू अल्ले सहन नेई करी सकदा। 13 परैन्त जिसले ओह, मतलब सत्य दा आत्मा आग, ते ओह तोहे गी सत्य दा मार्ग दसग; क्योंकि ओह अपनी ओर ता नेई बोलग, परैन्त जेड़ा कुछ सुनग, ओही कुछ बोलग और आने आली गल्ला तुन्दे च प्रकट करग। 14 ओह मेरी महिमा करग, क्योंकि ओह मेरी गल्ला दी लेयिए तुन्दे च प्रकट करग। 15 जेड़ा कुछ पिता दा ऐ ओह सब कुछ मेरा ऐ; इसलेई में आख्या, ओह मेरी गल्ला दी लेयिए तुन्दे च प्रकट करग।

16 " थोड़ी देर च तोहे मिगी नेई दिखगे, और फेर थोड़ी देर च तोहे मिगी दिखगे। 17 फेर उदे चले आपस च बोलया, " ए के ऐ जेड़ा ओह सानु बोलदा

ऐ, थोड़ी देर च तोहे मिगी नेई दिखगे, फेर थोड़ी च मिगी दिखगे ? ' और ए ' इसलेई कि में पिता दे कोल जन्दा हां ? ' 18 और इस प्रकार बोलन लगे, ' ए के ऐ जेड़ा ओह बोलदा ऐ, ' थोड़ी देर च ? ' आहे नेई जानदे कि ओह के बोला दा ऐ। 19 यीशु ने ए जानिए कि ओह मेरे कन्ने प्रश्न करना चान्दे ऐ, उ'नेगी बोलया, " क्या तोहे इस गल्ल दे विषय च आपस च पुछताछ करा दे हो, जेड़ा में आख्या, ' थोड़ी देर च तोहे मिगी नेई दिखगे, और फेर थोड़ी देर च तोहे मिगी दिखगे ? ' 20 में तोहे गी सच्च - सच्च बोलना कि तोहे रोगे और विलाप करगे, परैन्त संसार आनन्द करग। तोहे शोकित होगे, परैन्त तुन्दा शोक आनन्द च बदली जाग। 21 प्रसव दे समय स्त्री गी शोक होंदा ऐ, क्योंकि उदी दुःख दी घड़ी आ पुज्दी ऐ, परैन्त जदू ओह बालक दी जन्म दे चुकदी ऐ, ते इस आनन्द च कि संसार च इक मनुख उत्पन्न होया, उस संकट दी फेर स्मरण नेई करदी। 22 उसी प्रकार तोहे भी हुन ते शोक ऐ, परैन्त में तोहे गी फेर मिलगा और तुन्दे मन आनन्द कन्ने भरी जाग; और तुन्दा आनन्द कोई तुन्दे कोना छिनी ना ले। 23 उस दिन तोहे मेरे कोना कुछ नेई पूछगे। में तोहे गी सच्च - सच्च बोलना, यदि पिता कोला कुछ मगगे, ते ओह मेरे नाम च तोहे गी देगा। 24 हुन ताक तोहे मेरे कोला कुछ नेई मगया; मगों, ते पागे ताकि तुन्दा मन आनन्द च पूरा होए।

25 में ए गल्ला तेरे कन्ने दष्टान्त च बोली ऐ, परैन्त ओह घड़ी आ दी ऐ जदू में फेर तोहे गी दष्टान्त च नेई बोलगा, लेकन तोहे पिता दे विषय च दसगा। 26 उस दिन तोहे मेरे नाम च मगगे, और में तु'नेगी ए नेई आख्या कि तुन्दे लेई पिता दे अगे विनती करगा, 27 क्योंकि पिता ते स्वयं तुन्दे कन्ने प्रेम करदा ऐ, इसलेई कि तोहे मेरे कन्ने प्रेम किते और ए विश्वास किते ऐ कि में पिता बीचा निकलिये आया हां। 28 में पिता च निकलिये जगत च आया हां, और में फेर जगत दी छोड़िये पिता दे कोल जा दा हां।

29 उदे चले आख्या, " देखख, हुन ते तू खुलिये बोलदा ऐ, और कोई दष्टान्त च ते नेई बोला दा ऐ। 30 हुन आहे जानी गए हां कि तोहे सब कुछ जानदे ऐ, और इदी आवश्यकता नेई कि कोई तोहे गी प्रश्न पूछे। इदे च आहे विश्वास करदे हां कि तोहे परमात्मा च निकले हो। 31 यीशु ने उत्तर दिता, " क्या तोहे हुन विश्वास करदे हो ? 32 दिखो, हुन ओह घड़ी आ दी ऐ, मतलब आ पुजी ऐ कि तोहे तितर- बितर होईए अपने- अपने कार चली जाओ और मिगी कल्ला छडी ओड़ो; फेर भी में कल्ला नेई हां, क्योंकि पिता मेरे कन्ने ऐ। 33 ए गल्ला में तुनेगी बोली ऐ कि तोहे मेरे कोला शान्ति पाओ। संसार च तोहे गी क्लेश होंदा ऐ, परैन्त साहस रखो - में संसार च विजय पायी ऐ। "

17 यीशु ने ए गल्ला बोलिए और अपनी आंखा स्वर्ग आल करिए आख्या, " हे पिता, ओह कडी आ पुजी ऐ; अपने पुत्तर दी महिमा कर, कि पुत्तर भी तेरी महिमा करे। 2 क्योंकि तोहे ते उसी सारे मनुख जाति दे उप्पर अधिकार दिता ऐ, कि ओह उन्हें सरे गी जिन्हेगी तोहे दिता ऐ अनन्त जीवन दे। 3 और अनन्त जीवन ए ऐ कि ओह तुही जेड़ा इक मात्र सच्चा परमात्मा ऐ और यीशु मसीह गी जाने जिसी तोहे भेजया ऐ। 4 जेड़ा काम तोहे मिगी करने लेई दिता हां उसी पूरा करिये में पृथ्वी च तेरी महिमा किती ऐ। 5 हुन हे पिता, तू अपने कन्ने मेरी महिमा उस महिमा कन्ने कर जेड़ी जगत दी उत्पत्ति दे पहले, मेरी तेरे कन्ने ही।

6 में तेरा नाम उन मनुखे च प्रगट किते ऐ जिने गी तू जगत च मिगी दिता ऐ। ओह तेरे ही, और तू उ'नेगी मिगी दिता और उने तेरे वचन दी मनी लेया ऐ। 7 हुन ओह जानी गए ने कि जेड़ा कुछ तू मिगी दिता ऐ ओह सब तेरी ओर दा ऐ; 8 क्योंकि ओह वचन जेड़े कुछ तोहे मिगी दिते, में उन्दे ताक पहुचाई ओड़ो ऐ। उने उस वचन दी ग्रहण किते और सच्च - सच्च जानी लेया ऐ कि तेरे च निकलिये आया हां, और उने विश्वास किते ऐ कि तू ही मिगी भेजया ऐ। 9 में उन्दे लेई विनती करदा हां - संसार दे लेई विनती नेई करदा परैन्त उन्दे लेई जि'नेगी तू मिगी दिता ऐ, क्योंकि ओह तेरे ऐ, 10 और सब कुछ जो मेरे ऐ ओह तेरा ऐ, और जो तेरा ऐ ओह मेरा ऐ, और मेरी महिमा उन्दे च प्रकट होई ऐ। 11 हुन में जगत च नेई रेना ऐ परैन्त ए जगत च रोग और में तेरे कोल आना हां। हे पवित्र पिता, अपने उस नाम च जेड़ा तू मिगी दिता ऐ इदी रक्षा कर कि जिना आहे सारे इक ऐ, और ओह भी इक होन। 12 जिसलें में उदे कन्ने ही में तेरे उस नाम च जेड़ा तू मिगी दिता ऐ उन्दी रक्षा किती, और विनाश दे पुत्तर दी छोड़िये उन्दे च कोई नष्ट नेई होया, इसलेई कि पवित्रशास्त्र दी गल्ल पूरी

हो। 13 परैन्त हुन में तेरे कोल आना हां, और ए गल्ला संसार च बोलना, कि ओह अपने च मेरा आनन्द पाएं। 14 में उ'नेगी तेरा वचन दिता ऐ, और संसार ने उदे कन्ने बैर किता, क्योंकि जिना में संसार दा नेई, इन्ना गे ओह भी संसार दे नेई। 15 में तुन्दे कोला ए विनती नेई करदा कि तू उ'नेगी संसार बीचा उठाई ले; परैन्त ए कि तू उ'नेगी उस दुष्ट कोला बचाईये रखे। 16 ओह संसार दे नेई ऐ, जिया कि में भी संसार दा नेई हां। 17 सत्य दे दारा उ'नेगी पवित्र करन - तेरा वचन सत्य ऐ। 18 जिना तोहे मिगी संसार च भेजे दा ऐ, में भी उ'नेगी संसार च भेजे दा ऐ। 19 और उन्दे कन्ने में अपने आप गी पवित्र करना हां कि ओह भी सत्य दे दारा पवित्र होई जान।

20 में केवल इनदे लेई विनती नेई करदा, परैन्त उन्दे लेई भी जेडे इनदे वचन दे दारा मेरे उप्पर विश्वास करन, 21 कि ओह सब कुछ इक होन। जिना, हे पिता, तू मेरे बीच ऐ और में तेरे बीच हां, इन्ना गे ओह भी साडे बीच होन, जिना कि संसार विश्वास करे कि तू मिगी भेजया ऐ। 22 और ओह महिमा जेडी तू मिगी दिती ऐ में उ'नेगी दिती ऐ, कि ओह इन्ना गे इक होन जिना कि आहे इक हां, 23 में उन्दे च और तू मेरे च, कि ओह सिद होईये इक होई जान, जिन्दे कन्ने संसार जानी ले कि तू मिगी भेजे दा ऐ और जिना तोहे मेरे कन्ने प्रेम किता इन्ना गे उने भी प्रेम किता। 24 हे पिता, में चान्दा हां कि जि'नेगी तू मिगी दिता ऐ, जिदर में हां, उत्थे ओह भी मेरे कन्ने रेन, कि ओह मेरी उस महिमा दी दिखी सके जिसी तू मिगी दिती ऐ, क्योंकि तू जगत दी उत्पत्ति दे पहले मेरे कन्ने प्रेम किता। 25 हे धार्मिक पिता, यदि संसार ने तुगी नेई जानया, फेर भी में तुगी जानया, और इन्ने भी जानया कि तू गे मिगी भेजे दा ऐ, 26 और में तेरा ना इन्ने गी दसया और दसदा रोगा, कि जिस प्रेम च तोहे मेरे कन्ने प्रेम किता ओह उदे रेन और में उन्दे च। "

18 यीशु ए गल्ला बोलिए अपने चले कन्ने किद्रोन नाले दे उस पार चली गया। उत्थे इक बाग ही, जिन्दे बिच ओह ते उदे चले गए। 2 यहूदा भी उसी फडाने ते ही, उस जगह गी जन्दा हां; क्योंकि यीशु बड़ी बार अपने चले कन्ने उत्थे जाया करदा हां। 3 ते यहूदा, रोमी सेना दे इक दल गी, और प्रधान याजकों और फरीसियों दे आला सिपाहियों गी लेई ए उत्थे लालटेनों और मशालों और हथियारों कन्ने उत्थे आया। 4 इसलेई यीशु उन सारी गल्ला गी जेडी उदे उप्पर आने आलिया ही जानिए आगे बधया और उ'नेगी बोलया, " तोहे किसी तुपदे हो ? " 5 उने उसी उत्तर दिता, " यीशु नसरी गी। " उन उ'नेगी आख्या, में यीशु हां। " उदा फडाने आला यहूदा भी उन्दे कन्ने खलोते दा हां। 6 जदू उन उ'नेगी आख्या, " में हां " ओह पीछे हटिए और जमीन ते डिगी पे। 7 ते फेर पुछया, " तोहे किसी तुपदे हो। " ओह बोले, " यीशु नसरी गी। " 8 यीशु ने उत्तर दिता, " में तु'नेगी बोली चुक्या हां कि में यीशु हां, इसलेई यदि तोहे मिगी तुपदे हो ते इन्हेगी जान दयो। " 9 ए इसलेई होया कि ए वचन पुरा होए जेड़ा उन बोलया ही, " जि'नेगी तोहे मिगी दिता उन्दे बिचा इक भी नेई गबाच्या। 10 ते शमौन पतरस ने तलवार, जेडी उन्दे कोल ही, उसी लेईए महायाजक दे दास उप्पर चलाई और उदा सज्जा कान कटी ओड़या, और उस दास दा नाम मलखुस ही। 11 ते यीशु ने पतरस गी आख्या, अपनी तलवार मियान च रख। जेड़ा कटोरा पिता ने मिगी दिता ऐ, क्या में उसी नेई पियू ? "

12 ते सैनिको और उन्दे सूबेदार और यहूदियों दे सिपाहियों ने यीशु गी फडीये बन्नी लेया। 13 और पैहले उसी हन्ना दे कोल लेई गे, क्योंकि ओह उस साल दा महायाजक काइफा दा ससुर ही। 14 ए ओह ही काइफा ही, जिन यहूदियों गी सलाह दिती ही कि साडे लोके दे लेई इक मनुख दा मरना चंगा ऐ।

15 शमौन पतरस और दुए चले यीशु दे पीछे होई ए। ए चेला महायाजक दे जान - पहचान दे हे, और उने यीशु कन्ने महायाजक दे आंगन च आये। 16 परैन्त पतरस बाहर दारवाजे च खलोते रेहा। फेर ओह दुआ चेला जेड़ा महायाजक दे जान - पहचान दा हां, बाहर निकलया और दारपलिन गी बोलिए पतरस गी आंगन च लेई आया। 17 ते दासी ने जेडी दारपलिन ही, पतरस गी आख्या, " किते तू ते इस मनुख दे चले बिचा ता नेई ऐ ? " उन आख्या, " में नेई हां। " 18 दास और सिपाही कोयले दी आग सेका दे हे, पतरस भी उन्दे कन्ने खलोईए आग सेका दा हां।

19 ते महायाजक ने यीशु कन्ने और उदे चले बारे च और उदे उपदेश दे बारे सबाल जवाब किते। 20 यीशु ने उत्तर दिता, " में संसार च खुलिए गल्ला कितया ऐ, में हर बेले आराधनालयों और मंदिर च जित्थे सारे सब यहूदी इकठे होनदे ही, उ'नेगी शिक्षा दिती और में गुप्त च कुछ भी नेई बोलया। 21 तू मिगी क्यों पुछदा ऐ ? सुनने आले गी पोछ कि में उन्दे कन्ने के गल्ला कितिया। देख ओह जानदे ऐ कि में के बोलया ऐ। " 22 और जदू उन ए आख्या, ते कोल खलोते दे सिपाहीयों च इक ने यीशु गी मुक्का मारदे होए बोलया, के तू महायाजक गी इस चली उत्तर दिना ऐ ? " 23 यीशु ने उसी उत्तर दिता, " यदि में बुरा बोलया, ते उस बुराई दी गवाही दे; लेकिन यदि में भला बोलया, ते मिगी क्यों मरना ऐ ? " 24 हन्ना ने उसी बधोये दे ही कैफा महायाजक दे कोल भेजी ओड़या।

25 शमौन पतरस खलोते होए आग सेका दा हां। ते उने उसी आख्या, " किते तू ते उदे चेल्या च इक ते नेई ऐ ? उन मना करदे होए बोलया, " में नेई हां। " 26 महायाजक दे दासे बिचा इक ने, जेड़ा उस मनुख दा कुटुम्बी हां और जिस दा कान पतरस ने कटी ओड़या हां, उन आख्या, " क्या में तुगी बाग च उदे कन्ने नेई दिखया हां ? " 27 पतरस फेर मुकरी गया, और तुरन्त मुर्ग ने बांग दिती।

28 फेर ओह यीशु गी काइफा दे कोल दा राजभवन च लेई गए, और शाम दा समय ही; परैन्त उने अपने राजभवन च प्रवेश नेई किता कि ताकि अशुध्द नेई होई जान, परैन्त फसह खाई सकन। 29 इसलेई पिलातुस बाहर निकलिये उन्दे कोल आया, और आख्या, तोहे इस मनुख दे उप्पर के दोष लगांदे हो ? " 30 उने उसी उत्तर दिंदे होए बोलया, " यदि ए मनुख कुकर्मों नेई होंदा, ते आहे उसी तेरे हाथ च नेई सौंपदे। " 31 इसलेई पिलातुस ने उ'नेगी आख्या, " तोहे गे इसी जाओ और अपनी व्यवस्था दे अनुसार इदा न्याय करो। " यहूदियों ने उ'नेगी आख्या, " आहे किसे दी मृत्यु - दण्ड नेई दे सकदे। " 32 ए इसलेई होया कि यीशु दा वचन पूरा होए जेड़ा उस ने ए संकेत करदे होए बोलया हां कि उदी मृत्यु किन्ना होग।

33 इसलेई पिलातुस ने फेर राजभवन च प्रवेश किता और यीशु दी बुलाइये और उसी बोलया, " क्या तू यहूदियों दा राजा ऐ ? " 34 यीशु ने उत्तर दिता, " क्या तू ए गल्ल अपनी आला बोला दा ऐ या दुए ने मेरे विषय च तेरे कन्ने बोलया ऐ ? " 35 पिलातुस ने उत्तर दिता, " क्या में यहूदी हां ? तेरी गे जाति और मुख्ययाजको ने तुगी मेरे हाथ च सौंपे दा ऐ। तू के किता ऐ ? " 36 यीशु ने उत्तर दिता, " मेरा राज्य इस संसार दा नेई। यदि मेरा राज्य इस संसार दा होंदा ते मेरे सेवक युध्द करदे कि में यहूदियों दे हाथ च नेई सौंपी जान्दा। 37 इसलेई पिलातुस ने उ'नेगी आख्या, " ते क्या तू राजा ऐ ? " यीशु ने उत्तर दिता, " तू ठीक बोलदा ऐ कि में राजा हां। में इसलेई जन्म लेता और इसलेई इस संसार च आया हां कि सत्य दी गवाही देया। जेड़ा कोई सत्य दा ऐ, ओह मेरे शब्द सुन्दा ऐ। "

38 पिलातुस ने उ'नेगी आख्या, " सत्य के ऐ ? " और ए बोलिये ओह फेर यहूदियों दे कोल चली गया और उ'नेगी आख्या, में उन्दे च कोई नेई पादा। 39 लेकिन तुन्दी ए रीती ऐ, कि फसह दे दिन च में तुन्दे लेई इक मनुख दी छडी ओड़या; क्या तोहे चान्दे हो कि में तुन्दे लेई यहूदियों दे राजा गी छडी ओड़या ? " 40 ते उने फेर चिलाईये आख्या, " इस मनुख दी नेई, परैन्त बरअब्बा दी छडी ओड़ो। " बरअब्बा ते इक डाकू ही।

19 इदे उप्पर पिलातुस ने यीशु गी कोड़े मरवाए। 2 और सिपाहियों ने यीशु गी कांटे दा मुकुट गुथिये उदे सिर उप्पर रखया, और उसी बँजनी कपड़े पहनाए, 3 और ओह उदे कोल बार - बार आईये बोलन लगगे, " हे यहूदियों दे राजा, प्रणाम। " और उदे मुंह उप्पर थपड़ मारन लगगे। 4 और पिलातुस फेर बाहर निकलिये आया और लोके गी बोलन लगगा, " दिखो, में उसी बाहर तुन्दे कोल लेयान लगगा, ताकि तोहे जानो कि में उदे च कोई दोष नेई पांदा। " 5 फेर यीशु कांटे दा मुकुट और बँजनी कपड़े पाए दे बाहर आया और पिलातुस ने उसी आख्या, " दिखो, ए मनुख। " 6 जिसले मुख्य याजकों और सिपाहियों ने उसी दिखया, ते ए बोलिये चिल्लाए, कि उसी क्रूस उप्पर चढ़ा, क्रूस उप्पर। " पिलातुस ने उ'नेगी आख्या, " तोहे गे उसी लेई जाओ और क्रूस उप्पर चढ़ाओ, क्योंकि में उदे च कोई दोष नेई पांदा। 7 यहूदियों ने उसी उत्तर दिता, " साड़ी च इक व्यवस्था ऐ और उस व्यवस्था दे अनुसार

इसी मृत्यु - दण्ड मिलना चाहिदा ऐ, क्योंकि उन अपने आप गी परमात्मा दे पुत्तर ठहराए दा ऐ। " 8 जिसलै पिलातुस ने ए गल्ल सुनी ते ओर भी डरी गया, 9 और उने फेर राजभवन दे कोल जाईये यीशु गी आख्या, " तू कुदर दा ऐ ? " लेकन यीशु ने उसी उत्तर नेई दिता। 10 इदे उप्पर पिलातुस उसी आख्या, " क्या तू मेरे कन्ने नेई बोलना ? क्या तू नेई जान्दा कि मिगी तुगी छोडी ओड़ने दा अधिकार ऐ और तुगी क्रूस उप्पर चढ़ाने दा भी अधिकार ऐ ? " 11 यीशु ने उत्तर दिता, " यदि तुगी ऊप्पर दा कोई अधिकार नेई मिलदा ते तेरा मेरे उप्पर कोई अधिकार नेई होंदा, इसलेई जिस ने तुगी तेरे हाथ च सौंपे ऐ उदा पाप बहुत जादा ऐ। "

12 इदे उप्पर पिलातुस ने उसी छोडी ओड़ने दा चाया, परैन्त यहूदियों ने चिल्लई - चिल्लाईये आख्या, " यदि तू इसी छोडी ओड़गा, ते तू कैसर दा राज-भक्त नेई। जेड़ा कोई अपने आप गी राजा बनादा ऐ ओह कैसर दा सामना करदा ऐ। 13 पिलातुस ए गल्ला सुनि ए यीशु गी बाहर ली आया, और न्याय - सिंहासन पर बैठी गया मतलब ओह जगह जेड़ा चबूतरा कैहलान्दी ही और इब्रानी च गब्वता। 14 ए फसह दी तैयारी दा दिन ही, और बाहरा बजे दे हे। उन यहूदियों गी बोल्या, " दिखो तुन्दा राजा ! " 15 लेकन ओह चिल्लाए, " लेई जाओ ! लेई जाओ ! इसी क्रूस ते चढ़ाओ ! " पिलातुस ने उसी आख्या, " क्या में तुन्दे राजा गी क्रूस ते चढ़ावा ? " प्रधान याजकों ने उत्तर दिता, " कैसर गी छोड़ साडा कोई और राजा नेई। " 16 ते उन उसी क्रूस ते चढ़ाए जान लेई उन्दे हाथ सौंपी ओड़या।

17 ते ओह यीशु गी लेई गे, और ओह अपना क्रूस चूकिए उस जगह तकर बाहर लेई गया, जेडी खोपडी दी जगह कैहलान्दी ही और जिसी इब्रानी च ' गुलगुता ' आखदे हे। 18 उत्थे उने उसी और उदे कन्ने दो और मनुखे गी क्रूस उप्पर चढ़ाया - इक दी इस तरफ और दुए दी उस तरफ - और बीच यीशु गी। 19 और पिलातुस ने इक दोष - पत्र भी लिखिए क्रूस उप्पर लगाई ओड़या, और उदे च ए लिखे दा हां, " यीशु नासरी, यहूदियों दा राजा। " 20 इसलेई इस दोष - पत्र दी बड़े जादा यहूदियों ने पढ़ेया, क्योंकि जिस जगह ते यीशु गी क्रूस उप्पर चढ़ाया गया हां ओह शहर दे कोल ही; और पत्र इब्रानी और लतीनी और यूनानी च लिखे दा हां। 21 फेर यहूदियों दे प्रधान याजकों ने पिलातुस गी आख्या, " यहूदियों दा राजा ' नेई लेख, परैन्त ए कि उन आख्या, " में यहूदियों दा राजा हां, " 22 पिलातुस ने उत्तर दिता, " में जो लिखी ओड़या, ओह लिखी ओड़या ऐ। "

23 जिसलै सैनिकों ने यीशु गी क्रूस उप्पर चढ़ाई ओड़या ते उने उदे कपड़े उतारी ओड़े और उदे चार भाग किते, हर सैनिक ने इक इक भाग लेई लिया। इदे कन्ने कुरता भी लेई लिया, परैन्त कुरता उप्पर ता थल्ले तकर बुने दा हां। 24 इसलेई उने आपस च आख्या, " आहें इसी नेई फाड़दे, परैन्त इदे उप्पर चिड्डी पाचे कि ए कूदा होग, " ए इसलेई कि पवित्रशास्त्र दी गल्ल पूरी हो, " उने मेरे कपड़े आपस च बंडी ले, और मेरे कपड़े उप्पर चिड्डी पाई। "

25 लेकन सैनिकों ने ऐसा गे किता। परैन्त यीशु दे क्रूस दे कोल उदी माता, और उदी माता दी पैन, क्लोपास दी पत्नी मरियम, और मरियम मगदलीनी खलोती दी ही। 26 ते यीशु ने अपनी माता, और अपने चले जिन्हेगी ओह प्रेम करदा हां कोल खडोते दे दिखया, " हे नारी ! ए तेरा पुत्तर ऐ ! " 27 ते उन अपने चले गी बोल्या, " देख तुन्दी माता ! " और उसी समय चले अपने कर लेई गे।

28 इदे बाद च यीशु ए जानिए कि सब कुछ पुरा होई चुक्या ऐ, इसलेई कि पवित्र शास्त्र च जो केया गया ऐ पूरा होए, बोल्या " में प्यासा हां। " 29 उत्थे सिरके तो परोचे दा इक बरतन ही। ते उन्हे सिरके गी दोवदे होए स्पंज गी जुफे ते रखिए उदे मुह कन्ने लाया। 30 ते यीशु ने सिरका लिया, ते केया, " पुरा होया "; और सीर झुकिए प्राण त्यागी ओढे।

31 इसलेई कि ओह तयारी दा दिन ही, यहूदियों ने पिलातुस आगे बिनती किती कि उडी लतता तोड़ दितीया जान कि ओह तुअरेया जाए, सब्त दे दिन च ओह क्रूस ते न रे, क्योंकि ओह सब्त डा दिन बड्डा दिन ही। 32 ते सेनिके आइए पैहले दी, फेर दुए दी भी जेड़े उड़े कन्ने क्रूस चड़ाए गे दे हे, लतता तोड़िया; 33 लेकन जदू ओह यीशु दे कोल आइए दिखया कि मरी गे दा ऐ, ते उड़िया लतता नेई तोड़िया। 34 लेकन इक ने भाले कन्ने उड़े पिंजर च मारया, और उड़े च लहू ते पानी निकलया। 35 जिन ए दिखया, उन दिती

ऐ, और उडी गवाही सच्ची ऐ कि तोहे भी विश्वास करो। 36 ए गल्ला इसलेई होई कि पवित्र शास्त्र च जो बोल्या गया ओह पूरा हो, " उदी कोई भी हड्डी ना जाग। " 37 फेर इक और जगह लिख्या गया ऐ, " जिन उसी बेधा ऐ, उन्दे उप्पर नजर करग। "

38 ए गल्ले दे बाद अरिमतिया दे यूसुफ ने, यहूदियों दे डर तो गुमरूप च यीशु दा चेला ही, पिलातुस आगे बिनती किती कि ओह यीशु दी शव लेई जा सकदा ऐ। पिलातुस ने उडी बिनती सुनी, ते ओह शव लेई गया। 39 और निकुदेमुस भी, जेड़ा यीशु दे कोल रत च आया हां, लगभग चाली किलो गन्धरस और एलवा लेई आया। 40 ते उन्हे यीशु दा शव गी लेया, और यहूदियों दे दफनाने दी रीति कन्ने दे कन्ने उसी सुगन्ध द्रव्य कन्ने कफन च लपेटया। 41 उस जगह ते जित्थे यीशु क्रूस ते चड़ाया गया ही, इक बैग ही, और और बैग च इक कन्न ही जित्थे आज तकर कोई रख्या नेई गे डा हां। 42 यहूदियों दी तयारी दे दिन दे कारन, और इसलेई कि ओह कन्न लग्गे ही, उन्हे यीशु गी उड़े च रख्या ओडीया।

20 हफते दे पहले दिन मरियम मगदलीनी सवेरे ही नेहरा रहंदे ही कन्न ते अई, और पत्थर गी कन्न तो हटे दा दिखया। 2 ते ओह दौड़ी ए शमौन पतरस और दुए चेल्या कोल जिनेगी यीशु प्रेम रखदा हां, उन्दे कोल अई, बोलन लग्गी, " ओह प्रभु गी कन्न च चुकिये लेई गे नए और आहें नेई जानदे कि उन्हे उसी कुत्थे रखी ओड़या ऐ। " 3 ते पतरस और दुआ चेला निकलिए कन्न आल चली पे। 4 ओह दोए कन्ने - कन्ने दोडा दे हे, लेकन दुआ चेला पतरस कोला पहले पूजी गया; 5 और झुकिये अंदर दिखया कि कफन लग्गे पे दे नए लेकन अंदर नेई गया। 6 ते शमौन पतरस उदे पीछे उत्थे आ पूज्या, और कन्न दे भीतर गया और कपड़े दिखे; 7 और ओह अंगोछा जेड़ा यीशु दे सिर च बनोए दा हां, कपड़े दे कन्ने पे दा नेई ही, लेकन लग्गे जगह ते लपेटिए रखे होए दिखया। 8 ते दुआ चेला भी, जेड़ा कन्न ते पहले पूज्या हां, अंदर गया; और उन दिखया, और विश्वास किता। 9 अजे तकर ओह पवित्रशास्त्र दी गल्ले गी नेई समझे दे हे कि उसी मरे होए च जी उठना जरूरी ऐ। 10 लेखन ए चले अपने कार वापस अईए।

11 परैन्त मरियम रौंदी होई कन्न दे बाहर खलोती रेई और रोंदे होए उन झुकिये कन्न च चाकेया; 12 और जित्थे यीशु दी लाश रखी दी ही उत्थे उन दो स्वर्गदुतें गी सफेद कपड़े पाए दे, इक गी सिरहाने और दुए गी पैताने च बैठे दे दिखेया। 13 और उने उसी आख्या, " हे नारी, तू केली रोआ दी ऐ ? " उन उनेगी आख्या, " इसलेई कि ओह मेरे प्रभु गी चुकिये लेई गे नए, और में नेई जान्दी कि उने उसी कुत्थे रखे दा ऐ। " 14 ए बोलिये ओह पीछे मुडी और यीशु गी खलोते दे दिखेया, लेकन नेई पैचानेया कि ए यीशु ऐ। 15 यीशु ने उसी आख्या, " हे नारी तू केली रोआ दी ऐ ? कुसी तुपा दी ऐ ? " उन माली समझिये उसी आख्या, हे महाराज, यदि तू उसी चुकी लेया ऐ ते मिगी दसी ओड़ कि उसी कुत्थे रखे दा ऐ, और में उसी लेई जागी। " 16 यीशु ने उसी आख्या, " मरियम ! " उन पीछे मुड़िये उसी आख्या, " रबूनी ! " [मतबल हे गुरु]। 17 यीशु ने उसी आख्या, मिगी मत छू, क्योंकि में अजे तकर पिता दे कोल ऊपर नेई गया, परैन्त मेरे पराए दे कोल जाईये उनेगी गी बोली ओड़, कि में अपने पिता और तुन्दे पिता, और अपने परमात्मा और तुन्दे परमात्मा दे कोल ऊपर जा दा हां। " 18 मरियम मगदलीनी ने जाईये चले गी दसेया, " में प्रभु गी दिखेया, और उन मेरे कन्ने ए गल्ला कितिया। "

19 उसी दिन जेड़ा सप्ताह दा पैहला दिन हां, शाम दा समय जिसलै उदर दे दवार जित्थे चले ही, यहूदियों दे डर दे मारे बन्द ही, फेर यीशु आया और उन्दे बीच खड़ा होईये उनेगी बोल्या, " तोहे गी शान्ति मिले। " 20 और ए बोलिये उन अपना हाथ और अपना पंजर उनेगी दसेया। फेर चले प्रभु गी दिखिये खुश होए। 21 यीशु ने फेर उनेगी आख्या, " तोहे गी शान्ति मिले; जिन्ना पिता ने मिगी भेजेया ऐ, इन्ना गे ही में भी तोहे गी भेजदा हां। " 22 ए बोलिये उन उन्दे उप्पर फूँक मारी और उनेगी आख्या, " पवित्र आत्मा लेयो। 23 यदि तोहे किसे दे पाप क्षमा करगे, ते ओह उन्दे लेई क्षमा किते जाग; यदि तोहे किसे दे पाप बनाए रखगे, ते ओह बनाए रखे गए ऐ। "

24 परैन्त जिसलै यीशु आया ते बारहों बीचा इक, मतबल थोमा जेड़ा दिदुमुस कैहलान्दा ऐ, उन्दे कन्ने नेई ही। 25 जिसलै अन्य चले उसी बोलन लग्गे, " आहें प्रभु गी दिखेया ऐ, " फेर उन उनेगी आख्या, " जदू तकर में

उन्दे हाथे च कीलों दे छेद नेई दिखी ले, और कीलों दे छेदों च अपनी उँगली नेई पाई ले, और उदे पंजर च अपना हाथ नेई पाई ले, अदू तकर में विश्वास नेई करना ऐ। "

26 आठ दिन दे बाद उदे चले फेर कार दे बाहर ही, और थोमा उन्दे कन्ने ही; और दवार बन्द ही, फेर यीशु आया और उन्दे बीच खड़े होईये बोल्या, " तोहे गी शान्ति मिले। " 27 फेर उन थोमा गी आख्या, " अपनी उँगली इत्थे लेयाईये मेरे हाथों गी देख्ख और अपना हाथ लेयाईये मेरे पंजर च पाई ओड, और अविश्वासी नेई परैन्त विश्वासी होए। " 28 ए सुनिये थोमा ने उत्तर दिता, " हे मेरे प्रभु, हे मेरे परमात्मा ! " 29 यीशु ने उसी आख्या, " तू मिगी दिखे दा ऐ, क्या इसलेई विश्वास किता ऐ ? धन्य ओह ऐ जिन्ने बिना दिखे विश्वास किता। "

30 यीशु ने और भी बड़े गे चिन्ह चले दे सामने दसे, जेडे इस पुस्तक च लिखे नेई गए; 31 परैन्त ए इसलेई लिखे गए नए कि तोहे विश्वास करो कि यीशु गे परमात्मा दा पुत्र मसीह ऐ, और विश्वास करिये उदे नाम च जीवन पाओ।

21 इस गल्ला दे बाच यीशु ने अपने आप गी तिबिरियास झील दे कडे चले उप्पर प्रकट किता और इस तरह प्रकट किता। 2 शमौन पतरस, और थोमा जेडा दिदुमुस कैहंदा ऐ, और गलील दे काना नगर दा नतनएल, और जब्दी दा पुत्र, और यीशु दे चले बीचा दो और जन कठे ही। 3 शमौन पतरस ने उ'नेगी आख्या, " में मछिया फडन लेई जा दा हां। " उने उसी आख्या, " आहे भी तेरे कन्ने चलगे। " और ओह जाईये नाव उप्पर चड़ी गे, और उस राती उन्दे हाथ च कुछ नेई आया।

4 सवेर होंदे ही यीशु किनारे उप्पर आई खलोता; लेकन चले ने नेई पैहचानेया कि ए यीशु ऐ। 5 फेर यीशु ने उ'नेगी आख्या, " हे बालको, क्या तुन्दे कोल कुछ मछिया ऐ ? " उने उत्तर दिता, " नेई। " 6 उन उ'नेगी आख्या, " नाव दी दाहिने ओर जाल पाओ ते मिलग। "लेकन उने जाल पाया, और हुन मछिया ज्यादा होने दे कारण उसी खीची नेई सके। 7 फेर ओह चले ने जिदे कन्ने यीशु प्रेम रखदा हां, पतरस गी आख्या, " ए ते प्रभु ऐ। " शमौन पतरस ने ए सुनिये कि ओह प्रभु ऐ, कमर च अंगरखा कसी लेया, क्योंकि ओह नंगा ही, और झील च शिलाग मारी ओड़ी। 8 परैन्त अन्य चले छोटी नाव उप्पर मछिया कन्ने परे दा जाल खिचदे होए आए क्योंकि ओह किनारे दे ज्यादा दूर नेई, परैन्त लगभग दो सौ हाथ दी दूरी च ही।

9 इसलेई जिसले ओह किनारे उप्पर उतरे ते उने कोयले दी आग पैहले दी जली दी ही और उदे उप्पर मछी रखी होई तथा रुट्टी दिखी। 10 यीशु ने उ'नेगी बोल्या, " जेडी मछिया तोहे हुन पकड़ी दी ऐ, उन्दे च कुछ लेयाओ "

11 फेर शमौन पतरस गया और इक सौ तिरपन बड़ी मछिया दे परे होए जाल गी किनारे उप्पर खीची लेयानदा, लेकन मछिया इन्नी ज्यादा ही फेर भी जाल नेई फटेया। 12 यीशु ने उ'नेगी आख्या, " आओ, रुट्टी खाईये ! चले बीचा किसे गी ए पूछने दा साहस नेई होया कि, " तू कौन ऐ ? " क्योंकि ओह जानदे ही कि ए प्रभु ही ऐ। 13 यीशु ने आईये रुट्टी लेई और उ'नेगी भी दिती और इसी तरह मछी भी लेई। 14 ए तीसरी बार ऐ जिसले यीशु मरे दे बीचा जीवित होने दे कारण चले उप्पर प्रकट होया।

15 भोजन करने दे बाद यीशु ने शमौन पतरस गी आख्या, " हे शमौन, यूहन्ना दे पुत्र, क्या तू इन्दे कोला ज्यादा मेरे कन्ने प्रेम रखदा ऐ ? " उन उसी आख्या, " हाँ प्रभु; तू जान्दा ऐ कि तेरे कन्ने प्रीति करदा हां। " उन उसी आख्या, " मेरे मेमनों गी चरा। " 16 उन फेर दुई बार उसी आख्या, " हे शमौन, यूहन्ना दे पुत्र, क्या तू मेरे कन्ने प्रेम रखदा ऐ ? " उन उसी आख्या, " हाँ प्रभु; तू जान्दा ऐ कि में तेरे कन्ने प्रेम रखदा हां। " उन उसी आख्या, " मेरी भेड़ों दी रखवाली कार। " 17 उन तीसरी बार उसी आख्या, " हे शमौन, यूहन्ना दे पुत्र, क्या तू मेरे कन्ने प्रीति रखदा ऐ ? " पतरस उदास होया कि उन उसी तीसरी बार ऐसा बोल्या, " क्या तू मेरे कन्ने प्रीति रखदा ऐ ? " और उन आख्या, " हे प्रभु, तू ते सब कुछ जान्दा ऐ; तू ए जान्दा ऐ कि में तेरे कन्ने प्रीति रखदा हां। " यीशु ने उसी आख्या, " मेरी भेड़े गी चरा। 18 में तुगी सच्च - सच्च बोल्दा हां, जदू तू जवान ही ते अपनी कमर बनिये जिदर चान्दा ही उदर फिरदा हां; लेकन जदू तू बूडा होगा ते अपना हाथ फैलागा, और दुई तेरी कमर बनिये जिदर तू नेई चागा उदर तुगी लेई जाग। " 19 [उन इन गल्ले च संकेत दिता कि पतरस किन्ना मृत्यु च परमात्मा गी महिमा करग।] और उसले उन उसी आख्या, " मेरे पीछे होई जा। "

20 पतरस ने मुडिये उस चले गी पीछे आंदे दिखेया, जिदे कन्ने यीशु प्रेम रखदा ही, और जिन भोजन दे समय उदी छाती किती ओर झुकिये पूछेया ही, " हे प्रभु, तेरा फड़ने आला कौन ही ? " 21 उसी दिखिये पतरस ने यीशु गी आख्या, " हे प्रभु, इन्दा के हाल होग ? " 22 यीशु ने उसी आख्या, " यदि में चाहा कि ओह मेरे आने तक ठहरी रहे, ते तुगी इदे कन्ने के ? तू मेरे पीछे होई जा ? " 23 इसलेई पराए च ए गल्ल फैली गेई कि ओह चेला नेई मरग, फेर भी यीशु ने उसी ए नेई बोल्या कि ओह नेई मरग, परैन्त ए कि " यदि में चाहा कि ओह मेरे आने तक ठहरी रहे, ते तुगी इदे कन्ने के ? "

24 ए ओही चेला ऐ जेडी इन गल्ले दी गवाही दिंदा ऐ और जिस ने इन गल्ले गी लिखेया ऐ, और आहे जानदे हां कि उदी गवाही सच्ची ऐ। 25 और भी बड़े काम नए, जेडे यीशु ने किते; यदि ओह इक इक करिये लिखे जनदे, ते में समझना हां कि पुस्तकें जेडी लिखी जांदी ओह संसार च भी नेई समांदी।

प्रेरितों के काम

1 हे थियुफिलुस, मैं पैली किताब उन सारीं गल्लें दे बारे च लिखी जेड़ी यीशु आरम्भ कोलां करदा ते सिखांदा रेया, 2 ओस दिन तकर जिस ले तकर ओह उन्हें प्रेरितें गी जिन्हें गी ओस चुने दा हा पवित्र आत्मा दे द्वारा आज्ञा देइयै उप्पर उठाया नेई गया। 3 ओस ने दुःख उठाने दे बाद मते सारे पक्के कम्मं दे द्वारा ओस ने अपने गी जिंदा दसया, ते चाली दिन तक ओह उन्हें लबदा रेया, ते परमात्मा दे राज दियां गल्लां करदा रेया। 4 ते उंदे कन्ने मिलियै उन्हें आज्ञा दिती, “यरुशल्लेम गी नेई शुडो, लेकन पिता दी ओस प्रतिज्ञा दे पूरा होने दा इंतजार करदे रवो, जिस दी चर्चा तुस मेरे कोलां सुनी चुकेदे हो। 5 की वे यूहन्ना ने ते पानी कन्ने बपतिस्मा दिता ऐ लेकन थहोड़े दिनां दे बाद तुस पवित्र आत्मा कन्ने बपतिस्मा पागे।”

6 इस आस्ते उन्हें किट्टे होइयै उस कन्ने पूछ्या, “हे प्रभु, के तू इसे समें इस्राएल गी राज फेरी देगा ?” 7 ओस ने उंदे कन्ने आखया, “उन्हें समें जां कालें गी जानना, जिन्हें पिता ने अपने अधिकार बीच रखा ऐ, तुंदा कम्म नेईयै। 8 लेकन जिस लै पवित्र आत्मा तुंदे उप्पर आग उस बेले तुस शक्ति पागे; ते यरुशल्लेम ते सारे यहूदिया ते सामरिया च, ते धरती दी छोर तकर मेरे गवाह ओगे।” 9 ऐ आखियै ओह उंदे दिखदे दिखदे उप्पर चुकी लेता गया, ते बदल नै उसी उंदी अखियां कोलां शपाली लेता। 10 ओस दे जांदे समें जिस ले ओह आकाश गी तका दे हे, ते दिखो, दो मनुख सफेद कपड़े लादे उंदे कोल आई खडोते, 11 ते उंदे कन्ने आखया, “हे गलीली इन्सानो, तुस की खडोते दे आकाश दी बखी दिखा करदे हो ?इय्ये यीशु, जेड़ा तुंदे कोला सुर्ग गी उठाया गया ऐ जिस रिती कन्ने तुसैं उसी सुर्ग गी जांदे दिखया ऐ इस्से रिती ओह फिरी आग।”

12 उस बेले ओह जैतुन नां दी पहाड़ी कोलां जेड़ी यरुशल्लेम दे कोल इक सब्त दे दिन दी दूर ऐ, यरुशल्लेम गी बापस गए। 13 जिस ले ओह उत्थें पुज्जे ते ओस अटारी उप्पर गए, जित्थें पतरस ते यूहन्ना ते याकूब ते अन्द्रियास ते फिलिप्पुस ते थोमा ते बरतुल्लै ते मत्ती ते हलफई दा पुत्तर याकुब ते शमौन जेलोतेस ते याकूब दा पुत्तर यहूदा रेंदे हे। 14 ऐ सारीयां कई जनानियां ते यीशु दी मां मरियम ते ओस दे प्रा कन्ने इक चित्त होइये प्रार्थना च लगे रे। 15 उन्हें दिनें च पतरस भ्रां दे बीच जेड़े इक सो बी मनुख दे लगभग हे, खोड़ेइयै आखना लगया, 16 “हे प्रा ओ, जरूरी हा की पवित्र शास्त्र दा ओह लेख पूरा होए जेड़ा पवित्र आत्मा ने दारुद दे मूंहां यहूदा दे बारे च, जेड़ा यीशु दे पकड़ने आलें दा अगुवा हा, पैलें दा आखे दा हा। 17 की वे ओह ते साडे बीच गीनया गया, ते एस सेवकाई बीच शामिल ओया। 18 (ओस ने अधर्म दी कमाई कोलां इक खेत मुलें लेता, ते सिरे दे बल किरया ते ओस दा पेट फड़ी गया ते ओस दी सारियां नसां निकली आइयां। 19 इसी गल्ले गी यरुशल्लेम दे सारे रहने आले जानी गए, इत्थें तकर की ओस खेत दा नां उंदी भाषा च ‘हकलदमा’ मतलब ‘लहू दा खेत’ पेई गया।)

20 भजन संहिता च लिखे दा ऐ, ‘ओस दा घर उजड़ी जा, ते ओस च कोई नेई बसे,’ ते ‘ओस दा पद कोई दुआ लेई लै।’

21 इसे आस्ते जिने दिन तकर प्रभु यीशु साडे कन्ने आंदे जांदे रेया - मतलब यूहन्ना दे बपतिस्मा कोलां लेइये साडे कोला उठाए जाने तकर - जेड़े लोग बराबर साडे कन्ने रे, 22 उचित ऐ की उंदे बीचा इक मनुख साडे कन्ने ओस दे जिंदे होने दा गवाह बनी जा।” 23 उस बेले उन्हें दों गी खड़ा किता, इक युसूफ गी जेड़ा बरसबा आखा जांदा ऐ, जिस दा उप नां यूसतुस ऐ, दुआ मत्तियाह गी, 24 ते ऐ प्रार्थना किती, “हे प्रभु, जेड़ा सबनी दे मनें गी जानना ऐ, ऐ प्रगट कर की इंदे दों बीचा तो कुसी चुने दा ऐ, 25 की ओह एस सेवकाई ते प्रेरताई दा पद ले, जिसी यहूदा शुड़ीये अपनी जगह गी चली गया।” 26 उस

बेले उन्हें उंदे बारे च चिठीयां पाइयां, ते चिठी मत्तियाह दे नां उप्पर निकली। इसे आस्ते ओह गयारां प्रेरितें दे कन्ने गिना गया।

2 जिस ले पिन्तेकुस्त दा दिन आया, ते ओह सारे इक जगह किट्टे हे। 2 इकाइक अंबरा कोलां बड़ी आंधी दे जेइ सनसनाहट दा शब्द ओया, ते ओस कन्ने सारा घर जित्थें ओह बैठे दे हे, गूंजी गया। 3 ते उन्हें अग्गी जेइयां जिभां फटदीं लबीयां ते उंदे बीचा हर इक उप्पर आ ठहरीं। 4 ओह सारे पवित्र आत्मा कन्ने भरोई गए, ते जिस चाली आत्मा ने उन्हें बोलने दी शक्ति दिती, ओह बखरी बखरी भाषा बोलना लगे।

5 अंबर दे थले दी हर इक जाति कोलां भक्त यहूदी यरुशल्लेम च रवा करदे हे। 6 जिस ले ऐ शब्द ओया ते भीड़ लगी गयी ते लोग घबराई गए, की वे हर इक गी इय्ये सुनाई दिंदा हा की ऐ मेरी गै भाषा च बोला करदे ने। 7 ओह सारे हरान ते अचम्भित होइये आखना लगे, “दिखो, ऐ जो बोला करदे न के ऐ सारे गलीली नेईयै ? 8 ते फिरी की साडे बीच हर इक अपनी अपनी जन्म भूमि दी भाषा सुनदा ऐ ? 9 आस जेड़े पार्थी ते मेदी ते एलामी ते मेसोपोटामिया ते यहूदिया ते कप्पूद किया ते पुन्तुस ते आसिया, 10 ते फ्रुगिया ते पंफुलिया ते मिस्त्र ते लीबिया देश जेड़ा कुरेन दे आसे पासे है, इनां सारां देशं दे रहने आले ते रोमी प्रवासी, 11 मतलब यहूदी ते यहूदी मत धारण करने आले, क्रेती ते अरबी भी हैंन, लेकन अपनी अपनी भाषा च उंदे कोलां परमात्मा दे बड़े बड़े कम्मं दी चर्चा सुनदे ना।” 12 ते ओह सब हरान होए ते कबराइयै इक दुए कन्ने आखना लगे, “ऐ के होआ करदा ऐ ?” 13 लेकन दुएँ ठठा करियै आखया, “ओह ते नमं मदिरे दे नशे च चूर ना।”

14 उस बेले पतरस उन गयारां कन्ने खडोता अते उच्चे शब्द कन्ने आखना लगा, “हे यहूदियो ते यरुशल्लेम दे सारे रहन आलो, ऐ जानी लो, ते कन लाईयै मेरी गल्लें गी सुनो। 15 जिय्यां तुस समझा करदे हो, ऐ लोग नशे बीच नेईयै न, की वे अय्ये ते पहर गै दिन चढ़या ऐ। 16 लेकन ऐ ओह गल ऐ, जेड़ी योएल भविष्यवक्ता दे द्वारा आखी गयी ही:

17 परमात्मा आखदा ऐ, के अंत दे दिनें च एसा होग के मैं अपना आत्मा सारे इन्सानें दे उप्पर उंडेलगा, ते तुंदे जागत ते तुंदीयां कुडियां भविष्यवाणी करघनं, ते तुंदे जवान दर्शन दिखघनं, ते तुंदे बुजुर्ग सूखने दिखघनं।

18 बरन मैं अपने दासं ते अपनी दासियें उप्पर भी उन्हें दिनें च अपनी आत्मा कोलां उंडेलगा, ते ओह भविष्यवाणी करघनं।

19 ते मैं उप्पर अंबर दे अद्भुत कम्म ते थले धरती उप्पर चित्र, मतलब खून ते अग ते धुंए दा बदल दसगा।

20 प्रभु दे महान ते तेजस्वी दिन दे आने कोलां पैले सूरज न्हारा ते चन्न खून आला होई जाग।

21 ते जेड़ा कोई प्रभु दा नां लेग ओह उद्धार पाग।”

22 “हे इस्राएलियो, ऐ गल्लां सुनो: यीशु नासरी इक मनुख हा जिस दा परमात्मा दी बखी कोलां होने दा प्रमाण उन सामर्थ्य दे कम्मं ते आश्चर्य दे कम्मं ते चित्रें कोलां प्रगट ऐ, जेड़े परमात्मा नै तुंदे बीच ओस दे द्वारा करी दसे जिन्हें गी तुस आप गै जानदे ओ। 23 उसी यीशु गी, जेड़ा परमात्मा दी ठहराई दी योजना ते पूर्व ज्ञान दे मताबक पडकाया गया, तुसैं अधर्मियें दे हत्थें क्रूस उप्पर चढ़ाईयै मारी दिता। 24 लेकन उसी गै परमात्मा ने मोती दे बंधना बीचा शुड़ाईयै जिंदा किता; की वे ऐ अनहोना हा के ओह ओदे कब्जे च रोंदा। 25 की वे दारुद ओस दे बारे च आखदा ऐ, ‘मैं प्रभु गी सर्वदा अपने सामने दिखदा रेया की वे ओह मेरी सज्जी बखी ऐ, तां करियै के मैं डिगी नी जां।’

26 इसे कारण मेरा मन आनंदित ओया, ते मेरी जीभ मगन होई; बरना मेरा शरीर भी आशा च बना रौंग।

27 की वे तू मेरे प्राणों गी अधोलोक बीच नेई शुडगा; ते ना अपने पवित्र जन गी सड़ने गै देगा।

28 तू मीगी जीवन दा रस्ता दसया; तू मीगी अपने दर्शन दे दे द्वारा आनंद कन्ने भारी देगा। 29 "हे प्रा ओ, मैं कुलपति दाऊद दे बारे च मैं तुंदे कन्ने साहस कन्ने आखी सकना के ओह ते मरी गया ते गाड़या भी गया ते ओस दी कबर अज्र तकर साडे इत्थे बिघमान ऐ। 30 ओह भविष्यवक्ता हा, ओह जानदा हा के परमातमाने मेरे कन्ने कसम खादी ऐ के मैं तेरे वंश बीचा इक मनुख गी तेरे सिंहासन उप्पर बैठागा; 31 ओस ने होने आली गल्ल गी पैलें गै दिखिये मसीह दे जिंदे होने दे बारे च भविष्यवाणी किती के ना ओस दा प्राण अधोलोक बीच शुडया गया ते ना ओस दी देह सड़ी सकी। 32 इसे यीशु गी परमातमा ने जिंदा किता, जिस दे आस सारे गवाह न। 33 इस चाली परमातमा ने सज्जे हत्थे बीचा सर्वोच्च पद पाइयें, ते पिता कोलां ओह पवित्र आत्मा पाइयें जिस दी प्रतिज्ञा किती गई ही, ओस ने उंडेल दिता जेड़ा तुस दिखदे ते सुनदे हो।

34 की वे दाऊद ते सुर्ग उप्पर नेई चढ़या; लेकन ओह आप गै आखदा ऐ 'प्रभु ने मेरे प्रभु कन्ने आखया, मेरे सज्जे बैठ,

35 जिस ले तकर के मैं तेरे बैरियें गी तेरे पैरें दे तले दी चोकी नेई करी दियां।'

36 इसे आस्ते हूं इस्राएल दा सारा घराना निश्चित रूप कन्ने जानी लैं की परमातमा ने उसी यीशु गी जिसी तुसैं क्रूस उप्पर चढ़या, प्रभु भी ठहराया ते मसीह भी।"

37 उस बेले सुनने आलें दे दिल छिदी गए, ते ओह पतरस ते बाकी प्रेरितें गी पूछना लगे, "हे प्रा ओ, आस के करचे ?" 38 पतरस ने उन्हें गी आखया, "मने गी फेरो, ते तुंदा बीचा हर इक अपने अपने पापें दी माफी आस्ते मसीह यीशु दे नां कन्ने बपतिस्मा ले; ते तुस पवित्र आत्मा दा दान पागे। 39 की वे ए प्रतिज्ञा तुस, ते तुंदी संतानें, ते ओह सारे दूर दूर दे लोकें आस्ते भी ऐ जिन्हें गी प्रभु साड़ा परमातमा अपने कोल बलाग।" 40 ओस ने मर्ती होर गल्लें कन्ने भी गुआई देई देईये समझाया के अपने आप गी टेड़ी जाति कोलां बचाओ। 41 इस आस्ते जिन्हें ओस दा बचन ग्रहन किता उन्हें बपतिस्मा लेता; ते उसे दिन तीन हजार इनसानें दे लगभग उंदे कन्ने मिली गए। 42 ते ओह प्रेरीतां कोलां शिक्षा पाने, ते संगती रखने, ते रुट्टी तोड़ने, ते प्रार्थना करने गी लोलीन रे।

43 ते सारें लोकें उप्पर डर छाई गया, ते मते सारे अद्भुत कम्म ते चित्र प्रेरितें दे द्वारा प्रगट होंदे हे। 44 ते सारे विश्वासकरने आले किट्टे रोंदे हे, ते उंदी सारियां चीजां सांझे च थियां। 45 ओह अपनी अपनी सम्पति ते समान बेची बेची जे भी जिस दी भी जरूरत होंदी ही बंडी दिंदे हे। 46 ओह हर रोज इक मन होइयें मंदिर च किट्टा होंदे हे, ते घर घर रुट्टी तोड़दें होई आनंद ते मने दी सिधायें कन्ने भोजन करदे हे, 47 ते परमातमा दी स्तुति करदे हे, ते सारे लोग उंदे कन्ने खुश हे: ते जेड़े उद्धार पांदे हे, उन्हें गी प्रभु हर रोज उंदे बीच मिलाई दिंदा हा।

3 पतरस ते यूहन्ना तीसरे पहर प्रार्थना दे समें मंदिर च जा करदे हे। 2 ते लोग इक जन्म दे लंगड़े गी लेई आ करदे हे, जिसी ओह हर रोज मंदिर दे ओस द्वार उप्पर जेड़ा 'शैल' आखा जांदा ऐ, बैठाई दिंदे हे की ओह मंदिर च जाने आलें कोलां भीख मंगे। 3 जेस ले ओस पतरस ते यूहन्ना गी जांदे दिखया, ते उंदे कोलां भीख मंगी। 4 पतरस ने यूहन्ना दे कन्ने ओस दी होर ध्यान कन्ने दिखिये आखया, "साड़ी बखी दिख !" 5 इसे आस्ते ओह उंदे कोलां किश पाने दी आशा रखदे होई उंदी बखी तकना लगया।

6 उस बेले पतरस ने आखया, "चांदी ते सुन्ना ते मेरे कोल नेईयें, लेकन जे मेरे कोल है ओह तुगी दिना ऐ; यीशु मसीह नासरी दे नां कन्ने चल फिर।" 7 ते ओस ने ओदा सजा हत्थ पकड़ीये उसी ठुआलया; ते फोरन ओदे पैरें ते गोडें च जोर आई गया। 8 ओह उछलीये खड़ा होई गया ते चलना फिरना लगया; ते चलदा, ते कूददा, ते परमातमा दी सतुति करदा ओस दे कन्ने मंदिर च गया। 9 सारें लोकें उसी चलदे फिरदे ते परमातमा दी स्तुति करदे दिखियें, 10 उसी पनछानी लेता की ए उए ऐ जेड़ा मंदिर दे 'शैल' रस्ते उप्पर बैठीयें

भीख मंगा करदा हा; ते ओस घटना कोलां जेड़ी ओस कन्ने होई ही ओह मते अचम्भित ते हरान होए।

11 जिस लैं ओह पतरस ते यूहन्ना गी पकड़े दा हा, ते सारे लोग बड़ा आश्चर्य करदे होई ओस ओसारे च जेड़ा सुलेमान दा आखा जांदा हा, उंदे कोल दोड़ी आए। 12 ऐ दिखिये पतरस ने लोकें गी आखया, "हे इस्राइलियो, तुस इस मनुख उप्पर की आश्चर्य करदे हो, ते साड़ी बखी की इस चाली दिखा करदे हो के मनो असें गै अपनी अपनी शक्ति जां भक्ति कन्ने इसी चलने फिरने जोग बनाई दिता। 13 अब्राहम ते इसहाक ते याकूब दे परमात्मा, साडे बब्ब दादें दे परमातमा ने अपने सेवक यीशु दी महिमा किती, जिसी तुसैं पकड़ाई दिता, ते जेस लैं पिलातुस ने उसी शुडने दा बिचार किता, उस बेले तुसैं ओदा इन्कार किता। 14 तुसैं ओस पवित्र ते धर्मी दा इन्कार किता, ते बिनती किती की इक हत्यारे गी तुंदे आस्ते शुडी दिता जा; 15 ते तुसैं जीवन दे कर्ता गी मारी दिता, जिसी परमातमा मरें बीचा जिंदा किता; ते इस गल्ल दे आस गवाह न। 16 ते उसे दे नां ने, ओस विश्वासदे द्वारा जेड़ा ओस इ नां उप्पर ऐ, इस मनुख गी जिसी तुस दिखदे हो ते जानदे भी हो शक्ति दिती ऐ। उसैं विश्वासनै जेड़ा ओस दे द्वारा है, इसी तुंदे सामने भला चंगा करी दिता ऐ।

17 "हूं ए प्रा ओ, मैं जानना ऐं के ए कम्म तुसैं अज्ञानता च किता, ते उयां गे तुंदे सरदारें भी किता। 18 लेकन जिन्हें गल्लें गी परमातमा ने सारें भविष्यवक्तां दे मुंहां बीचा पैलें गै सनाई दिता हा, के ओस दा मसीह दुःख उठाग, उन्हें ओस इस रीती कन्ने पूरा किता। 19 इसे आस्ते, मन गी फराओ ते मुडी आओ के तुंदे पाप मिटाई दिते जान, जिस कन्ने प्रभु दे नेडे कोलां द्वारें फिरी शांति दे दिन आन, 20 ते ओह यीशु गु भेजे जेड़ा तुंदे आस्ते पै लें दा गै मसीह ठहराए दा गेदा ऐ। 21 जरूरी ऐ के ओह सुर्ग बीच ओस समें तकर रवे जिस ले तकर की सारियां गल्लां दा सुधार ना करी लैं जिस दी चर्चा प्राचीन काल कोलां परमातमा ने अपने पवित्र भविष्यवक्तां दे मुंहां बीचा किती ऐ। 22 जिय्यां की मुसा ने आखया, 'प्रभु परमातमा तुंदे भ्रां बीचा तुंदे आस्ते इक भविष्यवक्ता खडेरग, जे किश ओह तुंदे कन्ने आखग ओस दी सुनयो। 23 लेकन हर इक मनुख जेड़ा ओस भविष्यवक्ता दी नेई सुने, लोकें बीचा नाश किता जाग।' 24 ते शमूल कोलां लेइयें ओस दे बाद आलें तकर जिने भी भविष्यवक्ता बोले उन्हें सारें इनां दिनां दा संदेश दिता ऐ। 25 तुस भविष्यवक्तां दी संतान ते ओस वाचा दे भागी हो, जेड़ी परमातमा ने तुंदे बब्ब दादें कन्ने बनी, जिस ले ओस ने अब्राहम कन्ने आखया, 'तेरे वंश दे द्वारा धरती दे सारे घराने आशीष पाघन।' 26 परमातमा ने अपने सेवक गी ठुआलीये पैलें ओस दे कोल भेजया, की तुंदे बीचा हर इक गी ओस दी बुराईयां कोलां फेरियें आशीष दियें।"

4 जेस ले ओह लोकें कन्ने ए आखा करदे हे, ते याजक ते मंदिर दे सरदार ते सदुकी उंदे उप्पर चढ़ी आए। 2 की वे ओह मते रोए होए की ओह लोकें गी सिखादे हे ते यीशु दा उदाहरण देई देईये मरें होए दा जिंदे होने दा प्रचार करदे हे 3 उन्हें उन्हें गी पकड़ीये दुए दिन तकर हवालात च रखया की वे शाम होई गेदी ही। 4 लेकन बचन दे सुनने आलें बीचा बतेरें विश्वासकिता, ते उंदी गिनती पंज हजार पुरुषें दे लगभग होई गई।

5 दुए दिन एसा ओया की उंदे सरदार ते पुरनिये ते शास्त्री 6 ते माहायाजक हन्ना ते कैफा ते यूहन्ना ते सिक्न्दर ते जिने भी माहायाजक दे घराने दे हे, सारे यरूशलेम च किट्टे होए। 7 ओह उन्हें गी बीच खडेरियें पूछना लगे की तुसैं ए कम्म किस शक्ति कन्ने ते किस नां कन्ने किता ऐ। 8 उस बेले पतरस ने पवित्र कन्ने परिपूर्ण होइयें ओस कन्ने आखया, 9 हे लोकें दे सरदारो ते पुरनियो, एस दुर्बल मनुख दे कन्ने जेड़ी भलाई किती गई ऐ, जे अज्र साडे कोला ओस दे बारे च पूछ ताछ की जांदी ऐ, की ओह किय्यां अच्छा ओया। 10 ते तुस सब ते सारे इस्राएली लोग जानी लेंन की यीशु मसीह नासरी दे नां कन्ने जिसी तुसैं क्रूस उप्पर चढ़या, ते परमातमा ने मरें दे बीचा जिंदा कीता, ऐ मनुख तुंदे सामने भला चंगा खडोते दा ऐ। 11 ऐ उए पत्थर ए जिसी तुसैं राजमिस्त्रियें नै तुच्छ जानया ते ओह कोने दे सिरे दा पत्थर होई गया। 12 किसे दुए दे द्वारा उद्धार नेईयें; की वे सुर्ग दे थले इन्सानें च होर कोई दुआ नां नेई दिता गया, जिस दे द्वारा आस उद्धार पाई सकचे।"

13 जिस लैं उन्हें पतरस ते यूहन्ना दा साहस दिखया, ते ऐ जानया के ऐ अनपढ़ ते साधारण मनुख न, ते आश्चर्य किता; फिरी उन्हें पनछानया के ऐ

यीशु दे कन्ने रेदे न। 14 ओस मनुख गी जेड़ा अच्छा ओया हा उंदे कन्ने खड़ोते ते दिखिये ओह बिरोध च किश नी आखी सके। 15 लेकन उन्हें सभा दे बार जाने दी आज्ञा देइयें ओह अप्पू बीचें बचार करना लगे, 16 “आस इन्हें इनसानें कन्ने की करचे ? की वे ए यरूशलेम दे सारे रोनें आलें उप्पर प्रगत न, की इन्हें द्वारा इक प्रसिद्ध चित्र दसेया गया ऐ; ते आस उस दा मना नेई करी सकनयां। 17 लेकन इसे आस्ते के ए गल लोकें च होर मती नेई फैली जा, आस उन्हें तमकाचे, की ए इस नां कन्ने फिरी किसे मनुख कन्ने गल्लां नेई करना।” 18 उस बेले उन्हें बलाया ते चेतावनी देइयें ए आखया, “यीशु दे नां कन्ने किश भी नेई बोलयो ते नेई सिखायो।” 19 लेकन पतरस ते यूहन्ना नै उसी उत्तर दिता, “तुस गै न्याय करो; के ए परमातमा दे कोल भला ऐ की आस परमातमा दी गल्ल कोलां बद तुंदी गल्ल मनचे। 20 की वे ए ते साड़े कोलां होई नेई सकदा की जे असें दिखया ते सुनया ऐ, ओह नेई आखचे।” 21 उस बेले उन्हें होर तमकाइयें शुडी दिता, की वे लोकें दे कारण उन्हें दंड देने दा कोई बहाना नेई मिलया, इसे आस्ते के जेड़ी घटना होई ही उस दे कारण सब लोग परमातमा दी बड़ाई करदे हे। 22 ओह मनुख, जिस दे उप्पर ऐ चंगा करने दा चित्र दसया गया हा, चाली साल कोलां बद उमर दा हा।

23 ओह शुडकिये अपने साथियें दे कोल आए, ते जे किश प्रधान याजकें ते पुरनियें उंदे कन्ने आखया हा, उन्हें गी सुनाई दिता। 24 ए सुनिये उन्हें इक मन होइयें उचे शब्द कन्ने परमातमा कन्ने आखया, “हे स्वामी, तू उए हैं जिस ने सुर्ग ते धरती ते समुंद्र ते जे किश ओस च ऐ बनाया।

25 तो पवित्र आत्मा दे द्वारा अपने सेवक हमारे पिता दाऊद दे मुंहे बीचा आखया, ‘अन्य जातियें हुल्लड़ की मचाया ? ते देश देश दे लोकें की बेकार गल्लां सोचीयां ?

26 प्रभु ते ओस दे मसीह दे बिरोध च धरती दे राजा खड़ोते, ते हाकिम इक साथ किड्डे होए।’

27 की वे सच मुच तेरे सेवक यीशु दे बिरोध च, जिस दा तो अभिषेक किता, हेरोदेस ते पुन्तियुस पिलातुस भी अन्य जातियें ते इस्त्राएलियें दे कन्ने किड्डे होए, 28 की जे किश पैलें कोलां तेरी शक्ति ते मति कोलां ठहरा हा उए करै। 29 हून ए प्रभु, उंदी तमकीयें गी दिख; ते अपने दासें गी ए बरदान दे के तेरा बचन बड़े हियाव कन्ने सुनौं। 30 चंगा करने आस्ते तू अपना हत्थ बदा की चित्र ते अद्भुत कम्म तेरे पवित्र सेवक यीशु दे नां कन्ने किते जान।”

31 जिस ले ओह प्रार्थना करी चुके, ते ओह जगह जित्थें ओह किड्डे हे हिली गए, ते ओह सब पवित्र आत्मा कन्ने परिपूर्ण होई गए ते परमातमा दा बचन हियाव कन्ने सुनांदे रे।

32 विश्वास करने आलें दी मंडली इक चित्त ते इक मने दी ही, इत्थें तकर के कोई भी अपनी सम्पति अपनी नेई आखदा हा, लेकन सब किश सांझे च हा। 33 प्रेरित बड़ी शक्ति कन्ने प्रभु यीशु दे जिंदे होने दी गुआइ दिंदे रे ते उंदे सारें उप्पर मता अनुग्रह हा। 34 उदें च कोई भी दरिद्र नेई हा; की वे जिंदे कोल जमीन जां घर हे ओह उन्हें बेची बेचीयें, बिकी दी चीजें दा मूल लांदे, ते उसी प्रेरितें दे पैरें च रखदे हे; 35 ते जिय्यां जिसी जरूरत होंदी ही, उस दे अनुसार हर इक गी बंडदे हे।

36 युसूफ नां साइप्रस दा इक लेवी हा जिस दा नां प्रेरितें बरनबास (मतलब शांति दा पुत्तर) रखया हा। 37 ओस दी किश जमीन ही, जेस गी ओस ने बेचया, ते दाम दे पैसे लाईयें प्रेरितें दे प्रेरितें दे पैरें च रखी दिते।

5 हनन्याह नां दा इक मनुख ते ओस दी घरेआली, सफिरा ने किश जमीन बेची 2 ते ओस दे दाम बीचा किश रखी दिता; ते ए गल्ल ओस दी घरेआली भी जानदी ही, ते ओस दा इक भाग लेइयें प्रेरितें दे अगें रखी दिता। 3 पतरस ने आखया, “ए हनन्याह ! शैतान ने तेरे मने च एह गल्ल की पाई के तू पवित्र आत्मा कन्ने झूठ बोले, ते जमीन दे दाम बीचा किश रखी लैं? 4 जेस ले तकर ओह तेरे कोल रेई, के तेरी नेई ही ? ते जिस ले बिकी गई ते के तेरे वश च नेई ही ? तू ए गल्ल अपने मने च की बचारी ? तू मनुख कन्ने नेई लेकन परमातमा कन्ने झूठ बोलया ए।” 5 ए गल्लां सुनदे गै हनन्याह किरी गया ते प्राण शुडी दिते, ते सारे सुनने आलें उप्पर बड़ा डर शाई गया। 6 फिरी जवानें उठियें ओस डी अर्थी बनाई ते बार लेइयें दबी दिता।

7 लगभग तीन घंटे बाद ओस दी घरेआली, जे किश ओया हा नेई जानियें, कोल आई। 8 उस बेले पतरस ने उसी आखया, “मीगी सुना के तू ओह

जमीन इने वः गे बेची ?” ओस ने आखया, “हाँ, इने च गे।” 9 पतरस ने ओस कन्ने आखया, “ए के गल्ल ऐ की तुसैं दोनीं प्रभु दे आत्मा दी परीक्षा आस्ते एक किता ? दिख, तेरे घरेआले दे दबने आले दरवाजे उप्पर गै खड़ोते न, ते तुगी भी बार लेई जांचना।” 10 उस बेले ओह फोरन ओह ओदे पैरें बीच पेई गई, ते प्राण शुडी दिते; ते जवानें कोल आईयें उसी मरे दा दिखया, ते बार लेईयें ओस दे घरेआले दे कोल दबी दिता। 11 सारी कलीसिया उप्पर ते इन्हें गल्लें दे सुनने आलें उप्पर ,मता डर शाई गया।

12 प्रेरितें दे हत्थे बीचा मते चित्र ते अद्भुत कम्म लोकें दे बीच दसे जांदे हे, ते ओह सब इक चित्त होइयें सुलेमान दे ओसारे वः खड़ोंदे हे। 13 लेकन बाकियां बीचा कुसे गी भी ए हियाब नेई होंदा हा की उंदे बिच जाई मिले; तां भी लोग उंदी बड़ाई करदे हे। 14 विश्वास करने आले मते सारे पुरुष ते स्त्रियां प्रभु दी कलीसिया च बड़ी गिनती च मिलदे रे। 15 इत्थें तकर के लोग बीमारें गी सिडकें उप्पर लाई लाईयें, खटें ते खटोलें उप्पर लेटाई दिंदे हे की जेस ले पतरस आए, ते ओस दी छाया गै किसे उप्पर पेई जा। 16 यरूशलेम दे आसे पासे दे नगरें च भी मते लोग बमारें ते अशुद्ध आत्मां दे सताएं देलाई लाईयें किटठा होंदे हे, ते सब अच्छे करी दिते जांदे हे।

17 उस बेले महायाजक ते ओस दे सारे साथी जेड़े सदुकियें दे पंथ दे हे, डाह कन्ने भरोई गे 18 ते प्रेरितें गी पकड़ीयें बंदीगूह च बंद करी दिता।

19 लेकन रातीं गी प्रभु दे इक सुर्ग दूत ने बंदीगूह दे द्वार खोलियें उन्हें बार लाइयें आखया, 20 “जाओ, मंदिर च खड़ोइयें एस जीवन दी सब गल्लां लोकें गी सनाओ।”

21 ओह ए भोर होंदे गै मंदिर च जाइये उपदेश देने लगे। उस बेले महायाजक ते ते ओस दे साथियें आइयें महासभा गी ते इस्त्राएलियें दे सब पुरनियें गी किटठा किता, ते बंदी गूह चसनेया भेजया के उन्हें लेई आंन। 22 लेकन प्यादें उत्थें पुजियें उन्हें बंदीगूह च नेई दिखया, ते मुडियें संदेश दिता, 23 “असैं बंदीगूह गी बड़ी चोकसी कन्ने बंद किते दा, ते पहरेवालें गी बार द्वारें उप्पर खड़ोते दे पाया; लेकन जेस लै खोलया, ते कोल कोई नी मिलया।” 24 जेस लै मंदिर दे सरदार ते प्रधान याजकें ए गल्लां सुनीयां, ते उंदे बारे च भारी चिंता च पेई गे के उंदा के ओया 25 इने च किसे नै आइयें उन्हें गी बताया, “दिखो, जिन्हें गी तुसैं बंदीगूह च रखा हा, ओह मनुख मंदिर च खड़ोइयें लोकें गी उपदेश दिया करदे ना।” 26 उस बेले सरदार, पयादें दे कन्ने जाइयें, उन्हें लेई आया, लेकन जबरदस्ती नेई, की वे ओह लोकें कोलां डरदे हे की साड़े उप्पर पथराव नेई करन।

27 उन्हें उन्हें गी लाइयें महासभा दे सामने खड़ा करी दिता; उस बेले महायाजक ने उन्हें गी पुछया, 28 “के असैं तुसैं चिताईयें आज्ञा नेई दिती ही के तुस एस नां कन्ने उपदेश नेई देयो ? तां भी दिखो, तुसैं सारे यरूशलेम गी अपने उपदेश कन्ने भरी दिते दा ए ते ओस मनुख दा खून साडी मुंडी उप्पर लाना चांदे हो।” 29 उस बेले पतरस ते अन्य प्रेरितें उत्तर दिता, “मनुख दी आज्ञा कोलां बद परमातमा दी आज्ञा दा पालन करना गै साड़ा फर्ज ऐ।

30 साड़े बबदादें दे परमातमा ने यीशु गी जिंदा किता, जिसी तुसैं क्रूस उप्पर लटकाइयें मारी दिता हा। 31 उसी गै परमातमा ने प्रभु ते उद्धार करता ठहराइयें, अपने सजे हथे उप्पर उच्च करी दिता, की ओह इस्त्राएलियें गी मन फिराव दी शक्ति ते पापें दी माफी प्रदान करै। 32 आस इन गल्लें दे गुआह न ते उच्य्यां गै पवित्र आत्मा भी, जिसी परमातमा ने उन्हें दिता दा ए जेड़े ओस दी आज्ञा मनदे ना।”

33 ए सुनियें ओह जली गे, ते उन्हें मारना चाया। 34 लेकन गमलीएल नां दा इक फरीसी ने जेड़ा व्यवस्थापक ते सब लोकें च माननीय हा, न्यायालय च खड़ोइयें प्रेरितें गी थोड़े समें आस्ते बार कर देने दी आज्ञा दिती। 35 उस बेले ओस ने आखया, “हे इस्त्राएलियो, तुस जे किश इन इन्सानां कन्ने करना चांदे हो, सोची समझीये करयो। 36 की वे इन्हें दिनें कोलां पैलें थियूदास ए आखदे होई उठया, कि मैं भी किश ऐ; ते किश चार सो मनुख ओस दे कन्ने होई गे, लेकन ओह मारा गया ते जिने लोग उसी मनदे हे, सारे तितर बितर होए ते मिटी गे। 37 इस दे बाद नां लिखाई दे दिनें च यहूदा गलीली उठया, ते किश लोग अपनी बखी करी लेते; ओह भी नाश होई गया ते जिने लोग उसी मनदे हे, सारे तितर बितर होई गे। 38 इसे आस्ते मैं तुंदे कन्ने आखना ए, इनां इनसानां कोलां दूर गे रयो ते इंदे कन्ने किश कम्म नी रखो; की वे जे ए धर्म यां

कम्म मनुख कोलां होंघन इस करी मिटी जाग; 39 लेकन जे परमातमा कोलां ऐ, ते तुस उन्हें गी कर्दे भी नेई मिटाई सकगे। कुते एसा नेई होए के तुस परमातमा कन्ने भी लड़ने आले ठहरो।”

40 उस बेले उन्हें ओस दी गल्ल मनी लेती; ते प्रेरितें गी बलाइयै मार चड़ाई; ते ए आदेश देइयै शुडी दिता के यीशु दे नां कन्ने फिरी कोई गल्ल नेई करयो।

41 ओह इस गल्ल कन्ने आनंदित होइयै महासभा दे सामने कोलां चली गए, के आस ओस दे नां आस्ते अपमानित होने दे जोग ते ठहरे। 42 ओह हर रोज मंदिर च ते घर घर च उपदेश करने, ते इस गल्ल दा सुसमाचार सुनाने आस्ते के यीशु मसीह गै प्रभु ऐ नेई रुके।

6 उनें दिनें च जेस लै चेलें दी गिनती मती बदना लगी, उस बेले यूनानी भाषा बोलने आले इब्रानी भाषा बोलने आलें उप्पर कुड़कुड़ाने लगे, के हर रोज दी सेवकाई च साड़ी विधवां दी सुधी नेई लेती जादी। 2 उस बेले उन्हें बारें चेलें दी मंडली गी अपने कोल सदियै आखया, “ए ठीक नेईयें के आस परमातमा दा बचन शुडीयै खिलाने पिलाने दी सेवा च रोचे। 3 इसे आस्ते, हे प्रा ओ, अपने बीचा सत सुनाम पुरधें गी जेडे पवित्र आत्मा ते बुधि कन्ने परिपूर्ण हों, चुनी लेओ, के आस उन्हें इस कम्म उप्पर ठहराई देचे। 4 लेकन आस ते प्रार्थना च ते बचन दी सेवा च लगे रोना।” 5 ए गल्ल सारी मंडली गी अच्छी लगी, ते उन्हें स्तिफनुस नां दे मनुख गी जेड़ा विश्वास ते पवित्र आत्मा कन्ने परिपूर्ण हा, ते फिलिप्पुस ते प्रुखुरुस, ते नीकानोर, ते तीमोन, ते परमिनास, ते अन्ताकियावासी नीकुलाउस गी जेड़ा यहूदी मत च आई गेदा हा, चुनी लेता। 6 इन्हें प्रेरितें दे सामने खड़ा किता, ते उन्हें प्रार्थना करियै उंदे उप्पर हत्थ रखे।

7 परमातमा दा बचन फै लदा गया ते यरूशलेम च चेलें दी गिनती मती बददी गई; ते याजकें दा इक बड़ा समाज इस मत गी मनने आला होई गया।

8 स्तिफनुस अनुग्रह ते शक्ति कन्ने परिपूर्ण होइयै लोकें च बडे अद्भुत कम्म ते चित्र दसया करदा हा। 9 उस बेले ओस अराधनालय बीचा जेडे लिबिरतीनां दी आखी जांटी ही, ते कुरेनी ते सिकन्दरिया ते किलकिया ते एशिया दे लोकें बीचा इक उठियै स्तिफनुस कन्ने वाद विवाद करना लगया। 10 लेकन ओस ज्ञान ते ओस आत्मा दा जेस दे कन्ने ओह गल्लां करदा हा, ओह सामना नेई करी सके। 11 एस उप्पर उन्हें कई लोकें गी उभारया जेडे आखना लगे, “असें इसी मूसा ते परमातमा दे बिरोध च निंदा दियां गल्लां करदे सुना ऐ।” 12 ते लोकें ते प्राचिनें ते शास्त्रियें गी पड़काइयै महासभा च लेई आए। 13 ते झूठे गवाह खडे किते, जिन्हें आखया, “ए मनुख इस पवित्र जगह ते एस व्यवस्था दे बिरोध च बोलना नेई शुडवा। 14 की वे असें उसी ऐ आखदे सुनया ए के उए यीशु नासरी इस जगह गी ढाई देग, ते उन रितियें गी बदली देग जेडीयां मुसे ने असें गी सोंपियां ना।” 15 उस बेले सारें लोकें जेडे सभा च बैठे दे हे, ओस उप्पर दृष्टि किती ते ओस दा मुंह सुर्गदूत आला दिखया।

7 उस बेले महायाजक ने आखया, “के ऐ गल्लां सच न ?”

2 स्तिफनुस ने आखया, “हे प्रा ओ, ते पितरो सुनो। साड़ा पिता अब्राहम हरान च बसना कोलां पैलें जेस ले मेसोपोटामिया च हा; ते तेजोमय परमातमा ने उसी दर्शन दिता, 3 ते ओस कन्ने आखया, 'तू अपने देश ते अपने कुटुम्ब कोलां निकलिये ओस देश च जा, जेड़ा मैं तुगी दसगा।' 4 उस बेले ओह कसदिये दे देशा चा निकलिये हारान च जाई बसया। ओस दे पिता दी मोत कोलां बाद परमातमा ने उसी उत्थुंआं एस देश च लाइयै बसाया जेस दे बीच हून तुस बसदे हो, 5 ते उसी किश मीरास बरना पैर रखने भर दी भी ओस च जगह नेई दिती, लेकन प्रतिज्ञा किती के मैं ऐ देश तेरे ते तेरे कोलां बाद तेरे वंश दे हत्थ करी देगा; यद्यपि ओस समें ओदे कोई पुत्तर भी नेई हा। 6 ते परमातमा ने इय्यां आखया, 'तेरी संतान दे लोग पराये देश च परदेशी होंघन, ते ओह उन्हें दास बनाघन ते चार सो साल तकर दुःख देघन। 7 फिरी परमातमा ने आखया, 'जेस जाति दे ओह दास होंघन, उन्हें मैं दंड देगा, ते इस दे बाद ओह निकलिये इसे जगह मेरी सेवा करघन।' 8 ते ओस ने ओदे कन्ने खतना दी वाचा बनी; ते इसे दशा च इसहाक ओस कोलां पैदा ओया ते अठवें दिन ओस दा खतना किता गया, ते इसहाक कोलां याकूब ते याकूब कोलां बारां कुलपति पैदा होए। 9 “कुलपतियें युसूफ कन्ने डाह करिये उसी मिस्त्र देश जाने आलें दे हत्थ बेचया। लेकन परमातमा ओस दे कन्ने हा, 10 ते

उसी ओस दे सारे कलेशें कोलां शुड़ाइयै मिस्त्र दे राजा फिरोन दी दृष्टि च अनुग्रह ते बुद्धि प्रदान किती, ते ओस ने उसी मिस्त्र उप्पर ते अपने सारे घरे उप्पर हाकिम नियुक्त किता। 11 उस बेले मिस्त्र ते कनान दे सारे देश च अकाल पेय; जिस कन्ने भारी क्लेश ओया, ते साडे बब्ब दादें गी अनाज नेई मिलदा हा। 12 लेकन याकूब ने ए सुनीयें के मिस्त्र च अनाज ऐ, साडे बब्ब दादें गी पैली बार भेजया 13 दुई बार युसूफ ने अपने आप गी भ्रां उप्पर प्रगत किता ते युसूफ दी जाति फिरोन गी मालुम होई गई। 14 उस बेले युसूफ ने अपने पिता याकूब ते अपने सारे कुटुम्ब गी, जेडे पचतर मनुख हे, सनया भेजया। 15 उस बेले याकूब मिस्त्र च गया; ते उत्थें ओह ते साडे बब्ब दादे मरी गए। 16 उंदियां लाशां शकम च पजाइयै ओस कन्न च रखियां, जिसी अब्राहम ने चांदी देइयै शकम च हमोर दी संतान कोलां खरीदी लेता हा।

17 “लेकन जेस ले ओस प्रतिज्ञा दा पुरे होने दा समां कोल आया जेडी परमातमा ने अब्राहम कन्ने किती ही, ते मिस्त्र च ओह लोग बदी गए ते मते होई गए। 18 जेसले मिस्त्र च दुआ राजा ओया जेड़ा युसूफ गी नी जानदा हा। 19 ओस ने साड़ी जाति कन्ने चलाकी करिये साडे बब्ब दादें कन्ने इत्थें तकर बुरा व्यवहार किता, के उन्हें अपने बघें गी सुटना पेया के ओह जिंटे नेई रोन। 20 ओस बेले मूसा पैदा ओया। ओह परमातमा दी दृष्टि च मता सोना हा। ओह तीन मिने तकर अपने पिता दे घर च पालया गया। 21 जेस ले सुटी दिता गया ते फिरोन दी कुडिये उसी चुकी लेता, ते अपना पुत्तर करिये पालया। 22 मुसा गी मिस्त्र दी सारी बिघा पढ़ाई गई, ते ओह बचन ते कर्म दोनीं च सामर्थी हा।

23 “जेस लै ओह चालीं सालें दा ओया, ते ओस दे मने च आया के मैं अपने इस्राएली भ्रां कन्ने भेंट करां। 24 ओस ने इक मनुख उप्पर अन्याय होंदे दिखिये ओस गी बचाया, ते मिस्त्री गी मारिये सताए दा पलटा लेता। 25 ओस ने सोचया के ओस दे प्रा समझघन के परमातमा ओस दे हत्थें उंदा उद्धार करग, लेकन उन्हें नेई समझेया। 26 दुए दिन जेस ले ओह अप्पु बीचे लडा करदे हे, ते ओह उत्थें आई निकलया; ते ऐ आखिये उन्हें मेल करने गी समझाया, 'हे पुरुषो, तुस ते प्रा -प्रा हो, इक दुए उप्पर की करदे हो ?' 27 लेकन जेड़ा अपने पड़ोसी उप्पर न्याय करा दा हा, ओस ने उसी ए आखिये हटाई दिता, 'तुगी किस ने साडे उप्पर हाकिम ते न्यायी ठहराया ? 28 के जेस रिती कन्ने कल तू कल मिस्त्री गी मारी दिता मिगी भी मारना चाना ए ?' 29 ए गल्ल सुनीयै मूसा नसया ते मिघान देश च परदेशी होइयै रोन लगया, ते उत्थें ओदे दो पुत्तर पैदा होये।

30 “जेस ले पूरे चाली साल बीती गए, ते इक सुर्गदूत ने सिनै पहाड़ दे जंगल बीचा उसी जलदी झाड़ी दी अगी बीचा दर्शन दिता। 31 मूसा गी ए दर्शन दिखिये हरान लगया, जेस ले दिखने आस्ते कोल गया, ते प्रभु दा ए शब्द ओया, 32 मैं तेरे बब्ब दादें, अब्राहम, इसहाक ते याकूब दा परमातमा ऐ, उस बेले मूसा कंबी उठया, इत्थें तकर के उसी दिखने दा हियाब नेई रेया। 33 उस बेले प्रभु ने उसी आखया, 'अपनें पैरें कोलां जूती तुआरी लै, की वे जिस जगह तू खडोते दा ए, ओह पवित्र जगह ऐ। 34 मैं सचें गै अपनें लोकें दी जेडे मिस्त्र बीच न, दुर्दशा गी दिखया ऐ; ते उंदी आह ते उंदा रोन सुनया ऐ; इसे आस्ते उन्हें छुड़ाने आस्ते उतरया ऐ। हून आ, मैं तुगी मिस्त्र च भेजगा।'

35 “जिस मूसा गी उन्हें ए आखिये नकारेया हा, 'तुगी कुस ने साडे उप्पर हाकिम ते न्यायी ठहराया ए ?' उसे गी परमातमा ने हाकिम ते छुड़ाने आला ठहराकर, ओस सुर्ग दूत दे द्वारा जिसी ओस झाड़ी बीच दर्शन दिता हा, भेजया। 36 इय्ये मनुख मिस्त्र ते लाल समुंद्र ते जंगल बीच चाली साल तकर अद्भुत कम्म ते चित्र दसी दसीये उन्हें कडी लेई आया। 37 ए उए मुसा ऐ, जेस नै इस्राएलियें कन्ने आखया, 'परमातमा तुंदे भ्रां बीचा तुंदे आस्ते इक मेरे जे भविष्यवक्ता गी खड़ेरग।' 38 ए उए ऐ, जेस ने जंगल च कलीसिया दे बीच ओस सुर्ग दूत दे कन्ने सिनै पहाड़ उप्पर ओस कन्ने गल्लां कितियां ते साडे बब्ब दादें दे कन्ने हा, उसी गे जीवित बचन मिले के साडेतकर पजाए। 39 लेकन साडे बब्ब दादें ओस दी मनना नेई चाई, बरना उसी हटाइयै अपने मन मिस्त्र दी बखी फेरे, 40 ते हारून कन्ने आखया, 'साडे आस्ते एसा देवता बना, जेड़ा साडे अगें अगें चले, की वे ए मूसा जेड़ा असें मिस्त्र देश बीचा लेई आया, आस नेई जाननयां की उसी के ओया ?' 41 उन्हें दिनें च उन्हें इक बछड़ा

बनाईयें ओस दी मूर्ति दे अगें बलि चडाई, ते अपने हत्थें दे कम्मं बीच मगन होना लगे।

42 इसे आस्ते परमात्मा ने मूंह मोड़िये उन्हें गी शुडी दिता, के आकाश गन गी पुजन, जिय्यां भविष्यवक्तान दी कताब च लिखे दा ए, 'हे इस्राएल दा घराने, के तुस जंगल च चालीसाल तक पशु बलि ते अन्न बलि मिगी गे चढ़ावे रे ?

43 तुस मोलेक दे तम्बू ते रिफान देवता दे तारे गी लेई फिरदे हे, मतलब उन मूरतें गी जिन्हें गी तुसं दंडवत करने आस्ते बनाया हा। इसे आस्ते मैं तुसं गी बेबीलोन दे परे लेई जाईयें बसागा।'

44 "साक्षी दा तम्बू जंगल च साड़े बब्ब दादें दे बीच हा, जिय्यां ओस ठहराया जेस ने मूसा कन्ने आख्या, 'जेड़ा आकार तो दिखया ए, ओस दे अनुसार इसी बना।' 45 उसे तम्बू गी साड़े बब्ब दादे पूर्व काल कोलां पाड़यें यहाँशु दे कन्ने इत्थें लेई आए; जेस समें की उन्हें अन्य जातियें उप्पर अधिकार पाया, जिन्हें परमात्मा ने साड़े बब्ब दादें दे सामने कोलां कडी दिता हा, ते ओह तम्बू दाऊद दे समें तकर रेया। 46 ओस उप्पर परमात्मा ने अनुग्रह किता; इसे आस्ते ओस ने विनती किती के ओस याकूब दे परमात्मा आस्ते निवास जगह बनाए। 47 लेकन सुलेमान ने ओदे आस्ते भवन बनाया। 48 लेकन परमप्रधान हत्थें दे बनाए घरें च नेई रोंदा, जिय्यां के भविष्यवक्ता ने आख्या,

49 'प्रभु आखदा ए, सुर्ग मेरा सिहांसन ते धरती मेरी पैरें दे तलें दी पीढ़ी ए, मेरे आस्ते तुस किस चाली दा घर बनागे ?स ते मेरे विश्राम दी केड़ी जगह होग ?

50 के ए चीजां मेरे हत्थे दी बनाई दी नेई ?

51 "हे हठीले, ते मन ते कन दे खतना रहित लोको, तुस हमेशा पवित्र आत्मा दा बिरोध करदे हो। जिय्यां तुंदे बब्ब दादे करदे हे, उय्यां गे तुस भी करदे हो। 52 भविष्यवक्तां बीचा कुस गी तुंदे बब्ब दादें नेई सताया ? उन्हें ओस धर्मी दे आगमन दा पूर्व काल कोलां संदेश देने आलें गी मारी दिता; ते हून तुस भी पकड़ने आले ते मारी देने आले होए। 53 तुसं सुर्गदुतें दे द्वारा ठहराई दी वयवस्था ते पाई, लेकन ओस दा पालन नेई किता।"

54 ए गल्लां सुनीयें ओह जली गए ते ओस उप्पर दंद पीह्ला लगे। 55 लेकन ओस ने पवित्र आत्मा कोलां परिपूर्ण होइयें सुर्ग आली बखी दिखया ते परमात्मा दी महिमा गी ते यीशु गी परमात्मा दे सज्जे दिखिये 56 आख्या, "दिखो, मैं सुर्ग गी खुले दा, ते मनुख दे पुत्तर गी परमात्मा दे सज्जे बखी खडोते दे दिखना ऐ। 57 उस बेले उन्हें बडे शब्द कन्ने कलाइये कन बंद करी दिते, ते इके बारी ओस उप्पर झपटे; 58 ते उसी नगर दे बार कडिये ओस उप्पर पथराव करना लगे। गुवाहें ने अपने कपड़े शाऊल नां दे पैरें कोल उतारिये रखी दिते। 59 ओह स्तिफनुस उप्पर पथराव करदे रे, ते ओह ए आखदे प्रार्थना करदा रेया, "हे प्रभु यीशु, मेरी आत्मा गी ग्रहण कर।" 60 फिरी घुटने टैकियें उच्चे शब्द कन्ने पुकारया, "हे प्रभु, ए पाप उदें उप्पर मत ला।" ते ए आखियें ओह सेई गया।शाऊल ओस दी हत्या च शामिल हा।

8 उसे दिन यरूशलेम दी कलीसिया दे उप्पर मता उपद्रव शुरू ओया ते प्रेरितें गी शुडी सारे दे सारे यहूदिया ते सामरी देशें च तितर बितर होई गए। 2 किश भक्तें स्तिफनुस गी कन्न च रखेया ते ओस आस्ते मता विलाप किता। 3 शाऊल कलीसिया गी उजाड़ा करदा हा; ते घर घर घुसियें पुरुषें ते जनानियें गी घसीटी घसीटी जेले च पांदा हा।

4 जेड़े तितर बितर होए हे, ओह सुसमाचार सुनांदे होई फिरे; 5 ते फिलिप्पुस सामरिया नगर बीच जाइये लोकें च मसीह दा प्रचार करना लगया। 6 जेड़ीयां गल्लां फिलिप्पुस ने बोलियां उन्हें लोकें सुनियें ते जेड़े चित्र ओह दसदा हा उन्हें गी दिखिये, इक चित्त होइयें मन लाया। 7 की वे मते बीच आशुद्ध आत्माएं बडे शब्द कन्ने करलादी निकली गई, ते मते लकवे दे रोगी ते लंगड़े भी अछे किते गए; 8 ते ओस नगर बीच मता आनंद छाई गया।

9 इस कोलां पै लें इस नगर च शमोन नां दा इक मनुख हा, जेड़ा जादू टोना करियें सामरियें दे लोकें गी हरान करदा ते अपने आप गी इक बडा पुरुष बतांदा हा। 10 छोटे कोलां बडे तकर सारे ओस दा सामान करियें आखदे हे, "ए मनुख परमात्मा दी ओह शक्ति ऐ, जेड़ी महान आखी जांदा ऐ।" 11 ओस ने बडे दिनें कोलां उन्हें गी अपने जादू कोलां हरान करियें रखे दा हा, इसे

आस्ते ओह ओस दी बड़ी मनदे हे। 12 लेकन उन्हें जेस लें फिलिप्पुस दा विश्वास किता जेड़ा परमात्मा दे राज अते यीशु दे नां दा सुसमाचार सुनांदा हा ते लोग के पुरुष, के घरेआली यां, बपतिस्मा लेना लगे। 13 उस बेले शमोन ने अप्पु भी विश्वास किता ते बपतिस्मा लेइये फिलिप्पुस कन्ने रोना लगया। ओह चित्र ते बडे बडे सामर्थ दे कम्म होंदे दिखिये मता हरान होंदा हा।

14 जेस ले प्रेरितें जेड़े यरूशलेम च हे, के सामरियें परमात्मा दा वचन मनी लेता ऐ ते पतरस ते युहन्ना गी उंदे कोल भेजया। 15 उन्हें जाईये उंदे आस्ते प्रार्थना किती के ओह पवित्र आत्मा पांन। 16 की वे ओह अय्यें तकर उंदे बीच कुसे दे उप्पर भी नेई उतरा हा; उन्हें सिर्फ प्रभु यीशु दे नां दा बपतिस्मा लेता हा। 17 उस बेले उन्हें उंदे उप्पर हत्थ रखे ते उन्हें पवित्र आत्मा पाया। 18 जेस ले शमोन दिखया के प्रेरितें दे हत्थ रखने कन्ने पवित्र आत्मा दिया जांदा ए, ते उंदे कोल पेसे आनीयें बोलया, 19 "ए अधिकार मिगी भी देओ, के जेस दे उप्पर भी हत्थ रखां ओह पवित्र आत्मा पा।" 20 पतरस ने ओस कन्ने आख्या, "तेरे पेसे तेरे कन्ने नाश होंन, की वे तो परमात्मा दा दान पैसं कन्ने खरीदने दा बिचार किता। 21 एस गल्ल बीच ना तेरा हिस्सा ऐ, ना भाग; की वे तेरा मन परमात्मा दे अगें सीधा नेईयें। 22 इसे आस्ते एस बुराई कोलां मन फेरिये प्रभु अगें प्रार्थना कर, सम्भव ऐ के तेरा मन दा बिचार माफ किता जाग। 23 की वे मैं दिखना ए के तू पित्त जेई कड़वाहट ते अधर्म दे बंदन च पेदा ऐ।" 24 शमोन ने उत्तर दिता, "तुस मेरे आस्ते प्रभु अगें प्रार्थना करो के जेड़ियां गल्लां तुसं बोलियां, उंदे बीच कोई भी मेरे उप्पर नेई आ पवे।"

25 इसे आस्ते ओह गुआइ देइयें ते प्रभु दा बचन सुनाईयें यरूशलेम गी बापस गए, ते सामरियें दे मते ग्रां च सुसमाचार सनांदे गए।

26 फिरी प्रभु दे इक सुर्गदूत ने फिलिप्पुस गी आख्या, "उठ ते दक्खिन दी बखी ओस रस्ते उप्पर जा, जेड़ा यरूशलेम दा गाजा गी जांदा ऐ।" ए रेगिस्तानी रस्ता ऐ। 27 ओह उठिए चली गया, ते दिखो, कूश देश दा इक मनुख आ करदा हा जेड़ा खोजा ते कूशियें दी रानी कन्दाके दा मंत्री ते खजाची हा। ओह अराधना करने गी यरूशलेम आया हा। 28 ओह अपने रथ उप्पर बैठा हा, ते यशायाह भविष्यवक्ता दी कताब पढ़दे होई बापस जा करदा हा। 29 उस बेले आत्मा ने फिलिप्पुस गी आख्या, "कोल जाइये एस रथ दे कन्ने होई जा।" 30 फिलिप्पुस ओस दी बखी दोड़या ते उसी यशायाह भविष्यवक्ता दी कताब गी पढ़दै सुनया, ते पूछया, "तू जे पढ़ा करना ऐ के उसी समझना भी ऐ ?" 31 ओस ने आख्या, जेस ले तकर कोई मिगी नेई समझाए ते मैं किय्यां समझां ?" ते ओस ने फिलिप्पुस अगे विनती किती के ओह चढ़ीयें ओस दे कोल बैठे।

32 पवित्रशास्त्र दा जेड़ा अध्याय ओह पढ़ा करदा हा, ओह ए हा: "ओह भिड्डे दे समान वध होने आस्ते पजाया गया, ते जिय्यां मेम्ना अपने ऊन कतरने आलें दे सामने चुपचाप रोंदा ए, उय्यां गे ओस ने अपना मूंह नेई खोलया।

33 ओस दी दीनता च ओस दा न्याय नेई होई सकया। ओस दे समें दे लोकें दा बर्णन कुन्न करग ? की वे धरती कोलां ओस दा प्राण चुकया जांदा ऐ।"

34 एस उप्पर खोजे ने फिलिप्पुस गी पूछया, "मैन्तेरे अगें विनती करना ऐ, ए सना के भविष्यवक्ता ए किस दे बारे च आखदा ऐ, अपने यां किसे दुए दे बारे च ?" 35 उस बेले फिलिप्पुस ने अपना मूंह खोलया, ते इसे शास्त्र दी शुरुआत कोलां उसी यीशु दा सुसमाचार सनाया। 36 रस्ते च चलदे चलदे ओह किसे पानी आली जगह पुजे। उस बेले खोजे ने आख्या, "दिख इत्थें पानी ऐ, हून मीगी बपतिस्मा लेने आस्ते के रोक ऐ।" 37 फिलिप्पुस ने आख्या, "जे तू सारे मने कन्ने विश्वास करना ऐ ते लेई सकना ए।" ओस ने उत्तर दिता, "मैं विश्वास करना ऐ के यीशु मसीह परमात्मा दा पुत्तर ऐ।" 38 उस बेले ओस ने रथ गी खड़ेरने दी आज्ञा दिती, ते फिलिप्पुस ते खोजा दोनां पानी बीच उतरी गए, ते ओस ने खोजा गी बपतिस्मा दिता। 39 जेस ले ओह पानी बीच निकलिये उप्पर आए, ते प्रभु दा आत्मा फिलिप्पुस गी चुकी लेई गया, ते खोजे उसी फिरी नेई दिखया, ते ओह आनंद करदे अपने रस्ते चली गया। 40 फिलिप्पुस अशदोद च आई निकलिया, ते जेस ले तकर कैसरिया च नेई पुजया, उस बेले तकर नगर नगर सुसमाचार सनांदा गया।

9 शाऊल जेड़ा प्रभु दे चेलें गी तमकाने ते घात करने दी धुन च हा, महायाजक दे कोल गया 2 ते ओस कोलां दमिश्क दे अराधनालें दे नां उप्पर एस अभिप्राय दीयां चिडियां मंगियां के चाहे पुरुष चाहे घरेआली, जिन्हें गी ओह एस पंथ उप्पर पा उन्हें गी बनिये ओह यरुशलेम गी लेई आए। 3 लेकन चलदे चलदे जेस ले ओह दमिश्क दे कोल पुजया, ते इकाइक अंबरा ओस दे चोर्नी बखी लो चमकी, 4 ते ओह धरती उप्पर किरी गया ते ए शब्द सुनया, “ए शाऊल, ए शाऊल, तू मीगी की सताना ऐ ?” 5 ओस ने पुछया, “ए प्रभु तू कुन्न ऐ ?” ओस ने आखया, “मैं यीशु ऐं, जिसी तू सता करना ए। 6 लेकन हून उठिये नगर च जा, ते जे तुगी करना ऐ ओह तेरे कन्ने आखा जाग।” 7 जेड़े मनुख ओस दे कन्ने हे, हरान रेई गए; की वे शब्द ते सुनदे हे लेकन कुसे गी दिखदे नेई हे। 8 उस बेले शाऊल धरती उपरा उठया, लेकन जेस ले अखां खोलियां ते उसी किश भी नेई लबया, ते ओह ओस दा हत्थ पकड़िये दमिश्क च लेई गए। 9 ओह तीन दिन तक नेई दिखी सकया, ते ना खादा ते ना पीता।

10 दमिश्क च हनन्याह नां दा इक चेला हा, ओस कन्ने प्रभु ने दर्शन च आखया, “ए हनन्याह !” ओस ने आखया, “हां, प्रभु।” 11 उस बेले प्रभु ने उसी आखया, “उठिये ओस गली च जा जेड़ी ‘सीधी’ आखी जांदी ऐ, ते यहूदा दे घर च शाऊल नां दा इक तरसुसवासी गी पूछ; की वे दिख, ओह प्रार्थना करादा ए, 12 ते ओस ने हनन्याह नां दे इक मनुख गी कोल आंदे ते अपने उप्पर हत्थ रखदे दिखया ऐ; तां जे फिरी दृष्टि पाई सके।” 13 हनन्याह ने उत्तर दिता, “हे प्रभु, मैं एस मनुख दे बारे च मते कोलां सुनेदा ऐ के एस यरुशलेम च तेरे पवित्र लोकें कन्ने बड़ी बड़ीयां बराइयां कितियां न; 14 ते इत्थें भी इसी प्रधान याजकें दी तरफ दा अधिकार मिलया ए के जेड़े लोग तेरा नां लेंदे न, उन सबनीं गी बनी लै।” 15 लेकन प्रभु ने ओस कन्ने आखया, “तू चली जा; की वे ओह ते अन्याजाती ते राजा ते इस्राएलीयें दे सामने मेरा चुने दा पांडा ऐ। 16 ते मैं उसी सनागा के मेरे नां आस्ते उसी कैसा दुःख चुकना पोग।” 17 उस बेले हनन्याह उठिये ओस घर गया, ते ओस उप्पर अपना हत्थ रखिये आखया, “हे प्रा शाऊल, प्रभु, मतलब यीशु, जेड़ा ओस रस्ते च, जेस च तू आया तुगी लबया हा, उसै मीगी भेजया ए के तू फिरी दिखी सकां ते पवित्र आत्मा कन्ने परिपूर्ण होई जाए।” 18 ते फोरन ओस दी अर्खी बीचा छिलके जे कीरे ते ओह दिखना लगया, ते उठिये बपतिस्मा लेता;

19 फिरी रुट्टी खाईयै जोर पाया। ओह कई दिन उन्हें चेलें कन्ने रेया जेड़े दमिश्क च हे। 20 ते ओह फोरन अराधनालें च यीशु दा प्रचार करना लगया के ओह परमातमा दा पुत्तर ऐ। 21 सारे सुनने आले हरान होइयै आखना लगे, “के ए उए मनुख नेईयै जेड़ा यरुशलेम च उन्हें जेड़े एस नां गी लेंदे हे, नाश करदा हा; ते इत्थें भी एस आस्ते गे आया हा के उन्हें बनिये प्रधान याजकें दे कोल लेई जाए ?” 22 लेकन शाऊल होर भी सामर्थी होंदा गया, ते एस गल्ल दा सबूत देई देईये के मसीह इय्ये ऐ, दमिश्क च रोने आले यहूदियें दा मूंह बंद करदा रेया।

23 जेस ले मते दिन बिती गए, ते यहूदियें मिलिये उसी मारी देने दी सलाह बनाइ। 24 लेकन उंदी सलाह शाऊल गी पता चली गई। ओह ते उसी मारने आस्ते रात दिन रस्ते उप्पर घात करने आस्ते लगे रेंदे हे। 25 लेकन रातीं ओस दे चेलें उसी टोकरे उप्पर बैठाया, ते शहरपनाह उपरा लटकाईये तुआरी दिता।

26 यरुशलेम च पुजिये ओस ने चेलें दे कन्ने मिलने दा प्रयत्न किता; लेकन सारे ओस कोलां डरदे हे, की वे उन्हें विश्वास नेई होंदा हा, के ओह भी चेला ऐ। 27 लेकन बरनबास ने उसी अपने कन्ने प्रेरितें दे कोल लेई जाइयै सनाया के एस ने किस रीती कन्ने रस्ते च प्रभु गी दिखया, ते ओस ने एस कन्ने गल्लां कितियां; फिरी दमिश्क च एस ने किय्यां हियाब कन्ने यीशु दे नां कन्ने प्रचार किता। 28 ओह उंदे कन्ने यरुशलेम च आंदा जांदा रेया 29 ते बेडरा होइयै प्रभु दे नां कन्ने प्रचार करदा हा; ते यूनानी भाषा बोलने आले यहूदियें कन्ने गल्ल बात ते वाद विवाद करदा हा; लेकन ओह उसी मारने दा प्रयत्न करने लगे। 30 ए जानिये उसी प्रा कैसरिये लेई आए, ते तरसुस गी भेजी देता।

31 एस चाह्ली सारे यहूदिया, ते गलील, ते सामरिया च कलीसिया गी चैन मिलया, ते ओस दी उन्नति होंदी गई; ते ओह प्रभु दे डर ते पवित्र आत्मा दी शान्ति च चलदी ते बददी गई।

32 फिरी एसा ओया के पतरस हर जगह फिरदे होई, उन पवित्र लोकें दे कोल पुजया जेड़े लुद्धा च रोंदे हे। 33 उत्थें उसी एनियास नां दे लकवे दा रोगी इक मनुख मिलया, जेड़ा आठ सालें कोलां खटे उप्पर पेदा हा। 34 पतरस ने उसी आखया, “हे एनियास ! यीशु मसीह तुगी चंगा करदा ऐ। उठ, अपना बिछोना बिछा।” उस बेले फोरन ओह उठी खड़ा ओया। 35 उस बेले लुद्धा ते शरोन दे सारे रोने आले उसी दिखिये सारे प्रभु दी बखी फिरे।

36 याफा च तबीता मतलब दोकरास नां दी इक बिश्वासनी रोंदी ही। ओह बड़े भले भले कम्म ते दान करदी ही। 37 उन्हें दिनें च ओह बीमार होइयै ओह मरी गई; ते उन्हें नहलाइयै अटारी उप्पर रखी दिता। 38 इए आस्ते के लुद्धा याफा दे कोल हा, चेलें ए सुनीयें के पतरस उत्थें ऐ, दो मनुख भेजिये उस कन्ने विनती किती, “साडे कोल आने गी देर ना कर।” 39 उस बेले पतरस उठीयै, उंदे कन्ने होई गया, ते जेस ले ओह पुजया ते ओह उसी ओस अटारी उप्पर लेई गए। सारियां बिधवां रोंदीयां होई ओस दे कोल आई खड़ोतीयां, ते जेड़े कुरते ते कपड़े दोरकास ने उंदे कन्ने रोंदे होई बनाए हे, दसना लगियां। 40 उस बेले पतरस ने सारें गी बार करी दिता, ते घुटने टेकिये प्रार्थना किती ते लाश दी बखी दिखिये आखया, “हे तबीता, उठ।” उस बेले ओस ने अपनियां अखां खोली दितियां; ते पतरस गी दिखिये उठी बेई। 41 ओस ने हत्थ देइये उसी दुआलया, ते ते पवित्र लोकें ते बिधवाएं गी बलाइयै उसी जिंदा दसी दिता। 42 ए गल्ल सारे याफा च फैली गई; ते बथरें प्रभु उप्पर बिश्वास किता। 43 ते पतरस याफा च शमोन नां दे किसे चमड़े दा कारोबार करने आले दे इत्थें मते दिन रेया।

10 कैसरिया च कुरनेलियुस नां दा इक मनुख हा, जेड़ा इतालियानी नां दी पलटन दा सूबेदार हा। 2 ओह भक्त हा, ते अपने सारे घराने सने परमातमा कोलां डरदा हा, ते यहूदी लोकें गी मता दान दिंदा, ते बराबर परमातमा कन्ने प्रार्थना करदा हा। 3 ओस ने दिन ते त्रिये पहर दे कोल दर्शन च साफ रूप कन्ने दिखया के परमातमा दा इक सुर्गदूत ओस दे कोल नेड़े आइयै आखदा ऐ, “हे कुरनेलियुस !” 4 ओस ने उसी ध्यान कन्ने दिखया ते उरिये आखया, “हे प्रभु, के ऐ ?” ओस ने ओस कन्ने आखया, “तेरी प्रार्थना ते तेरे दान स्मरण करने आस्ते परमातमा दे सामनै पुजे न; 5 ते हून याफा च मनुख भेजीयै शमोन गी, जेड़ा पतरस आखा जांदा ए, बलाई लै। 6 ओह शमोन, चमड़े दे धन्धा करने आले दे इत्थें मेहमान ऐ, जेस दा घर समुद्र दे कंडे ऐ।” 7 जेस ले ओह सुर्गदूत जेस ने ओस कन्ने गल्लां कितियां हियां चली गया, ते ओस ने दो सेवक, ते जेड़े ओस दे कोल उपस्थित रेया करदे हे उंदे बीचा इक भक्त सिपाही गी बलाया, 8 ते उन्हें सारियां गल्लां सनाइयै याफा गी भेजया।

9 दुए दिन जेस ले ओह चलदे चलदे नगर दे कोल पुजे, ते दोपैरीं दे कोल पतरस छते उप्पर प्रार्थना करने चढ़या। 10 उसी भूख लगी ते किश खाना चांदा हा, लेकन जेस ले ओह तेयारी करा दे हे ते ओह बेसुध होई गया; 11 ते ओस ने दिखया, के आकाश खुली गया; ते इक पात्र बडी चादर जेई चोर्नी कोर्ने कोलां लटकदा, धरती आली बखी उतरा करदा ऐ। 12 जेस दे बीच धरती दे सारे किसम दे चोपाए ते सिंगने आले जंतु ते आकाश दे पक्षी हे। 13 उसी इक एसा शब्द सुनाई दिता, “ए पतरस उठ, मार ते खा।” 14 लेकन पतरस ने आखया, “नेई प्रभु, कदें भी नेई; की वे मैं कदें कोई अपवित्र चीज नेई खादी ऐ।” 15 फिरी दुई बार उसी शब्द सुनाई दिता, “जे किश परमातमा ने शुद्ध ठहराया ऐ, उसी तू अशुद्ध मत बोल।” 16 तिन बारी एसा गे ओया; उस बेले फोरन ओह पात्र आकाश उप्पर चुकी लेता गया।

17 जेस ले पतरस अपने मन च दुविधा च हा, के ए दर्शन जेड़ा मैं दिखया ओह के होई सकदा ऐ, ते दिखो, ओह मनुख जिन्हें कुरनेलियुस ने भेजया हा, शमोन दे घरे दा पता लाइयै दरवाजे उप्पर आई खड़ोते, 18 ते पुकारीयै पूछना लगे, “के शमोन जेड़ा पतरस आखा जांदा ए, इत्थें गै मेहमान ऐ ?” 19 पतरस ते ओस दर्शन उप्पर सोचा गे करदा हा, के आत्मा ने उसी आखया, “दिख, तीन मनुख तेरी खोज च न। 20 इसे आस्ते उठिये थले जा, ते बे धड़क उंदे कन्ने होई जा; की वे मैं गे उन्हें भेजया ऐ।” 21 उस बेले पतरस ने उतरिये उन्हें इन्सानें कन्ने आखया, “दिखो, जेस दी खोज तुस करा करदे हो, ओह मैं गै। तुंदे आने दा के कारण ऐ ?” 22 उन्हें आखया, “कुरनेलियुस सुबेदार जेड़ा धर्मी ते परमातमा कोलां डरने आला ते सारी यहूदी जाति च

सुनाम मनुख ए, ओस ने इक पवित्र सुर्ग दूत कोलां ए निर्देश पाया ऐ के तुगी अपने घर बलाइयै तेरे कोलां वचन सुने।”

23 उस बेले ओस ने उन्हें कोल उंदी परोहनचारी किती। दुए दिन ओह उंदे कन्ने गया, ते याफा ते भ्रां बीचा किश ओस दे कन्ने होई गए। 24 दुए दिन ओह कैसरिया पुजे, ते कुरनेलियुस अपने कुटम्बिये गी ते प्यारे मित्रे गी किटठा करियै उंदा इंतजार करादा हा। 25 जेस ले पतरस कोल आ करदा हा, ते कुरनेलियुस ने ओस कन्ने भेंट किती, ते ओस दे पैरें च किरियै उसी प्रणाम किता; 26 लेकन पतरस ने उसी दुआलीये आख्या, “खड़ा हो, मैं भी ते मनुख गै।” 27 ते ओस कन्ने गल्ल बात करदा कोल गया, ते मतें लोकें गी किटठा दिखीयै 28 उंदे कन्ने आख्या, “तुस जानदे हो के अन्यजाति दी संगती नेई करयो जां ओस दे उत्थें जाना यहूदी आस्ते अधर्म ऐ, लेकन परमातमा ने मीगी बताया ऐ के किसे भी इंसान गी अपवित्र जां अशुद्ध नेई बोलां। 29 इसे आस्ते जेस ले मैं बुलाया गया ते बगैर किश अखे दे चली आया। हून मैं पूछना ऐ के मीगी किस कम्म आस्ते बुलाया गया ?”

30 कुरनेलियुस ने आख्या, “इसे घड़ी, पुरे चार दिन होए, मैं अपने घर च त्रिये पहर प्रार्थना करादा हा; ते दिखो, इक पुरुष चमकने आला कपड़ा लाए दै, मेरे सामने आई खड़ोता 31 ते आखना लगया, ‘हे कुरनेलियुस, तेरी प्रार्थना सुनी लेती गई ऐ ते तेरे दान परमातमा दे सामने स्मरण किते गए न। 32 इसे आस्ते किसे गी याफा भेजियै शमोन गी जेड़ा पतरस आखा जांदा ऐ, बला। ओह समुंद्र दे कंडे शमोन, चमड़े दे धंधा करने आले दे घर च मेहमान ऐ। 33 उस बेले फोरन मैं तेरे कोल लोग भेजे, ते तो भला किता जेड़ा आई गया। हून आस सारे इत्थें परमातमा दे सामने न, तां जे जे किश परमातमा ने तेरे कन्ने आख्या ऐ उसी सुनचे।”

34 उस बेले पतरस ने आख्या, “हून मीगी पका होई गया के परमातमा किसे दा भी पक्ष नेई करदा, 35 बरना हर जाति च जेड़ा ओस कोलां डरदा ऐ, ओह उसी भांदा ऐ। 36 जेड़ा वचन ओस ने इस्राएलिये दे कोल भेजया, जेस ले ओस ने यीशु मसीह दे द्वारा (जेड़ा सारां दा प्रभु ऐ) शान्ति दा सुसमाचार सनाया, 37 ओह वचन तुस जानदे हो, जेड़ा यहूदा दे बपतिस्मा दे प्रचार दे बाद गलील कोलां शुरू होइयै सारे यहूदिया ह फैली गया: 38 परमातमा ने किस रिती कन्ने यीशु नासरी गी पवित्र आत्मा ते सामर्थ कन्ने अभिषेक किता; ओह भलाई करदा ते सारे गी जेड़े शैतान दे सताए दे हे, अच्छा करदा फिरया, की वे परमातमा ओदे कन्ने हा। 39 आस सारे उन कम्मं दे गुआह न; जेड़ा ओस ने यहूदिया दे देश ते यरुशलेम च भी किते, ते उन्हें उसी काठे उप्पर लटकाइयै मारी दिता। 40 उसी परमातमा ने त्रिये दिन जिंदा किता, ते प्रगट भी करी दिता ऐ; 41 सारें लोकें उप्पर नेई मगर उन गवाए उप्पर जिन्हें गी परमातमा ने पैलें दा चुनी लेता हा, मतलब साड़े उप्पर जिन्हें ओस दे मरें होए बीचा जिंदा होने कोलां बाद ओस कन्ने खादा पीता; 42 ते ओस ने असें आज्ञा दिती के लोकें ह प्रचार करो ते गुआई देओ, के ए उए ऐ के जिसी परमातमा ने जिंदा ते मरें दा न्यायी ठहराया ऐ। 43 ओस दी सारे भविष्यवक्ता गुआइ दिंदे न के जेड़ा कोई ओस उप्पर बिश्वास करग, ओस गी ओस दे नां द्वारा पापें दी माफ़ी मिलग।”

44 पतरस ए गल्लां आखा गे करदा हा के पवित्र आत्मा वचन दे सब सुनने आलें उप्पर उतरी आया। 45 ते जिन्ने खतना किते दे विश्वासी पतरस दे कन्ने आए दे हे, ओह सारे हरान होए के अन्यजातिये उप्पर भी पवित्र आत्मा दा दान उंढेला गया ऐ। 46 की वे उन्हें उन्हें भांति भांति दी भाषा बोलदे अते परमातमा दी बड़ाई करदे सुनया। एस उप्पर पतरस ने आख्या, 47 “के कोई पानी दी रोक करी सकदा ए के ए बपतिस्मा नेई पांन, जिन्हें साड़े जेया पवित्र आत्मा पाया ऐ ?” 48 ते ओस ने आज्ञा दिती के उन्हें यीशु मसीह दे नां कन्ने बपतिस्मा दिता जा। उस बेले उन्हें ओस कन्ने विनती किती के किश दिन होर उंदे कन्ने रवै।

11 फिरी प्रेरितें ते भ्रांए नै जेड़े यहूदिया च हे सुनया के अन्यजातिये भी परमातमा दा वचन मनी लेता ऐ। 2 इस आस्ते पतरस यरुशलेम च आया, ते खतना किते दे लोग ओस कन्ने वाद विवाद करना लगे, 3 “तो खतना रहित लोकें दे उत्थें जाइयै उंदे कन्ने खादा।” 4 उस बेले पतरस ने उन्हें शुरू कोलां क्रमानुसार आखी सनाया: 5 “मैं याफा नगर च प्रार्थना करादा हा, ते बेसुध होइयै इक दर्शन दिखया के इक पात्र, बड्डी चादर दे

समान चोनीं कोनें कोलां लटकाएदा दा, आकाश कोलां उतरिये मेरे कोल आया। 6 जेस ले मैं ओस उप्पर ध्यान किता, ते ओस च धरती दे चोपाए ते वनपशु ते रिंगने आले जंतु ते आकाश दे पक्षी दिखे; 7 ते ए शब्द भी सुनया, ‘हे पतरस उठ, मार ते खा।’ 8 मैं आख्या, ‘नेई प्रभु, नेई; की वे कोई अपवित्र जां अशुद्ध चीज मेरे मूंह च कदें भी नेई गई।’ 9 एस दे उत्तर लेई आकाश बीचा दुई बार ए शब्द ओया, ‘जे किश परमातमा ने शुद्ध ठहराया उसी अशुद्ध मत बोल।’ 10 तीन बार एसा गे ओया; उस बेले सब किश फिरी आकाश उप्पर चुकी लेता गया। 11 ते दिखो, फोरन तीन मनुख जेड़े कैसरिया च मेरे कोल भेजे हे, ओस घर उप्पर जेस च आस हे, आई खड़ोते। 12 उस बेले आत्मा ने मीगी उंदे कन्ने बे धड़क होने गी आख्या, ते ए छे प्रा भी मेरे कन्ने मेरे कन्ने होई गे; ते आस ओस मनुख दे घर गे। 13 ओस ने असें बताया, के ओस ने इक सुर्गदुत गी अपने घर च खड़ोते दे दिखया, जेस ने उसी आख्या, ‘याफा च मनुख भेजीयै शमोन गी जेड़ा पतरस आखा जांदा ऐ, बलाई लै। 14 ओह तुंदे कन्ने एसी गल्लां आखग, जेस दे द्वारा तू ते तेरा सारा घराना उधदार पाग।’ 15 जेस लै मैं गल्लां करना लगया, ते पवित्र आत्मा उंदे उप्पर उसे रिती कन्ने उतरया जिस रिती कन्ने शुरू च साड़े उप्पर उतरया हा। 16 उस बेले मीगी प्रभु दा ए वचन स्मरण आया; जेड़ा ओस ने आख्या हा, ‘यूहन्ना ने ते पानी कन्ने बपतिस्मा दिता, लेकन तुस पवित्र आत्मा कन्ने बपतिस्मा पागे।’ 17 इसे आस्ते परमातमा ने उन्हें भी इत्ये दान दिता, जेड़ा असें प्रभु यीशु मसीह उप्पर विश्वास करने दे द्वारा मिलया हा; ते मैं कुन्न हा जेड़ा परमातमा गी रोकी सकदा ?” 18 ए सुनिये ओह चुप रे, ते परमातमा दी बड़ाई करिये आखना लगे, “इस करी ते परमातमा ने अन्यजातिये गी भी जीवन आस्ते मन फेरने दा दान दिता ऐ।”

19 जेड़े लोग ओस क्लेश दे मारे जेड़ा स्तिफनुस दे कारण पेया हा, तितर -बितर होई गे हे, ओह फिरदे फिरदे फीनीके ते साइप्रस ते अन्ताकिया च पुजे; लेकन यहूदिये गी शुडी किसे होर गी वचन नेई सुनांदे हे। 20 लेकन उंदे बीचा किश साइप्रसवासी ते कुरेनी हे, जेड़े अन्ताकिया च आइयै यूनानीये गी भी प्रभु यीशु दे सुसमाचार दियां गल्लां सुनाना लगे। 21 प्रभु दा हत्थ उंदे उप्पर हा, ते मते लोग विश्वास करिये प्रभु दी बखी फिरे। 22 जेस ले उंदी चर्चा यरुशलेम दी कलीसिया दे सुनने च आई, ते उन्हें बरनबास गी अन्ताकिया भेजया। 23 ओह उत्थें पुजिये ते परमातमा दे अनुग्रह गी दिखिये आनंदित ओया, ते सबनीं गी ए उपदेश दिता के तन मन लाइयै प्रभु कन्ने लिपटे रवो। 24 ओह इक भला मनुख हा, ते पवित्र आत्मा ते विश्वास कन्ने परिपूर्ण हा; ते बाकी मते लोक प्रभु च आई मिले। 25 उस बेले ओह शाऊल गी तुपने आस्ते तरसुस गी चली गया। 26 जेस ले ओह ओस कन्ने मिलया ते उसी अन्ताकिया लेई आया; ते एसा ओया के ओह इक साल तकर कलीसिया दे कन्ने मिलदे ते ते मते लोकें गी उपदेश दिंदे रे; ते चले सबनी कोलां पैलें अन्ताकिया व: गे मसीह आखे गए।

27 उन्हें दिनें च गे कई भविष्यवक्ता यरुशलेम बीचा अन्ताकिया आए। 28 उंदे बीचा अगबुस नां दे इक नै खड़ोइयै आत्मा दी प्रेरणा च ए बताया के सारे संसार च बड़ा काल पोग -ओह काल क्लौदियुस दे समें च पेया। 29 उस बेले चेलें निर्णय किता के हर इक अपनी अपनी पूजी दे मताबक यहूदिया च रहने आले प्रां दी मदद आस्ते किश भेजै। 30 उन्हें एसा गे किता; ते बरनबास ते शाऊल दे हत्थे प्राचीनें दे कोल किश भेजी दिता

12 ओस समें हेरोदेस राजा ने कलीसिया दे कई इन्साने गी सताने आस्ते उंदे उप्पर हत्थ पाए। 2 ओस ने यूहन्ना दे प्रा याकूब गी तलवार कन्ने मराई दिता। 3 जेस ले ओस नै दिखया के यहूदी लोग एस कन्ने आनंदित होंदे न, ते ओस ने पतरस गी भी पकड़ी लेता ओह दिन अखमीरी रुट्टी दे दिन हे। 4 ओस ने उसी पकड़िये जेले च पाया, ते चार चार सपाइयें दे चार पहरे च रखया; एस बचार कन्ने के फसह दे बाद उसी लोकें दे सामने लाए। 5 जेले च पतरस बंद हा; लेकन कलीसिया ओदे आस्ते लो लाइयै प्रार्थना करा करदी ही।

6 जेस ले हेरोदेस उसी लोकें दे सामने लाने च हा, उसे राती पतरस दो जंजीरें कन्ने बने दा दो सपाइयें बीच सो करदा हा; ते चोकीदार दरवाजे उप्पर जेले दी रखवाली करादे हे। 7 ते दिखो, प्रभु दा इक सुर्गदूत आई खड़ोता ते ओस कोठरी च लो चमकी, ते ओस ने पतरस दी पसली उप्पर हत्थ मारीयै

उसी जगाया ते आख्या, “उठ, जल्दी कर। ते ओस दे हत्थें बीचा जंजीरां खुलियै किरी गईयां।⁸ उस बेले सुर्गदूत ने उसी आख्या, “कमर बन, ते अपने जूते लाई लै।” ओस ने उय्यां गे किता। फिरी ओस ने उसी आख्या, “अपना कपड़ा लाइयै मेरे पीछें होई जा।”⁹ ओह निकलियै ओस दे पीछें होई गया; लेकन ए नेई जानदा हा के जे किश सुर्गदूत करादा ऐ ओह सच ए, बरना ए समझया के मैं दर्शन दिखा करना ए।¹⁰ उस बेले ओह पैले ते दुए पहर कोलां निकलियै ओस लोहे दे फाटक उप्पर पुजे, जेड़ा नगर आली बखी ऐ। ओह उंदे आस्ते आप कोलां आप गे खुली गया, ते ओह निकलियै इक गे गली होइयै गे, ते फोरन गै सुर्गदूत उसी शुड़ीयै चली गया।¹¹ उस बेले पतरस नै सुचेत होइयै आख्या, “हून मैं सच जानी लेता ए के प्रभु ने अपना सुर्गदूत भेजियै मीगी हेरोदेस दे हत्थें बीचा शुड़ाई लेता, ते यहूदिये दी सारी आशा तोड़ी दिती ऐ।”

¹² ए जानियै ओह ओस यूहन्ना दी मां मरियम दे घर आया, जेड़ा मरकुस आखा जांदा ऐ।¹³ जेस ले ओस फाटक दी खिड़की खड़काइ, ते रुद्धे नां दी इक दासी दिखने आई।¹⁴ पतरस दा शब्द पनछानियै ओस ने आनंद दे मारे फाटक नेई खोलया, लेकन दोड़ीयै कोल गई ते सनाया के पतरस दरवाजे उप्पर खड़ोते दा ए।¹⁵ उन्हेँ उसी आख्या, “तू पागल ए।” लेकन ओह दूढ़ता कन्ने बोली के एसा गे ऐ। उस बेले उन्हेँ आख्या, “ओस दा सुर्गदूत होना।”¹⁶ लेकन पतरस खड़कांदा गे रेया: इस आस्ते उन्हेँ खिड़की खोली, ते उसी दिखियै हरान रेई गे।¹⁷ उस बेले ओस नै उन्हेँ गी हत्थें कन्ने संकेत किता के चुप रॉन; ते उन्हेँ सनाया के प्रभु किस रिती कन्ने उसी जेले बीचा कडी लेई आया ऐ। फिरी आख्या, “याकूब ते भ्रां गी ऐ गाल सनाई देयो।” उस बेले निकलियै दुई जगह चली गया।

¹⁸ भोर गी सपाईयें च मती हलचली मची गई के पतरस दा के ओया।¹⁹ जेस ले हेरोदेस ने ओस दी खोज किती ते नेई पाया, ते चोकीदारें दी जाच करीये आज्ञा दिती के ओह मारी दिते जानं: ते ओह यहूदिया गी शुड़ीयै कैसरिया च जाइयै रोना लगया।

²⁰ हेरोदेस सूर ते सैदा दे लोकें कोलां मता अप्रसन्न हा। इसे आस्ते ओह इक चित होइयै ओस दे कोल आए, ते बलास्तुस गी जेड़ा राजा दा इक कर्मचारी हा, मनाईये मेल करना चाया; की वे राजा दे देश चा उंदे देश दा पालन पोषण होंदा हा।²¹ ठहराए दे दिन हेरोदेस राजवस्त्र पाइयै सिंहासन उप्पर बैठा, ते उन्हेँ व्याख्यान देना लगया।²² उस बेले लोग पुकारी उठे, “ए ते मनुख दा नेई परमातमा दा शब्द ऐ।”²³ उसे बेले प्रभु दे इक सुर्गदूत ने फोरन उसी मारया, की वे ओस परमातमा गी महिमा नेई दिती; ते उसी कीडे पे ते मरी गया।

²⁴ लेकन परमातमा दा वचन बददा ते फैलदा गया।

²⁵ जेस ले बरनबास ते शाऊल अपनी सेवा पूरी करी चुके ते यूहन्ना गी जेड़ा मरकुस आखा जांदा ए, कन्ने लेइयै यरूशलेम दा बापस आए।

13 अन्ताकिया दी कलीसिया च कई भविष्यवक्ता ते उपदेशक हे; जिय्यां: बरनबास ते शमोन जेड़ा नीगर आखा जांदा ऐ; ते लूकियुस कुरेनी, ते चोथाई देश दा राजा हेरोदेस दा दूधप्रा मनाहेम, ते शाऊल।² जेस ले ओह उपवास कन्ने प्रभु दी भक्ति करा करदे हे, ते पवित्र आत्मा ने आख्या, “मेरे आस्ते बरनबास ते शाऊल गी ओस कम्म आस्ते अलग करो जेस आस्ते मैं उन्हेँ बलाया ऐ।”³ उस बेले उन्हेँ उपवास ते प्रार्थना करियै ते उंदे उप्पर हत्थें राखियै उन्हेँ विदा किता।

⁴ इस आस्ते ओह पवित्र आत्मा ते भेजे गेदे सिलूकिया गी गे; ते उत्थां जाज उप्पर चढ़ीयै साइप्रस गी चली गे; ⁵ ते सलमीस च पुजियै, परमातमा दा वचन यहूदिये दी अराधनालें च सनाया। यूहन्ना उंदा सेवक हा।⁶ ओस ओस सारे टापू च होंदे होई पाफुस तकर पुजे। उत्थें उन्हेँ बार -यीशु नां दा इक यहूदी टोना ते झूठा भविष्यवक्ता मिलया।⁷ ओह हाकिम सिरगियुस पोलुस दे कन्ने हा, जेड़ा बुद्धिमान मनुख हा। ओस ने बरनबास ते शाऊल गी अपने कोल बलाइयै परमातमा दा वचन सुनना चाया।⁸ लेकन इलीमास टोने ने, की वे इय्ये ओस दे नां दा मतलब ए, उंदा बरोध करियै हाकिम गी बिश्वास करने कोलां रोकना चाया।⁹ उस बेले शाऊल ने जेस दा नां पोलुस भी ऐ, पवित्र आत्मा कन्ने परिपूर्ण होइयै ओस दी बखी टकटकी लाइये दिखया ते आख्या,¹⁰ “ए सारे कपट ते चतुराई कन्ने भरोए दे शैतान दी संतान, सकल

धर्म दे बैरी, के तू प्रभु दे सीधें रस्ते गी डिगा करना नेई शडगा ?¹¹ हून दिख, प्रभु दा हत्थें तेरे उप्पर लगया ए; ते तू किश समें तकर अन्ना रोगा ते सूरज गी नेई दिखगा।” उस बेले फोरन धुंधलापन ते न्हेरा ओस उप्पर छाई गया, ते ओह इधर उधर टटोलने लगया तां जे कोई ओस दा हत्थें पकड़ीयै लेई चले।¹² उस बेले हाकिम ने जेड़ा ओया हा उसी दिखियै ते प्रभु दे उपदेश कोलां हरान होइयै विश्वास किता।

¹³ पोलुस ते ओस दे साथी पाफुस कोलां जाज खोलियै पंफूलिया दे पिरगा च आए; ते यूहन्ना उन्हेँ शुड़ीयै यरूशलेम गी बापस आया।¹⁴ पिरगा कोलां अगें निकलियै ओह पिसिदिया दे अन्ताकिया च पुजे; ते सब्त दे दिन अराधनालें च बैठी गए।¹⁵ व्यवस्था ते भविष्यवक्तां दी कताब पढ़ने कोलां बाद अराधनालय दे सरदारें उंदे कोल कहला भेजया, “ए प्रा ओ, जे लोकें दे उपदेश आस्ते तुंदे मने च कोई गल्ल ऐ ते बोलो।”¹⁶ उस बेले पोलुस ने खड़ोइयै ते हत्थें कन्ने संकेत करियै आख्या, “ए इस्राएलियो, ते परमातमा कोलां डरने आलयो, सुनो: ¹⁷ इन इस्राएली लोकें दे परमातमा ने साड़े बब्ब दादें गी चुनी लेता, ते जेस ले ए लोग मिस्त्र देश च परदेशी होइयै रेंदे हे, ते उंदी तरक्की किती; ते बलवंत भुजा कन्ने कडी लेई आया।¹⁸ ओह कोई चाली साल तकर जंगल च उंदी सैदा रेया,¹⁹ ते कनान देश च सत जातियां दा नाश करियै उंदा देश कोई साड़े चार सो साल बीच इंदी मीरास च करी दिता।²⁰ एस दे बाद ओस ने शमूएल भविष्यवक्ता तकर उंदे च न्यायी ठहराए।

²¹ ओस दे बाद उन्हेँ इक राजा मंगया: उस बेले परमातमा ने चाली साल आस्ते बिन्ध्यामीन दे गोत्र बीचा इक मनुख; मतलब किश दे पुत्तर शाऊल गी उंदे उप्पर राजा ठहराया।²² फिरी उसी अलग करियै दाऊद गी उंदा राजा बनाया; जेस दे बारे च ओस ने गुआइ दिती, ‘मीगी इक मनुख, यिशै दा पुत्तर दाऊद, मेरे मन दे मताबक मिली गया ऐ; उए मेरी सारी इच्छा पूरी करगा।’²³ इसे दे वंश बीचा परमातमा ने अपनी प्रतिज्ञा दे मताबक इस्राएल दे कोल इक उधारकर्ता, मतलब यीशु गी भेजया।²⁴ जेस दे आने कोलां पैलें यूहन्ना ने सारे इस्राएलिये च मन फेरने दे बपतिस्मा दा प्रचार किता।²⁵ जेस ले यूहन्ना अपनी सेवा पूरी करने उप्पर हा, ते ओस ने आख्या, ‘तुस मीगी के समझदे हो ? मैं ओह नेई ! बरना दिखो, मेरे कोलां बाद इक आने आला ए, जेस दी पैरें दी जूती भी मैं खोलने दे काबल नेई।’

²⁶ “ए प्रा ओ, तुस जेड़ी अब्राहम दी संतान हो; ते तुस जेड़ा परमातमा कोलां डरदे हो, तुंदे कोल एस उद्धार दा वचन भेजया गेदा ऐ।²⁷ की वे यरूशलेम दे रहने आलें ते उंदे सरदारें, ना उसी पछानया ते ना भविष्यवक्तें दी गल्लां समझियां, जेड़ीयां हर सब्त दे दिन पड़ीयां जांदियां न, इसे आस्ते उसी दोषी ठराइयै उन्हेँ गल्लें गी पूरा किता।²⁸ उन्हेँ मारने जोगा कोइ दोष ओस च नेई पाया, तां भी पिलातुस अगें विनती किती के ओह मारी दिता जा।²⁹ जेस ले उन्हेँ ओस दे बारे च लिखीं दियां सारियां गल्लां पुरियां कितियां, ते उसी क्रूस उपरा तुआरीयें कन्न च रखया।³⁰ लेकन परमातमा ने उसी मरें बीचा जिंदा किता,³¹ ते ओह उन्हेँ जेड़े ओस दे कन्ने यरूशलेम च आए हे, मते दिनें तकर लबदा रेया; लोकें दे सामने हून ओह गै ओस दे गुआह न।³² आस तुसें ओस प्रतिज्ञा दे बारे च जेड़ी बब्ब दादें कन्ने किती गई ही, ए सुसमाचार सुनानया न,

³³ के परमातमा ने यीशु गी जिंदा करिये, उए प्रतिज्ञा साड़ी संतान आस्ते पूरी किती; जिय्यां दुए भजन च लिखया ऐ, ‘तू मेरा पुत्तर ए; अज्र मैं गै तुगी जन्माया ऐ।’

³⁴ ते ओस दे एस रिती कन्ने मरें दा बीचा जिंदा करने दे बारे च भी के ओह कदें भी नेई सड़े, ओस ने इय्यां आख्या, ‘मैं दाऊद दे उप्पर दी पवित्र ते अटल कृपा तेरे उप्पर करगा।’

³⁵ इस आस्ते ओस ने इक होर भजन च भी आखा ऐ, ‘तू अपने पवित्र जन गी सडने नेई देगा।’

³⁶ की वे दाऊद ते परमातमा दी इच्छा दे अनुसार अपने समें च सेवा करिये सेई गया, ते अपने बब्ब दादें च जाई मिलया, ते सड़ी भी गया।

³⁷ लेकन जिसी परमातमा ने जिंदा किता, ओह सड़ी नेई सकया।³⁸ इसे आस्ते, ए प्रा ओ, तुस जानी लेओ के इसे दे द्वारा पापें दी माफी समाचार तुसें दिते जांदा ऐ; ³⁹ ते जिन्ने गल्लें च तुस मूसा दी व्यवस्था दे द्वारा निर्दोष नेई ठहर सकदे हे, उन्हीं सबनीं बीचा गे हर इक विश्वास करने आला ओस दे

द्वारा निर्दोष ठहरा जांदा ऐ। 40 इसे आस्ते चोकस रवो, एसा नी होए के जे भविष्यवक्तां दी कताबे च आया ऐ, तुंदे उप्पर भी आई पवे:

41 'हे निंदा करने आलो, 'दिखो, ते हरान होई जाओ, ते मिटी जाओ; की वे मैं तुंदे दिनें च इक कम्म करना ए, एसा कम्म के जे कोई तुंदे कन्ने ओस दी चर्चा करे, ते तुस कदं भी विश्वास नेई करगे'।"

42 उंदे बार निकलदे समें लोग उंदे कन्ने विनती करना लगे के अगले सब्ब दे दिन असें ए गल्लां फिरी सुनाई जांन। 43 जेस ले सभा उठी गई ते यहूदी ते यहूदी मत च आए गेदे भक्ते बीचा मते पोलुस ते बरनबास दे पीछें होई गे;ते उन्हे उंदे कन्ने गल्लां करिये समझाया के परमातमा दे अनुग्रह च बने रवो।

44 अगले सब्ब दे दिन नगर दे अकसर सारे लोग परमातमा दा वचन सुनने गी किटठे होई गे। 45 लेकन यहूदी भीड़ गी दिखिये डाह कन्ने भरोई गे, ते निन्दा करदे होई पोलुस दी गल्ले दे बरोध च बोलना लगे। 46 उस बेले पोलुस ते बरनबास ने निडर होइयै आख्या, "जरूरी हा के परमातमा दा वचन तुसें पैलें सनाया जांदा; लेकन जेस ले तुस उसी दूर हटाई जांदि हो, ते अपने आप गी अनंत जीवन दे जोगा नेई ठहरांदि, ते दिखो, आस अन्यजातियें आली बखी फिरी जनयां न।

47 की वे प्रभु ने असें ए आज्ञा दिती ऐ, 'मैं तुगी अन्यजातियें आस्ते लो ठहराया ऐ, तां जे तू धरती दे छोर तकर उद्धार दा दरवाजा होए'।"

48 ए सुनीये अन्यजाति आनंदित होए, ते परमातमा दे वचन दी बड़ाई करना लगे; ते जिन्ने भी अनंत जीवन आस्ते ठहराए गे हे, उन्हे विश्वास किता। 49 इस करी प्रभु दा वचन ओस सारे देश च फैलना लगया। 50 लेकन यहूदियें भक्त ते कुलीन जनानियें गी ते नगर दे प्रमुख लोकें गी उसकाया, ते पोलुस ते बरनबास दे बरोध उपद्रव कराइयै उन्हे अपनी सीमा कोलां कडी दिता। 51 उस बेले ओस उंदे सामने अपने पैरें दी धुल झाड़ीयै इकुनियुम गी चली गे। 52 ते चले आनंद कन्ने ते पवित्र आत्मा कन्ने परिपूर्ण होंदे गे।

14 इकुनियुम च एसा ओया के ओह यहूदियें दे अराधनालें च कन्ने कन्ने गे ते एस चाली गल्लां कितियां के यहूदियें ते युनानियें दोनीं बीचा मते विश्वास किता। 2 लेकन विश्वास नेई करना आले यहूदीयें अन्यजातियें दे मन भ्रां दे बरोध च उसकाए ते बैर (कटुता) पैदा किती। 3 ओस मते दिन तकर उत्थें रे, ते प्रभु दे भरोसे उप्पर हियाब कन्ने गल्लां करदे हे; ते ओस उंदे हत्तथें बीचा चित्र ते अद्भुत कम्म करवाइयै अपने अनुग्रह दे वचन उप्पर गुआइ दिंदा रेया। 4 लेकन नगर दे लोकें च फूट पेई गई ही, एस कन्ने किन्ने ते यहूदीयें दी बखी ते किन्ने प्रीरितें दी बखी होई गे। 5 लेकन जेस ले अन्य जाति ते यहूदी उंदा अपमान ते उंदे उप्पर पथराव करने आस्ते अपने सरदारें दे सने उंदे उप्पर दोड़े, 6 ते ओह एस गल्ले गी जानी गे, ते लुकाउनिया दे लुस्त्रा ते दिरबे नगरें च, ते आसे पासे दे प्रदेशें च नसी गे 7 ते उत्थें सुसमाचार सनाना लगे।

8 लुस्त्रा च इक मनुख बैठा हा, जेड़ा पैरां दा मता निर्बल हा। ओह जन्म कोलां गे लंगडा हा ते कदं भी नेई चला हा। 9 ओह पोलुस गी गल्लां करदे सुना दा हा। पोलुस ने ओस दी बखी टकटकी लाइयै दिखया के उसी चंगा होई जाने दा विश्वास ऐ, 10 ते उचे शब्द कन्ने आख्या, "अपने पैरें दे पार सीधा खड़ा हो।"उस बेले ओह उछलियै चलने फिरने लगया। 11 लोकें पोलुस दा ए कम्म दिखियै लुकाउनिया दी भाषा च उचे शब्द कन्ने आख्या, "देवता मनुख दे रूप च होइयै साड़े कोल उतर आए न।" 12 उन्हे बरनबास गी ज्यूस, ते पोलुस गी हिरमेस आख्या की वे ओह गल्लां करने च खास हा। 13 ज्यूस दे ओस मंदिर दा पुजारी जेड़ा उंदे नगर दे सामने हा, बैल ते फूलें दे हार रस्ते उप्पर लाइयै लोकें कन्ने बलिदान करना चांदा हा। 14 लेकन बरनबास ते पोलुस प्रेरितें ए सुनया, ते अपने कपड़े फाटे ते भीड़ च लपकी गे, ते पुकारिये आख्या लगे, 15 "ए लोको, तुस के करदे हो ? आस भी तुंदे समान दुःख सुख भोगने आले मनुख न, ते तुसें सुसमाचार सनानेयां न के तुस इनां बेकार चीजां कोलां अलग होइयै जिंदे परमातमा दी बखी फिरो, जेस ने सुर्ग ते धरती ते समुद्र ते जे किश उंदे च ऐ बनाया। 16 ओस ने बीते दे समें च सब जातियें गी अपने अपने रस्ते च चलना दिता। 17 तां भी ओस ने अपने आप गी बे - गुआह नेई शुड़या; की वे ओह भलाई करदा रेया, ते आकाश कोलां बरखा ते फलवंत ऋतु देइयै तुंदे मने गी रुट्टी ते आनंद कन्ने भरदा रेया।" 18 ए आखियै भी उन्हे लोकें गी बड़ी कठिनाई कोलां रोकया के उंदे आस्ते बलिदान नेई करना।

19 लेकन किश यहूदीयें अन्ताकिया ते इकुनियुम कोलां आईयै लोकें गी अपनी बखी करी लेता, ते पोलुस उप्पर पथराव किता, ते मर समझियै उसी नगर कोलां बार घसीटी लेई गे। 20 लेकन जेस लै चले ओस दे चोर्नी बखी खड़ोते, ते ओह उठियै नगर च गया ते दुए दिन बरनबास दे कन्ने दिरबे गी चली गया।

21 ओह ओस नगर दे लोकें गी सुसमाचार सनाइयै, ते मते चले बनाइयै, लुस्त्र ते इकुनियुम ते अन्ताकिया गी बापस आए, 22 ते चेलें दे मनें गी स्थिर करदे रे ते ए उपदेश दिंदे हे के विश्वास च बने रवो; ते ए आखदे हे, "असें मते क्लेश चुकियै परमातमा दे राज च परवेश करना होगा।" 23 ते उन्हे हर इक कलीसिया च उंदे आस्ते प्राचीन ठहराए, ते उपवास कन्ने प्रार्थना करियै उन्हे गी प्रभु दे हत्थ सोंपया जेस उप्पर उन्हे विश्वास किता हा।

24 उस बेले पिसिदिया दा होंदे होई ओह पंफूलिया पुजे; 25 फिरी पिरगा च वचन सनाइयै अत्तलिया च आए, 26 ते उत्थां ओह जाज उप्पर अन्ताकिया गए, जिरथें ओह ओस कम्म आस्ते जेड़ा उन्हे पूरा किता हा परमातमा दे अनुग्रह च सोंपे गए हे। 27 उत्थें पुजिये उन्हे कलीसिया किटठी किती ते सनाया के परमातमा ने उंदे कन्ने कैसे बड़े बड़े कम्म किते, ते अन्यजातियें आस्ते विश्वास दा दरवाजा खोली दिता। 28 ते ओह चेलें दे कन्ने मते दिन तकर रे।

15 फिरी किश लोग यहूदिया दा आइयै भ्रां गी सखाना लगे: "जे मूसा दी रिती दे मताबक तुदा खतना नेई होए ते तुस उद्धार नेई पा सकदे।" 2 जेस ले पोलुस ते बरनबास दा उंदे कन्ने मता झगडा ते वाद विवाद ओया ते ए ठहराया गया के पोलुस ते बरनबास ते इंदे बीचा किश एस गल्ले दे बारे च प्रेरितें ते प्राचीन कोल यरुशलम गी जांन। 3 इस आस्ते कलीसिया ने उन्हे किश दूर पजाया; ते ओह फीनीके ते सामरिया कोलां होंदे होई अन्यजातियें दे मन फराने दा समाचार सनांदे गे, ते सारे प्रा मते आनंदित होए। 4 जेस ले ओह यरुशलम पुजे, ते कलीसिया ते प्रेरित ते प्राचीन उंदे कन्ने आनंद कन्ने मिले, ते उन्हे सनाया के परमातमा ने उंदे कन्ने होइयै कैसे कैसे कम्म किते हे। 5 लेकन फरिसियें दे पंथ बीचा जिन्हे विश्वास किता हा, उंदे बीचा कइयै उठियै आख्या, "उन्हे खतना कराने ते मूसा दी व्यवस्था गी मनने दी आज्ञा देनी चाहीदी।"

6 उस बेले प्रेरित ते प्राचीन एस गल्ले दे बारे च बचार करने आस्ते किटठे होए। 7 उस बेले पतरस ने मता वाद विवाद होई जाने दे बाद खड़ोइयै उंदे कन्ने आख्या, "ए प्रा ओ, तुस जानदे हो के मते दिन होए परमातमा ने तुंदे बीचा मीगी चुनी लेता के मेरे मूंह कोलां अन्यजाति सुसमाचार दा वचन सुनीयै विश्वास करन। 8 मन दे जाचने आले परमातमा ने उन्हे भी साड़े समान पवित्र आत्मा देइयै उंदी गुआइ दिती; 9 ते विश्वास दे द्वारा उंदे मन शुद्ध करिये साड़े बीच ते उंदे बीच किश भेद नेई रखया। 10 ते हून तुस की परमातमा दी परीक्षा करदे हो के चेलें दी मुंडी उप्पर एसा जुआ रखो, जिसी ना साड़े बब्ब दादे चुकी सके हे ते ना आस चुकी सकनयां ? 11 हाँ, साड़ा ए पक्का ए के जेस रिती कन्ने ओह प्रभु यीशु दे अनुग्रह कन्ने उद्धार पाधन; उसे रिती कन्ने असें भी पाना।"

12 इस करी सारी सभा चुप चाप बरनबास ते पोलुस दी सुनना लगी, के परमातमा ने उंदे द्वारा अन्यजातियें च कैसे बड़े - बड़े चित्र, ते अद्भुत कम्म दसे। 13 जेस ले ओह चुप होए ते याकूब आख्या लगेया, "ए प्रा ओ, मेरी सुनो। 14 शमोन ने सनाया के परमातमा ने पैलें पहल अन्यजातियें उप्पर कैसी कृपादृष्टि किती के उंदे बीचा अपने नां आस्ते इक लोग बनाई लेंन। 15 एस कन्ने भविष्यवक्तें दीं गल्लां भी मिलदियां न, जिय्यां के लिखे दा ऐ, 16 'एस कोलां बाद मैं फिरी आइयै दारुद दा कीरे दा डेरा उठागा, ते ओस दे खंडहरें गी फिरी बनागा, ते उसी खड़ा करगा,

17 इस आस्ते के बाकी मनुख, मतलब सारे अन्यजाति जेड़े मेरे नां दे आखे जांदे न, प्रभु गी बूढ़न,

18 ए उए प्रभु आखदा ऐ जेड़ा संसार दी उत्पति कोलां इन गल्लां दा समाचार दिंदा आया ऐ।"

19 इसे आस्ते मेरा बचार ए ऐ के अन्यजातियें बीचा जेड़े लोग परमातमा दी बखी फिरदे न, आस उन्हे दुःख नेई देवे; 20 लेकन उन्हे लिखी भेजचे के ओह मूरतें दी अशुद्धतां ते व्यभिचार ते गला कोटे दे मांसे कोलां ते खून कोलां

दूर रोन।²¹ की वे प्राचीन काल कोलां नगर नगर मूसा दी व्यवस्था दा प्रचार करने आले होंदे चले आए न, ते ओह हर सब्ब दे दिन अराधनालें च पढ़ी जांदी ऐ।”

²² उस बेले सारी कलीसिया समेत प्रेरितें ते प्राचीनं गी अच्छा लगया के अपने बीचा किश इन्सानें गी चुनन, मतलब यहूदा जेड़ा बरसबबा आखा जांदा ऐ, ते सिलास गी जेड़े भ्रां च खास हे; ते उन्हें पोलुस ते बरनबास दे कन्ने अन्ताकिया भेजना।²³ उन्हें उंदे हत्थ ऐ लिखी भेजया: “अन्ताकिया ते सीरिया ते किलिकिया दे रोन आले भ्रां गी जेड़े अन्यजातियें बीचा न, प्रेरितां ते प्राचीन भ्रां दा नमस्कार।²⁴ असें सुनया ऐ के साड़े बीचा कईयें उत्थें जाइयें, तुसें अपनी गल्लें कन्ने घबरा दिता; ते तुंदे मन उल्ट दिते न लेकन असें उन्हें आज्ञा नेई दिती ही।²⁵ इसे आस्ते असें इक चित्त होइयें ठीक समझया के चुने दे इन्सानें गी अपने प्यारे बरनबास ते पोलुस दे कन्ने तुंदे कोल भेजवे।²⁶ ऐ ऐसे मनुख न जिन्हें अपने प्राण साड़े प्रभु यीशु मसीह दे नां आस्ते जोखीम च पादे न।²⁷ इसे आस्ते असें यहूदा ते सिलास गी भेजया ऐ, जेड़े अपने मूह कोलां भी ऐ गल्लां आखी देंघन।²⁸ पवित्र आत्मा गी ते असें ठीक जानी पेया के इन्हें ठीक जरूरी गल्लें गी शुडीयें, तुंदे उप्पर होए बोझ ना पान;²⁹ के तुस मूरतें उपरा बलि किते कोलां ते खून कोलां, ते घला कोटे दे मांसे कोलां, ते व्यभिचार कोलां दूर रवो। इंदे कोलां दूर रवो ते तुंदा भला होग। अगें ठीक।”

³⁰ फिरी ओह विदा होइयें अन्ताकिया पुजे, ते सभा गी किट्टी करियें ओह पत्री उन्हें देई दिती।³¹ ओह पत्री पढ़ीयें ओस उपदेश दी गल्ल कोलां मते आनंदित होए।³² यहूदा ते सिलास न जेड़े अप्पुं भी भविष्यक्ता हे, मती गल्लें कन्ने भ्रां गी उपदेश देइयें स्थिर किता।³³ ओह किश दिन रेइयें, भ्रां कुला शान्ति कन्ने विदा होए के अपने भेजने आलें दे कोल जानं।³⁴ (लेकन सिलास गी उत्थें रोना अच्छा लगया।)³⁵ लेकन पोलुस ते बरनबास अन्ताकिया च रेई गे: ते बाकी मते लोकें कन्ने प्रभु दे वचन दा उपदेश करदे ते सुसमाचार सनांदे रे।

³⁶ किश दिनां बाद पोलुस ने बरनबास कन्ने आखया, “जिन्ने जिन्ने नगरें च असें प्रभु दा वचन सनाया हा, आओ, फिरी उत्थें जाइयें अपने भ्रां गी दिखवे की ओह कैसे न।”³⁷ उस बेले बरनबास ने यहूदा गी जेड़ा मरकुस आखा जांदा ऐ, कन्ने लेने दा बचार किता।³⁸ लेकन पोलुस ने उसी जेड़ा पंफूलिया च उंदे कोलां अलग होई गया हा, ते कम्म उप्पर उंदे कन्ने नेई गया, कन्ने लेई जाना अच्छा नेई समझया।³⁹ इस आस्ते एसा विवाद उठया के ओह इक दुए कोलां अलग होई गे; ते बरनबास, मरकुस गी लेइयें जाजे उप्पर साइप्रस चली गया।⁴⁰ लेकन पोलुस ने सीलास गी चुनी लेता, ते भ्रां कोलां परमातमा दे अनुग्रह च सोंपियें उत्थुं दा चली गया;⁴¹ ते ओह कलीसिया गी स्थिर करदे होई सीरिया ते किलिकिया कोलां होंदे होई निकलया।

16 फिरी ओह दिखे ते लुस्त्रा च भी गया। उत्थें तीमुथियुस नां दा इक चेला हा, जेड़ा किसे विश्वासी यहूदिनी दा पुत्तर हा, लेकन ओस दा पिता यूनानी हा।² ओह लुस्त्रा ते इकुनियुम ते भ्रां च सुनाम हा।³ पोलुस दी इच्छा ही के ओह ओस दे कन्ने चले; ते जेड़े यहूदी लोग उन जगांह च हे उंदे कारण ओस ने ओस दा खतना किता, की वे ओह सब जानदे हे, के ओस दा पिता यूनानी हा।⁴ ते नगर नगर जांदे होई ओह उन विधियें गी जेडीयां यरूशलेम दे प्रेरितें ते प्राचिनैं ठहराइयां हियां, मनने आस्ते उन्हें पजाई जांदे हे।⁵ इस चाली कलिसियां विश्वास च स्थिर होंदियां गइयां ते गिनत्री बीच हर दिन बददीयां गइयां।

⁶ ओह फ्रुगीया ते गलातिया प्रदेशें बीचा होंदे गे, की वे पवित्र आत्मा ने उन्हें एशिया च वचन सनाने आस्ते मना किता।⁷ उन्हें मूसिया दे कोल पुजियें, बितुनिया च जाना चाया; लेकन यीशु दी आत्मा ने उन्हें जाना नेई दिता।⁸ इस आस्ते ओह मूसिया कोलां होइयें त्रोआस च आए।⁹ उत्थें पोलुस ने रातीं इक दर्शन दिखया के इक मकिदुनी मनुख खड़ोते दे ओस कन्ने विनती करदै आखा करदा ऐ, “पार उतरियें मकिदुनिया च आ, ते साड़ी मदद कर।”¹⁰ ओस दे ऐ दर्शन दिखदे गे असें फोरन मकिदुनिया जाना चाया, ऐ समझिये के परमातमा ने असें उन्हें सुसमाचार सनाने आस्ते बलाया ऐ।

¹¹ इसे आस्ते त्रोआस कोलां जाज खोलीयें आस सीधे सुमात्राके ते दूए दिन नियापुलिस च आए।¹² उत्थुं दा अस फिलिप्पी पुजे, जेड़ा मकिदुनिया

प्रान्त दा खास नगर ते रोमियें दी बस्ती ऐ; ते आस ओस नगर च किश दिन तकर रे।¹³ सब्ब दे दिन आस नगर दे फाटक दे बार नदि दे कंडे ऐ समझिये गे के उत्थें प्रार्थना करने दी जगह होनी, ते बैठीये उन जनानियें कन्ने जेडीयां किट्टीयां होई दियां हियां, गल्लां करना लगे।¹⁴ लुदिया नां थुआथीरा नगर दी बँजनी कपड़े बेचने आली इक भक्त घरेआली सुना करदी ही। प्रभु ने ओस दा मन खोलया के ओह पोलुस दी गल्लें उप्पर चित्त लाए।¹⁵ जेस ले ओस अपने घराने सने बपतिस्मा लेता, ते ओस ने साड़े कन्ने विनती किती, “जे तुस मीगी प्रभु दी विश्वासिनी समझदे हो, ते चलियें मेरे घर रवो, ” ते ओह असें मनाइये लेई गई।

¹⁶ जेस ले आस प्रार्थना करने दी जगह जा करदे हे, ते असें इक दासी मिली जेस च भावी आखने दी आत्मा ही; ते भावी आखने कन्ने अपने स्वामियें आस्ते मता किश कमाइये लेई आंदी ही।¹⁷ ओह पोलुस दे ते साड़े पीछें आइयें करलाना लगी, “ऐ मनुख परम प्रधान परमातमा दे दास न, जेड़े असें उद्धार दे रस्ते दी कथा सनांदे न।”¹⁸ ओह मते दिन तकर एसा गै करदी रेई; लेकन पोलुस दुखी ओया, ते मुडीयें ओस आत्मा गी आखया, “मैं तुगी यीशु मसीह दे नां कन्ने आज्ञा दीना ऐं के ओस बीचा निकली जा।” ते ओह उसे घड़ी निकली गई।

¹⁹ जेस ले ओस दे स्वामियें दिखया के साड़ी कमाई दी आशा जांदी रेई, ते पोलुस ते सीलास गी पकड़ीयें चोक च प्रधानें दे कोल खिची लेई गे;²⁰ ते उन्हें फोजदारी दे दे हाकिमें दे कोल लेई गे ते आखया, “इ लोग जेड़े यहूदी न, साड़े नगर च मती हलचल मचा करदे न;²¹ ते एसियां रितीयां सना करदे न, जिन्हें ग्रहण करना जां मनना साड़े रोमियें आस्ते ठीक नेईयें।”²² उस बेले भीड़ दे लोग उंदे बरोध च किट्टे होइयें उंदे उप्पर चढ़ी गे, ते हाकिमें उंदे कपड़े फाटीयें तुआरी दिते, ते उन्हें बँत मारने दी आज्ञा दिती।²³ मते बँत मराइयें उन्हें उन्हें गी जेले च पाई दिता ते दारोगा गी आज्ञा दिती के उन्हें चोकसी कन्ने रखे।²⁴ ओस ने एसी आज्ञा पाइयें उन्हें भीतर दी कोठरी च रखया ते उंदे पैर काठे च ठोकी दिते।

²⁵ अधी रातीं दे लगभग पोलुस ते सीलास प्रार्थना करदे होई परमातमा दे भजन गा करदे हे, ते कैदी उंदी सुना करदे हे।²⁶ इन्ने च इकाइक भुंचाल आया, इत्थें तकर के जेले दी नींव हिली गई, ते फोरन सारे द्वार खुली गे; ते सारे दे बंधन खुली गे।²⁷ दारोगा जागी गया, ते जेले दे दरवाजे खुले दिखियें समझया के कैदी नस्सी गे न, इस आस्ते ओस ने तलवार खिचीयें अपने आप गी मारना चाया।²⁸ लेकन पोलुस ने उचे शब्द कन्ने पुकारियें उसी आखया, “अपने आप गी किश हानि नेई पजा, की वे आस सारे इत्थें न।”²⁹ उस बेले ओह दिया मंगाइयें कोल आया, ते कंबदा ओया पोलुस ते सीलास दे अगें किरया;³⁰ ते उन्हें बार आनियें आखया, “ऐ सज्जनों, उद्धार पाने आस्ते मैं के करां ?”³¹ उन्हें आखया, “प्रभु यीशु मसीह उप्पर विश्वास कर ते तू ते तेरा सारा घराना उद्धार पाग।”³² ते उन्हें उसी ते ओस दे सारे घरे दे लोकें गी प्रभु दा वचन सनाया।³³ रातीं उसे घड़ी ओस नै उन्हें लेई जाइयें उंदे जखम धोते, ते ओस ने अपने सारें लोकें समेत बपतिस्मा लेता।³⁴ उस बेले ओस उन्हें अपने घर च लेइयें उंदे अगें रुट्टी रखी, ते सारे घराने समेत परमातमा उप्पर विश्वास करियें आनंद किता।

³⁵ जेस ले दिन ओया उस बेले हाकिमें सपाइयें दे हत्थे च स्नेहा भेजया के उन इन्सानें गी शुडी देओ।³⁶ दारोगा ने ऐ गल्लां पोलुस कन्ने आखीयां, “हाकिमें तुसें शुडने दी आज्ञा दीती ऐ। इसे आस्ते हून निकलियें कुशल कन्ने चली जाओ।”³⁷ लेकन पोलुस ने ओस कन्ने आखया, “उन्हें असें गी जेड़े रोमी मनुख न दोषी ठहराए दे बगैर लोकें दे सामने मारया ते जेले च पाया। हून के असें चोरीयें कडा करदे न ? ऐसा नेई; लेकन ओह अप्पुं आइयें असें बार कडन।”³⁸ सपाइयें ऐ गल्लां हाकिमें कन्ने आखीयां, ते ओह ऐ सुनियें के ओह रोमी न, डरी गे,³⁹ ते आइयें उन्हें मनाया, ते बार लेइयें विनती किती के नगर बीचा चली जानं।⁴⁰ ओह जेले बीचा निकलीयें लुदिया दे उत्थें गे, ते भ्रां कन्ने भेंट करियें उन्हें शान्ति दिती, ते चली गे।

17 फिरी ओह अम्फिपुलिस ते अप्पुलोनिया होइयें थिस्सलुनीके आए, जित्थें यहूदियें दा इक अराधनालय हा।² पोलुस अपनी रिती दे मताबक उंदे कोल गया, ते तीन सब्ब दे दिन पवित्र शास्त्रां बीचा उंदे कन्ने वाद विवाद किता;³ ते उंदा मतलब खोली खोलीयें समझांदा हा के मसीह गी

दुःख चुकना, ते मरें बीचा जिंदा होना, जरूरी हा; ते "इय्ये यीशु जेस दी में तुसैं कथा सनाना ऐ, मसीह ऐ।" 4 उंदे बीचा किन्नैं, ते भक्त युनानियें बीचा मत्तैं, ते मतीं कुलीन जनानियें मनी लेता, ते पोलुस ते सीलास कन्ने मिली गे। 5 लेकन यहूदियें लोकें डाह कन्ने भरोइयें बजारें दे लोकें कन्ने किश दुष्ट इन्सानें गी अपने कन्ने लेता, ते भीड़ किट्टी करियें नगर च रोला पाना लगे, ते यासोन दे घर उप्पर चढ़ाई करियें उन्हें लोकें दे सामने लाना चाया। 6 उन्हें उर्थें नेई पाइयें ओह ए करलांदे होइ यासोन ते किश भ्रां गी नगर दे हाकिमें सामनैं खिची लेई आए, "ए लोग न जिन्हें संसार गी उलट पुलट करी दिता ऐ, इर्थें भी आई गे न। 7 यासोन ने उन्हें गी अपने इर्थें उतारा ऐ। ए सब दे सब ए आखदे न के यीशु राजा ऐ, ते कैसर दी आज्ञां दा बरोध करदे न।" 8 उन्हें लोकें ते नगर दे हाकिमें गी ए सनाइयें घबराई दिता। 9 इसे आस्ते उन्हें यासोन ते बाकी लोकें कोलां मचलका लेइयें उन्हें शुडी दिता।

10 भ्रां नै फोरन रात गे रात पोलुस ते सीलास गी बिरीया भेजी दिता; ते ओह उर्थें पुजियें यहूदीयें दे अराधनालें च गए। 11 ए लोग ते थिस्सलुनिके दे यहूदियें कोलां भले हे, ते उन्हें बड़ी लालसा कन्ने वचन गी ग्रहण किता, ते हर रोज पवित्र शास्त्रां बीचा तुपदे रे के ए गल्लां इय्यां गे न जां नेई। 12 इसे आस्ते उंदे बीचा मत्तैं, ते युनानी कुलीन जनानियें बीचा ते मर्दे बीचा मत्तैं विश्वास किता। 13 लेकन जेस ले थिस्सलुनिके दे यहूदी जानी गे के पोलुस बिरीया च भी परमातमा दा वचन सनांदा ए, ते उर्थें भी आईयें लोकें गी उसकाने ते हलचल मचाना लगे। 14 उस बेले भ्रां नै फोरन पोलुस गी विदा किता के समुंद्र दे कंडे चली जा; लेकन सीलास ते तीमुथियुस उर्थें गे रेई गे। 15 पोलुस गी पजाने आले उसी एर्थेंस तकर लेई गे; ते सीलास ते तीमुथियुस आस्ते ए आज्ञा पाइयें विदा होए के ओह ओस दे कोल जल्दी कोलां जल्दी आंन।

16 जेस ले पोलुस एर्थेंस च उंदी बाट जोआ करदा हा, ते नगर गी मूरतें कन्ने भरोते दा दिखियें ओस दा जी जली गया। 17 इस आस्ते ओह अराधनालें च यहूदीयें ते भक्त कन्ने, ते चोक च जेडे लोग ओस कन्ने मिलदे हे उंदे कन्ने हर दिन वाद विवाद करदा हा। 18 उस बेले इपिकूरी ते स्तोईकी दार्शनिकों बीचा किश ओदे कन्ने सवाल करना लगे, ते कईयें आखया, "ए बकवादी के आखना चांदा ए?" लेकन दुए आखया, "ओह अन्य देवतां दा प्रचारक लगदा ऐ" - की वे ओह यीशु दा ते जिंदा होने दा सुसमाचार सनांदा हा। 19 इस करी ओह उसी अपने कन्ने अरियुपगुस उप्पर लेई गे ते पूछया, "के आस जानी सकदे हां के ए नमा मत जेडा तू सनाना ए, के ऐ? 20 की वे तू अनोखी गल्लां असैं सनाना ए, इसे आस्ते आस जानना चानेयां के इंदा मतलब के है।" 21 (इसे आस्ते के सारे एर्थेंसवासी ते परदेशी जेडे उर्थें रोंदे न, नमीं नमीं गल्लां सुनने दे सिवाय होर किसे कम्म च समें नेई बितांदे हे।)

22 उस बेले पोलुस ने अरियुपगुस दे बीच खडोइयें आखया, "ए एर्थेंस दे लोको, मैं दिखाना के तुस हर गल्ल च देवतां दे बडे मनने आले न। 23 की वे मैं फिरदे होई जेस ले तुंदी पुजने दी चीजें गी दिखा करदा हा, ते इक ऐसी वेदी भी लबी, जेस उप्पर लिखा हा, 'अनजाने इश्वर दे आस्ते।' इसे आस्ते जिसी तुस बगैर जाने दे पूजदे हो, मैं तुसैं ओस दा समाचार सनाना। 24 जेस परमातमा ने धरती ते ते ओस दी सारियें चीजें गी बनाया, ओह सुर्ग ते धरती दा स्वामी होंदे होई हर्थें दे मंदिरे च नेई रोंदा; 25 ना किसे चीज दी जरूरत दे कारण मनुख दे हर्थे दी सेवा लेंदा ऐ, की वे ओह अप्पुं गे सबनीं गी जीवन ते श्वास ते सब किश दिंदा ऐ। 26 ओस ने इक गे मूल कन्ने मनुख दियां सब जातियां सारी धरती उप्पर रैने आस्ते बनाई दियांन; ते उंदे ठहराए दे समें ते निवास दी सीमाएं गी इस आस्ते बने दा ऐ, 27 के ओह परमातमा गी तुपन, कदें उसी टटोलीयें पांन, तां जे ओह साडे कोलां कुसे कुला भी दूर नेईयें। 28 की वे आस ओदे बीच गै रैने, चलने फिरने, ते स्थिर रैनेयां न; जिय्यां तुंदे किन्ने कवियें भी आखया ऐ, 'आस ते ओह दे गै वंश न।' 29 इस आस्ते परमातमा दा वंश होंदे होई असैं ए समझना उचित नेईयें के ईश्वरत्व सुन्ने जां रुपे जां पत्थर दे समान ऐ, जेडी मनुख दी कारीगरी ते कल्पना कन्ने कडे दे होंन। 30 इसे आस्ते परमातमा ने अज्ञानता दे समें च ध्यान नेई दिता, लेकन हून सब जगह सब इन्सानें गी मन फिराने दी आज्ञा दिंदा ऐ। 31 की वे ओस ने इक दिन ठहराए दा ऐ, जेस च ओह ओस मनुख दे द्वारा धर्म कन्ने संसार दा न्याय करग, जिसी ओस ठहराए दा ऐ, ते उसी मरें दे बीचा जिंदा करीये ए गल्ल सारें उप्पर प्रमाणित करी दिती ऐ।"

32 मरें दा जिंदा होने दी गल्ल सुनीयें किश ते ठठा करना लगे, ते कईयें आखया, "ए गल्ल तुंदे कोलां फिरी कदें सुनगे।" 33 एस उप्पर पोलुस उंदे बीचा निकली गया। 34 लेकन किश मनुख ओदे कन्ने मिली गे, ते विश्वास किता; जीदे च दियुनुसियुस जेडा अरियुपगुस दा सदस्य हा, ते दमरिस नां दी इक घरेआली ही, ते उंदे कन्ने होर भी लोग हे।

18 एस कोलां बाद पोलुस एर्थेंस गी शुडीयें कुरिन्थुस च आया। 2 उर्थें उसी अक्विला नां दा इक यहूदी मिलया, जेस दा जन्म पुन्तुस च आया हा। ओह अपनी घरेआली प्रिसकिल्ला दे कन्ने इटली दा हाल च गै आए दा हा, की वे क्लौदियुस ने सब यहूदियें गी रोम दा निकलने दी आज्ञा दिती ही। इसे आस्ते ओह उंदे उर्थें गया। 3 ओस दा ते उंदा इक गै उघम हा, इसे आस्ते ओह उंदे कन्ने रेया ते ओह कम्म करना लगे; ते उंदा उघम तम्बू बनाने दा हा। 4 ओह हर इक सब्त दे दिन अराधनालें च वाद विवाद करियें यहूदियें ते युनानियें गी भी समझांदा हा।

5 जेस ले सीलास ते तीमुथियुस मकिदुनिया बीचा आए, ते पोलुस वचन सनाने दी धुन च यहूदियें गी गुआइ देने लगया के यीशु गै मसीह ऐ। 6 लेकन जेस ले ओह बरोध ते निंदा करना लगे, ते ओस ने अपने कपडे झाड़ीयें उन्हें आखया, "तुंदा खून तुंदी गर्दन उप्पर गै रवे ! मैं निर्दोष हां। हून कोलां मैं अन्यजातियें कोल जाना।" 7 उर्थुं दा ओह चलीयें ओह तीतुस यूस्तुस नां दे परमातमा दे इक भक्त दे घर च आया; जेस दा घर अराधनालय कन्ने लगे दा हा। 8 उस बेले अराधनालय दे सरदार क्रिसपुस ने अपने सारे घराने समेत प्रभु उप्पर विश्वास किता; ते मते कुरिन्थवासी सुनियें विश्वास लाए ते बपतिस्मा लेता। 9 प्रभु ने इक राती दर्शन दे द्वारा पोलुस कन्ने आखया, "मत डर, बरना आखी जा चुप नेई रो; 10 की वे मैं तेरे कन्ने हां, ते कोई भी तेरे उप्पर चढ़ाई करियें तेरी हानी नेई करग; की वे एस नगर च मेरे मते लोग न।" 11 इसे आस्ते ओह उंदे बीच डेढ साल तकर परमातमा दा वचन सनांदा रेया।

12 जेस ले गल्लियो अखाया देश दा हाकिम हा, ते यहूदी लोग एका करियें पोलुस उप्पर चढ़ी आए, ते उसी न्याय आसन दे सामने लाइयें आखना लगे, 13 "ए लोकें गी समझांदा ऐ के परमातमा दी उपासना एस रिती कन्ने करो, जेडी व्यवस्था दे विपरीत ऐ।" 14 जेस ले पोलुस बोलने उप्पर गे हा, ते गल्लियो ने यहूदियें गी आखया, "ए यहूदियो, जे ए किश अन्याय जां दुष्टता दी गल्ल होंदी, ते ठीक हा के मैं तुंदी सुनदा। 15 लेकन जे ए वाद विवाद शब्दों, ते नामों, ते तुंदे इर्थें दी व्यवस्था दे बारे च है, ते तुस गै जानो; की वे मैं इनां गल्लां दा न्यायीं नेई बनना चाना।" 16 ते ओस नै उन्हें न्याय आसन दे सामने कोलां कडाई दिता। 17 उस बेले सब लोकें अराधनालय दे सरदार सोस्थिनेस गी पकड़ियें न्याय आसन दे सामने मारया। लेकन गल्लियो ने इन गल्लां दी किश भी चिंता नेई किती।

18 पोलुस मते दिन तकर उर्थें रेया। फिरी भ्रां कोलां विदा होइयें किंखिया च इस आस्ते सिर मुंडाया, की वे ओस ने मन्नत मनी ही, ते जाज उप्पर सीरिया गी चली गया ते ओस दे कन्ने प्रिसकिल्ला ते अक्विला हे। 19 ओस ने इफिसुस पुजियें उन्हें गी उर्थें शुडया, ते अप्पुं अराधनालें च जाइयें यहूदियें कन्ने विवाद करना लगा। 20 जेस लै उन्हें ओस कन्ने विनती किती, "साडे कन्ने होर किश दिन रै।" ते ओस ने स्वीकार नेई किता; 21 लेकन ए बोलियें उंदे कोलां विदा आया, "जे परमातमा ने चाया ते मैं तुंदे कोल फिरी आगा।" उस बेले ओह इफिसुस कोलां जाज खोलीयें चली गया; 22 ते कैसरिया च उतरियें (यरुशलैम गी) गया ते कलीसिया गी नमस्कार करियें अन्ताकिया च आया।

23 फिरी किश दिन रेइयें ओह उर्थुं दा निकलया, ते इक होर कोलां गलातिया ते फ्रुगिया प्रदेशें च सब चेलें गी स्थिर करदा फिरया।

24 अप्पुलोस नां दा इक यहूदी, जेस दा जन्म सिकन्दरिया च आया हा, जेडा विद्वान मनुख हा ते पवित्र शास्त्र गी अच्छी तरह कन्ने जानदा हा, इफिसुस च आया। 25 ओस ने प्रभु दे रस्ते दी शिक्षा पाई दी ही, ते मन लाइयें यीशु दे बारे च ठीक ठीक सनांदा ते सखांदा हा, लेकन ओह सिर्फ यूहन्ना बपतिस्मा दी गल्ल जानदा हा। 26 ओह अराधनालें च निडर होइयें बोलना लगया, लेकन प्रिसकिल्ला ते अक्विला ओस दी गल्लां सुनियें उसी अपने इर्थें लेई गे ते परमातमा दा रस्ता उसी होर भी ठीक ठीक बताया। 27 जेस ले ओस ने निश्चय किता के पार उतरियें अखाया गी जाए ते भ्रां ने उसी डाढ़स

देइयें चेलें गी ए लिखया के ओह ओस कन्ने अच्छी तरह मिलन; ते ओस ने उत्थें पुजिये उन्लोकेँ दी बड़ी मदद किती जिन्हें अनुग्रह दे कारण विश्वास किता हा। 28 की वे ओह पवित्र शास्त्र कोलां प्रमाण देई देइये के यीशु गै मसीह ऐ, बड़ी प्रबलता कन्ने यहूदियें गी सबनी दे सामने निरुत्तर करदा रेया।

19 जेस ले अप्पुलुस कुरिन्थुस च हा, ते पोलुस उप्पर दे सारे प्रदेशे चा होइयें इफिसुस च आया। उत्थें किश चेलें गी दिखिये 2 उंदे कन्ने आख्या, “के तुसैं विश्वास करदे समें पवित्र आत्मा गी पाया ?” उन्हें उसी आख्या, “असैं ते पवित्र आत्मा दी चर्चा भी नेई सुनी।” 3 ओस ने उंदे कन्ने आख्या, “ते फिरी तुसैं किस दा बपतिस्मा लेता ?” उन्हें आख्या, “यूहन्ना दा बपतिस्मा।” 4 पोलुस ने आख्या, “यूहन्ना ने ए आखिये मने गी फेरने दा बपतिस्मा दिता के जेड़ा मेरे कोलां बाद आने आला ऐ, ओस उप्पर मतलब यीशु उप्पर विश्वास करना।” 5 ए सुनिये उन्हें प्रभु यीशु दे नां दा बपतिस्मा लेता। 6 जेस ले पोलुस ने उंदे उप्पर हत्थ रखे, ते पवित्र आत्मा उंदे उप्पर उतरया, ते ओह अलग अलग भाषा बोलना ते भविष्यवाणी करना लगे। 7 ए लगभग बारां मनुख हे।

8 ओह अराधनालें च जाइयें तीन महीने तक निडर होइयें बोलदा रेया, ते परमात्मा दे राज दे बारे च विवाद करदा ते समझांदा रेया। 9 लेकन किश लोकेँ कठोर होइयें ओस दी नेई मनी बरना लोकेँ दे सामने लोकेँ दे सामने एस रस्ते गी बुरा आखना लगे, ते ओस ने उन्हें गी शुडी दिता ते चेलें गी अलग करी दिता, ते हर रोज तुरन्तुस दी पढ़ाई च वाद विवाद करदा हा। 10 दो साल तक इय्ये होंदा रेया, इत्थें तक के आसिया दे रोहने आले के यहूदी के यूनानी सबनी प्रभु दा वचन सुनी लेता।

11 परमात्मा पोलुस दे हत्थें शक्ति दे अनोखे कम्म दसदा हा। 12 इत्थें तक के रुमाल ते अंगोछे ओस दे शरीर कोलां स्पर्श कराइये बमारें उप्पर सुटदे हे, ते उंदी बमारियां जांदीयां रेंदियां हियां; ते दुष्ट आत्मां उंदे बीचा निकली जांदियां हियां। 13 लेकन किश यहूदी जेड़े झाड़ा करदे फिरदे हे, ए करना लगे के जींदे बीच दुष्टात्मा होंन उंदे उप्पर प्रभु यीशु दा नां ए आखिये फुके, “जेस यीशु दा प्रचार पोलुस करदा ऐ, मैं तुगी ओस दी गै कसम दीना ऐ।” 14 ते स्किक्वा नां दे इक यहूदी प्रधान याजक दे सत पुत्र हे, जेड़े इय्यां गै करदे हे। 15 लेकन दुष्टात्मा ने उन्हें उत्तर दिता, “यीशु गी मैं जाननी हां, ते पोलुस गी भी पहचाननी हां, लेकन तुस कुन्न हो ?” 16 ते ओस मनुख ने जेस च दुष्टात्मा ही उंदे उप्पर लपकीयें ते उन्हें वश च लाइयें, उंदे उप्पर एसा उपद्रव किता के ओह नंगे ते घायल होइयें ओस घरा निकली नसे। 17 ए गल्ल इफिसुस दे रने आले सब यहूदी ते यूनानी भी जानी गे, ते उंदे सबनी उप्पर डर छाई गया; ते प्रभु यीशु दे नां दी बड़ाई होई। 18 जिन्हें विश्वास किता हा, उंदे बीचा बथेरें आइयें अपने अपने कम्में गी मनी लेता ते प्रगट किता। 19 जादू करने आलें बीचा बथेरें अपनी अपनी पोथियाँ किड्डीयां करियें सबनी दे सामने जाली दितियां, ते जेस ले उंदा मूल जोड़या गया, ते पंजाह हजार चांदी दे सिक्के दे बराबर निकलया। 20 एस चाली प्रभु दा वचन फैलदा ते प्रबल होंदा गया।

21 जेस ले ए गल्लां होई गइयां ते पोलुस ने आत्मा च ठानया के मकिदुनिया ते अखाया कोलां होइयें यरुशलेम गी जा, ते आख्या, “उत्थें जाने दे बाद मीगी रोम गी भी दिखना जरूरी ऐ।” 22 इसे आस्ते अपनी सेवा करने आलें बीचा तीमुथियुस ते इरास्तुस गी मकिदुनिया भेजीयें अप्पु किश दिन आसिया च रेई गया।

23 ओस समें ओस पंथ दे बारे च मता हुल्लड़ ओया। 24 की वे देमेत्रियुस नां दा इक सुनार अरतिमिस दे चांदी दे मंदिर बनाइयें कारीगरें गी मते कम्म दिलांदा हा। 25 ओस ने उन्हें ते इय्ये जे चीजें दे कारीगरें गी किटठा करियें आख्या, “इ इन्सानो, तुस जानदे हो के एस कम्म कोलां असैं किन्ना ग धन मिलदा ऐ। 26 तुस दिखदे ते सुनदे हो के सिर्फ इफिसुस च गे नेई, बरना इसे आस्ते सारे आसिया च ए आखी आखीये एस पोलुस ने मते लोकेँ गी समझाया ते भरमाया भी ऐ, के जेड़ी हत्थे दी कारीगरी ऐ, ओह ईश्वर नेईयें। 27 एस कोलां सिर्फ इसे गल्ल दा डर नेईयें के साड़े एस धंदे दी प्रतिष्ठा जांदी रोग, बरना ए की महान देवी अरतिमिस दा मंदिर तुच्छ समझा जाग, ते जिसी सारा आसिया ते संसार पुजदा ऐ ओस दा महत्व भी जांदा रोना।”

28 ओह ए सुनियें क्रोध कन्ने भरोई गे ते करलाई करलाई आखना लगे, “इफिसियें दी अरतिमिस महान है !” 29 ते सारे नगर च बड़ा कोलाहल मची गया, ते लोकेँ मकिदुनियावासी गयुस ते अरिस्तर्खुस गी जेड़े पोलुस दे संगी यात्री हे, पकड़ी लेता, ते इक साथ रंगशाला च दाड़ी गे। 30 जेस लै पोलुस ने लोकेँ दे कोल जाना चाया ते चेलें उसी जाना नेई दिता। 31 आसिया दे हाकिमें बीचा भी कई मित्रें ओस दे कोल स्नेहा भेजया, ते विनती किती के रंगशाला च जाइयें जोखिम नेई उठायां। 32 उत्थें कोई किश करलांदा हा ते कोई किश, की वे सभा च बड़ी गड़बड़ी होआ करदी ही, ते मते सारे लोग ए जानदे भी नेई हे के आस किस आस्ते किटठे होए दे न। 33 उस बेले उन्हें सिकंदर गी, जिसी यहूदियें खड़ा किते दा हा, भीड़ बीचा अगें बदाया। सिकंदर हत्थे बीचा सकेत करियें लोकेँ दे सामने उत्तर देना चांदा हा। 34 लेकन जेस लै उन्हें जानी लेता के ओह यहूदी ऐ, ते सारे दे सारे इक शब्द कन्ने कोई दो घंटे तक करलांदा रे, “इफिसियो दी अरतिमिस महान है।” 35 इस करी नगर दे मंत्रीयें लोकेँ गी शांत करियें आख्या, “ए इफिसुस दे लोको, कुन्न नेई जानदा के इफिसियो दा नगर महान देवी अरतिमिस दे मंदिर, ते ज्यूस दी बखीया किरि दी मूर्ति दा टहलुआ ऐ। 36 इस आस्ते जे इनां गल्लां खंडन गे नेई होई सकदा, ते ठीक ऐ के तुस शांत रहो ते बगैर सोच बचार दे किश नी करो। 37 की वे तुस इन इन्सानें गी लाए हो जेड़े ना मंदिर गी लुटने आले न ते ना साड़ी देवी दे निन्दक न। 38 जे देमेत्रियुस ते ओस दे साथी कारीगरें गी इसे कन्ने विवाद होए ते कचहरी खुली दी ऐ ते हाकिम भी ऐन; ओह इक दुए उप्पर नालिश करना। 39 लेकन जे तुस किसे होर गल्ल दे बारे च किश पूछना चांदे हो, ते नियत सभा दे सामने फैसला किता जाग। 40 की वे अज्र दे बलवे दे कारण साड़े उप्पर दोष लाए जाने दा डर ऐ, इसे आस्ते के एस दा कोई कारण नेईयें, ते आस एस भीड़ दे किटठे होने दा कोई उत्तर ना देई सकगे।” 41 ए आखियें ओस ने सभा गी विदा किता।

20 जेस ले हुल्लड़ थमोई गया ते पोलुस ने चेलें गी बलाइयें समझाया, ते उंदे कोला विदा होइयें मकिदुनिया दी बखी चली गया। 2 ओस सारे प्रदेश बीचा होंदे होई ते चेलें गी मता उत्साहित करी ओह यूनान च आया। 3 जेस ले तीन महीने रेइयें ओह उत्थुं दा जाज उप्पर सिरिया दी बखी जाने आला हा, ते यहूदी उसी मारने च लगे, इसे आस्ते ओस ए निश्चय किता के मकिदुनिया होंदे होई बापस जा। 4 बिरीया दे पुरूस दा पुत्तर सोपत्रुस ते थिस्सलुनिकियें बीचा अरिस्तर्खुस ते सिकुन्दुस, ते दिरबे दा गयुस, ते तीमुथियुस, ते आसिया दा तुखिकुस ते त्रुफिमुस आसिया तक ओस दे कन्ने होई गे। 5 ओह अगें जाइयें त्रोआस च साड़ा इंतजार करदे रे। 6 ते आस अखमीरी रुट्टी दे दिनें दे बाद फिलिप्पी दा जाज उप्पर चढीयें पंज दिनें च त्रोआस च ओस दे कोल पुजे, ते सत दिन तक उत्थें गै रे।

7 हफते दे पैले दिन जेस ले आस रुट्टी तोड़ने आस्ते किटठे होए, ते पोलुस जेड़ा दुए दिन चली जाने उप्पर हा, उंदे कन्ने गल्लां कितियां; ते अधी रातीं तक गल्लां करदा रेया। 8 जेस अटारी उप्पर आस किट्टे होए दे, ओस च मते दिये जला करदे हे। 9 ते यूतुरखुस नां दा इक जवान खिड़की उप्पर बैठे दा गहरी नींद कन्ने झुका करदा हा। जेस ले पोलुस देर तक गल्लां करदा रेया ते ओह नींद दे झोंके च त्री अटारी उपरा डिगी गया, ते मरे दा उठायया गया। 10 लेकन पोलुस उतरिये ओढे कन्ने लिपटी गया, ते गले लाइये आख्या, “घबराओ नी; की वे ओस दा प्राण उसे च है।” 11 ते उप्पर जाइये रुट्टी तोड़ी ते खाइयें इनी देर तक उंदे कन्ने गल्लां करदा रेया के सबेर होई गयी। फिरी ओह चली गया। 12 ते ओह ओस जवान गी जिंदे लेई आए ते मती शान्ति पाई।

13 आस पैलें गे जाज उप्पर चढीयें अस्सुस गी एस बचार कन्ने आई गे के उत्थां दा आस पोलुस गी चढाई लेचे, की वे ओस ने ए इसे आस्ते ठहराए दा हा के अप्पुं गे पैदल जाने आला हा। 14 जेस ले ओह अस्सुस च असैं गी मिलया ते आस उसी चढाईयें मितुलेने गी आए। 15 उत्थां दा जाज खोलियें आस दुए दिन खियुस दे सामने पुजे, ते अगले दिन सामुस च जाई लगे; फिरी दुए दिन मिलेतुस च आए। 16 की वे पोलुस ने इफिसुस दे कोल होंदे होई जाने दा निश्चय किता हा के कुते एसा नी होए के के उसी आसीया च देर लगे; की वे ओह जल्दी च हा के जे होई सके ते ओह पिन्तेकुस्त दे दिन यरुशलेम च रे।

17 ओस ने मिलेतुस कोलां इफिसुस च स्नेहा भेजया, ते कलीसिया दे प्राचीनं गी बलाया। 18 जेस ले ओह ओस दे कोल आए, ते उंदे कन्ने आखया: "तुस जानदे हो के पैलें दे दिन मगरां जेस ले मैं आसीया च पुजया, मैं हर बेले तुंदे कन्ने किस चाली रेया - 19 मतलब बड़ी दीनता कन्ने, ते आंसू बहाई बहाइये, ये उन परीक्षां बीच जेड़ीयां यहूदियें दे षडयंत्र कन्ने मेरे उप्पर आई गयीं, मैं प्रभु दी सेवा करदा गे रेया; 20 ते जेड़ीयां जेड़ीयां गलां तुंदे फायदे दी हियां, उन्हें सनाने ते लोकें सामने ते घर घर रखाने आस्ते कदे भी नेई झीझका, 21 बरना यहूदी ते यूनानियें दे सामने गुआइ दिंदा रेया के परमातमा दी बखी मने गी फराना ते प्रभु यीशु मसीह उप्पर विश्वास करना चाहीदा। 22 हून दिखो, मैं आत्मा च बनोए दा यरुशलेम गी जना ए, ते नेई जानना के उत्थे मेरे उप्पर के के बितग; 23 सिर्फ ए के पवित्र आत्मा हर नगर च गुआइ देई देइयें मेरे कन्ने आखदा ए के बंधन ते क्लेश तेरे आस्ते तयार न। 24 लेकन मैं अपने प्राण गी किश नी समझना के उसी प्रिय जानां, बरना ए के मैं अपनी दोड़ गी ते ओस सेवा गी पूरा करां, जेड़ी मैं परमातमा दे अनुग्रह दे सुसमाचार उप्पर गुआइ देने आस्ते प्रभु यीशु कोलां पाई है। 25 हून दिखो, मैं जानना ए के तुस सब जीदे बीच मैं परमातमा दे राज दा समाचार करदा फिरया, मेरा मुंह फिरी नेई दिखगे। 26 इसे आस्ते मैं अज्र दे दिन तुंदे कन्ने गुआइ देइये आखना ए, के मैं सबनीं दे खूना कोलां निर्दोष एं। 27 की वे मैं परमातमा दे सारे अभिप्राय गी तुसं पूरी रिती कन्ने सनाने आस्ते नेई झिझका। 28 इसे आस्ते अपनी बखी पूरे झुंड दी चोकसी करो जेस च पवित्र आत्मा ने तुसं अध्यक्ष ठहराए दा ए, के तुस परमातमा दी कलीसिया दी रखवाली करो, जिसी ओने अपने खून कन्ने खरीदी लेता दा ए। 29 मैं जानना ए के मेरे जाने कोलां बाद फाड़ने आले भेड़िए तुंदे बीच आघन जेड़े झुंड गी नेई छडघन। 30 तुंदे गे बीचा भी ऐसे ऐसे मनुख उठघन, जेड़े चेलें गी अपने पीछें खीचने आस्ते टेड़ी मेड़ी गलां आखघन। 31 इसे आस्ते जागदे रवो, ते स्मरण करो के मैं तीन साल तक रातीं दिनें आंसू बहाई बहाइये हर इक गी चतोनी देना नेई शुडया। 32 ते हून मैं तुसं परमातमा गी, ते ओस दे अनुग्रह दे वचन गी सांपी दिना; जेड़ा तुंदी तरक्की करी सकदा ए ते सब पवित्र किते दे लोकें च साझी करियें मीरास देई सकदा ए। 33 मैं किसे दे चांदी, सुत्रे जां कपड़े दा लालच नेई किता। 34 युस अप्पुं गे जानदे हो के इन्हें हत्थें गे मेरी ते मेरे साथियें दी जरूरतें गी पूरा किता। 35 मैं तुसं सब किश पूरा करियें दसया के एस रिती कन्ने मेहनत करदे होई कमजोरें गी संभालना ते प्रभु यीशु दे वचन याद रखना जरूरी है, जेड़ा ओने अप्पुं गे आखे दाए: 'लेने कोलां देना धन्य ए'।"

36 ए आखियें ओस ने घुटने टेके ते उंदे सारें कन्ने प्रार्थना किती। 37 उस बेले ओह सारे मते रोए ते पोलुस दे गले लिपटीयें उसी चूमना लगे। 38 ओह खास कर एस गल्ले आस्ते शोकित हे जेड़ी ओस ने आखी ही के तुस मेरा मुंह फिरी नेई दिखगे। उस बेले उन्हें उसी जाज तक पजाया।

21 जेस ले असें ओस कोलां अलग होइयें जाज खोलया, ते सीधे रस्ते कोलां कोस च आए, ते दुए दिन रुदुस च ते उत्थुंआ पतरा च। 2 उत्थें इक जाज फीनीके गी जांदा मिलया, ते आसें ओस उप्पर चढ़ीयें उसी खोली दिता। 3 जेस ले साइप्रस लबया, ते असें उसी खबे हत्थ शुडया, ते सीरीया गी चलीयें सूर च उतरे; की वे उत्थें जाज दा माल तुआरना हा। 4 चेलें गी पाइये उत्थे आस सत दिन तक रे। उन्हें आत्मा दे सखाए पोलुस गी आखया के यरुशलेम बीच पैर नेई रखयां। 5 जेस ले दिन पूरे होई गे, ते आस उत्थुं दा चली गे; ते सबनी जानानियें ते बच्चें समेत असें नगर दे बार तक पजाया; ते असें कंडे उप्पर घुटने टेकिये प्रार्थना किती, 6 इस करी ओह इक दुए कोलां विदा होइयें, आस ते जाज उप्पर चढ़े ते ओह अपने अपने घर बापस गे।

7 उस बेले आस सूर कोलां जल यात्रा पूरी करियें पतुलिमयिस च पुजे, ते भ्रां गी नमस्कार करिये उंदे कन्ने इक दिन होर रे। 8 दुए दिन आस उत्थुंआ चलियें कैसरिया च आए, ते फिलिप्पुस सुसमाचार दे घर च जेड़ा सतां बीचा इक हा; जाइये ओस दे उत्थें रे। 9 ओस दी चार कंवारीयां कुड़ीयां हियां, जेड़ीयां भविष्यवाणी करदी हियां। 10 जेस ले आस उत्थें मते दिन रेई चुके, ते अगबुस नां दा भविष्यवक्ता यहूदिया दा आया। 11 ओस ने साडे कोल आइयें पोलुस दा कटिबंध लेता, ते अपने हत्थ पैर बनियें आखया, "पवित्र आत्मा ए आखदा ए के जेस मनुख दा ए कटिबंध ए, उसी यरुशलेम च यहूदी एस रिती

कन्ने बनी देंघन, ते अन्यजातियें दे हत्थे च सांपी देंघन।" 12 जेस ले असें ए गलां सुनियां, ते आस ते उत्थुंआं दे लोकें ओस कन्ने विनती किती के यरुशलेम गी नेई जाए। 13 लेकन पोलुस ने उत्तर दिता, "तुस के करदे हो के रोई - रोइये मेरे दिल तोड़ा करदे हो ? मैं ते प्रभु यीशु दे नां आस्ते यरुशलेम सिर्फ बनोने आस्ते गै बरना मरने आस्ते भी तयार ए।" 14 जेस ले ओस नेई मनया ते ते आस ए आखियें चुप होई गे, "प्रभु दी मर्जी पूरी होए।"

15 इनें दिनें दे बाद असें तयारी किती ते यरुशलेम गी चली गे। 16 कैसरिया बीचा भी किश चले साडे कन्ने होई गे, ते असें मनासोन नां साइप्रस दे इक पराने चले दे इत्थें लेई आए, के आस ओस दे उत्थें टिकये।

17 जेस ले आस यरुशलेम च पुजे, ते प्रा मते आनंद कन्ने साडे कन्ने मिले। 18 दुए दिन पोलुस असें लेइयें याकूब दे कोल गया, जित्थें सब प्राचीन किटटे हे। 19 स बेले ओस उन्हें नमस्कार करियें, जेड़े जेड़े कम्म परमातमा ने ओस दी सेवा दे द्वारा अन्यजातियें च किते हे, इक इक करियें सारे सनाए। 20 उन्हें ए सुनीयें परमातमा दी महिमा किती, फिरी ओस कन्ने आखया, "ए प्रा, तू दिखना ए के यहूदियें बीचा कई हजारें विश्वास किता ए; ते सारे व्यवस्था आस्ते धुन लाए दे न। 21 उन्हें तेरे बारे च सिखाया गोदा ए के तू अन्यजातियें च रेने आले यहूदियें गी मूसा कोलां फिरी जाने गी सिखाना ए, ते आखना ए, ते ना अपने बच्चें दा खतना कराओ ते ना रितीयें उप्पर चलो। 22 ते फिरी के किता जा ? लोग जरूर सुनघन के तू आए दा ए। 23 इसे आस्ते आस जे तेरे कन्ने आखनेया, ओह कर। साडे इत्थें चार मनुख न जिन्हें मन्नत मनी दी ए। 24 उन्हें लेइयें उंदे कन्ने अपने आप गी शुद्ध कर; ते उंदे आस्ते खर्चा दे के ओह सर मुडान। उस बेले सारे जानीं लेंघन के जेड़ीयां गलां तेरे बारे च उन्हें सनाए गईयां न, उंदे बीच किश सच्चाई नेईयें लेकन तू अप्पुं भी व्यवस्था गी मनीयें ओस दे मताबक चलना ए। 25 लेकन उन अन्यजातियें दे बारे च जिन्हें विश्वास किता ए, असें ए निर्णय करियें लिखी भेजया ए के ओह मूर्तियें दे सामने बलि किते दे मांस कोलां ते व्यभिचार कोलां बचे रोंन।" 26 उस बेले पोलुस उन इन्सानें गी लेइयें, ते दुए दिन उंदे कन्ने शुद्ध होइयें मंदिर च गया, ते उत्थें सनाई दिता के शुद्ध होने दे दिन, मतलब उंदे बीचा हर इक आस्ते चढावा चढाए जाने दे दिन कदुं पूरे होघन।

27 जेस ले ओह सत दिन पुरे होने उप्पर हे, ते आसीया दे यहूदियें पोलुस गी मंदिर च दिखियें सरे लोकें गी उसकाया, ते इत्थ्यां करलाईये उसी पकड़ी लेता, 28 "ए इस्त्राएलियो, मदद करो; ए उए मनुख न, जेड़े लोकें दे, ते व्यवस्था दे, ते एस जगह दे बरोध च हर जगह लोकें गी सिखांदा ए, इत्थें तक के यूनानियें गी भी मंदिर च लाईयें ओस ने एस पवित्र स्थान गी अपवित्र किता ए।" 29 उन्हें एस कोलां पैलें इफिसुसवासी युफिमस गी ओस दे कन्ने नगर च दिखया हा, ते समझे हे के पोलुस उसी मंदिर च लेई आया ए। 30 इस करी सारे नगर बीच कोलाहल मची गया, ते लोग दोड़ीयें किड़े होए ते पोलुस गी पकड़ियें मंदिर दे बार घसीटी लेई आए, ते फोरन द्वार बंद किते गे। 31 जेस ले ओह उसी मरी देना चांदे हे, ते पलटन दे सरदार गी संदेश पुजया के सारे यरुशलेम च कोलाहल मचा करदा ए। 32 उस बेले ओह फोरन सैनिकें ते सुबेदारें गी लेइयें उंदे कोल थले दोड़ी आया; ते उन्हें पलटन दे सरदार गी ते बाकी सैनिकें दिखियें पोलुस गी मारना पीटना शुड़ी दिता। 33 उस बेले पलटन दे सरदार ने कोल आइयें उसी पकड़ी लेता; ते दो जंजीरें कन्ने बनने दी आज्ञा देइयें पूछना लगे, "ए कुन्न ए ते एस ने के किता ए ?" 34 लेकन भीड़ बीचा कोई किश ते कोई किश करलांदा रेया। जेस ले हुल्लड दे मारे ओह ठीक सच्चाई नेई जानी सकया, ते उसी गडे च लेई जाने दी आज्ञा दिती। 35 जेस ले ओह सिद्धीयें उप्पर पुजया, ते ऐसा ओया के भीड़ दे दबाव दे मारे सैनिकें गी उसी चूकिये लेई जाना पेया। 36 की वे लोकें दी भीड़ ए करलांदा होई ओस दे पीछें पेदी ही, "ओस दा अंत करी दो।"

37 जेस ले ओह पोलुस गी गड बीच लेई जाने आले हे, ते ओस ने पलटन दे सरदार कन्ने आखया, "के मीगी आज्ञा ए के मैं तेरे कन्ने किश आखी सकां ?" ओस ने आखया, "के तू यूनानी जानना ए ? 38 के तू ओह मिस्त्री नेईयें, जेड़ा इनें दिनें कोलां पैलें विद्रोही बनाइयें, चार हजार कटारबंध लोकें गी जंगल च लेई गया ?" 39 पोलुस ने आखया, "मैं ते तरसुस दा यहूदी इंसान ए ! मैं तेरे अगें विनती करना ए के मीगी लोकें कन्ने गलां करना दे।" 40 जेस ले ओस ने आज्ञा दिती, ते पोलुस ने सिद्धी उप्पर खड़ोइयें लोकें गी हत्थे कन्ने

शारा किता। जेस ले ओह चुप होई गे ते ओह इब्रानी भाषा च बोलना लगया:

22 "ए प्रा ओ ते पितरो, मेरा प्रत्युत्तर सुनो, जेड़ा मैं हूँ तुंदे सामने पेश करना ऐ।"

2 ओह ए सुनीयै के ओह साड़े कन्ने इब्रानी भाषा च बोलदा ए, होर भी चुप होई गे। उस बेले ओस ने आख्या:

3 "मैं ते यहूदी मनुख ऐ, जेड़ा किलिकिया दे तरतुस च जमया; लेकन एस नगर च गमलीएल दे पैरें दे कोल बैठाईयै पढ़ाया गया, ते बब्ब दादें दी व्यवस्था दी ठीक रिती उप्पर सिखाया गया; ते परमातमा दे आस्ते ऐसी धुन लाए दा हा, जिय्यां तुस अज़ लाए दे हो। 4 मैं मर्द ते जानानी दोनीं गी बनी बनियै ते जेले च पाई पाईयै, एस पंथ गी गी इत्थें तकर सताया के उन्हें मराई भी दिता। 5 एस गल्ल आस्ते महायाजक ते सब पुरनिये गुआह न, के उंदे कोलां मैं भ्रां दे नां उप्पर चिडीयां लेइयै दमिशक गी चला जा करदा हा, के जेड़े उत्थें होंन उन्हें भी दंड दिलाने आस्ते बनीयै यरुशलेम लेई आं।

6 "जेस ले मैं चलदे चलदे दमिशक दे कोल पुजया, ते ऐसा ओया के दो पहर दे लगभग इकाइक बड़ी लो आकाश कोलां मेरे चोनीं बखी चमकी। 7 ते मैं धरती उप्पर किरि गया ते ए शब्द सुनया, 'ए शाऊल, ए शाऊल, तू मीगी के सताना ऐ?' 8 मैं उत्तर दिता, 'ए प्रभु, तू कुन्न ऐ?' ओस ने मीगी आख्या, 'मैं यीशु नासरी ऐ, जिसी तू सताना ऐ।' 9 मेरे साथियें लो ते दिखी, पर जेड़ा मेरे कन्ने बोलदा हा ओस दा शब्द नेई सुनया। 10 उस बेले मैं आख्या, 'ए प्रभु, मैं के करां?' प्रभु ने मेरे कन्ने आख्या, 'उठियै दमिशक च जा, ते जे किश तेरे करने आस्ते ठहराए दा ऐ उत्थें सब किश तुगी सनाई दिता जाग।'

11 जेस ले ओस लो दे तेज दे मारे मीगी किश दिखाई नेई दिता, ते मैं अपने साथियें दे हत्थ पकड़ियै दमिशक च आया।

12 "उस बेले हनन्याह नां व्यवस्था दे मताबक इक भक्त मनुख, जेड़ा उत्थें रोने आले सारे यहुदियें च सुनाना हा, मेरे कोल आया, 13 ते खड़ोइयै मेरे कन्ने आख्या, 'ए प्रा शाऊल, फिरी दिखना लग।' उसे घड़ी मेरे नेत्र खुली गे ते मैं उसी दिखया। 14 उस बेले ओस ने आख्या, 'साड़े बब्ब दादें दे परमातमा ने तुगी इस आस्ते ठहराया ऐ के तू ओस दी मर्जी गी जानै, ते ओस धेमीं गी दिखे ते ओस दे मुंह कोलां गल्लां सुने। 15 की वे तू ओस कोलां सारे इन्सानें दे सामने उन गल्लां दा गुआह होगा जेडीयां तुसैं दिखियां ते सुनियां न। 16 हूँ की देर करा करना? उठ, बपतिस्मा ले, ते ओस दा नां लेइयै अपने सारें पापें गी धोई दे।'

17 "जेस ले मैं फिरी यरुशलेम च आइयै मंदिर च प्रार्थना करादा हा, ते बेसुध होई गया, 18 ते ओस गी दिखया के ओह मेरे कन्ने आखदा ए, 'जल्दी करियै यरुशलेम बीचा झट निकली जा; की वे ओह मेरे बारे च तेरी गुआइ नेई मनन गे।' 19 मैं आख्या, 'ए प्रभु, ओह ते अप्पुं जानदे न के तेरे उप्पर विश्वास करने आलें गी जेले च पांदा ते जगह जगह अराधनालें च मार चढ़ांदा हा। 20 जेस ले तेरे गुआह स्तिफनुस दा खून बहाया जा करदा हा उस बेले मैं भी खड़ोते दा हा ते एस गल्ल च सहमत हा, ते ओस दे घातकें दे कपड़े दी राखी करदा हा।' 21 ते ओस ने मेरे कन्ने आख्या, 'चली जा: की वे मैं तुगी अन्यजातियें दे कोल दूर दूर भेजगा।'

22 ओह एस गल्ल तकर ओदी सुनदे रे, उस बेले उचे शब्द कन्ने करलाए, 'ऐसे मनुख दा अंत करो, ओस दा जिंदा रेना ठीक नेईयै!' 23 जेस ले ओह करलादे ते कपड़े सूटदे ते आकाश च धूल उड़ादे हे; 24 ते पलटन दे सरदार ने आख्या, "इसी गड़ च लेई जाओ, ते कोड़े मारियै जाचो, के मैं जानां के लोग केस कारण ओस दे बरोध च इय्यां करलादे ना।" 25 जेस लैं उन्हें उसी तसमें कन्ने बनया ते पोलुस ने ओस सूबेदार कन्ने जेड़ा कोल खड़ोते दा हा, आख्या, "के ए ठीक है के तुस इक रोमी मनुख गी, ते ओह भी बगैर दोषी ठहराए दे, कोड़े मारो?" 26 सूबेदार ने ए सुनीयै पलटन दे सरदार कोल जाईयै आख्या, "तू के करना ऐ? ए ते रोमी मनुख ऐ।" 27 इस करी पलटन दे सरदार ने ओस दे कोल आइयै आख्या, "मीगी सना, के तू रोमी ऐ?" ओस ने आख्या, "हाँ।" 28 ए सुनीयै पलटन दे सरदार ने आख्या, "मैं रोमी होने दा पद मते पैसे देइये पाए दा ऐ।" पोलुस ने आख्या, "मैं ते जन्म कोलां गे रोमी ऐ।" 29 उस बेले जेड़े लोग उसी जाचने उप्पर हे, ओह फोरन ओदे कोला हटी गे; ते पलटन दा सरदार भी ए जानियै के ए रोमी न ते मैं उसी बने दा ऐ, डरी गया।

30 दुए दिन ओस ने ठीक ठीक जानने दी इच्छा कन्ने के यहूदी ओस उप्पर की दोष लांदे न, ओस दे बंधन खोली दिते; ते प्रधान याजकें ते सारी महासभा गी किटठा होने दी आज्ञा दिती, ये पोलुस गी थले लेईयै उंदे सामने खड़ा करी दिता।

23 पोलुस ने महासभा दी बखी टकटकी लाइयै दिखया ते आख्या, "ए प्रा ओ, मैं अज़ तकर परमातमा आस्ते बिलकुल सचे विवेक कन्ने जीवन बिताया ऐ।" 2 एस उप्पर हनन्याह महायाजक ने उन्हें जेड़े ओदे कोल खड़ोते दे हे, ओस दे मुंह उप्पर चपेट मारने दी आज्ञा दिती। 3 उस बेले पोलुस ने उसी आख्या, "ए चूना फिरे दे टुकड़े, परमातमा तुगी मारग। तू व्यवस्था दे मताबक मेरा न्याय करने गी बैठे दा ए, ते फिरी के व्यवस्था दे खिलाफ मीगी मारने दी आज्ञा दीना ऐ?" 4 जेड़े कोल खड़ोते दे हे उन्हें आख्या, "के तू परमातमा दे महायाजक बुरा भला आखना ऐ?" 5 पोलुस ने आख्या, "ए प्रा ओ, मैं नेई जानदा हा के ऐ महायाजक न; की वे लिखे दा ऐ: 'अपने लोकें दे प्रधान गी बुरा ना बोल।'"

6 उस बेले पोलुस ने ए जानियै के इक दल सदकियों ते दुआ फरिसियें दा ऐ, सभा च पुकारियै आख्या, "ए प्रा ओ, मैं फरीसी ते फरीसियें दे वंश बीचा ऐ, मरें दी आस ते जिंदा होने दे बारे च मेरा झगड़ा होआ करदा ऐ।" 7 जेस ले ओस ए गल्ल बोली ते फरिसियां ते सदकियें दा झगड़ा होना लगया; ते सभा च फूट पेई गई। 8 की वे सदकी ते ए आखदे न, के ना जिंदा होना ऐ, ना सुर्गदूत ते ना आत्मा ऐ; लेकन फरीसी इन सबनीं गी मनदे न। 9 उस बेले मता हल्ला मचया ते किश शास्त्री जेड़े फरिसियें दे दल दे हे, उठी खड़े होए ते ए आखियें झगड़ना लगे, "आस एस मनुख च कोई बराई नेई पानेयां, ते जे कोई आत्मा जां सुर्गदूत ओस कन्ने बोले दा ए ते फिरी के?" 10 जेस ले मता झगड़ा ओया, ते पलटन दे सरदार ने एस डर कन्ने के ओह पोलुस दे टुकड़े टुकड़े ना करी देंन, पलटन गी आज्ञा दिती के उतरियै उसी उंदे बीचा जबरदस्ती कडन, ते गड़ च लेई जान।

11 उसे राती प्रभु ने ओस दे कोल खड़ोइयै आख्या, "ए पोलुस, ढाढ़स बन्न; की वे जिय्यां तू यरुशलेम च मेरी गुआइ दिती, उय्यां गए तुगी रोम बीच भी मेरी गुआइ देनी होग।"

12 जेस ले दिन ओया ते यहूदीयें षड्यंत्र रचया ते कसम खादी के जेस ले तकर आस पोलुस गी मारी नेई देचे, उस बेले तकर खाचे जां पीचे तां साड़े उप्पर धिक्कार। 13 जिन्हें अप्पुं बीचे ए कसम खादी ही, ओह चालीं जनां कोलां बद हे। 14 उन्हें प्रधान याजकें ते पुरनियें कोल जाईयै आख्या, "असैं ए ठानी लेता दा ऐ के जेस ले तकर आस पोलुस गी मारी नेई देचे, उस बेले तकर किश चखगे भी ते साड़े उप्पर धिक्कार ऐ। 15 इसे आस्ते हूँ महासभा समेत पलटन दे सरदार गी समझाओ के उसी तुंदे कोल लेई आए, मन्नो के तुस ओस दे बारे च होर भी ठीक कन्ने जाच करना चांदे हो; ते आस ओस दे पुजने कोलां पैलें गै उसी मारने आस्ते तैयार रोगे।"

16 पोलुस दे भांजे ने सुनया के ओह ओस दी घात च न, ते गड़ च जाइयै पोलुस गी संदेश दिता। 17 पोलुस ने सूबेदारें बीचा इक गी अपने कोल बलाइयै आख्या, "एस जवान गी पलटन दे सरदार दे कोल लेई जाओ, ए ओस कन्ने किश आखना चांदा ऐ।" 18 इसे आस्ते ओस ने उसी पलटन दे सरदार दे कोल ले जाइये आख्या, "बंदी पोलुस ने मीगी बलाइयै विनती किती के ए जवान पलटन दे सरदार कन्ने किश आखना चांदा ऐ; इसी ओस दे कोल लेई जा।" 19 पलटन दे सरदार ने ओस दा हत्थ पकड़िये ते अलग लेई जाइयै पूछ्या, "तू मेरे कन्ने के आखना चाना ऐ?" 20 ओस ने आख्या, "यहूदीयें षड्यंत्र रचे दा ऐ के तेरे कन्ने विनती करन के कल पोलुस गी महासभा च लेई आंन, मन्नो ओह ते ठीक तरह ओस दी जाच करना चांदे न। 21 लेकन उंदी मत मनेयां, की वे उंदे बीच चालियें कोलां उप्पर मनुख उसी मारने च न, जिन्हें ए ठानी लेता दा ऐ के जेस ले तकर ओह पोलुस गी नेई मारी देंन, उस बेले तकर ना खांघन ते ना पिघंन।स ते ओह तैयार न ते तेरे वचन दी प्रतीक्षा करादे न।" 22 उस बेले पलटन दे सरदार ने जवान गी ए आज्ञा देइयै विदा किता, "किसे कन्ने नेई आख्यां के तो मीगी ए गल्लां सनाइयां न।"

23 उस बेले ओस ने दो सूबेदारें गी बलाइयै आख्या, "दो सो सैनिक, सत्तर सवार, ते दो सो भालैत, फर रात बितदे कैसरिया गी जाने आस्ते तैयार

रखो। 24 ते पोलुस दी सवारी आस्ते घोड़े तैयार रखो, के उसी फेलिक्स हाकिम दे कोल कुशल कन्ने पजाई दें। 25 ओस ने एस चाली दी चिड्डी भी लिखी:

26 "महामहिम फेलिक्स हाकिम गी क्लौदियुस लूसियास दा नमस्कार। 27 एस मनुख गी यहूदीयें मारना चाया, लेकन जेस ले मैं जानेया के ए रोमी ऐ, ते पलटन लेइयें शुड़ाइ दिता। 28 मैं जानना चांदा हा के ओह एस उप्पर किस कारण दोष लाना चांदे न, इसे आस्ते उसी उंदी महासभा च लेई गया। 29 उस बेले मैं जानी लेता के ओह अपनी व्यवस्था दे विवादें दे बारे च ओस उप्पर दोष लांदे न, लेकन मारने जोग जां बन्नी जाने दे जोग ओस च कोई दोष नेईयें। 30 जेस ले मीगी सनाया गया के ओह एस मनुख दी घात च लगे दे न ते मैं फोरन उसी तेरे कोल भेजी दिता; ते मुदइयें गी भी आज्ञा दिती के तेरे सामने ओस उप्पर नालिश करन।"

31 इस आस्ते जिय्यां सैनिकें गी आज्ञा दिती दी ही, उय्यां गे पोलुस गी लेइयें रातो रात अन्तिपत्रिस च आए। 32 दुए दिन ओह सवारे गी ओस दे कन्ने जाने आस्ते शुडीयें अप्पुं गड़ गी बापस गे। 33 उन्हें कैसरिया पुजियें हाकिम गी चिड्डी दिती; ते पोलुस गी भी ओस दे सामने खड़ा किता। 34 ओस ने चिड्डी पढीयें पूछ्या, "ए किस प्रांत दा ऐ ? 35 ते जेस ले जानी लेता के किलिकिया दा ऐ ते उसी आख्या, "जेस ले तेरे मुदइ भी आंघन, ते मैं तेरा मुकदमा करगा।" ते ओस ने उसी हेरोदेस दे किले च पहरे च रखने दी आज्ञा दिती।

24 पंज दिनें दे बाद हनन्याह महायाजक कई पुरनियें ते तिरतुल्लुस नां दे किसे वकील गी कन्ने लेइयें आया। उन्हें हाकिम दे सामने पोलुस उप्पर नालिश किती।

2 जेस ले ओह बलाया गया ते तिरतुल्लुस ओस उप्पर दोष लाईयें आखना लगया: "ए महामहिम फेलिक्स, तेरे द्वारा साडे च मता कुशल होंदा ऐ; ते तेरे प्रबंध कन्ने एस जाति आस्ते अनेक बराइयां सुधरदी जांदीयां न। 3 इसी आस हर जगह ते हर प्रकार कन्ने धन्यावाद कन्ने मनने हां। 4 लेकन इस आस्ते के तुगी आस होर दुःख नेई देना चानेयां, मैं तेरे कन्ने विनती करना ऐ के कृपा करीयें साडिया दो इक गल्लां सुनी लें। 5 की वे असें इस मनुख गी उपद्रवी ते संसार दे सारे यहूदियें च बलवा कराने आला, ते नासरियें दे कुपंथ दा मुखिया पाया ऐ। 6 ओस ने मंदिर गी अशुद्ध करना चाया, लेकन असें उसी पकड़ी लेता। [असें उसी अपनी व्यवस्था दे मताबक दंड दिता होंदा; 7 लेकन पलटन दे सरदार लूसियास ने उसी जबरदस्ती साडे हत्थे बीचा शुडकाई लेता, 8 ते मुदइयें गी तेरे सामने आने दी आज्ञा दिती।] इन सब गल्लें गी जींदे बारे च आस ओदे उप्पर दोष ला करनेयां न, तू अप्पुं गे उसी जाच करियें जानी लेगा।" 9 यहूदीयें भी ओस दा साथ देइयें आख्या, ए गल्लां इसे चाली दियां न।

10 जेस ले हाकिम ने पोलुस गी बोलने दा संकेत किता, ते ओस ने उत्तर दिता: "मैं ए जानियें के बडे सालें दा एस जाति दा न्याय करा करना ऐ, आनंद कन्ने अपना प्रत्युत्तर दीना ऐ। 11 तू अप्पुं जानी सकना ऐ के जेस ले दा मैं यरुशलेम गी अराधना करने गी आए दा, मीगी बारां दिनां कोलां उप्पर नेई होए। 12 उन्हें मीगी ना मंदिर च ना अराधनालें च, ना नगर च कुसे कन्ने विवाद करदे जां भीड़ लांदे पाया; 13 ते ना ते ओह उन गल्लें गी, जिन्दा हून ओह मेरे उप्पर दोष लांदे न, तेरे सामने सच प्रमानित करी सकदे न। 14 लेकन मैं तेरे सामने ए मनी लेना के जेस पंथ गी ओह कुपन्थ आखदे न, उसे दी रिती उप्पर मैं अपने बब्ब दादें दे परमातमा दी सेवा करना ऐ; ते जेडीया गल्लां व्यवस्था ते भविष्यवक्तें दी कताबें च लिखी दीयां न, उन सबनी उप्पर मैं विश्वास करना ऐ। 15 ते परमातमा कन्ने आस रखना ऐ जेडे ओह अप्पुं भी रखदे न, के धर्मी ते अधर्मी दोर्नी दा जिंदा होना होग। 16 एस कन्ने मैं अप्पुं भी कोशिश करना ऐ के परमातमा दी, ते इन्सानें आली बखी मेरा विवेक म्हेशां निर्दोष रवे। 17 मते सालें बाद मैं अपने लोकें गी दान पजाने, ते भेंट चढ़ाने आया हा। 18 उन्हें मीगी मंदिर च, शुद्ध दशा च, बगैर भीड़ दे कन्ने, ते बगैर दंगा करदे होई भेंट चढ़ादे पाया - हाँ, आसिया दे कई यहूदी ऐहे - उन्हें ठीक हा 19 के जे मेरे बरोध च उंदे कोल कोई गल्ल होए ते इत्थें तेरे सामने आईयें मेरे उप्पर दोष लांदे। 20 जां ए अप्पुं गै सनान के जेस ले मैं महासभा दे सामने खड़ोते दा हा, ते उन्हें मेरे बीच केड़ा अपराध पाया ?

21 इसी इक गल्ल गी शुडी जेडी मैं उंदे बीच खड़ोइयें पुकारीयें आखी ही: 'मरें दे जिंदा होने दे बारे च अज्र मेरा तुंदे सामने मुकदमा होआ करदा ऐ।'

22 फेलिक्स ने, जेड़ा एस पंथ दियां गल्लां ठीक ठीक जानदा हा, उन्हें ए आखियें टाली दिता, "जेस ले पलटन दा सरदार लूसियास आग, ते तुंदी गल्ल दा फैसला करगा।" 23 ते सूबेदार गी आज्ञा दिती के पोलुस गी किश छुट बीच रखवाली करना, ते ओस दे मित्रें बीचा किसे गी भी ओस दी सेवा करने आस्ते नेई रोकयो।

24 किश दिनें दे बाद फेलिक्स अपनी घरेआली द्रुसिल्ला गी, जेडी यहूदीनी ही, कन्ने लेइयें आया ते पोलुस गी बलाईयें ओस विश्वास दे बारे च जेड़ा मसीह यीशु उप्पर ऐ, ओस कोलां सुनया। 25 जेस ले ओह धर्म, ते संयम, ते आने आले न्याय दी चर्चा करादा हा, ते फेलिक्स ने भयभीत होइयें उत्तर दिता, "हून ते जा; समें पाइये मैं तुगी फिरी बुलागा।" 26 उसी पोलुस कोलां किश पैस मिलने दी भी किश आस ही, इसे आस्ते होर भी बुलाई बुलाईयें ओस कन्ने गल्लां करदा हा। 27 लेकन जेस ले दो साल बीती गे पुरकियुस फेस्तुस, फेलिक्स दी जगह उप्पर आया; ते फेलिक्स यहूदीयें गी खुश करने दी इच्छा कन्ने पोलुस गी बंदी गै शुडी दिता।

25 फेस्तुस ओस प्रांत च पुजने दे तीन दिन बाद कैसरिया कोलां यरुशल्लेम गी गए। 2 उस बेले प्रधान याजकें ते यहूदियें दे प्रमुख लोकें ओस दे सामने पोलुस दी नालिश किती; 3 ते ओस कन्ने विनती करियें ओस दे बिरोध च ए वर चाया के ओह उसी यरुशल्लेम च बुलाए, की वे ओह उसी रस्ते च गे मारी देने दी घात च लगे दे हे। 4 फेस्तुस ने उत्तर दिता, "पोलुस कैसरिया च पहरे च ए, ते मैं अप्पुं उत्थें जल्दी जागा।" 5 फिरी आख्या, "तुंदे बीच जेडे अधिकार रखदे न ओह कन्ने चलन, ते जे एस मनुख ने किश अनुचित कम्म किता ए ते ओस उप्पर दोष लाओ।"

6 उंदे बीच कोई आठ दस दिन रेइयें ओह कैसरिया चली गया; ते दुए दिन न्याय आसन दे सामने बैठीयें पोलुस गी आनने दी आज्ञा दिती। 7 जेस ले ओह आया ते जेडे यहूदी यरुशल्लेम बीच आए दे हे, उन्हें आसे पासे खड़ोइयें उंदे उप्पर मते गंभीर आरोप लाए, जिंदा प्रमाण ओह नेई देई सकदे हे। 8 लेकन पोलुस ने उत्तर दिता, "मैं ना ते यहूदीयें व्यवस्था दे ते ना मंदिर दे, ते ना गै कैसर दे बिरोध कोई गुनाह किता ऐ।" 9 उस बेले फेस्तुस ने यहूदीयें गी खुश करने दी इच्छा कन्ने पोलुस गी आख्या, "के तू चाना ए के यरुशल्लेम गी जाए; ते उत्थें मेरे सामने तेरा ए मुकदमा तय किता जा ?" 10 पोलुस ने आख्या, "मैं कैसर दे न्याय आसन दे सामने खड़ोते दा; मेरे मुकदमे दा इत्थें गै फैसला होना चाहीदा। जिय्यां तू अच्छी तरह जानना ऐ, यहूदियें दा मैं किश अपराध नेई किता। 11 जे मैं अपराधी ऐं ते मारने जोग कोई कम्म किता ऐ, ते मरने कोलां नेई मुकरगा; लेकन जिन गल्लां दा ए मेरे उप्पर दोष लांदे न, जे उंदे बीच कोई भी गल्ल सच नेई ठहरे, ते कोई मीगी उंदे हत्थ नेई सोंपी सकदा। मैं कैसर दी दोहाई दीना ऐ।" 12 उस बेले फेस्तुस ने मंत्रीयें दी सभा कन्ने गल्लां करियें उत्तर दिता, "तो कैसर दी दोहाई दिती ऐ, तू कैसर दे गे कोल जागा।"

13 किश दिन बीतने दे बाद अग्रिप्पा राजा ते बिरनीके ने कैसरिया च आइयें फेस्तुस कन्ने भेंट किती। 14 उंदे मते दिन उत्थें रोने दे बाद फेस्तुस ने पोलुस दे बारे च राजे गी सनाया: "इक मनुख ऐ, जिंसी फेलिक्स बंदी शुडी दा ऐ। 15 जेस ले मैं यरुशल्लेम च हा, ते प्रधान याजक ते यहूदीयेन दे पुरनियें ओस दी नालिश किती ते चाया के ओस उप्पर दंड दी आज्ञा दिती जा। 16 लेकन मैं उन्हें उत्तर दिता के रोमियें दी ए रिती नेईयें के कुसे मनुख गी दंड आस्ते सोंपी दें, जेस ले तकर मुदाअलैह गी अपने मुदइयें दे सामने खड़ोइयें दोष दे उत्तर देने दा अवसर नेई मिले। 17 इस आस्ते ओह इत्थें किडे होए, ते मैं किश देर ना किती, लेकन दुए गे दिन न्याय आसन उप्पर बैठीयें ओस मनुख गी आनने दी आज्ञा दिती। 18 जेस ले ओस दे मुदई खडे होए, ते उन्हें ऐसी अनुचित गल्लां दा दोष नेई लाया, जिय्यां मैं समझदा हा। 19 लेकन ओह अपने मत दे यीशु नां किसे मनुख दे बारे च, जेड़ा मारी गया हा ते पोलुस उसी जिंदा सनावा हा, विवाद करदे हे। 20 मैं उलझन बीच हा के इन गल्लां दा पता किय्यां लां ? इसे आस्ते मैं ओस कन्ने पूछ्या, 'के तू यरुशल्लेम जागा के उत्थें इनां गल्लें दा फैसला होए ?' स 21 लेकन जेस ले पोलुस ने दोहाई दिती के ओस दे मुकदमे दा फैसला महाराजाधिराज दे इत्थें होए, ते मैं आज्ञा दिती के

जैसे ले तकर उसी कैसर कोल नेई भेजां, उसी कब्जे च रखया जाए।" 22 उस बेले अग्रिप्पा ने फेस्तुस गी आखया, "मैं भी ओस मनुख दी सुनना चाना ऐ।" ओस ने आखया, "तू कल सुनी लेगा।"

23 इस आस्ते देय दिन जैसे ले अग्रिप्पा ते बिरनीके बड़ी धूमधाम कन्ने आए ते पलटन दे सरदारें ते नगर दे प्रमुख लोकें कन्ने दरवार च पुजे। उस बेले फेस्तुस ने आज्ञा दिती के ओह पोलुस गी लेई आंन। 24 फेस्तुस ने आखया, "ए राजा अग्रिप्पा, ते ए सब इन्सानो जेड़ा इत्थें साड़े कन्ने होए, तुस एस मनुख गी दिखदे हो, जैसे दे बारे च सारे यहूदीयें यरुशलेम च ते इत्थें भी करलाई करलाई मेरे अगें विनती किली के एस दा जिंदा रोना ठीक नेईयें। 25 लेकन मैं जानी लेता के एस ने एसा किश नी किता के मारी दिता जा; ते जैसे ले के ओस ने अप्पु गै महाराजाधिराज दी दोहाई दिती, ये मैं उसी भेजने दा फेसला किता। 26 मैं ओस दे बारे च कोई निश्चित गल्ल नेई पाई के अपने स्वामी दे कोल लिखां। इसे आस्ते मैं उसी तुंदे सामने ते खास करिये ए राजा अग्रिप्पा, तेरे सामने लाया ऐ के जाचने दे बाद मीगी किश लिखने आस्ते मिले। 27 की वे बंदी गी भेजना ते जेड़े दोष ओस उप्पर लाए गे, उन्हें गी नेई सनायां, मिगी व्यर्थ लगा करदा ऐ।"

26 अग्रिप्पा ने पोलुस कन्ने आखया, "तुगी अपने बारे च बोलने दी आज्ञा ऐ।" उस बेले पोलुस हत्थ बदाइये उत्तर देने लगया,

2 "ए राजा अग्रिप्पा, जिन्नी गल्ल दा यहूदी घेरे उप्पर दोष लांदे न, अज्ज तेरे सामने उंदा उत्तर देने गी मैं अपने आप गी मैं धन्य समझना ऐ, 3 खास कर इस आस्ते के के तू यहूदीयें सारे व्यवहारें ते विवादें गी जानना ऐ। इया आस्ते मैं विनती करना ऐ, धीरज कन्ने मेरी सुन।

4 "मेरा चाल चलन शुरु कोलां अपनी जाती दे बीच यरुशलेम च जिय्यां हा ओह सारे यहूदी जानदे न। 5 जे ओह गुआइ देना चांदे, ते शुरु कोलां मीगी पनछानदे न के मैं फरीसी होंदे होई अपने धर्म दे सबनी कोलां खरे पंथ उप्पर चलया। 6 ते हून ओस प्रतिज्ञा दी आस दे कारण जेड़ी परमातमा ने साड़े बब्ब दादें कन्ने किली ही, मेरे उप्पर मुकदमा चली करदा ऐ। 7 उसे प्रतिज्ञा दे पुरे होने दी आस लाए दे, साड़े बारां गोत्र अपने सरे मन कन्ने रात दिन परमातमा दी सेवा करदे आए न। ए राजा, इसे आस दे बारे च यहूदी मेरे उप्पर दोष लांदे न। 8 जैसे बेले परमातमा मरें गी जिंदा करदा ऐ, ते तुंदे इत्थें ए गल्ल की विश्वास दे जोगी नेई समझी जांदी ?

9 "मैं भी समझया हा के यीशु नासरी दे नां दे बिरोध च मीगी मता किश करना चाहीदा। 10 ते मैं यरुशलेम बीच ऐसा गै किता; ते प्रधान याजकें कोलां अधिकार पाइयें मते पवित्र लोकें गी जेले च पाया, ते जैसे ले ओह मारे जांदे हे ते मैं भी उंदे बिरोध च अपना साथ दिदा हा। 11 हर अराधनालय च मैं उन्हें ताड़ना दिलाई दिलाई यीशु दी निंदा करांदा हा, इत्थें तकर के क्रोध दे मारे एसा पागल होई गया के बार दे नगरें च भी जाइयें उन्हें सतांदा हा।

12 "इसे धुन बीच जैसे ले मैं प्रधान याजकें कोलां अधिकार ते आज्ञा पत्र लेइयें दमिश्क गी जा करदा हा; 13 ते ए राजा, रस्ते च दोपेरीं दे समें मैं आकाश कोलां सूरज दे तेज कोलां भी बद इक लो, अपने उप्पर ते अपने कन्ने चलने आलें दे चोर्नी बखी चमकदी दिखी। 14 जैसे ले आस सारे धरती उप्पर किली गे, ते मैं इब्रानी भाषा च, मेरे कन्ने आखदे ए शब्द सुनया, 'ए शाऊल, ए शाऊल, तू मीगी की सताना ऐ ? पैने उप्पर लत मारना तेरे आस्ते मुश्किल ऐ।' 15 मैं आखया, 'इ प्रभु, तू कुन्न ऐ ?' प्रभु ने आखया, 'मैं यीशु ऐं, जिसी तु सताना ऐ।' 16 लेकन तू उठ, अपने पैरें उप्पर खड़ो; की वे मैं तुगी इस आस्ते दर्शन दिता ए जके तुगी उन गल्लां दा भी देवक ते गुआह ठहरां, जेड़ीयां तू दिखीयां न, ते उंदा भी जिस दा मैं तुगी दर्शन देगा। 17 ते मैं तुगी तेरे लोकें कोलां ते अन्यजातियें कोलां बचांदा रोगा, जींदे कोल मैं हून तुगी इस आस्ते भेजना ए 18 के तू उंदायां अखां खोले के ओह न्हरे चा लो आली बखी, ते शैतान दे अधिकार कोलां परमातमा दी बखी फिरन; के पापें दी माफी ते उन लोकें दे कन्ने जेड़े मेरे उप्पर विश्वास करने मगरां पवित्र किते गे न, मीरास पांन।'

19 "इस आस्ते ए राजा अग्रिप्पा, मैं ओस सुर्गीय दर्शन दी गल्ल नेई टाली, 20 लेकन पैलें दमिश्क दे, फिरी यरुशलेम दे, उस बेले यहूदिया दे सारे देश रैने आले गीं, ते अन्यजातियें गी समझावा रेया, के मने गी फराओ ते परमातमा दी बखी फिरीयें मन फिराव दे जोगा कम्म करो। 21 इनां गल्लां दे

कारण यहूदी मिगी मंदिर च पकड़िये मारने दी सलाह करदे हे। 22 लेकन परमातमा दी मदद कन्ने मैं अज्ज तकर बने दा ऐ ते नीके बडे सारें दे सामने गुआइ दीना ऐ, ते उन गल्लें गी शुड़ीयें किश नी आखना जेड़ा भविष्यवक्ता ते मूसा ने भी अखया ऐ के होने आलीं न, 23 के मसीह गी दुःख चुकना पोग, ते उए सबनी कोलां पैलें मरें दे बीचा जिंदा होइयें, साड़े लोकें च ते अन्यजातियें च लो दा प्रचार करगा।"

24 जैसे ले एस रिती कन्ने उत्तर दे करदा हा, ते फेस्तुस ने उचे शब्द कन्ने आखया, "ए पोलुस, तू पागल ऐ। मती पड़ाई ने तुगी पागल करी दिता ऐ।" 25 लेकन पोलुस ने आखया, "ए महामहिम फेस्तुस, मैं पागल नेई, लेकन सचाई ते बुद्धि दियां गल्लां आखना ऐ। 26 राजा भी जैसे दे सामने मैं निडर होइयें बोलाना, ए गल्लां जानदा ऐ; ते मिगी विश्वास ऐ के इनां गल्लां बीचा कोई ओस कोलां छिपी नेई, की वे ए घटना किसे कोने च नेई होई। 27 ए राजा अग्रिप्पा, के तू भविष्यवक्तां दा विश्वास करना ऐ ? हाँ, मैं जानना ऐ के तू विश्वास करना ऐ।" 28 उस बेले अग्रिप्पा ने पोलुस गी आखया, "तू थोड़ा समझाने कन्ने मीगी मसीह बनाना चाना ऐ ?" 29 पोलुस ने आखया, "परमातमा अगें मेरी प्रार्थान ऐ के क्या थोड़े च ते के मते च, सिर्फ तू ऐ नेई लेकन जिन्ने लोग अज्ज मेरी सुनादे न, इन्हें बंधने गी शुड़ी ओह मेरे समान होई जांन।"

30 उस बेले राजा ते हाकिम ते बिरनीके ते उंदे कन्ने बैठने आले उठी खड़ोते: 31 ते अलग जाइयें अप्पु बीच आखना लगे, "ए मनुख ऐसा ते किश नेई करदा, जेड़ा मोत जां जेले च पाने दे जोग होए।" 32 अग्रिप्पा ने फेस्तुस गी आखया, "जे ए मनुख कैसर दी दोहाई नेई दिदा, ते शुड़की सकदा हा।"

27 जे सले ए पक्का होई गया के आस जाजे दे द्वारा इटली जाचे, ते उन्हें पोलुस ते किश बार्की बंदियें गी भी यूलियुस नां दे औगुस्तुस दी पलटन दे इक सूबेदार दे हत्थ सोंपी दिता। 2 अद्रमुत्तियुम दे इक जाज उप्पर जेड़ा आसिया दे कंडे दी जगहें जाने गी हा, चढीयें असें उसी खोली दिता, ते अरिस्तर्खुस नां दा थिस्सलुनिके दा इक मकिदनी साड़े कन्ने हा। 3 दुए दिन असें सैदा च लंगर लाया, ते यूलियुस ने पोलुस उप्पर कृपा करियें उसी मित्रें दे इत्थें जाना दिता के ओस दा सत्कार किता जा। 4 उत्थुंआं जाज खोलीयें हवा विरुध होने दे कारण आस साइप्रस दी आइ च होइयें गे; 5 ते किलिकिया ते पंफूलिया दे कोल दे समुद्र च होंदे होई लूसिया दे मूरा च उतरे। 6 उत्थें सूबेदार गी सिकंदरिया दा इक जाज इटली जांदा लबया, ते ओस ने असें ओस उप्पर चाढ़ी दिता। 7 जे ले आस मते दिन तकर बलें बलें चलियें मुश्किल कन्ने कनिदुस दे सामने पुजे, ते अस आस्ते के हवा असें अगें बदना नेई दिंदी ही, आस सलमोन कोलां होइयें क्रेते दी आइ च चले; 8 ते ओस दे कंडे कंडे मुश्किल कन्ने चलियें 'शुभलंगरबारी' नां दी इक जगह च पुजे, जिथ्थां लसया नगर कोल हा।

9 जैसे ले मते दिन बीती गे ते जल यात्रा च जोखिम एस आस्ते होंदी ही के उपवास दे दिन हून बीती गेदे हे। इस आस्ते पोलुस ने उन्हें ए आखीये समझाया, 10 "ए सज्जनो, मीगी एसा लगदा ऐ के एस यात्रा च विपत्ति ते मती हानी, ना सिर्फ माल ते जाज दी बरना साड़े प्राणें दी भी होने आली ऐ।" 11 लेकन सूबेदार ने पोलुस दी गल्लां कोलां कप्तान ते जाजे दे स्वामी दी गल्लें गी ज्यादा मनया। 12 ओह बंदरगाह झाड़ा कटने आस्ते अच्छा नेई हा, इसे आस्ते मते डा बिचार ए ओया के उत्थुंआ खोलियें जे किसे रिती कन्ने होई सके ते फिनिक्स पुजिये झाड़ा कटचे। ए ते क्रेते दा इक बंदरगाह ऐ जेड़ा दक्षिण पश्चिम ते उत्तर पश्चिम गी खुलदा ऐ।

13 जैसे ले किश किश दक्षिणी हवा चलना लगी, ते ए समझियें के के साड़ा अभिप्राय पूरा होई गया, लंगर चुकया ते कंडे धरे दे क्रेते दे कोला जाना लगे। 14 लेकन थोड़ी देर च जमीं दी बखी दा बड़ी आंधी आई, जेड़ी 'यूरकुलिन' आखी जांदी ऐ। 15 जैसे ले आंधी जाज उप्पर लगी ते ओह ओस दे सामने ठहर नेई सकया, इया आस्ते असें उसी बहना दिता ते इसे चाली बहते बहते चली गे। 16 उस बेले कोदा नां दे इक छोटे जे टापू दी आइ च बेंदे बेंदे आस मुश्किल कन्ने डोंगी गी काबू करी सके। 17 फिरी मल्लाहें ने उसी चुकियें मते उपाय करियें जाज गी थले दा बनया, ते सुरतिस दे चोरबालू उप्पर टिकने दे डर कन्ने पाल ते समान उतारियें रुड़दे चलिये। 18 जैसे ले असें आंधी कन्ने मते हिचकोले ते तके खादे, ते दुए दिन ओह जाज दा माल सुटना लगे; 19 ते

त्रिए दिन उन्हें अपने हथ्थे कन्ने जाज दा साज समान भी सुटी दिता। 20 जेस ले मते दिनें तकर ना सूरज, ना तारे लबे ते बड़ी आंधी चलदी रेई, ते लास्ट बीच साड़ी बचने दी साड़ी आस जांदी रेई।

21 जेस ले मते दिन तकर भूखे रेई चुके, ते पोलुस ने उंदे बीच खडोइयै आखया, “ए लोको, चाहिदा हा के तुस मेरी गल्ल मानियै क्रेते चा ना जाज खोलदे ते ना ए विपति ओंदी ते ना ए हानी चुकदे। 22 लेकन हून मैं तुसें गी समझाना ए के ढाढस बनो, की वे तुंदे बीचा कुसे दे प्राण दी हानी नेई होग, लेकन सिर्फ जाज दी। 23 की वे परमातमा जेस दा मैं ए, ते जेस दी सेवा करना ऐ, ओस दे सुर्गदूत ने अज राती मेरे कोल आइयै आखया, 24 ए पोलुस, मत डर ! तुगी कैसर दे सामने खडोना जरूरी ऐ। दिख, परमातमा ने सबनी गी जेडे तेरे कन्ने यात्रा करदे न, तुगी दिता ए।” 25 इस आस्ते, ए सज्जना, ढाढस बनो; की वे मैं परमातमा दा विश्वास करना ऐ, के जिय्यां मेरे कन्ने आखया ऐ, उर्यां गे होग। 26 लेकन असें कुसे टापू उप्पर जाई टिकना होग।”

27 जेस ले चोदवीं रात आई, ते आस अद्रिया समुंद्र च भटकदे फिरा करदे हे, ते अधी राती दे कोल मल्लाहें तजरवे कन्ने जानया के आस किसे देश दे कोल पुजा करनेयां न। 28 थाह लेने उप्पर उन्हें बी पुरसा गहरा पाया, ते थोड़ा अगें जाईयै फिरी थाह लेती ते पंद्राह पुरसा पाया। 29 जेस ले पथर आली जगह कन्ने टकराने दे डर कन्ने उन्हें जाजे दी पिछाड़ी चार लंगर पाए, ते सबेरा होने दी कामना करदे रे। 30 लेकन जेस ले मल्लाह जाजे उपरा नसना चांदे हे, ते गलही कन्ने लंगर पाने दे बाने डोंगी समुंद्र च तुआरी दिती; 31 ते पोलुस ने सूबेदार ते सैनिकें गी आखया, “जे ए जाजे उप्पर नेई रे, ते तुस भी नेई बची सकदे।” 32 उस बेले सैनिकें रस्से काटियै डोंगी केरी दिती।

33 जेस ले सबेर होने पर ही, उस बेले पोलुस ने ए आखियै, सबनी गी रुट्टी खाने आस्ते समझाया, “अज चोदां दिन होए के तुस आस दिखदे दिखदे भूखे रे, ते किश भोजन नेई किता। 34 इसे आस्ते तुसें समझाना ऐ के किश खाई लेओ, जेस कन्ने तुस बची सको; की वे तुंदे बीचा किसे दे सिरे दा इक भी बाल नी किरगा।” 35 ए आखियै ओस ने रुट्टी लेइयै सारे दे सामने परमातमा दा धन्यवाद किता ते तोड़ीयै खाना लगया। 36 उस बेले ओह सारे भी ढाढस बनीयै भोजन करना लगे। 37 अस सारे मिलीयै जाज उप्पर दो सो छियतर जन हे। 38 जेस ले ओह भोजन करियै तृप्त होए, कनक गी समुंद्र च सुटीयै जाज गी हल्का करना लगे।

39 जेस ले दिन निकलया ते उन्हें ओस देश गी नेई पनछानया, लेकन इक खाड़ी दिखी जेस दा कंडा चोरस हा, ते बिचार किता के जे होई सके ते इसे उप्पर जाज गी टिकाचे। 40 इस करी उन्हें लंगर गी खोलियै समुंद्र च शुडी दिता ते उसे समे पतवारें दे बंधन खोली दिते, ते हवा दे सामने अगला पाल चाढ़ीयै कंडे दी बखी चले। 41 लेकन दो समुंद्र दे संगम दी जगह पड़ियै उन्हें जाज गी टिकाया, ते गलही तका खाइयै दबोई गई ते टली नेई सकी; लेकन पिछाड़ी लैरें दे जोर कन्ने टूटना लगी। 42 एस करी सैनिकें दा ए बिचार ओया के बंदियै गी मारी देचे, एसा नेई होए के कोई तैरीयै नसे। 43 लेकन सूबेदार ने पोलुस गी बचाने दी इच्छा कन्ने उन्हें एस बिचार कोलां रोकया ते ए आखया, के जेडे तैरी सकदे न, पैलें कूदीयै कंडे उप्पर निकली जांन; 44 ते बाकी कोई पटरें उप्पर, ते कोई जाज दी बाकी चीजें दे सारे निकली जांन। इस रिती कन्ने सब कोई धरती उप्पर बची निकले।

28 जेस ले आस बची निकले, ते पता चलया के ए दीप माल्टा आखा जांदा ए। 2 उत्थुआ दे रोने आलें ने साडे उप्पर अनोखी कृपा किती; की वे बरखा होने दे कारण ठंड ही, इसे आस्ते उन्हें सुलगाइये असें सबनीं गी ठहराया। 3 जेस ले पोलुस ने लकड़ीयें दा गड्डा बटोरीये अगी उप्पर रखया, रते इक साप आंच पाइये निकलया ते ओस दे हथ्थे कन्ने लिपटी गया। 4 जेस ले उन्हें निवासियै सपे गी ओढे हथ्थे कन्ने लिपटे दा दिखया, ते अप्पु बीचे आखया, “सचें गे ए मनुख हत्यारा ऐ के ए समुंद्र कोलां बची गया, तां भी न्याय ने जिंदा नेई रोना दिता।” 5 उस बेले ओस ने सपे गी अगी बीच झटकी दिता, ते उसी किश हानी नेई पुजी। 6 लेकन ओह इंतजार करा करदे हे के

ओह सुजीयाना जां इकाइक किरिये ओह मरी जाना, लेकन जेस ले ओह मती देर तकर दिखदे रे के ओस दा किश भी नेई बिगड्या, ते अपना बिचार बदलीये आखया, “ए ते कोई देवता ऐ।”

7 ओस जगह दे आसे पासे ओस टापू दे प्रधान पुबलीयुस दी जगह ही। ओस ने असें अपने घर लेइये तीन दिन मित्र भाव कन्ने परानाचारी किती। 8 पुबलीयुस दा पिता ज्वर ते आंव खून कन्ने बमार पेदा हा। इ आस्ते पोलुस ओस दे कोल घर जाइये प्रार्थना किती ते ओस उप्पर हथ्थे रखियै उसी चंगा किता। 9 जेस ले ऐसा ओया ते ओस दीप दे बाकी बमार आए ते चंगे किते गे। 10 उन्हें साड़ा मता आदर किता, ते जेस ले आस चलना लगे ते जे इश साडे आस्ते जरूरी हा, जाजे उप्पर रखी दिता।

11 तीन महीने दे बाद सिकन्दरिया दे इक जाज उप्पर चली पे, जेडा ओस दीप च झाड़े भरा करदा हा, ते जेस दा चित्र दियुसकूरी हा। 12 सुरकूसा च आस लंगर लाइये तीन दिन टिके रे। 13 उत्थुआ आस घूमियै रेगियुम च आए; ते इक दिन दे बाद दक्षिणी हवा चुली, इस करी आस दुए दिन पुतियुली च आए। 14 उत्थे असें प्रा मिले, ते उंदे आखने कन्ने उंदे आस सत दिन तक रे; ते एस रिती कन्ने आस रोम गी चले। 15 उत्थुआ प्रा साड़ा समाचार सुनियै अप्पियुस दे चोक ते तीन सराए तकर साडे कन्ने मुलाकात करने आस्ते निकली आए, जिन्हें दिखियै पोलुस ने परमातमा दा धन्यवाद किता ते ढाढस बनया।

16 जेस ले आस रोम च पुजे, ते पोलुस गी इक सैनिक कन्ने जेडा ओस दी रखवाली करदा हा, इकले रैने दी आज्ञा मिली गई।

17 तीन दिन दे बाद ओस ने यहूदीयें दे प्रमुख लोकें गी बलाया, ते जेस ले ओह किटठे होए ते ओस ने आखया, “ए प्रा ओ, मैं अपने लोकें दे जां बब्ब दादें दे व्यवहार च किश नी किता, तां भी बंदी बनाइये यरूशलेम बीचा रोमीयें दे हथ्थे सोंपया गया। 18 उन्हें मीगी जाचियै शुडना चाया, की वे मेरे च मोती जोगा कोई दोष नेई हा। 19 लेकन जेस ले यहूदी एस दे बिरोध च बोलना लगे, ते मीगी कैसर दी दोहाई देना पेइ: ए नेई के मीगी अपनं लोकें उप्पर कोई दोष लाना हा। 20 इसे आस्ते मैं तुसें गी बलाया ऐ के तुंदे कन्ने मिलां ते गल्ल बात करां; की वे इस्राएल दी आस आस्ते मैं एस जंजीर कन्ने जकडे दा ऐ।” 21 उन्हें उसी आखया, “ना असें तेरे बारे च यहूदियें कोलां चिड्डीयां पाइयां ते ना भ्रां बीचा किसे ने आइयै तेरे बारे च किश बताया ते ना बुरा आखया। 22 लेकन तेरा बिचार के ऐ ? उए आस तेरे कोलां सुनना चानेयां, की वे आस जाननेयां के के हर जगह एस मत दे बिरोध च लोग गल्लां करदे न।”

23 इस करी उन्हें ओस आस्ते इक दिन ठहराया, ते मते सारे लोग ओस दे इत्थे किटठे होए, ते ओह परमातमा दे राज दी गुआइ दिंदा, ते मूसा दी व्यवस्था ते भविष्यवक्तें दी कताबां बीचा यीशु दे बारे च समझाई समझाईयै सबेरे कोलां लेइयै शामी तकर बरण करदा रेया। 24 उस बेले किश नै उन गल्लें गी मनी लेता, ते कईयै विश्वास नेई किता। 25 जेस ले ओह अप्पु बीचे इक मत ना होए, ते पोलुस दी इस गल्ल दे आखने उप्पर चली गे: “पवित्र आत्मा ने यशयाह भविष्यवक्ता दे द्वारा तुंदे बब्ब दादें कन्ने ठीक ही आखया,

26 जाइये इनें लोकें कन्ने बोल, के सुनदे ते रोगे, लेकन नेई समझगे, ते दिखदे ते रोगे, लेकन नेई बुझगे;

27 की वे इनां लोकें दा मन मुटा ते उंदे कन भारे होई गे दे न, ते उन्हें अपनीं अर्खीं बंद कितियां न, ऐसा ना होए के ओह कदें अर्खीं कन्ने दिखन ते कनें कन्ने सुनन ते मन कन्ने समझन ते फिरी जांन, ते मैं उन्हें चंगा करां।”

28 इस आस्ते तुस जानो के परमातमा दे एस उद्धार दी कथा अन्यजतियें दे कोल भेजी गई ऐ, ते ओह सुनघंन।” 29 जेस ले ओस ने ए आखया, ते यहूदी अप्पु बीचे मता विवाद करना लगे ते उत्थुआ चली गे।

30 ओह पुरे दो साल अपने भाडे दे घर रेया, 31 ते जेडे ओस दे कोल आंदे हे, उन संबनीं कन्ने मिलदा रेया ते बगैर रोक टोक मता निडर होइयै परमातमा दे राज दा प्रचार करदा ते प्रभु यीशु मसीह दीयां गल्लां सखांदा रेया।

रोमियो

1 पौलुस दी बल्लो, जेड़ा मसीह दा दास ऐ, और प्रेरित होने दे लेई बुलाया गया, और परमात्मा दे उस सुसमाचार दे लेई अलग किता गया ऐ 2 जिस दी प्रतिज्ञा उने पैहले ही अपने नबियों कोला पवित्रशास्त्र च 3 अपने पुत्तर साड़े प्रभु यीशु मसीह दे बारे च प्रतिज्ञा किती ही; ओह शरीर दे भाव च ते दाऊद दे वंश तो उत्पन्न होया 4 और पवित्रआत्मा दे भाव च मरे होए च जी उठने दे कारण सामर्थ्य दे कन्ने परमात्मा दा पुत्तर ठैहरेया ऐ 5 उदे कोला सानु अनुग्रह और प्रेरिताई मिली कि उदे नाम दे कारण सारी जातियों दे लोक विश्वास करिये उदी मनीए, 6 जिन्दे च तोहे भी यीशु मसीह दे लेई बुलाये गए हो

7 उन सारे गी जेड़े रोम च परमात्मा दे प्यारे नए और पवित्र होने दे लेई बलाये गए नए ऐ: साड़े पिता परमात्मा और प्रभु यीशु मसीह च तोहेगी अनुग्रह और शान्ति मिले

8 पैहले में तुन्दे सारे दे लेई यीशु मसीह दे द्वारा परमात्मा दा तानवाद करना, क्योंकि तुन्दे विश्वास दी चर्चा सारे जगत च हो रेही ऐ 9 परमात्मा जिदी सेवा च अपनी आत्मा च उदे पुत्तर दा सुसमाचार प्रचार च करदा हां, ओह ही मेरी गवाही ऐ कि में तोहेगी इसी चला लगातार याद करदा रेना हां 10 और लगातार अपनी प्रार्थनाओं च विनती करदा हां, कि किसी चला तुन्दे कोल आने दी मेरी यात्रा परमात्मा दी इच्छा तो सफल होए 11 क्योंकि में तेरे कन्ने मिलने दी लालसा करदा हां कि में तुगी कोई आत्मिक वरदान देया जिदे कन्ने तू मजबूत होई जागा; 12 मतबल ए कि जदु में तेरे बीच आगा, ते आहे उस विश्वास दे द्वारा जेड़ा मेरे च और तेरे च ऐ, इक दुए कन्ने प्रोत्साहन पाईये। 13 हे मेरे परा, में नेई चान्दा कि तू इदे कन्ने अनजान रोगा कि में ते बार - बार तेरे कोल आने दी योजना बनाई, कि जिन्ना मिगी दूसरी अन्यजातियों च फल मिलेया, इन्ना ही तेरे च भी मिले, परैन्त हुन तक रीका गया। 14 में यूनानियों और अन्यभाषियों दा, और बुद्धिमानों और निर्बुद्धियों दा कर्जदार हां। 15 इसलेई, जिदर तक तेरा सम्बन्ध ऐ, में तुगी भी जो रोम च होए सुसमाचार सुनाने दे लेई उत्सुक हां।

16 में सुसमाचार कन्ने लज्जित नेई होंदा, क्योंकि ए प्रत्येक विश्वास करने आले - पैहले यहूदी और फेर यूनानी - दे लेई उध्दार दे निमित्त परमात्मा दा सामर्थ्य ऐ। 17 क्योंकि इदे च परमात्मा दी धार्मिकता विश्वास कन्ने और विश्वास दे लेई प्रकट होंदी ऐ; जिन्ना कि लिखेया ऐ, " परैन्त धर्मी मनुख विश्वास कन्ने जीवित रहेगा। "

18 परमात्मा दा क्रोध ते उन लोके दी सारे अभक्ति और अधर्म उप्पर स्वर्ग च प्रगट होंदा ऐ, जेड़े सत्य गी अधर्म कन्ने दबाए रखदे नए। 19 इसलेई कि परमात्मा दे विषय दा ज्ञान उन्दे मनो च प्रगट ऐ, क्योंकि परमात्मा ने उन्दे उप्पर प्रगट किता ऐ। 20 क्योंकि जगत दी सृष्टि कन्ने ही परमात्मा दे अनदेखे गुण, अनन्त सामर्थ्य और परमात्मात्व उदी रचना दे द्वारा समझे जाईये स्पष्ट दिखाई दिन्दे ऐ, इसलेई उन्दे कोल कोई बहाना नेई। 21 इस कारण कि परमात्मा गी जानने उप्पर भी उने परमात्मा दे योग्य बड़ाई और धन्यवाद नेई किता, परैन्त गलत विचार करने लग्गे, इत्थे तकर कि उन्दा निर्बुद्धी मन नेरा होई गया। 22 ओह अपने आप गी बुद्धिमान जताईये मुख बनी गए, 23 उने अविनाशी परमात्मा दी महिमा गी नश्वर मनुख, पक्षियों, चौपायों और रेंगेनाले जन्तुयों दी मूर्ति दी समानता च बदली ओड़ेया।

24 इसलेई परमात्मा ने उने उन्दे मन दी वासनाओं गी अशुद्धता दे लेई छोड़ी दिता, कि उन्दे शरीरों दा आपस च अनादर होए। 25 क्योंकि उने परमात्मा दी सच्चाई दे बदले चूट गी अपनाया और सृष्टि दी आराधना और सेवा किती - ना कि उस सृष्टिकर्ता किती जो सदा धन्य ऐ, आमीन।

26 इसलेई परमात्मा ने उने नीच कामनाओं दे वंश च छोड़ी दिता; इत्थे तकर कि उन्दी स्त्रियों ने भी स्वाभाविक व्यवहार गी उस दे कन्ने जो स्वभाव दे विरुद्ध ऐ, बदली ओड़ेया। 27 इन्ना ही मनुख भी स्त्रियों दे कन्ने स्वाभाविक व्यवहार छोड़िए आपस च कामातुर होईये जलने लग्गे, और मनुखे ने मनुखे दे कन्ने निर्लज्ज काम करिये अपने भ्रम दा ठीक फल पाया।

28 जदु उने परमात्मा गी स्वीकार करना और अधिक ठीक ना लगेया, फेर परमात्मा ने भी उने उन्दे बुरे मन दे मुताबिक चडी ओड़ेया, कि ओह बुरे काम करन, 29 आखिर: ओह सारे प्रकार दी अधार्मिकता, दुष्टता, लोभ, द्वेष कन्ने तथा सारी ईर्ष्या, हत्या, झगड़े, छल और डाह कन्ने परी गए। ओह बकवादी, 30 निन्दक, परमात्मा कन्ने नफरत करने आले, ढीठ, हठी, डिंगमार, बुराई करनेआले, माता - पिता दी आज्ञा ना मननेआले, 31 समझ - रहित, विश्वासघाती, प्रेम - रहित और दया - रहित होई गए। 32 ओह ते परमात्मा दी ए विधि जानदे ऐ कि ऐसे ऐसे काम करनेआले मृत्यु दे दण्ड दे योग्य ऐ, फेर भी केवल आप ही ऐसे काम करदे नए लेकन करने आले तो खुश भी होंदे ऐ

2 आखिर हे दोष लगाने आले, तू चाहे कोई भी होई जागा, तू निरुत्तर ऐ; क्योंकि जिस गल्ल च तू दुए उप्पर दोष लगान्दा ऐ उसी गल्ल च अपने आप गी भी दोषी ठहरान्दा ऐ, इसलेई कि तू जेड़ा दोष लगान्दा ऐ खुद ही ओह काम करदा ऐ। 2 आहे जानदे ऐ कि ऐसे ऐसे काम करने आले उप्पर परमात्मा दी ओर ता ठीक - ठीक दण्ड दी आज्ञा होंदी ऐ। 3 हे मनुख, तू जो ऐसे - ऐसे काम करने आले उप्पर दोष लगान्दा ऐ और आपे ओह ही काम करदा ऐ; क्या ए समझदा ऐ कि तू परमात्मा दी दण्ड दी आज्ञा च बची जाग ? 4 क्या तू उदी दया, और सहनशीलता, और धीरजरूपी धन गी तुच्छ जान्दा ऐ ? क्या ए नेई समझदा कि परमात्मा दी दया तुगी मन फिराव गी सिखांदी ऐ ? 5 लेकन तू अपनी कठोरता और हठीले मन दे कारण उदे क्रोध दे दिन दे लेई, जिदे च परमात्मा दा सच्चा न्याय प्रगट होए गा, अपने लेई क्रोध कमा रेहा ऐ। 6 ओह हर इक गी उदे कर्म दे अनुसार बदला देग: 7 दो सुकर्म च स्थिर रहेइये महिमा, और आदर, और अमरता दी खोज च ऐ, उनेगी ओह अनन्त जीवन देग; 8 लेकन जो विवादी ऐ और सत्य गी नेई मन्दे, लेकन ओह अधर्म गी मन्दे नए, उन्दे उप्पर क्रोध और कोप पोग। 9 और क्लेश और संकट हर इक मनुख दे प्राण उप्पर जेड़ा बुरा करदा ऐ आणा, पैहले यहूदी गी फेर यूनानी गी 10 परैन्त महिमा और आदर और कल्याण हर इक गी मिलग, जेड़ा पला करदा ऐ, पैहले यहूदी गी फेर यूनानी गी। 11 इस्कारी कि परमात्मा कुसे दा पक्षपात नी करदा

12 इसलेई जिन्ने बिना व्यवस्था पाए पाप किता, ओह बिना व्यवस्था दे नष्ट होई जान गए; और जिन्ने व्यवस्था पाईये पाप किता, उन्दा दण्ड व्यवस्था दे अनुसार होई जाग; 13 क्योंकि परमात्मा दे इत्थे व्यवस्था दे सुनने आले धर्मी नेई, लेकन व्यवस्था उप्पर चलने आले धर्मी ठहराए जान गए। 14 फेर जदु अन्य जाति लोक जिन्दे कोल व्यवस्था नेई, स्वभाव ही च व्यवस्था दी गल्ले उप्पर चलदे नए, ते व्यवस्था उन्दे कोल ना होने उप्पर भी ओह अपने लेई आपे ही व्यवस्था ऐ 15 ओह व्यवस्था दी गल्ला अपने अपने हृदय च लिखी होई दसदे नए और उन्दे विवेक भी गवाही दिन्दे नए, और उन्दे विचार परस्पर दोष लगांदे या उनेगी निर्दोष ठहरानदे नए; 16 जिस दिन परमात्मा मेरे सुसमाचार दे अनुसार यीशु मसीह दे द्वारा मनुखे दी गुप्त गल्ले दा न्याय करग।

17 यदि तू यहूदी कहलान्दा ऐ, और व्यवस्था उप्पर भरोसा रखदा ऐ, और परमात्मा दे बारे च घमण्ड करदा ऐ, 18 और उदी इच्छा गी जान्दा और व्यवस्था च शिक्षित होईये उन गल्ले दा समर्थन करदा ऐ जो अनिवार्य ऐ,

19 और अपने उप्पर भरोसा रखदा ऐ कि में अन्ने दा अगुवा, और अंधकार च पेरे होए गी ज्योति, 20 और निर्बुद्धियों गी समझानेआला, बालकों दा शिक्षक ऐ, क्योंकि तुगी व्यवस्था च ज्ञान और सत्य दा स्वरूप प्राप्त होया ऐ 21 ते जो दुए गी शिक्षा दिन्दा ऐ, क्या खुद नेई सिखांदा ऐ ? तू जो चोरी ना करने दा उपदेश दिन्दा ऐ, क्या खुद चोरी नेई करदा ? 22 तू जो बोल्दा ऐ कि व्यभिचार नेई करना चाही दा, क्या खुद व्यभिचार नेई करदा ऐ, क्या खुद मन्दिरों गी नेई लूटदा ? 23 तू जो व्यवस्था उप्पर विश्वास करदा ऐ, क्या तू व्यवस्था दा उल्लंघन करिये परमात्मा दा अनादर नेई करदा ? 24 क्योंकि लिखेया भी ऐ, " तुन्दे कारण परमात्मा दे नाम दी निन्दा गैरयहूदियों च किती जन्दी ऐ।

25 क्योंकि यदि तोहे व्यवस्था उप्पर चलदे हो, ते व्यवस्था दा उल्लंघन करने आले हो, ते तुन्दा खतना, खतनारहित होने दे समान ठहरेया। 26 इसलेई यदि खतनारहित मनुख व्यवस्था दे नियमों दा पालन करन ते क्या उदा खतनारहित होना खतने दे समान नेई मनेया जाग ? 27 और ओह मनुख जो शारीरिक रूप च खतनारहित ऐ, यदि व्यवस्था उप्पर चलदा ऐ, ते क्या ओह तुगी जो लिखित व्यवस्था पाने और खतना किते जाने उप्पर भी व्यवस्था दा उल्लंघन करदा ऐ, दोषी ना ठहराग ? 28 क्योंकि जो बाह्यरूप च यहूदी ऐ, ओह यहूदी नेई; ना ही ओह खतना, खतना ऐ जो बाह्य या दैहिक होए। 29 लेकन यहूदी ओही ऐ जो मन च ऐ; खतना ओही ऐ जो आत्मा दे द्वारा मन दा ऐ, ना कि लेख दे द्वारा; और उदी प्रशंसा मनुखे दी ओर च नेई, मतबल परमात्मा दी ओर ता होंदी ऐ।

3 फेर यहूदी गी के लाभ ? और खतने दा के उपयोग ? 2 हर प्रकार च बड़ा कुछ। पैहले तो ऐ कि परमात्मा दे वचन उनेगी सोंपे गए 3 यदि कुछ लोके ने विश्वास नेई भी किता ते के होया ? क्या उन्दा अविश्वास परमात्मा दी विश्वासयोग्यता गी व्यर्थ ठहराग ?

4 कदे भी नेई ! मतबल परमात्मा ही सच्चा ठहरे, चाहे कोई भी मनुख चूटा पाया जाए, जिन्ना कि लिखेया ऐ, " कि तू अपनी गल्ले च खरा, और अपने न्याय च सच्चा ठहरे। " 5 इकलेई यदि साड़ा अधर्म परमात्मा दी धार्मिकता ठहरा दिन्दा ऐ, ते आहे के बोलिए ? क्या ऐ कि परमात्मा जो क्रोध करदा ऐ अन्यायी ऐ ? ए ते मनुख दी रीति उप्पर बोल्दा ऐ। 6 कदे भी नेई ! नेई ते परमात्मा किन्ना जगत दा न्याय करग ? 7 यदि मेरे चूठ दे कारण परमात्मा दी सच्चाई उदी महिमा दे लेई, ज्यादा करिये प्रगट होए ते फेर क्यों पापों दे समान में दण्ड दे योग्य ठहराया जन्दा ऐ ? 8 आहे क्यों बुराई ना करिये कि भलाई निकले ? " जिन्ना साड़े उप्पर ऐही दोष लगाया भी जान्दा ऐ, और कुछ बोलदे ने कि इन्दा ऐही बोलना ऐ। लेकन ऐसों दा दोषी ठहराना ठीक ऐ।

9 तो फेर के होया ? क्या आहे उन्दे कोला अच्छे हा ? कदे भी; क्योंकि आहे यहूदियों और यूनानियों दोनों उप्पर ए दोष लगाई चुके नए कि ओह सारे दे सारे पाप दे बास च नए।

10 जिन्ना लिखेया ऐ: " कोई धर्मो नेई, इक भी नेई।

11 कोई समझदार नेई; कोई परमात्मा दा खोजनेआला नेई।

12 सारे पटकी गए नए, सारे दे सारे निकम्मे बनी गए नए; कोई भलाई करने आला नेई, इक भी नेई

13 उन्दा गला खुली होई कब्र ऐ, उने अपनी जीभों च छल किता ऐ, " " उन्दे होठ च सपे दा विष ऐ

14 " उन्दा मुहं श्राप और कड़वाहट च परोचे दा ऐ।

15 उन्दे पैर खून बहाने गी फुर्तीले नए

16 उन्दे रस्ते च नाश और क्लेश ऐ,

17 उने कुशल दा रस्ता नेई जानेया।

18 " उन्दी अख्खे दे समान परमात्मा दा डर नेई।

19 आहे जानदे हा कि व्यवस्था जो कुछ बोल्दी ऐ उन्दे च गए बोल्दी ऐ, जो व्यवस्था दे अधीन ऐ; इकलेई कि हर इक मुहं बंद किता जाए और सारा संसार परमात्मा दे दण्ड दे योग्य ठहरे; 20 क्योंकि व्यवस्था दे कमे च कोई प्राणी उदे सामने धर्मो नेई ठेहरग, इकलेई कि व्यवस्था दे द्वारा पाप दी पैहचान होंदी ऐ।

21 लेकन हुन व्यवस्था च अलग परमात्मा दी ओह धार्मिकता प्रगट होई ऐ, जिस दी गवाही व्यवस्था और नबी दिन्दे नए, 22 और परमात्मा दी ओह धार्मिकता जो यीशु मसीह उप्पर विश्वास करने च सारे विश्वास करने आले दे

लेई ऐ। क्योंकि कुछ भेद नेई; 23 इसलेई कि सारे ने पाप किता ऐ और परमात्मा दी महिमा च रहित ऐ, 24 लेकन उदे अनुग्रह च उस छुटकारे दे द्वारा जो मसीह यीशु च ऐ, सचमुच धर्मो ठहराए जनदे नए 25 उसी परमात्मा ने उदे लहू दे कारण इक ऐसा प्रायश्चित ठहराया, जो विश्वास करने च कार्यकारी होंदा ऐ, कि जो पाप पैहले किते गए और जिन्दे उप्पर परमात्मा ने अपनी सहनशीलता दे कारण ध्यान नेई दिता। उन्दे बारे च ओह अपनी धार्मिकता प्रगट करे। 26 लेकन इसी समय उदी धार्मिकता प्रगट होए कि जिस दे कोला ओह आप ही धर्मो ठहरे, और जो यीशु उप्पर विश्वास करग उदा भी धर्मो ठहराने आला होए।

27 ते घमण्ड करना कित्थे रेहा ? उदी ते जगह ही नेई। केरी व्यवस्था दे कारण च ? क्या कर्मों दी व्यवस्था च ? नेई, परैन्त विश्वास दी व्यवस्था दे कारण। 28 इसलेई आहे इस परिणाम उप्पर पहुचे हॉ कि मनुख व्यवस्था दे कमे च अलग ही, विश्वास दे द्वारा धर्मो ठहरादा ऐ। 29 क्या परमात्मा केवल यहूदियों ही दा ऐ ? क्या अन्यजातियों दा नेई ? हॉ, अन्यजातियों दा भी ऐ 30 क्योंकि इक ही परमात्मा ऐ, जो खतनाआले गी विश्वास च और खतनारहितों गी भी विश्वास दे द्वारा धर्मो ठहराग। 31 ते क्या आहे व्यवस्था गी विश्वास दे द्वारा व्यर्थ ठहरानदे हॉ ? कदे भी नेई ! परैन्त व्यवस्था गी पका करदे नए। "

4 ते आहे इब्राहीम दे विषय च के बोलिए जो शरीर दे अनुसार साड़ा पूर्वज ऐ ? कि उसी के प्राप्त होया 2 क्योंकि यदि इब्राहीम कर्मों दे द्वारा धर्मो ठहराया जान्दा, ते उसी गर्व करने दा कुछ कारण होंदा, लेकन परमात्मा दे समक्ष नेई। 3 क्योंकि पवित्रशास्त्र के बोल्दा ऐ ? " और इब्राहीम ने परमात्मा उप्पर विश्वास किता, और ए उस दे लेई धार्मिकता गिनेया गया। 4 काम करनेआले गी मजदूरी देना दान नेई, परैन्त हक समझेया जन्दा ऐ। 5 परैन्त जेड़ा काम नेई करदा वरन् भक्तिहीन दे धर्मो ठहरानेआले उप्पर विश्वास करदा ऐ, उदा विश्वास उदे लेई धार्मिकता गिनेया जन्दा ऐ। 6 जिसी परमात्मा बिना कर्मों दे धर्मो ठहरान्दा ऐ, उसी दाऊद भी धन्य बोल्दा ऐ:

7 " धन्य ऐ ओह जिन्दे अधर्म क्षमा होए, और जिन्दे पाप माफ होए।

8 धन्य ऐ ओह मनुख जिसी परमात्मा पापी ना ठहराग। "

9 ते क्या ए आशीष खतना आले दे लेई ही ऐ या उन्दे लेई भी जिन्दा खतना नेई होया ? क्योंकि आहे बोलदे हा, " इब्राहीम दा विश्वास उदे लेई धार्मिकता गिनेया गया। 10 ते ए किन्ना गिनेया गया ? उदा खतना हो चुकने ता पैहले या खतने दे बाद ? खतने दी दशा च नेई, वरन् बिना खतने दी दशा च। 11 उसी खतने दा चिन्ह मिलेया जो विश्वास दी उस धार्मिकता दी मुहर ऐ जो खतनारहित दशा च भी उदे च ही, कि ओह उन सारे दा पिता ठहरे जो खतनारहित दशा च रहंदे होए विश्वास करदे ऐ जिन्ना कि ए उन्दे लेई धार्मिकता गिनेया जाए, 12 और उन खतना किते होए दा भी पिता ठहरे, जो ना केवल खतना किते ही नए परैन्त साड़े पिता इब्राहीम दे उस विश्वास दे पद - चिन्ह उप्पर चलदे नए, जो उस दी खतनारहित अवस्था च ही।

13 क्योंकि ए प्रतिज्ञा कि ओह जात दा वारिस होए गा, इब्राहीम और उदे वंश गी व्यवस्था दे द्वारा नेई, परैन्त विश्वास दी धार्मिकता दे द्वारा मिली।

14 क्योंकि यदि व्यवस्था आले वारिस नए, ते विश्वास व्यर्थ ठहरग और प्रतिज्ञा निष्फल होई; 15 क्योंकि व्यवस्था क्रोध पैदा करदी ऐ, परैन्त जित्थे व्यवस्था नेई, उत्थे उदा उल्लंघन भी नेई।

16 इस कारण, प्रतिज्ञा अनुग्रह दे अनुसार विश्वास च मिलदी ऐ जिन्ना कि सारे वंशजों दे लेई ओह निश्चित होई जाए - ना केवल उन्दे लेई जो व्यवस्था आले ऐ, लेकन उन्दे लेई भी जो इब्राहीम दे समान विश्वास आले ऐ, जो साड़ा सब दा पिता ऐ, 17 जिन्ना लिखेया ऐ, " में तुगी बड़ी साड़ी जातियों दा पिता ठहराया ऐ " - उस परमात्मा दे सामने जिस दे उप्पर उन विश्वास किता, और जो मरे होए गी जिलान्दा ऐ, और जो गल्ला है ही नेई उन्दा नाम ऐसा लेनदा ऐ कि मनो ओह ऐ। 18 उन निराशा च भी आशा रखिये विश्वास किता, इसलेई कि उस वचन दे अनुसार कि " तेरा वंश ऐसा होए गा, " ओह बड़ी गे जातियों दा पिता होए। 19 ओह जेड़ा इक सौ वर्ष दा ही, अपने मरे होए गी शरीर और सारा दे गर्भ दी मरी होई दी दशा जानिए भी विश्वास च निर्बल नेई होया, 20 और ना अविश्वासी होईये परमात्मा दी प्रतिज्ञा उप्पर विश्वास किता, लेकन विश्वास च मजबूत होईये परमात्मा दी महिमा किती; 21 और जरूर जानेया कि

जिस गल्ल दी उन प्रतिज्ञा किती ऐ, ओह उसी पूरा करने च भी समर्थ ऐ। 22 इस कारण ए उस दे लेईए धार्मिकता गिनेया गया। 23 और ए वचन, " विश्वास उस दे लेई धार्मिकता गिनेया गया, " ना केवल उस दे लेई लिखेया गया, 24 परैन्त साडे लेई भी जिन्दे लेई विश्वास धार्मिकता गिनेया जाग, और साडे लेई जो उस दे उप्पर विश्वास करदे नए जिस ने साडे प्रभु यीशु गी मरे होए बीचा जिलाया। 25 ओह साडे अपराधों दे लेई पकड़वाया गया, और साडे धर्मी ठहरने दे लेई जिलाया भी गया।

5 आखिर: जदू आहे विश्वास च धर्मी ठहरे, ते अपने प्रभु यीशु दे द्वारा परमात्मा दे कन्ने मेल रखिये, 2 जिदे द्वारा विश्वास दे कारण उस अनुग्रह ताक जिदे च आहे बने ही, आहे प्रवेश पाया ऐ, और परमात्मा दी महिमा दी आशा उप्पर घमण्ड करिये। 3 इन्ना ही नेई, परैन्त आहे अपने क्लेश उप्पर भी घमण्ड करिये, ए जानिये कि क्लेश च धीरज, 4 और धीरज च खरा निकलना, और खरे निकलने कन्ने आशा पैदा होदी ऐ; 5 और आशा कन्ने लज्जा नेई होदी, क्योंकि पवित्र आत्मा जेड़ा सानु दिता गया ऐ उस दी कन्ने परमात्मा दा प्रेम साडे मन च डालेया गया ऐ।

6 क्योंकि जदू आहे निर्बल ही, ते मसीह ठीक समय उप्पर भक्तिहीनों दे लेई मरेया। 7 किसे धर्मी जन दे लेई कोई मरे, ए ते दुर्लभ ऐ; लेकिन होई सकदा ऐ किसे भले मनुख दे लेई कोई मरने दा भी साहस करे। 8 लेकिन परमात्मा साडे उप्पर अपने प्रेम दी भलाई इस रीति कन्ने करदा ऐ कि जदू आहे पापी गे ही तभी मसीह साडे लेई मरेया 9 आखिर जदू कि आहे हुन उदे लहू दे कारण धर्मी ठहरे, ते उदे द्वारा परमात्मा दे क्रोध च क्यों बचा गए ? 10 क्योंकि बैरी होने दी दशा च उदे पुतर दी मृत्यु दे द्वारा साड़ा मेल परमात्मा दी कन्ने होया, ते फेर मेल होई जाने उप्पर उदे जीवन दे कारण आहे उध्दार क्यों नेई पान गए ? 11 लेकिन एही नेई, परैन्त आहे अपने प्रभु यीशु मसीह दे द्वारा, जिदे द्वारा साड़ा मेल होया ऐ, परमात्मा च खुश होंदे नए।

12 इसलेई जिन्ना इक मनुख दे द्वारा पाप जगत च आया, और पाप दे द्वारा मौत आई, और इस रीति कन्ने मृत्यु सारे मनुखे च फैली गई, क्योंकि सारे ने पाप किता - 13 व्यवस्था दे दिते जाने तक पाप जगत च ते ही, परैन्त जित्थे व्यवस्था नेई उत्थे पाप गिनेया नेई जान्दा। 14 फेर भी आदम ता लेईये मूसा तक मौत ने उन लोके उप्पर भी राज्य किता, जिन्ने उस आदम, जेड़ा उस आनआले दा चिन्ह ही, दे अपराध दे समान पाप ना किता।

15 लेकिन जिन्ना अपराध दी दशा ऐ, इन्नी अनुग्रह दे वरदान दी नेई, क्योंकि जदू इक मनुख दे अपराध कन्ने बड़े लोक मरे, ते परमात्मा दा अनुग्रह और उदा जेड़ा दान इक मनुख दे, मतलब यीशु मसीह दे, अनुग्रह च होया बड़े गे लोके उप्पर जरूर ही अधिकाई कन्ने होया। 16 जिन्ना इक मनुख दे पाप करने दा फल होया, इन्ना ही दान दी दशा नेई, क्योंकि इक ही दे कारण दण्ड दी आज्ञा दा फैसला होया, लेकिन बड़े गे अपराधों दे कारण ऐसा वरदान पैदा होया कि लोक धर्मी ठहरे 17 क्योंकि जदू इक मनुख दे अपराध दे कारण मौत ने उस इक ही दे द्वारा राज्य किता, ते जेड़े लोक अनुग्रह और धर्मरूपी वरदान बड़े कोला पानदे नए ओह इक मनुख दे, मतलब यीशु मसीह दे द्वारा जरूर ही अनन्त जीवन च राज्य करन गए।

18 इसलेई इन्ना इक अपराध सारे मनुखे दे लेई दण्ड दी आज्ञा दा कारण होया, इन्ना ही इक धर्म दा काम भी सारे मनुखे दे लेई जीवन दे निमित्त धर्मी ठहराए जाने दा कारण होया। 19 क्योंकि जिन्ना इक मनुख दे आज्ञा ना मनने कन्ने बड़े लोक पापी ठहरे, इन्ना ही मनुख दे आज्ञा मनने कन्ने बड़े लोक धर्मी ठहरन गए। 20 व्यवस्था बीच च आ गई कि अपराध बड़े होन, लेकिन जित्थे पाप बड़ा होया उत्थे अनुग्रह उस दे कोला भी ज्यादा होया, 21 कि जिन्ना पाप ने मौत फैलांदे होए राज्य किता, इन्ना ही साडे प्रभु यीशु मसीह दे द्वारा अनुग्रह भी अनन्त जीवन दे लेई धर्मी ठहरानदे होए राज्य करे

6 ते आहे के बोलिए ? क्या आहे पाप करदे रहेईये कि अनुग्रह बड़ा होए ? 2 कदे भी नेई ! आहे जदू पाप दे लेई मरी गए ते अग्रे गी उस दे बीच किन्ना जीवन बिताईये ? 3 क्या तोहे नेई जानदे कि आहे सारे जिन्ने मसीह यीशु दा बपतिस्मा लेता, उस दी मौत दा बपतिस्मा लेता। 4 आखिर: उस मौत दा बपतिस्मा पाने कन्ने आहे उस दे कन्ने गाड़े गए, ताकि जिन्ना मसीह पिता दी महिमा दे द्वारा मरे होए बीचा जिलाया गया, इन्ना ही आहे भी नए जीवन दी गे चाल चलिए।

5 क्योंकि अगर आहे उदी मौत दी समानता च उदे कन्ने जुटी गए हां, ते जरूर उदे जी उठने दी समानता च भी जुटी जागे। 6 आहे जानदे हां कि साड़ा पुराना मनुख उस दे कन्ने क्रूस उप्पर चढ़ाया गया ताकि पाप दा शरीर खत्म होई जाए, और आहे अग्रे गी पाप दे दासत्व च ना रहेईये। 7 क्योंकि जेड़ा मरी गया, ओह पाप च छुटकिये धर्मी ठहरेया। 8 इसलेई अगर आहे मसीह दे कन्ने मरी गए, ते साड़ा विश्वास ए ही कि उदे कन्ने जिगे भी। 9 क्योंकि ए जानदे नए कि मसीह मरे होए बीचा जी उठिए फेर मरने दा नेई; उदे उप्पर फेर मौत दी प्रभुता नेई होने दी। 10 क्योंकि ओह जेड़ा मरी गया ते पाप दे लेई इक ही बार मरी गया; लेकिन जेड़ा जीवित ऐ ओह परमात्मा दे लेई भी जीवित ऐ। 11 इन्ना ही तोहे भी अपने आप गी पाप दे लेई ते मरेया, लेकिन परमात्मा दे लेई मसीह यीशु च जीवित समझो।

12 इसलेई पाप तुन्दे नश्वर शरीर च राज्य ना करे, कि तोहे उदी लालसाओं दे अधीन रहो 13 और ना अपने अंगों दी अधर्म दे हथियार होने दे लेई पाप गी सौंपो, लेकिन अपने आप गी मरे होए बीचा जी उठेया होया जानिये परमात्मा गी सौंपो, और अपने अंगों गी धर्म दे हथियार होने दे लेई परमात्मा गी सौंपो। 14 फेर तुन्दे उप्पर पाप दी प्रभुता ना होए गई, क्योंकि तोहे व्यवस्था दे अधीन नेई मतलब अनुग्रह दे अधीन हो।

15 ते के होया ? क्या आहे इसलेई पाप करिये कि आहे व्यवस्था दे अधीन नेई मतलब अनुग्रह दे अधीन ऐ ? कदे भी नेई ! 16 क्या तोहे नेई जानदे कि जिस दी आज्ञा मनने दे लेई तोहे अपने आप गी दासों दे समान सौंपी दिन्दे उसी दे दास हो: चाहे पाप दे, जिस दा अन्त मौत ऐ, चाहे आज्ञाकारिता दे, जिस दा अन्त धार्मिकता ऐ ? 17 लेकिन परमात्मा दा धन्यवाद होए कि तोहे जेड़े पाप दे दास ही हुन मन कन्ने उस उपदेश दे मननेआले होई गए, जिस दे सांचे च ढाले गए ही, 18 और पाप बीचा छुटकाईये धर्म दे दास होई गए। 19 में तुन्दी शारीरिक दुर्बलता दे कारण मनुखे दी रीति उप्पर बोल्दा हा। जिन्ना तोहे अपने अंगों गी कुकर्म दे लेई अशुध्दता और कुकर्म दे दास करिये सौंपेया ही, इन्ना ही हुन अपने अंगों गी पवित्रता दे लेई धर्म दे दास करिये सौंपी दो।

20 जदू तोहे पाप दे दास ही, ते धर्म दी ओर ता दूर ही। 21 आखिर: जिन गल्ले बीचा हुन तोहे शर्मिदा होंदे हो, उन्दे कोला उस समय तोहे के फल पानदे ही ? क्योंकि उन्दा अन्त ते मौत ऐ। 22 लेकिन हुन पाप दूर होईये और परमात्मा दे दास बनिये तोहे गी फल मिलेया जिस च पवित्रता प्राप्त होदी ऐ, और उस दा अन्त अनन्त जीवन ऐ। 23 क्योंकि पाप दी मजदूरी ते मौत ऐ, लेकिन परमात्मा दा वरदान साडे प्रभु मसीह यीशु च अनन्त जीवन ऐ।

7 हे पराओं, क्या तोहे नेई जानदे - में व्यवस्था दे जाननेआले गी बोल्दा हां - कि जदू तक मनुख जीवित रहन्दा ऐ, उस वेले उदे उप्पर व्यवस्था दी प्रभुता रेदी ऐ ? 2 क्योंकि विवाहिता स्त्री व्यवस्था दे अनुसार अपने आदमी दे जिन्दे जी उदे कोला बन्धी ऐ, लेकिन अगर आदमी मरी जाए, ते ओह आदमी दी व्यवस्था च छडोई गई। 3 इसलेई अगर आदमी दे जिन्दे जी ओह किसे दुए मनुख दी होई जाए, ते व्यभिचारिणी कहलाग, लेकिन अगर आदमी मरी जाए, ते ओह उस व्यवस्था च छडोई गई, इत्थू तकर कि अगर किसे दुए मनुख दी होई जाए फेर भी व्यभिचारिणी ना ठहरग। 4 इन्ना ही हे मेरे पराओं, तोहे भी मसीह दी देह दे द्वारा व्यवस्था दे लेई मरे होए बनी गए, कि उस दुए दे होई जाओ, जेड़े मरे होए बीचा जी उठेया: ताकि आहे परमात्मा दे लेई फल लेयाईये। 5 क्योंकि जदू आहे शारीरिक ही, ते पापे दी अभिलाषाएँ जो व्यवस्था दे द्वारा ही, मौत दा फल पैदा करने दे लेई साडे अंगों च काम करदी ही। 6 लेकिन जिस दे बन्धन च आहे ही उस दे लेई मरी ऐ, हुन व्यवस्था च ऐसे दूर होई गए, कि लेख दी पुरानी रीति उप्पर नेई, मतलब आत्मा दी नई रीति उप्पर सेवा करदे नए।

7 ते आहे के बोलिए ? क्या व्यवस्था पाप ऐ ? कदे भी नेई ! मतलब बिना व्यवस्था दे में पाप गी नेई पहिचान्दा: व्यवस्था अगर ना बोल्दी, कि लालच नेई करो ते में लालच गी नेई जान्दा। 8 लेकिन पाप ने अवसर पाईये आज्ञा दे द्वारा मेरे च सारे प्रकार दा लालच पैदा किता, क्योंकि बिना व्यवस्था पाप मुर्दा ऐ। 9 में ते व्यवस्था बिना पैहले जीवित ही, लेकिन जदू आज्ञा आई, ते पाप जी गया, और में मरी गया। 10 और ओही आज्ञा जो जीवन दे लेई ही,

मेरे लेई मौत दा कारण ठहरी।¹¹ क्योंकि पाप ने अवसर पाईए आज्ञा दे द्वारा मिगी बहकाया, और उसी दे द्वारा मिगी मारी भी ओड़ेया।

¹² इसलेई व्यवस्था पवित्र ऐ, और आज्ञा भी ठीक और अच्छी ऐ।¹³ ते क्या ओह जो अच्छी ही, मेरे लेई मौत ठहरी? कदे भी नेई! लेकन पाप उस ठीक वस्तु दे द्वारा मेरे लेई मौत दा पैदा करनेआला होया कि उदा पाप होना प्रगट होए, और आज्ञा दे द्वारा पाप बड़ा ही पापमय ठहरे।

¹⁴ आहें जानदे हां कि व्यवस्था ते आत्मिक ऐ, लेकन में शरीरिक और पाप दे हाथ बिकेया होया हां।¹⁵ जो में करदा हां उस गी नेई जान्दा; क्योंकि जो में चाना हां ओह नेई किया करदा, लेकन जिदे कन्ने मिगी नफरत आन्दी ऐ ओही करदा ऐ।¹⁶ अगर जो में नेई चाना ओही करदा हां, ते में मनी लेना हां कि व्यवस्था ठीक ऐ।¹⁷ ते ऐसी दशा च उदा करने आला में नेई, मतलब पाप ऐ जो मेरे च बसेया होया ऐ।¹⁸ क्योंकि में जान्दा हां कि मेरे च मतलब मेरे शरीर च कोई ठीक वस्तु वास नेई करदी। इच्छा ते मेरे च ऐ, लेकन ठीक काम मेरे च बनी नेई सकदे।¹⁹ क्योंकि जिस ठीक काम दी में इच्छा करदा हां, ओह ते नेई करदा, लेकन जिस बुराई दी इच्छा नेई करदा, ओही किया करदा हां।²⁰ आखिर: यदि में ओही करदा हां जिस दी इच्छा नेई करदा, ते उदा करने आला में ना रेहा, परैन्त पाप जो मेरे च बसेया होया ऐ।

²¹ इस प्रकार में ए व्यवस्था पाना हां कि जदू पला करने दी इच्छा करदा हां, ते बुराई मेरे कोल आन्दी ऐ।²² क्योंकि में भीतरी मनुख च ते परमात्मा दी व्यवस्था च बड़ा खुश रेना हां।²³ परैन्त मिगी अपने शरीर च दुए प्रकार दी व्यवस्था दिखाई दिन्दी ऐ, जो मेरी बुद्धि दी व्यवस्था कन्ने लड्डी ऐ और मिगी पाप दी व्यवस्था दे बन्धन च डालदी ऐ जो मेरे शरीर च ऐ।²⁴ में किन्ना अभाग्य मनुख हां! मिगी इस मौत दी देह कन्ने कौन छुड़ाग? ²⁵ साडे प्रभु यीशु मसीह दे द्वारा परमात्मा दा धन्यवाद होए। इसलेई में आपे बुद्धि कन्ने ते परमात्मा दी व्यवस्था दा, परैन्त शरीर च पाप दी व्यवस्था दा सेवन करदा हां।

8 आखिर: हुन जो मसीह यीशु च ऐ, उन्दे उप्पर दण्ड दी आज्ञा नेई। [क्योंकि ओह शरीर दे अनुसार नेई मतलब आत्मा दे अनुसार चलदे नए।] ² क्योंकि जीवन दी आत्मा दी व्यवस्था ने मसीह यीशु च मिगी पाप दी और मौत दी व्यवस्था कन्ने स्वतंत्र करी दिता। ³ क्योंकि जेड़ा काम व्यवस्था शरीर दे कारण दुर्बल होईए ना करी सकी, उसी परमात्मा ने किता, और अपने ही पुत्तर गी पापमय शरीर दी समानता च और पापबलि होने दे लेई पेजिए, शरीर च पाप उप्पर दण्ड दी आज्ञा दिती। ⁴ इसलेई कि व्यवस्था दी विधि आहें जो शरीर दे अनुसार नेई मतलब आत्मा दे अनुसार चलदे नए, पूरी किती जान। ⁵ क्योंकि शारीरिक मनुख शरीर दी गल्ले उप्पर मन लगांदे नए; लेकन आध्यात्मिक आत्मा दी गल्ले उप्पर लगांदे नए। ⁶ शरीर उप्पर मन लगाना ते मौत ऐ, लेकन आत्मा उप्पर मन लगाना जीवन और शान्ति ऐ; ⁷ क्योंकि शरीर उप्पर मन लगाना ते परमात्मा कन्ने बैर रखना ऐ, क्योंकि ना ते परमात्मा दी व्यवस्था दे अधीन ऐ और ना होई सकदा ऐ; ⁸ और जो शरीरिक दशा च ऐ, ओह परमात्मा गी खुश नेई करी सकदे।

⁹ लेकन जदू कि परमात्मा दा आत्मा तुन्दे च बसदा ऐ, ते तोहे शरीरिक दशा च नेई परैन्त आत्मिक दशा च होए। यदि किसे च मसीह दा आत्मा नेई ते ओह उदा जन नेई। ¹⁰ यदि मसीह तुन्दे च ऐ, ते देह पाप दे कारण मरी होई ऐ; लेकन आत्मा धर्म दे कारण जीवित ऐ। ¹¹ यदि उसी दा आत्मा जिन्ने यीशु गी मरे होए बीचा जिलाया, तुन्दे च बसेया होया ऐ; ते जिन्ने मसीह गी मरे होए बीचा जिलाया, ओह तुन्दी नश्वर देहों गी भी अपने आत्मा दे द्वारा जो तुन्दे बसेया होया ऐ, जिलाग।

¹² इसलेई ए पराओं, आहें शरीर दे कर्जदार नेई कि शरीर दे अनुसार दिन कटे, ¹³ क्योंकि अगर तोहे शरीर दे अनुसार दिन कटगे ते मरगे, यदि आत्मा कन्ने देह दी क्रियाओं गी मारगे ते जीवित रोगे। ¹⁴ इसलेई कि जिन्ने लोक परमात्मा दे आत्मा दे चलाए चलदे नए, ओह ही परमात्मा दे पुत्तर ऐ। ¹⁵ क्योंकि तोहे गी दासत्व दी आत्मा नेई मिली कि फेर भयभीत हो, परैन्त लेपालकपन दी आत्मा मिली ऐ, जिदे कन्ने आहें हे अब्बा, हे पिता बोलिए पुकारदे हां। ¹⁶ आत्मा आपे ही साड़ी आत्मा दे कन्ने गवाही दिन्दा ऐ, कि आहें परमात्मा दी सन्तान ऐ; ¹⁷ और अगर सन्तान ऐ ते वारिस भी, मतलब

परमात्मा दे वारिस और मसीह दे संगी वारिस ऐ, कि जदू आहें उदे कन्ने दुःख उठावे ते उदे कन्ने महिमा भी पाईये।

¹⁸ क्योंकि में समझदा हां कि इस समय दे दुःख और क्लेश उस महिमा दे सामने, जो साडे उप्पर प्रगट होने आली ऐ, कुछ भी नेई ऐ। ¹⁹ क्योंकि सृष्टि बड़ी आशाभरी दृष्टि कन्ने परमात्मा दे पुत्तर दे प्रगट होने दी बाट जोह रही ऐ। ²⁰ क्योंकि सृष्टि अपनी इच्छा कन्ने नेई लेकन अधीन करने आले दी ओर ता, व्यर्थता दे अधीन इस आशा च किती गई ²¹ कि सृष्टि भी आप ही विनाश दे दासत्व च छुटकारा पाईये, परमात्मा दी सन्तानों दी महिमा दी स्वतंत्रता प्राप्त करग। ²² क्योंकि आहें जानदे ही कि सारी सृष्टि हुन तक मिलिए कराहती और पीड़ाओं च पेरी तड़पदी ऐ; ²³ और केवल ओही नेई लेकन आहें भी जिन्दे कोल आत्मा दा पैहला फल ऐ, आपे ही अपने च कराहते ऐ; और लेपालक होने दी, मतलब अपनी देह दे छुटकारे दी बाट जोहते ऐ। ²⁴ इस आशा दे द्वारा साड़ा उध्दार होया ऐ; लेकन जिस वस्तु दी आशा किती जान्दी ऐ, जदू ओह देखने च आए ते फेर आशा कित्थे रेही? क्योंकि जिस वस्तु गी कोई दिखा दा ऐ उदी आशा के करग? ²⁵ लेकन जिस वस्तु गी आहें नेई दिखदे, अगर उदी आशा रखदे ऐ, ते धीरज कन्ने उदी बाट जोहदे भी ऐ।

²⁶ इसी रीति कन्ने आत्मा भी साड़ी दुर्बलता च सहायता करदा ऐ: क्योंकि आहें नेई जानदे कि प्रार्थना किस रीति कन्ने करना चाही दा ऐ, परैन्त आत्मा आपे ही ऐसी आहें परी परीये, जो बयान च बाहर ऐ, साडे लेई विनती करदा ऐ; ²⁷ और मनो दा जांचनेआला जान्दा ऐ कि आत्मा दी मनसा के ऐ? क्योंकि ओह पवित्र लोके दे लेई परमात्मा दी इच्छा दे अनुसार विनती करदा ऐ।

²⁸ आहें जानदे हां कि जो लोक परमात्मा कन्ने प्रेम रखदे नए, उन्दे लेई सारी गल्ला मिलिए पले ही गी पैदा करदी ऐ; मतलब उन्दे लेई जो उदी इच्छा दे अनुसार बुलाए होए नए। ²⁹ क्योंकि जिन्ने उने पैहले ता जान लेया ऐ उने पैहले ता ठहराया भी ऐ कि उदे पुत्तर दे स्वरूप च होन, ताकि ओह बडे पराओं च पहिलौठा ठहरे। ³⁰ फेर जिन्ने उन पैहले ता ठहराया, उने बुलाया भी; और जिन्ने बुलाया, उने धर्मी भी ठहराया ऐ, और जिन्ने धर्मी ठहराया, उने महिमा भी दिती ऐ।

³¹ आखिर: आहें इन गल्ले दे विषय च के बोलिए? यदि परमात्मा साड़ी ओर ऐ, ते साड़ा विरोधी कौन होई सकदा ऐ? ³² जिन्ने अपने निज पुत्तर गी भी ना रखेया, परैन्त उसी आहें सारे दे लेई दे दिता, ओह उदे कन्ने सानु और सारा कुछ क्यों ना देग? ³³ परमात्मा दे चुने होए उप्पर दोष कौन लगाग? परमात्मा ही ऐ जो उनेगी धर्मी ठहरानेआला ऐ। ³⁴ फेर कौन ऐ जो दण्ड दी आज्ञा देग? मसीह ही ऐ जेड़ा मरी गया मतलब मुर्दों बीचा जी उठेया, और परमात्मा दे दाहिनी ओर ऐ, और साडे लेई निवेदन भी करदा ऐ। ³⁵ कौन साडे उप्पर मसीह दे प्रेम तो अलग करग? क्या क्लेश, या संकट, या उपद्रव, या अकाल, या नंगाई, या जोखिम, या तलवार?

³⁶ जिन्ना लिखेया ऐ, " तेरे लेई आहें दिन भर घात किए जानदे हां; आहें वध होने आले भेड़ों दे समान गिने गए हां। " ³⁷ लेकन इन सारी गल्ले च आहें उदे द्वारा जिन्ने साडे कन्ने प्रेम किता, जयवन्त ता भी ज्यादा ऐ। ³⁸ क्योंकि में जरूर जान्दा हां कि ना मौत, ना जीवन, ना स्वर्गदूत, ना प्रधानताएँ, ना वर्तमान, ना भविष्य, ना सामर्थ्य, ना ऊँचाई, ³⁹ ना गहराई, और ना कोई और सृष्टि सानु परमात्मा दे प्रेम च जो साडे प्रभु मसीह यीशु च ऐ, अलग कर सकग।

9 में मसीह च सच्च बोल्दा हां, में चूठ नेई बोला दा और मेरा मन भी पवित्र आत्मा च गवाही दिन्दा ऐ ² कि मिगी बड़ा शोक ऐ, और मेरा मन सदा दुखदा रेंदा ऐ, ³ क्योंकि में इत्थे तक चाना ही कि अपने पराए दे लेई जो शरीर दे भाव च मेरे कुटुम्बी ऐ, जल्दी ही मसीह च शापित होई जन्दा। ⁴ ओह इस्त्राएली ऐ, और लेपालकपन दा अधिकार और महिमा और वाचाएँ और व्यवस्था और उपासना और प्रतिज्ञाएँ उन्दी ऐ। ⁵ पुरखे भी उन्दे ने ऐ, और मसीह भी शरीर दे भाव च उन्दे बीचा होया। सारे दे ऊपर परम परमात्मा युगानुयुग धन्य हो। आमीन।

⁶ लेकन ए नेई कि परमात्मा दा वचन टली गया, इसलेई कि जो इस्त्राएल दे वंश ऐ, ओह सारे इस्त्राएल नेई; ⁷ और ना अब्राहम दे वंश होने दे कारण सारे उदी सन्तान ठहरे, लेकन [लिखेया ऐ] " इसहाक ही च तेरा वंश कहलाग।

" 8 मतलब शरीर की सन्तान परमात्मा की सन्तान नहीं, लेकिन प्रतिज्ञा की सन्तान वंश गिने जानदे नए। 9 क्योंकि प्रतिज्ञा का वचन ए ही: " में इस समय दे अनुसार आगा, और सारा दे पुत्र होग। " 10 और केवल एही नहीं, परन्त जदु रिबका भी इक च मतलब साडे पिता इसहाल च गर्भवती ही, 11 और अजे तक ना ते बालक जन्मे ही, और ना उने कुछ पला या बुरा किता हां; इकलेई कि परमात्मा की मनसा जो उदे चुनी लेने दे अनुसार ऐ, कर्मो दे कारण नहीं परन्त बुलानेआले दे कारण ऐ, बनी रहे: 12 उने बोल्या, " जेठा छोटे दा दास होग। " 13 जिन्ना लिखेया ऐ, " में याकूब कन्ने प्रेम किता, लेकिन एसाव गी अप्रिय जानेया। "

14 इसलेई आहे के बोलिए ? क्या परमात्मा दे इत्थे अन्याय ऐ ? कदे भी नहीं। 15 क्योंकि ओह मूसा गी बोल्दा ऐ, " में जिस किसे उप्पर दया करना चाहा उदे उप्पर दया करगा, और जिस किसे उप्पर कृपा करना चाहा उदे उप्पर कृपा करगा। " 16 आखिर: ए ना ते चाहनेआले दी, ना दौड़नेआले दी लेकिन दया करनेआले परमात्मा की गल्ल ऐ। 17 क्योंकि पवित्रशास्त्र च फिरौन च बोलेया गया, " में तुगी इसी लेई खड़ा किता ऐ कि तेरे च अपनी सामर्थ्य दसा, और मेरे नाम दा प्रचार सारी पृथ्वी उप्पर होए। " 18 इसलेई ओह जिसी चानदा ऐ उदे उप्पर दया करदा ऐ, और जिसी चानदा ऐ उसी कठोर करी दिन्दा ऐ।

19 आखिर: तू मिगी बोलगा, " ओह फेर केली दोष लगान्दा ऐ ? कौन उदी इच्छा दा सामना करदा ऐ ? " 20 हे मनुख, पला तू कौन ऐ जो परमात्मा दा सामना करदा ऐ ? क्या गद्दी होई वस्तु गढ़नेआले गी बोली सकदी ऐ, " तू मिगी ऐसा क्यों बनाया ऐ ? " 21 क्या कुम्हार गी मिट्टी उप्पर अधिकार नहीं कि इक ही लोंदे बीचा इक बरतन आदर दे लेई, और दुए गी अनादर दे लेई बनाए ? 22 ते इदे च केरी जरूरी गल्ल ऐ कि परमात्मा ने अपना गुसा दसना और अपनी सामर्थ्य प्रगट करने दी इच्छा कन्ने क्रोध दे बरतनों दी, जो विनाश दे लेई तैयारकिते गए ही, बडे धीरज च सही; 23 और दया दे बरतनों उप्पर, जिन्ने उने महिमा दे लेई पैहले च तैयार किता, अपने महिमा दे धन गी प्रगट करने की इच्छा किती ? 24 मतलब सारे उप्पर जिन्ने उने ना केवल यहूदियों बीचा, और अन्यजातियों बीचा भी बुलाया।

25 जिन्ना ओह होशे दी किताबे बीचा बोल्दा ऐ, " जेड़ी मेरी प्रजा नहीं ही, उनेगी में अपनी प्रजा बोलगा; और जो प्रिया ना ही, उसे प्रिया बोलगा। "

26 " और ऐसा होग कि जिस जगह च उनेगी ऐ बोलेया गया कि तोहे मेरी प्रजा नहीं हो, उसी जगह ओह जीवते परमात्मा की सन्तान कहलागा। "

27 और यशायाह इस्त्राएल दे विषय च पुकारिए बोल्दा ऐ, " चाहे इस्त्राएल की सन्तानों गी गिनती समुद्र दे बालू दे बराबर होए, फेर भी उन्दे च थोड़े ही बचन गए।

28 क्योंकि प्रभु अपना वचन पृथ्वी उप्पर पूरा करिये, धार्मिकता कन्ने शीघ्र उसी ठीक करगा। "

29 जिन्ना यशायाह ने पैहले भी बोलेया हां, " अगर सेनाओं दा प्रभु साडे लेई कुछ वंश ना छोड़दा, ते साड़ा सदोम दे समान होई जनदे, और अमोरा दे सदश ठहरदे। "

30 आखिर: आहे के बोलिए ? ए कि अन्यजातियों ने जो धार्मिकता की खोज नहीं करदे ही, धार्मिकता प्राप्त की और उस धार्मिकता गी जो विश्वास च ऐ; 31 लेकिन इस्त्राएल, जो धर्म की व्यवस्था की खोज करदे ही उस व्यवस्था तक नहीं पूजदे। 32 किस लेई ? इसलेई कि ओह विश्वास च नहीं, परन्त मनो कर्मो च उदी खोज करदे ही। उने उस ठोकर दे पत्थर उप्पर ठोकर खादी,

33 जिन्ना लिखेया ऐ, " दिखो, में सियोन च इक ठेस लगने दा पत्थर और ठोकर खाने की चट्टान रखदा ऐ, और जेड़ा उदे उप्पर विश्वास करेगा ओह शर्मिदा नहीं होग। "

10 हे पराओ, मेरे मन की अभिलाषा और उन्दे लेई परमात्मा कन्ने मेरी प्रार्थना ऐ कि ओह उध्दार पान। 2 क्योंकि में उन्दी दिना हां कि उनेगी परमात्मा दे लेई धुन ते ऐ, लेकिन ज्ञान दे अनुसार नहीं। 3 क्योंकि ओह परमात्मा की धार्मिकता कन्ने अनजान होईये, और अपनी धार्मिकता स्थापिक करने दा यत्न करिये, परमात्मा की धार्मिकता दे अधीन नहीं होए। 4 क्योंकि हर इक विश्वास करने आले दे लेई धार्मिकता दे निमित्त मसीह व्यवस्था दा अन्त ऐ।

5 क्योंकि मूसा ने ए लिखेया ऐ कि जेड़ा मनुख उस धार्मिकता उप्पर जेड़ी व्यवस्था च ऐ, चलदा ऐ, ओह उसी कन्ने जीवित रोग। 6 लेकिन जेड़ा धार्मिकता विश्वास च ऐ, ओह ए बोल्दी ऐ, " तू अपने मन च ए ना बोल्या कि स्वर्ग उप्पर कौन चढ़ग ? " [मतलब मसीह गी उतारी लाने दे लेई !] 7 या " अधोलोक च कौन उतरग ? " [और मसीह गी मरे होए बीचा जिलाईये ऊपर लेयान दे लेई !] 8 लेकिन ओह के बोल्दी ऐ ? ए कि " वचन तेरे कोल ऐ, तेरे मुह च और तेरे मन च ऐ, " ए ओही विश्वास दा वचन ऐ, जेड़ा आहे प्रचार करदे हां, 9 कि अगर तू अपने मुह च यीशु गी प्रभु जानिये अंगीकार करगा, और अपने मन च विश्वास करे कि परमात्मा ने उसी मरे होए बीचा जिलाया, ते तू जरूर उध्दार पागा। 10 क्योंकि धार्मिकता दे लेई मन कन्ने विश्वास किता जान्दा ऐ, और उध्दार दे लेई मुह बीचा अंगीकार किता जान्दा ऐ। 11 क्योंकि पवित्रशास्त्र ए बोल्दा ऐ, " जेड़ा कोई उदे उप्पर विश्वास करग ओह शर्मिदा नहीं होग। " 12 यहूदियों और यूनानियों च कुछ भेद नहीं, इसलेई कि ओह सारे दा प्रभु ऐ और अपने सारे नाम लेनेआले दे लेई उध्दार ऐ। 13 क्योंकि, " जेड़ा कोई प्रभु दा नाम लेग, ओह उध्दार पाग। "

14 फेर जिस उप्पर उने विश्वास नहीं किता, ओह उदा नाम किन्ना लेन ? और जिन्दे बारे च सुनेया नहीं उदे उप्पर किन्ना विश्वास करग ? और प्रचारक बिना किन्ना सुनग ? 15 और अगर पेजे ना जाग, ते किन्ना प्रचार करगे ? जिन्ना लिखेया ऐ, " उन्दे पैर के सुहावने ऐ, जेड़ी ठीक गल्ले दा सुसमाचार सुनांदे नए ! " 16 लेकिन सारे ने उस सुसमाचार उप्पर कान नहीं लगाया: यशायाह बोल्दा ऐ, " हे प्रभु, कुना सारे समाचार उप्पर विश्वास किता ऐ ? " 17 आखिर: विश्वास सुनने कन्ने और सुनना मसीह दे वचन च होंदा ऐ।

18 लेकिन में बोल्दा हां, क्या उने नहीं सुनेया ? सुनेया ते जरूर ऐ; क्योंकि लिखेया ऐ, " उन्दे स्वर सारी पृथ्वी उप्पर, और उन्दे वचन जगत दे कोने तक पहुँच गए ऐ। "

19 में फेर बोल्दा हां, क्या इस्त्राएली नहीं जानदे ही ? पैहले ते मूसा बोल्दा ऐ, " जो इक जाति नहीं ऐ, उन्दे द्वारा में तुन्दे च जलन पैदा करगा और इक मूढ जाति दे द्वारा में तुन्दे च क्रोध पैदा करगा। "

20 फेर यशायाह बडे हियाव दे कन्ने बोल्दा ऐ, " जेड़े मिगी नहीं तुपदे ही, उने मिगी पाई लेया; और जेड़े मिगी पूछदे भी नहीं ही, उन्दे उप्पर में प्रगट होई गया। "

21 लेकिन इस्त्राएली दे बारे च ओह ए बोल्दा ऐ, " में सारा दिन अपने हाथ इक आज्ञा ना मननेआली और विवाद करनेआली प्रजा की ओर पसारे रेहा। "

11 इसलेई में बोल्दा हां, क्या परमात्मा ने अपनी प्रजा गी त्यागी दिता ? कदे भी नहीं ! में भी ते इस्त्राएली हां; अब्राहम दे वंश और बिन्यामिन दे गोत्र बीचा हां। 2 परमात्मा ने अपनी उस प्रजा गी नहीं त्यागेया, जिसी उन पैहले ता जानेया। क्या तोहे नहीं जानदे कि पवित्रशास्त्र एलिथ्याह दे बारे च के बोल्दा ऐ, कि ओह इस्त्राएल दे विरोध च परमात्मा कन्ने विनती करदा ऐ ? 3 " हे प्रभु, उने तेरे नबियों की घात किता ऐ, और तेरी वेदियों गी ढा दिता ऐ; और में ही अकेला बचेया हां, और ओह मेरे प्राण दे भी खोजी ऐ। " 4 लेकिन परमात्मा ता उसी के उत्तर मिलेया ? " में अपने लेई सात हजार मनुखे गी रखेया ऐ, जिन्ने बाअल दे अग्रे घुटने नहीं टेके नए। " 5 ठीक इसी रीति कन्ने इस समय भी, अनुग्रह च चुने होए कुछ लोक बाकी ऐ। 6 अगर ए अनुग्रह कन्ने होया ऐ, ते फेर कर्मो कन्ने नहीं; नहीं ते अनुग्रह फेर अनुग्रह नहीं रेहा।

7 इसलेई परिणाम के होया ? ए कि इस्त्राएली जिदी खोज च ऐ, ओह उनेगी नहीं मिलेया; लेकिन चुने होए गी मिलेया, और शेष लोक कठोर किते गए।

8 जिन्ना लिखेया ऐ, " परमात्मा ने उनेगी आज दे दिन तक पारी नीदर च सोआली ओड़ेया ऐ, और ऐसी अख्खा दिती जेड़े ना दिखन और ऐसे कान जेड़े ना सुनन। "

9 और दाऊद बोल्दा ऐ, " उन्दा रुट्टी उन्दे लेई जाल और फन्दा, और ठोकर और दण्ड दा कारण होई जाए।

10 उन्दी अख्खे उप्पर नेरा छाई जाए ताकि ना दिखन, और तू सदा उन्दी पीठ गी चूकाईए रखे। "

11 आखिर: में बोलदा हां क्या उने इकलेई टोकर खादी कि डिगी पर ? कदे भी नेई ! लेकन उने गिरने दे कारण अन्यजातियों गी उध्दार मिलेया, कि उने जलन होए। 12 इसलेई अगर उन्दा गिरना जगत दे लेई धन और उन्दी घटी अन्यजातियों दे लेई सम्पति दा कारण होया, ते उन्दी भरपूरी कन्ने के कुछ नेई होग।

13 में तोहे अन्यजातियों गी ए बोलदा हां। जदू कि में अन्यजातियों दे लेई प्रेरित हां, ते में अपनी सेवा दी बड़ाई करदा हां, 14 ताकि किसे रीति कन्ने में अपने कुटुम्बियों च जलन पैदा करवाईये उन्दे बीचा कई इक दा उध्दार करावा। 15 क्योंकि जदू उन्दा त्याग दिता जाना जगत दे मिलाप दा कारण होया, ते क्या उन्दा ग्रहण किता जाना मरे होए बीचा जी उठने दे बराबर ना होए गा ? 16 जदू भेंट दा पैहला पेड़ा पवित्र ठहरेया, ते पूरा गुनेया होया आटा भी पवित्र ऐ; और जदू जड़ पवित्र ठहरी, ते डालियाँ भी ऐसी ही ऐ।

17 लेकन अगर कुछ डालियाँ तोड़ दिती गई, और तू जंगली जैतून होईये उन्दे छाटेया गया, और जैतून दी जड़ दी चिकनाई दा भागी होया ऐ, 18 ते डालियाँ उप्पर घमण्ड नेई करना; और अगर तू घमण्ड करगा ते जान लेया कि तू जड़ गी नेई परैन्त जड़ तुगी सम्भालदी ऐ। 19 फेर तू बोलना, " डालियाँ इसलेई तोड़ी गई कि में छाटेया जावा। " 20 ठीक ऐ, ओह ते अविश्वास दे कारण तोड़ी गई, लेकन तू विश्वास कन्ने बना रेना ऐ इसलेई अभिमानी ना हो, परैन्त डर मान, 21 क्योंकि जदू परमात्मा ने स्वाभाविक डालियाँ गी ना छोडेया ते तुगी भी नेई छोड़गा। 22 इसलेई परमात्मा दी दया और कड़ाई गी देख ! जेड़े डिगी गए उन्दे उप्पर कड़ाई, लेकन तेरे उप्पर दया, अगर तू उन्दे च बना रोगा, नेई ते तूगी कटी ओड़ना ऐ। 23 ओह भी अगर अविश्वास च ना रोग, ते छाने जाग; क्योंकि परमात्मा उनेगी फेर छटी सकदा ऐ। 24 क्योंकि अगर तू उस जैतून कन्ने, जेड़ा स्वभाव च जंगली ऐ, कटेआ गया और स्वभाव दे विरुद्ध अच्छे जैतून च छाटेया गया, ते ए जो स्वाभाविक डालियाँ ऐ, अपने ही जैतून च केली नेई छाटेया जाग।

25 हे पराओ, किथे ऐसा ना होए कि तोहे अपने आप गी बुद्धिमान समझी लो; इसलेई में नेई चाना कि तोहे इस भेद च अनजान रोवो कि जदू तक अन्यजातियों पूरी रीति कन्ने प्रवेश ना करी लेगे, अदू तक इस्राएल दा इक भाग ऐसा ही कठोर रोग। 26 और इस रीति कन्ने सारा इस्राएल उध्दार पाग। जिन्ना लिखेया ऐ, " छुड़ानेआला सिथ्योन बीचा आग, और अभक्ति गी याकूब च दूर करग; " 27 " और उन्दे कन्ने मेरी एही वाचा होए गी, जदू कि में उन्दे पापे गी दूर करी ओड़गा। " 28 सुसमाचार दे भाव कन्ने ते तुन्दे लेई ओह परमात्मा दे बैरी ऐ, लेकन चुने लेई जाने दे भाव च ओह बाप- दादों दे कारण प्यारे ही। 29 क्योंकि परमात्मा दे वरदान और बुलाहट अटल ऐ। 30 क्योंकि जिन्ना तोहे पैहले परमात्मा दी आज्ञा ना मनी, लेकन हुन उन्दे आज्ञा ना मनने कन्ने तुन्दे उप्पर दया होई; 31 इन्ना ही उने भी हुन आज्ञा ना मनी, कि तुन्दे उप्पर जो दया होंदी ऐ इदे कन्ने उन्दे उप्पर भी दया होए। 32 क्योंकि परमात्मा ने सारे गी आज्ञा उल्लंघन दा बन्धी बना रखेया ऐ, ताकि ओह सारे उप्पर दया करे।

33 आहा ! परमात्मा दा धन और बुद्धि और ज्ञान के ओ गंभीर ऐ ! उन्दे विचार किन्ना अथाह, और उदे मार्ग किन्ना अगम ऐ !

34 " प्रभु दी बुद्धि गी कुने जानेया ? या उदा मंत्री कौन होया ?

35 या कुने पैहले उसी कुछ दिता ऐ जिदा बदला उसी दिता जाए ? "

36 क्योंकि उसी दी ओर ता, और उसी दे द्वारा, और उसी दे लेई सारा कुछ ऐ। उदी महिमा युगानुयुग होंदी रए। अमीन।

12 इसलेई हे मेरे पराओ, में तोहे गी परमात्मा दी दया स्मरण दिलाईये विनती करदा हां कि अपने शरीर गी जीवित, और पवित्र, और परमात्मा गी भावता होया बलिदान करिये चढ़ाओ। एही तुन्दी आत्मिक सेवा ऐ। 2 इस संसार दे सदश ना बनो; लेकन तुन्दे मन दे नए होई जाने च तुन्दा चाल - चलन भी बदलदा जाए, जिदे च तोहे परमात्मा दी भली, और भावती, और सिध्द इच्छा अनुभव कन्ने मालूम करदे रोवो।

3 क्योंकि में उस अनुग्रह दे कारण जो मिगी मिलेया ऐ, तोहे गी हर इक गी बोलदा हां कि जिन्ना समझना चाहिदा उदे कोला जादा कोई भी अपने आप गी नेई समझे; लेकन जिन्ना परमात्मा ने हर इक गी विश्वास परिणाम दे अनुसार बंडी दिता ऐ, इन्ना ही सुबुद्धि दे कन्ने अपने आप गी समझो।

4 क्योंकि जिन्ना साड़ी इक देह च बड़े अंग नए, और सारे अंगों दा इक ही सा काम नेई; 5 इन्ना ही आहे जेड़े बड़े ऐ, मसीह च इक देह होईये आपस च इक दुए दे अंग नए। 6 जदू कि उस अनुग्रह दे अनुसार जेड़ा सानु दिता गया ऐ, सानु तरह - तरह दे वरदान मिले नए, ते जिसी भविष्यवाणी दा दान मिलेया, ओह विश्वास दे परिणाम दे अनुसार भविष्यवाणी करे; 7 अगर सेवा करने दा दान मिलेया होए, ते सेवा च लगे रोवो; यदि कोई सिखाने आला होए, ते सिखाने च लगे रोवो; 8 जेड़ा उपदेशक होए, ओह उपदेश देने च लगे रहे; दान देनेआला उदारता कन्ने दे; जेड़ा अगुआई करे, ओह उत्साह कन्ने करे; जेड़ा दया करे, ओह हर्ष कन्ने करे।

9 प्रेम निष्कपट होए; बुराई कन्ने घृणा करो; पलाई च लगे रोवो। 10 भाईचारे दे प्रेम कन्ने इक दुए कन्ने प्यार रखो; परस्पर आदर करने च इक दुए कन्ने अग्रे चलो। 11 प्रयत्न करने च आलसी ना होए; आत्मिक उन्माद च परे रोवो; प्रभु दी सेवा करदे रोवो। 12 आशा च खुश रोवो; क्रोध च स्थिर रोवो; प्रार्थना च लगातार लगे रोवो। 13 पवित्र लोके गी जो कुछ जरूर होए, उदे च उन्दी सहायता करो; मदत करने च लगे रोवो।

14 अपने सताने आले गी आशीष दो; आशीष दो स्ताव ना देयो।

15 आनन्द करने आले दे कन्ने आनन्द करो, और रोनेआले दे कन्ने रोवो।

16 आपस च इक मन रखो; बयेमान ना होवो, परैन्त दोनों दे कन्ने संगति रखो; अपनी नजर च बुद्धिमान ना होवो। 17 बुराई दे बदले किसे कन्ने बुराई करो; जो गल्ला सारे लोके दे कोल ठीक ऐ उदी चिन्ता करेया करो। 18 जित्थे तकर होई सके, तोहे भरसक सारे मनुखे दे कन्ने मेल मिलाप रखो। 19 हे प्रियो, बदला नेई लेना, परैन्त परमात्मा दे क्रोध गी अवसर देयो, क्योंकि लिखेया ऐ, " बदला लेना मेरा काम ऐ, प्रभु बोलदा ऐ में ही बदला लेना ऐ। " 20 लेकन " अगर तेरा बैरी पूखा होए ते उसी खाना खिलाओ, यदि प्यासा होए ते उसी पानी पिलाओ; क्योंकि ऐसा करने कन्ने तू उदे सिर उप्पर आग दे अंगारों दा ढेर लगाग। " 21 बुराई कन्ने ना हरो, लेकन पलाई कन्ने भलाई गी जीती लो।

13 हर इक मनुख शासकीय अधिकारियों दे अधीन रोवो, क्योंकि कोई अधिकार ऐसा नेई जेड़ा परमात्मा दी ओर ता ना होए; और जेड़ा अधिकार ऐ, ओह परमात्मा दे ठहराए होए नए। 2 इसलेई जेड़ा कोई अधिकार दा विरोध करदा ऐ, ओह परमात्मा दी विधि दा सामना करदा ऐ, और सामना करनेआले दण्ड पान गए। 3 क्योंकि हाकिम अच्छे काम दे नेई, लेकन बुरे काम दे लेई डर दा कारण ऐ; आखिर: अगर तू हाकिम कन्ने निडर रेना चान्दा ऐ, ते ठीक काम कर, और उदी ओर ता तेरी सराहना होग; 4 क्योंकि ओह तेरी पलाई दे लेई परमात्मा दा सेवक ऐ। लेकन अगर तू बुराई करगा, ते डर, क्योंकि ओह तलवार व्यर्थ लेई नेई; और परमात्मा दा सेवक ऐ कि उदे क्रोध दे अनुसार बुरे काम करनेआले गी दण्ड दे। 5 इसलेई अधीन रेना ना केवल उस क्रोध दे डर कन्ने जरूर ऐ, और दिन भी एही गवाही दिंदा ऐ। 6 इसलेई करी भी दो क्योंकि शासन करने आले परमात्मा दे सेवक नए और सदा इसी काम च लगे रेंदे नए। 7 इसलेई जिसी जो देना ऐ उसी देयो; जिसी कर चाही दा ऐ उसी कर चुकाओ, जिसी चुंगी चाही दी ऐ उसी चुंगी देयो; जिसी डरना चाही दा ऐ उदे कोला डरो; जिस दा आदर करना ऐ उदा आदर करो।

8 आपस दे प्रेम गी छोड़िये और किसे गल्ल च किसे दे कर्जदार ना हो; क्योंकि जो दुए कन्ने प्रेम रखदा ऐ, उन गे व्यवस्था पूरी किती ऐ। 9 क्योंकि ए कि " व्यभिचारी नेई करना, हत्या नेई करना, चोरी नेई करना, लालच नेई करना, " और इने गी छोड़ और कोई भी आज्ञा होए ते सारे दा सारांश इस गल्ल च पाया जन्दा ऐ, " अपने पड़ोसी कन्ने अपने समान प्रेम रख। " 10 प्रेम पड़ोसी दी कुछ बुराई नेई करदा, इसलेई प्रेम रखना व्यवस्था गी पूरा करना ऐ।

11 समय गी पहिचानिये ऐसा ही करो, इसलेई कि हुन तुन्दे लेई निंदर च जागी उठने दी कड़ी आ पूजी ऐ; क्योंकि जिस समय आह विश्वास किता ही, उस समय दे विचार कन्ने हुन साड़ा उध्दार कोल ऐ। 12 रात बड़ी होई गई ऐ, और दिन निकलने उप्पर ऐ; इसलेई आह नेरे दे कमे गी त्यागी ऐ ज्योति दे हथियार बनी ले। 13 जिन्ना दिन गी शोभा दिंदा ऐ, इन्ना ही आहे सीधी चाल चलिये, ना कि लीला - क्रीड़ा और पियक्कड़पन कन्ने, ना व्यभिचारी और

लुचपन कन्ने, और ना झगड़े और डाह कन्ने। 14 और प्रभु यीशु मसीह गी पाई लो, और शरीर दी अभिलाषाओं गी पूरा करने दा उपाय ना करेयो।

14 जेड़ा विश्वास च निर्बल ऐ, उसी अपनी संगति च लेई लो, लेकन उदी शंकाओं उप्पर विवाद करने दे लेई नेई। 2 इक गी विश्वास ऐ कि सारा कुछ खाना ठीक ऐ लेकन जेड़ा विश्वास च निर्बल ऐ ओह साग पात ही खानदा ऐ। 3 खानेआले ना - खानेआले गी तुच्छ नेई जांदे, और ना खानेआले खाने आले उप्पर दोष नेई लगान; क्योंकि परमात्मा ने उसी ग्रहण किता ऐ। 4 तू कौन ऐ जो दुए दे सेवक उप्पर दोष लगान्दा ऐ? उदा ठीक रेना या गिर जाना उदे स्वामी ही च सम्बन्ध रखदा ऐ; लेकन ओह ठीक ही कर दिता जाग, क्योंकि प्रभु उसी ठीक रख सकदा ऐ।

5 कोई ते इक दिन गी दुए कन्ने कोला ज्यादा मनदा ऐ, और कोई सारे दिने गी इक समान मनदा ऐ। हर इक अपने ही मन च जरूर करी ले। 6 जेड़ा किसे दिन गी मनदा ऐ, ओह प्रभु दे लेई मनदा ऐ। जेड़ा खन्दा ऐ, ओह प्रभु दे लेई खन्दा ऐ, क्योंकि ओह परमात्मा दा धन्यवाद करदा ऐ, और जेड़ा नेई खन्दा, ओह प्रभु दे लेई नेई खन्दा और परमात्मा दा धन्यवाद करदा ऐ। 7 क्योंकि साड़े बीचा ना ते कोई अपने लेई जिन्दा ऐ और ना कोई अपने लेई मरदा ऐ। 8 अगर आहे जीवित ऐ, ते प्रभु दे लेई जीवित ऐ; और अगर मरदे नए, ते प्रभु दे लेई मरदे नए; आखिर आहे जिचे या मरचे, आहे प्रभु दे गे ऐ। 9 क्योंकि मसीह इसी लेई मरेया और जी भी उठेया कि ओह मरे होए बीचा और जीवतों दोनों दा प्रभु होए।

10 तू अपने परा उप्पर क्यों दोष लगान्दा ऐ? या तू फेर क्यों अपने परा गी तुच्छ जान्दा ऐ? आहे सारे दे सारे परमात्मा दे न्याय सिंहासन दे सामने खड़े हान गए।

11 क्योंकि लिखेया ऐ, प्रभु बोल्दा ऐ, मेरे जीवन दी सौगन्ध कि हर इक घुटना मेरे सामने टेकग, और हर इक जीभ परमात्मा गी अंगीकार करग। "

12 इसलेई साड़े बीचा हर इक परमात्मा गी अपना अपना लेखा देग।

13 आखिर अग्गे गी आहे इक दुए उप्पर दोष ना लगाओ, लेकन तोहे ए ठानी लो कि कोई अपने परा दे सामने ठेस या ठोकर खाने दा कारण ना रखेयो। 14 में जान्दा हां और प्रभु यीशु च मिगी ऐसा होया ऐ कि कोई वस्तु अपने आप कन्ने अशुध्द नेई, लेकन जेड़ा उसी अशुध्द समझदा ऐ उदे लेई अशुध्द ऐ। 15 अगर तेरा परा तेरे रुट्टी दे कारण उदास होंदा ऐ, ते फेर तू प्यार दी रीति कन्ने नेई चलदा; जिदे कन्ने मसीह मरेया, उसी तू अपने रुट्टी दे द्वारा खराब ना कर। 16 आखिर तुन्दे लेई जो ठीक ऐ उदी निन्दा ना होई सके। 17 क्योंकि परमात्मा दा राज्य खाना - पीना नेई, लेकन धर्म और मेल - मिलाप और ओह आनन्द ऐ जो पवित्र आत्मा कन्ने होंदा ऐ। 18 जेड़ा कोई इस रीति कन्ने मसीह दी सेवा करदा ऐ, ओह परमात्मा गी भान्दा ऐ और मनुखे च ग्रहणयोग्य ठहरदा ऐ। 19 इसलेई आहे उने गल्ले च लगे रेए जिदे कन्ने मेल - मिलाप और इक दुए दा सुधार होए। 20 रुट्टी दे लेई परमात्मा दा काम ना बिगाड़। सारा कुछ शुध्द ते ऐ, लेकन उस मनुख दे लेई बुरा ऐ जिसे उदे रुट्टी कन्ने ठोकर लगदी ऐ। 21 पला ते ए ही कि तू न मांस खाया और ना दाखरख पिया, ना और कुछ ऐसा करेया जिदे कन्ने तेरा परा ठोकर खाग। 22 तेरा जो विश्वास होए, उसी परमात्मा दे सामने अपने ही मन च रख। धन्य ऐ ओह जो उस गल्ले च, जिदे कन्ने ओह ठीक समझदा ऐ, अपने आप गी दोषी नेई ठहरान्दा। 23 लेकन जो सन्देह करी ए खन्दा ऐ ओह दण्ड दे योग्य ठहर चुकेया, क्योंकि ओह विश्वास कन्ने नेई खानदा; और जो कुछ विश्वास कन्ने नेई, ओह पाप ऐ।

15 आखिर आहे बलवानों गी चाही दा ऐ कि निर्बलों दी निर्बलताओं गी सेन, ना कि अपने आप गी खुश करें। 2 साड़े बीचा हर इक अपने पड़ोसी गी उदी पलाई दे लेई खुश करे कि उदी उन्नति होए। 3 क्योंकि मसीह ने अपने आप गी खुश नेई किता, लेकन जिन्ना लिखेया ऐ: " तेरे निन्दकों दी निन्दा मिगी सेनी पेई। " 4 जिन्नी गल्ला पैहले ता लिखी गई, ओह साड़ी ही शिक्षा दे लेई लिखी गई ऐ कि आहे धीरज और पवित्रशास्त्र दे प्रोत्साहन द्वारा आशा रखन। 5 धीरज और शान्ति दा दाता परमात्मा तोहे गी ए वरदान दे कि मसीह यीशु दे अनुसार आपस च इक मन रहे। 6 ताकि तोहे इक मन और इक स्वर च साड़े प्रभु यीशु मसीह दे पिता परमात्मा दी स्तुति करो।

7 इसलेई जिन्ना मसीह ने परमात्मा दी महिमा दे लेई तोहे गी ग्रहण किता ऐ, इन्ना ही तोहे भी इक दुए गी ग्रहण करो। 8 इसलेई में बोल्दा हां कि जो प्रतिज्ञाएँ, बाप - दादों गी दिती गई ही उने मजबूत करने दे लेई मसीह, परमात्मा दी सच्चाई दा प्रणाम देने दे लेई, खतना किते होए लोके दा सेवक बनेया; 9 और अन्यजातीय भी दया दे कारण परमात्मा दी स्तुति करो; जिन्ना लिखेया ऐ, " इसलेई में जाति - जाति च तेरा धन्यवाद करगा, और तेरे नाम दे भजन गागा। "

10 फेर बोल्दा ऐ, " हे जाति जाति दे सारे लोक, उदी प्रजा दे कन्ने आनन्द करो। "

11 और फेर, " हे जाति - जाति दे सारे लोक, प्रभु दी स्तुति करो; और हे राज्य राज्य दे सारे लोक, उसी सराहो। "

12 और फेर यशयाह बोल्दा ऐ, " यिश्दी दी इक जड़ प्रगट होग, और अन्यजातियों दा हाकिम होने दे लेई इक उठग, उदे उप्पर अन्यजातियां आशा रखन गी। "

13 परमात्मा जेड़ा आशा दा दाता ऐ तोहे गी विश्वास करने च सारे प्रकार दे आनन्द और शान्ति कन्ने परिपूर्ण करे, कि पवित्र आत्मा दी सामर्थ्य कन्ने तुन्दी आशा बढ़दी जाग।

14 हे मेरे पराओ, में आपु तुन्दे बारे च जरूर जान्दा हां कि तोहे भी आप ही पलाई कन्ने परे और ईश्वरीय ज्ञान कन्ने भरपूर हो, और इक दुए गी चिता सकदे हो। 15 फेर भी में किते - किते याद दिलाने दे लेई तोहे गी जो बड़ा साहस करिये लिखेया। ए उस अनुग्रह दे कारण होया जो परमात्मा ने मिगी दिता ऐ, 16 कि में अन्यजातियों दे लेई मसीह यीशु दा सेवक होईये परमात्मा दे सुसमाचार दी सेवा याजक दे समान करा, जिदे कन्ने अन्यजातियों दा मनो चढ़ाया जाना, पवित्र आत्मा कन्ने पवित्र बनिये ग्रहण किता जाए। 17 इसलेई उन गल्ले दे बारे च जो परमात्मा कन्ने सम्बन्ध रखदी ऐ, में मसीह यीशु च बड़ाई करी सकदा हां। 18 क्योंकि उन गल्ले गी छोड़िये मिगी और किसे गल्ले दे बारे बोलने दा साहस नेई, जो मसीह ने अन्यजातियों दी अधीनता दे लेई वचन, और कर्म, 19 और निशान, और अद्भुत कमे दी सामर्थ्य कन्ने, और पवित्र आत्मा दी सामर्थ्य कन्ने मेरे ही द्वारा किते; इत्थे तकर कि में यरुशलेम च लेईये चारों ओर इल्लुरिकुम तक मसीह दे सुसमाचार दा पूरा पूरा प्रचार किता। 20 लेकन मेरी मन दी उमंग ए ही कि जित्थे जित्थे मसीह दा नाम नेई लेता गया, उत्थे सुसमाचार सुनावा ऐसा ना होए कि दुए दी नीव उप्पर कार बनावा। 21 लेकन जिन्ना लिखेया ऐ इन्ना ही होए, " जिन्ने गी उदा सुसमाचार नेई पूजेया, ओह ही दिखन गए, और जिन्ने नेई सुनेया ओह ही समझन गए। "

22 इसलेई में तुन्दे कोल आने च बार - बार रुका रेहा ही। 23 लेकन हुन इन देशों च मेरे कार्य दे लेई और जगह नेई रही, और बड़े साले च मिगी तुन्दे कोल आने दी लालसा ऐ। 24 लेखन हुन इन प्रदेशों च मेरे लेई कोई जगह नेई रेही, ओर बड़े साले च मेरी ए लालसा रेई ऐ कि स्पेन जान्दे समय तुन्दे कोल आवा। मिगी आशा ऐ कि में तुन्दे इदर में होंदे जागा कि तुन्दी संगति दा क्षण भर आनन्द उठागा और तोहे मिगी कुछ दूर अग्गे पहुचाई ओड़यो, 25 लेकन हुन ते में पवित्र लोके दी सेवा करने दे लेई यरुशलेम गी जान्दा हां।

26 क्योंकि मकिदुनिया और अखया दे लोके गी ए ठीक लगेया कि यरुशलेम दे पवित्र लोके च निर्धनों दे लेई कुछ चन्दा करिये। 27 उने ठीक ते लगेया, लेकन ओह उन्दे कर्जदार भी ऐ, क्योंकि अगर अन्यजातीय उन्दी आत्मिक गल्ले च भागी होए, ते उने भी उचित ऐ कि शरीरिक गल्ले च उन्दी सेवा करो। 28 इसलेई में ए काम पूरा करिये और उनेगी ए चन्दा सौपिये तुन्दे कोल होंदा होया स्पेन गी जागा। 29 और में जान्दा हां कि जदू में तुन्दे कोल आगा, ते मसीह दी पूरी आशीष दे कन्ने आगा।

30 हे पराओ, साड़े प्रभु यीशु मसीह दे और पवित्र आत्मा दे प्रेम डा स्मरण दिलाये में तेरे अग्गे विनती करदा हां, मेरे लेई परमात्मा कन्ने प्रार्थना करने च मेरे कन्ने मिलिए लोलीन रवो 31 कि में यहूदिया दे अविश्वासियों कोला बचा रवा, और मेरी ओह सेवा जो यरुशलेम दे लेई ऐ, पवित्र लोके गी भाए;

32 और में परमात्मा दी इच्छा कन्ने तुन्दे कोल आनन्द दे कन्ने आईये तुन्दे कन्ने विश्राम पावा। 33 शान्ति दा परमात्मा तोहे सारे दे कन्ने रहे। आमीन।

16 में तेरे कन्ने फीबे दे लेई जेड़ी मेरी पैन और किखिया दी कलीसिया दी सेविका ऐ, विनती करदा ऐ 2 कि तोहे, जिन्ना कि पवित्र लोके गी

चाही दा ऐ, उसी प्रभु च ग्रहण करो; और जिस किसे गल्ल च उसी तेरी जरूरत होग, उदी सहायता करो, क्योंकि ओह भी बड़े दी और मेरी भी उपकार करनेआली रही ऐ।

3 प्रिस्का और अक्विला गी जो मसीह यीशु च मेरे सहकर्मी ऐ, नमस्कार। 4 उने मेरे प्राण दे लेई अपना ही जीवन जोखिम च पाई दिता गया; और केवल च ही नेई, और अन्यजातियों दी सारी कलीसियाएं भी उन्दा धन्यवाद करदी ही। 5 उस कलीसिया गी भी नमस्कार जो उन्दे कार च ऐ। मेरे प्रिय इपैनितुस गी, जो मसीह दे लेई आसिया दा पैहला फल ऐ, नमस्कार। 6 मरियम गी, जिन्ने तुन्दे लेई बड़ा परिक्षम किता, नमस्कार। 7 अन्दरूनीकुस और युनियास गी जो मेरे कुटुम्बी ऐ, और मेरे कन्ने कैदी होए ही और प्रेरितों च नामी ऐ, और मेरे कोला पैहले मसीही होए ही, नमस्कार। 8 अम्पलियातुस गी, जेड़ा प्रभु च मेरा प्रिय ऐ, नमस्कार। 9 उरबानुस गी, जेड़ा मसीह च साड़ा सहकर्मी ही, और मेरे प्रिय इस्तखुस गी नमस्कार। 10 अपिल्लेस गी जेड़ा मसीह च खरा निकलेया, नमस्कार। अरिस्तुबुलुस दे घराने गी नमस्कार। 11 मेरे कुटुम्बी हेरोदियोन गी नमस्कार। नरकिस्सुस दे घराने दे जेड़े लोक प्रभु च ऐ, उनेगी नमस्कार। 12 त्रूफेना और त्रूफोसा गी जेड़ा प्रभु च परिश्रम करदी ऐ, नमस्कार। प्रिय पिरसिस गी, जिन्ने प्रभु च बड़े परिश्रम किता, नमस्कार। 13 रूफुस गी जेड़ा प्रभु च चुनेया होया ही और उदी माता गी, जेड़ी मेरी भी माता ऐ, दोनों गी नमस्कार। 14 असुंक्रितुस और फिलगोन और हिर्मेस और पत्रुबास और हिर्मास और उन्दे कन्ने दे पराओ गी नमस्कार। 15 फिलुलुगुस और यूलिया और नेर्युस और उदी पैन, और उलुम्पास और उन्दे कन्ने दे सारे पवित्र लोके गी नमस्कार। 16 आपस च पवित्र चुम्बन कन्ने

नमस्कार करो। तोहे गी मसीह दी सारी कलीसियाओं दी ओर ता नमस्कार।

17 हुन हे पराओ, में तुन्दे कन्ने विनती करदा हां, कि जेड़े लोक उस शिक्षा दे विपरीत, जेड़ी तू पाई ऐ, फूट पाने और ठोकर खिलाने दा कारण होंदा ऐ, उनेगी ताड़ लेया करो और उन्दे कोला दूर रोवो। 18 क्योंकि ऐसे लोक साड़े प्रभु मसीह दी नेई, परैन्त अपने पेट दी सेवा करदे नए; और चिकनी चुपड़ी गल्ले च सीधे – सादे मन दे लोके गी बहका दिंदे नए। 19 तुन्दी आज्ञा मनने दी चर्चा सारे लोके च फैली गई ऐ, इसलेई में तुन्दे बारे च आनन्द करदा हां, लेकन में ए चाना हां कि तोहे पलाई दे लेई बुद्धिमान परैन्त बुराई दे लेई भोले बने रोवो। 20 शान्ति दा परमात्मा शैतान गी तुन्दे पैर च जल्दी चुकाग।

साड़े प्रभु यीशु मसीह दा अनुग्रह तुन्दे उप्पर होंदा रहे।

21 मेरे सहकर्मी तीमुथियुस दा, और मेरे कुटुम्बियों लुकियुस और यासोन और सोसिपत्रुस दा तोहे गी नमस्कार। 22 मिगी पत्री दे लिखनेआले तिरतियुस दा, प्रभु च तोहे गी नमस्कार। 23 गयुस जो मेरी और कलीसिया दी पहुनाई करनेआला ऐ, उदा तोहे गी नमस्कार। इरास्तुस जो नगर दा भण्डारी ऐ, और परा क्वारतुस दा तोहे गी नमस्कार। 24 [साड़े प्रभु यीशु मसीह दा अनुग्रह तुन्दे उप्पर होंदा रहे। आमीन।]

25 हुन जो तुगी मेरे सुसमाचार और यीशु मसीह दे संदेह दे प्रचार दे अनुसार ठीक करी सकदा ऐ, उस भेद दे प्रकाश दे अनुसार जो सन्तान च छिपेया रेहा, 26 लेकन हुन प्रगट होईये सनातन परमात्मा दी आज्ञा कन्ने नबियें दी किताबे दे द्वारा सारे जातियों गी दसेया गया ऐ कि ओह विश्वास कन्ने आज्ञा मनने आले होई जान, 27 उसी इक मात्र बुद्धिमान परमात्मा दी यीशु मसीह दे द्वारा युगानुयुग महिमा होंदी रहे ! आमीन।

1 कुरिन्थियों

1 पोलुस कोलां जेड़ा परमात्मा दी इच्छा कोलां यीशु मसीह दा प्रेरित होने गी बलाया गया सोस्थिनेस कोलां 2 परमात्मा दी ओस कलीसिया दे नां जेड़ी कुरिन्थुस बीच ऐ, मतलब उंदे नां जेड़े मसीह यहिसू च पवित्र किते गेदे, ते पवित्र ओने आस्ते बलाए गे न; ते उंदे सारे दे नां भी जेड़े हर जगह साडे ते अपने प्रभु यीशु मसीह दे नां कन्ने प्रार्थना करने आं।

3 साडे पिता परमात्मा ते प्रभु यीशु मसीह कोलां तुसँ अनुग्रह ते शान्ति मिलदी रवे।

4 मैं तुंदे बारे च अपने परमात्मा दा धन्रवाद मेशां करना ऐ, इसे आस्ते के परमात्मा दा ए अनुग्रह तुंदे उप्पर मसीह यीशु च ओया 5 के ओस च ओइए तुस हर गल्ल च, मतलब सारे बचन ते सारे ज्ञान च सोखे किते गे - 6 के मसीह दी गुआइ तुंदे च पक्की निकले 7 इत्थें तकर के किसे भी बरदान च तुसँ कटी नेईऐ, ते तुस साडे प्रभु यीशु मसीह दे प्रगत ओने गी बलगदे रोंदे ओ। 8 ओह तुसँ आखर तकर मजबूत भी करग के तुस साडे प्रभु यीशु मसीह दे दिन नर्दोश ठैरो। 9 परमात्मा सच्चा ऐ, जेस ने तुसँ अपने पुत्तर प्रभु यीशु मसीह दी संगत बीच बलाए दा ऐ।

10 ए प्राओ, मैं तुंदे कन्ने साडे प्रभु यीशु मसीह दे नां कन्ने विनती करना ऐ के तुस सारे इक गे गल्ल आखो, ते तुंदे बीच फूट नेई पवे, लेकन इक गे मन ते इक गे मत ओइए मिले रवो। 11 की के ए मेरे प्राओ, खलोए दे घराने दे लोकें मीगी तुंदे बारे च सनाया ऐ के तुंदे बीच लड़ाईयां उआ दीयां न। 12 मेरे बोलने दा मतलब ए ऐ के तुंदे बीचा कोई ते अपने आप गी "पोलुस दा," कोई अपुलोस दा," कोई कैफा दा," ते कोई "मसीह दा" आखदा ऐ। 13 के मसीह बंडोई गया ? के पोलुस तुंदे आस्ते कूस उप्पर चढ़ाया गया ? जां तुसँ पोलुस दे नां उप्पर बपतिस्मा मिलया ? 14 मैं परमात्मा दा धन्रवाद करना ऐ के क्रिस्पुस ते गयुस गी छोड़ीए मैं तुंदे बीचा कुसे गी भी बपतिस्मा नेई दीता। 15 कुते ऐसा नेई ओए के कोई आखे के तुसँ मेरे नां उप्पर बपतिस्मा मिलया। 16 ते हां, मैं स्तिफनास दे घराने गी भी बपतिस्मा दीता; इन्हें छोड़ीए मैं नेई जानना के मैं और कुसे गी बपतिस्मा दीता। 17 की के मसीह ने मीगी बपतिस्मा देने आस्ते नेई, बरना सुसमाचार सनाने आस्ते पेजेदा ऐ, ते ए भी शब्दें दे ज्ञान दे मताबक नेई, ऐसा नेई ओए के मसीह दा कूस बेकार ठैरे।

18 की के कूस दी कथा नाश ओने आलें आस्ते बेवकूफी ऐ, लेकन आस उद्धार पाने आलें आस्ते परमात्मा दी समर्थ ऐ।

19 की के लिखे दा ऐ, "मैं ज्ञानवाने दे ज्ञान गी नाश करगा, ते समझदारें दी समझ गी तुच्छ करी देगा।"

20 कुत्थें रेया ज्ञानवान ? कुत्थें रेया शास्त्री ? कुत्थें रेया एस संसार दा विवादी ? के परमात्मा ने संसार दे ज्ञान गी बेवकूफी नेई ठैराया ? 21 की के जेस ले परमात्मा दे ज्ञान दे मताबक संसार ने ज्ञान कन्ने परमात्मा गी नेई जानया, ते परमात्मा गी ए अच्छा लगया के एस चाली दी मुखता दे द्वारा बिश्वास करने आलें गी उद्धार दीये। 22 यहूदी ते चिन्न चांदे न, ते यूनानी ज्ञान दी खोज च न, 23 लेकन आस ते ओस कूस उप्पर चढ़ाए दे मसीह दा प्रचार करनेयां न, जेड़ा यहुदियें आस्ते ठोकर दा कारण ते बखरी जातियें आस्ते बेवकूफी ऐ; 24 लेकन जेड़े बलाए दे न, के यहूदी के यूनानी, उंदे कोल मसीह परमात्मा दी समर्थ ते परमात्मा दा ज्ञान ऐ। 25 की के परमात्मा दी बेवकूफी मनुखें दे ज्ञान कोलां ज्ञानवान ऐ, ते परमात्मा दी कमजोरी मनुखें दी ताकत कोलां मती तगड़ी ऐ।

26 ए प्राओ, अपने बलाए जाने गी ते सोचो के ना शरीर दे मताबक मते ज्ञानआले, ते ना मते समर्थ, ते ना मते कुलीन बलाए गे। 27 लेकन परमात्मा ने संसार दे बेवकुफें गी चुनी लेता ऐ के ज्ञानआलें गी शर्मिदा करे, ते परमात्मा

ने संसार दे कमजोरें गी चुनी लेता के जोरेआलें गी शर्मिदा करे; 28 ते परमात्मा ने संसार दे नीचे गी ते तुछें गी, बरना जेड़े ऐ भी नेइयें उन्हें गी भी चुनी लेता के जेड़े ऐन, बेकार ठहरा। 29 तां जे कोई प्राणी परमात्मा दे सामने घमंड नेई करी सक्के। 30 लेकन उसे कोलां तुस मसीह यीशु च ओ, जेड़ा परमात्मा कोलां साडे आस्ते ज्ञान ठैरया, मतलब धर्म, ते पवित्रता ते छुटकारा; 31 तां जे जिय्यां लिखे दा ऐ, उय्यां गे उए, "जेड़ा घमंड करे ओह प्रभु च घमंड करे।"

2 ए प्राओ, जेस ले मैं परमात्मा दा भेद सनादे ओई तुंदे कोल आया, ते शब्दें जां ज्ञान दी उच्चता दे कन्ने नेई आया। 2 की के मैं ठानी लेता हा के तुंदे बीच यीशु मसीह बरना कूस उप्पर चढ़ाए दे मसीह गी छुड़ीये और किसे गल्ल गी नेई जानां। 3 मैं कमजोरी ते डर कन्ने, ते मता थरथरांदा तुंदे कन्ने रेया; 4 ते मेरे वचन, ते मेरे प्रचार बीच ज्ञान गी लुभाने आली गल्लां नेई लेकन आत्मा ते समर्थ दा प्रमाण हा, 5 इसे आस्ते के तुदा बिश्वास, मनुखें दे ज्ञान उप्पर नेई, लेकन परमात्मा दी समर्थ उप्पर निर्भर रवे।

6 फिरी भी आस सिद्ध लोकें च ज्ञान सनानेयां, लेकन एस संसार दा ते एस संसार दे नाश ओने आले हकिमें दा नेई; 7 लेकन आस परमात्मा दा ओह गुप्त ज्ञान, भेद दी रिती उप्पर सनानेयां न, जिसी परमात्मा ने शुरु (सनातन) कोलां साड़ी महिमा आस्ते ठैराया। 8 जिसी एस संसार दे हाकिमें बीचा किसे भी नेई जानया, की के जे ओह जानदे ते तेजोमय प्रभु कूस उप्पर नेई चड़ांदे।

9 लेकन जिय्यां लिखे दा ऐ, "जेड़ीयां गल्लां अर्खीं नेई दिखियां ते कने नेई सुनियां, ते जेड़ीयां गल्लां इन्सान दे याद बीच नेई चड़ीयां, उए ऐन जेड़ीयां परमात्मा ने अपने प्रेम रखने आले आस्ते तेयार किती दीयां न।"

10 लेकन परमात्मा ने उन्हें अपनी आत्मा दे द्वारा साडे उप्पर प्रकट किता, की के आत्मा सारियां गल्लां, बरना परमात्मा दी गुड़ी गल्लां भी जांचदा ऐ। 11 मनुखें चा कुन्न किसे मनुख दी गल्लां जानदा ऐ, सिर्फ मनुख दी आत्मा जेड़ी ओस च ऐ ? उय्यां गे परमात्मा दीयां गल्लां भी कोई नेई जनदा, सिर्फ परमात्मा दा आत्मा। 12 लेकन असें संसार दी आत्मा नेई, लेकन ओह आत्मा पाई ऐ जेड़ी परमात्मा कोलां ऐ के आस उन गल्लें गी जानचे जेड़ीयां परमात्मा ने असें दितीयां न। 13 जिन्हें आस मनुखें दे ज्ञान दी सखाई ओई गल्लें च नेई, लेकन आत्मा दी सखाई ओई गल्लें च, आत्मिक गल्लां आत्मिक गल्लें च मलाई मलाईये सनाने न। 14 लेकन शरीरिक मनुख परमात्मा दे आत्मा दीयां गल्लां ग्रैन नेई करदा, की के ओह ओस दी नजर च मुख आली गल्लां न, ते न ओह उन्हें जानी सकदा ऐ की के उंदी जांच आत्मिक रिती कन्ने ओंदी ऐ। 15 आत्मिक जन सारा किश जांचता ऐ, लेकन ओह अपुं किसे कोलां जांचा नेई जंदा। 16 "की के प्रभु दा मन केस ने जाना ऐ के उसी सखा ?" लेकन साडे च मसीह दा मन ऐ।

3 ए प्राओ, मैं तुंदे कन्ने एस चाली गल्लां नेई करी सकया जिय्यां आत्मिक लोकें कन्ने, लेकन जिय्यां शरीर दे लोकें कन्ने, ते उंदे कन्ने जेड़े मसीह बच्चे न। 2 मेज तुसँ दूध पलाया, नाज नेई खलाया; की के तुस उसी नेई खाई सकदे हे; बरना अर्य्य तकर भी नेई खाई सकदे ओ, 3 की के अर्य्य तकर शरीर दे ओ। इसे आस्ते के जेस ले तुंदे बीच डाह ते लड़ाई ऐ, ते के तुस शरीरिक नेई ? ते के मनुख दी रिती उप्पर नेई चलदे ? 4 की के जेस ले इक आखदा ऐ, "मैं पोलुस दा ऐ," ते दुआ, मैं अपुलोस दा ऐ," ते के तुस मनुख नेई ?

5 अपुलोस के ऐ ? ते पोलुस के ऐ ? सिर्फ सेवक, जिंदे द्वारा तुसँ विश्वास किता, जिय्यां हर इक गी प्रभु ने दिता। 6 मैं लाया, अपुलोस ने घालया, लेकन परमात्मा ने बदाया। 7 इसे आस्ते ते ना गे लाने आला किश ऐ ते ना

घालने आला, लेकिन परमात्मा गे सारा किश ऐ जेड़ा बदाने आला ऐ। 8 लाने आला ते घालने आला दमें इक गे न; लेकिन हर इक मनुख अपनी मेनत दे मताबक अपनी गे मजदूरी पाग। 9 की के आस परमात्मा दे सैकर्मो न; तुस परमात्मा दी खेती ते परमात्मा दी रचना ओ।

10 परमात्मा दे ओस अनुग्रह दे मताबक जेड़ा मिगी दित्ता गया, मैं झाक आले मिस्त्री जेई नीह पाई, ते दुआ ओस उप्पर रद्दा रखदा ऐ। लेकिन हर इकमनुख चकन्ना रवे के ओह ओस उप्पर कनेया रद्दा रखदा ऐ। 11 की के ओस नीह गी छडीये जेड़ी पेदी ऐ, ते ओह यीशु मसीह ऐ, कोई दुई नीह नेई पाई सकदा। 12 जे कोई एस नीह उप्पर सोना जां चांदी जां मंगे पत्थर जां काठ जां घा जां फूस दा रद्दा रखे, 13 ते हर इक दा कम्म प्रकट ओई जाग; की के ओह दिन उसी सनाग, इसे आस्ते के अग्गी कन्ने प्रकट ओग ते ओह अग्ग हर इक दा कम्म परखग के कनेया ऐ। 14 जेस दा कम्म ओस उप्पर बने दा टिका रोग, ओह मजदूरी पाग। 15 जे किसे दा कम्म जली जाग, ते ओह नुस्कान चुकग; लेकिन ओह अप्पु बची जाग लेकिन जलदे जलदे।

16 के तुस नेई जानदे के तुस परमात्मा दा मंदिर ओ, ते परमात्मा दा आत्मा तुंदे च वास करदा ऐ, 17 जे कोई परमात्मा दे मंदिर गी नाश करग ते परमात्मा उसी नाश करग; की के परमात्मा दा मंदिर पवित्र ऐ, ते ओह तुस ओ।

18 कोई अपने आप ई तोखा नेई दीए। जे तुंदे बीचा कोई एस संसार च अपने आप गी ग्यानी समझे, ते मुख बने के ग्यानी बनी जा। 19 की के एस संसार दा ज्ञान परमात्मा दे कोल मुखता ऐ, जिय्यां लिखे दा ऐ "ओह ज्ञानियें गी उंदी चलाकी च फसाई दीदा ऐ," 20 ते फिरी, "प्रभु ज्ञानियें दे बचारे गी जानदा ऐ के ओह बेकार न।" 21 इसे आस्ते मनुखें उप्पर घमंड नेई करे, की के सारा किश तुंदा ऐ: 22 के पोलुस, के अप्पुलोस, के कैफा, के जीवन, के मरन, के बर्तमान, के भविष्य, सारा किश तुंदा ऐ, 23 ते तुस मसीह दे ओ, ते मसीह परमात्मा दा ऐ।

4 मनुख असें मसीह दे सेवक ते परमात्मा दे भेदें दा भंडारी समझे। 2 फिरी इत्थें भंडारी च ए गल्ल दिखी जांदी ऐ के ओह विश्वास जोग ओए। 3 लेकिन मेरे दिखने च ए बड़ी निकी गल्ल ऐ के तुस जां मनुखें दा कोई न्यायी मीगी परखे, बरना मैं अप्पु अपने आप गी नेई परखना। 4 की के मेरा मन मीगी किसे भी गल्ले च दोषी नेई ठरांदा, लेकिन एस कन्ने मैं नदोशी नेई ठैरना, की के मेरा परखने आला प्रभु ऐ 5 इसे आस्ते जेस ले तकर प्रभु नेई आए, समें कोलां पैलें किसे गल्ले दा न्याय नेई करो: उए नेरे दी छपीयां गल्लां लोई च दसग, ते मन दे अभिप्रां ऐ प्रकट करग, उस बेले परमात्मा कोलां हर इक दी तरीफ ओग।

6 ए प्राओ, मैं इन्न गल्लें च तुंदे आस्ते अपनी ते अप्पुलोस दी चर्चा दृष्टांत दी रिती उप्पर किती ऐ, इसे आस्ते के तुस साडे द्वारा ए सीखो के लिखे ओए कोलां अगें नेई बदयो, ते इक दे पक्ष च ते दुए दे बरोध च घमंड नेई करयो। 7 की के तुंदे ते दुए च कुन्न भेद करदा ऐ ? ते तेरे कोल की ऐ जेड़ा तो (दुए कोलां) नेई पाया ? ते जेस ले के तो (दुए कोलां) पाया ऐ, ते ऐसा घमंडकी करना ऐ के मन्ने नेई पाया ?

8 तुस ते रजी गे, तुस सोखे ओई चुके, तुस साडे कोलां बगैर राज किता; लेकिन पला ओंदा के तुस राज करदे के आस भी तुंदे कन्ने राज करदे। 9 मेरी समझ च परमात्मा ने असें प्रेरितें गी सारें कोलां बाद उन लोकें जेया ठेराया ऐ, जिदी मोत दी आज्ञा ओई चुकी दी ओए; की के आस संसार ते सुर्गदूतें ते मनुखें आस्ते इक तमाशा ठैरे न। 10 आस मसीह आस्ते मुख न, लेकिन तुस मसीह आस्ते झाक आले न; आस कमजोर न, लेकिन तुस जोरे आले न। तुस आदर पांदे ओ, लेकिन आस नरादर ओनेयांन। 11 आस एस घड़ी तकर पुखे त्रेदे ते नंगे न, ते मुक्के खनेयां न ते मारे मारे फिरनेयांन; 12 ते अपने गे हत्थें कन्ने कम्म करिए मेनत करनेयांन। लोग असें बुरा आखदे न, आस आशीष दीनेयां न; ओह सतांदेन, आस सैनयां न। 13 ओह बदनाम करदे न, आस बिनती करनेयांन। आस अज्र तकर संसार दा कूड़ा ते सारी चीजें दी खुरचन जे ठैरे न।

14 मैं तुस शर्मिदा करने आस्ते ए गल्लां नेई लिखना, लेकिन अपने प्यारे बच्चे जानिये तुसं चेता कराना ऐ। 15 की के जे मसीह च तुंदे सखाने आले दस हजार भी ओंदे, तां भी तुंदे प्यो मते सारे नेई; इसे आस्ते के मसीह यीशु च सुसमाचार दे द्वारा मैं तुंदा प्यो ओया। 16 इसे आस्ते मैं तुंदे कन्ने बिनती

करना ऐ के मेरी जेई चाल चलो। 17 इसे आस्ते मैं तीमुथियुस गी जेड़ा प्रभु च मेरा प्यारा ते विश्वास जुगा पुत्तर ऐ, तुंदे कोल पेजेया ऐ। ओह तुसं मसीह च मेरा चरित्र याद करग, जिय्यां के मैं हर थार हर इक कलीसिया च उपदेश करना ऐं। 18 किश ते ऐसे फूली गेदे न, मनो मैं तुंदे कोल ओने दा गे नेई। 19 लेकिन प्रभु ने चाया ते मैं तुंदे कोल जल्दी गे आगा, ते उन फूलें ओई दी गल्लें गी नेई, लेकिन उंदी शक्ति गी जानी लेगा। 20 की के परमात्मा दा राज गल्लें च नेई लेकिन शक्ति च ऐ। 21 तुस के चांदे ओ ? के मैं सोटी लेइयें तुंदे कोल आं, जां प्रेम ते नर्मता दी आत्मा कन्ने ?

5 इत्थें तकर सुनने च आंदा ऐ के तुंदे बीच व्यभिचार आंदा ऐ, बरना ऐसा व्यभिचार जेड़ा बखरी जातियें च भी नेई आंदा के इक मनुख अपने प्यो दी करेआली गी रखदा ऐ। 2 ते तुस बसोस ते नेई करदे, जेस कन्ने ऐसा कम्म करने आला तुंदे बीचा कड्या जदा, लेकिन तुस घमंड करदे ओ। 3 मैं ते शरीर ते भाव कन्ने दूर हां, लेकिन आत्मा दे भाव कन्ने तुंदे कन्ने ओइये मन्ने हजुरी दी दशा च ऐसा कम्म करने आले दे बारे च ए आज्ञा देई चुके दा ऐं 4 के जेस ले तुस ते मेरी आत्मा, साडे प्रभु यीशु दी शक्ति कन्ने किडे ओ, ते ऐसा मनुख साडे प्रभु यीशु दे नां कन्ने 5 शरीर दे नाश आस्ते शैतान गी सोंपया जाए, तां जे ओस दी आत्मा प्रभु यीशु दे दिन च उद्धार पा।

6 तुंदा घमंड करना ठीक नेई; के तुस नेई जानदे के थोड़ा खमीर (आंबला) पुरे गुने दे आटे गी खमीर (आंबला) करी दींदा ऐ। 7 पुराना खमीर कडिये अपने आप गी साफ़ करो के नमां गुने दा आटा बनी जाओ; तां जे तुस अखमीर ओ। 8 इसे आस्ते आओ, आस त्यार च नांद मनाचे, ना गे पराने खमीर कन्ने ते ना बराई ते दुष्ट दे खमीर कन्ने, लेकिन सिधाई ते सच्च दी अखमीरी रुट्टी कन्ने।

9 मैं अपनी पत्नी च तुसं लिखे दा ऐ के व्यभिचारियें दी संगती नेई करयो। 10 ए नेई के तुस बिलकुल एस संसार दे व्यभिचारियें दी संगती नेई करयो; की के एस दशा च ते तुसं संसार बीचा निकली जाना गे पोंदा। 11 लेकिन मेरा आखना ए के जे कोई प्रा बलाइए, व्यभिचारी, जां लालची, जां मूर्तिपूजक, जां गाली देने आला, जां पीने आला, जां नेर करने आला ओए, ते ओस दी संगती मत रखयो; बरना ऐसे मनुख कन्ने रुट्टी भी नेई खाओ। 12 की के मीगी बार आलें दा न्याय करियें के कम्म ? के तुस कोल आलें दा न्याय नेई करदे ? 13 लेकिन बार आलें दा न्याय परमात्मा करदा ऐ। इसे आस्ते ओस कुकर्मी गी अपने बीचा कड्डी देओ।

6 के तुंदे बीचा किसे गी ऐ हयाब ऐ के जेस ले दुए कन्ने लड़ाई ओए, ते फैसले आस्ते अधर्मियें दे कोल जा ते पवित्र लोकें दे कोल नेई जा ? 2 के तुस नेई जानदे के पवित्र लोक संसार दा न्याय करघन ? इसे आस्ते जेस ले तुसं संसार दा न्याय करना ऐ, ते के तुस निक्के कोलां निक्के चगडें दा फैसला लेने दे काबल नेई ? 3 के तुस नेई जानदे के असें सुर्गदुतें दा न्याय करना ? ते के संसार दी गल्लें दा फैसला नेई करचे ? 4 जे तुसं संसार दी गल्लें दा फैसला करना ओए, ते के उन्हें गी गे बेठागे जेडे कलीसिया च किश नेई समझे जांदे न ? 5 मैं तुसं शर्मशार ओने आस्ते ए आखना ऐ। के सच्चें गे तुंदे च इक भी दमाक आला नेई लबदा, जेड़ा अपने प्रां दा फैसला करी सके ? 6 तुंदे च प्रां दा चगडा ओंदा ऐ, ते ओंदा भी अविश्वासियें दे सामने।

7 लेकिन सच्चें गे तुंदे च बड्ढा दोष ते ए ऐ के अप्पु बीच लड़ाई करदे ओ। अन्याय की नी बरदाश करदे ? 8 लेकिन तुस ते अप्पु अन्याय करदे ते नुस्कान पजांदे ओ, ते ओह भी प्रां गी। 9 के तुस नेई जानदे के अन्यायी लोक परमात्मा दे राज दे बारस नेई ओने ? तोखा नेई खाओ; बेसवागामन, मूर्तिपूजक, ना पराई जनानी कोल जाने आला, ना लुच्चा, ना पुरषगामी, 10 ना चोर, ना लालची, ना लालची, न पीने आला, ना गाली देने आला, ना अंधेर करने आले परमात्मा दे राज दे बारस ओंघन। 11 ते तुंदे बीचा किन्ने ऐसे हे, लेकिन तुस प्रभु यीशु मसीह दे नां कन्ने ते साडी परमात्मा दी आत्मा कन्ने तोए गे ते पवित्र किन्ने ओए ते धर्म ठैरे।

12 सारीं चीजां मेरे आस्ते ठीक ते ऐन, लेकिन सारीं चीजां फायदे दीयां नेई; सारीं चीजां मेरे आस्ते ठीक ते ऐन, लेकिन मैं किसे भी गल्ल दे अधीन नेई ओगा। 13 रुट्टी टिड्ड आस्ते, ते टिड्ड रुट्टी आस्ते ऐ, लेकिन परमात्मा इसी ते उसी दोनीं नाश करग। लेकिन शरीर व्यभिचार आस्ते नेई, बरना प्रभु आस्ते ऐ, ते प्रभु शरीर आस्ते ऐ। 14 परमात्मा ने अपनी शक्ति कन्ने प्रभु गी जिंदा

कित्ता, ते असें भी जिंदा करग। 15 के तुस नेई जानदे के तुंदा शरीर मसीह दे अंग न ? ते के में मसीह दे अंग लेइयै वैश्या दे अंग बना ? कदें भी नेई। 16 के तुस नेई जानदे के जेड़ा कोई वैश्या कन्ने संगती करदा ऐ, ओह ओस दे कन्ने इक तन ओई जंदा ? की के लिखे दा ऐ: "ओह दमें इक तन ओधंन।" 17 ते जेड़ा प्रभु दी संगती च रेंदा ऐ, ओह ओस दे कन्ने इक आत्मा ओई जंदा ऐ। 18 व्यभिचार कोलां बचे रवो। जिनने बाकी पाप मनुख करदा ऐ ओह शरीर कोलां बार न, लेकन व्यभिचार करने आला अपने गे शरीर दे बरोध च पाप करदा ऐ। 19 के तुस नेई जानदे के तुंदा शरीर पवित्र आत्मा दा मंदिर ऐ, जेड़ा तुंदे च बसे दा ऐ ते तुसें परमात्मा कोलां मिले दा ऐ; ते तुस अपने नेई ओ ? 20 की के मूल देख्ये खरीदे गेदे ओ, इसे आस्ते अपने शरीर दे द्वारा परमात्मा दी मैमा करो।

7 उन गल्लें दे बारे च जेड़ियां तू लिखियां, ऐ अच्छा ऐ के मर्द जनानी गी नेई छुए। 2 लेकन व्यभिचार दे डर कन्ने हर इक मनुख दी करेआली, ते हर जनानी दा करेआला ओए। 3 करेआला अपनी करेआली दा हक पूरा करे; ते उर्यां गे करेआली भी अपने करेआले दा। 4 करेआली गी अपने शरीर उपर कोई हक नेई लेकन ओस दे करेआला दा हक ऐ; उर्यां गे करेआले गी भी अपने शरीर उपर हक नेई, लेकन करेआली दा ऐ। 5 तुस इक दुए कोलां बकख नेई रवो; लेकन सिर्फ किश समें तकर अप्पु बीच दी सम्मति कन्ने के प्रार्थना आस्ते मोका मिले, ते फिरी इक साथ रवो; ऐसा नेई ओए के तुंदे असंयम दे कारण शैतान तुसें परखे। 6 लेकन में जो ए आखना ऐ ओह अनुमति ऐ ना की आज्ञा। 7 में ए चाना ऐ के जिय्यां में ऐ, उर्यां गे सारे मनुख ओन; लेकन हर इक गी परमात्मा कोलां खास खास वरदान मिले न; किसे गी किसे चाह्नी दा, ते किसे गी किसे और चाह्नी दा।

8 लेकन में कवारें ते बिधवां दे बारे च ए आखना ऐ के उंदे आस्ते इर्यां गे रेना अच्छा ऐ, जिय्यां में ऐ। 9 लेकन जे ओह संयम नेई करी सकन, ते ब्याह करन; की के ब्याह करना कामातुर रेने कोलां पला ऐ।

10 जिंदा ब्याह ओई गेदा ऐ, उन्हें गी में नेई, बरना प्रभु आज्ञा दिंदा ऐ के करेआली अपने करेआला कोलां बकख नेई ओए - 11 ते जे ओह बकख भी ओई जा, ते बगैर दुए ब्याह कित्ते दे रवे; जां फिरी अपने करेआले कन्ने मेल करी लै - ते ना करेआला करेआली गी छुडे।

12 दुए कन्ने प्रभु नेई लेकन में गे आखना ऐ, जे किसे प्रा दी करेआली विश्वास नेई रखदी ओए ते ओस दे कन्ने रेने आस्ते खुश ओए, ते ओह उसी नेई छुडे। 13 जेस किसे जनानी दा करेआला बिश्वास नेई रखदा ओए, ते ओस दे कन्ने रेने आस्ते खुश ओए; ओह करेआले गी नेई छुडे। 14 की के ऐसा करेआला जेड़ा विश्वास नेई रखदा ओए, ओह करेआली दे कारण पवित्र ठैरदा ऐ; ते ऐसी करेआली जेड़ी विश्वास नेई रखदी, करेआले दे कारण पवित्र ठैरदी; नेई तां तुंदे बाल बच्चे अशुद्ध ओंदे, लेकन हून ते पवित्र न। 15 लेकन जेड़ा पुरुष बिश्वास नेई रखदा, जे ओह बकख ओए ते उसी बकख ओने देओ, ऐसी आलत च कोई प्रा यां पैन बंधन च नेई। परमात्मा ने असें मेल मलाप आस्ते बलाया ऐ। 16 की के ए जनानी, तू के जाननी ऐ के तू अपने करेआले दा उद्धार कराई लेगी ? ते ए पुरुष, तू के जानना ऐ के तू अपनी करेआली दा उद्धार कराई लेगा ?

17 जिय्यां प्रभु ने हर इक गी बंडे दा ऐ, ते जिय्यां परमात्मा ने हर इक गी बलाया ऐ, उर्यां गे ओह चले। में सारीं कलिसियें च इर्यां गे ठराना ऐ। 18 जेड़ा खतना किते दा बलादा ओए, ओह बगैर खतने दा नेई बने। जेड़ा बगैर खतना दे बलाया गेदा ओए, ओह खतना ना करा। 19 ना खतना किश ऐ ते ना खतना दे बगैर, लेकन परमात्मा दी आज्ञाएं गी मनना गे सब किश ऐ। 20 हर इक मनुख जिस आलत च बलाए दा ओए, उसे च रवे। 21 जे तू दास दी दशा च बलाए दा ओए ते चिंता नेई कर; लेकन जे तू अजाद ओई सक्के, ते इर्यै कम्म कर। 22 की के जेड़ा दास दी दशा च प्रभु च बलाए दा ऐ, ओह प्रभु च अजाद किते दा ऐ। उर्यां गे जेड़ा अजाद दी आलत च बलाए दा ऐ, ओह मसीह दा दास ऐ। 23 तुस मूल देख्ये खरीदे दे ओ; मनुखें दे दास नेई बनो। 24 ए प्राओ, जेड़ा कोई जिस आलत च भी बलाए दा ओए, ओह उसे च परमात्मा दे कन्ने रवे।

25 कवारियें दे बारे च प्रभु कोलां मीगी कोई आज्ञा नेई मिली, लेकन बिश्वास जुगा ओने आस्ते जेड़ी दया प्रभु ने मेरे उप्पर कित्ती ऐ, उसे दे

मताबक रा दीना ऐ। 26 मेरी समझ च ए ठीक ऐ के अज्ज कल क्लेश दे कारण, मनुख जिय्यां ऐ उर्यां गे रवे। 27 जे तेरे करेआली ऐ, ते ओस कोलां बकख ओने दी कोशिश नेई कर; ते जे तेरे करेआली नेई, ते करेआली दी खोज नेई कर। 28 लेकन जे तू ब्याह भी करे, ते पाप नेई; ते जे कवारी ब्याई जाए ते कोई पाप नेई। लेकन ऐ जें शरीर दा दुःख ओग, ते में बचाना चाना ऐं। 29 ए प्राओ, में ए आखना ऐं के समां काट किते दा ऐ, इसे आस्ते चाइदा के जिंदे करेआली ओए, ओह इर्यां ओन मन्ने उंदे करेआली नेई; 30 ते रोने आले इर्यां ओन, मन्ने रोंदे नेई; ते नंद करने आले इर्यां ओन, मन्ने नंद नेई करदे; ते खरीदने आले ऐसे ओन, मन्ने उंदे कोल किश ऐ गे नेई। 31 ते एस संसार दे कन्ने बर्ताव करने आले ऐसे ओन, के संसार दे गै नेई ओई जान; की के एस संसार दी रिती ते बर्ताव बदलदे जांदे न।

32 इसे आस्ते में चाना ऐ के तुसें चिंता ना ओए। बगैर व्याए दा पुरुष प्रभु दी गल्लें दी चिंता च रेंदा ऐ के प्रभु की किय्यां खुश रखे। 33 लेकन व्याए दा पुरुष संसार दी गल्लें दी चिंता च रेंदा ऐ के अपनी करेआली गी इस रिती कन्ने खुश रखे। 34 व्याई दी ते बगैर व्याई दे बीच भी भेद ऐ: बगैर व्याई दी प्रभु दी चिंता च रेंदी ऐ के ओह शरीर ते आत्मा दोनीं च पवित्र ओए, लेकन ब्याई दी संसार दी चिंता च रेंदी ऐ के अपने करेआले गी खुश रखे। 35 में ए गल्ल तुंदे गे फायदे आस्ते बोलना ऐ, ना के तुसें फसाने आस्ते, बरना इस आस्ते के जिय्यां शोभा दींदा ऐ उर्यां गे कित्ता जा, के तुस इक मन ओइये प्रभु दी सेवा च लगे रवो।

36 जे की ए समझे के में अपनी ओस कवारी दा अक्क माराना, जेस दी जवानी टलादी ऐ, ते जरूरत भी ओए, ते जिय्यां चा उर्यां गे करे, एस च पाप नेई, ओह ओस दा ब्याह ओने दीयै। 37 लेकन जेड़ा मन च मजबूत रेंदा ऐ, ते ओस गी जरूरत नेई ओए, बरना अपनी मर्जी उप्पर अक्क रखदा ओए, ते मन च ए गल्ल ठानी लेती ओए के ओह अपनी बगैर व्याई दी कुढ़ी गी कवारी रखग, ओह अच्छा करदा ऐ। 38 इसे आस्ते जेड़ा अपनी कवारी दा ब्याह करी दिंदा ऐ, ओह अच्छा करदा ऐ, ते जेड़ा ब्याह नेई करदा ऐ, ओह और भी अच्छा करदा ऐ।

39 जदू तकर किसे जनानी दा करेआला जिंदा रेंदा ऐ, उस बेले तकर ओह ओस कन्ने बनोई दी ऐ; लेकन जे ओस दा करेआला मरी जा ते जेस कन्ने चा ब्याह करी सकदी ऐ, लेकन सिर्फ प्रभु च। 40 लेकन जिय्यां ऐ, उर्यां गे रवे, ते मेरे बचार च और भी धन्न ऐ; ते में समझना ऐ के परमात्मा दा आत्मा मेरे च भी ऐ।

8 हून मुर्तियें दे सामने बलि कित्ती दी चीजें दे बारे च आस जाननेयां न की असें सारें गी ज्ञान ऐ। ज्ञान कमांड पैदा करदा ऐ, लेकन प्रेम कन्ने तरकी पैदा ओंदी ऐ। 2 जे कोई समझे की में किश जानना ऐ, ते जिय्यां जानना चाइदा ओह जेया अर्यें तकर नेई जानदा। 3 लेकन जे कोई परमात्मा कन्ने प्रेम रखदा ऐ, ते परमात्मा उसी पनछानदा ऐ।

4 इस आस्ते मुर्तियें दे सामने बलि कित्ती दी चीजें दे खाने दे बारे च आस जाननेयां की मूर्ति संसार च कोई चीज नेई, ते इक गी छडीये कोई परमात्मा नेई। 5 जे अंबर ते तरती उप्पर मते इश्वर आखे जांदे न जिय्यां के मते इश्वर ते मते प्रभु न 6 तां भी साडे आस्ते इक गे परमात्मा ऐ: मतलब परमात्मा जेस कोलां सारियां चीजां न, ते आस उसे आस्ते न। ते इक गे प्रभु ऐ, मतलब यीशु मसीह जेस दे द्वारा सारियां चीजां ओइयां, ते आस भी उसे दे द्वारा न।

7 लेकन सारें गी ए ज्ञान नेई, लेकन किश ते अर्यें तकर मूर्ति गी किश समझने दे कारण मुर्तियें दे सामने बलि कित्ती दी चीज गी किश समझिये खांदे न, ते उंदा बिबेक कमजोर ओने दे कारण अशुद्ध ओई जंदा ऐ। 8 खाना असें परमात्मा दे कोल नेई पजांदा। जे आस नेई खाचे तां साड़ा किश नुस्कान नेई, ते जे खाचे तां असें किश फायदा नेई। 9 लेकन ओशियार ! ऐसा नेई ओए के तुंदी ए अजादी कुते कमजोरें आस्ते ठोकर दा कारण ओई जा। 10 की के जे कोई तुगी ज्ञानी गी मूर्ति दे मंदिर च रुट्टी खंदे दिखे ते ओह कमजोर मनुख ओए, ते के ओस दे बिबेक गी मूर्ति दे सामने बलि कित्ती दी चीज खाने दा साहस नेई ओग। 11 इस चाह्नी कन्ने तेरे ज्ञान दे कारण ओह कमजोर प्रा जेस आस्ते मसीह मरा, नाश ओई जाग। 12 इसे चाह्नी प्रां दे बरोद्ध पाप करने कोलां ते उंदे कमजोर बिबेक गी चोट पजाने कोलां, तुस मसीह दे बरोद्ध पाप करदे ओ। 13 इसे आस्ते रुट्टी जे मेरे प्रा गी ठोकर पजाए,

ते में कदें किसे रिती कन्ने मास नेई खागा, नेई ओए के में प्रा आस्ते ठोकर दा कारण बनां।

9 के में आजाद नेई ? के में प्रेरित नेई ? के में यीशु गी जेड़ा साड़ा प्रभु ऐ, नेई दिखया ? के तुस प्रभु च मेरे बनाए दे नेई ? 2 जे में दुएँ आस्ते प्रेरितं नेई, तां भी तुंदे आस्ते ते ऐं; की के तुस प्रभु च मेरी प्रेरिताई उप्पर मोहर ओ।

3 जेड़े मिगी जाचदे न, उंदे आस्ते इय्ये मेरा जबाव ऐ। 4 के असें खाने पीने दा अक्क नेई ? 5 के असें ए अक्क नेई, के किसे मसीह पैन कन्ने ब्याह करिये उसी लेई फिरचे, जिय्यां बाकी प्रेरित ते प्रभु दे प्रा ते कैफा करदे न ? 6 जां सिर्फ मीगी ते बरनबास गी गे अक्क नेई के कमाई करना छुडचे। 7 कुन्न अपनी जेब चा खाइये सपाई दा कम्म करदा ऐ ? कुन्न दाख दी क्यारी लाइये ओस चा फल नेई खंदा ? कुन्न पिड्डें दी राखी करिये उंदा दूध नेई पींदा ?

8 के में ए गल्लां मनुख दी रिती उप्पर बोलना ऐ ? 9 के व्यवस्था भी ए नेई अखदी ? की के मूसा दी व्यवस्था च लिखे दा ऐ, " दांते समें बैल दा मूह नेई बनयो।" के परमात्मा बैलें दी गै चिंता करदा ऐ ? 10 जां खास करिये साड़े आस्ते अखदा ऐ। हां साड़े आस्ते गे लिखे दा, की के मनासब ऐ के जोतने आला आस कन्ने जोते ते दांवेने आला शामिल ओने दी आस कन्ने दांवेनी करे। 11 इसे आस्ते जेस ले के असें तुंदे आस्ते आत्मिक चीजां राइयां, ते के ए कोई बड्डी गल्ल ऐ के तुंदी शरीर दी चीजें दी फसल कट्चे। 12 जे दुएँ दा तुंदे उप्पर अक्क ऐ, ते के साड़ा इस कोलां मता नेई ओग ?

लेकन असें ए अक्क कम्म च नेई लाया; लेकन सारा किश सैन करनेयां के साड़े द्वारा मसीह दे सुसमाचार च किश अडचन नेई ओए। 13 के तुस नेई जानदे के जेड़े मंदिर च सेवा करदे न, ओह मंदिर कोलां खंदे न; ते जेड़े वेदी दी सेवा करदे न, ओह वेदी दे कन्ने शामिल ओंदे न ? 14 इसे रिती कन्ने प्रभु ने भी ठेराया के जेड़े लोग सुसमाचार सनांदे न, उंदी जिंदगी सुसमाचार कोलां ओए।

15 लेकन में इंदे बीचा कोई भी गल्ल कम्म च नेई लाइ, ते में ए गल्लां एस लेई नेई लिखियां के मेरे आस्ते ऐसा कित्ता जा, की के एस कोलां ते मेरा मरना पला ऐ के कोई मेरे कमंड गी बेकार ठराए। 16 जे में सुसमाचार सनां, ते मेरे आस्ते किश कमंड दी गल्ल नेई; की के ए मेरे आस्ते जरूरी ऐ। जे में सुसमाचार नेई सनां ते मेरे उप्पर हाय ! 17 की के जे अपनी मर्जी कन्ने ए करना ऐं ते मजदूरी मीगी मिलदी ऐ, ते जे अपनी मर्जी कन्ने नेई करना ऐं तां भी स्यानापन मीगी सौंपे दा ऐ। 18 ते मेरी केडी मजदूरी ऐ ? ए के सुसमाचार सनाने च मैं मसीह दा सुसमाचार संत मेंत करी देया, इत्थें तकर के सुसमाचार च जेड़ा मेरा अक्क ऐ उसी भी मैं पूरी रिती कन्ने कम्म च नेई लां।

19 की के सारें कोलां अजाद ओइये भी मैं अपने आप गी सबनी दा नोकर बनाई दिते दा ऐ के मते लोकें गी खिची लेई आं। 20 मैं यहुदियें आस्ते यहूदी बनया के यहुदियें गी खिची लेई आं। जेड़े लोग व्यवस्था दे अधीन न उंदे आस्ते मैं व्यवस्था दे अधीन नेई ओने पर भी व्यवस्था दे अधीन बनया के उन्हें जेड़े व्यवस्था दे अधीन न, खिची लेई आं। 21 व्यवस्थाहीनें आस्ते मैं - जेड़ा परमात्मा दी व्यवस्था कोलां हीन नेई लेकन मसीह दी व्यवस्था दे अधीन ऐं - व्यवस्थाहीन जेया बनया के व्यवस्थाहीनें गी खिची लेई आं। 22 मैं कमजोरें आस्ते कमजोर जेया बनया के कामजोरें गी खिची लेई आं। मैं सारें मनुखें आस्ते सारा किश बनया के किसे ना किसे रिती कन्ने केई इक दा उध्दार कराई सकां। 23 मैं ए सारा किश सुसमाचार आस्ते करना ऐ के बाकियें आस्ते ओस दा भागी ओई जां।

24 के तुस नेई जानदे के दोड़ च ते दोड़दे सारे गै न, लेकन नाम ते इक गे लेई जंदा ऐ ? तुस उय्यां गे दोड़ो के जीती सको। 25 हर इक पैलवान सारी चाली दा संजम करदा ऐ; ओह ते इक मुरझाने आले मुकट आस्ते ए सारा किश करदे न, लेकन आस ते ओस मुकट आस्ते करनेयां न जेड़ा मुरझाने आला नेई। 26 इसे आस्ते मैं ते इसे रिती कन्ने दोड़ना ऐ, लेकन मकसद दे बगैर नेई; मैं भी इसे रिती कन्ने मुक्कें कन्ने लड़ना ऐ, लेकन ओस जेया नेई जेड़ा अब्वा पिट्दे लड़दा ऐ। 27 लेकन मैं अपने शरीर गी मारदे कुटदे ते वस च ले आना ऐ, ऐसा नेई ओए के बाकियें गी प्रचार करिये मैं अप्पु गे किसे रिती कन्ने नक्मा ठैरां।

10 ए प्राओ, मैं नेई चाना के तुस इस गल्ल कोलां अनजान रवो के साड़े सारे बब्ब दादे बदले दे थले हे, ते सारे दे सारे समुंद्र दे बीचा पार ओई गे; 2 ते सारें बदल च ते समुंद्र च, मूसा दा बपतिस्मा लेता; 3 ते सारें इक गे आत्मिक रुट्टी खादी; 4 ते सारें इक गे आत्मिक पानी पिता, की के ओह ओस आत्मिक चट्टान कोलां पिंदे हे जेडी उंदे कन्ने कन्ने चलदी ही, ते ओह चट्टान मसीह हा। 5 लेकन परमात्मा उंदे बीचा मते उप्पर खुश नेई ओया, इसे आस्ते ओह जंगल च मरी गे।

6 ए गल्लां साड़े आस्ते द्रष्टांत ठैरियां, के जिय्यां उन्हें लालच कित्ता, उय्यां आस बुरी चीजें दा लालच नेई करचे; 7 ते ना तुस मूर्तिपूजा करने आले बनो, जिय्यां के उंदे बीचा किन्ने गे बनी गे दे हे, जिय्यां लिखे दा ऐ, "लोग खाने पिने बैठे, ते खिड्ने कूदने उठे।" 8 ते ना आस व्यभिचार करचे, जिय्यां के उंदे बीचा किन्ने गे कित्ता; ते इक दिन च त्रेइ जार मरी गे। 9 ते ना आस प्रभु गी परखें, जिय्यां उंदे बीचा किन्ने गे कित्ता, ते सप्ये दे द्वारा नाश कित्ते गे। 10 ते ना तुस कुड़कुड़ाओ, जेस रिती कन्ने उंदे बीचा किन्ने गे कुड़कुड़ाए ते नाश करने आलें दे द्वारा नाश कित्ते गे। 11 लेकन ए सारियां गल्लां, जेडीयां उंदे उप्पर पेईयां, द्रष्टांत दी रिती उप्पर थियां; ते ओह सारी चतावनी आस्ते जेड़े संसार दे आखर समें च रोंदे न लिखी गेदियां न। 12 इसे आस्ते जेड़ा समझदा ऐ, "मैं टिके दा ऐ, " ओह शयार रवे के कुते डिगी नेई जा। 13 तुस किसे ऐसी परख च नेई पे, जेडी मनुख दे सैन कोलां बार ऐ। परमात्मा सच्चा ऐ ओह तुसें सैन कोलां बार परख च नेई पोने देग, लेकन परख दे कन्ने नकास भी करग के तुस सैई सको।

14 इस आस्ते, ए मेरे प्यारयो, मूर्तिपूजा कोलां बचे रवो। 15 मैं दमाकआला जानिये तुंदे कन्ने आखना ऐ, उसी तुस परखो। 16 ओह धन्नवाद दा कटोरा, जेस उप्पर आस धन्नवाद करनेयान; के मसीह दे खून दी सैभागिता नेई ? ओह रुट्टी जीसी अस तोड़नेया न, के ओह मसीह दे शरीर दी सैभागिता नेई ? 17 इसे आस्ते के इक गे रुट्टी ऐ ते आस भी जेड़े मते न, इक शरीर न: की के आस उसे इक रुट्टी च सैभागी ओनेयां न। 18 जेड़े शरीर दे भाव कन्ने इस्त्राएली न, उन्हें दिखो: के कुर्बानीयें दे खाने आले वेदी दे सैभागी नेई ? 19 फिरी में के आखना ऐ ? के ए की मूर्ति उप्पर चाड़े दी कुर्बानी किश ऐ, जां मूर्ति किश ऐ ? 20 नेई, बरना ए के बखरी जाति जेडी कुर्बानी करदे न; ओह परमात्मा आस्ते नेई लेकन दुष्टात्मा आस्ते कुर्बानी करदे न ते मैं नेई चाना के तुस दुष्टात्मा दे सैभागी उओ। 21 तुस प्रभु दे कटोरे ते दुष्टात्मां दे कटोरे दोर्नी बीचा नेई पी सकदे। तुस प्रभु दी मेज ते दुष्टात्मा दी मेज दोर्नी दे सांझी नेई ओई सकदे। 22 के आस प्रभु गी गुस्सा चडानेयां न ? के आस ओस कोलां शक्तिमान न ?

23 सारियां चीजां मेरे आस्ते ठीक ते ऐन, लेकन सारियां फायदे दीयां नेई: सारियां चीजां मेरे आस्ते ठीक ते ऐन, लेकन सारियां चीजें कोलां तरक्की नेई। 24 कोई अपनी गे पलाई गी नेई, बरना दुएँ दी पलाई गी टुंडे। 25 जे किश कसाईयें दे इत्थें बिकदा ऐ, ओह खाओ ते बवेक दे कारण किश नी पूछो ? 26 "की के तरती ते ओस दी बरपुरी प्रभु दी ऐ।" 27 जे अविश्वासियें कोलां कोई तुसें सद्दे, ते तुस जाना चाओ, ते जे किश तुंदे सामने रखेया जा उए खाओ; ते बवेक दे कारण किश नी पूछो। 28 लेकन जे कोई तुंदे कन्ने आखे, " ए ते मूर्ति गी बलि कित्ती दी चीज ऐ, "ते उसे दे सनाने आले ते बवेक दे कारण नेई खाओ। 29 मेरा मतलब तेरा बवेक नेई, लेकन ओस दुएँ दा। पला, मेरी अजादी दुएँ दे बचार कोलां की परखी जा ? 30 जे मैं धन्नवाद करिये शामिल ओना ऐ, ते जेस उप्पर मैं धन्नवाद करना ऐ ओस दे कारण मेरी बदनामी की ओं दी ऐ ?

31 इसे आस्ते तुस पामें खाओ, पामें पीओ, पामें जे किश करो, सारा किश परमात्मा दी मैमा आस्ते करो। 32 तुस नेई यहुदियें, ना युनानियें, ते ना परमात्मा दी कलीसिया आस्ते ठोकर दा कारण बनो। 33 जिय्यां मैं भी सारियें गल्लें च सारें गी खुश रखना ऐ, ते अपने नेई लेकन मते दा फायदा

11 तुस मेरी जेई चाल चलो जिय्यां मैं मसीह जेई चाल चलना ऐ।
2 ए प्राओ, मैं तुसें सराना ऐं के सारियें गल्लें च तुस मिगी याद करदे ओ; ते जेडियां परम्पराएं मैं तुसें सोंपीयां न, उंदा पालन करदे ओ। 3 लेकन मैं चाना ऐं के तुस ए जानी लो के हर इक मर्द दा सिर मसीह ऐ, ते जनानी दा सिर मर्द ऐ, ते मसीह दा सिर परमात्मा ऐ। 4 जेड़ा मर्द सिर गुआड़े दे प्रार्थना

जां भविष्यवाणी करदा ऐ, ओह अपने सिर दा अपमान करदा ऐ।⁵ लेकन जेड़ी जनानी गुआड़े सिर प्रार्थना जां भविष्यवाणी करदी ऐ, ओह अपने सर दा अपमान करदी ऐ की के ओह मुण्डी ओने दे बराबर ऐ।⁶ जे जनानी दपटा नेई ओढ़े ते बाल भी कटाई लै; जे जनानी आस्ते बाल कटाना जां मुनन कराना शर्म दी गल्ल ऐ, ते दपटा ओढ़े।⁷ आं, मर्द गी अपना सिर खटना ठीक नेई, की के ओह परमात्मा दा सरूप ते मैमा ऐ; लेकन जनानी मर्द दी मैमा ऐ।⁸ की के मर्द जनानी कोलां नेई ओया, लेकन जनानी मर्द कोलां ओई ऐ;⁹ ते मर्द जनानी आस्ते नेई बनाया गया, लेकन जनानी मर्द आस्ते बनाई गयी ऐ।¹⁰ इसे आस्ते सुर्गदुतें दे कारण जनानी गी ठीक ऐ के अधिकार अपने सिर उप्पर रखे।¹¹ तां भी प्रभु च ना ते जनानी बगैर मर्द, ते ना मर्द बगैर जनानी दे ऐ।¹² की के जिय्यां जनानी मर्द कोलां ऐ, उय्यां गे मर्द जनानी दे द्वारा ऐ; लेकन सारियां चीजां परमात्मा कोलां न।¹³ तुस अप्पुं गे बचार करो, के जनानी गी गुआड़े सिर परमात्मा अगं प्रार्थना करना अच्छा लगदा ऐ? ¹⁴ के सभाव दी रिती कन्ने भी तुस नेई जानदे के जे मर्द लम्मे बाल रखे, ते ओस आस्ते अपमान ऐ।¹⁵ लेकन जे जनानी लम्मे बाल रखे ते ओस आस्ते शोभा ऐ, की के बाल उसी दपटे आस्ते दिते गेदे न।¹⁶ लेकन जे कोई विवाद करना चा, ते ए जानी ले के ना साडी ते ना परमात्मा दी कलीसिया दी ऐसी रिती ऐ।

¹⁷ लेकन ए आज्ञा दिंदे ओई मैं तुसें नेई सराह्ना, इसे आस्ते के तुंदे किटठे ओने कन्ने पलाई नेई, लेकन नुक्सान ओंदा ऐ।¹⁸ की के पैलें ते मैं ए सुनना ऐ, के जेस ले तुस कलीसिया च किट्टे ओंदे ओ ते तुंदे बीच आपसी अनबन ओंदी ऐ, ते मैं एस उप्पर किश किश बिश्वास भी करना ऐ।¹⁹ की के दलबंदी भी तुंदे च जरूर ओग, इसे आस्ते के जेड़े लोग तुंदे च खरे न ओह प्रगट ओई जान।²⁰ इसे आस्ते तुस जेड़े इक जगह च किट्टे ओंदे ओ ते ए प्रभु भोज खाने आस्ते नेई,²¹ की के खाने दे समे इक दुए कोलां पैलें अपना भोज खाई लेंदा ऐ, इसे आस्ते कोई ते पुखा रेंदा ऐ ते कोई मतबाला ओई जांदा ऐ।²² के खाने पीने आस्ते तुंदे घर नेई? जां परमात्मा दी कलीसिया गी बेकार जानदे ओ, ते जिंदे कोल नेई ऐ उन्हे शर्मिदा करदे ओ? मैं तुंदे कन्ने के अखां? के इस गल्ल च तुंदी प्रशंसा करां? नेई, मैं प्रशंसा नेई करना।

²³ की के ए गल्ल मीगी प्रभु कोलां पुजी, ते मैं तुसें भी पजाई दीत्ती के प्रभु यीशु ने जेस राती ओह पड़काया गया, रूट्टी लेती,²⁴ ते धन्नवाद करिये उसी तोड़या ते आख्या, "ए मेरा शरीर ऐ, जेड़ा तुंदे आस्ते ऐ: मिगी याद लेई इय्ये करा करो।"²⁵ इसे रिती कन्ने ओस बियारी दे पीछें कटोरा भी लेता ते आख्या, "ए कटोरा मेरे खून च नमी वाचा ऐ: जेस ले कदें पीओ, ते मरी याद आस्ते इय्ये करा करो।"²⁶ की के जेस ले तुस ए रूट्टी खांदे ते एस कटोरे कोलां पींदे, ते प्रभु दी मोत गी जेस ले तकर ओह नेई आए, प्रचार करदे ओ।

²⁷ इस आस्ते जेड़ा कोई बुरी रिती कन्ने प्रभु दी रूट्टी खा जां ओस दे कटोरे कोलां पीए, ओह प्रभु दा शरीर ते खून दा पापी ठैरग।²⁸ इसे आस्ते मनुख अपने आप गी जाची ले ते इसे रिती कन्ने इस रूट्टी बीचा खा, ते इस कटोरे बीचा पीए।²⁹ की के जेड़ा खंदे पींदे समे प्रभु दे शरीर गी नेई पनछाने, ओह इस खाने ते पीने कोलां अपने उप्पर सजा लेओंदा ऐ।³⁰ इसे गल्ले तुंदे बीच मते कमजोर ते रोगी न, ते मते मरी (सेई) भी गे।³¹ जे आस अपने आप गी जांचदे ते सजा नेई पांदे।³² लेकन प्रभु असें सजा देइये असें निखरदा ऐ, इस आस्ते के आस संसार दे कन्ने दोषी नेई ठैरचे।

³³ इसे आस्ते, ए मेरे प्राओ, जेस ले तुस खाने आस्ते किट्टे ओंदे ओ ते इक दुए आस्ते बलगा करो।³⁴ जे कोई पुखा ओए ते अपने घर च खाइ लै, जेस कन्ने तुंदा किटठा ओना सजा दा कारण नेई ओए। बाकी गल्लें गी आइये ठीक करगा।

12 ए प्राओ, मैं नेई चाना के तुस आत्मिक बरदानें दे बारे च अनजान रवो।² तुस जानदे ओ की जेस ले तुस बखरी जाति दे हे, ते गूंगी मुतिर्यें दे पीछें जिय्यां चलाए जंदे हे उय्यां चलदे हे।³ इसे आस्ते मैं तुसें चतावनी दीना ऐ की जेड़ा कोई परमात्मा दी आत्मा दी अगुआई कन्ने बोलदा ऐ, ओह नेई आखदा के यीशु श्रापित ऐ; ते ना कोई पवित्र आत्मा दे बगैर आखी सकदा ऐ के यीशु प्रभु ऐ।

⁴ बरदान ते कई किस्म दे न, लेकन आत्मा इक गे ऐ,⁵ ते सेवा भी कई किस्म दी ऐ लेकन प्रभु इक गे ऐ;⁶ ते प्रभावशाली कम्म कई किस्म दे न लेकन परमात्मा इक गे ऐ, जेड़ा सारें च हर चाली दा असर पैदा करदा ऐ।

⁷ लेकन सारां दा फायदा पजाने आस्ते हर इक गी आत्मा दी जोती दीत्ती जांदी ऐ।⁸ की के इक गे आत्मा दे द्वारा दमाक दीयां गल्लां दित्तियां जांदीयां न, ते दुए गी उसे आत्मा दे मताबक ज्ञान दी गल्लां।⁹ किस्व गी उसे आत्मा कन्ने बिश्वास ते ते किसे गी उसे आत्मा कन्ने चंगा करने दा बरदान दीत्ता जांदा ऐ।¹⁰ फिरी किसे गी समर्थ दे कम्म करने दी शक्ति, ते किसे गी भविष्यवाणी दी, ते किसे गी आत्मां दी परख, ते किसे गी मती किस्म दी पाषा, ते किसे गी पाषे दा मतलब सनाना।¹¹ लेकन ए असरपाने आले कम्म उए इक आत्मा करांदी ऐ, ते जीसी जो चांदा ऐ ओह बंडी दिंदा ऐ।

¹² की के जेस चाली शरीर इक ऐ ते ओस दे अंग मते सारे न, ते ओस शरीर दे सारे अंग मते ओने उप्पर भी सारे मिलिये इक गे शरीर न, उसे चाली मसीह भी ऐ।¹³ की नके असें सारें के यहूदी के यूनानी, के नोकर के अजाद, इक गे आत्मा दे द्वारा इक शरीर ओने आस्ते बपतिस्मा लेता, ते असें सारें गी इक गे आत्मा पलाया गया।

¹⁴ इसे आस्ते के शरीर च इक गे अंग नेई लेकन मते सारे न।¹⁵ जे पेर आखन, "मैं हत्थ नेई, इसे आस्ते शरीर नेई," ते के ओह इस कारण शरीर दा नेई ऐ? ¹⁶ ते जे कन आखे, "मैं अकख नेई, इसे आस्ते शरीर दा नेई," ते के ओह एस कारण शरीर दा नेई ऐ? ¹⁷ जे सारा शरीर अकख गे ओंदा ते सुनना कुत्थें ओंदा? जे सारा शरीर कन गे ओंदा, ते सूंघना कुत्थें ओंदा? ¹⁸ लेकन सच्चें गे परमात्मा ने अंगें गी अपनी मर्जी कन्ने इक इक करिये अपने शरीर च रखे दा ऐ।¹⁹ जे ओह सारे इक गे अंग ओंदे, ते शरीर कुत्थें ओंदा? ²⁰ लेकन हूंन अंग मते सारे न, पर शरीर इक गे।²¹ अकख हत्थे गी आखी सकदी, "मीगी तेरी जरूरत नेई," ते ना सिर पैरें गी अखी सकदा ऐ, "मीगी तेरी जरूरत नेई।"²² लेकन शरीर दे ओह अंग जेड़े दुएं कोलां कमजोर लगदे न, मते गे जरूरी न;²³ ते शरीर दे जिन्हें अंगें गी आस आदर दे जोग नेई समझनेयां उन्हे गी गे आस मता आदर दिने ओन्यां; ते सारे शैल लंबने आले अंग और भी शैल ओई जांदे न,²⁴ तां भी साडे शैल अंगें गी एस दी जरूरत नेई। लेकन परमात्मा ने शरीर गी ऐसा बनाई दिते दा ऐ के जेस अंग गी आदर दी कमी ही उसे गी और भी मते आदर मिले।²⁵ तां जे शरीर च फूट नेई पवें, लेकन अंग इक दुए दी बराबर चिंता करना।²⁶ इसे आस्ते जे इक अंग दुखी ओंदाऐ, ते सारे अंग ओस दे कन्ने दुःख पांदे न; ते जे इक अंग दी बड़ाई ओंदी ऐ, ते ओस दे कन्ने सारे अंग नांद मनांदे न।

²⁷ इसे चाली तुस सारे मिलिये मसीह दा शरीर ओ, ते बख बख ओस दे अंग ओ; ²⁸ त्रिये शिक्षक, फिरी समर्थ दे कम्म करने आला, फिरी चंगा करने आला, ते उपकार (सेवा ते मदद करने आले) ते परबंध करने आले, ते बख बख चली दी पाषा बोलने आले।²⁹ के सारे प्रेरत न? के सारे भविष्यवक्ता न? के सारे उपदेशक न? के सारे समर्थ दे कम्म करने आले न? ³⁰ के सारें गी चंगा करने दा बरदान मिले दा ऐ? के सारे बख बख चाली दी पाषा बोलदे न? ³¹ के सारे तरजमा करदे न? तुस बड़े कोलां बड़े बरदानें दी धुन च रवो।

लेकन मैं तुसें और भी सारें कोलां उत्तम (सारें शा बड्डा) रस्ता दस्सना ऐ।

13 जे मैं मनुखें ते सुर्गदुतें दी बोलियां बोलां ते प्रेम नेई रखां, ते मैं ठनकदी पीतल, ते छन छन करने आली कैंसी ऐं।² ते जे मैं भविष्यवाणी करी सकां, ते सारे भेदें ते ते सारे किस्म दे ज्ञान गी समझां, ते मीगी इत्थें तकर पूरा बिश्वास ओए के मैं पाडें गी हटाई देयां, लेकन प्रेम नेई रखां, ते मैं किश भी नेई।³ जे मैं अपना पूरी धन दोलत कंगाले गी खलाई देयां, जां अपना शरीर जलाने आस्ते देई दियां, ते प्रेम नेई रखां, ते मीगी किश भी फायदा नेई।

⁴ प्रेम सबर संदोख करने आला ऐ, ते किरपा करने आला ऐ; प्रेम डाह नेई करदा, प्रेम अपनी बड़ाई नेई करदा, ते फुलदा नेई,⁵ ओह अनरिती नेई चलदा, ओह अपनी पलाई नेई चांदा, झुजलांदा नेई, बुरा नेई मनदा।⁶ कुकर्म कन्ने नांद लेने आला नेई, लेकन सच्चाई कन्ने नांद लेने आला ऐ।⁷ ओह सारीं गल्लां बर्दाश करी लेंदा ऐ, सारीं गल्लें दी परतीती करदा ऐ, सारीं गल्लें दी आस रखदा ऐ, सारीं गल्लें च सबर संदोख रखदा ऐ।

⁸ प्रेम कदें टलदा नेई; भविष्यवानियां ओन, ते खतम ओई जांचन; पाषां ओघन, ते ते जदीयां रोनियां; ज्ञान ओए, ते मिटी जाग।⁹ की के साड़ा ज्ञान अधूरा ऐ, ते साडी भविष्यवाणी अधूरी; ¹⁰ लेकन जेस ले सर्वसिद्ध आई जाग, ते अधूरा मिटी जाग।¹¹ जेस ले बच्चा हा, ते मैं बच्चें जेया बोलदा हा, बच्चें

जेया गे मन हा, बच्चें जेई गे समझ ही; लेकिन जेस ले सयाना ओई गया ते बच्चें दी गल्लां छोड़ी दित्तियां। 12 अर्य्ये असें शीशे च अधूरा लबदा ऐ, लेकिन ओस समें आमने सामने दिखगे; एस समें मेरा ज्ञान अधूरा ऐ, लेकिन ओस समें ऐसी पूरी रिती कन्ने पनछानगा, जिय्यां मैं पनछाने दा ऐ 13 लेकिन हूंन बिश्वास, आस, प्रेम ए तीनों स्थायी न, लेकिन इंदे सबनी च बड्डा प्रेम ऐ।

14 प्रेम दा अनुकरण करो, ते आत्मिक गल्लें दी धुन च रवो, ख़ास करिये ए की भविष्यवाणी करो। 2 की के जेड़ा अन पाषा च गल्लां करदा ऐ ओह मनुखें कन्ने नेई लेकिन परमात्मा कन्ने गल्लां करदा ऐ; की के ओह भेद दी गल्लां आत्मा च ओइये बोलदा ऐ। 3 लेक जेड़ा भविष्यवाणी करदा ऐ, ओह मनुखें कोलां उन्नति ते उपदेश ते शान्ति दी गल्लां आखदा ऐ। 4 जेड़ा अन पाषा च गल्लां करदा ऐ, ओह अपनी गे उन्नति करदा ऐ; लेकिन जेड़ा भविष्यवाणी करदा ऐ, ओह कलीसिया दी उन्नति करदा ऐ। 5 मैं चाना ऐ के तुस सारे अन पाषा च गल्लां करो लेकिन एस कोलां मता ए चाना ऐ के भविष्यवाणी करो: की के जे अन पाषा बोलने आला कलीसिया दी उन्नति आस्ते तरजमा नेई करे ते भविष्यवाणी करने आले ओस कोलां बध ऐ।

6 इसे आस्ते ए प्राओ, जे मैं तुंदे कोल आईये अन पाषा च गल्लां करां, ते उजाला जां ज्ञान जां भविष्यवाणी जां उपदेश दीयां गल्लां तुंदे कन्ने नेई आखां, ते मेरे कोलां तुसें के फायदा ओना ? 7 इसे चाली जे निरजिव चीजां जिंदे चा अवाज निकलदी ऐ, जिय्यां बोंसरी जां बीन, जे उंदे सुरें च भेद नेई ओए ते जेड़ा फुकया जां बजाया जंदा ऐ, ओह किय्यां पनछानेया जाग ? 8 ते जे तुतड़े दा शब्द साफ नेई ओए, ते कुन्न लड़ाई आस्ते तयार करग ? 9 इय्यां गे तुस भी जे जीव कोलां साफ साफ गल्लां नेई आखो, ते जे किश अखा जंदा ऐ ओह किय्यां समझा जाग ? तुस ते अक्वा च गल्लां करने आले ठैरगे। 10 संसार च किन्ने भी किस्म दी पाषां की नी ऑन, लेकिन उंदे बीचा कोई भी बगैर मतलब दी नेई ओग। 11 इसे आस्ते जे मैं किसे पाषा दा मतलब नेई समझां, ते बोलने आले दी दृष्टि च परदेसी ठैरगा ते बोलने आला मेरी दृष्टि च परदेसी ठैरगा। 12 इसे आस्ते तुस भी जे आत्मिक बरदानें दी धुन च ओ, ते ऐसी कोशश करो के तुंदे बरदानें दी उन्नति कन्ने कलीसिया दी उन्नति ओए।

13 इस कारण जेड़ा अन पाषा बोले, ओह प्रार्थना करे के ओस दा तरजमा भी करी सके। 14 इसे आस्ते जे मैं अन पाषा च प्रार्थना करां ते मरी आत्मा प्रार्थना करदी ऐ लेकिन मेरा दमाक कम्म नेई दिंदा। 15 इसे आस्ते के करना चाइदा ? मैं आत्मा कोलां भी प्रार्थना करगा, ते दमाक कोलां भी प्रार्थना करगा; मैं आत्मा कोलां भी गागा, ते दमाक कोलां भी गागा। 16 नेई ते जे तू आत्मा कन्ने गे धन्नवाद करगा, ते फिरी अज्ञानी तेरे धन्नवाद उप्पर आमीन किय्यां आखग ? की के ओह ते नेई जानदा के तू के आखना ऐ ? 17 तू जेड़ा भली भांति धन्नवाद करना ऐ, लेकिन दुए दी उन्नति नेई ओंदिं। 18 मैं अपने परमात्मा दा धन्नवाद करना ऐ, के मैं तुंदे सारें कोलां ज्यादा अन्न पाषे च बोलना ऐ। 19 लेकिन कलीसिया च अन पाषा च दस जार गल्लां आखने कोलां ए मीगी और भी अच्छा लगदा ऐ, के दुए गी सरखाने आस्ते दमाक कन्ने पंज गे गल्लां आखां।

20 ए प्राओ, तुस समझ च बच्चे नेई बनो: बुराई च ते बच्चे रवो, लेकिन समझ च ते सयाने बनो। 21 व्यवस्था च ते लिखे दा ऐ के प्रभु आखदा ऐ, "मैं अपरिचीत पाषा बोलने दे द्वारा ते बगाने मुंह दे द्वारा इन्हें लोके कन्ने गल्लां करगा तां भी ओह मेरी नेई सुनघन।" 22 इसे आस्ते बिश्वासिये आस्ते नेई, लेकिन अबिश्वासिये आस्ते निशानी ऐ; ते भविष्यवाणी अबिश्वासिये आस्ते नेई, लेकिन बिश्वासिये आस्ते निशानी ऐ। 23 इस आस्ते जे कलीसिया इक जगह उप्पर किट्टी ओए, ते सारे दे सारे अन पाषा बोलन, ते बार आले जां अबिश्वासी लोग कोल आई जान ते के तुसें ओह पागल नेई आखघन ? 24 लेकिन जे सारे भविष्यवाणी करन, ते कोई अबिश्वासी जां बार आला मनुख कोल आई जाए, ते सारे उसी दोषी ठैराई देना ते परखी लेना; 25 ते ओस दे मन दे भेद प्रगट ओई जाघन, उस बेले ओह मुंह दे पार किरिये परमात्मा गी प्रणाम करघ, ते मनी लेग के सच्चें गे परमात्मा तुंदे बीच ऐ।

26 इसे आस्ते ए प्राओ, के करना चाइदा ? जेस ले तुस किट्टे ओंदे ओ, ते हर इक दे दिल च पजन जां उपदेश जां अन पाषा जां उजाला जां अन पाषा दा मतलब सनाना रोंदा ऐ। सारा किश आत्मिक उन्नति आस्ते ओना चाइदा। 27 जे अन पाषा च गल्लां करनीयां ऑन ते दो जां मते ओं ते तीन जने बारी

बारिये बोलन, ते इक मनुख तरजमा करे। 28 लेकिन जे तरजमा करने आला नेई ओए, ते अन पाषा बोलने आला कलीसिया च शांत रवे, ते अपने मन कोलां ते परमात्मा कन्ने गल्लां करे। 29 भविष्यवक्ते कोलां दो जां तीन बोलन, ते बाकी लोक उंदे वचन गी परखन। 30 लूकं दुए उप्पर जेड़ा बैठे दा ऐ, किश ईश्वर दा प्रकाश ओए ते पैला चुप ओई जाए। 31 की के तुस सारे इक इक करिये भविष्यवाणी करी सकदे ओ, तां जे सारे सीखन ते सारे शांती पान। 32 ते भविष्यवक्ते दी आत्मा भविष्यवक्ते दे बस च न। 33 की के परमात्मा गडबडी दा नेई, लेकिन शांति दा परमात्मा ऐ।

जिय्यां पवित्र लोके दी सारी कलीसिया च ऐ। 34 जनानियां कलीसिया दी सभा च चुप रॉन, की के उन्हें गल्लां करने दी आज्ञा नेई, लेकिन अधीन रेने दी आज्ञा ऐ, जिय्यां के व्यवस्था च लिखे दा भी ऐ। 35 जे ओह किश सीखना चान, ते करे च अपने अपने करेआले कोलां पूछन, की के जनानी दा कलीसिया च गल्लां करना शर्म आली गल्ल ऐ। 36 के परमात्मा डा वचन तुंदे बीचा निकले दा ऐ ? जां सिर्फ तुंदे तकर गे पुजे दा ऐ ?

37 जे कोई मनुख ओने आप गी भविष्यवक्ता जां आत्मिक जना समझा, ते ए जानी ले के जेड़ीयां गल्लां मैं तुसें लिखना ऐ, ओह प्रभु दी आज्ञां न।

38 लेकिन जे कोई ए नेई मने, ते उसी भी नेई मनो।

39 इस आस्ते ए प्राओ, भविष्यवाणी दी धुन च रवो ते अन पाषा बोलने आस्ते मना नेई करो; 40 लेकिन सारीं गल्लां नम्मर ते ठीक व्यवस्था दे रूप कन्ने कित्तियां जान।

15 ए प्राओ, हूंन मई तुसें उए सुसमाचार सनाना ऐ जेड़ा पैलें सनाई चुके दा ऐं, जीसी तुसें अंगीकार भी कित्ता हा ते जेस च तुस टिके दे भी ओ। 2 उसे दे द्वारा तुंदा उद्धार भी ओंदा ऐ, जे उस सुसमाचार गी जेड़ा मैं तुसें सनाया हा याद रखदे ओ; नेई ते तुंदा बिश्वास करना बेकार ओया।

3 इसे आस्ते मैं सबनी कोलां पैलें तुसें उए गल्ल पजाई दित्ती, जेड़ी मीगी पुजी ही के पवित्र शास्त्र दे वचन दे मताबक यीशु मसीह साडे पापें आस्ते मरी गया, 4 ते दबया गया, ते पवित्र शास्त्र दे मताबक त्रिये दिन जिंदा भी ओई गया, 5 ते कैफा गी उस बेले बारें गी लबया। 6 फिरी ओह पंज सो कोलां मते प्रां गी इक साथ लबया, जींदे बीचा मते सारे अर्य्ये तकर जिंदे न लेकिन किश सेई गे। 7 फिरी ओह याकूब गी लबया उस बेले सारें प्रेरितें गी लबया। 8 सारें कोलां बाद मीगी भी लबया जेड़ा मन्ने अधूरे दिनें दा जम्मे दा ऐ। 9 की के मैं प्रेरितें च सबनी शा निक्का ऐं, बरना प्रेरित खुआने दे काबल भी नेई, की के मैं परमात्मा दी कलीसिया गी सताया हा। 10 लेकिन मैं जे किश भी ऐं, परमात्मा दे अनुग्रह कन्ने ऐं। ओस दा अनुग्रह जेड़ा मेरे उप्पर ओया, ओह बेकार नेई ओया; लेकिन मैं उंदे सबनी शा मती मेनत भी कित्ती: तां भी ए मेरे कोलां नेई ओया लेकिन परमात्मा दे अनुग्रह कन्ने जेड़ा मेरे उप्पर हा। 11 इसे आस्ते चाए मैं ऐं, चाए ओह ऑन, आस इय्ये प्रचार करनेया न, ते इसे उप्पर तुसें बिश्वास भी कित्ता।

12 इसे आस्ते के जेस ले मसीह दा ए प्रचार कित्ता जंदा ऐ के ओह मरें दे बीचा जिंदा ओई गया, ते तुंदे बीचा किन्ने किय्यां आखदे न के मरें दा जिंदा ओना ऐ गे नेई ? 13 जे मरें दा जिंदा ओना ऐ गे नेई, ते मसीह भी जिंदा नेई ओया। 14 ते जे मसीह भी जिंदा नेई ओया ते साडा प्रचार करना भी बेकार ऐ, ते तुंदा बिश्वास करना भी बेकार ऐ। 15 बरना आस परमात्मा दे चुठे गुआह ठैरे; की के असें परमात्मा दे बारे च ए गुआई दित्ती के ओस ने मसीह गी जिंदा कित्ता, अगर चे नेई जिंदा कित्ता जे मरे दे नेई जिंदे ओंदे। 16 ते जे मुडदे नेई जिंदे ओंदे, ते मसीह भी नेई जिंदा ओया; 17 ते जे मसीह नेई जिंदा ओया, ते तुंदा बिश्वास बेकार ऐ, ते तुस अर्य्ये तकर अपने पापें च फसे दे ओ। 18 बरना जेडे मसीह च सेई गेदे न, ओह भी नाश ओए। 19 जे आस सिर्फ एस जीवन च मसीह कोलां आस रखदे न ते आस सारें मनुखें कोलां बदनसीब न।

20 लेकिन सच्चें गे मसीह मुडदें बीचा जिंदा ओई गेदा ऐ, ते जेडे सेई गेदे न उंदे बीचा ए पैला फल ओया। 21 की के जेस ले इक मनुख दे द्वारा मोत आई, ते मनुखें दे द्वारा मरें दा जिंदा ओना भी आया। 22 ते जिय्यां आदम च सारे मरदे न, उर्य्यां गे मसीह च सारे जिंदे कित्ते जांघन। 23 लेकिन हर इक अपनी अपनी क्यारी चा: पैला फल मसीह, फिरी मसीह दे आने उप्पर ओस दे लोग। 24 एस दे बाद अंत ओई जाना। ओस समें ओह सारी प्रधानता, ते सारा

अधिकार, ते समर्थ दा अंत करिये राज गी पिता परमात्मा दे हत्थ च सोंपी देग। 25 की के जेस ले तकर ओह अपने बैरियें गी अपने पैरें दे थले नेई लेई आये, उस बेले तकर ओस दा राज करना जरूरी ऐ। 26 सारे कोलां आखर बैरी जेड़ा नाश किता जाग, ओह मोत ऐ। 27 की के "परमात्मा ने नसारा किश ओस दे पैरें च करी दिता ऐ," लेकन जेस ले ओह आखदा ऐ के सारा किश ओस दे अधीन करी दिता ऐ ते परतकख ऐ के जेस ने सारा किश ओस दे अधीन करी दिता ओह अप्पु बकख रेया। 28 ते जेस ले सारा किश ओस दे अधीन ओई जाग, ते पुत्तर अप्पु भी ओस दे अधीन ओई जाग, जेस ने सारा किश ओस दे अधीन करी दिता, तां जे सारें च परमात्मा सारा किश ओए।

29 नेई तां जेडी लोग मरें आस्ते बपतिस्मा लेंदे न ओह के करघन ? जे मुडदे जिंदे ओंदे गे नेई ते फिरी की उंदे आस्ते बपतिस्मा लेंदे न ? 30 ते आस भी की हर बेले जोखम च पेदे रेनेयां न ? 31 ए प्राओ, मीगी ओस कमंड दी कसम जेड़ा साडे मसीह यीशु च मैं तुंदे बारे च करना ऐ के मैं हर रोज मरना ऐ। 32 जे मैं मनुख दी रिती उप्पर इफिसुस च वन पशुएं कन्ने लड़ेया ते मीगी के फायदा ओया ? जे मुडदे जिंदे नेई किते जाघन, "ते आओ, खाचे पीचे, की के कल ते मरी गे जाना।" 33 तोखा ना खायो, "बुरी संगती अच्छी करतूत गी बगाड़ी दिंदी ऐ।" 34 धर्म आस्ते जागी जाओ ते पाप नेई करो; की के किश ऐसे न जेडे परमात्मा गी नेई जानदे। मैं तुसैं शर्मिदा करने आस्ते ए आखना ऐ।

35 हूंन कोई ए आखग, "मुडदे किस रिती कन्ने जिंदे ओंदे न, ते कैसे शरीर कन्ने आदे न ?" 36 ए बगैर द्वाक आलो ! जे किश तू राना ऐ, जेस ले तकर ओह नेई मरे जिंदा नेई किता जंदा। 37 ते जे तू राना ऐ, ए ओह शरीर नेई जेड़ा पैदा ओने आला ऐ, लेकन निरा दाना ऐ, चाएं कनक दा चाएं अनाज दा। 38 लेकन परमात्मा अपनी मर्जी दे मताबक उसी शरीर दिंदा ऐ, ते हर इक बीह गी ओस दा खास शरीर। 39 सारा शरीर इक जेया नेई: मनुखें दा शरीर और ऐ, डंगरें दा शरीर और ऐ; पैछियें दा शरीर और ऐ; मछियें दा शरीर और ऐ। 40 सुर्गीय शरीर भी ऐन ते प्रिथ्वी दे शरीर भी ऐन। लेकन सुर्गीय शरीरें दा तेज और ऐ, ते प्रिथ्वी दा और। 41 सुरजे दा तेज और ऐ, चन्ने दा तेज और ऐ, ते तारें दा तेज और ऐ, (की के इक तारे कोलां दुए तारे दे तेज च फर्क ऐ)।

42 मुडदें दे जिंदा ओना भी ऐसा गे ऐ। शरीर नाशवान आलत च बोया जंदा ऐ, ते अविनाशी रूप च जिंदा ओई जंदा ऐ। 43 ओह अनादर दे कन्ने बोया जंदा ऐ, ते तेज दे कन्ने जिंदा ओई जंदा ऐ; कमजोरी दे कन्ने बोया जंदा ऐ, ते समर्थ दे कन्ने जिंदा ओई जंदा ऐ। 44 सभाविक शरीर बोया जंदा, ते आत्मिक शरीर जिंदा ओई जंदा ऐ: जेस बेल्न के सभाविक शरीर ऐ, ते आत्मिक शरीर भी ऐ। 45 ऐसा गे लिखे दा भी ऐ, के "पैला मनुख, मतलब आदम जिंदा प्राणी बनया।" ते आखर आदम, जीवनदायक आत्मा बनया। 46 लेकन पैलें आत्मिक नेई हा लेकन सभाविक हा, एस दे बाद आत्मिक ओया। 47 पैला मनुख तरती कोलां मतलब मिट्टी दा हा; दुआ मनुख सुर्गीय ऐ। 48 जिय्यां ओह मिट्टी दा हा, उय्यां गे ओह भी ऐन जेडे मिट्टी देन; ते जिय्यां ओह सुर्गीय ऐ, उय्यां गे ओह भी ऐन जेडे सुर्गीय न। 49 ते जिय्यां असैं ओस दा रूप धारण किता जेड़ा मिट्टी दा हा उय्यां गे ओस सुर्गीय दा रूप भी धारण करगे।

50 ए प्राओ, मैं ए आखना ऐ के मास ते खून परमात्मा दे राज दे अधिकारी नेई ओई सकदे, ते ना नाशवान अविनाशी दा अधिकारी ओई सकदा ऐ। 51 दिखो, मैं तुंदे कन्ने भेद दी गल आखना ऐ: असैं सारें नेई सौना, लेकन सारें बदली जाना, 52 मुडदे अविनाशी आलत च तुआली दिन्ते जाघन, ते आस

बदली जागे। 53 की के जरूरी ऐ के ए नाशवान शरीर अविनाश गी पैहनी लै, ते ए मरने आला शरीर अमरता गी पैहनी लै। 54 ते जेस ले ए नाशवान अविनाश गी पैहनी लेग, ते ए मरने आला अमरता गी पैहनी लेग, उस बेले ए वचन जेड़ा लिखे दा ऐ पूरा ओई जाग:

"जै ने मौत गी निंगली लेता। 55 ए मौत, तेरी जै कुत्थें रेई ? ए मौत, तेरा डंग कुत्थें रेया ? "

56 मौत दा डंग पाप ऐ, ते पाप दा जोर व्यवस्था ऐ। 57 लेकन परमात्मा दा धन्नवाद ओए, जेड़ा साडे प्रभु यीशु दे द्वारा असैं जैवंत करदा ऐ। 58 इसे आस्ते ए मेरे प्यारे प्राओ, मजबूत ते टिके रवो, ते प्रभु दे कम्म च हमेशा बददे जाओ, की के ए जानदे ओ के तुंदी मेनत प्रभु च बेकार नेईयै।

16 हूंन ओस चंदे दे बारे च जेड़ा पवित्र लोकें आस्ते किता जंदा ऐ, जेडी आज्ञा मैं गलातिया दी कलीसियाएं गी दिती, उय्यां गे तुस भी करो। 2 हफते दे पैले दिन तुंदे चा हर इक अपनी आमदनी दे मताबक किश अपने पास रखा करो के मेरे आने उप्पर चंदा नेई करना पवे। 3 ते जेस ले मैं आगा, ते जिन्हें तुस चागे उन्हें मैं चिठियां देइये पेजी देगा के तुंदा दान यरूशलेम पजाई देन। 4 जे मेरा भी जाना ठीक ओया, ते ओह मेरे कन्ने जाघन।

5 मैं मकिदुनिया ओइयै तुंदे कोल आगा, की के मीगी मकिदुनिया ओइयै जाना ई ऐ। 6 लेकन संभव ऐ के तुंदे इत्थें गे ठैरी जां ते ठंडी दा मोसम तुंदे इत्थें कटां, उस बेले जेस पासे मेरा जाना ओग ओस पासे तुस मीगी पजाई देयो। 7 की के मैं हूंन रस्ते च तुंदे कन्ने मुलाकात करना नेई चाना; लेकन मीगी आस ऐ के जे प्रभु चाए ते किश समें तकर तुंदे कन्ने रौगा। 8 लेकन मैं पिन्तेकुस्त तकर इफिसुस च रौगा, 9 की के मेरे आस्ते उत्थें इक बड्डा ते इस्तेमाल ओने आला दरवाजा खुले दा ऐ, ते बरोधी मते सारे न।

10 जे तीमुथियुस आई जा, ते दिखयो के ओह तुंदे इत्थें ओशयार रवे; की के ओह मेरे जेया प्रभु दा कम्म करदा ऐ। 11 इसे आस्ते कोई उसी तुच्छ नेई जानें, लेकन उसी खुशी कन्ने एस बकखी पजाई देयो के मेरे कोल आई जा; की के मैं ओस दा इतजार कराना के ओह प्रां दे कन्ने आए। 12 प्रा अप्पुलोस कन्ने मैं मती विनती किती ऐ के तुंदे कोल प्रां कन्ने जा; लेकन ओसने एस समें जाने दी कोई इच्छा नेई किती, लेकन जेस ले समां पाग उस बेले आई जाग।

13 जागे रवो, बिश्वास च टिके रवो, उच्च करो, जोरे आले उओ। 14 जे किश करदे ओ प्रेम कन्ने करो।

15 ए प्राओ, तुस स्तिफनुस दे घराने दी जानदे ओ के ओह अखया दे पैले फल न, ते पवित्र लोकें दी सेवा आस्ते तेयार रोंदे न। 16 इसे आस्ते मैं तुंदे कन्ने विनती करना ऐ के ए जें दे अधीन रवो, बरना हर इक दे जेड़ा एस कम्म च मेंनती ते सैकर्मो ऐ। 17 मैं स्तिफनास ते फूर्तूनातुस ते अखईकुस दे आने कन्ने नांद च ऐ, की के उन्हें तुंदी कटी गी पूरा किता ऐ। 18 उन्हें मेरी और तुंदी आत्मा गी चैन दिता ऐ, इसे आस्ते ए जें दी मन्नो।

19 आसिया दी कलीसियाएं कोलां तुसैं गी नमस्कार, अक्विला ते प्रिसका दा ते उंदे घर दी कलीसिया दा भी तुसैं गी मता मता नमस्कार ! 20 सारें प्रां दा तुसैं गी नमस्कार। पवित्र चुम्मे कन्ने अप्पु बीचे नमस्कार करो।

21 मीगी पोलुस दा अपने हत्थ दा लिखे दा नमस्कार। 22 जे कोई साडे प्रभु कन्ने प्रेम नेई रखे ते ओह श्रापित ओए। 23 साडे प्रभु, आ ! प्रभु यीशु दा अनुग्रह तुंदे उप्पर ओंदा रवे। 24 मेरा प्रेम प्रभु यीशु च तुंदे सारें उप्पर ओंदा रवे। आमीन।

2 कुरिन्थियों

1 पोलुस कोलां जेड़ा परमात्मा दी मर्जी कोलां मसीह यीशु दा प्रेरित ऐ, ते प्रा तीमुथियुस कोलां परमात्मा दी ओस कलीसिया दे नां, जेड़ा कुरिन्थुस च ऐ, ते सारे अखया दे सारें पवित्र लोकें दे नां:

2 साड़े पिता परमात्मा ते प्रभु यीशु मसीह कोलां तुसं अनुग्रह ते शान्ति मिलदी रवे।

3 साड़े प्रभु यीशु मसीह दे परमात्मा ते पिता दा धन्नवाद ओए, जेड़ा धन्नवाद दा पिता ते सारी चाली दी शान्ति दा पिता ऐ। 4 ओह साड़े सारें क्लेश च शान्ति दिंदा ऐ; तां जे आस ओस शान्ति दे कारण जेड़ी परमात्मा असें दिंदा ऐ, उन्हें भी शान्ति देइ सकचे जेड़े किसे किस्म दे क्लेश च ओं। 5 की के जिय्यां आस मसीह दे दुखें च आस मते शामिल ओनेया न, उय्यां गे आस शान्ति च भी मसीह दे द्वारा मते शामिल ओनेयां न। 6 जे आस क्लेश पानेयां न, ते ए तुंदी शान्ति ते उद्धार आस्ते ऐ; ते जे शान्ति पानेया न, ते ए तुंदी शान्ति आस्ते ऐ; जेस दे प्रभाव कन्ने तुस सबर दे कन्ने उन क्लेशं गी जरी लेंदे ओ, जिनें आस भी जरनेयां न। 7 साड़ी आस तुंदे बारे च मजबूत ऐ; की के आस जाननेयां न के तुस जिय्यां साड़े दुखें च, उय्यां गे शान्ति च भी शामिल ओ।

8 ए प्राओ, आस नेई चानेयां के तुस साड़े ओस क्लेश कोलां अनजान रवो जेड़ा आसिया च साड़े उप्पर पेया; आस ऐसे बड़े पार कन्ने दबोई गेदे हे, जेड़ा साड़ी ताकत कोलां बार हा, इत्थें तकर के आस जीवन शा भी हत्थ तोई बैठे दे हे। 9 बरना असें अपने मनें च समझी लेता हा के साड़े उप्पर मोत दी आज्ञा ओई चुकी दी ऐ, तां जे आस अपना भरोसा नेई रखचे बरना परमात्मा दा जेड़ा मरें गी जिंदा करदा ऐ। 10 उसें असें मोत दे ऐसे बड़े दुःख कोलां बचाया, ते बचाग; ते ओस उप्पर साड़ी ए आस ऐ के ओह अमें भी बचांदा रोहगा। 11 तुस भी मिलिये प्रार्थना दे द्वारा साड़ी मदद करगे की जे जेड़ा बरदान मते दे द्वारा असें गी मिलया, ओस दे कारण मते लोग साड़ी बखरी दा धन्नवाद करन।

12 की के आस अपने बिबेक दी एस गुआई उप्पर कमंड करनेयां न, के संसार च ते ख्रास करिये तुंदे बीच, साड़ी करतूत परमात्मा दे काबल ऐसी पवित्र ते सच्चाई कन्ने हा, जेड़ा शरीर दे ज्ञान कन्ने नेई लेकन परमात्मा दे अनुग्रह कन्ने हा। 13 आस तुसं और किश नेई लिखदे, सिर्फ उए जेड़ा तुस पढ़दे जां मनदे भी ओ, ते मीगी आस ऐ के आखर तकर बी मनदे रोगे।

14 जिय्यां के तुंदा बीचा किन्ने गे मन्नी लेता ऐ के आस तुंदे कमंड दा कारण न, उय्यां गे तुस भी प्रभु यीशु दे दिन साड़े आस्ते कमंड दा कारण ठैरगे।

15 इसे परोसे कन्ने मैं चांदा हा के पैलें तुंदे कोल अवां के तुसं इक और दान मिले; 16 ते तुंदें कोला दा ओईयें मकिदुनिया गी जां, ते फिरी मकिदुनिया कोलां तुंदे कोल अवां, ते तुस मीगी यहूदिया आली बखरी दूर तकर पजागे।

17 इसे आस्ते मैं ए जेड़ी इच्छा किन्ती ही ते के मैं चैचलबुना दसया ? जां जे कस्रणा चाना ऐ के शरीर दे मताबक करना चाना ऐ के मैं गल्ल च 'आं, आं' भी करां ते 'नेई नेई भी करां ? 18 परमात्मा सच्चा गुआह ऐ के साड़े ओस वचन च जेड़ा तुंदे कन्ने आखया 'आं, ते 'नां' दमें नेई पाए जंदे। 19 की के परमात्मा दा पुत्तर यीशु मसीह जेस दा साड़े द्वारा मतलब मेरे ते सिलवानुस ते तीमुथियुस दे द्वारा तुंदे बीच प्रचार ओया, ओस च 'आं' ते 'नां' दमें नेई हे लेकन ओस च 'आं' गे 'आं' ओई। 20 की के परमात्मा दे जिन्ने वादे न, ओह सारे उसे च 'आं' दे कन्ने न। इसे आस्ते ओस दे द्वारा आमीन भी ओई के साड़े द्वारा परमात्मा दी महिमा ओए। 21 ते जेड़ा असें तुंदे कन्ने मसीह च मजबूत करदा ऐ, ते जेस ने साड़ा अभिषेक किन्ता उए परमात्मा ऐ, 22 जेस ने साड़े उप्पर मौर भी लाई दिन्ती ऐ ते ब्याने च आत्मा गी साड़े मनें च दिन्ता।

23 मैं परमात्मा गी गुआह करिये बोलाना के मैं अय्यें तकर कुरिन्थुस च इसे आस्ते नेई आया, के मीगी तुंदे उप्पर तरस आंदा हा। 24 ए नेई के आस बिश्वास दे बारे च तुंदें उप्पर राज जताना चानेयां न; लेकन तुंदें नांद च मददगार न की के तुस बिश्वास दे कन्ने गे टिके रेंदे ओ।

2 मैं अपने मने च इय्ये ठानी लेता दा हा के फिरी तुंदे कोल उदास करने कुन्न ओग ? सिर्फ उए जीसी मैं उदास किन्ता ? 3 ते मैं इय्ये गल्ल तुसं इसे आस्ते लिखी के कुते ऐसा नेई ओए के मेरे आने उप्पर, जींदे कोलां मीगी नांद मिलना चाइदा, मैं उंदे कोलां उदास उआं; की के मीगी तुंदें उप्पर एस गल्ल दा परोसा ऐ के जेड़ा मेरा नांद ऐ, उए तुंदा सबनी दा भी ऐ। 4 इस आस्ते नेई के तुस उदास उओ लेकन इस आस्ते के तुस ओस बड़े प्रेम गी जानी लेओ, जेड़ा मीगी तुंदे कन्ने ऐ।

5 जे किसे ने उदास किन्ता ऐ ते मीगी गे नेई बरना (के ओस दे कन्ने मती कड़ाई नेई करां) किश किश तुसं सबनी गी भी उदास किन्ता ऐ। 6 ऐसे मनुख आस्ते ए सजाह जेड़ी प्रां बीचा मतें दिन्ती, मती ऐ। 7 इस आस्ते एस कोलां पला ए ऐ के ओस दा पाप माफ करो ते शान्ति देओ, नेई ओए के ए जेया मनुख मती उदासी च डूबी जा। 8 इस आस्ते मैं तुंदे कन्ने विनती करना ऐ के उसी अपने प्रेम दा सबूत देओ। 9 की के मैं इस आस्ते भी लिखेया हा के तुसं परखी लेयां के तुस मेरी सारीं गल्लें गी मनने आस्ते तेयार ऐओ के नेई। 10 जेस दा तुस किश माफ करदे ओ उसी मैं भी माफ करना ऐ, की के मैं भी जे माफ किन्ता ऐ, जे किन्ता ओए, ते तुंदे कारण मसीह दी जगह ओइये माफ किन्ता ऐ। 11 के शैतान दी साड़े उप्पर चलाकी नेई चले, की के आस ओस दी जुगतिये शा अनजान नेई।

12 जेस ले मैं मसीह दा सुसमाचार सनाने आस्ते त्रोआस आया, ते प्रभु ने मेरे आस्ते इक दरवाजा खोली दिन्ता, 13 ते मेरे मने च चैन नेई मिलया, इस आस्ते के मैं अपने प्रा तीतुस गी नेई पाया; इस आस्ते उंदे शा विदाई लेइये मैं मकिदुनिया गी चली गया।

14 लेकन परमात्मा दा धन्नवाद ओए जेड़ा मसीह च मेशा असें जै दे उत्सव च लेई फिरदा ऐ, ते अपने ज्ञान दी खुशबु साड़े द्वारा हर जगह फलांदा ऐ।

15 की के आस परमात्मा दे कोल उद्धार पानें आले ते नाश ओने आलें दोर्नी आस्ते मसीह दी खुशबु ऐ। 16 कईयें आस्ते ते मरने दे नमित्त मौत दी गंध, ते किन्ने आस्ते जीवन दे नमित्त जीवन दी खुशबु। पला इनें गल्लें दे काबल कुन्न ऐ ? 17 की के आस उन मतें आंगर नेई जेड़े परमात्मा दे वचन च मलावट करदे न; लेकन मने दी सच्चाई कन्ने ते परमात्मा कोलां परमात्मा गी आजर जानदे ओई मसीह च बोलनेयां।

3 के आस फिरी अपनी बड़ाई करना लगी पे ? जां असें बाकी लोकें जेईयां सफारशें दी पत्रियां तुंदे कोल ले आनियां जां तुंदें कोला लेनियां न ? 2 साड़ी पत्री तुस गे ओ, जेड़ी साड़े दिले उप्पर लिखी ओई ऐ ते उसी सारे मनुख पनछानदे ते पढ़दे न। 3 ए प्रगट ऐ के तुस मसीह दी पत्री ओ, जीसी असें सेवकें आंगर लिखया, ते जेड़ी स्याई कन्ने नेई लेकन जिंदे परमात्मा दी आत्मा कन्ने, पत्थर दी पट्टीयें उप्पर नेई, लेकन दिल दे मास रूपी पट्टीयें उप्पर लिखीयां न।

4 आस मसीह दे द्वारा परमात्मा दे उप्पर ऐसा गे परोसा रखनेयां। 5 ए नेई के आस अपने आप कोलां एस जोगे न के अपनी बखरी दा किसे गल्ल दा बचार करी सकचे, लेकन साड़ी योग्यता परमात्मा कोलां ऐ, 6 जेस ने असें नमी वाचा दे सेवक ओने दे जोगे भी किन्ता शब्द दे सेवक नेई बरना आत्मा दे; की के शब्द मारदा ऐ, लेकन आत्मा जिंदा करदा ऐ।

7 जे मौत दी ओह वाचा जेस दे अखर पत्थर उप्पर खोदे गे हे, इत्थें तकर शक्तिशाली ओई के मूसा दे मुह उप्पर दी अग्न दे कारण जेडी कटदी भी जंटी ही, इस्राएली ओस दे मुंह उप्पर दृष्टि नेई करी सकदे हे, 8 ते आत्मा दी वाचा और भी शक्तिशाली की नी ओग ? 9 की के जेस ले दोषी ठेराने आली वाचा शक्तिशाली ही, ते धर्मी ठेराने आली वाचा और भी शक्तिशाली की नी ओग ? 10 ते जेडा शक्तिशाली हा, ओह भी ओस अग्न दे कारण जेडा ओस कोलां जादे शक्तिशाली ह, किश शक्तिशाली नेई ठैरया। 11 की के जेस ले ओह जेडा कटदा जंदा हा, ते ओह जेडा टिका रोहग और भी शक्तिशाली की नी ओग ?

12 इसे आस्ते ऐसी आस रखिये आस दलेरी कन्ने बोलनेयां न, 13 ते मूसा आंगर नेई, जेस ने अपने मुंह उप्पर पडदा पाया हा तां जे इस्राएली ओस कटने आली अग्न दे अंत गी नेई दीखन। 14 लेकन ओह मतिमंद ओई गे, की के आज तकर पराना नियम पढ़े समें उंदे दिलें उप्पर उए पडदा पेदा रोदा ऐ, लेकन ओह मसीह च उठी जंदा ऐ। 15 अज तकर जेस ले किते मूसा दी कताब पढ़ी जंटी ऐ, ते उंदे दिले उप्पर पडदा पेदा रोदा ऐ। 16 लेकन जेस ले किते उंदा दिल प्रभु आली बक्खी फिरग, उस बेले ओह पडदा उठी जाग। 17 प्रभु ते आत्मा ऐ: ते जित्थें किते प्रभु दा आत्मा ऐ उत्थें अजादी ऐ।

18 लेकन जेस ले असें सारे दे घुआडे मुंह कोलां प्रभु दा प्रताप एस चाली प्रगट ओंदा ऐ, जेस चाली शीशे च ते प्रभु दे द्वारा जेडा आत्मा ऐ, आस उसे तेजस्वी रूप च अंश करिये बदलदे जंदे न।

4 इसे आस्ते जेस ले साडे उप्पर ऐसी दया ओई के असें ए सेवा मिली, ते आस इम्मत नेई छडनेयां। 2 लेकन असें शर्म दे गुप्त कर्म्म गी त्यागी दित्ता, ते ना चलाकी कन्ने चलनयां, ते ना परमात्मा दे वचन च मलावट करनेयां; लेकन सच्चाई गी प्रगट करिय, परमात्मा दे सामने हर इक मनुख दे बबेक च अपनी भलाई बठानेयां न। 3 लेकन जे साडे समाचार उप्पर पडदा पेया ऐ, ते ए नाश ओने आलें आस्ते गे पेदा ऐ। 4 ते उन अबिश्वासियें आस्ते, जींदा ब्याक एस संसार दे ईश्वर ने अन्ना करी दिते दा ऐ, तां जे मसीह जेडा परमात्मा दा प्रतिरूप ऐ, ओस दे शक्तिशाली सुसमाचार दी लो उंदे उप्पर नेई चमके। 5 की के आस अपने आप गी नेई, लेकन मसीह यीशु गी प्रचार करनेयां न के ओह प्रभु ऐ; ते अपने बारे च ए आखनेयां न के आस यीशु दे कारण तुंदे सेवक न। 6 इसे आस्ते के परमात्मा गे ऐ, जेस ने आख्या, "नेरे कोलां लो चमके," ते उए साडे दिले च चमका के परमात्मा दी मैमा दी पनछान दी लो यीशु मसीह दे मुंहे कोलां चमकीला ओए।

7 लेकन साडे कोल ओह धन मिट्टी दे पांडे च रखे दा ऐ के ए बे ऐंत समर्थ साडे कोलां नेई, बरना परमात्मा कोलां गे ठैरे। 8 आस चोर्नी बक्खीं दा क्लेश ते पुगतनेया न, लेकन दुखे च नेई पोनयां; लचारी दी आलत च ते ऐन, लेकन नराश नेई ओनेयां; 9 सताए ते जनेयां, लेकन त्यागे नेई जनेयां; डिगाए ते जनेयां, लेकन नाश नेई ओनेयां। 10 आस यीशु दी मौत गी अपने शरीर च लेई हर समें लेई फिरनेयां न के यीशु दा जीवन भी साडे शरीर च प्रगट ओए। 11 किम्के आस जिंदे जी मेशां यीशु दे कारण मौत दे हत्थे च सोंपे जनेयां न के यीशु दा जीवन भी साडे मरने आले शरीर च प्रगट ओए। 12 इस चाली मौत दे साडे उप्पर असर पांटी ऐ ते जीवन तुंदे उप्पर।

13 इसे आस्ते के साडे उप्पर उए बिश्वास दी आत्मा ऐ, जेस दे बारे च लिखे दा ऐ "मैं बिश्वास कित्ता, इसे आस्ते मैं बोलया।" इस आस्ते आस भी बिश्वास करनेयां न, इसे आस्ते बोलनेयां न। 14 की के आस जाननेयां के जेस ने प्रभु यीशु गी जिंदा कित्ता, उए असें गी भी यीशु च शामिल समझिये असें भी जिंदा करग। 15 की के सारीं चीजां तुंदे आस्ते न, तां जे अनुग्रह मते दे द्वारा मता ओइये परमात्मा दी मैमा आस्ते धन्नवाद भी बदा।

16 इसे आस्ते आस इम्मत नेई छडनेयां; अलां की साड़ी बारे दी इंसानियत नाश ओंदा जंदा ऐ, तां भी साडा कोल आली इंसानियत हर रोज नमीं ओंटी जंटी ऐ। 17 की के साडा पल भर दा अल्का जेया क्लेश साडे आस्ते मता गे जरूरी ते मेशां दी मैमा पैदा करदा जंदा ऐ; 18 ते आस दिखीं दी चीजें उप्पर नेई लेकन बगैर दिखीं दी चीजें गी दिखदे रोनेया न; की के दिखी दी चीजां थुडे गे दिनें दीयां, लेकन बगैर दिखे दियां चीजां मेशां बनी रोंदीयां।

5 की के आस जाननेयां के जेस ले साडा तरती उपरे दा डेरा सरीखा घर डिगाया जाग, ते असें परमात्मा कोलां सुर्ग च इक ऐसा भवन मिलग जेडा हत्थें दा बने दा घर नेई, लेकन मते चिर तकर बने रौने आला ऐ।

2 एस च ते आस कुरनेयां ते बड़ी लालसा रखनेयां न के अपने सुर्गीय घर गी पैहनी लेचे 3 के एस दे पैहनने कन्ने आस नंगे नी लबचे। 4 ते आस एस डेरे च रौंदे ओई पार कन्ने दबोचे दे कुरदे रेनेयां न, की के की के आस तुआरना नेई लेकन बरना और पैहनना चानेयां न, की के ओह जेडा मरनआर ऐजीवन च डूबी जान। 5 जेस ने असें इसे गल्ल आस्ते तेयार कित्ता ऐ ओह परमात्मा ऐ, जेस ने असें पेशगी च आत्मा भी दित्ता ऐ।

6 इस आस्ते आस मेशा ओंसला बने रेनेयां न ते ए जाननेयां के जेस ले तकर आस शरीर च रौनेयां न उस बेले तकर प्रभु कोलां बक्ख न न - 7 की के आस शक्क गी दिखिये नेई, लेकन बिश्वास कन्ने चलनेयां न - 8 इसे आस्ते आस ओंसला बने रौनेयां न, ते शरीर कोलां बक्ख ओइये प्रभु दे कन्ने रौना और भी ठीक समझनेयां न। 9 इसे आस्ते साडे मन दी इच्छा ए ऐ के चाएं कन्ने रौचे चाएं बक्ख रौचे, लेकन आस उसी मसूस ओंदे रौचे। 10 की के जरूरी ए के साडा सबनीं दा आल मसीह दे सामने खुली जा, के हर इक मनुख अपने अपने भले बुरे कर्म्म दा बदला जेडे ओस ने शरीर दे द्वारा कित्ते ओंन पाए।

11 इसे आस्ते प्रभु दा डर मनिये आस लोकें गी समझनेयां न; लेकन परमात्मा उप्पर साडा आल प्रगट ऐ, ते मेरी आस ए ऐ के तुंदे बबेक उप्पर भी प्रगट ओया ओना। 12 आस फी भी अपनी बड़ाई तुंदे सामने नेई करनेयां, लेकन आस अपने बारे च तुसें कमंड करने दा मोका दिनयां के तुस उन्हें जबाव देई सक्को, जेडे मने उप्पर नेई बरना दखावटी गल्लें उप्पर कमंड करनेयां न। 13 जे आस बेसुध न ते परमात्मा आस्ते, ते जे सचेत न ते तुंदे आस्ते न। 14 की के मसीह दा प्रेम असें बेबेस करी दिंदा ऐ; इस आस्ते के आस ए समझनेयां न के जेस ले इक सबनी आस्ते मरया ते आरे मरी गे। 15 ते ओह एस नमित्त सबनी आस्ते मरया के जेडे जिंदे न, ओह अगं गी अपने आस्ते नेई जीन, लेकन ओस आस्ते जेडा उंदे आस्ते मरया ते फिरी जिंदा ओया।

16 इस आस्ते हून कोलां आस किसे गी शरीर दे मताबक नेई समझगे। अर्ये के असें मसीह गी भी शरीर दे मताबक जानेया हा, तां भी हून कोलां उसी ऐसा नेई जानगे। 17 इसे आस्ते जे कोई मसीह च ऐ ते ओह नमीं पैदाईश ऐ: परानी गल्लां बीती गेदियां न; दिखो, सारीं गल्लां नमीयां ओई गेदियां न। 18 ए सारियां गल्लां ओस कोलां न, जेस ने मसीह दे द्वारा अपने कन्ने साडा मेल मलाप कराई लेता, ते मेल मलाप दी सेवा असें सोंपी दित्ती ऐ। 19 मतलब परमात्मा ने मसीह च ओइये अपने कन्ने संसार दा मेल मलाप करी लेता, ते उंदे पापे दा दोष उंदे उप्पर नेई लाया, ते ओस ने मेल मलाप दा बचन असें सोंपी दित्ता ऐ।

20 इसे आस्ते, आस मसीह दे राजदूत न; मन्त्रो परमात्मा साडे द्वारा बिनती करादा ऐ। आस मसीह दी बक्खी दा नवेदन करनेयां न के परमात्मा दे कन्ने मेल मलाप करी लो। 21 जेडा पाप कोलां अनजान हा, उसें गी ओस ने साडे आस्ते पाप ठेराया के आस ओस च ओइये परमात्मा दी धार्मिकता बनी जाचे।

6 आस जेडे परमात्मा दे सैकर्म्म न ए भी समझनेयां न के ओस दा अनुग्रह जेडा तुंदे उप्पर ओया, उसी बेकार नेई जाना देओ।

2 की के ओह ते आखदा ऐ, "अपनी खुशी दे समें मैं तेरी सुनी लेती, ते उद्धार दे दिन मैं तेरी मदद कित्ती।" दिखो, अर्ये ओह खुशी दा समां ऐ; दिखो, अर्ये ओह उद्धार दा दिन ऐ।

3 आस किसे गल्ल च ठोकर खाने दा कोई भी मोका नेई दिनया तां जे साड़ी सेवा उप्पर कोई दोष नेई आए। 4 लेकन हर गल्ल च परमात्मा दे सेवके आंगर अपने सदुनें गी प्रगट करनेयां न, बडे सबर कन्ने, क्लेश कन्ने, दरिद्रता कन्ने, दुखे कन्ने, 5 कोडे खाने कन्ने, कैद ओने कन्ने, उल्लुड कन्ने, मेनत कन्ने, जागे रौने कन्ने, उपवास करने कन्ने, 6 पवित्र बनने कन्ने, ज्ञान कन्ने, सबर कन्ने, कृपा करने कन्ने, पवित्र आत्मा कन्ने, 7 सच्चे प्रेम कन्ने, सच्चाई दे बचन कन्ने, परमात्मा दी शक्ति कन्ने, धार्मिकता दे हथयार कन्ने, जेडे सज्जे खबबे हत्थें च ऐ, 8 आदर ते नरादर कन्ने, बदनामी ते सुनामी कन्ने। आलांकी परमाने आले जे लगदे न तां भी सच्चे न; 9 अनजाने दे सदृश न, तां भी मथुर न; मरने आलें दे आंगर न ते दिखो जिंदे न; मारखाने आलें दे सदृश न लेकन प्राण कोलां

मारे नेई जंदे; 10 बसोस करने आलें दे आंगर न, लेकन मतें गी सोखे बनाई दिंदे न; ऐसे न जिय्यां साड़े कोल किश नेई तां भी सारा किश रखदे न।

11 ए कुरिन्थियों, असें खुलिये तुंदे कन्ने गल्लां कितियां न, साड़ा दिल तुंदी आली बक्खी खुला ऐ। 12 तुंदे आस्ते साड़े मने च कोई संकोच नेई, लेकन तुंदे मने च गे संकोच ऐ। 13 लेकन अपने बच्चे जानिये तुंदे कन्ने आखना ऐ के तुस भी ओस दे बदले च अपना दिल खोली देओ।

14 अबिश्वासियें दे कन्ने असमान दे जुए च नेई जूतों, की के धार्मिकता ते अधर्म वा के मेल जोल ? जां लो ते नेरे दी के संगती ? 15 ते मसीह वा बलियाव दे कन्ने के लगाव ? जां बिश्वासी वा अबिश्वासी कन्ने के नाता ?

16 ते मूर्तियें कन्ने परमात्मा दे मंदिर वा के रिश्ता ? की के आस ते जिंदे परमात्मा दे मंदिर न; जिय्यां परमात्मा ने आखे वा ऐ, "मैं उंदे च बसगा ते चलगा फिरगा; ते मैं उंदा परमात्मा ओगा, ते ओह मेरे लोग ओघंन।"

17 इसे आस्ते प्रभु आखवा ऐ, "उंदे बीचा निकलो ते बक्ख रवो; ते अशुद्ध चीज गी मत छुओ, ते मैं तुसें ग्रहण करगा;

18 ते मैं तुंदा पिता ओगा, ते तुस मेरे बेटे ते बेटियां ओघे। ए सर्वशक्तिमान प्रभु परमात्मा वा बचन ऐ।

7 इस आस्ते ए प्यारयो, जेस ले की असें ए वादे असें मिलेदे न, ते आओ, आस अपने आप गी शरीर ते आत्मा दे सारी गंदगी कोलां साफ़ करचे, ते परमात्मा वा डर रखदे ओई पवित्रता गी सिद्ध करचे।

2 असें अपने दिले च जगह देओ। असें ना किसे कन्ने अन्याय कित्ता, ना किसे गी बगाड़या, ते ना किसे गी ठगया। 3 मैं तुसें गी दोषी ठराने आस्ते ए नेई आखवा। की के मैं पैलें गे आखी चुके वा ऐ के तुस साड़े दिल च ऐसे बसी चुके दे ओ के आस तुंदे कन्ने मरने जीने आस्ते तयार न। 4 मैं तुंदे कन्ने बड़ी दलेरी कन्ने बोलाना, मीगी तुंदे उप्पर बड़ा कमंड ऐ; मैं शान्ति कन्ने परोची गया ऐं। अपने सारे क्लेश च मैं नांद कन्ने मता भरपूर रौना ऐ।

5 की के जेस ले आस मकिदुनिया च आए, उस बेले भी साड़े शरीर गी चैन नेई मिलया, लेकन आस चोनी बक्खी वा क्लेश पांदे हे; बार लड़ाइयां थियां, कोल डरोनियां गल्लां थियां। 6 तां भी दीनें गी शान्ति देने आले परमात्मा ने तीतुस दे आने कन्ने असें गी शान्ति दीती; 7 ते ना सिर्फ ओस दे आने कन्ने लेकन ओस दी ओस शान्ति कन्ने भी, जेड़ी उसी तुंदे कोलां मिली ही। ओस ने तुंदी लालसा, तुंदे दुःख, ते मेरे आस्ते तुंदी धुन वा समाचार असें सनाया, जेस कन्ने मीगी और भी नांद ओया। 8 की के जे मैं अपनी पत्नी कोलां शोकित कित्ता, लेकन ओस कोलां पछताना नेईये जिय्यां के पैलें पछतांदा हा, की के मैं जानना ए के ओस पत्नी कोलां तुसें बसोस ते ओया लेकन ओह थोड़ी देर आस्ते हा। 9 हूं मैं नांद च ऐ लेकन इस आस्ते नेई के तुसें बसोस ओया, बरना इस आस्ते के तुसें ओस बसोस दे कारण मन फेरया, की के तुंदा बसोस परमात्मा दी मर्जी दे मताबाक हके साड़ी बक्खी वा तुसें किसे भी गल्ल च नुस्कान नेई ओए। 10 की के परमात्मा पगति वा शोक ऐसा पछचाताप पैदा करवा ऐ जेस वा परिणाम उद्धार ऐ ते फिरी ओस कोलां पछताना नेई पांदा। लेकन संसार वा शोक मौत पैदा करवा ऐ। 11 इस आस्ते दिखो इसे गल्ल कोलां के तुसें परमात्मा पगति वा शोक ओया तुंदे च किन्ना उत्साह ते प्रत्युतर ते रिस, ते डर, त्र लालसा, ते धुन ते सजाह देने वा बचार पैदा ओया ? तुसें सारीं चालीं च ए सिद्ध करी दसया के तुस एस गल्ल ह नर्दाश ओ।

12 फिरी मैं जेड़ा तुंदे कोल लिखेया हा, ओह ना ते ओस दे कारण लिखया जेस ने अन्याय कित्ता ते न ओस दे कारण जेस उप्पर अन्याय कित्ता गया, लेकन इस आस्ते के तुंदा उत्साह जेड़ा साड़े आस्ते ऐ, ओह परमात्मा दे सामने तुंदे उप्पर प्रगट ओई जा।

13 इसे आस्ते असें शान्ति मिली। साड़ी एस शान्ति दे कन्ने तीतुस दे नांद दे कारण और भी नांद ओया की के ओस वा मन तुंदे सारें दे कारण हरा भरा ओई गया। 14 की के जे मैं ओस दे सामने तुंदे बारे च कोई कमंड दसया, ते शर्मिंदा नेई ओया, लेकन जिय्यां असें तुंदे कन्ने सारियां गल्लां सच सच आखी दितियां थियां, उय्यां गे साड़ा कमंड दसना तीतुस दे सामने सच निकलया। 15 जेस ले उसी तुंदे सारें वा आज्ञाकारी ओने वा याद ओंदी ऐ की किय्यां तुसें उरदे ते कंपदे ओई ओस कन्ने मुलाकात कित्ती; ते ओस वा प्रेम तुंदी बक्खी भी बदवा जंदा ऐ। 16 मैं नांद च ए की के मीगी हर गल्ल च तुंदे उप्पर पूरा परोसा ऐ।

8 हूं ए प्राओ, आस तुसें परमात्मा दे ओस अनुग्रह वा समाचार दिनया न जेड़ा मकिदुनिया दी कलीसिया उप्पर ओया ऐ। 2 के क्लेश दी बड़ी परीक्षा च उंदे बड़े नांद ते पारी, कंगालपन च उंदी उदारता मती बदी गयी। 3 उंदे बारे च मेरी ए गुआई ऐ के उन्हें अपनी भर बरना सामर्थ्य कोलां बार, मने शा दित्ता। 4 ते एस दान च ते पवित्र लोकें दी सेवा च शामिल ओने दे अनुग्रह दे बारे च, साड़े कन्ने बार बार मती बिनती कित्ती, 5 ते जिय्यां असें आस कित्ती ही, उय्यां गे नेई बरना उन्हें प्रभु गी फिरी परमात्मा दी मर्जी कन्ने असें गी भी अपने आप गी देई दित्ता। 6 इस आस्ते असें तीतुस गी समझाया के जिय्यां ओस पैलें शुरु कित्ता हा, उय्यां गे तुंदे बीच भी एस दान दे कम्म गी पूरा भी करी ले। 7 इस आस्ते जिय्यां तुस हर गल्ल च मतलब बिश्वास, बचन, ज्ञान ते सारे चालीं दी कोशिश बीच, ते ओस प्रेम च जेड़ा साड़े कन्ने रखदे ओ, बदवे जंदे ओ, उय्यां गे एस दान दे कम्म च भी बदवे जाओ।

8 मैं आज्ञा दी रिती उप्पर नेई, लेकन दूर दे उत्साह कन्ने तुंदे प्रेम दी सच्चाई गी परखने आस्ते आखना ऐ। 9 तुस साड़े प्रभु यीशु मसीह वा अनुग्रह जानदे ओ के ओह सोखा ओंदे ओई भी तुंदे आस्ते कंगाल बनी गया, तां जे ओस दे कंगाल ओई जाने कन्ने तुस सोखे ओई जाओ। 10 एस गल्ल च मेरी सलाह इय्ये ऐ: ए तुंदे आस्ते अच्छा ऐ, जेड़ा इक साल कोलां ना ते सिर्फ एस कम्म गी करने च गे, लेकन एस गल्ल दे चाने च भी पैले ओए हे, 11 इसे आस्ते हूं ए कम्म पूरा करो के जनेया मर्जी करने च तुस तयार हे, उय्यां गे अपनी अपनी पूंजी दे मताबक पूरा भी करो। 12 की के जे मन दी तयारी ओए ते दान ओस दे मताबक ग्रहण भी ओंदा ऐ जेड़ा ओस दे कोल ऐ, ना के ओस दे मताबक जेड़ा ओस दे कोल नेईये। 13 ए नेई की दूर गी चैन ते तुसें गी क्लेश मिले, 14 लेकन बराबरी दे बचार कन्ने एस समें तुंदी बदने आली उंदी घटी च कम्म आए, तां जे उंदी बढोतरी तुंदी घटी च कम्म आए के बराबरी ओई जा।

15 जिय्यां लिखे वा ऐ "जेस ने मता कित्ठा कित्ता ओस वा किश मता नेई निकलया, ते जेस ने थुड़ा कित्ठा कित्ता ओस वा किश कट नेई निकलया।"

16 परमात्मा वा धन्नवाद ओए, जेस ने तुंदे आस्ते उए उत्साह तीतुस दे दिले च पाया ऐ। 17 के ओस ने साड़ा समझना मनी लेता बरना मता उत्साही ओइये ओह अपनी मर्जी कन्ने तुंदे कोल गया ऐ। 18 असें ओस दे कन्ने ओस प्रा गी भी पेजया ऐ जेस वा नां सुसमाचार दे बारे च सारी कलीसिया च फैले वा ऐ; 19 ते इन्ना गे नेई, लेकन ओह कलीसिया दे द्वारा ठेराया भी गया के एस दान दे कम्म आस्ते साड़े कन्ने जा। आस ए सेवा इस आस्ते करनेयां के प्रभु दी मैमा ते ते साड़े मन दी तेयारी प्रगट ओई जा। 20 आस एस गल्ल च शयार रोनाया न के एस उदारता दे कम्म दे बारे च जेस दी सेवा आस करनेयां, कोई साड़े उपर दोष नेई लाई सक्के। 21 की के जेड़ी गल्लां सिर्फ प्रभु दे कोल नेई, लेकन मनुखें दे कोल भी पली न आस उंदी चिंता करनेयान। 22 असें ओस दे कन्ने अपने प्रा गी भी पेजा ऐ, जीसी असें बार बार परखीये मती गल्ल च उत्साही पाया ऐ; लेकन हूं तुंदे उप्पर उसी बड़ा परोसा ऐ, एस कारण ओह और भी मता उत्साही ऐ। 23 जे कोई तीतुस दे बारे च पूछे, ते ओह मेरा साथी ते तुंदे आस्ते मेरा सैकर्मो ऐ; ते जे साड़े प्रां दे बारे च पूछे, ते ओह कलिसियें दे पेजे दे ते मसीह दी मैमा न। 24 इस आस्ते अपना प्रेम ते साड़ा ओह कमंड जेड़ा तुंदे आस्ते ऐ कलिसियें दे सामने सिद्ध करिये उन्हें दस्सो।

9 हूं ओस सेवा दे बारे च जेड़ी पवित्र लोकें आस्ते कित्ती जंदी ऐ, मिगी तुसें गी लिखना जरूरी नेई। 2 की के मैं तुंदे मन दी तयारी गी जानना ऐ, जेस दे कारण मैं तुंदे बारे च मकिदुनियावासियें दे सामने कमंड दसना ऐ के अखया दे लोग इक साल कोलां तयार ओए दे न,, ते तुंदे उत्साह ने और भ मतें गी भी प्रेरित कित्ता ऐ। 3 लेकन मैं प्रां गी एस आस्ते पेजया ऐ के असें जेड़ा कमंड तुंदे बारे च दसया, ओह एस गल्ल च बेकार नेई ठैरे; लूक जिय्यां मैं अखया उय्यां गे तुस तयार रवो, 4 ऐसा नेई ओए के जे कोई मकिदुनियावासी मेरे कन्ने आए ते तुसें तयार नेई पाए, ते ओई सकवा ऐ के एस परोसे दे कारण आस (ए नेई आखनेयां के तुस) शर्मिंदा उओ। 5 इस आस्ते मैं प्रां कन्ने बिनती करना जरूरी समझया के ओह पैलें कोलां गे तुंदे कोल जान, ते तुंदी उदारता वा फल जेस दे बारे च पैलें वा गे बचन दित्ता गया हा, तयार करी रखन के ए दबाब कन्ने नेई लेकन उदारता दे फल जेया तयार ओए।

6 लेकन गल्ल ए ऐ: जेड़ा थुड़ा रांदा ऐ, ओह थुड़ा कटग भी; ते जेड़ा मता रांदा ऐ, ओह मता कटग। 7 हर इक मनुख जनेया मने च ठाने उर्यां गे दान करे; ना कुड़कुड़ाइये ते ना दबाव कन्ने, की के परमात्मा खुशी कन्ने देने आले कन्ने प्रेम रखदा ऐ। 8 परमात्मा सारी चाली दा अनुग्रह तुसे बोतायत कन्ने देई सकदा ऐ जेस कन्ने हर गल्ल च ते हर समे, सारा किश, जेड़ा तुसे जरूरी उए, तुंदे कोल रवे; ते हर इक भले कम्म आस्ते तुंदे कोल मता किश ओए।

9 जिय्यां लिखे दा ऐ, "ओस ने खलेरया, ओस ने कंगाले गी दान दिता, ओस दा धर्म मेशा बना राँगा।"

10 इस आस्ते जेड़ा राने आले गी बी ते खाने आस्ते रुट्टी दिंदा ऐ, ओह तुसें बी देग, ते उसी फलवंत करग; ते तुंदे धर्म दे फले गी बदाग। 11 तुस हर गल्ल च सारे चाली दी उदारता आस्ते जेड़ी साडे द्वारा परमात्मा दा धन्नवाद करांदा ऐ, सोखे किते जाओ। 12 की के एस सेवा दे पुरे करने कोलां ना सिर्फ पवित्र लोकें दी जरूरतां पुरियां ओदियां न, लेकन लोकें कोलां परमात्मा दा भी मता धन्नवाद ओंदा ऐ। 13 की के एस सेवा दा सबूत आसल कर ओह परमात्मा दी मैमा प्रगट करदे न के तुस मसीह दे सुसमाचार गी मन्नीये ओस दे अधीन राँदे ओन, ते उंदी ते सारे दी मदद करने च उदारता प्रगट करदे राँदे ओ। 14 ते ओह तुंदे आस्ते प्रार्थना करदे राँदे न; इस आस्ते के तुंदे उप्पर परमात्मा दा बड्डा गे अनुग्रह ऐ, तुंदी लालसा करदे राँदे न। 15 परमात्मा दा, ओस दे ओस दान आस्ते जेड़ा बर्णन कोलां बार ऐ, धन्नवाद ओए।

10 मैं उए पौलुस जेड़ा तुंदे सामने दीन ऐं लेकन पीठी पीछें तुंदी आली बक्खी इम्मत करना ऐं, तुसें गी मसीह दी लिमता ते कोमलता दे कारण समझाना ऐं। 2 मैं ऐ बिनती करना ऐं के तुंदे सामने मीगी अनडरा ओइये इम्मत करना नेई पवे, जिय्यां मैं किश लोकें उप्पर जेड़े असें शरीर दे मताबक चलने आले समझदे न, इम्मत दसने दा बचार करना ऐं। 3 की के जे आस शरीर उप्पर चलनेयां फिरनेयां न, तां भी शरीर दे मताबक नेई लडनेयां। 4 की के साड़ी लड़ाई दे हथयार शरीर दे नेई, लेकन गदें गी टाई देने आस्ते परमात्मा दे द्वारा समर्थी न। 5 इस आस्ते आस कल्पनें दा ते हर इक उची गल्ल दा, जेड़ी परमात्मा दे बरोध दे बारे च उठदी ऐ, खंडन करनेयां न; ते हर इक भावना गी कैद करिये मसीह दा आज्ञाकारी बनाई दिनया, 6 ते तयार राँनेयां न के जेस ले तुंदा आज्ञा पालन पूरा ओई जा, ते हर इक प्रकार दे आज्ञा नेई मनने आले गी सजा दिये।

7 तुस उन्हें गल्लें गी गे दिखो, जेड़ीयां अखियें दे सामने न। जे किसे गी अपने उप्पर ए परोसा उए के मैं मसीह दा ऐं, ते ओह ए भी जानी ले के जिय्यां ओह मसीह दा ऐ उर्यां गे आस भी ऐन। 8 की के जे मैं ओस अधिकार दे बारे च और भी कमांड दस्सां, जेड़ा प्रभु ने तुंदे बगाडने आस्ते नेई लेकन बनाने आस्ते असें दिता ऐ, ते शर्मिंदा नेई ओगा। 9 ए मई इस आस्ते आखना ऐ के पत्रियें दे द्वारा तुसें डराने आला नेई ठैरां। 10 की के ओह आखदे न, "ओस दी पत्रियाँ ते गभीर ते प्रभावशाली न; लेकन जेस ले ओह सामने ओंदा ऐ, ते ओह शरीर दा कमजोर ते वक्तव्य च अलका लगदा ऐ।" 11 जेड़ा ऐसा आखदा ऐ, ओह ए समझी रखे के जिय्यां पीठी पिच्छें पत्रियें च साडे बचन न उर्यां गे तुंदे सामने साडे कम्म भी ओघंन। 12 की के असें ए इम्मत नेई के आस अपने आप गी उंदे बीचा ऐसे कईयें दे कन्ने गिनचे जां उंदे कन्ने अपने आप गी मलाचे, जेड़े अपनी तरीफ अप्पुं गे करदे न, ते अपने आप गी अप्पुं बीचे नापी तोलिये इक दूड कन्ने मिलान करिये मुख ठैरदे न।

13 आस ते बन्ने कोलां बार कमांड कदें भी नेई करगे, लेकन उसे बन्ने तकर जेड़ा परमात्मा ने साडे आस्ते ठैराई दिती ऐ, ते ओस च तुस भी आई गेदे ओ, ते उसे दे मताबक कमांड भी करगे। 14 की के आस अपने बन्ने कोलां बार अपने अप गी बदाना नेई चानेयां, जिय्यां के तुंदे तकर नेई पुज्जने दी आलत च ओंदा, बरना मसीह दा सुसमाचार सनांदे ओई तुंदे तकर पुज्जी चुके दे न। 15 आस बन्ने कोलां बार दूए दी मैनत उप्पर कमांड नेई करनेयां; लेकन असें आस ऐ के जिय्यां जिय्यां तुंदा बिश्वास बददा जाग उर्यां उर्यां आस अपने बन्ने दे मताबक तुंदे कारण और भी बददे जागे, 16 तां जे आस तुंदे बन्ने कोलां बंदिये सुसमाचार सनाचे, ते ए नेई के आस दूए दे बन्ने दे कोल बने बनाए दे कम्म उप्पर कमांड करचे। 17 लेकन जेड़ा कमांड करे, ओह प्रभु उप्पर कमांड करे। 18 कि के जेड़ा कोई बड़ाई करदा ऐ ओह नेई, लेकन जेस दी बड़ाई प्रभु करदा ऐ, उए ग्रहण किता जंदा ऐ।

11 जर तुस मेरी थुड़ी जेई मुखता बर्दाश करी लेंदे ते किन्ना पला ओंदा; आं मेरी बर्दाश भी करी लेओ। 2 की के मैं तुंदे बारे च ईश्वरीय धुन लाए दे रेना ऐ, इस आस्ते के मैं इक गे मनुख कन्ने तुंदी गल्ल लाइ ऐ के तुसें पवित्र कवारी आंगर मसीह गी सोंपी देओ। 3 लेकन मैं डरना ऐ के जिय्यां सप्पे अपनी चलाकी कन्ने अक्वा गी भरमाया, उर्यां गे तुंदा मन ओस सिधाई ते पवित्रता कोलां जेड़ी मसीह दे काने ओनी चाईदी, कुते प्रेष्ट नेई किती जा। 4 जे कोई तुंदे कोल आइये किसे दूए यीशु दा प्रचार करे, जेस दा प्रचार असें नेई किता; जां कोई और आत्मा तुसें मिले, जेड़ा पैलें नेई मिलया हा; जान और कोई सुसमाचार सनाए जीसी पैलें तुसें नेई मनया हा, ते तुस उसी बर्दाश करी लेंदे ओ। 5 मैं ते समझना ऐ के मैं किसे गल्ल च बड्डे कोलां बड्डे प्रेरित कोलां कट नेईयें। 6 जे मैं बक्तव्य च अनाडी ऐं, तां भी ज्ञान च नेई। असें इसी हर गल्ल च सारी चाली कन्ने तुंदे आस्ते प्रगट किता ऐ।

7 के एस च मैं किश पाप किता के मैं तुसें परमात्मा दा सुसमाचार संत मेंत सनाया; ते अपने आप गी नीचा किता के तुस उच्चे ओई जाओ ? 8 मैं बखरी कलिसियें गी लुटया, मतलब मैं उंदे कोलां मजदूरी लेती तां जे तुंदी सेवा करां। 9 ते जेस ले मैं तुंदे कन्ने हा ते मीगी घटी ओई, ते मैं किसे उप्पर पाए नेई पाया, की के प्रांए मकिदूनिया कोलां आइये मेरी कम्मी गी पूरा किता; ते हर गल्ल च अपने आप गी तुंदे उप्पर पार बनने आस्ते रोकया, ते रोकेदे राँगा। 10 जे मसीह दी सच्चाई मेरे च ऐ ते अखया देश च कोई मीगी एस कमांड कोलां नेई रोकग। 11 की ? के इस आस्ते के मैं तुंदे कन्ने प्रेम नेई रखना ? परमात्मा ए जानदा ऐ के मैं प्रेम रखना ऐ।

12 लेकन जे मैं करना ऐ, उए करदा राँगा के जेड़े लोग दफा टूंडे न उन्हें मैं दफा पाना नेई देयां, तां जे जेस गल्ल च ओह कमांड करदे न, ओस च ओह साडे गे आंगर ठैरे। 13 की के ऐसे लोग चुटे प्रेरित, ते छल कन्ने कम्म करने आले, ते मसीह दे प्रेरितें दे रूप च ओने आले न। 14 ए किश हरानगी आली गल्ल नेई की के शैतान अप्पुं भी ज्योतिर्मय सुर्गदुत दा रूप धारण करदा ऐ। 15 इसे आस्ते जे ओस दे सेवक भी धर्म दे सेवक आला रूप धरण, ते कोई बड्डी गल्ल नेई, लेकन उंदा अंत उंदे कम्म दे मताबक ओना।

16 मैं फिरी आखना ऐ, की कोई मीगी मुख नेई समझे; नेई ते मुख गे समझिये मेरी बर्दाश करी लो, तां जे थुड़ा जेया मैं भी कमांड करी सकां। 17 एस बेधडक कमांड गी जे किश मैं बोलना ऐ, ओह प्रभु दी आज्ञा दे मताबक नेई लेकन मन्ने बेवकूफी कन्ने गे बोलाना। 18 जेस ले की मते सारे लोग शरीर दे मताबक कमांड करदे न, ते मैं कमांड करगा। 19 तुस ते समझदार ओइये नांद कन्ने मुख गी बर्दाश करी लेंदे ओ। 20 की के जेस ले तुसें कोई दास बनाई लेंदा ऐ, जां खाई जंदा ऐ, जां फसाई लेंदा ऐ, जां अपनर आप गी बड्डा बंनाना ऐ, जां तुंदे मुंह उप्पर थप्पड मारदा ऐ, ते तुस बर्दाश करी लेंदे ओ।

21 मेरा आखना नांद दी रिती उप्पर ऐ, मन्ने आस एस आस्ते कमजोर जे हे। लेकन जेस किसे गल्ल च कोई इम्मत करदा ऐ - मैं बेवकूफी कन्ने आखना ऐ - ते मैं भी इम्मत करना। 22 के ओह गे इब्रानी न ? मैं भी ऐं। के ओह गे इसराएली न ? मैं भी ऐं। के ओह गे अब्राहम दे वंश न ? मैं भी ऐं। 23 के ओह गे मसीह दे सेवक न - मैं पागल आंगर आखना ऐ - मैं उंदे कोलां बद ऐ ! मती मेनत करने च; बार बार कैद ओने च; कोड़े खाने च; बार बार मौटी दे जोखिम च। 24 पंज बारी मैं यहूदियें अत्थें कोलां उनताली उनताली कोड़े खादे। 25 तीन बारी मैं बेंते दियां खादियां; इक बारी मेरे उप्पर पत्थर मारे गे; तीन बारी जाझ, जींदे उप्पर मैं चढे दा हा, टूटी गे; इक रात दिन मैं समुंद्र च कट्या। 26 मैं बार बार यात्रें च; नदियें दे जोखिमें च; डाकुएं दे जोखिमें च; अपने जातिआलें दे जोखिमें च; अन्जातियें कोलां जोखिमें च; नगरें दे जोखिमें च जंगल दे जोखिमें च; समुंद्र दे जोखिमें च; चुटे प्रां दे बीच जोखिमें च रेया। 27 मेनत ते दुःख च; बार बार जागे रेने च; पुख प्यास च; बार बार उपवास करने च; स्याले च; घुआडे रेने च; 28 ते बाकी गल्लें गी छोडीये जींदा बरण मैं नेई करदा, सारी कलिसियें दी चिंता हर रोज मीगी दबांदा ऐ। 29 कुस दी कमजोरी कन्ने मैं कमजोर नेई ओना ? कुस दे ठोकर खाने कन्ने मेरा मन नेई दुखदा ?

30 जे कमांड करना जरूरी ऐ, ते मैं अपनी कमजोर गल्लें उप्पर कमांड करगा। 31 प्रभु यीशु दा परमात्मा ते पिता जेड़ा मेशां धन्न ऐ, जानदा ऐ के मैं चुट नेई बोलना। 32 दमिश्क च अरितास राजा कोलां जेड़ा हकीम हा, ओस ने मीगी

पकड़ने आस्ते दमिश्किये दे नगर उप्पर पैरा बठाई रखे दा हा, 33 ते में टोकरे च खिड़की कोलां ओइये शैरपनाह कोलां तुआरया गया, ते ओस दे हल्थे बीचा बची निकलया।

12 अगर जे कमंड करना मेरे आस्ते ठीक ते नेई तां भी करना पोंदा ऐ; इसे आस्ते में प्रभु दे दित्ते दर्शन ते प्रकाशन दी चर्चा करगा। 2 में मसीह च इक मनुख गी जानना ऐ; चौंदा साल ओए के ना जाने, शरीर दे कन्ने, ते ना जाने शरीर दे बगैर, परमात्मा जानदा ऐ; ऐसा मनुख त्रिये सुर्ग तकर चुक्की लेता गया। 3 में इक ऐसे मनुख गी जानना ऐ ना जाने शरीर दे कन्ने, ना जाने शरीर दे बगैर परमात्मा गे जानदा ऐ 4 की त्रिये सुर्ग उप्पर चुक्की लेता गया, ते ऐसी गल्लां सुनियां जेडीयां आखने दी नेइयें; ते जींदा मुंह उप्पर लेई आना मनुख आस्ते ठीक नेई। 5 ऐसे मनुख उप्पर ते में कमंड करगा, लेकन अपने उप्पर ते अपनी कमजोरियें गी छोड़ीये, अपने बारे च कमंड नेई करगा। 6 की के जे में कमंड करना चां भी ते बेवकूफ नेई ओगा, की के सच बोलगा; तां भी रुकी जन्ना ऐ, ऐसा नेई ओए के जिय्यां कोई मीगी दिखदा ऐ जां मेरे कोलां सुनदा ऐ, मीगी ओस कोलां बद समझें। 7 इसे आस्ते के में प्रकाशन दी बढोतरी कन्ने फूली नेई जां, मेरे शरीर च इक कंडा चुभाया गया, मतलब शैतान दा इक दूत के मीगी मुक्के मारे तां जे में फूली नेई जां। 8 एस दे बारे च में प्रभु अगें तीन बारी प्रार्थना कित्ती के मेरे कोलां ए दूर ओई जा। 9 लेकन ओस ने मेरे कन्ने आखया, "मेरा अनुग्रह तेरे आस्ते काफी ऐ; की के मेरी शक्ति कमजोरी च सिद्ध ओंदी ऐ।" इसे आस्ते में बड़े नांद कन्ने अपनी कमजोरियें उप्पर कमंड करगा के मसीह दी शक्ति मेरे उप्पर छां करदी रवे। 10 इस आस्ते में मसीह आस्ते कमजोरियें च, ते निंदें च, ते दरिद्रता च ते दंगे फसादें च, ते दुखें च खुश ऐं; की के जेस ले में कमजोर ओना ऐ, उस बेले गे तगड़ा ओना ऐ।

11 में मुख ते बनया, लेकन तुसैं गे मीगी ए करने आस्ते मजबूर कित्ता। तुसैं ते मेरी तरीफ करनी चाईदी ही, की के जे में किश भी नेई, तां भी उन बड्डें कोलां बड्डें प्रेरितें शा किसे भी चाली कट नेईये। 12 प्रेरित इ लशन भी तुंदे बीच सारी चाली दे सबर कन्ने चिन्ने, ते अनोखे कम्म, ते समर्थ दे कम्म कन्ने दस्से गे। 13 तुस केडी गल्ल च दूई कलिसियें कोलां कट हे, सिर्फ एस च के में तुंदे उप्पर अपना पार नेई पाया। मेरा ए अन्याय माफ़ करो।

14 दिखो, में त्रि बार तुंदे कोल आने आस्ते तेयार ऐं, ते में तुंदे उप्पर कोई पार नेई रखगा, की के में तुंदी सम्पति नेई बरना तुसैं गी गे चाना ऐ। की के बच्चें गी मां प्यो आस्ते धन कितठा नेई करना चाइदा, लेकन मां प्यो गी बच्चें आस्ते। 15 में तुंदी आत्मां आस्ते बड़े नांद कन्ने खर्च करगा, बरना अप्पुं भी खर्च ओई जागा। के जिन्ना बद में तुंदे कन्ने प्रेम रखना ऐ, उन्ना गे कट तुस मेरे कन्ने प्रेम रखगे ? 16 ऐसा ओई सकदा ऐ के में तुंदे उप्पर पार नेई पाया ओए, लेकन चलाकी कन्ने तुसैं तोखा देइये फसाई लेता ! 17 पला, जिन्हें, में तुंदे कोल पेजेया, के उंदे बीचा में किसे दे द्वारा में छल करिये कुसे कोला किश

लेता ? 18 में तीतुस गी समझाइये ओस दे कन्ने ओस प्रा गी पेजेया, ते के तीतुस ने छल करिये तुंदे शा किश लेता ? के आस इक गे आत्मा दे चलाए नेई चले ? के इक गे लीक उप्पर नेई चले ?

19 तुस अय्यें तकर समझदे ओगे के आस तुंदे सामने प्रत्युत्तर दे करनेयां न। अस ते परमात्मा गी आजर जानदे ओई मसीह च बोलनेयां न, ते ए प्यारो, सारियां गल्लां तुंदी तरक्की आस्ते आखनेयां न। 20 की के मीगी डर ऐ, कुते ऐसा नेई ओए के में आइये जिय्यां चाना ऐ, उय्यां तुसैं नेई पां; ते मीगी भी जैसा तुस नेई चांदे उय्यां गे पाओ; ते तुंदे बीच चगड़ा, बैर, गुस्सा, बरोध, जलन, चुगल, कमंड, ते बखेडे आंन; 21 ते कुते ऐसा नेई ओए के मेरा परमात्मा मेरे परतिये तुंदे इत्थें आने उप्पर मेरे उप्पर दबाव पा ते मीगी मलें आस्ते फिरी बसोस करना पवे, जिन्हें पैलें पाप कित्ता हा ते गंदे कम्म ते व्यभिचार ते लुचपन कोलां, जेडे उन्हें कित्ते, मन नेई फेरया।

13 हून त्रि बार में तुंदे कोल आना ऐ: दो जां तीन गुआएं दे मुंह कोलां हर इक गल्ल ठेराई जाग। 2 जिय्यां में जेस ले दूई बार तुंदे कन्ने हा, उय्यां गे हून दूर रोंदे ओई उन लोकें कन्ने जिन्हें पैलें पाप कित्ता, ते बाकी सारें लोकें कोलां हून पैलें कोलां आखी गे देना के जे में फिरी ओगा ते नेई छोड़गा, 3 की के तुस ते एस दा सबूत चांदे ओ के मसीह मेरे च बोलदा ऐ, जेडा तुंदे आस्ते कमजोर नेई लेकन तुंदे बीच शक्ति आला ऐ। 4 ओह कमजोरी दे कारण कूस उप्पर चढ़ाया गया, तां भी परमात्मा दी शक्ति कन्ने जिंदा ऐ। आस भी ओस च कमजोर न, लेकन परमात्मा दी शक्ति कन्ने जेडी तुंदे आस्ते ऐ, ओस दे कन्ने जिगे।

5 अपने आप गी परखो के बिश्वास च ऐओ के नेई। अपने आप गी जांचो। के तुस अपने बारे च ए नेई जानदे के यीशु मसीह च तुंदे च ऐ ? नेई तां तुस जांच च नक्ममे निकले ओ। 6 लेकन मेरी आस ऐ के तुस जानी लेगे के आस नक्ममे नेई। 7 आस अपने परमात्मा कोलां ए प्रार्थना करनेयां के तुस कोई बुरा नेई करो, इस आस्ते नेई के आस खरे दिखचे, लेकन इस आस्ते के तुस पलाई करो, चाएं आस नक्ममे गे ठैरचे। 8 की के आस सचाई दे बरोध आस्ते किश नेई करी सकनेया, लेकन सच आस्ते गे करी सकनेयां न। 9 जेस ले आस कमजोर न ते तुस जोरे आले ओ, ते आस नंदित ओनेया न, ते ए प्रार्थना भी करनेया न के तुस सिद्ध ओई जाओ। 10 इस आस्ते में तुंदे पीठी पीछें ए गल्लां लिखना ऐ, के आजर ओइये मीगी ओस अधिकार दे मताबक जीसी प्रभु ने बगाड़ने आस्ते नेई लेकन बनाने आस्ते मीगी दित्ता ऐ, कड़ाई कन्ने किश करना नेई पवे।

11 इस आस्ते ए प्राओ, नंदित रवो। ते प्रेम ते शांति दा दाता परमात्मा तुंदे कन्ने रोग। 12 इक दूए गी पवित्र चुम्मे कन्ने नमस्ते करो। 13 सारे पवित्र लोक तुसैं नमस्ते बोलदे न। 14 प्रभु यीशु मसीह दा अनुग्रह ते परमात्मा दा प्रेम ते पवित्र आत्मा दी सैभागिता तुंदे सबनी दे कन्ने ओंदी रवे।

गलातियों

1 पोलुस दी - जेड़ा नेई मनुखें दी मर्जी कन्ने ते ना मनुखें दे द्वारा, बरना यीशु मसीह ते पिता परमातमा दे द्वारा, जेस ने उसी मरें दे बीचा जिंदा किता, प्रेरित ऐ - 2 ते सारें भ्रां दी तरफा जेड़े मेरे कन्ने, गलातिया दी कलीसिया दे नां:

3 ते परमातमा पिता ते साड़े प्रभु यीशु मसीह दी तरफा तुसैं अनुग्रह ते शान्ति मिलदी रवे। 4 उसैं अपने आप गी साड़े पापें आस्ते देई दिता, तां जे साड़े परमातमा ते पिता दे मताबक असैं एस चला करदा बुरे संसार कोलां शुड़ा। 5 ओस दी स्तुति ते बड़ाई हर इक युग च होंदी रवे। आमीन।

6 मीगी हरान लगदा के जेस ने तुसैं मसीह दे अनुग्रह च बलाया ओस कन्ने तुस इन्नी जल्दी फिरियै बखरे गै चाल्नी दा सुसमाचार दी बखी झुकना लगे। 7 लेकन ओह दुआ सुसमाचार ऐ गै नेई: लेकन गल्ल ए ऐ के किन्ने ऐसे न जेड़े तुसैं घबराई दिंदे, ते मसीह दे सुसमाचार गी बिगाड़ना चांदे न। 8 लेकन जे आस, जां सुर्ग कोलां कोई दूत बी ओस सुसमाचार गी शुडीयै जेड़ा असैं तुसैं गी सनाया ऐ, कोई होर सुसमाचार तुसैं सनाए, ते श्रापित होए। 9 जिय्यां आस पैलें आखी चुके द न, उय्यां गै मैं फिरी आखना ऐ के ओस सुसमाचार गी शुडीयै जिंसी तुसैं मनी किता ऐ, जे कोई होर सुसमाचार सनांदा ऐ, यो श्रापित होए।

10 हून के मैं मनुखें गी मनना ऐ जां परमातमा गी ? के मैं मनुखें गी खुश करना ऐ ? जे मैं हून तकर मनुखें गी खुश करना ऐ ते मसीह दा दास नेई होंदा।

11 ए भ्राओ, मैं तुसैं सनाई दीना ऐ के जेड़ा सुसमाचार मैं सनाया ऐ, ओह मनुख दा नेई। 12 की वे ओह मीगी मनुख दी तरफा नेई पुजया, ते ना मीगी सखाया गया, लेकन यीशु मसीह दी लो कोलां मिलया। 13 यहूदी मत च जेड़ा पैलें मेरा चाल चलन हा ओस दे बारे च तुस सुनी चुके दे हो के मैं परमातमा दी कलीसिया गी मता सतांदा हा ते नाश करदा हा। 14 अपने मते सारें जातियांले दे कन्ने जेड़े मेरी अवस्था दे हे, यहूदी मत च मता बददा जांदा हा ते अपने बब्ब दादें दी रिती रिवाजें आस्ते मता गै उत्साही हा। 15 लेकन परमातमा दी, जेस ने मेरी मा दे गर्भ दे बीचा मीगी ठहराया ते अपने अनुग्रह कन्ने बलाई लेता, 16 जेस ले मर्जी होई के मेरे च अपने पुत्तर गी प्रगत करै के मैं बखरी जातियें च ओस दा सुसमाचार सनां, ते ना मैं मांस ते खून कन्ने सलाह लेती, 17 ते ना यरूशलेम गी उंदे कोल गया जेड़े मेरे कोलां पैलें प्रेरित हे, लेकन फोरन अरब गी चली गया ते फिरी उत्थुंआ दमिश्क गी बापस आया।

18 फिरी त्रैं सालें दे बाद मैं कैफा कन्ने मुलाकात करने आस्ते यरूशलेम गया, ते ओस दे कोल पंद्रह दिन तकर रेया। 19 लेकन प्रभु दे भ्रा याकूब गी शुडीयै होर प्रेरितें बीचा कुसे कन्ने भी नेई मिलया। 20 जेड़ीयां मैं तुसैं लिखना ऐ, दिखो, परमातमा गी मजद जानिये आखना ऐ के ओह झूठी नेई। 21 ओस दे बाद मैं सीरिया ते किलिकिया दे प्रांते च आया। 22 लेकन यहूदीयें दी कलिसियें जेड़े मसीह च हियां, मेरा मुंह कदें नी दिखे दा हा; 23 लेकन इय्ये सुना करदी हियां के जेड़ा असैं पैलें सतांदा हा, ओह हून उसे विश्वास दा सुसमाचार सुनांदा ऐ जिंसी पैलें नाश करदा हा। 24 ते ओह मेरे बारे च परमातमा दी महिमा करदी ही।

2 चोदें सालें दे बाद मैं बरनबास दे कन्ने फिरी यरूशलेम गी गया, ते तीतुस गी भी कन्ने लेई गया। 2 मेरा जाना इश्वर दी लो कन्ने होया; ते जेड़ा सुसमाचार मैं बखरी जातियें च प्रचार करना ऐ, उसी मैं उन्हें सनाई दिता, लेकन कलें उन्हें गी जेड़े बड्डे समझे जांदे हे, तां जे ऐसा नेई होए के मेरे एस समें दी जां पिछली दोड़ धुप बेकार ठहरै। 3 लेकन टाइटस गी भी जेड़ा

मेरे कन्ने हा ते जेड़ा यूनानी ऐ, खतना कराने आस्ते मजबूर नेई किता गया। 4 ए उन झूठे भ्रां दे कारण होया जेड़े चोरियै बड़ीयै, के ओस आजादी दा जेड़ी मसीह यीशु च असैं मिली दी ऐ, भेद लेइयै असैं दास बनाया। 5 इक घड़ी भर उंदे अधीन होना असैं नेई मनया, इसे आसे के सुसमाचार दी सचाई तुंदे बीच बनी रवे। 6 फिरी जेड़े लोग किश समझे जांदे हे (ओह चायें कने भी हॉन मीगी एस कन्ने किश कम्म नेई; परमातमा किसे दा पक्षपात नेई करदा) उंदे कोलां जेड़े किश समझे जांदे हे, मीगी किश भी हासल नेई होया। 7 लेकन एस दे विपरीत जेस लै उन्हें दिखया के जिय्यां खतना किते दे लोकें आस्ते सुसमाचार दा कम्म पतरस गी सोंपया गया, उय्यां गै बगैर खतना किते आस्ते मीगी सुसमाचार सनाना सोंपया गया। 8 (की वे जेस ने पतरस कोलां खतना किते दे बीच प्रेरितायी दा कम्म मते प्रभाव कन्ने कराया, उसैं मेरे कन्ने भी बखरी जातियें च प्रभाव शाली कम्म कराया), 9 ते जेस लै उन्हें ओस अनुग्रह गी जेड़ा मीगी मिले दा हा जानी लेता, ते याकूब, ते कैफा, ते यूहन्ना ने जेड़ा कलीसिया दे खम्बे समझे जांदे हे, मीगी ते बरनबास गी संगती दा सज्जा हत्थ दिता के आस बखरी जातियें दे कोल जाचे ते ओह खतना कितें दे कोल; 10 सिर्फ ए आखया के आस कंगालें दी समाल लेचे, ते इसे कम्म गी करने दा मैं अप्पुं भी कोशिश करा दा हा।

11 ते जेस लै कैफा बखरी जातियें च आया, ते मैं ओस दे मुंह उप्पर ओस दा सामना किता, की वे ओह दोषी ठहरे दा हा। 12 इसे आस्ते के याकूब कोलां किश लोकें दे आने कोलां पैलें ओह बखरी जातियें कन्ने खांदा हा, लेकन जेस ले ओह आए ते खतना किते दे लोकें दे डर दे मारे ओह पीछें हटी गया ते कनारा करना लगया। 13 ओस दे कन्ने बाकी यहूदियें भी जिद किती, इत्थें तकर के बरनबास भी उंदी जिद च पेई गया। 14 लेकन जेस ले मैं दिखया के ओह सुसमाचार दी सचाई उप्पर सीधी चाल नेई चलदे, ते मैं सारें दे सामने कैफा कन्ने आखया, "जेस ले तू यहूदी होइयै बखरी जातियें जेया चलना ऐ ते यहूदीयें जेया नेई ते तू बखरी जातियें गी यहूदीयें जेया चलने गी की आखना ऐ ?"

15 आस ते जन्म कोलां यहूदी न, ते पापी बखरी जातियें बीचा नेई। 16 तां भी ऐ जानियें के मनुख व्यवस्था दे कम्म कन्ने नेई, लेकन सिर्फ यीशु मसीह दे उप्पर विश्वास करने कन्ने धर्मी ठहरदा ऐ, असैं अप्पुं भी मसीह यीशु उप्पर विश्वास किता के आस व्यवस्था दे कम्म कन्ने नेई, लेकन मसीह उप्पर विश्वास करने दे द्वारा धर्मी ठहरचे; इसे आस्ते के व्यवस्था इ कम्म कन्ने कोई धर्मी नेई ठहरग। 17 आस जेड़े मसीह च धर्मी ठहरना चानेयां न, जे अप्पुं गै पापी निकलचे ते के मसीह पाप दा सेवक ऐ ? कदें भी नेई ! 18 की जे किश मैं केरी दिता जे उसी गै फिरी बनाना ऐ, ते अपने आप गी पापी ठहराना ऐ। 19 मैं ते व्यवस्था दे द्वारा व्यवस्था आस्ते मरी गया के परमातमा असते जिय्यां। 20 मैं मसीह दे कन्ने क्रूस उप्पर चढ़ाए दा ऐं, हून मैं जिंदा नेई रेया लेकन मसीह मेरे बीच जिंदा ऐ; ते मैं शरीर च हून जेड़ा जिंदा ऐं ते सिर्फ ओस विश्वास कन्ने जिंदा ऐं जेड़ा परमातमा दे पुत्तर उप्पर ऐ, जेस ने मेरे कन्ने प्रेम किता ते मेरे आस्ते अपने आप गी देई दिता। 21 मैं परमातमा दे अनुग्रह गी बेकार नेई ठहरांदा; की वे जे व्यवस्था दे द्वारा धार्मिकता होंदीं, ते मसीह दा मरना बेकार होंदा।

3 ए बगैर दमाक दे गलातियो, कुन्ने तुसैं मोही लेता ऐ ? तुंदी ते मनो अखियें दे सामने यीशु मसीह क्रूस उप्पर दसया गया। 2 मैं तुंदे कोलां सिर्फ ए जानना चाना ऐं के तुसैं आत्मा गी, के व्यवस्था दे कम्म कोलां जां विश्वास कोलां पाया ? 3 के तुस ऐसे बगैर दमाक दे हो के आत्मा दी रिती उप्पर शुरू करियै हून शरीर दी रिती उप्पर अंत करगे ? 4 के तुसैं इन्ना दुःख

बेकार गै चुकया ? लेकन कदें भी बेकार नेई। 5 जेड़ा तुसैं आत्मा दान करदा ते तुंदे बीच समझ दे कम्म करदा, ओह के व्यवस्था दे कम्म कोलां जां सुसमाचार दे विश्वास कोलां ऐसा करदा ऐ ?

6 "अब्राहम ने ते परमातमा उप्पर विश्वास किता ते ए ओस आस्ते धार्मिकता गिनी गयी।" 7 इस आस्ते ए जानी लेओ के जेड़ा विश्वास करने आला ऐ, ओह गै अब्राहम दी संतान ऐ। 8 ते पवित्र शास्त्र ने पैलें कोलां गै ए जानियै के परमातमा बखरी जातियें गी विश्वास कन्ने धर्मी ठहराग, पैलें कोलां गै अब्राहम गी ए सुसमाचार सनाई दिता के "तुंदे बीचा सारियां जातियां आशीष पांघ न"। 9 इसे आस्ते जेड़ा विश्वास करने आला ऐ, ओह विश्वासी अब्राहम दे कन्ने आशीष पांघे न।

10 इसे आस्ते जिन्ने लोग व्यवस्था दे कम्म उप्पर भरोसा रखदे न, ओह श्राप दे अधीन न, की वे लिखे दा ऐ, "जेड़ा कोई व्यवस्था दी कताब च लिखी दी सारियें गल्ले च स्थिर नेई रोंहदा, ओह श्रापित ऐ"। 11 लेकन ए गल्ल जाहर ऐ के व्यवस्था दे द्वारा परमातमा दे इत्थे कोई धर्मी नेई ठहरदा, की वे धर्मी जन विश्वास कन्ने जिंदा रोहग। 12 लेकन व्यवस्था दा विश्वास कन्ने कोई नाता नेई; की वे; "जेड़ा उन्हे मनग ओह ओस दे कारण जिंदा रोहग।" 13 मसीह नै जेड़ा साड़े आस्ते श्रापित बनया, असें खिरीदीयै व्यवस्था दे श्रापे कोलां शुड़ाया, की वे लिखे दा ऐ, "जेड़ा कोई काठ उप्पर लडकाया जांदा ऐ ओह श्रापित ऐ।" 14 ए इस आस्ते होया के अब्राहम दी आशीष मसीह यीशु च बखरी जातियें तकर पुजे, ते आस विश्वास दे द्वारा ओस आत्मा गी प्राप्त करचे जेस दी प्रतिज्ञा होई दी ऐ।

15 ए प्राओ, मैं मनुख दी रीती उप्पर आखना ऐ; मनुख दी वाचा भी जेड़ी पक्की होई जांदा ऐ, ते ना कोई उसी टालदा ऐ ते ना ओस च किश बदांदा ऐ। 16 इस आस्ते प्रतिज्ञाएं अब्राहम गी ते ओस दे वंश गी दिती गेइयां। ओह ए नेई आखदा, "वंशें गी," जिय्यां मते दे बारे च आखया; लेकन जिय्यां इक दे बारे च के "तेरे वंशें गी" ते ओह मसीह ऐ। 17 लेकन मैं ए आखना ऐ: के जेड़ी वाचा परमातमा ने पैलें कोलां पक्की किती ही, उसी व्यवस्था चार सो त्रि साल दे बाद आईयै नेई टाली सकदी के प्रतिज्ञा बेकार ठहरे। 18 की वे जे मीरास व्यवस्था कन्ने मिली ऐ ते फिरी प्रतिज्ञा कन्ने नेई, लेकन परमातमा ने अब्राहम गी प्रतिज्ञा दे द्वारा देई दीती दी ऐ।

19 उस बेले फिरी व्यवस्था की दिती गयी ? ओह ते पापें दे कारण बाद बीच दिती गयी के इह ओस दे वंश दे आने तकर रवे,जिसी प्रतिज्ञा दिती गयी ही; ते ओह सुर्ग दूत दे द्वारा इक मध्यस्थ दे हत्थ ठहराई गयी। 20 मध्यस्थ ते इक दी नेई होदी, लेकन परमातमा ते इक गै ऐ।

21 ते के व्यवस्था परमातमा दी प्रतिज्ञाएं दे बरोध च ऐ ? कदें भी नेई ! की वे जे ऐसी व्यवस्था दिती जांदा जेड़ी जीवन देई सकदी, ते सचें गै धार्मिकता व्यवस्था कोलां होंदी। 22 लेकन पवित्र शास्त्र ने सबनीं गी पापे दे अधीन करी दिता, तां जे ओह प्रतिज्ञा जेस दा आधार यीशु मसीह उप्पर विश्वास करना ऐ, विश्वास करने आस्ते पूरी होई जा।

23 लेकन विश्वास दे आने कोलां पैलें व्यवस्था दे अधीन च साड़ी राखी होंदी ही, ते विश्वास दे आने तकर जेड़ा जाहर होने आला हा, आस उसे दे अधीन च रे। 24 इसे आस्ते व्यवस्था मसीह तकर पुजने आस्ते साड़ी पढाई होई ऐ के आस विश्वास कन्ने धर्मी ठहरचे। 25 लेकन जेस ले विश्वास आई चुकया, ते आस पढाने आलें दे अधीन नेई रे। 26 की वे तुस सारे ओस विश्वास दे द्वारा जेड़ा मसीह यीशु उप्पर ऐ, परमातमा दी संतान हो। 27 ते तुंदा बीचा जिन्ने भी मसीह च बपतिस्मा लेता ऐ उन्हे मसीह गी लाई लेता ऐ। 28 हून ना कोई यहूदी रेया ते ना यूनानी, ना कोई दास ना आजाद, ना कोई नर ते ना नारी, की वे तुस सारे मसीह यीशु च इक हो। 29 ते जे तुस मसीह दे हो ते अब्राहम दे वंश ते प्रतिज्ञा दे मताबक वारस भी हो।

4 मैं ए आखना ऐ के बारस जदुं तकर बचा ऐ, हालां के सारियां चीजां दा स्वामी ऐ, तां भी ओस च ते दास च कोई भेद नेई। 2 लेकन पिता दे ठहराए दे समें तकर संरक्षकों ते परबंध करने आलें दे वास च रोंहदा ऐ। 3 उर्यां गै आस भी, जेस ले बच्चे हे, ते संसार दी अदी पढाई वास च होइयै दास बने दे हे। 4 लेकन जेस ले समां पूरा होया, ते परमातमा ने अपने पुत्तर गी भेजया जेड़ा स्त्री कोलां जमया, ते व्यवस्था दे अधीन पैदा होया, 5 तां जे व्यवस्था दे अधीन गी खरीदीयै शुडकाई लै, ते असें लेपालक होने दा पद

मिलै। 6 ते तुस जेड़े पुत्तर हो, इसे आस्ते परमातमा ने अपने पुत्तर दी आत्मा गी, जेड़ी ए अब्बा, ए पिता आखियै बलांदा ऐ, साड़े दिलें च भेजया ऐ। 7 इसे आस्ते तू हून दास नेई, लेकन पुत्तर ऐ; ते जेस ले पुत्तर होया, ते परमातमा दे वारस भी होया।

8 पैलें ते तुस परमातमा गी ना जानियै उंदे दास हे जेड़े सवाभ कोलां परमातमा नेई, 9 लेकन हून जेड़ा तुसैं परमातमा गी पनछानी लेता बरना परमातमा ने तुसैं पनछानया, ते उन कमजोर ते नकम्मी अदी पढाई दी गल्लें आली बखी की फिरदे न, जींदे तुस द्वारा दास होना चांदे ओ ? 10 तुस दिनें ते मिनें ते ठहराए दे समें गी ते सालें गी मनदे हो। 11 मैं तुंदे बारे च डरना ऐ, कुते ऐसा नेई होए के जेड़ी मेनत मैं तुंदे किती ऐ ओह बेकार ठहरे।

12 ए प्राओ, मैं तुंदे कन्ने विनती करना ऐ, तुस मेरे जे होई जाओ; की वे मैं भी तुंदे जेया होई गेदा ऐ; तुसैं मेरा किश बिगाड़या नेई। 13 लेकन तुस जानदे हो के पैले पैलें मैं शरीर दी कमजोरी दे कारण तुसैं सुसमाचार सनाया। 14 ते तुसैं मेरी शरीर दी दशा गी जेड़ी तुंदी अजमैश दे कारण ही, तुच्छ नेई जानया; ना ओस कन्ने जिद्ध किती; ते परमातमा दे दूत बरना अप्पुं मसीह दे जेया मीगी ग्रहण किता। 15 ते ओह तुंदा नांद मनाना कुत्थें गया ? मैं तुंदा गुआह ऐं के जे होई सकदा ऐ ते तुस अपनी अखियां भी कडियै मीगी देई दिंदे। 16 ते के तुंदे कन्ने सच बोलने दे कारण मैं तुंदा बैरी बनी गेदा ऐ ?

17 ओह तुसैं मित्र बनाना ते चांदे न, लेकन भले उदेश्य कन्ने नेई। बरना तुसैं अलग करना चांदे न के तुस उन्हे गी गै मित्र बनाओ। 18 लेकन ए भी ठीक ऐ के भली गल्ल च हर समें मित्र बनाने दी कोशिश किती जा, ना सिर्फ उसे समें के जेस लै मैं तुंदे कन्ने रोहदा ऐ। 19 ऐ मेरे बच्चो, जेस ले तकर तुंदे बीच मसीह दी शक्क नेई बनी जा, उस बेले तकर मैं तुंदे आस्ते जच्चा आलियां पीड़ां सैना ऐं। 20 मर्जी ते ए होंदी ऐ के हून तुंदे कोल आईयै ओर चली दा गै बोलां, की वे तुंदे बारे च मैं मसीबत च ऐं।

21 तुस जेड़ा व्यवस्था दे अधीन होना चांदे हो, मीगी सनाओ, के तुस व्यवस्था दी नेई सुनदे ? 22 ए लिखे दा ऐ के अब्राहम दे दो पुत्तर होए; इक दासी कोलां ते इक आजाद स्त्री कोलां। 23 लेकन जेड़ा दासी कोलां होया, ओह शरीर दी रिती कन्ने जमया; ते जेड़ा आजाद स्त्री कोलां जमया, ओह प्रतिज्ञा दे मताबक कन्ने जमया। 24 इन्नें गल्लें च दृष्टान्त न: ए स्त्रियां मनो दो वाचां न, इक ते सिनै पहाड़ दी जेस कोलां दास गै पैदा होंदे न; ते ओह हाजिरा ऐ। 25 ते हाजिरा मनो अरब दा सिनै पहाड़ ऐ, ते नया यरुशलम ओस दे तुल ऐ, की वे अपने बच्चें सनै गलामी च ऐ। 26 लेकन उप्पर दा यरुशलम आजाद ऐ, ते ओह साड़ी मा ऐ।

27 की वे लिखे दा ऐ ए बांझ, तू जेड़ी नेई जमनी नांद कर; तू जिसी पीड़ां नेई उठदीयां, गला खोलीयै जय जय कार कर; की वे त्यागी होई दी संतान सुआगन दी संतान कोलां भी मती ऐ।"

28 ए प्राओ, आस इसहाक दे जे प्रतिज्ञा दी संतान न। 29 ते जिय्यां ओस समें शरीर दे मताबक जन्म होया आतमा दे मताबक जमें दे सतांदा हा, उर्यां गै हून भी होंदा ऐ। 30 लेकन पवित्र शास्त्र क्र आखदा ऐ ? "दासी ते ओस दे पुत्तर गी कड्डी दे, की वे दासी दा पुत्तर आजाद स्त्री दे पुत्तर दे कन्ने जवाब देने दा अधिकारी नेई होग।" 31 इसे आस्ते ए प्राओ, आस दासी दे नेई लेकन आजाद स्त्री दी संतान न।

5 मसीह ने आजादी आस्ते असें आजाद किता ऐ; इसे आस्ते इसे च स्थिर रवो, ते दासत्व दे जुए च फिरी नेई जूतो।

2 दिखो, मैं पोलुस तुंदे कन्ने आखना ऐ के जे खतना करागे, ते मसीह कोलां तुसैं किश फायदा नेई होग। 3 फिरी भी मैं हर इक खतना कराने आले गी जताई दीना ऐ के उसी साड़ी व्यवस्था मननी पोहग। 4 तुस जेड़ा व्यवस्था दे द्वारा धर्मी ठहरना चांदे ओ, मसीह कोलां बख ते अनुग्रह कोलां किरि गेदे हो। 5 की वे आत्मा दे कारण आस विश्वास कन्ने, आस किती दी धार्मिकता दा इंतजार करनेयां। 6 मसीह यीशु च ना खतना ते ना खतना दे बगैर किश कम्म दा ऐ लेकन सिर्फ विश्वास, जेड़ा प्रेम दे द्वारा प्रभाव पांदा ऐ। 7 तुस ते पली पांती दोड़ा करदे हे। हून कुन्ने तुसैं रोकया के सचाई गी नेई मनो। 8 ए जेयी सेख तुंदे सदने आले दी तरफा नेई। 9 थुड़ा जेया खमीर सारे गुन्ने दे आटे गी खमीर करी दिंदा ऐ। 10 मैं प्रभु उप्पर तुंदे बारे च भरोसा रखना ऐ के तुंदा कोई दुआ बचार नेई होग; लेक जेड़ा तुसैं घबराड़ दिंदा ऐ, ओह कोई की नी

होए सजह पाह्य। 11 लेकन ए प्राओ, जे मैं अर्यें तकर खतने दा प्रचार करना ऐं, ते की अर्यें तकर सताया जाना ऐ ? फिरी ते क्रूस दी ठोकर जांदी रेई। 12 भला होंदा के जेड़े तुसैं डामा डोल करदे न, ओह अपना अंग गै बड्डी शुडदे।

13 ए प्राओ, तुस आजाद होने आस्ते बलाए गेदे हो; लेकन ऐसा नेई होए के ए आजादी शरीर दे कम्मैं आस्ते अवसर बने, बरना प्रेम कन्ने इक दुए दे दास बनो। 14 की वे सारी व्यवस्था एस इक गै गल्ल च पुरी होई जांदी, "तू अपने गुआंडी कन्ने अपने जेया प्रेम रख," 15 लेकन जे तुस इक दुए गी दंदे कन्ने बडदे ते पाड़ी खांदे हो, ते शयार रवो के इक दुए दा सत्या नास ना करी देओ।

16 लेकन मैं आखना ऐ, आत्मा दे मताबक चलो ते तुस शरीर दी मर्जी किसै भी रिती कन्ने पूरी नेई करगे। 17 की वे शरीर आत्मा दे बरोध च ते आत्मा शरीर दे बरोध च इच्छा करदा ऐ, ते ए इक दुए दे बरोधी न, इसे आस्ते के जे तुस करना चांदे ओ ओह नेई करी सको। 18 ते जे तुस आत्मा दे चलाए चलदे ओ ते व्यवस्था दे अधीन नेई रवै। 19 शरीर दे कम्म ते प्रगट न, मतलब व्यभिचार, गंदे कम्म, लुच्चा पन, 20 मूर्ति दी पूजा, टूना, बैर, लडाई, खोट, गुस्सा, बरोध, फूट, विधर्म,, 21 डाह, मतवालापन, लीला क्रीडा, ते इंदे जे और और कम्म न, इंदे बारे च मैं तुंदे कन्ने पैलैं गै आखी दीना ऐ जिय्यां पैलैं आखी भी चुके दा ऐं, के एने कम्म करने आले परमातमा दे राज दे वारस नेई होंघन। 22 लेकन आत्मा दा फल प्रेम, नांद, शान्ति, धीरज, तरस, भलाई, विश्वास, 23 नम्रता, ते संयम ऐ; एने कम्मैं दे बरोध च कोई व्यवस्था नेई। 24 ते जेड़े मसीह यीशु देन, उन्हैं शरीर गी ओस दी इच्छा ते अभिलाषां सनै क्रूस उप्पर चड़ाई दिता ऐ।

25 जे आस आत्मा दे द्वारा जिंदे न, ते आत्मा दे मताबक चलचै भी। 26 आस घमंडी होइयै ना इक दुए गी शेडचै, ते ना इक दुए कन्ने डाह करचै।

6 ए प्राओ, जे मनुख किसै पाप च पकड़ा भी जा ते तुस जेड़े आत्मिक हो, नम्रता दे कन्ने इन्हें गी संभालो, ते अपनी भी चोकसी रखो के तुस भी अजमेश च नेई पवो। 2 तुस इक दुए दा पार चुको, ते एस चाली मसीह दी

व्यवस्था गी पूरा करो। 3 की वे जे कोई किश होने उप्पर भी अपने आप गी किश समझदा ऐ, ते अपने आप गी धोखा दिंदा ऐ। 4 लेकन हर इक अपने गै कम्म गी जाची लै, ते दुए दे बारे च नेई लेकन अपने गै बारे च उसी घमंड करने दा समां होग। 5 की वे हर इक मनुख अपना गै पार चुकग।

6 जेड़ा बचन दी शिक्षा पांदा ऐ, ओह सारियें अच्छी चीजें च सखाने आलें गी भागी करै।

7 तोखा नी खाओ; परमातमा ठठें च नेई डुआया जांदा, की वे मनुख जे किश रांदा ऐ उए कटग। 8 की वे जेड़ा अपने शरीर आस्ते रांदा ऐ, ओह शरीर दे द्वारा नाश होने दी कटनी कटग; ते जेड़ा आत्मा आस्ते रांदा ऐ, ओह आत्मा दे द्वारा म्हेशां दे जीवन दी कटनी कटग। 9 आस भले कम्म करने आस्ते साहस नेई छुडचै, की वे जे आस टीले नेई होवे ते ठीक समैं उप्पर कटनी कटगे। 10 इसे आस्ते जित्थें तकर समां मिले आस सारें कन्ने भलाई करचै, खास करियें विश्वासी प्रां दे कन्ने।

11 दिखो, मैं कैसे कैसे बड्डे बड्डे अखरें कन्ने अपने हत्थें कन्ने लिखा दा ऐ। 12 जेड़े लोग शारीरिक दिखावा चांदे न ओह गै तुंदा खतना कराने आस्ते दबाव पांदे न, सिर्फ इस आस्ते के ओह मसीह दे क्रूस दे कर्ण सताए नेई जान 13 की वे खतना करने आले अपुं ते व्यवस्था उप्पर नेई चलदे, लेकन तुंदा खतना इसे आस्ते करना चांदे न के तुंदी शारीरिक दशा उप्पर घमंड करन। 14 लेकन ऐसा नेई होए के मैं बखरी किसै गल्लें उप्पर घमंड करां, सिर्फ साडे प्रभु यीशु मसीह दे क्रूस दा, जेस दे द्वारा संसार मेरी नजर च ते मैं संसार दी नजर च क्रूस उप्पर चढ़ाया गेदा ऐं। 15 की वे ना खतना ते ना खतना दे बगैर किश ऐ, लेकन नमीं सृष्टी। 16 जिन्ने एस नियम उप्पर चलघंन उंदे उप्पर, ते परमातमा दे इस्त्राएल दे उप्पर शान्ति दे दया होंदी रवै।

17 अगें गी कोई मीगी दुःख नेई दीयै, की वे मैं यीशु दे दागें गी अपने शरीर च लेई फिरना ऐ।

18 ए प्राओ, साडे प्रभु यीशु मसीह दा अनुग्रह तुंदी आत्मा दे कन्ने रवे। आमीन।

इफिसियों

1 पोलुस कोलां जेड़ा परमातमा कोलां यीशु मसीह दा प्रेरित ऐ, उन पवित्र ते यीशु मसीह च विश्वासी लोकें दे नां जेड़े इफिसुस च ऐनः
 2 साड़े पिता परमातमा ते प्रभु यीशु मसीह कोलां तुसैं अनुग्रह ते शान्ति मिलदी रवे
 3 साड़े प्रभु यीशु मसीह दे परमातमा ते पिता दा धन्यावाद होए के ओस ने असें मसीह च सुर्ग दी जगह च सारी चाली दी आत्मिक आशीष दिती ऐ।
 4 जिय्यां ओस ने असें संसार दे बनाने कोलां पैलें ओस बीच चुनी लेता के आस ओस दे कोल प्रेम च पवित्र ते निर्दोष ओचे। 5 ते अपनी मर्जी दी भली नीत दे मताबक असें अपने आस्ते पैलें कोलां ठहराया के यीशु मसीह दे द्वारा आस ओदे पालकड पुत्र ओचे। 6 के ओस दे ओस अनुग्रह दे महिमा दी स्तुति होए, जेस गी ओस नै असें ओस प्रिय बीचा बगैर मुल्ल दित्ते दे दिता। 7 असें गी ओस च ओस दे खून दे द्वारा छुटकारा, मतलब पापें दी माफ़ी, ओस दे ओस अनुग्रह दे धन दे मताबक मिले दा ऐ, 8 जिसी ओस ने सारे ज्ञान ते समझ कन्ने साड़े उप्पर बहुतात कन्ने किता। 9 की वे ओस ने अपनी मर्जी दा भेद ओस ओस भली नीत दे मताबक असें सनाया, जिसी ओस ने अपने आप बीच ठानी लेता हा 10 के समें दे पुरे होने दा दा प्रबन्ध होए के जे किश सुर्ग च ऐ ते जे किश जमीन उप्पर ऐ, सारा किश ओह मसीह च किटठा करे।
 11 उसे बीच जेस च आस भी उसे दी कामना कन्ने जेड़ा अपनी मर्जी दी अकल दे माताबक सारा किश करदा ऐ, पैलें कोलां ठहराए जाईयै जैदाद बनै 12 के आस, जिन्हें पैलें दी गै मसीह उप्पर आस रखी दी ही, ओस दी महिमा दी स्तुति दे कारण होए। 13 ते उसे च तुस भी, जेस ले तुसैं सचाई दा बचन सुनया जेड़ा तुं दे उद्धार दा सुसमाचार ऐ ते जेस उप्पर तुसैं बिश्वास किता, इंतजार किते किते दी पवित्र आत्मा दी मोह लगी। 14 ओह ओस दे मुलें लेते दे छुटकारे आस्ते साड़ी जैदाद दा बयाना ऐ, के ओस दी महिमा दी स्तुति होए।
 15 इसे आस्ते, मैं भी ओस बिश्वास दा सुसमाचार सुनियै जेड़ा तुं दे लोकें च प्रभु यीशु उप्पर ऐ ते सारें पवित्र लोकें उप्पर प्रगट ऐ, 16 तुं दे आस्ते धन्यावाद करना नेई छुड़ना, ते अपनी प्रार्थना च तुसैं याद करना ऐ 17 के साड़े प्रभु यीशु मसीह दा परमातमा जेड़ा महिमा दा पिता ऐ, तुसैं अपनी पहचान च ज्ञान ते लो दी आत्मा दीयै, 18 ते तुं दी मन दी अखियां जगमग ओंन के तुस जानी लेओ के ओस दी बुलाहट दी अस के ऐ, ते पवित्र लोकें च ओस दी जैदाद दी महिमा दा धन कैसा ऐ, 19 ते ओस दी शक्ति साड़े च जेड़े बिश्वास करदे न, किन्नी महान ऐ, ओस दी ताकत दे प्रभाव दे ओस कम्म दे मताबक 20 जेड़ा ओस ने मसीह च किता के के उसी मरें बीचा जिंदा करियै सुर्ग दी जगहें उप्पर अपने सजे बखी 21 सारें चाली दी प्रधानता ते अधिकार, ते शक्ति, ते प्रभुता दे, ते हर इक नां दे उप्पर, जेड़ा ना सिर्फ एस लोक च लेकन आने आले लोक च भी लेता जाह्य, बढाया; 22 ते सारा किश ओस दे पैरें थले करी दिता; ते उसी सारियें चीजें उप्पर श्रेष्ठ मनुख ठराइयै कलीसिया गी देई दिता, 23 ऐ ओस दा शरीर ऐ, ते उसे दी परिपूर्णता ऐ जेड़ी सारें च सारा किश पूरा करदा ऐ।
 2 ओस ने तुसैं भी जिंदा किता, जेड़ा अपने अपराधें ते पापें दे कारण मेरे दे हे 2 जींदे च तुस पैलें एस संसार दी रिती उप्पर, ते अंबर दे अधिकारी हाकिम मतलब ओस आत्मा दे मताबक चलदे हे, जेड़ा अर्यें भी आज्ञा नेई मनने आलें दे बीच कम्म करदा ऐ। 3 इंदे च आस भी सबें दे सब पैलें अपने शरीर दी लालसें च दिन बितांदे हे, ते शरीर ते मन दी मर्जी पुरी करदे हे, ते बाकी लोकें दे जेया सवाह कोलां गै गुस्से दी संतान हे। 4 लेकन

परमातमा ने जेड़ा दया दा धनी ऐ, अपने ओस बड्डे प्रेम दे कारण जेस कन्ने ओस ने साड़े कन्ने प्रेम किता, 5 जेस ले आस अपराधें दे कारण मरे दे हे ते असें मसीह दे कन्ने जिंदा किता (अनुग्रह कन्ने गै तुंदा उद्धार होया ऐ), 6 ते मसीह यीशु च ओस कन्ने चुकया, ते सुर्ग दी जगहें उप्पर ओस दे कन्ने बढाया 7 के ओह अपनी ओस कृपा कन्ने जेड़ी मसीह यीशु च साड़े उप्पर ऐ, आने आलें समें च अपने अनुग्रह दा बे -रेंट धन दसे। 8 की वे बिश्वास दे द्वारा अनुग्रह कन्ने गै तुंदा उद्धार होया ऐ; ते तुं दे कोलां नेई, बरना परमातमा दा दान ऐ, 9 ते ना कर्म दे कारण, ऐसा नेई होए के कोई घमंड करे। 10 की वे आस ओस दे बनाए दे न, ते मसीह यीशु च उन भलें कम्म आस्ते सिरजे गे जिन्हें परमातमा नै पैलें गै साड़े करने आस्ते तैयार किता।
 11 इस कारण याद करो के तुस जेड़े शरीरिक रिती कन्ने बखरी जाति ओ (ते जेड़े लोग शरीर च हत्थे दे किते होए दे खतने कोलां खतना आलें आखे जांदे न, ओह तुसैं बगैर खतना आले आखदे न), 12 तुस लोग ओस समें मसीह कोलां अलग, ते इस्राएल दी प्रजा दे पद कोलां अलग किते दे, ते प्रतिज्ञा दी वाचां दे भागी नेई हे, ते बगैर आस दे ते संसार च ईश्वर दे बगैर हे। 13 लेकन हून मसीह यीशु च तुस जेड़े पैलें दूर हे, मसीह दे खून दे द्वारा कोल होई गे ओ। 14 की वे उए साड़ा मेल ऐ जेस ने दोनीं गी इक करी लेता ते बाख करने आली दीवार गी जेड़ी बीच ही टाई दिता, 15 ते अपने शरीर बीच बैर मतलब ओह व्यवस्था जेस दी आज्ञां विधियें दी रिती उप्पर हियां, मिटाई दिता के दोनीं कोलां अपने च इक नमां मनुख पैदा करियै मेल कराई दीयै, 16 ते क्रूस उप्पर बैर गी नाश करियै एस दे द्वारा दोनीं गी इक शरीर बनाइयै परमातमा कन्ने मिलाए। 17 ओस ने आईयै तुसैं जेड़े दूर हे ते उन्हें जेड़े कोल हे, दोनीं गी मेल मिलाप दा सुसमाचार सनाया। 18 की वे उसे दे द्वारा साड़े दोनीं दी इक आत्मा दी बीच पिता कोल पाँच ओं दी ऐ। 19 इसे आस्ते तुस हून विदेशी, ते मसाफिर नेई रे, लेकन पवित्र लोकें दे संगी स्वदेशी ते परमातमा दे घराने दे होई गे। 20 ते प्रेरितें ते भविष्यवक्तें दी नीव उप्पर, जेस दे कोने दा पत्थर अप्पु यीशु मसीह ऐ, बनाए गेदे ओ। 21 जेस दे बीच सारी रचना इक साथ मिलियै प्रभु च इक पवित्र मंदिर बनदी जांदी ऐ, 22 जेस च तुस भी आत्मा दे द्वारा परमातमा दे निवास दी जगह होने आस्ते इक साथ बनाए जांदे ओ।
 3 इसे कारण मैं पोलुस जेड़ा तुं दे बखरी जातियें आस्ते मसीह यीशु दा बंदी ऐ- 2 जे तुसैं परमातमा दे ओस अनुग्रह दे प्रबंध दा सुसमाचार सुनया ओए, जेड़ा तुं दे आस्ते मीगी दिता गया, 3 मतलब ऐ की ओह भेद मेरे उप्पर प्रकाशन दे द्वारा प्रगट होया, जिय्यां मैं पैलें गै संखेप च मैं लिखी चुके दा ऐं, 4 जेस कन्ने तुस पढीयै जानी सकदे हो के मैं मसीह दा भेद कुत्थें तकक समझना ऐ। 5 जेड़ा बाई समें च मनुखें दी संतानें गी इय्यां नेई सनाया गया हा, जिय्यां के आत्मा दे द्वारा हून ओस दे पवित्र प्रेरितें ते भविष्यवक्तें उप्पर प्रगट किता गया ऐ। 6 मतलब ऐ के मसीह यीशु च सुसमाचार दे द्वारा बखरी जाति दे लोग जैदाद च साझी, ते इक गै शरीर दे ते प्रतिज्ञा दे भागी न।
 7 मैं परमातमा दे ओस अनुग्रह दे ओस दान दे मताबक, जेड़ा ओस दी शक्ति दे प्रभाव दे मताबक मीगी दिता गया, ओस सुसमाचार दा सेवक बनया। 8 मेरे उप्पर जेड़ा सारें पवित्र लोकें बीचा नीके कोलां भी निकां ऐं, ए अनुग्रह होया के मैं बखरी जातियें गी मसीह दे कठन धन दा सुसमाचार सनां, 9 ते सारें उप्पर ए गल्ल प्रकाशित करां के ओस भेद दा प्रबंध के ऐ, जेड़ा सबनी दे सृजनहार परमातमा च पैलें कोलां गुप्त हा। 10 तां जे हून कलीसिया दे द्वारा, परमातमा दे अलग चाली दा ज्ञान उन प्रधान ते अधिकारियें उप्पर जेड़ा सुर्ग दी जगहें उप्पर ऐ, प्रगट किता जा। 11 ओस सनातन बचार दे मताबक जेड़ा

ओस ने साड़े प्रभु मसीह यीशु च किती ही। 12 जेस च असें गी ओस उप्पर बिश्वास करने कन्ने हिम्मत ते भरोसे दे कन्ने परमात्मा दे कोल आने दा अधिकार ऐ। 13 इसे आस्ते मैं बिनती करना ऐ के जेड़े क्लेश तुंदे आस्ते मीगी होआ करदे न, उंदे कारण हिम्मत नेइ शोडो, की वे उंदे बीच तुंदी महिमा ऐ।

14 मैं इसे कारण ओस पिता दे सामने घुटने टेकना ऐ, 15 केस कन्ने सुर्ग ते धरती उप्पर, हर इक घराने दा नां रखा जांदा ऐ, 16 के ओह अपनी महिमा दे धन दे, मताबक तुसें ए दान दीयै के तुस ओस दे आत्मा कन्ने अपने कोल दी इंसानियत च शक्ति पाइयै जोरे आले ओंदे जाओ; 17 ते बिश्वास दे द्वारा मसीह तुंदे दिले च बसै के तुस प्रेम च जड़ पकड़ीयै ते नीव पाइयै, 18 सारे पवित्र लोकें कन्ने भली भाँती समझने दी शक्ति पाओ के ओस दी चडाई, ते लमाई, ते उंचाई, ते गैराई किन्नी ऐ, 19 ते मसीह दे ओस प्रेम गी जानी सको जेडा ज्ञान कोलां परे ऐ के तुस परमात्मा दी सारी भरपूरी तकर भरोई जाओ।

20 हून जेडा एसा शक्ति आला ऐ के साड़ी बिनती ते समझ कोलां कई मता कम्म करी सकदा ऐ, ओस शक्ति दे मताबक जेडा साड़े च कम्म करदा ऐ, 21 कलीसिया च ते मसीह यीशु च ओस दी महिमा पीढी कोलां पीढी तकर युगानुयुग ओंदी रवै। आमीन।

4 इसे आस्ते मैं जेडा प्रभु च बंदी ऐं तुंदे कन्ने बिनती करना ऐ के जेस बुलाहट कन्ने तुस बुलाए दे हे, ओस दे जोग चाल चलो, 2 मतलब सारी दीनता ते नम्रता कन्ने, संदोख करियै प्रेम कन्ने इक दुए दी सैइ लेओ; 3 ते मेल दे बंधन च आत्मा दी एकता रखने दी कोशिश करो। 4 इक गै शरीर ऐ, ते इक गै आत्मा; जिय्यां तुसें जेड़े बलाए दे हे अपने बलाए जाने दी इक गै आस ऐ। 5 इक गै प्रभु ऐ, इक गै बिश्वास, इक गै बपतिस्मा, 6 ते सबनीं दा इक गै परमात्मा ते पिता ऐ, जेडा सबनीं दे उप्पर ते सबनीं दे बश्कार ते सारें च ऐ। 7 लेकन साड़े बीचा हर इक गी मसीह दे दान दे परिणाम दे मताबक अनुग्रह मिले दा ऐ।

8 इसे आस्ते ओह आखदा ऐ: "ओह उच्चे उप्पर चढ्या ते बंदियें गी बन्नी लेई गया, ते मनुखें गी दान दिते।"

9 (ओस दे चढने कन्ने, होर के पाया जांदा ऐ सिर्फ ए के ओह धरती दी थले आली जगहें उप्पर उतरया भी हा। 10 ते जेडा उतरी गया ओह इय्ये ऐ जेडा सारे अंबर दे चड़ी भी गया के सारा किश परिपूर्ण करै)। 11 ओस ने कईयें गी प्रेरित नियुक्त करियै, ते कईयें गी भविष्यवक्ता नियुक्त करियै, ते कईयें गी सुनानेआले नियुक्त करियै, ते कईयें गी राखी करने आले ते उपदेशक नियुक्त करियै देई दिता, 12 जेस कन्ने पवित्र लोग सिद्ध ओई जान ते सेवा दा कम्म किता जा ते मसीह दा शरीर तरक्की पा, 13 जेस ले तकर के आस सारे दे सारे बिश्वास ते परमात्मा दे पुत्र दी पहचान च इक नेई ओई जाचे, ते इक सिद्ध मनुख नेई बनी जाचे ते मसीह दे पुरे डील डोल तकर नेई बदी जाचे। 14 तां जे आस अमें गी बच्चे नेई रोचे जेड़े मनुख दी ठगने आली पढाई ते चलाकी कन्ने, उंदे पलेखे दी युक्तियें च ते उपदेश दे हर इक झोंके कन्ने उछले ते इत्थें उत्थें घमाए जांदे आंन। 15 बरना प्रेम च सचाई कन्ने चलदे ओई सारियें गल्लें च ओदे च जेडा सिर ऐ, मतलब मसीह च बददे जांन, 16 जेस कन्ने सारा शरीर, हर इक जोड़ दी मदद कन्ने इक साथ मिलियै ते इक साथ जुड़ियै; ओस प्रभाव दे मताबक जेडा हर इक अंग दे ठीक ठीक कम्म करने दे द्वारा ओस च ओंदा ऐ, अपने आप गी बदांती ऐ के ओह प्रेम च तरक्की करदी जा।

17 इसे आस्ते मैं ए आखना ऐ ते प्रभु च आग्रह करना ऐं के जिय्यां बखरी जाति दे लोग अपने मन दी अनर्थ रिती उप्पर चलदे न, तुस हून कोलां फिरी इय्यां नी चलो। 18 की वे उंदा दमाक अन्ना ओई गेदा ऐ ते उंदे मन दी कठोरता दे कारण ओह परमात्मा दे जीवन कोलां बाख किते गेदे न; 19 ते ओह सुन्न ओइयै लुचेपन च लगी गेदे न के सारे चाली दे गंदे कम्म लालसा कन्ने करन। 20 लेकन तुसें मसीह दी ऐसी शिक्षा नेई पाई। 21 बरना तुसें सच मुच उसे दी सुनी ते, जिय्यां यीशु च सच ऐ, उसे च सखाए भी गे 22 के तुस पिछले चाल चलन दी परानी इंसानियत गी जेड़ी भरमाने आली अभिलाषां दे मताबक भ्रष्ट ओंदा जांदा ऐ, तुआरी देओ 23 ते अपने मन दे आत्मिक सभाव च नमें बनदे जाओ, 24 ते नमी इंसानियत गी लाइ लेओ जेड़ी परमात्मा दे अनुरूप सचाई दी धार्मिकता ते पवित्रता च सृजी गेदी ऐ।

25 इसे कारण झूठ बोलना शुड़ीयै हर इक अपने गुआंडी कन्ने सच बोलै, की वे आस अप्पुं बीचे इक दुए दे अंग न। 26 गुस्सा ते करो, लेकन पाप मत करो; सूरज डूबने तकर तुंदा गुस्सा नेई रवे, 27 ते ना गै शैतान गी मोका देओ। 28 चोरी करने आला फिरी चोरी नेई करै, बरना भले कम्म करने आस्ते अपने हत्थें कन्ने मेनत करै, इसे आस्ते के जिसी जरूरत ओए उसी देने आस्ते ओस दे कोल किश ओए। 29 कोई गंदी गल्ल तुंदे मुंह बीचा नेई निकलै, लेकन जरूरत दे मताबक उए निकलै जेड़ी तरक्की आस्ते उत्तम ओए, तां जे ओस कन्ने सुनने आलें उप्पर अनुग्रह ओए। 30 परमात्मा दी पवित्र आत्मा गी शोकित मत करो, जेस कन्ने तुंदे उप्पर छुटकारे दे दिन आस्ते मोर दिती गयी ऐ। 31 सारी चाली दी कड़वाहट, ते कोप ते गुस्सा, ते जुद्ध, ते निंदा, सारा बैर भाव दे सने तुंदे कोलां दूर किती जा। 32 इक दुए उप्पर कृपालु, ते करुनामय ओए, ते जिय्यां परमात्मा ने मसीह च तुंदे अपराध माफ़ किते, उय्यां गै तुस भी इक दुए दे अपराध माफ़ करो।

5 इसे आस्ते प्यारे बच्चें जेया परमात्मा दा अनुकरण करो, 2 ते प्रेम बीच चलो जिय्यां मसीह ने भी तुंदे कन्ने प्रेम किता, ते साड़े आस्ते अपने आप गी सुखदायक सुगंध आस्ते परमात्मा दे अमें भेंट करियै बलिदान करी दिता।

3 जिय्यां पवित्र लोकें दे जोगा ऐ, उय्यां तुंदे बीच व्यभिचार ते किसे चाली दे अशुद्ध कम्म जां कंजूसी दी चर्चा तकर नेई होए; 4 ते ना बशर्मपुना, ना मुदता दी गल्ल बात दी, ना ठठे दी; की वे ए गल्लां शिभा नेई दीदीयां, बरना धन्यावाद गै सुना जा। 5 की वे तुस ए जानदे हो के किसे व्यभिचारी, जां अशुद्ध जन, जां कंजूस मनुख दी, जेडा मूर्तिपूजा दे बराबर ऐ, मसीह ते परमात्मा दे राज च जैदाद नेई। 6 कोई तुसें बेकार गल्लें च तोखा नेई दीयै, की वे इनें गै कम्मं दे कारण परमात्मा दा गुस्सा आज्ञा नेई मनने आलें दे उप्पर पड़कदा ऐ। 7 इसे आस्ते तुस ओस दे सहभागी नेई उओ। 8 की वे तुस पैलें न्हेरा हे लेकन हून प्रभु च लो ओ, इस आस्ते लो दी संतान दे समान चलो। 9 (की वे लो दा फल सारे चाली दी भलाई, ते धार्मिकता, ते सचाई ऐ), 10 ते ऐ परखो के के प्रभु गी के शैल लगदा ऐ। 11 न्हेरे दे निष्फल कम्मं च सहभागी नेई उओ, बरना उंदे उप्पर लाह्यां देओ। 12 की वे उंदे गुप्त कम्मं दी चर्चा भी शर्म दी गल्ल ऐ। 13 उप्पर जिन्ने भी कम्मं उप्पर लाह्यां दिता जांदा ऐ ओह सारे लो कन्ने प्रगट ओंदे न, की वे जेडा सारे किश गी प्रगट करदा ऐ ओह लो ऐ।

14 इस कारण ओह आखदा ऐ, "ए सोने आलेया, जागी जा ते मुडदां बीचा जिंदा ओई जा; ते मसीह दी लो तेरे उप्पर चमकग।"

15 इसे आस्ते त्यान कन्ने दिखो, के कनेई चाल चलदे ओ: बगैर दिमाक आलें जेई नेई लेकन दमाक आलें जेया चलो। 16 समें गी कीमती समझो, की वे दिन बुरे न। 17 इसे कारण बगैर दमाक आले नेई उओ, लेकन त्यान कन्ने समझो के प्रभु दी मर्जी के ऐ। 18 दाखरस दे मतबाले नेई बनो, की वे एस कन्ने लुचापन ओंदा ऐ, लेकन आत्मा कन्ने परिपूर्ण ओंदे जाओ, 19 ते अप्पुं बीचें भजन ते स्तुति दे गीत ते आत्मिक गीत गाया करो, ते अपने अपने मने च प्रभु दे सामने गांदे ते कीर्तन करदे रवो। 20 ते म्हेशां सारियें गल्लें आस्ते साड़े प्रभु यीशु दे नां कन्ने परमात्मा पिता दा धन्यावाद करदे रवो। 21 मसीह के डर कन्ने इक दुए दे अधीन रवो।

22 ए घरेआलियो, अपने अपने घरेआलें दे अधीन रवो जिय्यां प्रभु दे। 23 की वे घरेआला घरेआली दा सिर ऐ जिय्यां के मसीह कलीसिया दा सिर ऐ ते अप्पुं गै शरीर दा उद्धार करने आला ऐ। 24 लेकन जिय्यां कलीसिया मसीह दे अधीन ऐ, उय्यां गै घरेआलियां भी हर गल्ल च अपने अपने घरेआलें दे अधीन रॉन।

25 ए घरेआलेयो, अपनी अपनी घरेआली कन्ने प्रेम रखो जिय्यां मसीह ने भी कलसिया कन्ने प्रेम करियै अपने आप गी ओस आस्ते देई दिता। 26 के उसी बचन दे द्वारा पानी दे स्नान कन्ने शुद्ध करियै पवित्र बनाए। 27 ते उसी इक ऐसी तेजस्वी कलीसिया बनाइयै अपने कोल खड़ी करै, जेस च ना कलंक, ना झुर्री, ना कोई और ऐसी चीज ओए बरना पवित्र ते निर्दोष ओए। 28 इसे चाली ठीक ऐ के घरेआला अपनी अपनी घरेआली कन्ने अपने शरीर जेया प्रेम रखै। जेडा अपनी घरेआली कन्ने प्रेम रखदा ऐ, ओह अपने आप कन्ने प्रेम रखदा ऐ। 29 की वे किसे ने कदें भी अपने शरीर कन्ने बैर नेई रखया

बरना ओस दा पालन पोषण करदा ऐ, जिय्यां मसीह भी कलीसिया कन्ने करदा ऐ।³⁰ इसे आस्ते आस ओस दे शरीर दे अंग न।

³¹ "इसे कारण मनुख अपने मां प्यो गी शुडीयै अपनी घरेआली कन्ने मिला रोह्ग, ते ओह दमें इक तन होघंन।"

³² ए भेद ते बड्डा ऐ, लेकन मैं इत्थें मसीह ते कलीसिया दे बारे च आखना ऐ।³³ लेकन तुंदे बीचा हर इक अपनी घरेआली कन्ने अपने जेया प्रेम रखे, ते घरेआली भी अपने घरेआला दा डर मनै।

ए बच्चो, प्रभु च अपने मां प्यो दे आज्ञा कारी बनो, की वे ए ठीक ऐ।

6 ² "अपने मां ते प्यो दा आदर कर (ए पैली आज्ञा ऐ जेस दे कन्ने प्रतिज्ञा भी ऐ)³ के तेरा भला ओए, ते तू धरती उप्पर मते दिन जिंदा रमें।"⁴ ए बच्चे आलेयो, अपने बच्चें गी रिस नेई दिलाओ, लेकन प्रभि दी शिक्षा ते चेतावनी दिंदे ओई उंदा पालन पोषण करो।

⁵ ए दासो, जेडे लोग एस संसार च तुंदे स्वामी न, अपने मन दी सिधाई कन्ने उरदे ते कंवदे ओई, जिय्यां मसीह दी उय्यां गै उंदी आज्ञा मनो।⁶ मनुखें गी खुश करने आलें जेया दिखाने आस्ते सेवा नेई करो, लेकन मसीह दे दासें जेया मन कोलां परमातमा दी मर्जी उप्पर चलो।⁷ ते ओस सेवा गी मनुखें दी नेई लेकन प्रभु दी जानियै सचे दिलै कन्ने करो।⁸ की वे तुस जानदे ओ के जेडा कोई जिय्यां अच्छा कम्म करग, पामें दास ओए पामें आजाद, प्रभु कोलां उय्यां गै पाह्ग।⁹ ए स्वामियों, तुस भी धमकियां देना शुडीयै उंदे कन्ने उय्यां गै व्यवहार करो; की वे तुस जानदे ओ के उंदा ते तुंदा दोर्नी दा स्वामी सुर्ग च ऐ, ते ओह किसे दा पक्ष नेई करदा।

¹⁰ इसे आस्ते प्रभु च ते ओस दी शक्ति दे प्रभाव च ताकत आले बनो।

¹¹ परमातमा दे सारे हथयार बनी लेओ के तुस शैतान दी योजना दे अगें

खडोइ सको।¹² की वे साडा ए मल्ल जुद्ध खून ते मास कन्ने नेई लेकन प्रधानें कन्ने, ते अधिकारियें कन्ने, ते एस संसार दे हाकिमें कन्ने ते ओस दुष्टता दी आत्मिक सेनां कन्ने ऐ जेडी अंबर च ऐ।¹³ इसे आस्ते परमातमा दे सरे हथयार बनी लेओ के तुस बुरे दिन च सामना करी सको, ते सारा किश पूरा करियै टिकी सको।¹⁴ इसे आस्ते सत्य कन्ने अपना लाक कसियै, ते धार्मिकता दी झिलम लाईयै,¹⁵ ते पैरें च मेल दे सुसमाचार दी तेयारी दियां नुक्कां लाईयै;¹⁶ ते इन्हें सारें कन्ने बिश्वास दी डाल लेइयै टिके रवो जेस कन्ने तुस ओस दुष्ट दे सारे जलदे तीरें गी साह्नी सको।¹⁷ ते उद्धार दी टोपी, ते आत्मा दी तलवार जेडी परमातमा दा बचन ऐ, लेई लेओ।¹⁸ हर समें ते हर चाल्नी कन्ने आत्मा च प्रार्थना, ते विनती करदे रवो, ते इसे आस्ते जागे रवो के सारें पवित्र लोकें आस्ते लगातार विनती करा करो,¹⁹ ते मेरे आस्ते भी के मीगी बोलने दे समें ऐसा प्रबल बचन दिता जा के मैं हिम्मत कन्ने सुसमाचार दा भेद सनाई सकां,²⁰ जेस आस्ते मैं जंजीर कन्ने जकड़े दा राजदूत ऐ; ते ए भी के मैं ओस दे बारे च जिय्यां मीगी चाहिदा मैं हिम्मत कन्ने बोला।

²¹ ताखिकूस, जेडा प्यारा प्रा ते प्रभु च बिश्वास जोग सेवक ऐ, तुसैं सारियां गल्लां सनाग के तुस भी मेरी दशा जानो के मैं कनेया रोह्ग ऐ।²² उसी मैं तुंदे कोल इसे आस्ते भेजे दा ऐ के तुस साडी दशा गी जानो, ते ओह तुंदे मनै गी शान्ति दियै।

²³ परमातमा पिता ते प्रभु यीशु मसीह कोलां प्रां गी शान्ति ते बिश्वास कन्ने प्रेम मिलै।²⁴ जेडा साडे प्रभु यीशु मसीह कन्ने सच्चा प्रेम रखदे न, उंदे सारें उप्पर अनुग्रह ओंदा रवे।

फिलिप्पियों

1 मसीह यीशु दे दास पोलुस ते तीमुथियुस कोलां, सारें पवित्र लोकें दे नां जेड़े मसीह यीशु च ओइयै फिलिप्पी च रॉह्दे न, मालकें ते सेवकें सनै।

2 साड़े पिता परमातमा ते प्रभु यीशु मसीह कोलां तुसें अनुग्रह ते शान्ति मिलदी रवै।

3 मैं जेस जेस ले तुसें याद करना ऐं, उसलै उसलै अपने परमातमा दा धन्यवाद करना ऐं; 4 ते जेस लै कदें तुंदे सारें आस्ते बिनती करना ऐ, ते म्हेशां आनंद कन्ने बिनती करना ऐ। 5 इसे आस्ते के तुस पैले दिन कोलां लेइयै अज्र तकर सुसमाचार गी फलाने आस्ते मेरे सहभागी रे ओ। 6 मीगी एस गल्ल दा भरोसा ऐ जेस ने तुंदे च अच्छा कम्म शुरू कित्ता ऐ, उए उसी यीशु मसीह दे दिन तकर पूरा करग। 7 ठीक ऐ के मैं तुंदे सारे आस्ते इय्ये गै बचार करां, की वे तुस मेरे मने च आई बसे ओ, ते मेरी कैद च ते सुसमाचार आस्ते जवाब ते प्रमाण देने च तुस सारे मेरे कन्ने अनुग्रह च सहभागी ओ। 8 एस च परमातमा मेरा गुआह ऐ के मैं मसीह यीशु जेई प्रीती करियै तुंदी सारें दी लालसा करना ऐ। 9 मैं ए प्रार्थना करना ऐ के तुंदा प्रेम ज्ञान ते सारे चाली दे विवेक कन्ने और भी बद्धा जा, 10 इत्थें तकर के तुस उत्तम कोलां उत्तम गल्लें गी प्यारा जानो, ते मसीह दे दिन तकर सच्चे बने रवो, ते ठोकर ना खाओ; 11 ते ओस धार्मिकता दे फल कन्ने जेड़े यीशु मसीह दे द्वारा ओंदे न, भरपूर ओंदे जाओ जेस कन्ने परमातमा दी महिमा ते स्तुति ओंदी रवे।

12 ए प्राओ, मैं चाना ऐ के तुस ए जानी लेओ के मेरे उप्पर जो बिता ऐ, ओस कन्ने सुसमाचार दी बढातरी ओई ऐ। 13 इत्थें तकर के कैसर दे राजभवन दी सारी पलटन ते बाकी सारें लोकें च ए प्रगट ओया ऐ के मैं मसीह आस्ते कैद ऐं; 14 ते प्रभु च जेड़े प्रा न, उंदे बीचा ज्यादातर मेरे कैद होने दे कारण, बगैर झक दे परमातमा दा बचन बे धड़क सनाने दा और भी हिम्मत करनेयां न।

15 किश ते ईरखा कन्ने ते किश लड़ाई दे कारण मसीह दा प्रचार करदे न ते किश भली इच्छा कन्ने। 16 केई इक ते ए जानियै के मैं सुसमाचार आस्ते जवाब देने आस्ते ठहराए दा ऐं, प्रेम कन्ने प्रचार करदे न। 17 ते केई इक ते सिद्धाई कन्ने नेई लेकन बिरोध कन्ने मसीह दी कथा सनांदे न, ए सोंचियै के मेरी कैद च मेरे आस्ते क्लेश पैदा करना। 18 ते के ओया ? सिर्फ ए के हर चाली कन्ने, चाए बाने कन्ने चाए सचाई कन्ने, मसीह दी कथा सनाई जांदी ऐ, ते मैं एस कन्ने आनंदीत ऐं ते आनंदीत रोहगा भी।

19 की वे मैं जानना ऐ के तुंदी बिनती दे द्वारा, ते यीशु मसीह दी आत्मा दे दान दे द्वारा, एस दा प्रतिफल मेरा उद्धार ओग। 20 मैं ते इय्ये हार्दिक लालसा ते आस रखना ऐ के मैं किसे भी गल्ल च शर्मिदा नेई उआं, लेकन जिय्यां मेरे प्रबल साहस दे कारण मसीह दी बड़ाई मेरे शरीर दे द्वारा म्हेशां ओंदी रेई ऐ, उय्यां गै हून भी ओए, चाए मैं ज़िंदा रवां जां मरी जां। 21 की वे मेरे आस्ते ज़िंदा रोह्हा मसीह ऐ, ते मरी जाना फायदा ऐ। 22 लेकन जे शरीर च ज़िंदा रोह्हा मेरे कम्म आस्ते फायदे मंद ऐ ते मैं नेई जानना के कुसी चुनां। 23 की वे मैं दोनीं दे बीच खलके पासे लटके दा ऐं; जी ते चांदा ऐ के कुछ करियै मसीह दे कोल जाई रवां की वे ए मता गै अच्छा ऐ, 24 लेकन शरीर च रोह्हा तुंदे कारण और भी जरूरी ऐ। 25 इसे आस्ते के मीगी एस दा भरोसा ऐ इस आस्ते मैं जानना ऐ के मैं ज़िंदा रोह्हा, बरना तुंदे सबनी दे कन्ने रोह्हा जेस कन्ने तुस सारे बिश्वास बीच मजबूत ओंदे जाओ ते ओस च आनंदित ओंदे जाओ; 26 ते जेड़ा घमंड तुस मेरे बारे च करदे ओ, ओह मेरे फिरी तुंदे कोल आने कन्ने मसीह यीशु च और भी मता बदी जा।

27 सिर्फ इन्ना करो के तुंदा चालचलन मसीह दे सुसमाचार दे जोगा ओए के चाए मैं तुसें आईयै दिखां, चाए ना भी आं, तुंदे बारे च इय्ये सुनां के तुस इक गै आत्मा च टिके दे ओ, ते इक मन होइयै सुसमाचार दे बिश्वास आस्ते मेनत करदे रॉह्दे ओ, 28 और किसे गल्ल च बिरोधियै कोलां नेई डरदे। ए उंदे आस्ते विनाश दी साफ़ नशानी ऐ, लेकन तुंदे आस्ते उद्धार दा ते ए परमातमा दी बखी दा ऐ। 29 की वे मसीह दे कारण तुंदे उप्पर ए अनुग्रह ओया के ना सिर्फ ओस दे उप्पर बिश्वास करो लेकन ओस आस्ते दुःख भी चुको; 30 ते तुसें उय्यां गै मेनत करनी ऐ, जिय्यां तुसें मीगी करदे दिखया ऐ, ते हून भी सुनदे ओ के मैं उय्यां गै करना ऐ।

2 इस आस्ते मसीह च किश शान्ति, ते प्रेम कन्ने द्वारस, ते आत्मा दी सहभागिता, ते किश करुणा ते दया ऐ, 2 ते मेरा ए आनंद पूरा करो के इक मन रवो, ते इक गै प्रेम, इक गै चित्त, इक गै बचार रखो। 3 बिरोध जां झूठी बड़ाई आस्ते किश नी करो, लेकन दीनता कन्ने इक दुए गी अपने कोलां अच्छा समझो। 4 हर इक अपने गै फायदे दी नेई, बरना दुए दे फायदे दी भी चिंता करै। 5 जिय्यां मसीह यीशु दा सभाव हा इय्यां गै तुंदा भी सभाव ओए;

6 जेस ने परमातमा दे स्वरूप च ओंदे ओई भी परमातमा दे तुल ओने गी अपने वस च रखने दी चीज नेई समझया।

7 बरना अपने आप गी ऐसा जीरो करी दिता, ते दास दा स्वरूप धारण कित्ता, ते मनुख दी समानता च ओई गया।

8 ते मनुख दे रूप च प्रगट ओइयै अपने आप गी दीन करी दिता, ते इत्थें तकर आज्ञा कारी रेया के मोत, आं, कूस दी मोत भी सेई लेती।

9 इस कारण परमातमा ने उसी अती महान भी कित्ता, ते उसी ओह नां दिता जेड़ा सारें नां च खास ऐ,

10 के जेड़े सुर्ग च ते धरती उप्पर ते धरती दे थले न, ओह सारे यीशु दे नां कन्ने घुटने टेकन;

11 ते पिता परमातमा दी महिमा आस्ते हर इक जीभ अंगीकार करै के यीशु मसीह गै प्रभु ऐ।

12 इसे आस्ते ए मेरे प्यारो, जेस चाली तुस म्हेशां कोलां आज्ञा मनदे आए ओ, उय्यां गै हून भी ना सिर्फ मेरे कन्ने रॉह्दे ओई लेकन खास करियै हून मेरे दूर रोह्हे उप्पर भी डरदे ते कंवदे ओई अपने अपने उद्धार दा कम्म पूरा करदे जाओ, 13 की वे परमातमा गै ऐ जेस ने अपनी सुइच्छा निमित्त तुंदे मने च इच्छा ते कम्म, दमै गल्लां करने दा प्रभाव पाएदा ऐ।

14 सारे कम्म बगैर कुडकुड़ाए ते बगैर तकरार दे करा करो, 15 तां जे तुस निर्दोष ते भोले ओइयै टेड़े ते हठीले लोकें दे बीच परमातमा दी निष्कलंक संतान बने रवो, जींदे बीच तुस जीवन दा बचन लेईयै संसार च जलदे दिये दे समान दिखदे ओ। 16 के मसीह दे दिन मीगी घमंड करने दा कारण ओए के ना मेरा दोड़ना ते ना मेरी मेनत करना बेकार ओई। 17 जे मीगी तुंदी बिश्वास रूपी बलिदान ते सेवा दे कन्ने अपना खून भी रुड़ाना पवे, तां भी मैं आनंदित ऐं ते तुंदे सबनी दे कन्ने आनंद करना ऐ। 18 उय्यां गै तुस भी आनंदित उओ ते मेरे कन्ने आनंद करो।

19 मीगी प्रभु यीशु च आस ऐ के मैं तीमुथियुस गी तुंदे कोल फोरन भेजगा, तां जे तुंदी दशा सुनीयै मीगी शान्ति मिलै। 20 की वे मेरे कोल ऐसा सभाव दा कोई नेईयै जेड़ा साफ़ मन कन्ने तुंदी चिंता करे। 21 की वे सारे अपने स्वार्थ दी खोज च रॉह्दे न, ना के यीशु मसीह दी। 22 लेकन उसी ते तुसें परखया ते जानी भी लेता ऐ के जिय्यां पुत्तर पिता दे कन्ने करदा ऐ, उय्यां गै ओस ने सुसमाचार गी फलाने आस्ते मेरे कन्ने मेनत कित्ती। 23 इसे आते मीगी आस ऐ

के जिय्यां गै मीगी जानी पोह्या के मेरी के दशा ओग, उय्यां गै में उसी फोरन भेजी देगा। 24 ते मीगी प्रभु च भरोसा ऐ के में अप्पुं भी जल्दी ओगा।

25 लेकन मैं इपफ्रुदीतुस गी जेड़ा मेरा प्रा ते सहकर्मी ते संगी जोद्धा ते तुंदा दूत, ते जरूरत गल्ले च मेरी सेवा करने आला ऐ, तुंदा कोल भेजना जरूरी समझया। 26 की वे ओस दा मन तुंदा सबर्नी च लगे दा हा,, इसे कारण ओह व्याकुल रॉह्दा हा की वे तुसैं ओस दी बमारी दा आल सुने दा हा। 27 जरूरी गै ओह बमार ते ओई गेदा हा इत्थें तकर के मरने उप्पर हा, लेकन परमातमा ने ओदे उप्पर दया कित्ती, ते सिर्फ ओस दे उप्पर गै नेई लेक मेरे उप्पर भी के मीगी शोक उप्पर शोक ना ओए। 28 इसे आस्ते मैं उसी भेजने दी और भी कोशिश कित्ती के तुस ओस कन्ने फिरी मुलाकात करिये आनंदित ओई जाओ ते मेरा भी शोक घटी जाए। 29 इसे आस्ते तुस प्रभु च ओस कन्ने मते आनंद कन्ने मुलाकात करयो, ते ए जेँ दा आदर करयो, 30 की वे ओह मसीह दे कम्म आस्ते अपने प्राणें उप्पर जोखिम उठाइयें मोत दे कोल आई गया हा तां जे जेडी घटी तुंदा तरफा मेरी सेवा च ओई उसी पूरा करे।

3 इसे आस्ते ए मेरे प्राओ, प्रभु च आनंदित रवो। ओही गल्लां तुसैं बार बार लिखने च मीगी ते कोई दुःख नेई ओंदा, ते एस च तुंदा कुशलता ऐ, 2 कुत्तां कोलां चोकस रवो, उन बुरे कम्म करने आलें कोलां चोकस रवो, उन काट कूट करने आलें कोलां चोकस रवो। 3 की वे खतना आले ते आस गै ऐन जेडे परमातमा दी आत्मा दी अगुआई कन्ने उपासना करदे न, ते शरीर उप्पर भरोसा नेई रखदे न। 4 लेकन मैं ते शरीर उप्पर भी भरोसा रखी सकना ऐ। जे कुसे और गी शरीर उप्पर भरोसा रखने दा बचार उए, ते ते मैं ओस कोलां भी बद रखी सकना ऐ। 5 अठवें दिन मेरा खतना ओया, इस्राएल दे वंश, ते बिन्यामीन ते गोत्र दा ऐं; इब्रानियें दा इब्रानी ऐं; व्यवस्था दे बारे च जे आखो ते फरीसी ऐं। 6 उत्साह दे बारे च आखो ते कलीसिया दा सताने आला; ते व्यवस्था दी धार्मिकता दे बारे च जे आखो ते निर्दोष हा। 7 लेकन जेडी जेडी गल्लां मेरे फायदे दी हियां, उन्हें गै मैं मसीह दे कारण नुकसान समझी लेता ऐ। 8 बरना मैं अपने प्रभु मसीह यीशु दी पहचान दी उत्तमता दे कारण सारियें गल्लें गी नुकसान समझना ऐ। जेस दे कन्ने मैं सारियें चीजे दा नुकसान चुकया, ते उन्हें कूड़ा समझना ऐ, जेस कन्ने मैं मसीह गी आसल करां। 9 ते ओस च पाया जा; ना के अपनी ओस धार्मिकता दे कन्ने, जेडी व्यवस्था कोलां ऐ, बरना ओस धार्मिकता दे कन्ने जेडी मसीह उप्पर बिश्वास करने दे कारण ऐ ते परमातमा दे तरफा बिश्वास करने कन्ने मिलदी ऐ। 10 तां जे मैं उसी ते ओस दी मरने दे उप्पर जय पाने दी शक्ति गी, ते ओस दे कन्ने दुखें च सहभागी ओने दे मर्म गी जानां, ते ओस दी मोत दी समानता गी प्राप्त करां। 11 के मैं किसे भी रिती कन्ने मरें दे बीचा जिंदे ओने दे पद तकर पुञ्जी सकां।

12 ए मतलब नेई के मैं पाई चुके दा ऐं, जां सिद्ध ओई चुके दा ऐं; लेकन ओस चीज गी पकड़ने आस्ते दोड़दे चली आना ऐ, जेस आस्ते मसीह यीशु ने मीगी पकड़या हा। 13 ए प्राओ, मेरी भावना ऐ नेईयें के मैं पकड़ी चुके दा ऐं; लेकन सिर्फ ए इक कम्म करना ऐं के जेडीयां गल्लां पीछें रेई गेदियां न उन्हें पुलीयें, अगमें दी गल्लें आली बखी बददा, 14 नशाने आली बखी दोड़दा चली जाना ऐ, तां जे ओह नाम पां जेस आस्ते परमातमा ने मीगी मसीह यीशु च उप्पर बलाया ऐ। 15 साडे बीचा जिनने सिद्ध न, इए बचार रखन, ते जे कुसे गल्ल च तुंदा और गै बचार ओए ते परमातमा उसी भी तुंदा उप्पर प्रगट करी देगा। 16 इसे आस्ते जित्थें तकर आस पुञ्जे दे न, उसे दे मताबक चलचे।

17 ए प्राओ, तुस सारे मिलियें मेरी जेई चाल चलो, ते उन्हें पहचान रखो जेडे एस रिती उप्पर चलदे न जेस दा उदाहरण तुस साडे च पांटे न; 18 की वे मते सारे ऐसी चाल चलदे न, जेस दी चर्चा मैं तुंदा कन्ने बार बार कित्ती ऐ, ते हूं भी रोई रोईयें आखना ऐ के ओह अपनी चाल चलन कोलां मसीह दे कूस

दे बैरी न। 19 उंदा अंत विनाश ऐ, उंदा ईश्वर टिड्डु ऐ, ओह अपनी बेशती दी गल्लें उप्पर घमंड करदे न ते धरती दी चीजें उप्पर मन लाइ रखदे न।

20 लेकन साड़ा स्वदेश सुर्ग ऐ; ते आस इक उद्धारकर्ता प्रभु यीशु मसीह दे उत्थुंआं आने दा इंतजार करा करनेयां न। 21 ओह अपनी शक्ति दे ओस प्रभाव दे मताबक जेस दे द्वारा ओह सारीं चीजें गी अपने वस च करी सकदा ऐ, साडी दीन हीन शरीर दा रूप बदलीयें, अपनी महिमा दी देह दे अनुकूल बनाई देगा।

4 इसे आस्ते ए मेरे प्यारे प्राओ, जींदे च मेरा मन लगा रॉह्दा ऐ, जेड़ा मेरा आनंद दे मुकुट उए, ए प्यारे प्राओ, प्रभु च इसे चाली टिके रवो।

2 मैं यूओदिया गी भी समझाना ऐ ते सुनुतुखे गी भी, के ओह प्रभु च इक मन रॉह्दा। 3 ए सच्चे सहकर्मी, मैं तेरे कन्ने बिनती करना ऐ के तू उन स्त्रियें दी मदद कर, की वे उन्हें मेरे कन्ने सुसमाचार फलाने आस्ते, क्लेमस ते मेरे बाकी सहकर्मियें दे सने मेनत कित्ती, जिंदे नां जीवन दी कताब कग लिखे गेदे न।

4 प्रभु च म्हेशां आनंदित रवो; मैं फिरी आखना ऐ, आनंदित रवो। 5 तुंदा कोमलता सारें मनुखें उप्पर प्रगट ओए। प्रभु कोल ऐ। 6 किसे भी गल्ले दी चिंता नेई करो; लेकन हर इक गल्ल च तुंदा नवेदन, प्रार्थना, ते विनती दे द्वारा धन्यावाद दे कन्ने परमातमा दे कोल आजर किते जानं। 7 उस बेले परमातमा दी शान्ति, जेडी सारी समझ कोलां परे ऐ, तुंदा दिल ते बचारें गी मसीह यीशु च सलामत रखग।

8 इसे आस्ते ए प्राओ, जेडी जेडीयां गल्लां सच न, ते जेडीयां जेडीयां गल्लां आदर दे जोग न, ते जेडीयां जेडीयां गल्लां उचित न, ते जेडीयां जेडीयां गल्लां पवित्र न, ते जेडीयां जेडीयां गल्लां सुहावनी न, ते जेडीयां जेडीयां गल्लां मने गी भाने आलियां न, मतलब जेडीयां भी सद्गुण ते प्रशंसा दी गल्लां न उंदा उप्पर त्यान लाया करो। 9 जेडीयां गल्लां तुसैं मेरे कोलां सिखियां, ते ग्रहण कितियां, ते सुनियां, ते मेरे बीच दिखियां, उंदा गै पालन करा करो, उस बेले परमातमा जेड़ा शान्ति दा सोता ऐ तुंदा कन्ने रोह्गा।

10 मैं प्रभु च मता आनंदित ऐं के हूं इन्ने दिनें कोलां बाद तुंदा चिंता मेरे बारे च फिरी जागृत ओई ऐ; पक्का तुसैं शुरू च भी एस दा बचार हा, लेकन तुसैं समां नेई मिलया। 11 ए नेई के मैं अपनी घटी दे कारण ए आखना ऐ; की वे मैं ए सीखे दा ऐ के जेस देश च ऐं; उसे च संदोख करां। 12 मैं दीन ओना भी जानना ऐं; हर इक गल्ल ते सारियें दर्शे च मैं रजना, भुक्खा रोह्दा, ते बदना ते घटना सीखे दा ऐ। 13 जेड़ा मीगी शक्ति दिंदा ऐ ओस च मैं सारा किश करी सकना ऐ।

14 तां भी तुसैं भला किता के मेरे क्लेश च मेरे सहभागी ओए। 15 ए फिलिप्पियो, तुस अप्पुं भी जानदे ओ के सुसमाचार दी शुरुआत च, जेस लै मैं मकिदुनिया कोलां विदा ओया, उस बेले तुसैं शोडीयें और किसे मण्डली ने लेने देने दे बारे च मेरी मदद नेई कित्ती। 16 इसे चाली जेस ले मैं थिस्त्वुनिके च हा, तां भी तुसैं मेरी घटी पुरी करने आस्ते इक बारी के बरना दो बारी किश भेजया हा। 17 ए नेई के मैं दान चाना ऐ लेकन मैं ऐसा फल चाना ऐ जेड़ा तुंदा फायदे आस्ते बदा जा। 18 मेरे कोल सारा किश ऐ, बरना बहुतायत कन्ने भी ऐ, जेडीयां चीजां तुसैं इपफ्रुदीतुस दे हत्थे कन्ने भेजी हियां उन्हें पाइयें मैं रजी गया ऐं ओह ते सुखदायक सुगंध, ग्रहण करने दे जोग बलिदान ऐ, जेड़ा परमातमा गी भांदा ऐ। 19 मेरा परमातमा भी ओस धन दे मताबक जेडी महिमा स्तुति मसीह यीशु च ऐ, तुंदा हर इक घटी गी पूरी करग। 20 साडे परमातमा ते पिता दी महिमा युगानुयुग ओंदी रवे। आमीन।

21 हर इक पवित्र जन गी, जेड़ा यीशु मसीह च ऐ नमस्कार आखो। जेडे प्रा मेरे कन्ने न, तुसैं नमस्कार आखदे न। 22 सारे पवित्र लोग, खास करियें जेडे कैसर दे घराने दे न, तुसैं गी नमस्कार आखदे न।

23 साडे प्रभु यीशु मसीह दा अनुग्रह तुंदा आत्मा दे कन्ने रवे।

कुलुस्सियों

1 पौलुस दी ओर ता, जो परमात्मा दी इच्छा कन्ने मसीह यीशु दा प्रेरित ऐ, और परा तीमुथियुस दी ओर ता,
 2 मसीह च उन पवित्र और विश्वास पराए दे नाम जो कुलुस्से च रेंदे नए: साडे पिता परमात्मा दी ओर कन्ने तोहे गी अनुग्रह और शान्ति प्राप्त होंदी रेए।
 3 आहे तुन्दे लेई लगातार प्रार्थना करिये अपने प्रभु यीशु मसीह दे पिता और परमात्मा दा धन्यवाद करदे ही, 4 क्योंकि आहे सुनेया ही कि मसीह यीशु उप्पर तुन्दा विश्वास ऐ, और सारे पवित्र लोके कन्ने तोहे प्रेम रखदे हो; 5 उस आशा दी होई वस्तु दे कारण जो तुन्दे लेई स्वर्ग च रखी होई ऐ, जिदा वर्णन तोहे उस सुसमाचार दे सच्चा वचन सुनी हो, 6 जो तुन्दे कोल पुजेया ऐ, और जिन्ना जगत च भी फल लांदा और बददा जान्दा ऐ, इन्ना ही जिस दिन च तोहे उसी सुनेया और सच्चाई कन्ने परमात्मा दा अनुग्रह पहेचानेया ऐ, तुन्दे च भी ऐसा ही करदा ऐ। 7 उदी गे शिक्षा तेरे च साडे प्यारे सहकर्मी इपफ्रास कन्ने पाई, जो साडे लेई मसीह दा विश्वासयोग्य सेवक ऐ। 8 उस ने तुन्दे प्रेम गी जेड़ा आत्मा च ऐ साडे उप्पर प्रगट किता।
 9 इस लेई जिस दिन च ए सुनेया ऐ, आहे भी तुन्दे लेई ए प्रार्थना और विनती करना नेई छोड़दे कि तोहे सारे आत्मिक ज्ञान और समझ सहित परमात्मा दी इच्छा दी पहिचान च परिपूर्ण होई जाओ, 10 ताकि तुन्दा चाल - चलन प्रभु दे योग्य होए, और ओह सारे काम कन्ने खुश होए, और तुन्दे हर प्रकार दे भले कमे दा फल लगे, और तोहे परमात्मा दी पहिचान च बददे जाओ, 11 उदी महिमा दी शक्ति दे अनुसार सारे प्रकार दी सामर्थ्य कन्ने बलवन्त होंदे जाओ, इत्थे तक कि आनन्द दे कन्ने हर प्रकार च धीरज और सहनशीलता दिखा सको, 12 और पिता दा धन्यवाद करदे रहो, जिन्ने सानु इस योग्य बनाया कि ज्योति च पवित्र लोके दे कन्ने मीरास च सहभागी होन। 13 उन गे सानु नेरे च छुड़ाईये अपने प्यारे पुत्तर दे राज्य च प्रवेश कराया, 14 जिदे आहे छुटकारा और पापे दी क्षमा प्राप्त होंदी ऐ।
 15 ओह ते अद्श्य परमात्मा दा प्रतिरूप और सारी सृष्टि च पहिलौठा ऐ। 16 क्योंकि उदे च सारी वस्तुओं दी सृष्टि होई, स्वर्ग दी होए या पृथ्वी दी, देखी या अनदेखी, क्या सिंहासन, क्या प्रभुताएं, क्या प्रधानताएं, क्या अधिकार, सारी वस्तुएँ उसी दे द्वारा और उसी दे लेई सजी गई ऐ। 17 ओही सारी वस्तुओं च महान ऐ, और सारी वस्तुएँ उदे च ठीक रेंदी ऐ। 18 ओही देह, और कलीसिया दा सेर ऐ; ओही आदि ऐ, और मरे होए बीचा जी उठने आले च पहिलौठा कि सारे गल्ले च ओही प्रधान ठहरे। 19 क्योंकि पिता दी खुशियाँ इदे च ऐ कि उदे च सारी परिपूर्णता वास करे, 20 और उदे क्रूस उप्पर बहे होए लहू दे द्वारा मेलमिलाप करिये, सारी वस्तुओं दा उसी दे द्वारा अपने कन्ने मेल करी ले, चाहे ओह पृथ्वी उप्पर होए चाहे स्वर्ग च होए।
 21 तोहे जो पैहले निकले होए ही और बुरे कमे दे कारण मन च बैरी ही; 22 उने हुन उदी शारीरिक देह च मौत दे द्वारा तुन्दा भी मेल करिये ताकि तोहे अपने सम्मुख पवित्र और निष्कलंक, और निर्दोष बनाईये हाजिर करो। 23 अगर तोहे विश्वास दी नीव उप्पर मजबूत बने रोगे और उस सुसमाचार दी आशा गी जिसी तोहे सुनेया ऐ ना छोड़ो, जिदा प्रचार आकाश दे थल्ले दी सारी सृष्टि च किता गया, और जिदा में, पौलुस, सेवक बनेया।
 24 हुन में उन दुखे दे कारण आनन्द करदा हां, जो तुन्दे लेई चुकदा हां और मसीह दे क्लेशों दी घटी उदी देह दे लेई, और कलीसिया दे लेई अपने शरीर च पूरी करदा हां; 25 जिदा में परमात्मा दे उस प्रबन्ध दे अनुसार सेवक बनेया जेड़ा तुन्दे लेई मिगी सौपेया गया, ताकि में परमात्मा दे वचन गी पूरा पूरा वचन करा। 26 और उस भेद गी जो समयों और पीढ़ियों च गुप्त रेहो, लेकन हुन उदे उन पवित्र लोके उप्पर प्रगट होया ऐ। 27 जिन्दे उप्पर परमात्मा ने

प्रगट करना चाहेया कि उनेगी ज्ञात होए कि अन्यजातियों च उस भेद दी महिमा दा मूल्य के ऐ, और ओह ए ही कि मसीह जो महिमा दी आशा ऐ तुन्दे च रेंदा ऐ। 28 जिदा प्रचार करिये आहे हर इक मनुख गी चेतावनी दिंदे नए और सारे ज्ञान कन्ने हर इक मनुख गी सिखान्दे नए, कि आहे हर इक मनुख गी मसीह च सिध्द करिये उपस्थित करिये। 29 इसी दे लेई में उदी शक्ति दे अनुसार जो मेरे च सामर्थ्य दे कन्ने प्रभाव पांंदी ऐ, तन मन लगाईये परिश्रम भी करदा ही।

2 में चाना हां कि तोहे जान लो कि तुन्दे और उन्दे लेई जेड़ा लौदीकिया च ऐ, और उन सारे दे लेई जिन्ने मेरा शारीरिक मुँह नेई दिखेया, में किन्ना परिश्रम करदा हां, 2 ताकि उन्दे मनो च शान्ति होए और ओह प्रेम कन्ने आपस च गठे रेए, और ओह पूरी समझ दा सारा धन प्राप्त करन, और परमात्मा पिता दे भेद गी और मसीह गी पहचान लें। 3 जिदे च बुद्धि और ज्ञान दे सारे भण्डार छिपे होए नए। 4 ए में इसलेई बोल्दा हां कि कोई मनुख तोहे गी लुभाने आली गल्ले च तोखा न दे। 5 अगर में शरीर दे भाव च तुन्दे कोला दूर हां, फेर भी आत्मिक भाव कन्ने तुन्दे कोल हां, और तुन्दे व्यवस्थित जीवन गी और तुन्दे विश्वास दी, जो मसीह च ऐ, मजबूत दिखिए खुश होंदा ऐ।

6 आखिर: जिन्ना तोहे मसीह यीशु गी प्रभु करिये ग्रहण करी लेता ऐ, इन्ना ही उदे भ चलदे रोवो, 7 और उदे च जड़ पकड़दे और बददे जाओ; और जिन्ना तोहे सिखाए गए इन्ना ही विश्वास च मजबूत होंदे जाओ, और हर रोज धन्यवाद करदे रोवो।

8 चौकस रोवो कि कोई तोहे गी उस तत्व - ज्ञान और बेकार तोखे दे द्वारा अपना अहेर ना बनाई लेयो, जेड़ी मनुखे दी परम्पराओं और संसार दी आदि शिक्षा दे अनुसार ते ऐ, लेकन मसीह दे अनुसार नेई। 9 क्योंकि उन्दे च ईश्वरत्व दी सारी परिपूर्णता सदेह वास करदी ऐ, 10 और तोहे उदे च भरपूर होई गए हो जो सारी प्रधानता और अधिकार दा शिरोमणि ऐ। 11 उदे च तुन्दा ऐसा खतना होया ही जेड़ा हाथ च नेई होंदा, और मसीह दा खतना, जिदे कन्ने शारीरिक देह उतारी दिती जन्दी ऐ, 12 और उसी दे कन्ने बपतिस्मा च गाड़े गए और उदे च परमात्मा दी सामर्थ्य उप्पर विश्वास करिये, जिन्ने उसी मरे होए बीचा जिलाया, उन्दे कन्ने जी भी उठे। 13 उने तोहे गी भी, जेड़े अपने अपराधों और अपने शरीर दी खतनारहित दशा च मरे दा ही, उदे कन्ने जिलाया, और साडे सब अपराधों गो माफ किता, 14 और विधियों दा ओह लेख जेड़ा साडे नाम उप्पर और साडे विरोध च ही मिटाई ओड़ेया, और उसी क्रूस उप्पर कीलों कन्ने जड़िये साडे सामने तो हटाई दिता ऐ। 15 और उन प्रधानताओं और अधिकारों गी ऊपरा उतारिये उन्दा खुल्लमखुल्ला तमाशा बनाया और क्रूस दे द्वारा उन्दे उप्पर जय - जयकार दी ध्वनी सुनाई।

16 इसलेई खाने - पीने या पर्व या नए चाँद, या सब्त दे बारे च तुन्दा कोई फेसला ना करे। 17 क्योंकि ए सब आनेआली गल्ले दी छाया ऐ, लेकन मूल वस्तुआ मसीह दी ऐ। 18 कोई मनुख आत्महीनता और स्वर्गदूतों दी पूजा कराईये तोहे गी दौड़िये प्रतिफल च वंचित ना करे। ऐसा मनुख देखी होई गल्ले च लगा रेंदा ऐ और अपनी शारीरिक समझ उप्पर बेकार फूलदा ऐ, 19 और उस शिरोमणि गी पकड़े नेई रेंदा जिदे कन्ने सारी देह जोड़ो और पड़ों दे द्वारा पालन - पोषण पाईये और इक कन्ने गठिये, परमात्मा दी ओर कन्ने बड़दी जान्दी ऐ।

20 जदू कि तोहे मसीह दे कन्ने संसार दी आदि शिक्षा दी ओर ता मर गेए हो, ते फेर क्यों उन्दे समान जो संसार दे नए जीवन बितांदे हो ? तोहे ऐसी

विधियों दे वश च क्यो रेंदे हो 21 कि 'ए ना छुयेआ, 'उसी नेई चखेया, 'और 'उसी हाथ च ना लगाया' ? 22 (ए सारी वस्तुएँ काम च लांदे - लांदे खत्म होई जाग) क्योकि ए मनुखे दी आज्ञाओं और शिक्षाओं दे अनुसार ऐ। 23 इन विधियों च अपनी इच्छा दे अनुसार गडी होई भक्ति दी रीति, और आत्म - हीनता, और शारीरिक योगाभ्यास दे भाव कन्ने ज्ञान दा नाम ते ऐ, लेकन शरीरिक लालसाओं गी रॉकने च इनदे च कुछ भी लाभ नेई होंदा।

3 आखिर च जद तोहे मसीह दे कन्ने जिलाए गए, ते स्वर्गीय वस्तुएँ दी खोज च रहो, जित्थे मसीह विद्यमान ऐ और परमात्मा दे दाहिनी ओर बैठेया ही। 2 पृथ्वी उप्पर किती नेई परैन्त स्वर्गीय वस्तुओं उप्पर ध्यान लगाओ, 3 क्योकि तोहे ते मरी गए और तुन्दा जीवन मसीह दे कन्ने परमात्मा च छिपेया होया ऐ। 4 जद मसीह जेड़ा साडा जीवन ऐ, प्रगट होग, फेर तोहे भी उदे कन्ने महिमा सहित प्रगट किते जागे।

5 इसलेई अपने उन अंगों गी मारी ओड़ो जेड़ा पृथ्वी उप्पर ऐ, और व्यभिचार, अशुध्दता, दुष्कामना, बुरी लालसा और लोभ गी जो मूर्तिपूजा दे बराबर ऐ। 6 इनी दे कारण परमात्मा दा गुसा आज्ञा ना मनने आले उप्पर पोंदा ऐ। 7 और तोहे भी, जद इन बुराइयों च जीवन बितांदे ही ते इनी दे अनुसार चलदे ही। 8 लेकन हुन तोहे भी इन सारे गी, मतलब क्रोध, रोष, बैरभाव, निन्दा और मुँह कन्ने गालियाँ बकना ए सारी गल्ला छोड़ी दो। 9 इक दुए कन्ने चूठ नेई बोलो, क्योकि तोहे पुराने मनुखे गी उदे कमे समेत उतारी ओड़ेया ऐ 10 और नए मनुखे गी पैहन लेया ऐ, जो अपने सजनहार दे स्वरूप दे अनुसार ज्ञान प्राप्त करने दे लेई नया बन्दा जान्दा ऐ। 11 उन्दे च ते यूनानी रेहा ना यहूदी, ना खतना ना खतनारहित, ना जंगली, ना स्कुती, ना दास और ना स्वतंत्र: केवल मसीह सब कुछ और सारे च ऐ।

12 इसलेई परमात्मा दे चुने होए दे समान जो पवित्र और प्यारा ऐ, बडी करुणा, और भलाई, और दीनता, और नम्रता, और सहनशीलता धारण करो, 13 और अगर किसे गी किसे उप्पर दोष देने दा कोई कारण होए, ते इक दुए दी सह लो और इक दुए दे अपराध माफ करो; जिन्ना प्रभु ने तुन्दे अपराध माफ किते, इन्ना ही तोहे भी करो। 14 इन सारे दे ऊपर प्रेम गी जो सिध्दता दा कटिबन्ध ऐ बनी लो। 15 मसीह दी शान्ति जिदे लेई तोहे इक देह होईये बुलाए भी गए हो, तुन्दे हृदय च राज्य करे; और तोहे धन्यवादी बने रोवो। 16 मसीह दे वचन गी अपने हृदय च अधिकाई कन्ने बसन देयो, और सिध्द ज्ञान सहित इक दुए गी सिखाओ और चिताओं, और अपने अपने मन च अनुग्रह दे कन्ने परमात्मा दे लेई भजन और स्तुतिगान और आत्मिक गीत गाओ। 17 वचन च या काम च जो कुछ भी करो सारे प्रभु यीशु दे नाम कन्ने करो, और उदे द्वारा परमात्मा पिता दा धन्यवाद करो।

18 हे स्त्रियों, जिन्ना प्रभु च उचित ऐ, इन्ना ही अपने अपने पति दे अधीन रोवो। 19 हे मनुख, अपनी अपनी स्त्री कन्ने प्रेम रखो, और उन्दे कन्ने बेईमानी न करो। 20 हे बालको, सारी गल्ले च अपने अपने माता - पिता दी आज्ञा दा पालन करो, क्योकि प्रभु इदे कन्ने खुश होंदा ऐ। 21 हे बच्चों, अपने बालकों गी तंग ना करो, ए ना होए कि उन्दा साहस टूटी जाए। 22 हे सेवको, जेड़ा दे

अनुसार तुन्दे स्वामी ऐ, सारी गल्ले च उन्दी आज्ञा दा पालन करो, मनुखे गी खुश करने आले दे समान दिखने दे लेई, लेकन मन दी सीधी और परमात्मा दे डर कन्ने। 23 जेड़ा कुछ तोहे करदे हो, तन मन कन्ने करो, ए समझिये कि मनुखे दे लेई नेई परैन्त प्रभु दे लेई करदे हो; 24 क्योकि तोहे जानदे हो कि तोहे गी इदे बदले प्रभु च मीरास मिलग; तोहे प्रभु मसीह दी सेवा करदे हो। 25 क्योकि जेड़ा बुरा करदा ऐ ओह अपनी बुराई दा फल पाग, उत्थे किसे दा पक्षपात नेई।

4 हे स्वामियों, अपने अपने दासों दे कन्ने न्याय और ठीक ठीक वरताप करो, ए समझिये कि स्वर्ग च तुन्दा भी इक स्वामी ऐ।ppp 2 प्रार्थना च लगे रोवो, और धन्यवाद दे कन्ने उदे च जागदे रहो; 3 और इदे कन्ने ही कन्ने साडे लेई भी प्रार्थना करदे रहो कि परमात्मा साडे लेई वचन सुनाने दा ऐसा द्वार खोली दे, कि आहे मसीह दे उस भेद दा वर्णन करी सकिये जिदे कारण में कैद च ही, 4 और उसी ऐसा प्रगट करा, जिन्ना मिगी करना ठीक ऐ।

5 अवसर गी बहुमूल्य समझिये बाहरआले दे कन्ने बुद्धिमानी कन्ने वरताप करो। 6 तुन्दा वचन सदा अनुग्रह सहित और सलोना होए कि तोहे गी हर मनुख गी ठीक रीति कन्ने उत्तर देना आई जाए।

7 प्यारे परा और विश्वासयोग्य सेवक, तुखिकुस, जेड़ा प्रभु च मेरा सहकर्मी ऐ, मेरी सारी गल्ला तोहे गी दसी देग। 8 उसी में इसलेई तुन्दे कोल पेजेया ऐ कि तोहे गी साडी दशा मालूम होई जाए और ओह तुन्दे दिलों गी शान्ति दे। 9 उदे कन्ने में उनेसिमस गी भी पेजेया ऐ जेड़े विश्वासयोग्य और प्यारे परा और तुन्दे बीचा ऐ; ए तोहे गी इत्थे दी सारी गल्ला दसी देग।

10 अरिस्तरुस, जेड़े मेरे कन्ने कैदी ही, और मरसुक जेड़ा बरनबास दा परा लगदा ऐ (जिदे बारे च तोहे आज्ञा पाई ही कि अगर ओह तुन्दे कोल आए, ते उदे कन्ने अच्छी तरह वरताप करेया), 11 और यीशु जेड़ा युस्तुस कहलांदा ऐ, तोहे गी नमस्कार बोलदे नए। खतना किते होए लोके बीचा केवल ऐही परमात्मा दे राज्य दे लेई मेरे सहकर्मी और मेरी शान्ति दा कारण रहे नए। 12 इपफ्रास, जेड़ा बीचा ऐ और मसीह यीशु दा दास ऐ, तोहे गी नमस्कार बोल्दा ऐ और सदा तुन्दे लेई प्रार्थना दा प्रयत्न करदा ऐ, ताकि तोहे सिध्द होईये पूर्ण विश्वास दे कन्ने परमात्मा दी इच्छा उप्पर मजबूत रहो। 13 में उदा गवाह हां कि ओह तुन्दे लेई और लौदीकिया और हियरापुलिसआले दे लेई बड़ा परिश्रम करदा रेंदा ऐ। 14 प्यारे वैघ लूका और देमास दा तोहे गी नमस्कार। 15 लौदीकिया दे पराओ गी, और नुसफास और उन्दे कार दी कलीसिया गी बोलेया। 16 जदू ए पत्र तुन्दे उत्थे पढ लेया जाए ते ऐसा करना की लौदीकिया दी कलीसिया बीचा पड़ेया जाए, और ओह पत्र जेड़ा लौदीकिया बीचा आए उसी तोहे भी पढ़ेयो। 17 और अखिप्पुस गी बोल्या कि जेड़ी सेवा प्रभु च तुगी सोंपी गई ऐ, उसी सावधानी दे कन्ने पूरी करेया।

18 मिगी पौलुस दा अपने हाथ कन्ने लिखेया होया नमस्कार। मेरी जंजीरों गी स्मरण रखेया। तुन्दे उप्पर अनुग्रह होंदा रहे। अमीन।

1 थिस्सलुनीकियों

1 पोलुस ते सिलवानुस ते तीमुथियुस कोलां थिस्सलुनीकियों दी कलीसिया दे नां, जेड़ी परमातमा पिता ते प्रभु यीशु मसीह च ऐ: अनुग्रह दे शान्ति मिलदी रवे।

2 अस अपनी प्रार्थना बीच तुसं याद करनेयां न ते सदा तुंदे सारे दे बारे च परमातमा दा धन्यावाद करनेयान न, 3 ते अपने परमातमा ते पिता दे सामने तुंदे बिश्वास दे कम्म, ते प्रेम दी मेनत, ते साडे प्रभु यीशु मसीह च आस दी धीरता गी लगातार याद करनेयान। 4 ए प्राओ, परमातमा दे प्यारे लोको, आस जाननेयां के तुस चुने दे ओ। 5 की वे साड़ा सुसमाचार तुंदे कोल ना सिर्फ शब्द मात्रं च बरना शक्ति ते पवित्र आत्मा च, ते बड़े निश्चय कन्ने पुजे दा ऐ; जिय्यां तुस जानदे ओ के के आस तुंदे आस्ते तुंदे बीच कनेह बनी गे हे। 6 तुस बड़े क्लेश च, पवित्र आत्मा दे आनंद कन्ने, बचन गी मनियै साड़ी ते प्रभु जेई चाल चलना लगे। 7 इत्थं तकर के मकिदुनिया ते अख्या दे सारे बिश्वासियें आस्ते तुस आदर्श बने। 8 की वे तुंदे इत्थं दा ना सिर्फ मकिदुनिया ते अख्या च प्रभु दा बचन सनाया गया, लेकन तुंदे बिश्वास दा जेडा परमातमा उप्पर ऐ, हर जगह ऐसी चर्चा फैली गयी ऐ के असं आखने दी जरूरत गै नेईयें। 9 की वे अप्पुं गै साडे बारे च सनांदे न के तुंदे कोल साड़ा अना कनेया ओया; ते तुस कनेइ मूर्तियां कोलां परमातमा दी बखी फिरे तां जे जिंदे ते ते सच्चे परमातमा दी सेवा करो, 10 ते ओस दे पुत्तर दे सुर्ग कोलां आने दा इंतजार करदे रवो जिसी ओस ने मरें दे बीचा जिंदा किता, मतलब यीशु दी, जेडा असं आने आले प्रकोप कोलां बचांदा ऐ।

2 ए प्राओ, तुस अप्पुं गै साड़ा तुंदे कोल आना बेकार नेई ओया, 2 बरना तुस अप्पुं गै जानदे ओ के पैलें फिलिप्पी च दुःख चुकने ते रोला रप्पा सैने उप्पर भी साडे परमातमा ने असं ऐसी हिम्मत दीती, के आस परमातमा दा सुसमाचार भारी बरोधें दे ओंदे ओई भी तुसं सनाचे। 3 की वे साड़ा उपदेश ना पलेखे कन्ने ऐ ना अशुद्धता कन्ने ऐ, ते ना छल कन्ने ऐ; 4 लेकन जिय्यां परमातमा ने असं काबल ठराइयै सुसमाचार सौपया, आस उय्यां गै बर्णन करनेयां, ते एस च मनुखें गी नेई, लेकन परमातमा गी, जेडा साडे मनं गी जांचदा ऐ, खुश करद ना। 5 की वे तुस जानदे ओ के आस ना ते कदं चापलूसी दी गल्लां करदे हे, ते ना कजूसी आस्ते बाना करदे हे, परमातमा गुआह ऐ; 6 ते अगरचे आस मसीह दे प्रेरित ओने दे कारण तुंदे उप्पर भार सुटी सकदे हे, तां भी आस मनुखें कोलां आदर नेई चांदे हे, ते ना तुंदे कोलां, ना और कुसे कोलां। 7 लेकन जिय्यां मां अपने बच्चें दा पालन पोषण करदी ऐ, उय्यां गै असं तुंदे बीच रेइयै कोमलता दसी ऐ; 8 ते उय्यां गै आस तुंदी लालसा करदे ओई ना सिर्फ परमातमा दे सुसमाचार उप्पर अपना अपना प्राण भी तुसं देने गी तयार हे, इसे आस्ते के तुस साडे प्यारे ओई गेदे हे।

9 की वे, ए प्राओ, तुस साड़ी मेनत ते दुःख गी याद रखदे ओ; असं इसे आस्ते रात दिन कम्म तंधा करदे ओई तुंदे बीच परमातमा दा सुसमाचार प्रचार किता के तुंदे बिच कुसे उप्पर पार ना ओए। 10 तुस अप्पुं गै गुआह ओ, ते परमातमा भी गुआह ऐ के तुंदे बिश्वासियें दे बीच साड़ा वयवहार कैसा पवित्र ते धार्मिक ते निर्दोष रेया 11 तुस जानदे ओ के जिय्यां पिता अपने बच्चें दे कन्ने वयवहार करदा ऐ, उय्यां गै आस भी तुंदे बीचा हर गी उपदेश करदे, ते शान्ति दिंदे, ते समझांदे हे। 12 के तुंदा चाल चालन परमातमा दे जोग ओए, जेडा तुसं अपने राज ते महिमा च बलांदा ऐ।

13 इसे आस्ते आस भी परमातमा दा धन्यावाद निरंतर करनेयां न के जेस ले साडे द्वारा परमातमा दे सुसमाचार दे प्रचार दा बचन तुंदे कोल पुजया, ते तुसं उसी मनुखें दा नेई लेकन परमातमा दा बचन समझियें (ते सचें गै ए ऐसा गै) ग्रहण किता; ते ओह तुंदे बिश्वासियें च जेडे बिश्वास रखदे ओन,

प्रभावशाली ऐ। 14 इसे आस्ते तुस, ए प्राओ, परमातमा दी उन कलिसियां जेई चाल चलना लगे जेडे यहूदिया च मसीह यीशु च न, की वे तुसं भी अपने लोकें कोलां उए जेया दुःख पाया हा, 15 जिन्हें प्रभु यीशु गी ते भविष्यवक्तें गी भी मारी दीता ते असं सताया, ते परमातमा उंदे कोलां खुश नेई, ते ओह सारां मनुखें दा बरोध करदे न, 16 ते ओह बखरी जातियें कोलां उंदे उद्धार आस्ते गल्लां करने आस्ते आस रोकनेयां न के सदा आने पापें दा नपुआ परदे रौह; लेकन उंदे उप्पर परमातमा दा भयानक प्रकोप आई पुजे दा ऐ।

17 ए प्राओ, जेस ले आस थहोड़ी देर आस्ते, मने च नेई बरना प्रगट च, तुंदे कोलां बख ओई गे हे, ते असं बड़ी लालसा दे कन्ने तुंदा मुंह दिखने आस्ते और भी मती कोशिश किती। 18 इसे आस्ते असं (मतलब मीगी पोलुस ने) इक बार नेई बरना दो बार तुंदे कोल आना चाया, लेकन शैतान असं रोके रेया। 19 पला साड़ी आस जां आनंद जान पलाई जा मुकुट के ऐ ? के साडे प्रभु यीशु दे सामने ओस दे आने दे समें तुस गै नेई ओगे ? 20 साड़ी बड़ाई ते आनंद तुस गै न।

3 इसे आस्ते जेस ले साडे कोलां और नेई रेया गया, ते असं ए ठहराया के एथेन्स च इकले रेई जाचे; 2 ते असं तीमुथियुस गी, जेडा मसीह दे सुसमाचार च साड़ा साड़ा प्रा ते परमातमा दा सेवक ऐ, इसे आस्ते पेजेया के ओह तुसं स्थिर करे ते तुंदे बिश्वास दे बारे च तुसं गी समझाए, 3 के कोई इन क्लेशें दे कारण डगमगा नेई जाए। की वे तुस अप्पुं गै जानदे ओ के आस इंदे आस्ते गै ठहराए गेदे न। 4 की वे पैलें गै, जेस ले आस तुंदे इत्थं हे ते तुंदे कन्ने आखा करदे हे के असं क्लेश चुकना पोहे, ते ऐसा गै ओआ ऐ, जिय्यां के तुस जानदे भी ओ। 5 इस कारण जेस ले मेरे कोलां और ना रेया गया, ते तुंदे बिश्वास दा आल जानने आस्ते पेजया, के कुते ऐसा नी ओए के परख करने आले ने तुंदी परख किती ओए, ते साड़ी मेनत बेकार ओई गयी ओए।

6 लेकन हूं तीमुथियुस ने, जेडा तुंदे कोला साडे इत्थं आया ऐ, तुंदे बिश्वास ते प्रेम दा सुसमाचार सनाया ते एस गल्ल गी भी सनाया के तुस म्हेशां प्रेम दे कन्ने असं याद करदे ओ, ते साडे दिखने दी लालसा रखदे ओ, जिय्यां आस भी तुसं दिखने दी। 7 इसे आस्ते ए प्राओ, असं अपने सारे दुःख ते क्लेश बीच तुंदे बिश्वास कन्ने तुंदे बारे च शान्ति पाई। 8 की वे हूं जे तुस प्रभु च टिके रवो ते आस जिंदे न। 9 ते जिय्यां आनंद असं तुंदे कारण अपने परमातमा दे सामने ऐ, ओस दे बदले तुंदे बारे च आस किस रिती कन्ने परमातमा दा धन्यावाद करचे ? 10 आस रात दिन मती प्रार्थना करदे रोहेयां के तुंदा मुंह दिखचे ते तुंदी बिश्वास दी घटी पुरी करचे।

11 हूं साड़ा परमातमा ते पिता अप्पुं गै ते साड़ा प्रभु यीशु, तुंदे इत्थं आने आस्ते साड़ी अगुआई करे। 12 ते प्रभु ऐसा करे के जिय्यां आस तुंदे कन्ने प्रेम रखनेयां न, उय्यां गै तुंदा प्रेम भी अप्पुं बीचे ते सारे मनुखें कन्ने बदे, ते तरक्की करदा जा, 13 तां जे ओह तुंदे मनं गी ऐसा स्थिर करे के जेस ले साड़ा प्रभु यीशु अपने सारे पवित्र लोकें कन्ने आए, ते ओह साडे परमातमा ते पिता दे सामने पवित्रता च निर्दोष ठहरन।

4 इसे आस्ते ए प्राओ, आस तुंदे कन्ने ए बिनती करनेयां न ते तुसं प्रभु यीशु च समझानेयां न के जिय्यां तुसं साडे कोलां जोग चाल चलना ते परमातमा गी प्रसन्न करना सिखया ऐ, ते जिय्यां तुस चलदे भी ओ, उय्यां गै और भी बददे जाओ। 2 की वे तुस जानदे ओ के असं प्रभु यीशु दी और कोलां तुसं केड़ी केड़ी आज्ञा पजाई। 3 की वे परमातमा दी इच्छा ए ऐ के तुस पवित्र बनो: मतलब व्यभिचार कोलां बचे रवो,

4 ते तुंदे बीचा हर इक पवित्रता ते आदर कन्ने अपनी घरेआली गी प्राप्त करना जाने, 5 ते कम्म अभिलाषा कन्ने नेई, ते ना उन जातियें जेया जेड़ीयां

परमातमा गी नेई जानदियां, 6 के एस गल्ल च कोई अपने प्रा गी नेई ठगे, ते ना ओस उप्पर दांव चला ए, की वे प्रभु इन सारियें गल्लें दा पलटा लेने आला ऐ; जिय्यां के असें पैलें गै तुंदे कन्ने आखया ते चताया भी हा। 7 की वे परमातमा ने असें अशुद्ध ओने आस्ते नेई, लेकन पवित्र ओने आस्ते बुलाया ऐ। 8 इसे कारण जेड़ा इसी तुच्छ जानदा ऐ, ओह मनुखें गी नेई लेकन परमातमा गी तुच्छ जानदा ऐ, जेड़ा अपना पवित्र आत्मा तुसें दिंदा ऐ।

9 पर पाइचारे दी प्रीती दे बारे च ए जरूरी नेईयें के में तुंदे कोल किश लिखां, की वे अप्पुं बीचे प्रेम रखना तुसें अप्पुं गै परमातमा कोलां सिखया ऐ; 10 ते सारे मकिदुनिया दे सारें प्रां दे कन्ने ऐसा करदे भी ओ। लेकन ए प्राओ, आस तुसें समझानेयां न के और भी बददे जाओ, 11 ते जिय्यां असें तुसें आज्ञा दिती ऐ, उय्यां गै चुपचाप रोह्ने ते अपना अपना कम्म काज करने ते अपने अपने हत्थें कोलां कमाने दी कोशिश करो; 12 तां जे बार वालें कोलां आदर प्राप्त करो, ते तुसें कुसे भी चीज दी घटी नेई ओए।

13 ए प्राओ, आस नेई जाननेयां के तुस उंदे बारे च जेड़े सोंदे न, अज्ञानी रवो; ऐसा नी ओए के तुस दुएं दे समान शोक करो जिन्हें आस नेई। 14 की वे जे आस बिश्वास करनेयां के यीशु मरया ते जिंदा ओई गया, ते उय्यां गै परमातमा उन्हे भी जेड़े यीशु च सेई गेदे न, ओस दे कन्ने गै लेई आहग। 15 की वे आस प्रभु दे वचन दे मताबक तुंदे कन्ने ए आखनेया न के आस जेड़े जिंदे न ते प्रभु दे आने तकर बचे रोह्गे, सुते आलें कोलां कदें भी अगें नी बद्धे। 16 की वे प्रभु अप्पुं गै सुर्ग कोलां उतरग; ओस समें ललकार, ते प्रधान दूत दा शब्द सनाई देग, ते परमातमा दी तुरी फुकी जाहग; ते जेड़े मसीह च मरे दे न, ओह पैलें जिंदे ओई जांघन। 17 उस बेले आस जेड़े जिंदे ते बचे रोह्गे उंदे कन्ने बदले उप्पर चुकी लेते जांघन के हवा च प्रभु कन्ने मिलचे; ते इसे रिती कन्ने आस म्हेशां प्रभु दे कन्ने रोह्गे। 18 इस चाली इन गल्लां कोलां इक दुए गी शान्ति दिंदे रवा करो।

5 लेकन ए प्राओ, एस दा प्रयोग नेईयें के समें ते कालें दे बारे च तुंदे कोल किश लिखा जाए। 2 की वे तुस अप्पुं ठीक जानदे ओ के जिय्यां राती चोर आंदा ऐ, उय्यां गै प्रभु दा दिन आने आला ऐ। 3 जेस ले लोग आखदे होंघन, “राजी बाजी ऐ, ते किश डर नेई, ” ते उंदे उप्पर इकाइक विनाश आई पोहग, जिस चाली गर्भवती उप्पर पीड़; ते ओह किसे रिती कन्ने

नेई बचघन। 4 लेकन ए प्राओ, तुस ते न्हरे च नेई ऐओ, के ओह दिन तुंदे उप्पर चोरे जेया आई पवे। 5 की वे तुस लो दी संतान ते दिन दी संतान ओ; आस ना राती दे न, ते ना न्हरे दे न। 6 इसे आस्ते आस दुएं जेया सुते ना रोचे, लेकन जागदे ते सावधान रोचे। 7 की वे जेड़े सोंदे न ओह राती गै सोंदे न, ते जेड़े मतबाले ओंदे न ओह राती गै मतबाले ओंदे न। 8 लेकन आस जेड़े दिने दे न, बिश्वास ते प्रेम दी झिलम लाइयें ते उद्धार दी आस दा टोप लाइयें सावधान रोचें। 9 की वे परमातमा ने असें गुस्से आस्ते नेई, लेकन इसे आस्ते ठहराया ऐ के आस अपने प्रभु यीशु मसीह दे द्वारा उद्धार आसल करी सकचे। 10 ओह साड़े आस्ते इस कारण मरया के आस चाएं जागे ओचे चाएं सुते ओचे, सारे मिलियें उसे दे कन्ने जीचें। 11 इसे कारण इक दुए गी शान्ति दिओ ते इक दुए दी तरक्की दा कारण बनो, जिय्यां के तुस करदे भी ओ।

12 ए प्राओ, आस तुंदे कन्ने बिनती करनेयां के जेड़े तुंदे च मेनत करदे न, ते प्रभु च तुंदे अगुए न ते तुसें शिक्षा दिंदे न, उंदा आदर करो। 13 ते उंदे कम्म दे कारण प्रेम कन्ने उन्हे मते गै आदर दे जोग समझो। अप्पुं बीचे मेल मिलाप कन्ने रवो। 14 ए प्राओ, आस तुसें समझानेयां के जेड़े ठीक चाल नेई चलदे उन्हे समझाओ, कायर गी द्वारस दो, कमजोरें गी संभालो, सबनी आली बखी सैनशीलता दसो। 15 सावधान ! कोई कुसे कन्ने बुराई दे बदले बुराई ना करे; लेकन म्हेशां भलाई करने उप्पर तैयार रवो, अप्पुं बीचे भी ते सबनी कन्ने भी भलाई दी गै कोशिश करो। 16 म्हेशां आनंदित रवो। 17 लगातार प्रार्थना च लगे रवो। 18 हर गल्ल च धन्नवाद करो; की वे तुंदे आस्ते मसीह यीशु च परमातमा दी इय्ये इच्छा ऐ। 19 आत्मा गी नेई बुझाओ। 20 भविष्यवानियें गी तुच्छ नेई जानो। 21 सारियें गल्लें गी परखो; जेड़ीयां अछियां न उन्हे पकडे रवो। 22 सारी चाली दी बुराई कोलां बचे रवो।

23 शान्ति दा परमातमा अप्पुं गै तुसें पूरी रिती कन्ने पवित्र करे; ते तुंदी आत्मा ते प्राण ते शरीर साड़े प्रभु यीशु मसीह दे आने तकर पुरे पुरे निर्दोष सुरक्षित रोह्ग। 24 तुंदा बलाने आला सच्चा ऐ, ते ओह इय्यां गै करग।

25 ए प्राओ, साड़े आस्ते प्रार्थना करो।

26 सारें प्रां गी पवित्र चुमन कन्ने नमस्ते करो।

27 में तुसें प्रभु दी कसम दीना ऐ के ए पत्नी सारें प्रां गी पढीये सनाई जाए।

28 साड़े प्रभु यीशु मसीह दा अनुग्रह तुंदे उप्पर आंदा रवे।

2 थिस्सलुनीकियों

1 पौलुस और सिलवानुस और तीमुथियुस दी ओर ता थिस्सलुनीकियों दी कलीसिया दे नाम, जेड़े साड़े पिता परमात्मा और प्रभु यीशु मसीह च ऐ:

2 साड़े पिता परमात्मा और प्रभु यीशु मसीह दी ओर ता तोहे गी अनुग्रह और शान्ति मिलदी रहे।

3 हे पराओ, तुन्दे बारे च सानु हर समय परमात्मा दा धन्यवाद करना चाही दा ऐ, और ए ठीक भी ऐ, इसलेई कि तुन्दा विश्वास बड़ा बढ़ा जान्दा ऐ, और तोहे सारे दा प्रेम आपस च बड़ी ही बढ़ा जान्दा ऐ। 4 इत्थे तकर कि आहे आपे परमात्मा दी कलीसिया च तुन्दे बारे च घमण्ड करदे ही कि जिन्ने उपद्रव और क्लेश तोहे सहनदे हो, उन सारे च तुन्दा धीरज और विश्वास प्रगट होंदा ऐ।

5 ए परमात्मा दे सब्बे न्याय दा सही प्रमाण ऐ कि तोहे परमात्मा दे राज्य दे योग्य ठहरो, जिदे लेई तोहे दुःख भी उठान्दे हो। 6 क्योंकि परमात्मा दे कोल ए न्याय ए कि जो तोहे क्लेश दिंदे हो, उनेगी बदले च क्लेश दे 7 और तोहे, जो क्लेश पानदे हो, साड़े कन्ने चैन दे; उस समय जदू कि प्रभु यीशु अपने सामर्थ्य दूते दे कन्ने, धधकती होई आग च स्वर्ग च प्रगट होग, 8 और जेड़े परमात्मा गी नेई पहचानदे और प्रभु यीशु दे सुसमाचार गी नेई मनदेउन्दे कोला पलटा लेग। 9 ओह प्रभु दे सामने ता और उदी शक्ति दे तेज च दूर होईये अनन्त विनाश दा दण्ड पान गए। 10 ए उस दिन होए गा, जदू ओह अपने पवित्र लोके च महिमा पाने और सारे विश्वास करने आले च जरूर दा कारण होने गी आए गा; क्योंकि तोहे साड़ी गवाही उपर विश्वास किता। 11 इसी लेई आहे सदा तुन्दे लेई प्रार्थना भी करदे ऐ कि साड़ा परमात्मा तोहे गी इस बुलाहट दे योग्य समझे, और पलाई दी हर इक इच्छा और विश्वास दे हर इक काम गी सामर्थ्य सहित पूरा करे, 12 ताकि साड़े परमात्मा और प्रभु यीशु मसीह दे अनुग्रह दे अनुसार साड़े प्रभु यीशु दा नाम तुन्दे महिमा पान, और तोहे उन्दे च।

2 हे पराओ, हुन आहे अपने प्रभु यीशु मसीह दे आने, और उदे कोल अपने कठे होने दे बारे च तुन्दे अग्गे विनती करदे हां 2 कि किसी आत्मा, या वचन, या पत्री दे द्वारा, जो कि मनो साड़ी ओर ता होए, ए समझिये कि प्रभु दा दिन आ पूजेया ऐ, तुन्दा मन अचानक मजबूत ना होई जाए और ना तोहे कबराओ। 3 किसी रीति कन्ने किसी दे तोखे च ना आयो, क्योंकि ओह दिन ना आएगा जदू तकर धर्म दा त्याग ना होई जाए, और ओह पाप दा मनुख और विनाश दा पुत्र प्रगट ना होए। 4 जेड़ा विरोध करदा ऐ, और हर इक कन्ने जो ईश्वर या पूज्य कहलान्दा ऐ, अपने आप गी बड़ा ठहरान्दा ऐ, इत्थे तकर कि ओह परमात्मा दे मन्दिर च बैठिये अपने आप गी ईश्वर ठहरान्दा ऐ। 5 क्या तोहे स्मरण नेईकि कि जदू में तुन्दे इत्थे ही, ते तुन्दे कन्ने ए गल्ला कुत्थे करदा ही ? 6 तोहे उसी वस्तु गी जान्दे हो, जो उसी हुन रोका दा ऐ कि ओह अपने ही समय च प्रगट होए। 7 क्योंकि अधर्म दा भेद हुन भी कार्य करदा जान्दा ऐ, लेकिन हुन भी इक रोकने आला ऐ, और जदू तकर ओह दूर ना होई जाए ओह रोके रखग। 8 अदू तकर अधर्मी प्रगट होग, जिदे कन्ने प्रभु यीशु अपने मुँह दी फूँक कन्ने मारी देग, और अपने आगमन दे तेज कन्ने पसम करग। 9 उसी अधर्मी दा आना शैतान दे कार्य दे अनुसार सारे प्रकार दी चुठी सामर्थ्य, और चिन्ह, और अद्भुत काम दे कन्ने, 10 और नाश होने आले दे लेई अधर्म दे सारे प्रकार दे तोखे दे कन्ने होग; क्योंकि उने सच्चाई कन्ने प्रेम नेई किता जिदे कन्ने उन्दा उध्दार होंदा। 11 इसी कारण

परमात्मा उन्दे च इक भटका देने आली सामर्थ्य गी पेजेगा कि ओह चूट दी खोज करग, 12 ताकि जिन्ने लोक सच्चाई दी खोज नेई करदे, लेकिन अधर्म कन्ने खुश होंदे नए, ओह सारे दण्ड पान।

13 हे पराओ, और प्रभु दे प्यारे लोको, चाही दा ए कि आहे तुन्दे बारे च सदा परमात्मा दा धन्यवाद करदे रहिये, क्योंकि परमात्मा ने आदि कोला तोहे गी चुनी लेता कि आत्मा दे द्वारा पवित्र बनिये, और सच्चाई दी खोज करिये उध्दार पाओ, 14 जिदे लेई उने तोहे गी साड़े सुसमाचार दे द्वारा बुलाया, कि तोहे साड़े प्रभु यीशु मसीह दी महिमा गी प्राप्त करो। 15 इसलेई हे पराओ, मजबूत रहो; और जेड़ी जेड़ी गल्ला तोहे चाहे वचन या पत्री दे द्वारा साड़े कोला सीखी ऐ, उनेगी थमे रखो।

16 साड़ा प्रभु यीशु मसीह आपे ही, और साड़ा पिता परमात्मा, जिन्ने साड़े कन्ने प्रेम रखेया और अनुग्रह कन्ने अनन्त शान्ति और उत्तम आशा दिती ऐ, 17 तुन्दे मनो च शान्ति दे और तोहे गी हर इक अच्छे काम और वचन च मजबूत करे।

3 आखिर च, हे पराओ, साड़े लेई प्रार्थना किया करो कि प्रभु दा वचन ऐसा जल्दी फैले और महिमा पान, जिन्ना तुन्दे च होया, 2 और सानु टेड़े और दुष्ट मनुखे तो बचे रवो क्योंकि हर इक च विश्वास नेई।

3 लेकिन प्रभु सच्चा ऐ; ओह तोहे गी बड़ा मजबूत करग और उस दुष्ट च अच्छा रखग। 4 साड़े प्रभु च तुन्दे ऊपर परोसा ऐ कि जेड़ी - जेड़ी आज्ञा आहे तोहे गी दिने हां, उनेगी तोहे मनदे हो, और मनदे भी रोगे। 5 परमात्मा दे प्रेम और मसीह दे धीरज दी ओर प्रभु तुन्दे मन दी अगुआई करे।

6 हे पराओ, आहे तोहे गी अपने प्रभु यीशु मसीह दे नाम च आज्ञा दिने हां कि तोहे हर इक ऐसे परा कन्ने अलग रवो जो अनुचित चाल चलदा और जो शिक्षा उने साड़े कोला पाई उदे अनुसार नेई करदा। 7 क्योंकि तोहे आपे जान्दे हो कि किस रीति कन्ने साड़ी गे चाल चलनी चाही दी ऐ, क्योंकि आहे तुन्दे बीच च अनुचित चाल ना चलन, 8 और किसे दी रोटी मुफ्त च ना खादी, लेकिन परिश्रम और कष्ट कन्ने रात दिन काम धन्धा करदे ही कि तुन्दे बीच किसे उप्पर पार ना होए। 9 ए नेई कि सानु अधिकार नेई, लेकिन इसलेई कि अपने आप गी तुन्दे लेई आदर्श ठहरान कि तोहे साड़ी गे चाल चलो। 10 क्योंकि जदू आहे तुन्दे इत्थे ही, फेर भी ए आज्ञा तोहे गी दिंदे ही कि अगर कोई काम करना ना चाहे ते खान भी नेई। 11 आहे सुनदे ही कि कुछ लोक तुन्दे बीच अनुचित चाल चलदे नए, और कुछ काम नेई करदे लेकिन दुए दे काम च हाथ पाया करदे नए। 12 ऐहो जे गी आहे प्रभु यीशु मसीह च आज्ञा दिने और समझानदे ही कि चुपचाप काम करिये अपनी ही रोटी खाया करो। 13 तोहे, हे पराओ, पलाई करने च साहस ना छोड़यो।

14 अगर कोई साड़ी इस पत्री दी गल्ल गी ना मने ते उदे उप्पर नजर रखो, और उदी संगती ना करो, जिदे कन्ने ओह शर्मिदा होए। 15 फेर भी बैरी नेई समझो, लेकिन परा जानिए चिताओ।

16 हुन प्रभु जेड़ा शान्ति दा सौंदा ऐ आपे ही तोहे गी सदा और हर प्रकार च शान्ति दे। प्रभु तुन्दे सारे दे कन्ने रहे।

17 में, पौलुस, अपने हाथ कन्ने नमस्कार लिखदा हां। हर पत्री च मेरा ऐही निशान ऐ; में इसी तरह लिखंदा हां। 18 साड़े प्रभु यीशु मसीह दा अनुग्रह तुन्दे सारे उप्पर होंदा रहे।

1 तीमुथियुस

1 पौलुस दी ओर ता जेड़े साड़े उध्दारकर्ता परमात्मा और साड़ी आशा दे आधार मसीह यीशु दी आज्ञा कन्ने मसीह यीशु दा प्रेरित ऐ,

2 तीमुथियुस दे नाम जेड़ा विश्वास च मेरा सच्चा पुत्र ऐ: पिता परमात्मा, और साड़े प्रभु मसीह यीशु दी और ता तुगी अनुग्रह, और दया और शान्ति मिलदी रहे।

3 जिन्ना में मकिदुनिया दी जानदे समय तुगी समझाया ही, कि इफिसुस च रेईये कुछ लोके दी आज्ञा देयो कि अन्य प्रकार दी शिक्षा ना देयो, 4 और उन कहानियों और अनन्त वंशावलिओं उप्पर मन नेई लगाओ, जिन्दे कन्ने विवाद होंदे ऐ, और परमात्मा दे उस प्रबन्ध दे अनुसार नेई, जेड़ा विश्वास उप्पर आधारित ऐ। इन्ना ही फेर भी बोलदा ऐ। 5 आज्ञा दा सारांश ए ही कि शुध्द मन और अच्छे विवेक, और कपटरहित विश्वास कन्ने प्यार पैदा होए। 6 इन्ने गी छोड़िये किन्ने लोक बकवाद दी ओर पटकी गए नए, 7 और व्यवस्थापक ते होना चाही दा ऐ, लेकन जेड़ी गल्ला बोलदे और जिन्ने गी मजबूती कन्ने बोलदे नए, उनेगी समझदे भी नेई।

8 लेकन आहें जानदे हां कि अगर कोई व्यवस्था गी ठीक रीति कन्ने काम च लगाओ ते ओह पली ऐ। 9 ए जानिये कि व्यवस्था धर्मी जन दे लेई नेई लेकन अधर्मियों, निरकुशों, भक्तिहीनों, पापियों, अपवित्र और अशुध्द मनुखे, माँ – बाब दे खत्म करनेआले, हत्याओं, 10 व्यभिचारियों, मनुखगामीयों, मनुख दे बेचनेआले, चूठ बोलनेआले, और चूठी शपथ खानेआले, और इन्दे खरे उपदेश दे सारे विरोधियों दे लेई ठहराई गई ऐ। 11 ऐही परमधन्य परमात्मा दी महिमा दे उस सुसमाचार दे अनुसार ऐ जेड़ा मिगी सौपेया गया ऐ।

12 में अपने प्रभु मसीह यीशु दा जिन्ने मिगी सामर्थ्य दिती ऐ, धन्यवाद करदा हां कि उन मिगी विश्वासयोग्य समझिये अपनी सेवा दे लेई ठहराया। 13 में ते पैहले निन्दा करनेआला, और सतानेआला, और नेरा करनेआला ही; फेर भी मेरे उप्पर दया होई, क्योंकि में अविश्वास दी दशा च बिन समझी बूझिये ए काम किते ही। 14 और साड़े प्रभु दा अनुग्रह उस विश्वास और प्रेम दे कन्ने जेड़ा मसीह यीशु ही, बहुतायत कन्ने होया। 15 ए गल्ल साच और हर तरह कन्ने मनने दे योग्य ऐ कि मसीह यीशु पापियों दा उध्दार करने दे लेई जगत च आया, जिन्दे च सारे कोला बड्डा में हां। 16 लेकन मेरे उप्पर इसलेई दया होई कि मेरे सारे कोला बड्डे पापे च यीशु मसीह अपनी पूरी सहनशीलता दसन, कि जेड़े लोक उदे उप्पर अनन्त जीवन दे लेई विश्वास करन गए उन्दे लेई में इक आदर्श बना। 17 हुन सनातन राजा मतलब अविनाशी, अनदेखे, इकमात्र परमात्मा दा आदर और महिमा युगानुयुग होंदी रेए। आमीन।

18 हे पुत्र तीमुथियुस न उन नबियों दे अनुसार जेड़े पैहले तेरे बारे च किती गई ही, में ए आज्ञा सौपदा हां कि तू उन्दे अनुसार अच्छी लड़ाई गी लड़दे रह, 19 और विश्वास और उस अच्छे दिलो गी थामे राख, जिदे कन्ने दूर करने दे कारण किन्ने दा विश्वास रूपी जहाज डूबी गया। 20 उन्दे बीचा हुमिनयुस और सिकन्दर ऐ, जिन्ने गी में शैतान गी सौप दिता ऐ कि ओह परमात्मा दी निन्दा करना ना सीखन।

2 हुन में सारे कोला पैहले ए आग्रह करदा हां कि विनती, और प्रार्थना, और निवेदन, और धन्यवाद सारे मनुखे दे लेई किते जान। 2 राजाओं और सारे उच्चे पदवआले दे निमित्त इसलेई कि आहें विश्राम और चैन दे कन्ने सारी भक्ति और गम्भीरता कन्ने जीवन बिताचे। 3 ए साड़े उध्दारकर्ता परमात्मा गी अच्छा लगदा और भांदा भी ऐ, 4 जेड़ा ए चानदा ऐ कि सारे मनुखे दा उध्दार होए, और ओह सच्चाई गी ठीक पहचान लेन। 5 क्योंकि परमात्मा इक ही ऐ, और परमात्मा और मनुखे दे बीच च भी इक ही बिचवई ऐ, मतलब मसीह यीशु जेड़ा मनुख ऐ। 6 जिन्ने अपने आप गी सारे दे छुटकारे

दे दाम च देई दिता, और उदी गवाही ठीक समय उप्पर दिती गई। 7 में साच बोल्दा हां, चूठ नेई बोल्दा, कि में इसी उदेश्य कन्ने प्रचारक और प्रेरित और अन्यजातियों दे लेई विश्वास और सच्चाई दा उपदेशक ठहराया गया।

8 इसलेई में चानदा हां कि हर जगह मनुख, बिना गुस्सा और विवाद दे पवित्र हथ्थे गी चूकिए प्रार्थना करेया करे। 9 इन्ना ही स्त्रियाँ भी संकोच और संयम दे कन्ने सुहावने चीजे कन्ने अपने आप गी संवारे; ना कि बाल बनने और सोने और मोतियों और बहुमोल कपडे कन्ने, 10 लेकन ठीक कमे कन्ने, क्योंकि परमात्मा दी भक्ति करने आली स्त्रियों गी ऐही ठीक भी ऐ। 11 स्त्री गी चुपचाप पूरी अधीनता कन्ने सीखना चाही दा ऐ। 12 में बोल्दा हां कि स्त्री ना उपदेश करे और ना मनुख उप्पर आज्ञा चलान, लेकन चुपचाप रोन। 13 क्योंकि आदम पैहले, उदे बाद हव्वा बनाई गई; 14 और आदम बहकाया ना गया, लेकन स्त्री बहकाने च आईये अपराधिनी होई। 15 फेर भी स्त्री बच्चे जनने दे द्वारा उध्दार पाएगी, अगर ओह संयम सहित विश्वास, प्रेम, और पवित्रता च मजबूत रहे।

3 ए गल्ल सच्ची ऐ कि जेड़ा अध्यक्ष होना चानदा ऐ, ओह पले काम दी इच्छा करदा ऐ। 2 ए जरूर ऐ कि अध्यक्ष निर्दोष, और इक ही स्त्री दा आदमी, नरम, सुशील, समझदार अतिथि – सत्कार करनेआला, और सिखाने च ठीक होए। 3 पियकड़ या मारपीट करने आला ना होए; लेकन कोमल होए, और ना चड़ने आला और ना पैसे दा लालची होए। 4 अपने कार दा अच्छा प्रबन्ध करदा होए, और अपने बाल – बच्चे दी सारी गम्भीरता च अधीन रखदा होए। 5 जदू कोई अपने कार ही दा प्रबन्ध करना ना जान्दा होए, ते परमात्मा दी कलीसिया दी रखवाली किन्ना करग ? 6 फेर ए कि नया चेला ना होए, ऐसा ना होए कि अभिमान करिये शैतान दी सजा पान। 7 और बाहरआले च भी उदा सुनाम होए, ऐसा ना होए कि शर्मिदा होईये शैतान दे फंदे च फसी जाए।

8 इन्ना ही सेवकों गी भी गम्भीर होना चाही दा ऐ, दोरंगी, पियकड़ और नीच कमाई दे लालची च ना होन; 9 लेकन विश्वास दे भेद गी शुध्द दिल कन्ने ठीक रखन। 10 और ए भी पैहले परखे जान, फेर अगर निर्दोष निकले ते सेवक दा काम करन। 11 इसी तरह च स्त्रियों गी भी गम्भीर होना चाही दा ऐ; दोष लगाने आली ना होए, लेकन सचेत और सारी गल्ले च विश्वासयोग्य होन। 12 सेवक इक ही स्त्री दे आदमी होन और बाल – बच्चे और अपने कार दा अच्छा प्रबन्ध करना जानदे होन। 13 क्योंकि जेड़ा सेवक दा काम अच्छी तरह कन्ने करी सकदे नए, ओह अपने लेई ठीक पद और उस विश्वास च जेड़ा मसीह यीशु उप्पर ऐ, बड़ा साहस प्राप्त करदे नए।

14 में तेरे कोल जल्दी आने दी आशा रखने उप्पर भी ए गल्ला तुगी इसलेई लिखदा हां, 15 कि अगर मेरे आने च देर होए, ते तू जान ले कि परमात्मा दे घराने च जेड़ा जीवते परमात्मा दी कलीसिया ऐ और सच्चाई दा खंभा और नींव ऐ, कैसा बताव करना चाही दा ऐ।

16 इदे च सन्देह नेई कि भक्ति दा भेद गम्भीर ऐ, मतलब ओह जेड़ा शरीर च प्रगट होया, आत्मा च धर्मी ठहरेया, स्वर्गदुते गी दिखाई दिता, अन्यजातियों च उदा प्रचार होया, जगत च उदे उप्पर विश्वास किता गया, और महिमा च ऊपर उठाया गया।

4 लेकन आत्मा साफ बोल्दा ऐ कि आने आले समय च किन्ने लोक भरमानेआली आत्माओं, और दुष्टात्माओं दी शिक्षाओं उप्पर मन लगाईये विश्वास कन्ने बहकी जान गए। 2 ए उन चूठे मनुखे दे कपट दे कारण होए गा, जिन्दा दिल मनो जलदे होए लोहे कन्ने दागा गया ऐ, 3 जेड़ा विवाह करने तो रोकन गए, और भोजन दी कुछ चीजे च परे रेने दी आज्ञा देन गए,

जिन्ने गी परमात्मा ने इसलेई सृजाकि विश्वास और सच्चाई दे पहिचानने आले उनेगी धन्यवाद दे कन्ने खान। 4 क्योंकि परमात्मा दी सजाई होई हर इक चीज अच्छी ऐ, और कोई चीज अस्वीकार करने दे योग्य नेई; लेकिन ए कि धन्यवाद दे कन्ने खाई जान, 5 क्योंकि परमात्मा दे वचन और प्रार्थना दे द्वारा शुध्द होई जान्दी ऐ।

6 अगर तू पराए गी इन गल्ले दी सुधि दिलान्दा रोगा, ते मसीह यीशु दा अच्छा सेवक ठहरेगा; और विश्वास और उस अच्छे उपदेश दी गल्ले कन्ने, जो तू मनान्दा आया ऐ, तेरा पालन – पोषण होंदा रोग। 7 लेकिन अशुध्द और बुडियों दी गे कहानियों तो अलग रह; और भक्ति दी साधना कार। 8 क्योंकि देह दी साधना कन्ने कम लाभ होंदा ऐ, लेकिन भक्ति सारी गल्ले दे लेई लाभदायक ऐ, क्योंकि इस समय दे और आने आले जीवन दी भी प्रतिज्ञा इसी दे लेई ऐ। 9 ए गल्ल सच्च और हर तरह कन्ने मनने दे योग्य ऐ। 10 क्योंकि आहें परिश्रम और यत्न इसी लेई करदे ही कि साड़ी आशा उस जिन्दा परमात्मा उप्पर ऐ, जेडे सारे मनुखे दा और निज करिये विश्वासियों दा उध्दारकर्ता ऐ।

11 इन गल्ले दी आज्ञा दे और सिखांदा रह। 12 कोई तेरी जवानी गी तुच्छ ना समझी सके; लेकिन वचन, और चाल – चलन, और प्रेम, और विश्वास, और पवित्रता च विश्वासियों दे लेई आदर्श बनी जा। 13 जदू तकर में ना आगा, अदू तकर पढ़ने और उपदेश देने और सिखाने च लौलीन रह। 14 उस वरदान दे प्रति जेडा तेरे च ऐ, और नबी दे द्वारा प्राचीनों दे हाथ रखदे समय तुगी मिलेया ही, परेशान नेई रह। 15 इन गल्ले गी सोचदे रह और इन्दे च अपना ध्यान लगाए रह, ताकि तेरी उन्नति सारे उप्पर प्रगट होए। 16 अपनी और अपनी उपदेश दी सावधानी राख। इन गल्ले उप्पर मजबूत रह, क्योंकि अगर ऐसा करदा रोग ते तू अपने और अपने सुननेआले दे लेई भी उध्दार दा कारण होग।

5 किसी बूढे गी ना डॉट, लेकिन उसी पिता जानिए समझाई ओड़, और जवानों गी परा जानिए; 2 बूढी जनानी गी माता जानिए; और जवान जानानियों दी पूरी पवित्रता कन्ने पैन समझिये समझाई ओड़।

3 उन विधवाओं दा, जेडी सचमुच विधवा ऐ, आदर कार। 4 अगर किसी विधवा दे बच्चे या नाती – पोते होन, ते ओह पैहले अपने ही घराने दे कन्ने भक्ति दा बर्ताव करना, और अपने माता – पिता आदि गी उन्दा हक्क देना सीखन, क्योंकि ए परमात्मा गी भांदा ऐ। 5 जेडी सचमुच विधवा ऐ, और उदा कोई नेई, ओह परमात्मा उप्पर आशा रखदी ऐ, और रात दिन विनती और प्रार्थना च लौलीन रेंदी ऐ; 6 लेकिन जेडा भोगविलास च पई गई, ओह जीते जी मरी गई ऐ। 7 इन गल्ले दी भी आज्ञा दिती ताकि ओह निर्दोष रोना। 8 लेकिन अगर कोई अपनों दी और निज करिये अपने घराने दी चिन्ता ना करन, ते ओह विश्वास च मुकरी गया ऐ और अविश्वासी च भी बुरा बनी गया ऐ।

9 उसी विधवा दा नाम लिखेया जाए जेडा साठ वर्ष च कम दी ना होए, और इक ही आदमी दी जनानी रही होए, 10 और भले काम च सुनाम रही होए, जिन्ने बच्चे दा पालन – पोषण किता होए; अतिथियों दी सेवा किती होए, पवित्र लोके दे पैर तोते होन, दुखियों दी सहायता किती होए, और हर इक पले काम च मन लगाया होए। 11 लेकिन जवान विधवाओं दे नाम ना लिखना, क्योंकि जदू ओह मसीह दा विरोध करिये सुख – विलास च पई जान्दी ऐ ते विवाह करना चान्दी ऐ, 12 और दोषी ठहरदी ऐ, क्योंकि उने अपने पैहले विश्वास गी छोड़ी दिता ऐ। 13 इनदे कन्ने ही कन्ने ओह कार – कार फिरिए आलसी होना सिखदी ऐ, और केवल आलसी नेई लेकिन बकबक करदी रेंदी और दुए दे काम च हाथ भी पांटी ऐ और बड़ी – बड़ी गल्ला बोल्दी ऐ।

14 इसलेई में ए चाना हां कि जवान विधवाएँ विवाह करन, और बच्चे जम्मे और कारबार संभालन, और किसी विरोध गी बदनाम करने दा अवसर ना देन। 15 क्योंकि कई इक ते बहकिये शैतान दे पीछे होई चुकी ऐ। 16 अगर कोई विश्वासिनी दे इत्थे विधवाएँ होन, ते ओही उन्दी सहायता करो कि कलीसिया उप्पर पार ना होए, ताकि ओह उन्दी सहायता करी सके जेडी सचमुच विधवा नए।

17 जेडे प्राचीन अच्छा प्रबन्ध करदे नए, विशेष करिये ओह जेडे वचन सुनाने और सिखाने च परिश्रम करदे नए, दो गुने आदर दे योग्य समझे जान।

18 क्योंकि पवित्रशास्त्र बोल्दा ऐ, “ दौंनेआले बैल दा मुँह ना बनना, “ क्योंकि “ मजदूर अपनी मजदूरी दा हक्कदार ऐ। ” 19 कोई दोष किसी प्राचीन उप्पर लगाया जाए ते बिना दी या तीन गवाहों दे उदी ना सुन। 20 पाप करने आलों गी सारे दे समान समझाई दे, ताकि और लोक भी डरन। 21 परमात्मा, और मसीह यीशु और चुने होए स्वर्गदूतों गी उपस्थित जानिए में तुगी चेतावनी दिंदा हां कि तू मन खोलिए इन गल्ले गी मनना कार, और कोई काम पक्षपात कन्ने ना कार। 22 किसे उप्पर जल्दी हाथ ना रखेया, और दुए दे पापे च भागी ना होना; अपने आप गी पवित्र बनाए राख।

23 भविष्य च केवल जल ही दा पीने आला ना रह, लेकिन अपने पेट दे और अपने बार – बार बीमार होने दे कारण थोड़ा – थोड़ा दाखरस भी काम च लाया कार।

24 कुछ मनुखे दे पाप प्रगट होई जानदे नए और न्याय दे लेई पैहले च पहुँच जानदे नए, लेकिन कुछ दे पीछे ता आंदे नए। 25 इन्ना ही कुछ पले काम भी प्रगट होंदे नए; और जेडे ऐसे नेई होंदे, ओह भी छिपे नेई सकदे।

6 जिन्ने दासता दे जूए दे थल्ले नए, ओह अपने अपने स्वामी गी बड़े आदर दे योग्य जानन, ताकि परमात्मा दे नाम और उपदेश दी निन्दा ना होए। 2 जिन्दे स्वामी विश्वासी नए उनेगी ओह परा होने दे कारण तुच्छ ना जानन, लेकिन उन्दी और भी सेवा करन, क्योंकि इदे कन्ने लाभ उठानेआले विश्वासी और प्रेमी नए। इन गल्ले दा उपदेश करेया कार और समझानदा रह।

3 अगर कोई और ही तरह दा उपदेश दिंदा ऐ और खरी गल्ले गी, मतलब साडे प्रभु यीशु मसीह दी गल्ले गी और उस उपदेश गी नेई मनदा, जेडे भक्ति दे अनुसार ऐ, 4 ते ओह अभिमानी होई गया, और कुछ नेई जान्दा; लेकिन उसी विवाद और शब्दों उप्पर तर्क करने दा रोग ऐ, जिदे कन्ने डाह, और चगड़े, और निन्दा दी गल्ला, और बुरे – बुरे काम, 5 और उन मनुखे च बेकार रगड़े – चगड़े पैदा होंदे नए जिन्दी बुध्दि बिगड़ी गई ऐ, और ओह सच्चाई कन्ने विहीन होई गए नए, जेडे समझान दे नए कि भक्ति कमाई दा द्वार ऐ। 6 लेकिन सन्तोष सहित भक्ति बड़ी कमाई ऐ। 7 क्योंकि ना आहें जगत च कुछ लाए हां और ना कुछ लेई जा सकदे हां। 8 अगर साडे कोल खाने और पेहने गी होए, ते इनदे उप्पर सन्तोष करना चाही दा ऐ। 9 लेकिन जेदा अमीर होना चानदा ऐ, ओह ऐसी परीक्षा और फंदे और बड़ी गे बेकार और हानिकारक लालसाओं च फँसदे नए, जेडे मनुखे गी बिगाड़ी दिन्दी ऐ और विनाश दे समुद्र च डुबाई दिन्दी ऐ। 10 क्योंकि पैसे दा लाभ सारे प्रकार दी बुराईयों दी जड़ ऐ, जिदे कन्ने प्राप्त करने दा प्रयत्न करदे होए बड़े गे ने विश्वास च पटकिये अपने आप गी नाना प्रकार दे दुखों कन्ने छलनी बनाई लेया ऐ।

11 लेकिन हे परमात्मा दे जन, तू इन गल्ले च नास, और धर्म, भक्ति, विश्वास, प्रेम, धीरज और नम्रता दा पिछा कार। 12 विश्वास दी अच्छी कुशती लड़; और उस अनन्त जीवन गी धर ले, जिदे लेई तू बुलाया गया और बड़े गे गवाहों दे सामने अच्छा अंगीकार किता ही। 13 में तुगी परमात्मा गी, जेडा सारे गी जिन्दा रखदा ऐ, और मसीह यीशु गी गवाह करिये जिन्ने पुन्तियुस पिलातुस दे सामने अच्छा स्वीकार किता, ए आज्ञा दिना हां 14 कि तू साडे प्रभु यीशु मसीह दे प्रगट होने तकर इस आज्ञा गी निष्कलंक और निर्दोष रख, 15 जिदे कन्ने ओह ठीक समय उप्पर दिखाग, जेडा परमधन्य और इकमात्र अधिपति और राजाओं दा राजा और प्रभुओं दा प्रभु ऐ, 16 और अमरता केवल उसी दी ऐ, और ओह अगम्य ज्योति च रेंदा ऐ, और ना उसी किसे मनुख ने दिखेया और ना कदे भी दिखी सकदा ऐ। उस सी प्रतिष्ठा और राज्य युगानुयुग रोग। अमीन।

17 इस संसार दे धनवानों गी आज्ञा दे कि ओह अभिमानी ना होन और चंचल धन उप्पर आशा ना रखन, लेकिन परमात्मा उप्पर जेडे साडे सुख दे लेई सारा कुछ बहुताय कन्ने दिंदा ऐ। 18 ओह पलाई करन, और पले कमे च धनी बनन, और उदार और सहायता देने च महान होन, 19 और अगे दे लेई इक अच्छी नींव डाली रखन कि सच्चे जीवन गी वश च करी लेन।

20 हे तीमुथियुस, इस धरोहर दी रखवाली कार; और जिस ज्ञान गी ज्ञान बोलना ही पूल ऐ, उदे अशुध्द बकवाद और विरोध दी गल्ला कन्ने परे रह। 21 किन्ने इस ज्ञान दा अंगीकार करिये विश्वास कन्ने पटकी गए नए। तुन्दे उप्पर अनुग्रह होंदा रहे।

2 तीमुथियुस

1 पौलुस दी और ता जेड़े, उस जीवन दी प्रतिज्ञा दे अनुसार जो मसीह यीशु च ऐ, परमात्मा दी इच्छा कन्ने मसीह यीशु दा प्रेरित ऐ, 2 प्यारे पुत्र तीमुथियुस दे नाम: परमात्मा पिता और साड़े प्रभु मसीह यीशु दी ओर ता मिगी अनुग्रह और दया और शान्ति मिलदी रहे। 3 जिस परमात्मा दी सेवा में अपने बाप – दादों दी रीति उप्पर शुध्द दिल कन्ने करदा हां, उदा धन्यवाद होए कि में अपनी प्रार्थनाओं च तुगी लगातार स्मरण करदा हां, 4 और तेरे अरुखे दी सुधि करी करिये रात दिन तुगी भेंट करने दी लालसा रखदा हां कि खुशी कन्ने भर जावा। 5 तुगी तेरे उस निष्कपट विश्वास दी सुधि आंदी ऐ, जो पैहले तेरी नानी लोइस और तेरी माता यूनिके च ही, और मिगी जरूर ऐ कि तेरे च भी ऐ। 6 इसी कारण में तुगी सुधि दिलांदा हां कि तू परमात्मा दे उस वरदान गी जो मेरे हाथ रखने दे द्वारा तुगी मिलेया ऐ प्रज्वलित करी दे। 7 क्योंकि परमात्मा ने सानु डर दी नेई लेकन सामर्थ्य और प्रेम और नरम दी आत्मा दिती ऐ। 8 इसलेई साड़े प्रभु दी गवाही कन्ने, और मेरे च जेदा उदा कैदी ही, शर्मिदा ना होए, लेकन उस परमात्मा दी सामर्थ्य दे अनुसार सुसमाचार दे लेई मेरे कन्ने दुःख उठा 9 जिन्ने साड़ा उध्दार किता और पवित्र बुलाहट कन्ने बुलाया, और ए साड़े कमे दे अनुसार नेई; लेकन उदे उदेश्य और उस अनुग्रह दे अनुसार ऐ जो मसीह यीशु च सनातन च साड़े उप्पर होया ऐ, 10 लेकन हुन साड़े उध्दारकर्ता मसीह यीशु दे प्रगट होने दे द्वारा प्रकाशित होया, जिन्ने मौत दी खत्म किता और जीवन और आत्मा अमरता गी उस सुसमाचार दे द्वारा प्रकाशमान करी दिता। 11 जिदे लेई में प्रचारक, और प्रेरित, और उपदेशक भी ठहरेया। 12 इस कारण में इन दुखे गी भी चूकना हां, लेकन शर्मिदा नेई, क्योंकि में उसी जिदे उप्पर में विश्वास किता ऐ, जानदा हां; और मिगी विश्वास ऐ कि ओह मेरी धरोहर दी उस दिन तकर रखवाली करी सकदा ऐ। 13 जेड़ी खरी गल्ला तू मेरे कोला सुनी ऐ उनेगी उस विश्वास और प्रेम दे कन्ने, जेड़ी मसीह यीशु च ऐ, अपना आदर्श बनाईये राख। 14 और पवित्र आत्मा दे द्वारा जेड़ा साड़े च बसेया होया ऐ, इस अच्छी धरोहर दी रखवाली कार। 15 तू जानदा ऐ कि आसियावाले सारे मेरे च फिरी गए नए, जिन्दे च फूगिलुस और हिरमुगिनेस ऐ। 16 उनेसिफुरुस दे घराने उप्पर प्रभु दया करे, क्योंकि उन बड़े बार मेरे जी गी ठंडा किता और मेरी जंजीरों च शर्मिदा ना होया। 17 लेकन जदू ओह रोम च आया, ते बड़े यत्न कन्ने तुपिये मेरे अग्रे भेंट किली – 18 प्रभु करे कि उस दिन उदे उप्पर प्रभु दी दया होए – और जेड़ी जेड़ी सेवा उन इफिसुस च किली ऐ उने भी तू पला जानदा ऐ। 2 इसलेई हे मेरे पुत्र, तू उस अनुग्रह कन्ने जो मसीह यीशु च ऐ, बलवन्त होई जा, 2 और जेड़ी गल्ला तू बड़े गे गवाहों दे सामने मेरे कोला सुनी ऐ, उनेगी विश्वासी मनुखे गी सौपी दे; जेड़े दुए गी भी सिखाने दे काविल होन। 3 मसीह यीशु दे अच्छे योध्दा दे समान मेरे कन्ने दुःख उठान। 4 जदू कोई योध्दा लड़ाई उप्पर जान्दा ऐ, ते इसलेई कि अपने भरती करने आले गी खुश करे, अपने आप गी संसार दे कमे च नेई फसान्दा। 5 फेर अखाड़े च लड़नेआला अगर विधि दे अनुसार ना लड़े ते मुकुट नेई पांदा। 6 जेड़ा किसान तपसेया करदा ऐ, फल दा अंश पैहले उसी मिलना चाही दा ऐ। 7 जो में बोलदा हां उदे उप्पर ध्यान देयो, और प्रभु तुगी सारी गल्ले दी समझ देग। 8 यीशु मसीह गी याद राख, जेड़ा दाऊद दे वंश च होया और मरे होए बीचा जी उठेया, और ए मेरे सुसमाचार दे अनुसार ऐ। 9 जिदे लेई में कुकर्मी दे समान दुःख उठानदा हां, इत्थे तकर कि कैदी भी हां; लेकन परमात्मा दा वचन कैद नेई। 10 इस कारण में चुने होए लोके दे लेई सारा कुछ

सहदा हां, कि ओह भी उस उध्दार गी जेड़ा मसीह यीशु च ऐ अनन्त महिमा दे कन्ने पान।

11 ए गल्ल साच ऐ, कि अगर आहे उदे कन्ने मरी गए हां, ते उदे कन्ने जीगे भी;

12 अगर आहे धीरज कन्ने सेन्दे रोगे, ते उदे कन्ने राज्य भी करगे; अगर आहे उदा इन्कार करगे, ते ओह भी साड़ा इन्कार करग;

13 अगर आहे अविश्वासी भी होगे, फेर भी ओह विश्वासयोग्य बनेया रेंदा ऐ, क्योंकि ओह आपे अपना इन्कार नेई करी सकदा।

14 इन गल्ले दी सुधि उनेगी दिला और प्रभु दे सामने चिता दे कि शब्दों उप्पर तर्क – वितर्क ना करेया करन, जिन्दे कन्ने कुछ लाभ नेई होंदा लेकन सुननेआले बिगड़ी जांदे नए। 15 अपने आप गी परमात्मा दा ग्रहणयोग्य और ऐसा काम करनेआले ठहराने दा प्रयत्न कार, जेड़ा शर्मिदा होने ना पान, और जेड़ा सच्चाई दे वचन दी ठीक रीति कन्ने काम च लांदा होए। 16 लेकन अशुध्द बकवाद कन्ने बचा रह, क्योंकि ऐसे लोक और भी अभक्ति च बददे जान गए, 17 और उन्दा वचन सड़े घाव दी तरह फैलदा जाग। हुमिनयुस और फिलेतुस उन्दे बीचा गे ही, 18 जेड़ा ए बोलिए कि पुनरुत्थान होई चुकेया ऐ सच्चाई च पटकी गए नए, और किन्ने दे विश्वास गी उलटी पुलटी करी दिंदे नए। 19 फेर भी परमात्मा दी पक्की नीव बनी रेंदी ऐ, और उदे उप्पर ए छाप लग्गी ऐ; “ प्रभु अपनों गी पैहचानदा ऐ, ” और “ जेड़ा कोई प्रभु दा नाम लेनदा ऐ, ओह अधर्म कन्ने बचा रहे। ”

20 बड़े कार च ना केवल सोने – चाँदी ही दे, लेकन काठ और मिट्टी दे बरतन भी होंदे नए; कोई – कोई आदर, और कोई – कोई अनादर दे लेई। 21 अगर कोई अपने आप गी इनदे कन्ने शुध्द करग, ते ओह आदर दा बरतन और पवित्र ठहरग; और स्वामी दे काम आग, और हर पले काम दे लेई तैयार होग। 22 जवानी दी अभिलाषाओं च भाग, और जेड़ा शुध्द मन कन्ने प्रभु दा नाम लेनदे नए उन्दे कन्ने धर्म, और विश्वास, और प्रेम, और मेलमिलाप दा पीछा कार। 23 लेकन मुखता और अविद्या दे विवादों कन्ने अलग रह, क्योंकि तू जान्दा ऐ कि इनदे कन्ने चगड़े पैदा होंदे नए। 24 प्रभु दे दास गी चगड़ालू नेई होना चानदा, लेकन ओह सारे दे कन्ने कोमल और शिक्षा च निपुण और सहनशील होए। 25 ओह विरोधियों गी नम्रता कन्ने समझाए, के जाने परमात्मा उनेगी मन फिराव दा मन दे कि ओह भी सच्चाई गी पहचाने, 26 और इदे द्वारा उदी इच्छा पूरी करने दे लेई सचेत होईये शैतान दे फंदे च छड़ोई जाए।

3 लेकन ए याद राख कि आखरी दिनों च मुश्किल समय आग।

2 क्योंकि मनुख स्वार्थी, लोभी, डिंगमार, अभिमानी, निन्दक, माता – पिता दी आज्ञा टालनेआले, अपवित्र, 3 दयाकरने आला, पढ़ाने आला, दोष लगाने आला, असंयमी, कठोर, पले दे बैरी, 4 विश्वासघाती, ढीठ, घमण्डी, और परमात्मा दे नेई लेकन सुखविलास ही दे चाहनेआले होन गए। 5 ओह भक्ति दा भेष तरन गए, लेकन उदी शक्ति गी ना मनन गए; इदे च गे पेरे रोयो। 6 इन्दे बीचा गे ओह लोक ऐ जेड़े करों च दबे पैर परिये आंदे नए, और उन दुर्बल जनानियों गी वंश च करी लेनदे नए जेड़े पापे च दबी और हर प्रकार दी अभिलाषाओं दे वंश च ही, 7 और सदा सीखदी ते रेंदी ऐ लेकन सच्चाई दी पहचान तकर कदे भी नेई पूजदी। 8 जिन्ना यन्त्रेस और यन्त्रेस ने मूसा दा विरोध किता हां, इन्ना ही ए भी सच्चाई दा विरोध करदे नए; ए ऐसे मनुख नए, जिन्दी बुध्दि खत्म होई गई ऐ और ओह विश्वास दे बारे च निकम्मे नए। 9 लेकन ओह इदे कन्ने अग्रे नेई जाई सकदे, क्योंकि जिन्ना उन्दी अज्ञानता सारे मनुखे उप्पर प्रगट होई गई ही, इन्ना ही इन्दी भी होई जाग।

10 लेकन तू उपदेश, चालचलन, मनसा, विश्वास, सहनशीलता, प्रेम, धीरज, और सताए जाने, और दुःख उठाने च मेरा साथ दिता; 11 और ऐसे

दुखे च भी जेड़े अन्ताकिया और इकुनियुस और लुस्त्रा च मेरे उप्पर पेरे नए, और अन्य दुखे च भी जेड़े में उठाए नए, लेकन प्रभु ने मिगी उन सारे बीचा छुड़ाई लेता।¹² लेकन जिन्ने मसीह यीशु च भक्ति दे कन्ने जीवन बिताना चानदे नए ओह सारे सताए जान गए; ¹³ लेकन दुष्ट और बहकानेआले तोखा दिंदे होए और तोखा खांदे होए, बिगडदे चले जान गए। ¹⁴ लेकन तू उन गल्ले उप्पर जेड़ी तू सीखी ऐ और विश्वास किता ऐ, ए जानिए मजबूत बनेया रह कि तू उनेगी किन लोके च सिखेया ऐ, ¹⁵ और बचपन च पवित्रशास्त्र तेरा जानेया होया ऐ, जेड़ा मिगी मसीह उप्पर विश्वास करने च उध्दार प्राप्त करने दे लेई बुद्धिमान बना सकदा ऐ। ¹⁶ सम्पूर्ण पवित्रशास्त्र परमात्मा दी प्रेरणा कन्ने रचा गया ऐ और उपदेश, और समझाने, और सुधारने, और धर्म दी शिक्षा दे लेई लाभदायक ऐ, ¹⁷ ताकि परमात्मा दा जन सिध्द बने, और हर इक पले काम दे लेई राज़ होई जाए।

4 परमात्मा और मसीह यीशु गी गवाह करिये, जेड़े जिन्दे और मरे होए दा न्याय करग, और उदे प्रगट होने और राज्य दी सुधि दिलाईये में तुगी आदेश दिना हां ² कि तू वचन दा प्रचार कार, समय और असमय तैयार रह, सारे प्रकार दी सहनशीलता और शिक्षा दे कन्ने उलाहना दे और डांट और समझा। ³ क्योंकि ऐसा समय आग जदू लोक उपदेश ना सह सकग, लेकन कने दी खुजली दे कारण अपनी अभिलाषाओं दे अनुसार अपने लेई बड़े गे उपदेशक बटोर लेन गए, ⁴ और अपने कान सच्चाई कन्ने फेरिये कथा - कहानियों उप्पर लगान गए। ⁵ लेकन तू सारी गल्ले च सावधान रह, दुःख उठा, सुसमाचार प्रचार दा काम कार, और अपनी सेवा गी पूरा कार।

⁶ क्योंकि हुन में अर्घ दे समान उंडेला जान्दा हां, और मेरे कूच दा समय आ पूजेया ऐ। ⁷ में अच्छी कुशती लड़ी चुका हां, में अपनी दौड़ पूरी करी लेई ऐ, में ते विश्वास दी रखवाली किती ऐ। ⁸ भविष्य च मेरे लेई धर्म दा ओह

मुकुट रखेया होया ऐ, जिदे कन्ने प्रभु, जेड़ा धर्मी और न्यायी ऐ, मिगी उस दिन देग, और मिगी ही नेई लेकन उन सारे गी भी जेड़े उदे प्रगट होने गी प्यार जानदे नए।

⁹ मेरे कोल जल्दी आने दा प्रयत्न कार। ¹⁰ क्योंकि देमास ने इस संसार गी प्यारा जानिए मिगी छोड़ी दिता ऐ और थिस्सलुनीके गी चली गया ऐ। ¹¹ केवल क्रेसकेंस गलातिया गी और तीतुस दलमतिया गी चली गया ऐ। ¹² केवल लूका मेरे कन्ने ही। मरकुस गी लेईये चला आ; क्योंकि सेवा दे लेई ओह मेरे बड़े काम दा ऐ। ¹³ तुखिकुस गी में इफिसुस पेजेया ही। ¹⁴ जेड़ा बागा में त्रोआस च करपुस दे इत्थे छोड़ी आया हां, जदू तू आए ते उसी और किताबे विशेष करिये चर्मपत्रों गी लेनदे आया। ¹⁵ सिकन्दर ठठेरे ने मेरे कन्ने बड़ी बुराइयाँ किती ऐ; प्रभु उसी उदे कमे दे अनुसार बदला देग। ¹⁶ तू भी उदे कन्ने सावधान रह, क्योंकि उन साड़ी गल्ले दा बड़ा ही विरोध किता ऐ। ¹⁷ मेरे पैहले प्रतिवाद दे समय किसी ने भी मेरा साथ नेई दिता, लेकन सारे ने मिगी छोड़ी दिता ही। पला होए कि इदा उनेगी लेखा देना ना पेए ! ¹⁸ लेकन प्रभु मेरा सहायक रहा और मिगी सामर्थ्य दिती, ताकि मेरे द्वारा पूरा पूरा प्रचार होए और सारे अन्यजातीय सुनी लेन। में सिंह दे मुँह बीचा छुड़ाया गया। ¹⁹ और प्रभु मिगी हर इक बुरे काम च छुड़ाग, और अपने स्वर्गीय राज्य च ठीक पहुचाग। उसी दी महिमा युगानुयुग होंदी रहे। आमीन।

²⁰ प्रिस्का और अकिल्ला गी और उनेसिफुरुस दे घराने गी नमस्कार। ²¹ इरास्तुस कुरिन्थुस च रह गया, और त्रुफिमस गी में मिलेतुस च बीमार छोड़ेया ऐ। ²² जाड़े च पैहले चली आने दा प्रयत्न कार। यूबूलुस, और पुदेंस, और लीनुस और क्लौदिया, और सारे परा दा तुगी नमस्कार।

²³ प्रभु तेरी आत्मा दे कन्ने रहे। तुन्दे उप्पर अनुग्रह होंदी रहे।

तीतुस

1 पोलुस कोलां जेड़ा परमातमा दा दास ते यीशु मसीह दा प्रेरित ऐ, परमातमा दे चुने गेदे लोकें दे बिश्वास ते सच्चाई दी पंछान दे मताबक जेड़ी भक्ति दे मताबक ऐ, 2 ओस अनंत जीवन दी आस उप्पर जेस दी प्रतिज्ञा परमातमा ने, जेड़ा झूठ बोली नेई सकदा शुरु कोलां किती ऐ, 3 लेकन ठीक समें उप्पर अपने बचन गी ओस प्रचार दे द्वारा प्रगट किता, जेड़ी सारे उद्धार कर्ता परमातमा दी आज्ञा दे मताबक मीगी सोंपया गया।

4 तीतुस दे नां, जेड़ा बिश्वास दी सहभागिता दे बचार कन्ने मेरा सचा पुत्र ऐ: परमातमा पिता ते साड़े उद्धारकर्ता मसीह कोलां तुसें अनुग्रह ते शान्ति

5 में इसे आस्ते तुगी क्रेते च छुड़ी आया हा के तू बाकी गल्लें गी सधारे, ते मेरी आज्ञा दे मताबक नगर नगर प्राचिनें गी तैयार करे। 6 जेड़े निर्दोष ते इक गै घरेआली दे घरेआले ओन, जींदे बच्चे बिश्वासी ओन, ते उंदे बीच लुचापन ते निरंकुशता दा दोष नेई ओए 7 की वे मालक गी परमातमा दा भंडारी ओने दे कारण निर्दोष ओना चाइदा; ना हठी, ना गुस्सा आला, ना पीने आला, ना मार लड़ाई करने आला, ते ना नीच कमाई दा लोभी ओए, 8 लेकन मेहमाने दा आदर करने आला, भलाई दा चाने आला, संयमी, न्यायी, पवित्र ते जितेन्द्रिय ओए; 9 ते ओह बिश्वास जोग बचन उप्पर जेड़ा धर्मोपदेश दे मताबक ऐ, टिका रवे के खरी शिक्षा कोलां उपदेश देई सक्के ते बरोधियें दा मुंह भी बंद करी सक्के।

10 की वे मते सारे लोग निरंकुश, बकवास करने आले ते तोखा देने आले न; खास करियें खतना आलें बीचा। 11 इंदा मुंह बंद करना चाइदा। ए लोग नीच कमाई आस्ते अनुचित गल्लां सिखाइयें घरें दे घर बिगाड़ी दिंदे न। 12 उंदे बीचा गै इक मनुख ने, जेड़ा उंदा गै भविष्यवक्ता ऐ, आख्या ऐ, “क्रेती लोग म्हेशां झूठे, दुष्ट पशु, ते आलसी पेटू ओंदे न।” 13 ए गुआइ सच ऐ, इसे आस्ते उन्हें कड़ाई कन्ने चतावनी दीया कर के ओह बिश्वास बीच पक्के ओई जान, 14 ते यहुदियें दी कथा कानियें ते उन मनुखें दी आज्ञां उप्पर मन ना लाइ देन, जेड़े सच्चाई कोलां भड़की जांदे न। 15 शुद्ध लोकें आस्ते सारियां चीजां शुद्ध न, लेकन अशुद्ध ते अविश्वासियें आस्ते किश भी शुद्ध नेई, बरना उंदा दमाक ते विवेक दमं अशुद्ध न। 16 ओह आखदे न के आस परमातमा गी जाननेयां न, लेकन अपने कम्मं कोलां ओस दा मना करदे न; की वे ओह घृणित त्र आज्ञा नेई मनने आले न, ते कुसे अच्छे कम दे काबल नेई।

2 लेकन तू ऐसी गल्लां आखा कर जेड़ीयां खरा उपदेश दे जोगियां न। 2 मतलब बुझे पुरुष सचेत ते गंभीर ते संयमी ओंन, ते उंदा बिश्वास ते प्रेम ते धीरज पक्का ओए। 3 इसे चाली बुड़ी स्त्रियें दा चाल चलन पवित्र लोकें जेया ओए; ओह दोष लाने आली ते पियक्कड़ नेई, लेकन अच्छी गल्लां सखाने आलीं ओंन। 4 तां जे ओह जवान स्त्रियें गी चतावनी दिंदीयां रोह के अपने घरेआलें ते बच्चें कन्ने प्रेम रखन; 5 ते संयमी, पतिबरता, घरे दा कारोबार करने आली, भली, ते अपने अपने घरेआले दे अधीन रोह आलीं होंन, तां जे परमात्मा दे बचन दी निंदा ना ओई सक्के।

6 इय्यां गै जवान पुरुष गी भी समझाया कर के संयमी ओंन। 7 सारियें गल्लें च अपने आप गी भले कम्मं दा नमूना बना। तेरे उपदेश च सफाई, गंभीरता, 8 ते ऐसी खराई पाई जाए के कोई उसी बुरा नी आखी सक्के, जेस कन्ने बरोधी साड़े उप्पर कोई दोष लाने दा अवसर नेई पाइयें शर्मिंदे ओंन।

9 दासें गी समझा के अपने अपने स्वामी दे अधीन रोह, ते सारियें गल्लें च उन्हें खुश रखन, ते उलटिये जबाव नेई देन; 10 चोरी चलाकी ना करन, लेकन सब चलली च पुरे बिश्वासी निकलन के ओह सारियें गल्लें च साड़े उद्धारकर्ता परमातमा दे उपदेश दी शोभा बदान।

11 की वे परमातमा दा ओह अनुग्रह प्रगट ऐ, जेड़ा सारां मनुखें दे उद्धार दा कारण ऐ, 12 ते असें चतावनी दिंदा ऐ के आस अभक्ति ते सांसारिक अभिलाषां कोलां मन फेरीयें एस जग च संयम ते धर्म ते भक्ति कन्ने जीवन बितान; 13 ते ओस धन्य आस दी मतलब अपने महान परमातमा ते उद्धारकर्ता यीशु मसीह दी महिमा दे प्रगट ओने दा इंतजार करदे रोह। 14 जेस ने अपने आप गी साड़े आस्ते देई दिता के असें सारे चाली दे अधर्म कोलां शुड़ाई ले, ते साफ करियें अपने आस्ते इक ऐसी जाति बनाई लै जेड़ी भले कम्मं आस्ते सरगर्म ओए।

15 पुरे अधिकार कन्ने ए गल्लां बोल, ते समझा ते सखांदा रे। कोई तुगी तुच्छ नेई जानी सक्के।

3 लोकें गी चेत करे के हाकिमें ते अधिकारियें दे अधीन रोह, ते उंदा आज्ञा मनन, ते हर इक अच्छे कम्म आस्ते तैयार रोह, 2 किसे गी बदनाम नेई करन, लड़ाई करने आले नेई ओंन, लेकन कोमल सभाव दे ओंन, ते सारें मनुखें दे कन्ने बड़ी नम्रता दे कन्ने रोह। 3 की वे आस भी पैलें बगैर दमाक दे, ते आज्ञा नेई मनने आले, ते भलेखे च पेदे ते अलग किसम दी अभिलाषां ते सुखविलास दी गुलामी च हे, ते बैरभाव, ते डाह करने च जीवन चलांदे हे, ते घृणित हे, ते इक दुए कन्ने बैर रखदे हे। 4 लेकन जेस ले साड़े उद्धारकर्ता परमातमा दी कृपा ते मनुखें उप्पर ओस दा प्रेम प्रगट ओया, 5 ते ओस ने साड़ा उद्धार किता; ते ए धर्म दे कम्मं दे मताबक नेई, जेड़े असें अप्पुं किते, लेकन अपनी दया दे मताबक नमं जन्म दे स्नान ते पवित्र आत, आत्मा दे असें नमां बनाने दे द्वारा ओया। 6 जिसी ओस ने साड़े उद्धारकर्ता यीशु मसीह दे द्वारा साड़े उप्पर अधिकाई कन्ने डोलया। 7 जेस कन्ने आस ओस दे अनुग्रह कन्ने धर्मी ठहरीयें, अनंत जीवन दी आस दे मताबक बार्स बने।

8 ए गल्ल सच ऐ, ते मैं चाना ऐ के तू इन गल्लें दे बारे च मजबूती कन्ने बोलें इसे आस्ते के जिन्हें परमातमा उप्पर बिश्वास किता ऐ, ओह भले भले कम्मं च लगे रोह दे तयांन रखन। ए गल्लां भलियां ते मनुखें दे फायदे दीयां न। 9 लेकन मुखता दे विवादें, ते वंशावलियें, ते बरोध ते लड़ाईयें कोलां जेड़ीयां व्यवस्था दे बारे च ओंन, बचा रै; की वे ओह निष्फल ते बेकार न। 10 किसे परखंडी गी इक दो बार समझाईयें ओस कोलां अलग रै, 11 ए जानियें के ऐसा मनुख भटकी गेदा ऐ, ते अपने आप गी दोषी ठहराईयें पाप करदा रोंहदा ऐ।

12 जेस ले मैं तेरे कोल अरतिमास जां तुखिकुस गी भेजां ते मेरे कोल निकुपुलिस आने दी कोशश करयां, की वे मैं उत्थें स्याला कटने दा निश्चा किता ऐ। 13 जेनास व्यवस्थापक ते अप्पुलोस गी कोशश करियें अगं पजाई दे, ते दिख के उन्हें किसे चीज दी कमी ना ओइ सक्के। 14 साड़े लोग भी जरूरतें गी पूरा करने आस्ते अच्छें कम्मं च लगे रोह सीखन तां जे निष्फल नेई रोह।

15 मेरे सारे साथियें दा तुगी नमस्कार। तुंदे सारें उप्पर अनुग्रह ओंदा रवे।

फिलेमोन

1 पोलुस कोलां जेड़ा मसीह यीशु दा कैदी ऐ, ते प्रा तीमुथियुस कोलां साड़े प्यारे सहकर्मी फिलेमोन, 2 ते बहन अफफिया, ते साड़े साथी योद्धा अरखिप्पुस ते फिलेमोन दे घर दी कलीसिया दे नां:
 3 साड़े पिता परमातमा ते प्रभु यीशु मसीह कोलां अनुग्रह ते शान्ति तुसें मिलदी रवे।
 4 मैं म्हेशां परमातमा दा धन्यवाद करना ऐ, ते अपनी प्रार्थना बीच तुगी याद करना ऐ, 5 की वे मैं तेरे ओस प्रेम ते बिश्वास दी चर्चा सुनना ऐ, जेड़ी सारें पवित्र लोकें कन्ने ते प्रभु यीशु उप्पर ऐ। 6 मैं प्रार्थना करना ऐ के बिश्वास च तेरा सहभागी ओना, तुंदी सारी भलाई दी पनछान बीच, मसीह आस्ते प्रभावशाली ओए। 7 की वे ए प्रा, मीगी तेरे प्रेम कन्ने मता आनंद ते शान्ति मिली ऐ, इसे आस्ते के तेरे द्वारा पवित्र लोकें दे मन अरे भरे ओई गेदे न।
 8 इसे आस्ते अगरचे मीगी मसीह च मती हिम्मत ऐ के जेड़ी गल्ल ठीक ऐ, ओस दी आज्ञा तुगी दियां। 9 तां भी मीगी बुड्डे पोलुस गी जेड़ा हून मसीह यीशु आस्ते कैदी ऐ, ए और भी पला जानया के प्रेम कन्ने बिनती करां। 10 मैं अपने बच्चे उनेसिमुस आस्ते, जेड़ा मेरे आस्ते मेरी कैद च जम्मा ऐ, तेरे कन्ने बिनती करना ऐ। 11 ओह ते पैलें तेरे किश कम्म दा नेई हा, लेकन हून तेरे ते मेरे दोर्नी दे बड़े कम्म दा ऐ। 12 उसे गी मतलब जेड़ा मेरे दिल दा टुकड़ा ऐ, मैं तेरे कोल बापस करी दीता ऐ। 13 उसी मैं अपने गै कोल रखना चांदा हा के ओह तेरी और कोलां एस कैद च जेड़ी सुसमाचार दे कारण ऐ, मेरी सेवा करै।

14 लेकन मैं तेरी इच्छा बगैर किश भी करना नेई चाया, के तेरी ए कृपा दबाब कन्ने नेई लेकन आनंद कन्ने ओए।

15 की वे के जाने ओह तेरे कोलां किश दिन आस्ते इसे कारण अलग ओया के म्हेशां तेरे कोल रवे। 16 लेकन हून कोलां दास जेया नेई बरना दास कोलां भी उत्तम, मतलब प्रा दे समान रवे, जेड़ा मेरा ते खास प्यारा ते ऐ गै, लेकन हून शरीर च भी ते प्रभु च भी, तेरा भी खास प्यारा ओए। 17 इस आस्ते जे तू मीगी अपना सहभागी समझना ऐ, ते उसी एस चाली ग्रहण कर जिय्यां मीगी। 18 जे ओस ने तेरा किश नुक्सान किता ऐ, जां ओस उप्पर तेरा किश आंदा ऐ, ते मेरे नां उप्पर लिखी लै। 19 मैं पोलुस अपने हत्थें दा लिखना ऐ के मैं अप्पुं परी देगा; ते एस दे आखने दी कोई जरूरत नेइ के मेरा कर्जा जेड़ा तेरे उप्पर ऐ ओह तू गै ऐं। 20 ए प्रा, ए आनंद मिगी प्रभु च तेरे कोलां मिले। मसीह च मेरे जी गी अरा भरा करी दे।

21 मैं तेरे आज्ञा कारी दा परोसा राखियै तुगी लिखना ऐ, ते ए जानना ऐं के हो किश मैं आखना ऐं, तू ओस कोलां कई बद करंगा। 22 ते ए भी के मेरे आस्ते ठहरने दी जगह तैयार रख। मीगी आस ऐ के तेरी प्रार्थना दे द्वारा मैं तुसें देई दीता जाहगा।

23 इपफ्रास, जेड़ा मसीह यीशु च मेरे कन्ने कैदी ऐ, 24 ते मरकुस ते अरिस्तर्खुस ते देमास ते लुका जेड़े मेरे सहकर्मी न, इंदा तुसीं नमस्कार।

25 साड़े प्रभु यीशु मसीह दा अनुग्रह तुंदी आत्मा उप्पर आंदा रवे। आमीन।

इब्रानियों

1 पराने युग बीच परमातमा ने बब्ब दादें कोलां थुड़ा थुड़ा करिये ते भांति भांति दे भविष्यवक्तें दे द्वारा गल्लां करिये, 2 इन आखर दिनें च साड़े कन्ने पुत्तर दे द्वारा गल्लां कितियां, जिंसी ओस ने सारीं चीजां दा बारस ठहराया ते उसे दे द्वारा ओस ने सारी सृष्टि दी रचना किती ऐ। 3 ए ओस दी महिमा दा प्रकाश ते ओस दे तत्व दी मोहर ऐ, ते सारीं चीजें अपनी शक्ति दे बचन कन्ने संभालदा ऐ। ओह पापें गी तोइयै उच्ची जगह उप्पर महामहिमन दे सज्जे जाई बैठया; 4 ते सुर्गदुतें कोलां उना गै उत्तम ठहरया, जिन्ना ओस ने उंदे बड्डे पद दा बारस ओइयै उत्तम नां पाया।

5 की वे सुर्गदुतें बीचा ओस ने कदुं कुसे कन्ने आख्या, "तू मेरा पुत्तर ऐ, अज्ज तू मेरे कोलां पैदा ओया?" ते फिरी ए, "मैं ओस दा पिता होगा, ते ओह मेरा पुत्तर होग ?

6 ते फिरी जेस ले पहिलोठे गी संसार च फिरी लांदा ऐ, ते आखदा ऐ, "परमातमा दे सारे सुर्गदुत उसी दंडवत करन।"

7 ते सुर्गदुतें दे बारे च ए आखदा ऐ, "ओह अपने दुतें गी हवा, ते अपने सेवकें गी धधकती अग बनादा ऐ।"

8 लेकन पुत्तर दे बारे च आखदा ऐ, "ए परमातमा, तेरा सिहांसन युगानयुग रोहग: तेरे राज दा राजदंड न्याय दा राजदंड ऐ।

9 तो धर्म कन्ने प्रेम ते अधर्म कन्ने बैर रखया; एस कारण परमातमा नै, तेरे साथियें कोलां जादे हर्षरूपी तेल कन्ने तेरा अभिषेक किता।"

10 ते ए के, "ए प्रभु, आदि च तो पृथ्वी दी नीव पाई, ते सुर्ग तेरे हत्थें दी कारीगरी ऐ।

11 ओह ते नाश ओई जाघन, लेकन तू बना रोहगा; ते ओह सारे कपड़े दे समान पराने होई जाघन,

12 ते तू उन्हें चादर आले लेखे लपेट्गा, ते ओह कपड़े दे समान बदली जाघन: लेकन तू उए ऐ ते तेरे सालें दा अंत नेई होग।"

13 ते सुर्गदुतें बीचा ओस ने कुस कन्ने कोले आख्या, "तू मेरे सज्जे बैठ, जेस ले तकर के मैं तेरे बैरियें गी तेरे पैरें दे थले दी पीढ़ी नेई करी देयां?"

14 के ओह सारे सेवा अप्पुं करने आलियां आत्मां नेई, जेड़ीयां उद्धार पाने आले आस्ते सेवा करने गी पेजी जांदियां न ?

2 इसे कारण चाहिदा के आस उन गल्लें उप्पर जेडियां असें सुनी दियां न, और भी मन लाचे, ऐसा नी ओए के बहकिये उंदे कोलां दूर चली जाचे। 2 की वे जेड़ा बचन भविष्यवक्तें दे द्वारा आखा गया हा। जेस ले ओह टिके रेया ते हर इक अपराध ते आज्ञा ना मनने दा ठीक ठीक बदला मिलया, 3 ते आस लोग ऐसे बड्डे उद्धार कोलां निश्चिन्त रेइयै किय्यां बची सकदे ? जेस दी चर्चा पहले पहल प्रभु दे द्वारा ओई, ते सुनने आलें दे द्वारा असें एस दा निश्चय ओया। 4 ते कन्ने गै परमातमा भी अपनी मर्जी दे मताबक चिन्नों, ते अद्भुत कम्मं, ते बख बख शक्ति दे कम्मं, ते पवित्र आत्मा दे वरदानें दे बंडने दे द्वारा एस दी गुआई दिंदा रेया

5 ओस ने ओस आने आले जगत गी जेस दी चर्चा आस करा करनेयान, सुर्गदुतें दे अधीन ना किता।

6 बरना कुसे ने कुते ए गुआइ दिती ऐ, "इनसान के ऐ की तू ओस दी सुधि लेना ऐ ? जां इनसान दा पुत्तर के ऐ के तू ओस दी चिंता करना ऐ ?

7 तो उसी सुर्गदुतें कोलां किश गै कट्ट किता; तो ओस उप्पर महिमा ते आदर दा मुकुट रखया, ते उसी अपने हत्थें दे कम्मं उप्पर अधिकार दिता।

8 तो सारा किश ओस दे पैरें दे थले करी दिता।" इसे आस्ते जेस ले की ओस ने सारा किश ओस दे अधीन करी दिता, ते ओस ने किश भी राखी नेई शुडया जेड़ा ओस दे अधीन नेई ओए। लेकन आस अर्यें तकर सारा किश

ओस दे अधीन नेई दिखने। 9 लेकन आस यीशु गी जेड़ा सुर्गदुतें कोलां किश गै कट्ट किता गया हा, मोत दा दुःख चुकने दे कारण महिमा ते आदर दा मुकुट पहिने दे दिखनेयान, तां जे परमातमा दे अनुग्रह कन्ने ओह हर इक इनसान आस्ते मोत दा सुआद चखे। 10 की वे जेस आस्ते सारा किश ऐ ते जेस दे द्वारा सारा किश ऐ, उसी इय्ये अच्छा लगया के जेस ले ओह मते पुत्तरें गी महिमा च पजाए, ते उंदे उद्धार दे कर्ता गी दुःख चुकने आस्ते सिद्ध करै। 11 की वे पवित्र करने आला ते जेड़े पवित्र किते जादे न, सारे इक गै मूल कोलां न; इसे कारण ओह उन्हें प्रा आखने आस्ते नेई लजांदा।

12 ओह आखदा ऐ, "मैं तेरा अपने प्रां गी सुनागा; सभा दे बीच मैं तेरा भजन गागा।"

13 ते फिरी ए, "दिख, मैं उन जागतें सने जेड़े परमातमा ने मीगी दिते।"

14 इसे आस्ते जेस ले के जागत मास ते खून दे भागी न, ते ओह अप्पुं गै उंदे समान उंदा सहभागी ओई गया, तां जे मोत दे द्वारा उसी जीसी मोट उप्पर शक्ति मिली ही, मतलब शैतान गी नकम्मा करी दीयै; 15 ते जिन्ने मोत दे डर दे मारे जीवन भर दासत्व च फसे दे हे, उन्हें शुडाई लै। 16 की वे ओह ते सुर्गदुतें गी नेई बरना अब्राहम दे वंश गी संभालदा ऐ। 17 एस कारण ओस गी चाहिदा हा, के सारियें गल्लें च अपने प्रां दे समान बने; जेस कन्ने ओह उन गल्लें च जेड़ीयां परमातमा कन्ने सम्बन्ध रखदियां न, इक दयालु ते बिश्वासजोग महायाजक बने तां जे लोकें दे पापें आस्ते प्रायश्चित करै। 18 की वे जेस ले ओस ने परीक्षा दी दशा च दुःख चुकया, ते ओह उंदी भी मदद करी सकदा ऐ जिंदी परीक्षा ओंदी ऐ।

3 इसे आस्ते ए पवित्र प्राओ, तुस जेड़े सुर्गीय बुलाहट च भागी ओ, ओस प्रेरित ते महायाजक यीशु उप्पर जिंसी आस अंगीकार

करनेयान, ध्यान करो। 2 ओह अपने नियुक्त करने आले आस्ते बिश्वासजोग हा, जिय्यां मूसा भी परमातमा दे सारे घर च हा। 3 की वे यीशु मूसा कोलां इन्ना बद महिमा दे काबल समझा गया ऐ, जिन्ना के घर दा बनाने आला घर कोलां बद आदर रखदा ऐ। 4 की वे हर इक घर दा कोई ना कोई बनाने आला ओंदा ऐ, लेकन जेस ने सारा किश बनाया ओह परमातमा ऐ। 5 मूसा ते परमातमा दे सारे घर च सेवक दे समान बिश्वासजोग रेया के जेडियां गल्लें दा बर्णन ओने आला हा, उंदी गुआइ दिए। 6 लेकन मसीह दे पुत्र दे समान परमातमा दे घर दे अधिकारी ऐ; ते ओस दा घर आस न, जे आस साहस उप्पर ते अपनी आस दे घमंड उप्पर अंत तकर दृढता कन्ने टिके रोह।

7 इस आस्ते जिय्यां पवित्र आत्मा आखदा ऐ, "जे तुस अज्ज ओस दा शब्द सुनो,

8 ते मन गी कठोर नेई करो, जिय्यां के गुस्सा चड़ाने दे समें ते परीक्षा दे दिन जंगल च किता हा।

9 जित्थें तुंदे बब्ब दादें मीगी जाचिये परखया ते चाली साल तकर मेरे कम्म दिखे।

10 इस कारण मैं ओस समें दे लोकें कन्ने रोएं रेया, ते आख्या, 'इंदे मन म्हेशां भटकदे रोंदे न, ते इन्हें मेरे रस्तें गी नेई पनछानया।'

11 उस बेले मैं गुस्से च आइयै कसम खादी, 'ओह मेरे विश्राम च प्रवेश करी नेई सकघन।'

12 ए प्राओ, चोकस रवो के तुंदे बीच ऐसा बुरा ते अबिश्वासी मन नेई ओए, जेड़ा तुसें जिंदे परमातमा कोलां दूर हटाई लेई जा। 13 बरना जिस दिन तकर अज्ज डा दिन आखा जांदा ऐ, हर दिन इक दुए गी समझांदे रवो, ऐसा नी ओए के तुंदे बीच कोई जन पाप दे छल बीच आइयै कठोर ओई जा।

14 की वे आस मसीह दे भागीदार ओए न, जे आस अपने प्रथम भरोसे उप्पर अंत तकर दृढ़ता कन्ने टिके रोहचे।

15 जिय्यां आखा जांदा ऐ, “जे तुस अज्र ओस दा शब्द सुनो, ते अपने मनं गी कठोर नेई करो, जिय्या गुस्सा चढ़ाने दे समं किता हा।”

16 भला कुंन लोके सुनियै भी गुस्सा चढ़ाया ? के उन्हें सबनी नेई, जेडे मूसा दे द्वारा मिस्र बीचा निकले हे ? 17 ते ओह चाली साल तकर कुंन लोके कन्ने गुस्सा रेया ? के उंदे कन्ने नेई जिन्हें पाप किता, ते उंदे शव जंगल च पेदे रे ? 18 ते ओस ने कुंदे कन्ने कसम खादी के तुस मेरे विश्राम च परवेश करी नेई सकगे ? के सिर्फ उंदे कन्ने नेई जिन्हें आज्ञा नेई मनी ? 19 इस आस्ते आस दिखनेयान के ओह अविश्वास दे कारण परवेश नेई करी सके।

4 इसे आस्ते जेस ले की ओस दे विश्राम च परवेश करने दी प्रतिज्ञा अर्यें तकर ऐ, ते असें डरना चाहिदा एसा नी ओए की तुंदे बीचा कोई जन ओस कोलां दूर रेई जाए। 2 की वे असें उंदे जेया गे सुसमाचार सनाया गया ऐ, लेकन सुनें दे वचन कोलां उन्हें गी किश फायदा नेई ओया; की वे सुनने आलें दे मन बीच बिश्वास कन्ने नेई बैठया।

3 लेकन आस जिन्हें बिश्वास किता ऐ, ओस विश्राम च परवेश करनेयान; जिय्यां ओस आख्या, “मैं अपने गुस्से च कसम खादी के ओह मेरे विश्राम च परवेश करी नेई सकघन।” अगरचे जगत दे बनाने दे समे कोलां ओस दे कम्म पुरे ओई चुकेदे हे।

4 की वे सतवें दिन दे बारे च ओस ने कुत्ते ए आखे दा ऐ, “परमातमा ने सतवें दिन अपने सारं कम्मं गी नपटाइये विश्राम किता।”

5 ते एस जगह फिरी ए आखदा ऐ, “ओह मेरे विश्राम च परवेश नेई करी सकघन।”

6 ते जेस ले ए गल्ल बाकी ऐ के कन्ने बाकी न जेडे ओस विश्राम च ओपवेश करन, ते जिन्हें ओस दा सुसमाचार पैलें सनाया गया उन्हें आज्ञा नेई मनने दे कारण ओस च परवेश नेई किता, 7 इसे आस्ते ओह किसे खास दिन गी ठहराइयै इन्ने दिनें दे बाद दाउद दी कताब च उसी 'आज्ञा दा दिन' आखदा ऐ। जिय्यां पैलें आखा गया, “जे अज्र तुस ओस दा शब्द सुनो, ते अपने मनं गी सख्त नेई करो।”

8 की वे जे यहोशु उन्हें विश्राम च परवेश कराई लेंदा, ते ओस दे बाद दुए दिन दी चर्चा नेई ओदी। 9 इसे आस्ते जानी लो के परमातमा दे लोके आस्ते सब्त दा विश्राम बाकी ऐ; 10 की वे जेस ने ओस दे विश्राम च परवेश किते दा ऐ, ओस ने भी परमातमा दे समान अपने कम्मं गी पूरा करियै विश्राम किता ऐ। 11 इस आस्ते आस ओस विश्राम च परवेश करने दी कोशिश करचे, एसा नी ओए के कोई जन उंदे समान आज्ञा नेई मनियै डीगी पवे। 12 की वे परमातमा दा वचन जिंदा, ते कम्म करने आला, ते हर इक दोधारी तलवार कोलां भी मता चोखा ऐ; ते प्राण ते आत्मा गी, ते गाँठ गाँठ ते गुद्दे गुद्दे गी बख करियै आर पार छेदी दिंदा ते मने दी भावनें ते बचारें गी जाचदा ऐ। 13 सृष्टि दी कोई भी चीज ओस कोलां छुपी दी नेईयै बरना जेस कोलां असें कम्म ऐ, ओस दी अर्खीं दे सामने सारियां चीजां खुलियां ते प्रगट न।

14 इस आस्ते जेस ले साड़ा इन्ना बड्डा महायाजक ए, मतलब परमातमा दा पुत्तर यीशु, ते आओ, आस अपने अंगीकार की मजबूती कन्ने थमी रखचे।

15 की वे साड़ा एसा महायाजक नेईयै जेड़ा साड़ी कमजोरीयें च साड़े कन्ने दुखी नेई ओइ सके; बरना ओह ते सारियें गल्लें च साड़े समान परखा ते गया, तां भी निष्पाप निकलेया। 16 इसे आस्ते आओ, आस अनुग्रह दे सिहांसन दे कोल हियाब बानियै चलचे के साड़े उप्पर दया ओए, ते ओह अनुग्रह ते अनुग्रह पाचे जेड़ा जरूरत दे समं साड़ी मदद करे

5 की वे हर इक महायाजक मनुखें बीचा लेता जांदा ऐ ते मनुखें आस्ते गै, उन गल्लें दे बारे च जेडीयां परमातमा कन्ने समबन्ध रखदियां न, ठहराया जांदा ऐ के भेंट ते पाप बलि चढ़ान। 2 ओह अज्ञानों ते भूले भटके जेया नर्मी कन्ने वयवहार करी सकदा ऐ, इसे आस्ते के ओह अप्पु भी कमजोरी कोलां कीरे दा ऐ। 3 इसे आस्ते उसी चाहिदा के जिय्यां लोके आस्ते उर्यां गै अपने आस्ते भी पाप बलि चढ़ा करन। 4 ए आदर दा पद कोई अपने आप कोलां नेई लेंदा, जेस ले तकर के हारुन जेया परमातमा कोलां ठहराया नेई जा।

5 उर्यां गै मसीह ने भी महायाजक बनने दी बड़ाई अपने आप कोलां नेई लेती, लेकन उसी उसै दिती, जेस ने ओस कन्ने आखेया हा, “तू मेरा पुत्तर ऐ, अज्र मैं गै तुगी पैदा किता ऐ।” 6 इसे चाली ओह दुई जगह भी आखदा ऐ, “तू मलिकिसिदक दी रीती उप्पर म्हेशां आस्ते याजक ऐ।”

7 यीशु ने अपनी शरीर च रोह्हे दे दिनें च उचे शब्द कन्ने पुकारी पुकारी ते अथरुए कन्ने उसी जेड़ा उसी मोती कोलां बचाई सकदा हा, प्रार्थनाएं ते बिनती किती, ते भक्ति दे कारण ओस दी सुनी गई।

8 पुत्तर ओने उप्पर भी ओस ने दुःख चुकी चुकिये आज्ञा मनना सिखया, 9 ते सिद्ध बनिये, अपने सारं आज्ञा मनने आले आस्ते सदा काल दे उद्धार दा कारण ओई गया, 10 ते उसी परमातमा कोलां मलिकिसिदक दी रीती उप्पर महायाजक दा पद मिलया।

11 एस दे बारे च असें मती सारीं गल्लां आखनियान, जिंदा समझाना भी मुश्कल ऐ, एस आस्ते के तुस उचा सुनना लगे ओ। 12 समं दे बचार कन्ने ते तुसें गुरु ओई जाना चाहिदा हा, तां भी ऐ जरूरी ओई गेदा ऐ के कोई तुसें परमातमा दे वचनां दी आदि शिक्षा फिरी सखाए। तुस ऐसे ओई गेदे ओ के तुसें अन्न दे बदले अर्यें तकर दुद्ध गै चाहिदा। 13 की वे दुद्ध पिने आले बच्चे गी धर्म दे वचन दी पनछान नेई ओदी, की वे ओह बालक न। 14 लेकन अनाज सैनें आस्ते ऐ, ज्ञानेन्द्रियां बयास करदे करदे भले बुरे च भेद करने च माहिर ओई गेदियां न।

6 इसे आस्ते आओ मसीह दी शिक्षा दी शुरू दियां गल्लें गी शुडीयै आस सिधता दी बखी अगें बददे जाचे, ते मरे दे कम्मं कोलां मन फराने, ते परमातमा उप्पर विश्वास करने, 2 ते बपतिस्मों ते हत्थ रखने, ते मरें दे जिंदा ओने, ते आखर न्याय दी शिक्षा रूपी नीव फिरी नेई पान। 3 जे परमातमा चाह्ये ते आस इय्ये करगे। 4 की वे जिन्हें इक बार लो पाई ऐ, ते जेडे सुर्ग दे बरदान सुआद चखी चुके दे न ते पवित्र आत्मा दे इस्से दार ओई चुके दे न, 5 ते परमातमा दे उतम बचन दा ते आने आले जुग दी शक्ति दा सुआद चखी चुके दे न, 6 जे ओह पटकी जान ते उन्हें मन फराने आस्ते फिरी उन्हें नमा बनाना मुश्कल ऐ; की वे ओह परमातमा दे पुत्तर गी अपने आस्ते फिरी क्रूस उप्पर चढ़ां दे न ते प्रगट च ओस उप्पर कलंक लां दे न।

7 की वे जेडी जमीन बरखा दे पानी गी, जेड़ा ओस उप्पर बार बार पोंदा ऐ, पीये जिन्हें लोके आस्ते ओह राई बाई जांदा ऐ उंदे कम्म दा साग पात उपजांदा ऐ, ओह परमातमा कोलां आशीष पांदा ऐ। 8 लेकन जे ओह चाड़ी ते ऊंटकटारे उगांदा ऐ, ते नकम्मी ते श्रापित ओने उप्पर ऐ, ते ओस दा अंत जलाया जाना ऐ।

9 लेकन ए प्यारो, अगरचे आस ऐ गल्ल आखनेयान तां भी तुंदे बारे च आस एस कोलां अच्छी ते उद्धार आलीं गल्लें दा परोसा करनेयान। 10 की वे परमातमा अन्यायी नेईयै के तुंदे कम्म, ते ओस प्रेम गी पुली जा, जेड़ा तुसें ओस दे ना आस्ते एस रिती कन्ने दसया, के पवित्र लोके दी सेवा किती ते और भी करा करदे ओ। 11 लेकन आस मता चानेयां के तुंदे बीचा हर इक अंत तकर पूरी आस आस्ते इय्ये जेयी गै कोशिश करदा रवे। 12 तां जे तुस सुस्त ना ओई जाओ, बरना उंदी नकल करो जेडे बिश्वास ते धीरज दे द्वारा दावें दे वारिस ओं दे न।

13 परमातमा ने अब्राहम कन्ने दावा करदे बेले जेस ले कसम खाने आस्ते किसे गी अपने कोलां बड्डा ना पाया, ते अपनी गै कसम खाइयै आख्या, 14 “मैं सचें गै तुसें मती आशीष देगा, ते तेरी संतान गी बदांदा जागा।” 15 ते एस रिती कन्ने ओस धीरज धरियै दावा किती दी गल्ल आसल किती। 16 मनुख ते अपने कोलां किसे बड्डे दी कसम खाया करदे न, ते उंदे हर इक मुकद्दमे दा फैसला कसम कन्ने पक्का ओंदा ऐ। 17 इसे आस्ते जेस लै परमातमा ने दावा दे वारसें उप्पर ओर भी साफ रिती कन्ने प्रगट करना चाया के ओस दा उद्देश्य बदल नेई सकदा, ते कसम गी बीच लेई आंदा। 18 तां जे दो बे बदल गल्लें दे द्वारा, जिंदा बारे च परमातमा दा झूठा ठहरना नामुकिन ऐ, मजबूती कन्ने साड़ा दाढस बनोई जाए, जेडे शरण लेने गी इस आस्ते दोड़े न के ओस आस गी जेडी सामने रखी गेदी ऐ आसल करचे। 19 ओह आस साड़े प्राण आस्ते एसा लंगर ऐ जेड़ा अटल ते मजबूत ऐ, ते पर्दे दे बीच तकर पुजदा ऐ, 20 जित्थें यीशु ने मलिकिसिदक दी रीती उप्पर म्हेशां दा याजक बनियै, साड़े आस्ते अगुआ दे रूप बीच परवेश किता ऐ।

7 ए मलिकिसिदक शालोम दा राजा, ते परमप्रधान परमात्मा दा याजक, म्हेशां याजक बना रोंदा ऐ। जेस ले अब्राहम राजें गी मारियें बापस ओंदा जांदा हा, ते इसै ओस कन्ने मुलाकात करियें उसी आशीष दिती। 2 इसी गै अब्राहम ने सारियां चीजां दा दसमा इस्सा भी दिता। ए पैलें अपने नां दे अर्थ दे मताबक, धर्म दा राजा, ते फिरी शालें मतलब शान्ति दा राजा ऐ। 3 जेस दा ना पिता, ना मा, ना बैस्सावली ऐ, जेस दे दिनें दा ना आदि ऐ ते ना जीवन दा अंत ऐ; लेकन परमात्मा दे पुत्तर दे स्वरूप ठहरियें ओह म्हेशां आस्ते याजक बना रोंदा ऐ।

4 हून एस उप्पर त्यान करो के ओह कैसा महान हा जीसी कुलपति अब्राहम ने लूटियें अच्छे कोलां अच्छे माल दा दसमा इस्सा दिता। 5 लेवी दी संतान बीचा जेड़े याजक दा पद पांदा न, उन्हें आज्ञा मिलीयें के लोकें, मतलब अपने प्रां कोलां, पामें ओह अब्राहम दे शरीर कोलां की नी जम्मे दे ओन, व्यवस्था दे मताबक दसमा इस्सा लेंन। 6 लेकन एस ने जेड़ा उंदी बैस्सावली दा भी नेई हा, अब्राहम कोलां दसमा इस्सा लेता, ते जिसी प्रतिज्ञाएं मिलीदी हियां उसी आशीष दिती। 7 एस च शक नेई के निक्का बड्डे कोलां आशीष पांदा ऐ। 8 ते इत्थें ते मरने आले मनुख भी दसमा इस्सा लेंदे न, लेकन उत्थें उए लेंदा ऐ जेस दी गुआइ लेती जांदी ऐ के ओह जिंदा ऐ। 9 ते आस ए भी आखी सकने न के लेवी ने भी, जेड़ा दसमा इस्सा लेंदा ऐ, अब्राहम दे द्वारा दसमा इस्सा दिता। 10 की के जेस समें मलिकिसिदक ने ओस दे पिता कन्ने मुलाकात किती, ओस बेले ओह अपने पिता दे शरीर च हा।

11 जे लेवीय याजक औंदा दे द्वारा सिद्धि आसल ओई सकदी (जेस दे सारें लोकें गी वयवस्था मिली ही) ते फिरी के जरूरत ही के दुआ याजक मलिकिसिदक दी रिती उप्पर खड़ा ओए, ते हारून दी रिती दा ना ओए।

12 की के जेस ले याजक दा औंदा बदला जांदा ऐ, ते व्यवस्था दा भी बदलना जरूरी ऐ। 13 की के जेस दे बारे च ए गल्लां आखियां जांदियां न के ओह दुए गोत्र दा ऐ, जेस बीचा किसे ने वेदी दी सेवा नेई किती, 14 ते प्रगत ऐ के साड़ा प्रभु यहूदा दे गोत्र बीचा सामने आया ऐ, ते एस गोत्र दे बारे च मूसा ने याजक औंदा दी किश चर्चा नेई किती।

15 साड़ा दावा और भी साफ़ साफ़ प्रगत ओई जांदा ऐ, जेस ले मलिकिसिदक जेया इक और याजक पैदा ओई जांदा ऐ, 16 जेड़ा शरीर दी आज्ञा दे मताबक नेई, लेकन ना खत्म ओने आले जीवन दी शक्ति दे मताबक नियुक्त ओए दा ओए।

17 की के ओस दे बारे च ए गुआइ दिती गेदी ऐ, “तू मलिकिसिदक दी रिती उप्पर जुगानुजुग याजक ऐ।”

18 एस चाली, पैली आज्ञा कमजोर ते अप्फल होने दे कारण लुप ओई गई। 19 (इसे आस्ते के वयवस्था ने किसे गल्ल दी सिद्धि नेई किती), ते ओस दी जगह उप्पर इक ऐसी उतम आस रखी गेदी ऐ जेस दे द्वारा आस परमात्मा दे कोल जाई सकने न। 20 मसीह दी नियुक्ति बगैर कसम दे नेई ओई, 21 की के ओस बगैर कसम दे याजक ठहराए गे लेकन ए कसम दे कन्ने ओस कोलां नियुक्त किता गया जेस ने ओस दे बारे च आखया, “प्रभु ने कसम खादी, ते ओह ओस लेई फिरी नेई पछताग के तू जुगानुजुग याजक ऐ।”

22 एस चाली यीशु इक उतम वाचा दा जामन ठहरया।

23 ओह ते बड़ी बड्डी गिनती च याजक बनदे आए, एस दा कारण ए हा के मोत उन्हें रैना नेई दिंदी ही; 24 लेकन ए जुगानुजुग रेंदा ऐ, एस कारण ओस दा याजक औंदा अटल ऐ। 25 इसे आस्ते जेड़े ओस दे द्वारा परमात्मा दे कोल आंदा न, ओह उंदा पूरा पूरा उद्धार करी सकदा ऐ, की के ओह उंदा आस्ते बिनती करने आस्ते म्हेशां जिंदा ऐ।

26 इस आस्ते ऐसा गै महायाजक साड़े जुगा हा जेड़ा पवित्र, ते निष्कपट, ते साफ़, ते पापियें कोलां बख, ते सुरग कोलां भी उच्चा किता ओए। 27 उन महायाजकें जेया उसी जरूरत नेईयें के हर रोज पैलें अपने पापें ते फिरी लोकें दे पापें आस्ते कुर्बानी चड़ा; की के ओस ने अपने आप गी कुर्बान करियें उसी इक गै बारी च पूरा करी दिता। 28 की के वयवस्था दे साफ़ मनुखें गी महायाजक नियुक्त करदी ऐ, लेकन ओस कसम दा वचन, जेड़ी वयवस्था दे बाद खादी गई, ओस पुत्र गी नियुक्त करदा ऐ जेड़ा जुगानुजुग आस्ते नियुक्त किता गया ऐ।

8 हून जेड़ीयां गल्लां अस आखा ने न उंदा बीचा सबनी कोलां बड्डी गल्ल ऐ के साड़ा ऐसा बड्डा महायाजक ऐ, जेड़ा सुरग उप्पर महामहिमन दे सिहांसन दे सज्जे जाई बैठ्या ऐ, 2 ते पवित्र जगह ते सच्चे तम्बू दा सेवक ओया जिसी किसे मनुख ने नेई, बरना प्रभु ने खड़ा किता ऐ। 3 की के हर इक महायाजक मुलाकात ते बलिदान चड़ाने आस्ते ठहराया जांदा ऐ, एस कारण जरूरी ऐ के एस याजक दे कोल भी किश चड़ाने आस्ते ओए। 4 जे ओह धरती उप्पर ओंदा ते कर्दे याजक नेई ओंदा, इसे आस्ते के वयवस्था दे मताबक भेंट चड़ाने आले ते ऐन। 5 ओह सुरग दी चीजें दे प्रतिरूप ते परछाई दी सेवा करदे न; जिय्यां मूसा तम्बू बनाने उप्पर हा, ते उसी ए चतावनी मिली, “दिख, जेड़ा नमूना तुगी पहाड़ उप्पर दसया गया हा, ओस दे मताबक सारा किश बनाया।”

6 लेकन उन याजकें कोलां बद सेवा यीशु गी मिली की के ओह और भी उच्ची वाचा दा मध्यस्थ ठहरया, जेड़ी ओह और भी उतम प्रतिज्ञाएं दे सारे बन्नी गइयां न।

7 की के जे पैली वाचा नर्दोश ओंदी, ते दुई आस्ते समां नेई टुंडया जांदा।

8 लेकन ओह उंदा उप्पर दोष लाइयें आखदा ऐ, “प्रभु आखदा ऐ दिखो, ओह दिन आंदा न के मैं इस्राएल दे घराने कन्ने, ते यहूदा दे घराने कन्ने नमीं वाचा बनगा।

9 ए ओस वाचा दे समान नेई ओग, जेड़ी मैं उंदा बब्ब दादें कन्ने ओस समें बनी ही, जेस ले मैं उंदा हत्थ पकड़ीयें उन्हें मिस्त्र मुल्क बीचा कड्डी लेई आया; की के ओस मेरी वाचा उप्पर टिके नेई रे, इसे आस्ते मैं उंदा सुध नेई लेती, प्रभु इय्ये आखदा ऐ।

10 फिरी प्रभु आखदा ऐ, के जेड़ी वाचा मैं उनें दिनें दे बाद इस्राएल दे घराने कन्ने बनगा, ओह ए ऐ के मैं अपनी वयवस्था गी उंदा मने च पागा, ते उसी उंदा दिलें उप्पर लिखगा, ते मैं उंदा परमात्मा ठहरगा ते ओह मेरे लोग ठहर घन।

11 ते हर इक अपने मुल्क आले गी ते अपने प्रा गी ए शिक्षा नेई देग, के तू प्रभु गी पनछान, की के निक्के कोलां बड्डे तकर सारे मिगी जानी लेघन।

12 की के मैं उंदा अधर्म दे बारे च दयावंत ओगा, ते उंदा पापें गी फिरी याद नेई करगा।”

13 नमीं वाचा दी स्थापना कोलां ओस ने पैली वाचा गी परानी ठहराई दिता; ते जेड़ी चीज परानी ते जीर्ण ओइ जांदी ऐ ओस दा मिटी जाना जरूरी ऐ।

9 ओस पैली वाचा च भी सेवा दे कनून हे, ते ऐसी पवित्र जगह ही जेड़ी एस संसार दी ही। 2 की के इक तम्बू बनाया गया, पैले तम्बू च दीवट, ते टेबल, ते भेंट दी रुट्टीयां हियां; ते ओह पवित्र जगह आखी जांदी ऐ। 3 दुआ, पर्दे दे पीछें ओह तम्बू हा, जेड़ा परम पवित्र थार आखा जांदा ऐ। 4 ओस च सुन्ने दी धूपदानी, ते चोनीं बखी सुन्ने कन्ने मढ़े वा वाचा दा संदुख ते एस च मन्ना कन्ने परीएदा (प्रोचेदा) सुन्ने दा मर्तबान ते हारून दी सोटी जेस च फूल फल आई गे हे ते वाचा दी पट्टियां हियां। 5 ओस दे उप्पर दोनों तेजोमय करुब हे, जेड़े प्रायश्चित दे टकने कन्ने छां किते दे हे; इंदा इक इक करियें वर्णन करने दे समां नेइयें।

6 ए चीजां एस रिती कन्ने तयार ओई चुकियां। ओस पैले तम्बू च याजक हर समें परवेश करियें सेवा दे कम्म संपन करदे न, 7 लेकन दुए च सिर्फ महायाजक साले दे इक बार गै जांदा ऐ, ते बगैर खून लेते दे नेई जांदा; जिसी ओह अपने आस्ते ते लोकें दी भूल चुक आस्ते चढ़ांदा ऐ। 8 एस कन्ने पवित्र आत्मा इय्ये दसदा ऐ के जेस ले तकर पैला तम्बू खड़ोते दा ऐ, उस बेले तकर पवित्र आत्मा डा रस्ता प्रगत नेई ओया। 9 ए तम्बू हून दे समें आस्ते इक दृष्टांत ऐ; जेस च ऐसी भेंट ते बलिदान चढ़ाए जांदे न, जेस कन्ने अराधना करने आलें दे बवेक सिद्ध नेई ओई सकदे। 10 की के ओह सिर्फ खाने पिने दी चीजें ते पांति पांति दे स्नान बिधियें दे आधार उप्पर शरीर दे निजम न, जेड़े सधार दे समें तकर लेई नियुक्त किते गेदे न।

11 लेकन जेस ले मसीह आनेआली अच्छी अच्छी चीजें दा महायाजक ओइयें आया, ते ओस ने और भी बड़े ते सिद्ध तम्बू कोलां ओइयें, जेड़ा हत्थ दा बनाए दा नेई मतलब एस सृष्टि दा नेई, 12 ते बकरें ते बछड़ें दा खून दे द्वारा नेई लेकन अपने गै खून दे द्वारा, इक गै बार पवित्र जगह च परवेश किता ते म्हेशां दा छुटकारा आसल किता। 13 की के जेस ले बकरें ते दांदां (टगो) दा

खून ते कलोर दी सुआ (राख) दा अपवित्र लोकें उप्पर छिड़कना शरीर दे साफ़ ओने आस्ते उन्हें पवित्र करदा ऐ, 14 ते मसीह दा खून जेस ने अपने आप गी सनातन आत्मा दे द्वारा परमातमा अगें नदोश चढ़ाया, तुं दे बवेक गी मेरे दे कम्मं बीचा की नी साफ़ करग तां जे तुस जिंदे परमातमा दी सेवा करो।

15 इसे आस्ते ओह नमी वाचा दा मझाटला (मध्यस्थ) ऐ, तां जे ओस दी मोत दे द्वारा जेड़ी पैली वाचा दे समें दे पापें कोलां छुटकारा पाने आस्ते ओई ऐ, बलाए दे लोग प्रतिज्ञा (दावे) दे मताबक म्हेशां दी जैदाद दी आसल करचे। 16 की वे जित्थें वाचा बन्नी गई ऐ उत्थें वाचा बनने आले दी मोत दा भी समझना जरूरी ऐ। 17 की के ऐसी वाचा मरने उप्पर पक्की ओंदी ऐ, ते जेस ले तकर वाचा बनने आला जिंदा रेंदा ऐ उस बेले तकर वाचा कम्म दी नेई ओंदी। 18 इसे आस्ते पैली वाचा भी बगैर खून दे नेई बन्नी गई। 19 की के जेस ले मूसा सबनी लोकें गी व्यवस्था दी हर इक आज्ञा सनाई चुकया ते ओस ने बछड़े ते बकरें दा खून लेइयै, पानी ते लाल ऊन ते जुफा दे कन्ने, ओस कताब उप्पर ते सारें लोकें उप्पर छिड़की दिता 20 ते आखया, "ए ओस वाचा दा खून ऐ, जेस दी आज्ञा परमातमा ने तुं दे आस्ते दिती ऐ।" 21 ते इसे रिती कन्ने ओस ने तम्बू ते सेवा दे सारे समान उप्पर खून छिड़कया। 22 सच ते ए ऐ के व्यवस्था दे मताबक लगभग सारीं चीजां खून दे द्वारा साफ़ किती जांदियां न, ते बगैर खून रोढ़े दे पापें दी माफ़ी नेइयै।

23 इसे आस्ते जरूरी ऐ के सुर्ग दी चीजें दे प्रतिरूप इन कुर्बानियें दे द्वारा साफ़ किते जाह, लेकन सुर्ग दी चीजां अप्पुं इंदे कोलां बड्डे (उत्तम) बलिदानें दे द्वारा साफ़ किती जांदियां। 24 की के मसीह ने ओस हत्थे दे बनाए दे पवित्र थार च, जेड़ा सच्चे पवित्र थार दा नमूना ऐ, परवेश नेई कित्ता लेकन सुर्ग बीच गै परवेश कित्ता, तां जे साड़े आस्ते अज्ञ परमातमा दे सामने लबे। 25 ऐ नी के ओह अपने आप गी बार बार चढ़ाए, जिय्यां के महायाजक हर साल दुए दा खून लेइयै पवित्र थार च परवेश करदा ऐ, 26 नेई तां संसार दे बनाने कोलां लेइयै उसी बार बार दुःख चुकना पोंदा; लेकन हून जुग दे आखर च ओह इक गै बार प्रगट ओया ऐ, तां जे अपनी गै कुर्बानी दे द्वारा पाप गी दूर करी दियै। 27 ते जिय्यां मनुखें आस्ते इक बार मरना ते ओस दे बाद न्याय दा ओना नियुक्त ऐ, 28 उय्यां गै मसीह भी मर्ते दै पापें गी चुकी लेने आस्ते इक बार कुर्बान ओया; ते जेड़े लोग ओस दा इंतजार करदे न उंदे उद्धार आस्ते दुई बार बगैर पाप चुके दे लबगा।

10 की के व्यवस्था, जेस च आने आली अच्छी चीजें दी छां ऐ लेकन उंदा असली रूप नेई, इसे आस्ते उन इक चाली दे बरदानें दे द्वारा जेड़े हर साल पक्के तोरे पर चढ़ाए जांदे न, कोल आने आलें गी कदं भी सिद्ध नेई करी सकदी। 2 नेई ते उंदा चढ़ाना बंद की नी ओई जांदा ? इसे आस्ते जेस ले सेवा करने आले इक गै बार साफ़ ओई जांदे, ते फिरी उंदा बवेक उन्हें पापी नेई ठहरांदा। 3 लेकन उंदे द्वारा हर साल पापें दी यादगिरी ओआ करदी ऐ। 4 की के ए अनहोना ऐ के बैलें (दां दे) ते बकरें दा खून पापें गी दूर करे।

5 इसे कारण ओह संसार च ओंदे समें आखदा ऐ, "कुर्बानी ते भेंट तू नेई चाई, लेकन मेरे आस्ते इक शरीर तेयार कित्ता।

6 होम बलियों ते पाप बलियें कन्ने तू खुश नेई ओया।

7 उस बेले मैं आखया, 'दिख, मैं आई गेदा ऐ, पवित्र शास्त्र च मेरे बारे च लिखे गेदा ऐ, तां जे ए परमातमा, तेरी मर्जी पूरी करां।"

8 उप्पर ते ओह आखदा ऐ, "ना तू कुर्बानी ते भेंट ते होम बलियें ते पाप बलियें चाया, ते ना उंदे कन्ने खुश ओया," अगर चे ए कुर्बानियां व्यवस्था दे मताबक चढ़ाई जांदियां न। 9 फिरी ए भी आखदा ऐ, "दिख, मैं आई गेदा ऐ, तां जे तेरी मर्जी पूरी करां," इस आस्ते ओह पैलें गी चुकी लेंदा ऐ, तां जे दुए गी नियुक्त करै। 10 उसे मर्जी कन्ने आस यीशु मसीह दे शरीर दे इक गै बार कुर्बानी चढ़ाए जाने दे द्वारा पवित्र किते गेदे न।

11 हर इक याजक ते खडोइयै हर रोज सेवा करदा ऐ, ते इक गै चाली दे बलिदान गी जेड़े पापें गी कदं भी दूर नेई करी सकदे, बार बार चढ़ांदा ऐ। 12 लेकन ओह मनुख ते पापें दे बदले इक गै बलिदान म्हेशां आस्ते चढ़ाइयै परमातमा दे सज्जे जाई बैठया, 13 ते उसे समें कोलां एस दा इंतजार करा करदा ऐ, के ओस दे बैरी ओस दे पैरें दे थले दी पीढी बने। 14 की के ओस ने इक गै चढ़ावे दे द्वारा उन्हें जेड़े पवित्र किते जांदे न, म्हेशां आस्ते सिद्ध करी

दिता ऐ। 15 ते पवित्र आत्मा भी असें इय्ये गुआई दिंदा ऐ; की के ओस ने पैले आखया हा,

16 "प्रभु आखदा ऐ के जेड़ी वाचा मैं उन दिनें दे बाद उंदे कन्ने बनगा ओह ए ऐ के मैं अपने निजमें गी उंदे दिले उप्पर लिखगा ते मैं उंदे बवेक च पागा।"

17 फिरी ओह ए आखदा ऐ, "मैं उंदे पापें गी ते उंदे अधर्म दे कम्मं गी फिरी कदं याद नेई करगा।"

18 ते जेस ले इंदी माफ़ी ओई गेइ ऐ, ते फिरी पाप दा बलिदान नेई रेया।

19 इसे आते ए प्राओ, जेस ले असें यीशु दे खून दे द्वारा ओस नमें ते जिंदे रस्ते कोलां पवित्र थार च परवेश करने हयाब ओई गेदा ऐ, 20 जेड़े ओस ने परदे, मतलब अपने शरीर कोलां ओइयै, साड़े आस्ते अभिषेक कित्ता ऐ, 21 ते इसे आस्ते के साड़ा ऐसा महान याजक ऐ, जेड़ा परमातमा दे घर दा अधिकारी ऐ, 22 ते आओ, आस सचे मन, ते पुरे बिश्वास कन्ने, ते बवेक दा दोष दूर करने आस्ते दिले उप्पर छिड़काव लेइयै, ते शरीर गी साफ़ पानी कन्ने तुआइयै परमातमा दे कोल जाचे। 23 आओ आस अपनी आस दे अंगीकार गी मजबूती कन्ने थमें रोचे, की वे जेस ने दावा किते दा ऐ, ओह सच्चा ऐ, 24 ते प्रेम, ते भले कम्मं च उस्काने आस्ते आस इक दुए दा फिकर करदे रेना, 25 ते इक दुए दे कन्ने कितठा ओना नेई छडचे, जिय्यां के कित्ते दी रिती ऐ, लेकन इक दुए गी समजांदे रोचे; ते जिय्यां जिय्यां ओस दिन गी कोल ओंदे दिखो उस चाली और भी मता ए करा करो।

26 की के सचाई दी पनछान आसल करने दे बाद के आस जानी बुझीयै पाप करदे रोचे, ते पापें आस्ते फिरी कोई बलिदान बाकी नेईयै। 27 आं, दंड दा इक खतरनाक इंतजार करना ते अग्नी दा जबलन बाकी ऐ जेड़ा बरोधीयें गी खत्म करी देगा। 28 जेस ले मुसा दी व्यवस्था दा नेई मनने आला, दों जां तीन जनें दी गुआइ उप्पर, बगैर दया दे मारी दिता जांदा ऐ, 29 ते सोची लेओ के ओह कित्ते और भी पारी दंड दे जुगा ठहरग, जेस ने परमातमा दे पुतर गी पैरें कन्ने रोंदया ते वाचा दे खून गी, जेस दे द्वारा ओह पवित्र ठहराया गया हा, अपवित्र जानया ऐ, ते अनुग्रह दी आत्मा दी बेशती कित्ती। 30 की के आस जाननेयां न, जे ने आखया, "पलटा लेना मेरा कम्म ऐ, मैं गै बदला देगा।" ते फिरी ऐ, के "प्रभु अपने लोकें दा न्याय करगा।" 31 जिंदे परमातमा दे हत्थें च पोना खतरनाक गल्ल ऐ।

32 लेकन उन पिछले दिनें गी याद करो, जींदे च तुस लो पाइयै दुखें दे बड़े संघर्ष च टिके रे। 33 कदं कदं ए के जिय्यां के तुस निंदा ते क्लेश सँदे ओई तमाशा बने, ते कदं इय्यां के तुस उंदे साझी ओए जिंदी दुर्दशा कित्ती जांदी ही। 34 की के तुस कैदियें दे दुःख च भी दुखी ओए, ते अपनी सम्पत्ति भी आनद कन्ने लुटने दिती; ए जानियें के तुं दे कोल इक और भी उतम ते म्हेशां ठहरने आली संपत्ति ऐ। 35 इसे आस्ते अपनी इम्मत नी छोड़ो की के स दा प्रतिफल बड्डा ऐ। 36 की के तुस सबर करना जरूरी ऐ, तां जे परमातमा दी इच्छा गी पुरी करियै तुस दावे दा फल पाओ।

37 "की के हून मता गै थुड़ा समें रेदा ऐ जेस ले आने आह्ग ते देर नी करगा।

38 लेक मेरा धर्मी जन बिश्वास कन्ने जिंदा रोग, ते जे ओह पीछें अटी जाग ते मेरा मन ओस कन्ने खुश नेई ओगा।"

39 लेकन आस अटने आले नेई के नाश ओई जाचे लेकन बिश्वास करने आले न के प्रानें गी बचावे।

11 हून बिश्वास आस कित्ती दी चीजें जरूरी, ते बगैर दिखी दी चीजें दा प्रमाण ऐ। 2 की के इसे दे बारे च प्राचिनें दी अच्छी गुआइ दिती गई।

3 बिश्वास कन्ने गै आस जानी लेने न के साड़ी सृष्टि दी रचना परमातमा दे वचन दे द्वारा ओई ऐ। लेकन ए नेई के जे किश दिखने च आंदा ऐ, ओह दिखी दी चीजें कन्ने बने दा ओए।

4 बिश्वास कन्ने गै हाबिल ने कें कोलां उत्तम बलिदान चढ़ाया, ते उसे दे द्वारा ओस दे धर्मी ओने दी गुआइ भी दिती गई, की के परमातमा ने ओस दी भेंट दे बारे च गुआइ दिती; ते उसे दे द्वारा ओह मरने उप्पर भी अय्यें तकर गल्लां करदा ऐ। 5 बिश्वास कन्ने गै हनोक चुकी लेता गया के मोत गी नेई दिखे, ते ओस दा पता नेई मिलया की के परमातमा ने उसी चुकी लेता हा, ते ओस दे चुके जाने कोलां पैलें ओस दी ए गुआइ दिती गई ही के के ओस ने परमातमा गी खुश कित्ता ऐ। 6 ते बिश्वास बगैर उसी खुश करना अनहोना ऐ (मुश्कल) ऐ; की के परमातमा दे कोल आने आले गी बिश्वास करना चाइदा के

ओह ऐ, ते अपने टूंडने आलें गी प्रतिफल दिंदा ऐ। 7 बिश्वास कन्ने गै नुह ने उन गल्लें दे बारे च जेड़ीयां ओस समें नेई लबदीयां हियां, चतावनी पाईयै पगति कन्ने अपने घराने दे बचाव आस्ते जाज बनाया, ते ओस धर्म दा वारस ओया जेड़ा बिश्वास कन्ने ओंदा ऐ।

8 बिश्वास कन्ने गै अब्राहम जेस ले बलाया गया ते आज्ञा मनियै ऐसी जगह निकली गया जिसी जैदाद च लेने आला हा; ते ए नेई जानदा हा के मैं कुत्थें जना ऐ, तां भी निकली गया। 9 बिश्वास कन्ने गै ओस ने दावा किते दे मुल्क च, पराए मुल्क च परदेसी जेया, रेइयै इसहाक ते याकूब सने, जेड़े ओस दे कन्ने उसे दावे दे वारस हे, तम्बुएं च वास किता। 10 की के ओस ओस टिके दे नींव आले लाके दा इंतज़ार करदा हा, जेस दा रचने आला ते बनाने आला परमातमा ऐ। 11 बिश्वास कन्ने सारा ने अप्पुं बुड़ी ओने उप्पर भी गर्भ तारण करने दी शक्ति पाई, की के ओस दावा करने आले गी सच्चा जाना हा।

12 एस कारण इक गै जन कन्ने, जेड़ा मरे आले जेया हा, अंबर दे तारें ते समुंद्र दे तीर दे रते जेया अनगिनित वंश पैदा ओए।

13 ए सारे बिश्वास दी आलत च मरे; ते उन्हें दावा किती दी चीजां नेई पाइयां, लेकन उन्हें दुरा दिखियै आनंदित ओए ते मनी लेता के आस धरती उप्पर परदेसी ते बार दे न 14 जेड़े ऐसी गल्लां आखदे न, ओह प्रगट करदे न की स्वदेश दी खोज च न। 15 ते जेस देश बीचा ओह निकली आए हे, जे ओस दी सुध करदे ते उन्हें बापस आने दा मोका हा। 16 लेकन ओह इक उत्तम मतलब सुर्गीय देश दे अभिलाषी न; इसे आस्ते परमातमा उंदा परमातमा खुआने च उंदे कोलां नेई शर्म करदा, की के ओस ने उंदे आस्ते इक लाका तयार किता ऐ।

17 बिश्वास कन्ने गै अब्राहम ने, परखे जाने दे समें च, इसहाक गी बलिदान चढ़ाया, ते जेस ने दावें गी सच मने दा हा 18 ते जेस कन्ने ए आखे गेदे हा, "इसहाक कोलां तेरा वंश आखा जाग," उए अपने इकले गी चढ़ाना लगया। 19 की के ओस ने मनी लेता, के परमातमा शक्ति आला ऐ के उसी मरें बीचा जिंदा करै; इसे आस्ते उंदा बीचा गै दृष्टांत दी रिती उप्पर ओह उसी फिरी मिलया। 20 बिश्वास कन्ने गै इसहाक ने याकूब ते एसाब गी आने आलीं गल्लें दे बारे च आशीष दिती। 21 बिश्वास कन्ने गै याकूब ने मरदे समें युसूफ दे दोनीं पुत्रें बीचा इक इक गी आशीष दिती, ते अपनी सोटी दे सिरे उप्पर सारा लेइयै दंडवत किता। 22 बिश्वास कन्ने गै युसूफ ने, जेस ले ओह मरने उप्पर हा, ते इस्त्रैल दी संतान निकलने दी चर्चा किती, ते अपनी अड्डियें दे बारे च आज्ञा दिती।

23 बिश्वास कन्ने गै मूसा दे मां प्यो ने उसी, पैदा ओने दे बाद तिन मिने तक छपाली रखया, की के उन्हें दिखया के बच्चा शैल ऐ, ते ओह राजा दी आज्ञा कोलां नेई डरे। 24 बिश्वास कन्ने गै मूसा ने सयाने ओइये फिरोन दी कुडी दा पुत्तर खुआने कोलां मना किता 25 इसे आस्ते के उसी पाप च थुड़े दिन दा सुख पोगने कोलां परमातमा दे लोकें कन्ने दुःख पोगना मता उत्तम लगया। 26 ओस ने मसीह दे कारण निन्दित ओने गी मिस्त्र दे भंडार कोलां बड्डा धन समझया, की के ओस दी अखियां फल पाने आस्ते लगी दियां हियां। 27 बिश्वास कन्ने गै राजा दे गुस्से कोलां ना डरियै ओस ने मिस्त्र गी छुड़ी दिता, की के ओह अनदिखे गी मनो दिखने आला मजबूत रेया। 28 बिश्वास कन्ने गै ओस ने फसह ते खून छिड़कने दी बिधी मनी, के पहिलोठें दा नाश करने आला इस्राएलीयें उप्पर हत्थ न पाए।

29 बिश्वास कन्ने गै ओह ला समुंद्र दे पार ऐसे उतरी गे, जिय्यां सुकी धरती उपरा; ते जेस ले मिस्त्रियें उर्यां गै करना चाया ते सारे डूबी मरे। 30 बिश्वास कन्ने गै यरीहो दी शैरपना, जेस ले ओह सत दिन तक ओस दा चक्कर लाइ चुके, ते ओह डीगी पेई। 31 बिश्वास कन्ने गै राहाब वेश्या आज्ञा नेई मनने आलें दे कन्ने नाश नेई ओई, इसे आस्ते के ओस भेदियें गी चलाकी कन्ने रखे दा हा।

32 हून और के आखां ? की के समां नेई रेया के गिदोंन दा, ते बाराक ते शिमशोन दा, ते यिफतह दा, ते दाऊद ते शमुएल दा, और भविष्यवक्तें दा बर्णन करां। 33 इन्हें बिश्वास दे गै द्वारा लाके जीते; धर्म दे कम्म किते; दावा किती दियां चीजां आसल कितियां; शेरें दे मुंह बंद किते; 34 अग्गी दी ज्वाला गी ठंडा किता; तलवार दी धारा कोलां बची निकले; कमजोरी च जोरे आले ओए; झगड़े च योदा निकले; विदेशियें दी फोज गी मारी नसाया। 35 जनानियें

अपने मरें गी फिरी जिंदा पाया; किन्ने ते मार खांदे खांदे मरी गे ते छुलकारा नेई चाया, इसे आस्ते के उत्तम पुनरुत्थान दे इस्से दार ओचे। 36 किश ते ठठें च डुआए जाने; ते कोड़े खाने बरना बने जाने, ते कैद च पोने दे द्वारा परखे गे। 37 पथराव किते गे; आरे कन्ने चीरे गे; उंदी परीक्षा किती गेई; तलवार कन्ने मारे गे; ओह कंगालें च, ते क्लेश च, ते दुःख पोगदे ओई पीडडें ते बकरियें दी खलां लेते दे, इधर उधर मारे मारे फिरे; 38 ते जंगलों, ते पाड़ें, ते गुफाएं च, ते धरती दी दरारें च पडकदे फिरे। संसार उंदे जुगा नेई हा।

39 बिश्वास दे गै द्वारा इन सारे दे बारे च अच्छी गुआइ दिती गई, ता भी उन्हें दावा किती दी चीज नेई मिली। 40 की के परमातमा ने साडे आस्ते पैलें दी गे इक उत्तम गल्ल ठहराई, के ओह साडे बगैर सिद्धता गी नेई पुजे।

12 इसे कारण के गुआहें दा ऐसा बड्डा बदल असें गी करे दा ऐ, ते आओ, आस हर इक रोकने आली चीज ते पलचाने आले गी पाप गी दूर करियै, ओह दोड़ जेस च असें दोड़ना ए सबर संदोख कन्ने दोड़चै, 2 ते बिश्वास दे कर्ता ते सिद्ध करने आले यीशु दी बखी तकदे रोचे, जेस ने ओस आनंद आस्ते जेड़ा ओस दे अगें तरा हा, शर्म दा किश फिकर ना करदे कूस दा दुःख सैया, ते परमातमा दे सिहासन दे सज्जी बखी जाई बैठया।

3 इसे आस्ते ओस उप्पर त्यान करो, जेस ने अपने बरोध च पापियें दा इज्ञा बड्डा बरोध सैई लेता के के तुस नराश ओइयै इम्मत नेई छुड़ी देओ। 4 तुसैं पाप कन्ने लडदे ओई ओस कन्ने ऐसी मुठ भेड़ नेई किती के तुंदा खून बगया ओए;

5 ते तुस ओस उपदेश गी, जेड़ा तुसैं पुत्तरें आलें लेखे दिता जांदा ऐ, पुली गे ओ: "ए मेरे पुत्र, प्रभु दी सजह गी अल्की गल्ल न जान, ते जेस ले ओह तुगी द्रडे ते इम्मत ना छोड़।

6 की के ओरभु जेस कन्ने प्रेम करदा ऐ, उसी निखरदा भी ऐ, ते जिसी पुत्र बनाई लेंदा ऐ, उसी कोड़े भी मारदा ऐ।"

7 तुस दुखे गी निखर समझिये सेई लेओ; परमातमा तुसैं पुत्तर जानियै तुंदे कन्ने बताव करदा ऐ। ओह केड़ा पुत्तर ऐ जेस गी पिता नेई निखरदा ऐ ? 8 जे ओ निखर जेस च शामिल सारे ओंदे न, तुदी नेई ओई ते तुस पुत्तर नेई, लेकन व्यभिचारी दी संतान ठैहरे। 9 फिरी जेस ले के साडे संसार दे पिता भी असें निखरदे हे ते असें उंदा आदर किता, ते के आत्मा दे पिता दे और भी अधीन नेई रोचे जेस कन्ने आस जिंदे रोचे। 10 ओह ते अपनी अपनी समझ दे मताबक थुड़े दिन आस्ते निखरदे दे हे, लेकन ओह ते साडे फायदे आस्ते करदा ऐ, के आस भी ओस दी पवित्रता दे भागी ओई जाचे। 11 बर्तमान च हर इक निखर आनंद दी नेईयै, लेकन बसोस दी गै गल्ल लबदी ऐ; तां भी जेड़े उसी सेंदे सेंदे पक्के ओई गेदे न, बाद च उन्हें चैन कन्ने धर्म दा प्रतिफल मिलदा ऐ।

12 इसे आस्ते टीले हत्थें ते कमजोर गोड़ें गी सिधा करो, 13 ते अपने पैरें आस्ते सीधे रस्ते बनाओ के लंगडा पुली नी जा लेकन पला चंगा ओई जा।

14 सारें कन्ने मेल मिलाप रखो, ते ओस पवित्रता दे खोजी ओई जाओ जेस दे बगैर कोई भी प्रभु गी कदें भी नी दिखी सका। 15 त्यान कन्ने दिखदे रवो, ऐसा नी ओए के कोई परमातमा दे अनुग्रह कोलां रेई जाए, जां कोई कोडी जड़ निकलिये दुःख दियै, ते ओस दे द्वारा मते सारे लोग अशुद्ध ओई जान। 16 ऐसा नी ओए के कोई जन व्यभिचारी, एसाव जेया अधर्मी ओए जेस ने इक बार दी रुडी दे बदले अपने पहिलोठे ओने दा ओदा बेची दिता। 17 तुस जानदे ओ के बाद च जेस ले ओस ने आशीष पाना चाई ते अयोग्य गिन्या गया, ते अथरु कडी कडी खोजने उप्पर भी उसी मन दे फिराने दा मोका नेई मिलया।

18 तुस ते ओस पहाड़ दे कोल, जेड़ा छुआ जाइ सकदा हा, ते अग्गी कन्ने प्रज्वलत हा, ते काला बदल, ते न्हेरा, ते अंधी दे कोल, 19 ते तुरही दी ट्यून, ते बोलने आले दे ऐसे शब्द दे कोल नेई आए, जेस दे सुनने आलें बिनती किती के हून साडे कन्ने और गल्लां नेई कितियां जान। 20 की के ओह ओस आज्ञा गी नेई सैई सक्के: "जे कोई डंगर भी पहाड़ गी छुए ते ओस उप्पर पत्थर मारी दिते जान।" 21 ते ओह दर्शन ऐसा डरावना हा के मूसा ने आखया, "मैं मता डरना ते कंबना ऐ।"

22 लेकन तुस सियोन दे पहाड़ दे कोल, ते जिंदे परमातमा दे नगर, सुर्गीय यरूशलेम, दे कोल ते और लखां सुर्गदुतें 23 ते उन पहिलोठें दी आम सभा ते

कलिसिया, जिंदे नां सुर्ग च लिखे दे न, ते सबनीं दा न्यायी परमातमा दे कोल, ते सिध किते धर्मिये दी आत्मां, ²⁴ ते नमीं वाचा दे मध्यस्थ यीशु ते छिड़काव दे ओस खून दे कोल आए ओ, जेड़ा हाबल दे खून कोलां उत्तम गल्लां आखदा ऐ।

²⁵ सावधान रवो, ते ओस आखने आले कोलां मुंह नेई फेरो, कि के ओह लोग जेस ले धरती उप्परा दे चतावनी देने आले कोलां मुंह नेई मोड़ी बची नेई सके, ते आस सुर्ग उप्परा चतावनी देने आले कोलां मुंह मोड़ीये किय्यां बची सकगे ? ²⁶ ओस समें ते ओस दे शब्द ने धरती गी लाइ दिता, लेकन हून ओस ने ए प्रतिज्ञा किली ऐ, "इक बार फिरी मैं ना सिर्फ धरती गी बरना अंबर गी भी लाइ देगा।" ²⁷ ते ए वाक्य 'इक बार फिर' एस गल्ल गी प्रगट करदा ऐ के जेड़ीयां चीजां लाइ जांदियां न, ओह रची दियां ओने दे कारण टली जाघन; तां जे जेड़ीयां चीजां लाइ नेई जांदियां, ओह अटल बनी रोन। ²⁸ एस कारण आस एस राज गी पाइयै जेड़ा इलने आला नेई अहसानमद ओचे, ते भक्ति, ते डर सने परमातमा दी ऐसी अराधना करन जेस कन्ने ओह खुश आंदा ऐ; ²⁹ की के साड़ा परमातमा पस्म करने आली अग ऐ।

13 पाइचारे दी प्रीती बनी रवे। ² परोने दा आदर करना ना पुलना, की के एस दे द्वारा किश लोकें सुर्गदुतें दा अनजाने च आदर सत्कार कित्ता ऐ। ³ कैदिये दी ऐसी सुधि लेओ के मनो के ओ च तुस भी कैद ओ, ते जींदे कन्ने बुरा बर्ताव कित्ता जांदा ऐ, उंदी भी ए समझियै सुधि लिआ करो के साड़ी भी शरीर ऐ। ⁴ ब्याह सारें च आदर दी गल्ल समझी जा, ते ब्याह दा बिस्तर निष्कलंक रवे, की के परमातमा व्यभिचारिये, पराई जनानी गी दिखने आले दा न्याय करगा। ⁵ तुंदा सभाव च लालच नी ओए, ते जे तुंदे कोल ऐ उसे उप्परा संतोष करो; की के ओस ने अप्पुं गै आखे दा ऐ, "मैं तुगी कदें भी नेई छुड़गा, ते ना कदें त्यागगा।" ⁶ इसे आस्ते निडर ओइयै आस आखनेयान, "प्रभु मेरा मददगार ऐ, मैं नेई डरगा; मनुख मेरा के करी सकदा ऐ।"

⁷ जेड़े तुंदे अगुवे हे, ते जिन्हें तुस परमातमा दा वचन सनाया ऐ, उन्हे याद रखो; ते त्यान कन्ने उंदे चाल चलन दा अंत दिखिये उंदे बिश्वास दा अनुकरण करो। ⁸ यीशु मसीह कल ते अज्र ते जुगानुजुग इक जेया ऐ। ⁹ कई किस्म दे विचित्र उपदेशां कोलां ना परमाए जाओ, की के मन दा अनुग्रह कोलां मजबूत

रेना पला ऐ, ना की उन खाने दी चीजे कोलां जींदे कन्ने कम्म रखने आलें गी किश फायदा नी ओया। ¹⁰ साड़ी इक ऐसी वेदी ऐ जेस उप्परा खाने दा अक उन लोकें गी नेई, जेड़े तम्बू दी सेवा करदे न। ¹¹ की के जिनां उंगरें दा खून माहायाजक पाप बलि आस्ते पवित्र जगह च लेई जांदा ऐ, उंदा शरीर छावनी दे बार जाला जांदा ऐ। ¹² इसे कारण, यीशु ने भी लोकें गी अपने गै खून दे द्वारा पवित्र करने आस्ते फाटक दे बार दुःख चुकया। ¹³ इसे आस्ते आओ, ओस दी निंदा अपने उप्परा लेंदे ओई छावनी दे बार ओस दे पार निकली चलचे। ¹⁴ की के जिल्थें साड़ा कोई स्थाई नगर नेई ओए, बरना आस इक आने आले नगर दी तलाश च न। ¹⁵ इसे आस्ते अज्र ओस दे द्वारा स्तुतिरूपी बलिदान, मतलब उन ओठें दा फल जेड़े ओस दे नां दा अंगीकार करदे न, परमातमा गी म्हेशां चढ़ाया करचे। ¹⁶ पलाई करना ते उदारता दसना नेई पुलो, की के परमातमा ऐसे बलिदानें कन्ने खुश आंदा ऐ।

¹⁷ अपने अगुवें दी आज्ञा मनो ते उंदे अधीन रवो, की के ओह उंदे जे तुंदे प्रानें आस्ते जागदे रोदें न जिन्हें लेखा देना पोग; ओह ए कम्म आनंद कन्ने करन, ना के टंडा सा लेई लेईयै, की के एस आलत च तुसं कोई फायदा नेई।

¹⁸ साड़े आस्ते प्रार्थना करदे रवो, की के असें परोसा ऐ के साड़ा बवेक साफ़ ऐ: ते आस साड़ी गल्लें च अच्छी चाल चलना चाने न। ¹⁹ प्रार्थना करने आस्ते मैं तुसं और भी समझाना ऐ के मैं जल्दी तुंदे कोल फिरी आई सकां।

²⁰ हून शान्ति दाता परमातमा, जेड़ा साड़े प्रभु यीशु गी जेड़ा पिड्डें दा महान राखी करने आला ऐ सनातन वाचा दे खून दे गुण कन्ने मरें बीचा जिंदा करीयै लेई आया, ²¹ तुसं हर इक पली गल्ल च सिद्ध करे, जेस कन्ने तुस ओस दी मर्जी पूरी करो, ते जे किश उसी भांदा ऐ उसी यीशु मसीह दे द्वारा साड़े च पैदा करे। उसे दी महिमा जुगानुजुग आंदी रवे। अमीन।

²² ए प्राओ, मैं तुंदे कन्ने बिनती करना ऐ के एस उपदेश दी गल्लें गी सैई लेओ, की के मैं तुसं मता संखेप च लिखा दा ऐ। ²³ तुसं ए याद ओए के तीमुथियुस, साड़ा प्रा बख ओई गेदा ऐ ते जे ओह जल्दी आई गया ते मैं ओस दे कन्ने तुंदे कन्ने मुलाकात करगा।

²⁴ अपने सारें अगुवें ते सारे पवित्र लोकें गी नमस्कार आखो। इटलीआले तुसं नमस्कार आखदे न।

²⁵ तुंदे सारें उप्परा अनुग्रह आंदा रवे। अमीन।

याकूब

1 परमात्मा दे ते ओर प्रभु यीशु मसीह दे नोकर याकूब कोलां उन बारें गोत्रें गी जेड़े तितर बितर ओइयै रोंदे न नमस्कार पुजे।
 2 ए मेरे प्राओ, जेस ले तुस कई किस्म दी परख बीच पवो, ते इसी पुरे आनंद दी गल्ल समझो, 3 ए जानियै के तुंदे बिश्वास दे परखे जाने कन्ने सबर पैदा ओंदा ऐ। 4 लेकन सबर गी अपना पूरा कम्म करना देयो के तुस पुरे ते सिद्ध ओई जाओ, ते तुंदे बीच किसे गल्ल दी भी कटी नई रवे।
 5 लेकन जे तुंदे बीचा किसे गी दमाक दी कटी ओए ते परमात्मा कोलां मंगे, जेड़ा बगैर लामां दिते दे सबनी गी उदारता कन्ने दिंदा ऐ, ते उसी दीता जाग। 6 लेकन बिश्वास कन्ने मंगे, ते किश शक ना करे, की के शक करने आला समुंद्र दी लैरें जेया ऐ जेड़ी अवा कन्ने रुढ्दी ते उछलदी ऐ। 7 ए जेया मनुख ए नई समझे के मीगी प्रभु कोलां किश मिलग, 8 ओह मनुख दुबिधा च पेदा ऐ ते अपनी सारीं गल्लें च चँचल ऐ।
 9 दीन प्रा अपने अपने उच्चे ओदे उप्पर घमंड करे, 10 ते अमीर अपनी नीची आलत उप्पर; की के ओह काअ दे फुल आंघर जांदा रोना। 11 की के सूरज चढ़दे गै कडाके दी तूप पोंदी ऐ ते काअ गी सकाई दिंदी ऐ, ते ओस दा फुल चढ़ी जांदा ऐ ते उदी शोभा जंटी रोंदी ऐ। इसे चाली अमीर भी अपने रस्ते उप्पर चलदे चलदे मिट्टी कन्ने मिली जाग।
 12 धन्न ऐ ओह मनुख जेड़ा परख च टिका रोंदा ऐ, की के ओह खरा निकलियै जिंदगी दा ओह मुकट पाग जेस दी प्रतिज्ञा प्रभु ने अपने प्रेम करने आलें कन्ने किती ऐ 13 जेस ले किसे दी परख ओए, ते ओह ए ना आखे के मेरी परख परमात्मा कोलां ओंदी ऐ; की के ना गै बुरी गल्लें कोलां परमात्मा दी परख ओई सकदी ऐ, ते ना गै ओह किसे दी परख अप्पुं करदा ऐ।
 14 लेकन हर इक मनुख अपनी गै लालसा कन्ने खचोइयै ते फसीयै परख च पोंदा ऐ। 15 फिरी लालसा गर्वभती ओइयै पाप गी जमदी ऐ ते पाप जेस ले बदी जांदा ऐ ते मोत गी पैदा करदा ऐ।
 16 ए मेरे प्यारे प्राओ, तोखा नई खाओ। 17 की के हर इक अच्छा वरदान ते हर इक उत्तम दान उप्पर गै ऐ, ते जोतियें दे पिता कोलां मिलदा ऐ, जेस च ना ते कोई बदलावट ओई सकदी ऐ, ते ना अदल बदल दे कारण ओस उप्पर छां पोंदी ऐ। 18 ओस ने अपनी गै मर्जी कन्ने असें सच्चाई दे वचन दे द्वारा पैदा किता, तां जे आस ओस दी बनाई दियां चीजें बीचा इक किस्म दे पैले फल ओचे।
 19 ए मेरे प्यारे प्राओ, ए गल्ल तुस जानी लेओ: हर इक मनुख सुनने आस्ते माहिर ते बोलने च शांत सभाह आला ते गुस्से च धीमा ओए, 20 की के मनुख दा गुस्सा परमात्मा दे धर्म दा अंत नई करी सकदा। 21 इसे आस्ते सारी मलिनता ते बैर भाव गी दूर करियें, ओस वचन गी नम्रता कन्ने ग्रैन करी लेओ जेड़ा दिले च लाए दा ऐ ते जेड़ा तुंदे प्राणें दा उद्धार करी सकदा ऐ। 22 लेकन वचन उप्पर चलने आले बनो, ते सिर्फ सुनने आले गै नई जेड़े अपने आप गी तोखा दिंदे न। 23 की के जेड़ा कोई वचन दा सुनने आला उए, ते ओस उप्पर चलने आला नई ओए, ते ओह ओस मनुख जेया ऐ जेड़ा अपना सभाविक मुंह शीशे च दिखदा ऐ। 24 इसे आते के ओह अपने आप गी दिखियै चली जांदा ते फौरन पुली जांदा के मैं क्नेया हा। 25 लेकन जेड़ा मनुख आजादी दी सिद्ध व्यवस्था उप्पर त्यान करदा रोंदा ऐ, ओह अपने कम्म च इस आस्ते आशीष पाग के सुनीयै पुलदा नई लेकन उर्यां गै कम्म करदा ऐ। 26 जे कोई अपने आप गी पगत समझे ते अपनी जीभ उप्पर लगाम नई दियै लेकन अपने दिले गी तोखा दियै, ते ओस दी पगती बेकार ऐ। 27 साडे परमात्मा ते पिता दे कोल शुद्ध ते साफ पगती ए ऐ के अनार्थे ते बिधवां दे दुःख च उंदी समाल लेन, ते अपने आप गी संसार कोलां निष्कलंक रखन।

2 ए मेरे प्राओ, साडे महिमायुक्त प्रभु यीशु मसीह उप्पर तुंदा बिश्वास पक्षपात कन्ने नई ओए। 2 की के जे इक मनुख सोने दे छले ते शैल कपड़े लाए दे तुंदी सभा च आए, ते इक कंगाल भी मैले कचेले कपड़े लाए दे आए, 3 ते तुस ओस शैल कपड़े आले दा मुंह दिखियै आखो, "तू उर्थें शैल जगह बैठ, " ते ओस कंगाल गी आखो, "तू इर्थें खडोता रो," जा "मेरे पैरें कोल बैठ।" 4 ते के तुसें अप्पुं बीच भेद भाव नई किता ते बुरे बचार कन्ने न्याय करने आले नई ठहरे ? 5 ए मेरे प्यारे प्राओ, सुनो ! के परमात्मा ने एस संसार दे कंगालें गी नई चुनया के बिश्वास च अमीर ते ओस राज दे अक धार ओन, जेस दी प्रतिज्ञा ओस ने उंदे कन्ने किती ऐ जेड़े ओस कन्ने प्रेम रखदे न ? 6 लेकन तुसें ओस कंगाल दी बेशती किती। के अमीर लोग तुंदे उप्पर अत्याचार नई करदे ते के उए गै तुसें कचहरीयें च कसीटी कसीटी नई लेई जांदे ? 7 के ओह ओस उत्तम नां दी निंदा नई करदे जेस दे तुस आखे जांदे ओ ? 8 तां भी जे तुस एस पवित्र शास्त्र दे इस बचन दे मताबक के "तू अपने गुआंडी कन्ने अपने जेया प्रेम रख" सचें ओस राज दी व्यवस्था गी पूरा करदे ओ, ते अच्छा गै करदे ओ। 9 लेकन जे तुस पक्षपात करदे ओ ते पाप करदे ओ; ते व्यवस्था तुसें पापी ठहरांदी ऐ। 10 की के जेड़ा कोई सारी व्यवस्था दा पालन करदा ऐ लेकन इक गै गल्ल च चुकी जा ते ओह सारियें गल्लें च दोषी ठहरी चुके दा ऐ। 11 इसे आस्ते के जेस ने ए आखया, "तू व्यभिचार नई करयां" उसें गै भी आखया, "तू अत्या नई करयां," इस आस्ते जे तो व्यभिचार ते नई किता अत्या किती तां भी तू व्यवस्था दा उल्लंघन करने आला ठहरया। 12 तुस उन लोकें जेया बचन बोलो ते कम्म भी करो, जिंदा न्याय आजादी दी व्यवस्था दे मताबक ओग। 13 की के जेस ने दया नई किती, ओस दा न्याय बगैर दया दे ओग: दया न्याय उप्पर जयवंत ओंदी ऐ।
 14 ए मेरे प्राओ, जे कोई आखे के मीगी बिश्वास ए लेकन ओह कर्म ना करदा ओए, ते एस कन्ने के फायदा ? के एसा बिश्वास ओस दा उद्धार करी सकदा ऐ ? 15 जे कोई जां प्रा पैन नंगे घुआड़े ओन ते हर रोज रुट्टी दी कटी ओए, 16 ते तुंदे बीचा कोई उंदे कन्ने आखे, "खुशी कन्ने जाओ, तुस गर्म ओ ते रखे रवो," लेकन जेड़ीयां चीजां शरीर आस्ते जरूरी न ओह उन्हे नई देंन ते के फायदा ? 17 उर्यां गै बिश्वास भी, जे कर्म कन्ने नई उए ते अपने सभाव बीच मरे दा ऐ।
 18 बरना कोई आखी सकदा ऐ, "तुगी बिश्वास ऐ ते मैं कर्म करना ऐ।" तू अपना बिश्वास मीगी कर्म दे बगैर दस; ते मैं अपना बिश्वास अपने कर्में दे द्वारा तुगी दसगा। 19 तुगी बिश्वास ऐ के इक गै परमात्मा ऐ; तू अच्छा करना ऐ। दुष्टात्मा भी बिश्वास करदे ते थरथरांदे न। 20 लेकन ए नक्कमे मनुख, के यु ए भी नई जानना के कर्म दे बगैर बिश्वास बेकार ऐ, 21 जेस ले साडे पिता अब्राहम ने अपने पूत्र इसहाक गी वेदी उप्पर चढ़ाया, ते के ओह कर्में कन्ने धार्मिक नई ठहरेया हा ? 22 इसे आस्ते तू दिखी लेता के बिश्वास ने ओस दे कर्में कन्ने मिलियै प्रभाव पादा ऐ, ते कर्में कन्ने बिश्वास सिद्ध ओया 23 ते पवित्र शास्त्र दा ए बचन पूरा ओया: "अब्राहम ने परमात्मा दा बिश्वास किता, ते ए ओस आस्ते धर्म गिनया गया; " ते ओह परमात्मा मित्र आखया गया। 24 एस चाली तुसीं दिखी लेता के मनुख सिर्फ बिश्वास कन्ने गै नई, बरना कर्में कन्ने भी धर्मी ठहरया ऐ। 25 उर्यां गै राहाब वेश्या भी, जेस ले ओस ने दुतें गी घर च तुआरया ते दुए रस्ते कोलां विदा किता, ते कर्में कन्ने धार्मिक नई ठेरी ? 26 इस आस्ते जिय्यां शरीर आत्मा बगैर मरे दा ऐ, उर्यां गै बिश्वास भी कर्म दे बगैर मरे दा ऐ।
 3 ए मेरे प्राओ, तुंदे बीचा मते गुरु नई बनन, की के जानदे ओ के असें गुरुएं और भी दोषी ठहरना। 2 इसे आस्ते के आस सारे मती बार चुकी

जानेयां न; जेड़ा कोई बचन च नी चुकदा उए ते सिद्ध मनुख ऐ ते सारे शरीर उओर भी लगाम लाइ सकदा ऐ।³ जेस ले आस अपने वास च करने आस्ते कोड़ें दे मुंह च लगाम लांदे न, ते आस उंदी सारे शरीर गी भी कुमाई सकने यान।⁴ दिखो, जाज भी जियां ऐसे बड्डे ओंदे न ते प्रचंड अवा कन्ने चलाए जांदे न, तां भी इक निक्की जेई पतवार दे द्वारा मांझी दी मर्जी दे मताबाक कुमाए जांदे न।⁵ उय्यां गै जीव भी इक निक्का जेया अंग ऐ ते बड़ी बड़ी डींगे मारदी ऐ। दिखो, थुड़े जेई अग्न कन्ने कन्ने बड्डे जंगल च अग्न लगी जांदी ऐ।⁶ जीव भी इक अग्न ऐ, जीव साड़े अंगें च अधर्म दा इक लोक ऐ, ते सारे शरीर उप्पर दाग लांदी ऐ, ते जीवन गति च अग्न लाइ जांदी ऐ, ते नरक कुंड दी अग्न च जलदी रोंदी ऐ।⁷ की के हर चाली दे वन पशु, पैछी, ते रिंगने आले जैतू, ते जलघर ते मनुख जाति दे वस च ओई सकदे न ते ओई भी गेदे न।⁸ लेकन जीव गी मनुखें बीचा कोई भी वस च नेई करी सकदा; ओह इक ऐसी बला ऐ जेड़ी कदें खडोंदी गै नेई, ओह प्राण लेने आले जैर कन्ने परोती दी ऐ।⁹ इसे कन्ने आस प्रभु ते पिता दी स्तुति करने न, ते इसे कन्ने मनुखें गी जेड़े परमात्मा दे सरूप च पैदा ओए न श्राप दिंदे न।¹⁰ इक गै मुंह बीचा धन्यावाद ते श्राप दमं निकलदे न। ए मेरे प्राओ, ऐसा नेई ओना चाइदा।¹¹ के चशमं दे इक गे मुंह बीचा मीठा ते खारा पानी दमं निकलदे न ?¹² ए मेरे प्राओ, के अंजीर दे बूटे गी जैतून, जां दाख दी बेल च अंजीर लगी सकदे न ? उय्यां गै खारे सोते बीचा मिट्टा पानी नेई निकली सकदा।

¹³ तुंदे च ज्ञानवान समझदार कुन्न ऐ ? जेड़ा ऐसा ओए ओह अपने कम्मं गी अच्छे चाल चलन कोलां ओस नम्रता कन्ने प्रगट करे जेड़ी ज्ञान कन्ने पैदा ओंदी ऐ।¹⁴ लेकन जे तुस अपने अपने मन च कोड़ी इरख ते बरोध रखदे ओ, ते सच्चाई दे बरोध च घमंड नेई करयो, ते ना गै झूठ बोलयो।¹⁵ ए ज्ञान ओह नेइयै जेड़ा उप्पर दा उतरदा ऐ, बरना संसारिक, ते शरिरीक, ते शैतानी ऐ।¹⁶ की के जित्थें इरख ते बरोध ओंदा ऐ, उत्थें खलार ते हर चाली दा निंदा आला कम्म भी ओंदा ऐ।¹⁷ लेकन जेड़ा ज्ञान उप्परा ओंदा ऐ ओह पैलें ते ओ अवित्र ओंदा ऐ फिरी मिलनसार, कोमल ते मृदुभाव ते दया ते अच्छे फलें कन्ने लदे दा ते पक्षपात ते कपट दे बगैर ओंदा ऐ।¹⁸ मलाप कराने आले धार्मिकता दा फल मेल मलाप कन्ने रांदे न।

4 तुंदे च लड़ाइयां ते चगड़े कुत्थुआं आई गे ? के उन सुख ऐश कन्ने नेई जेड़े तुंदे अंगे च लड़दे पीड़दे न ?² तुस लालसा रखदे ओ, ते तुसं मिलदा नेई; इसे आस्ते तुस अत्या करदे ओ। तुस डाह करदे ओ, ते किश आसल नेई करी सकदे; ते तुस चगड़दे ते लड़दे ओ। तुसं इस आस्ते नेई मिलदा के मंगदे नेई।³ तू मंगदे ओ ते पांदे नेई, इसे आस्ते के बुरी इच्छा कन्ने मंगदे ओ, तां जे अपने अपने भोग बलास च डुआइ देओ।⁴ ए व्यभिचारिणीयो, के तुस नेई जानदे के संसार कन्ने दोस्ती करना परमात्मा कन्ने बैर करना ऐ ? इस आस्ते जेड़ा कोई संसार दा दोस्त ओना चांदा ऐ, ओह अपने आप गी परमात्मादा बैरी बनांदा ऐ।⁵ के तुस ए समझदे ओ के पवित्रशास्त्र बेकार आखदा ऐ, “जेस आत्मा गी ओस ने साड़े कोल बसाया ऐ, के ओह ऐसी लालसा करदा ऐ जेस दा प्रतिफल डाह उए” ?⁶ ओह ते ओर भी अनुग्रह दिंदा ऐ; इसे कारण ए लिखे दा ऐ, “परमात्मा कमंडीयें डा बरोध करदा ऐ।”⁷ इसे आस्ते परमात्मा ते अधीन ओई जाओ; ते शैतान दा सामना करो, ते ओह तुंदे कोला नस्सी जाग।⁸ परमात्मा दे कोल आओ ते ओह भी तुंदे कोल आग। ए पापियो, अपने हत्थ साफ करो; ते ए दुचिते लोको, अपने दिलें गी पवित्र करो, ते रुओ।⁹ दुखी उओ, ते बसोस करो, ते रुओ,। तुंदी असना बसोस बीच ते तुंदा आनंद उदासी च बदली जा।¹⁰ प्रभु दे सामने दीन बनो ते ओह तुसं खास मनुख बनाग।

¹¹ ए प्राओ, इक दुए दी बदनामी नेई करो। जेड़ा अपने प्रा दी बदनामी करदा ऐ जां फिरी प्रा उप्पर दोष लांदा ऐ; ते जे तू व्यवस्था उप्पर दोष लाना ऐ, ते तू व्यवस्था उप्पर चलने आला नेई लेकन ओस उप्पर अकीम ठैरया।

12 व्यवस्था देने आला ते अकीम इक गै ऐ, जेड़ा बचाने अते नाश करने गी समर्थ ऐ। लेकन तू कुन्न ऐ, जेड़ा अपने गुआंडी उप्पर दोष लाना ऐ ?

¹³ तुस जे ऐ आखदे ओ, “अन्न जां कल आस किसे ओर नगर च जाईयै इक साल ओर बितागे, ते बपार करीयै फायदा कमागे।”¹⁴ ते ए नी जाननेया के कल के ओग। सुनी ते लेओ, तुंदा जीवन ऐ गै के ? तुस ते पाफ जे ओ, जेड़ी थोड़ी देर लबदी ऐ फिरी गुप ओई जांदी ऐ।¹⁵ इस दे बिपरीत तुसं ए आखना चाइदा, “जे प्रभु चा ते आस जिंदे रोगे, ते ए जां ओह कम्म बी करगे।”¹⁶ लेकन हून तुस अपनी डींग मारने उप्पर कमंड करदे ओ; ए जेया सारा कमंड बुरा ओंदा ऐ।¹⁷ इसे आस्ते जेड़ा कोई पलाई करना जानदा ऐ ते नेई करदा, ओस आस्ते ए पाप ऐ।

5 ए अमीरो, सुनी ते लेओ, तुस अपने आने आलें क्लेशं उप्पर करलाई करलाई रुओ।² तुंदा धन बिगड़ी गेदा ऐ ते तुंदे कपड़ें गी कीड़े खाई गेदे न।³ तुंदे सोने चांदी च सिनक लगी गेदी ऐ; ते ओह सिनक तुंदे उप्पर गुआइ देग, ते अग्नी जेया तुंदा मास खाई जाग। तो आखर जुग च धन कितठा किता ऐ।⁴ दिखो जिन्हें मजदूरें तुंदे खेत कटे, उंदी ओह मजदूरी जेड़ी तुसं तोखा देइये रखी लेती ऐ करला करदी ऐ, ते कितठे करने आलें दी दुहाई सेनाओं दे प्रभु दे कन्ने तकर पुज्जी गेदी ऐ।⁵ तुस धरती उप्पर ऐश आराम च लगे रे ते बड़ा गै सुख पोगया; तुसं एस वध दे दिन आस्ते अपने दिले दा पालन पोषण करियै उसी मुटा ताजा किता।⁶ तुसं धर्मी गी दोषी ठराइये मारी दिता, ओह तुंदा सामना नेई करदा।

⁷ इसे आस्ते ए प्राओ, प्रभु दे आगमन तकर सबर करो। दिखो, किसान जमीन दी मती कीमती फसल दी आस रखदे ओई पैली अते आखर बरखा ओने तकर सबर रखदा ऐ।⁸ तुस भी सबर रखो; ते अपने दिले गी मजबूत करो, की के प्रभु दा आगमन कोल ऐ⁹ ए प्राओ, इक दुए उप्पर दोष नेई लाओ, तां जे तुस दोषी नेई ठैरो; दिखो, अकीम दरवाजे उप्पर खड़ोते दा ऐ।¹⁰ ए प्राओ, जिन्हें भविष्यवक्तें प्रभु दे नां कन्ने गल्लां कितियां, उन्हें दुःख चुकने ते सबर रखने दा इक आदर्श समझो।¹¹ दिखो, आस सबर रखने आलें गी धन्य आखदे न। तुसं अय्यूब दे सबर दे बारे च ते सुने दा गै, ते प्रभु कोलां जेड़ा ओस दा प्रतिफल ओया उसी भी जानी लेता ऐ, जेस कन्ने प्रभु दी अति करुणा ते दया प्रगट ओंदी ऐ।

¹² लेकन ए मेरे प्राओ, सबनी कोलां खास (श्रेष्ठ) गल्ल ए ऐ के कसम नी खायो, ना सुर्म दी, ना धरती दी, ना किसे ओर चीज दी; लेकन तुंदी गल्ल बात आं दी आं, ते नेई दी नेई उए, के तुस दंड दे जोगे नेई ठैरो।

¹³ जे तुंदे बीचा की दुखी ऐ, ते ओह प्रार्थना करे। जे आनंदित ऐ, ते ओह स्तुति ते पजन गाए।¹⁴ जे तुंदे बीच कोई रोगी ऐ, ते कलीसिया दे बुजुर्गें गी बलाए, ते ओह प्रभु दे नां कन्ने ओस उप्पर तेल मलियै ओस आस्ते प्रार्थना करन,¹⁵ ते बिश्वास दी प्रार्थना दे द्वारा रोगी बची जाग ते प्रभु उसी तुआलीये खड़ा करग; ते जे ओस ने पाप भी किते दे ओंन, ते उंदी भी माफ़ी मिली जाग।¹⁶ इसे आस्ते तुस अप्पुं बीचे इक दुए दे सामने अपने अपने पापें गी मनी लेओ, ते इक दुए आस्ते प्रार्थना करो, जेस कन्ने चंगे ओई जाओ: धर्मी जन दी प्रार्थना दे असर कन्ने मता किश ओई सकदा ऐ।¹⁷ एलिय्याह भी ते साड़े जेया दुःख सुख पोगे दा मनुख हा; ते ओस ने रोईयै प्रार्थना कित्ती के बरखा नेई ओए; ते साड़े तीन साल तकर धरती उप्पर बरखा नेई ओई।¹⁸ फिरी ओस ने प्रार्थना कित्ती, ते अंबरा बरखा ओई, ते जमीन फल लाने आली ओई।

¹⁹ ए मेरे प्राओ, जे तुंदे बीचा कोई सच्चाई दे रस्ते कोलां पटकी जा ते कोई उसी फेरी लेई आ,²⁰ ते ओह ए जानी लै के जेड़ा कोई कुस्से पटके दे पापी गी फेरी लेई ओग, ओह इक प्राण गी मोती कोलां बचाग ते मते पापें उप्पर परदा पाग।

1 पतरस

1 पतरस दी ओर ता जेड़ा यीशु मसीह दा प्रेरित ऐ, उन परदेशियों दे नाम जो पुन्तुस, गलातिया, कप्पदुकिया, आसिया और बिथुनिया च तितर – बितर होईये रेंदे ही, 2 और परमात्मा पिता दे भविष्य ज्ञान दे अनुसार, आत्मा दे पवित्र करने दे द्वारा आज्ञा मनने और यीशु मसीह दे लहू दे छिड़के जाने दे लेई चुने गए नए। तोहे गी अनुग्रह और शान्ति बहुतायत कन्ने मिलदी रहे।

3 साडे प्रभु यीशु मसीह दे परमात्मा और पिता दा धन्यवाद हो, जिस ने यीशु मसीह दे मरे होए बीचा जी उठने दे द्वारा, अपनी बड़ी दया कन्ने सानु जीवित आशा दे लेई नया जन्म दिता, 4 और इक अविनाशी, और निर्मल, और अजर मीरास दे लेई जेड़ा तुन्दे लेई स्वर्ग च रखी ऐ; 5 जिन्दी रक्षा परमात्मा दी सामर्थ्य कन्ने विश्वास दे द्वारा उस उध्दार दे लेई जेड़ा आने आले समय च प्रगट होनेआली ऐ, किती जान्दी ऐ। 6 इदे कन्ने तोहे बड़ा खुश होंदे हो, पले ही तोहे गी हुने कुछ समय दे लेई तरह – तरह परीक्षाओं दे द्वारा दुख उठाना पेया हो; 7 और ए इसलेई ऐ कि तुन्दा परखा होया विश्वास, जेड़ा आग च ताए होए नाशवान सोने तो भी कई ज्यादा बहुमूल्य ऐ, यीशु मसीह दे प्रगट होने उप्पर प्रशंसा और महिमा और आदर दा कारण ठहरे। 8 उदे कन्ने तोहे बिन दिखे प्यार करदे हो, और हुन ते उदे उप्पर बिन दिखे भी विश्वास करिये ऐसे आनन्दित और मगन होंदे हो जो वर्णन च बाहर और महिमा कन्ने परेया होया ऐ; 9 और अपने विश्वास दा प्रतिफल और आत्माओं दा उध्दार प्राप्त करदे हो।

10 इसी उध्दार दे बारे च उन नबियों ने बड़ी खोजबीन और जाँच – पड़ताल किती, जिन्ने उस अनुग्रह दे बारे च जेड़ा तुन्दे च होने आला ही, भविष्यव्दाणी किती ही। 11 उने इस गल्ल दी खोज किती कि मसीह दा आत्मा जेड़ा उन्दे च ही, और पैहले ही गे मसीह दे दुखों दी और उदे बाद होने आली महिमा दी गवाही दिंदा ही, ओह किन्ना और कैसे समय दी ओर संकेत करदा ही। 12 उन्दे उप्पर ए प्रगट किता गया कि ओह अपनी नेई लेकन तुन्दी सेवा दे लेई ए गल्ला बोला करदा ही, जिन्दा समाचार हुन तोहे गी उन्दे द्वारा मिलेया जिन्ने पवित्र आत्मा दे द्वारा, जेड़ा स्वर्ग च पेजेया गया, तोहे गी सुसमाचार सुनाया; और इन गल्ले गी स्वर्गदूत भी तयान कन्ने दिखने दी लालसा रखदे नए।

13 इस कारण अपनी अपनी बुद्धि दी कमर बनिये, और सचेत रेईये, उस अनुग्रह दी पूरी आशा रखो जेड़ा यीशु मसीह दे प्रगट होने दे समय तोहे गी मिलने आला ऐ। 14 आज्ञाकारी बच्चो दे समान अपनी अज्ञानता दे समय दी पुरानी अभिलाषाओं दे सदश ना बनो। 15 लेकन जिन्ना तुन्दा बुलाने आला पवित्र ऐ, इन्ना ही तोहे भी अपने सारे चाल – चलन च पवित्र बनो। 16 क्योंकि लिखेया ऐ, “ पवित्र बनो, क्योंकि में पवित्र हं। ” 17 और जदू कि तोहे ‘ हे पिता ’ बोलि ए उदे कन्ने प्रार्थना करदे हो, जेड़ा बिना पक्षपात हर इक दे काम दे अनुसार न्याय करदा ऐ, ते अपनी परदेशी होने दा समय भय कन्ने बिताओ। 18 क्योंकि तोहे जानदे हो कि तुन्दा निकम्मा चाल – चलन जेड़ा बापदादों ता चला आंदा ऐ, उदे कन्ने तुन्दा छुटकारा चाँदी – सोने और नाशवान वस्तुओं दे द्वारा नेई होया; 19 लेकन निर्दोष और निष्कलंक मेमने, और मसीह दे बहुमूल्य लहू दे द्वारा होया। 20 उदा ज्ञान ते जगत दी उत्पति दे पैहले ही ता जानेया गया ही, लेकन हुन इस अन्तिम युग च तुन्दे लेई प्रगट होया। 21 उदे द्वारा तोहे उस परमात्मा उप्पर विश्वास करदे हो, जिन्ने उसी मरे होए बीचा जिलाया और महिमा दिती कि तुन्दा विश्वास और आशा परमात्मा उप्पर होए।

22 आखिर जदू कि तोहे पाईचारे दी निष्कपट प्रीति दे निमित्त सच्चाई दे मनने कन्ने अपने मनो गी पवित्र किता ऐ, ते तन – मन लगाईये इक दुए कन्ने जादा प्रेम रखो। 23 क्योंकि तोहे नाशवान नेई लेकन अविनाशी बीज कन्ने, परमात्मा दे जीवते और सदा ठहरनेआले वचन दे द्वारा नया जन्म पाया ऐ।

24 क्योंकि “ हर इक प्राणी घास दे समान ऐ, और उदी सारी शोभा घास दे फूल दे समान ऐ। घास सुख जान्दी ऐ, और फूल चाड़ जान्दा ऐ,

25 लेकन प्रभु दा वचन युगानुयुग ठीक रेंदा ऐ। ” और ऐही सुसमाचार दा वचन ऐ जेड़ा तोहे गी सुनाया गया ऐ।

2 इसलेई सारे प्रकार दा बैरभाव और छल और कपट और डाह और निन्दा गी दूर करिये, 2 नये जन्मे होए बच्चों दे समान निर्मल आत्मिक दूध दी लालसा करो, ताकि उदे द्वारा उध्दार पाने दे लेई बढ़दे जाओ, 3 क्योंकि तोहे प्रभु दी कृपा दा स्वाद चखी लेया ऐ।

4 उदे कोल आईये, जिन्नी मनुखे ने ते निकम्मा ठहराया लेकन परमात्मा दे कोल चुनेया होया और बहुमूल्य जीवता पत्थर ऐ, 5 तोहे भी आपे जिन्दे पत्थरों दे समान आत्मिक कार बनदे जान्दे हो, जिदे कन्ने याजकों दा पवित्र समाज बनिये, ऐसे आत्मिक बलिदान चढ़ाओ जो यीशु मसीह दे द्वारा परमात्मा गी ग्राहा ऐ।

6 इस कारण पवित्रशास्त्र च भी आया ऐ: “ दिखो, में सिन्धोन च कोने दे सिरे दा चुनेया होया और बहुमूल्य पत्थर धरदा हं: और जेड़ा कोई उदे उप्पर विश्वास करग, ओह किसी रीति कन्ने शर्मिंदा नेई होए गा। ”

7 आखिर तुन्दे लेई जेड़े विश्वास करदे हो ओह ते बहुमूल्य ऐ, लेकन जेड़े विश्वास नेई करदे उन्दे लेई “ जिस पत्थर गी राजमिस्त्रियों ने निकम्मा ठहराया हं, ओही कोने दा सिरा होई गया, ”

8 और “ ठेस लगने दा पत्थर और ठोकर खाने दी चट्टान होई गया ऐ, ” क्योंकि ओह ते वचन गी ना मनिये ठोकर खांदे नए और इसी दे लेई ओह ठहराए भी गए ही। 9 लेकन तोहे इक चुनेया होया वंश, और राज – पदधारी याजकों दा समाज, और पवित्र लोक, और (परमात्मा दी) निज प्रजा ऐ, इसलेई कि जिन्ने तोहे गी नेरे बीचा अपनी अद्भुत ज्योति च बुलाया ऐ, उदे गुण प्रगट करो। 10 तोहे पैहले ते कुछ भी नेई ही लेकन हुन परमात्मा दी प्रजा होए; तुन्दे उप्पर दया नेई होई ही लेकन हुन तुन्दे उप्पर दया होई ऐ।

11 हे प्रियो, में तुन्दे अगे विनती करदा हं कि तोहे अपने आप गी परदेशी और यात्री जानिये उन सांसारिक अभिलाषाओं च जेड़ी आत्मा च लड़ाई करदी ऐ, बचे रहो। 12 अन्यजातियों च तुन्दा चाल – चलन ठीक होए; ताकि जिन जिन गल्ले च ओह तोहे गी कुकर्मी जानिये बदनाम करदे नए, ओह तुन्दे ठीक कमे गी दिखिए उनी दे कारण अच्छे दे दिन परमात्मा दी महिमा करे।

13 प्रभु दे लेई मनुखे दे ठहराए होए हर इक प्रबन्ध दे अधीन रहो, राजा दे इसलेई कि ओह सारे उप्पर प्रधान ऐ, 14 और हाकिमों दे, क्योंकि ओह कुकर्मियों गी सजा देने और सुकर्मियों दी प्रशंसा दे लेई उदे पेजे होए नए। 15 क्योंकि परमात्मा दी इच्छा ए ही कि तोहे पले काम करने दे द्वारा निर्बुद्धी लोके दी अज्ञानता दी गल्ले गी बन्द करी दो। 16 अपने आप गी ठीक जानो, लेकन अपनी इस अच्छाई गी बुराई दे लेई आड ना बनाओ; परेन्त अपने आप गी परमात्मा दे दास समझिये चलो। 17 सारे दा आदर करो, पराए कन्ने प्रेम रखो, परमात्मा कोला डरो, राजा दा सम्मान करो।

18 हे सेवको, हर प्रकार दे डर दे कन्ने अपने स्वामियों दे अधीन रहो, ना केवल उन्दे जेड़े पले और नम्र होन लेकन उन्दे भी जेड़े कुटिल होन।

19 क्योंकि अगर कोई परमात्मा दा विचार करिये अन्याय कन्ना दुःख उठान्दा होया क्लेश सहदा ऐ ते ए सुहावना ऐ। 20 क्योंकि अगर तोहे अपराध करिये

मुके खाओ और चुप चाप रोगे, ते इदे च क्या बड़ाई दी गल्ल ऐ ? लेकिन अगर पला काम करिये दुःख उठान्दे हो और चुप चाप रोदे ही, ते ए परमात्मा गी भांदा ऐ। 21 और तोहे इसी दे लेई बुलाए भी गए हो, क्योंकि मसीह भी तुन्दे लेई दुःख उठाईये तोहे गी इक आदर्श देई गया ऐ कि तोहे भी उदे चाल - चलन उप्पर चलो। 22 ना ते उन पाप किता और ना उदे मुँह च छल दी कोई गल्ल निकली। 23 ओह गाली सुनिए गाली नेई दिंदा ही, और दुःख उठाईये किसी गी भी तमकी नेई दिंदा हां, लेकिन अपने आप गी सच्चे न्यायी दे हाथ च सौपेदा ही। 24 ओह आपे ही साडे पापे गी अपनी देह उप्पर लेईये क्रूस उप्पर चढ़ी गया, जिदे कन्ने आहे पापे दे लेई मरिये धार्मिकता दे लेई जीवन बिताएँ: उसी दे मार खाने कन्ने तोहे चंगे होंगे। 25 क्योंकि तोहे पैहले पटकी होई भेड़ों दे समान ही, लेकिन हुन अपने प्राणों दे रखवाले और अध्यक्ष दे कोल चली आए हो।

3 हे स्त्रियों, तोहे भी अपने आदमी दे अधीन रहो, इसलेई कि अगर इन दे बीचा कोई ऐसे होन जेड़े वचन गी नेई मनदे होन, 2 फेर भी तुन्दे डर कन्ने पवित्र चाल - चलन गी दिखिए बिना वचन दे अपनी - अपनी स्त्री दे चाल - चलन दे द्वारा खिंची जाए। 3 तुन्दा श्रंगार दिखावटी ना होए, मतलब बाल गूथना, और सोने दे गहने, या तरह - तरह दे कपड़े पाना, 4 और तुन्दा छिपेया होया और गुप्त मनुख, नम्रता और मन दी दीनता दी अविनाशी सजावट कन्ने सुन्दर रहे, क्योंकि परमात्मा दी नजर च इदा मूल्य बड्डा ऐ। 5 पूर्वकाल च पवित्र स्त्रियाँ भी, जेड़ा परमात्मा उप्पर आशा रखदी ही, अपने आप गी इसी रीती कन्ने संवारती और अपने - अपने आदमी दे अधीन रेंदी ही। 6 जिन्ना सारा अब्राहम दी आज्ञा च रेंदी और उसी स्वामी बोल्दी ही। इसी प्रकार तोहे भी अगर पलाई करो और किसी तरह दे डर कन्ने कवराहट ना होए, ते उदी बेटियाँ ठहरागे।

7 इन्ना ही हे आदमियों, तोहे भी बुद्धिमानी कन्ने स्त्रियों दे कन्ने जीवन निर्वाह करो, और स्त्री गी निर्बल पात्र जानिए उदा आदर करो, ए समझिये कि आहे दोनों जीवन दे वरदान दे वारिस ऐ, जिदे कन्ने तुन्दी प्रार्थनाएँ रुकी ना जाएँ।

8 आखिर सारे दे सारे इक मन और कृपामय और पाईचारे दी प्रीति रखने आले, और करुणामय, और नम्र बनो। 9 बुराई दे बदले बुराई नेई करो और ना गाली दे बदले गाली देयो; लेकिन विपरीत आशीष ही देयो, क्योंकि तोहे आशीष दे वारिस होने दे लेई बुलाए गए हो।

10 क्योंकि "जेड़ा कोई जीवन दी इच्छा रखदा ऐ, और अच्छे दिन दिखना चान्दा ऐ, ओह अपनी जीभ गी बुराई कन्ने, और अपने बूल गी छल दी गल्ले करने च रोके रेन।

11 ओह बुराई दा साथ छोड़न, और पलाई ही करन; ओह मेल मिलाप गी तुपन, और उदे यत्न च रोना।

12 क्योंकि प्रभु दी अख्खा धर्मियों उप्पर लग्गी रेंदी ऐ, और उदे कान उन्दी विनती दी ओर लगे रेंदे नए; लेकिन प्रभु बुराई करने आले दे खिलाफ रेंदा ऐ। "

13 अगर तोहे पलाई करने दे लेई लगे रोवो ते तुन्दी बुराई करने आला फेर कौन ऐ ? 14 अगर तोहे धर्म दे कारण दुःख भी उठाओ, ते धन्य हो; लेकिन लोके दे डराने तो नेई डरो, और ना कबराओ, 15 लेकिन मसीह गी प्रभु जानिये अपने अपने मन च पवित्र समझो। जेड़ा कोई तोहे गी तुन्दे आशा दे बारे च कुछ पूछे, उसी उत्तर देने दे लेई सदा तैयार रहो, लेकिन नम्रता और डर दे कन्ने; 16 और अपना जीवन भी शुध्द रखो, इसलेई कि जिन गल्ले दे बारे च तुन्दी बदनामी होंदी ऐ उन्दे बारे च ओह, जेड़ा मसीह च तुन्दे अच्छे चाल - चलन दा अपमान करदे नए, शर्मिंदा होन। 17 क्योंकि अगर परमात्मा दी एही इच्छा होए कि तोहे पलाई करने दे कारण दुःख उठाओ, ते ए बुराई करने दे कारण दुःख उठाने च उत्तम ऐ। 18 इसलेई कि मसीह ने भी, मतलब अधर्मियों दे लेई धर्मि ने, पापे दे कारण इक बार दुःख उठाया, ताकि आहे परमात्मा दे कोल पहुँचाए; ओह शरीर दे भाव कन्ने ते खत्म किता गया, लेकिन आत्मा दे भाव कन्ने जिलाया गया। 19 उदे च उन जानिये कैदी आत्माओं गी भी प्रचार किता, 20 जिन्ने उस बीते समय च आज्ञा ना मनी, जदू परमात्मा नूह दे दिनों च धीरज धरिये ठहरया ही, और ओह जहाज बना दा ही, जिदे च बैठिये थोड़े लोक मतलब आठ प्राणी पानी दे द्वारा बची गए। 21 उसी पानी डा

दष्टान्त भी, मतलब बपतिस्मा, यीशु मसीह दे जी उठने दे द्वारा, हुन तोहे गी बचांदा ऐ; इदे कन्ने शरीर दे मैल गी दूर करने दा मतलब नेई ऐ, लेकिन शुध्द जीवन कन्ने परमात्मा दे वंश च होई जाने दा मतलब ऐ। 22 ओह स्वर्ग उप्पर जाईये परमात्मा दी दाहिनी ओर बैठी गया; और स्वर्गदूत और अधिकारी और सामर्थी उदे अधीन किते गए नए।

4 इसलेई जदू कि मसीह ने शरीर च होईये दुःख उठाया ते तोहे भी उसी मनसा गी हथियार दे समान धारण करो, क्योंकि जिन्ने शरीर च दुःख उठाया ओह पाप तो छडोई गया, 2 ताकि भविष्य च अपना शेष शारीरिक जीवन मनुखे दी अभिलाषाओं दे अनुसार नेई लेकिन परमात्मा दी इच्छा दे अनुसार व्यतीत करे। 3 क्योंकि अन्यजातियों दी इच्छा दे अनुसार काम करने, और लुचपन दी बुरी अभिलाषाओं, मतवालापन, लिलाक्रिडा, पियक्कड़पन, और मूर्तिपूजा च जित्थे तकर आहे पैहले समय गवाया, ओही बडा होया। 4 इदे कन्ने ओह हेरान करदे नए कि तोहे ऐसे पारी लुचपन च उन्दा साथ नेई दिंदे, और इसलेई ओह बुरा पला बोलदे ही; 5 लेकिन ओह उसी जो जीवतों और मरे होए दा न्याय करने गी तैयार ऐ, लेखा देन गए। 6 क्योंकि मरे होए गी भी सुसमाचार इसी लेई सुनाया गया कि शरीर च ते मनुखे दे अनुसार उन्दा न्याय होए, लेकिन आत्मा च ओह परमात्मा दे अनुसार जीवित रेए।

7 सारी गल्ले दा अन्त जल्दी होने आला ऐ; इसलेई समझदार होईये प्रार्थना दे लेई तैयार रहो। 8 सारे कोला बढिये, इक दुए कन्ने मिलिए प्रेम रखो, क्योंकि प्रेम अनेक पापे गी ढाँप दिता ऐ। 9 बिना कुड़कुड़ाए इक दुए दा अतिथि - सत्कार करो। 10 जिसी जो वरदान मिलेया ऐ, ओह उसी परमात्मा दे नाना प्रकार दे अनुग्रह दे पले भण्डारियों दे समान इक दुए दी सेवा च लगान। 11 अगर कोई बोले, ते ऐसा बोलेयो मनो परमात्मा दा वचन ऐ; अगर कोई सेवा करे, ते उस शक्ति कन्ने करेयो जो परमात्मा दिंदा ऐ; जिदे कन्ने सारी गल्ले च यीशु मसीह दे द्वारा, परमात्मा दी महिमा प्रगट होए। महिमा और साम्राज्य युगानुयुग उसी दा ऐ। आमीन।

12 हे प्रियो, जो दुःख रूपी अग्नि तुन्दे परखने दे लेई तुन्दे च पडकी ऐ, इदे कन्ने ए समझिये हेरान ना करो कि कोई अनोखी गल्ल तुन्दे उप्पर बिता दी ऐ। 13 लेकिन जिन्ना जिन्ना मसीह दे दुखे च सहभागी होंदे होन, खुशी मनाओ, जिदे कन्ने उदी महिमा दे प्रगट होंदे समय भी तोहे खुश और मगन होवो। 14 फेर अगर मसीह दे नाम दे लेई तुन्दी निन्दा किती जान्दी ऐ ते तोहे धन्य हो, क्योंकि महिमा दा आत्मा, जेड़ा परमात्मा ऐ, तुन्दे उप्पर छाया करदा ऐ। 15 तुन्दे बीचा कोई मनुख हत्यारा या चोर या कुकर्मी होने, या पराए काम च हाथ पाने दे कारण दुःख ना पाए। 16 लेकिन अगर मसीही होने दे कारण दुःख पान, ते शर्मिंदा न होवो, लेकिन इस गल्ल दे लेई परमात्मा दी महिमा करे। 17 क्योंकि ओह समय आ पुजेया ऐ कि पैहले परमात्मा दे लोके दा न्याय किता जाए; और जदू कि न्याय दी शुरुआत साडे बीचा होग ते उन्दा के अन्त होग जो परमात्मा दे सुसमाचार गी नेई मनदे ?

18 और "अगर धर्मी मनुख ही कठिनाई कन्ने उध्दार पाग, ते भक्तिहीन और पापी दा के ठिकाना ? "

19 इसलेई जेड़ा परमात्मा दी इच्छा दे अनुसार दुःख उठान्दे नए, ओह पलाई करदे होए अपने - अपने प्राण गी विश्वासयोग्य सजनहार दे हाथ च सौंपी देन।

5 तुन्दे च जेड़ा प्राचीन ऐ, में उन्दे समान प्राचीन और मसीह दे दुखे दा गवाह और प्रगट होने आली महिमा च सहभागी होईये उनेगी ए समझानदा ही 2 कि परमात्मा दे उस झुंड दी, जेड़ी तुन्दे बीच ऐ रखवाली करो; और ए दबाव कन्ने नेई परैन्त परमात्मा दी इच्छा दे अनुसार खुशी कन्ने, और नीच - कमाई दे लेई नेई लेकिन मन लगाईये। 3 जेड़े लोक तोहे गी सौंपे गए नए, उन्दे उप्पर अधिकार ना जताओ, लेकिन झुंड दे लेई आदर्श बनो। 4 जदू प्रधान रखवाला प्रगट होए गा, ते तोहे गी महिमा दा मुकुट दिता जाग जेड़ा मुजान्दा नेई। 5 इसी तरह हे नवयुवको, तोहे भी प्राचीनों दे अधीन रहो, लेकिन तोहे सारे दे सारे इक दुए दी सेवा दे लेई दीनता कन्ने कमर बनिये रखो, क्योंकि "परमात्मा अभिमानियों दा विरोध करदा ऐ, परैन्त दिनों उप्पर अनुग्रह करदा ऐ। "

6 इसलेई परमात्मा दे बलवन्त हाथ दे थल्ले दीनता कन्ने रहो, जिदे कन्ने ओह तोहे गी ठीक समय उप्पर बढ़ाए। 7 अपनी सारी चिन्ता उदे उप्पर पाई ओड़, क्योंकि उसी तुन्दा तयान ऐ। 8 सावधान रहो, और जागदे रहो; क्योंकि तुन्दा विरोधी शैतान गर्जनेआले सिंह दे समान इस खोज च रेंदा ऐ कि किसी फाड़ी खाचे। 9 विश्वास च मजबूत होईये, और ए जानिये उदा समान करो कि तुन्दे परा जेडे संसार च नए ऐसै ही दुःख सह दे नए। 10 हुन परमात्मा जेड़ा सारे अनुग्रह दा दाता ऐ, जिन्ने तोहे गी मसीह च अपनी अनन्त महिमा दे लेई बुलाया, तुन्दा थोड़ी देर तकर दुःख उठाने दे बाद आपे ही तोहे गी सही और मजबूत और बलवन्त करग। 11 उसी दा साम्राज्य युगानुयुग रहे। आमीन।

12 में ते सिलावानुस दे हाथ, जिन्नी में विश्वासयोग्य परा समझदा हां, किताब च लिखिए तोहे गी समझानदा हाँ, और ए गवाही दिती ऐ कि परमात्मा दा सच्चा अनुग्रह ऐही ऐ, इदे च मजबूत रोवो। 13 जो बेबीलोन च तुन्दे समान चुने होए लोक नए, ओह और मेरा पुत्तर मरकुस तोहे गी नमस्कार बोलदे नए।

14 प्यार दे चुम्बन कन्ने इक दुए गी नमस्कार करो। तोहे सारे गी, जेड़ा मसीह च होए, शान्ति मिलदी रहे।

2 पतरस

1 शमोन पतरस दी ओर ता, जेड़ा यीशु मसीह दा दास और प्रेरित ऐ, उन लोके दे नाम जिन्ने साड़े परमात्मा और उध्दारकर्ता यीशु मसीह दी धार्मिकता द्वारा साड़े समान बहुमूल्य विश्वास प्राप्त किता ऐ।

2 परमात्मा दी और साड़े प्रभु यीशु दी पहचान दे द्वारा अनुग्रह और शान्ति तुन्दे च बहुतायत कन्ने बढ़दी जाए।

3 क्योंकि उदी ईश्वरीय सामर्थ्य ने सारा कुछ जेड़ा जीवन और भक्ति कन्ने सम्बन्ध रखदा ऐ, सानु उसी दी पहचान दे द्वारा दिता ऐ, जिन्ने सानु अपनी ही महिमा और सद्गुण दे अनुसार बुलाया ऐ। 4 जिन्दे द्वारा उन सानु बहु मूल्य और बड़ी उत्तम प्रतिज्ञाएँ दिती ऐ: ताकि इन्दे द्वारा तोहे उस सड़ाहट कन्ने छडोईये, जेड़ी संसार च बुरी अभिलाषाओं कन्ने होंदी ऐ, ईश्वरीय स्वभाव दे समभागी होई जाओ। 5 इसी कारण तोहे सारे प्रकार दा यत्न करिये अपने विश्वास उप्पर सद्गुण, और सद्गुण उप्पर समझ, 6 और समझ उप्पर संयम, और संयम उप्पर धीरज, और धीरज उप्पर भक्ति, 7 और भक्ति उप्पर पाईचारे दी प्रीति और पाईचारे दी प्रीति उप्पर प्यार बढ़ानदे जाओ।

8 क्योंकि अगर ए गल्ला तुन्दे च वर्तमान रहे और बढ़दी जाएँ, ते तोहे गी साड़े प्रभु यीशु मसीह दी पहचान च निकम्मे और निष्फल ना होने देग। 9 क्योंकि जिन्दे ए गल्ला नेई, ओह अन्ना ऐ और तुन्दला दिखदा ऐ, और अपने पिछले पापे कन्ने धुलोईये शुध्द होने गी पूली बैठा ऐ। 10 इस कारण हे पराओ, अपने बुलाए जाने, और चुनी लेई जाने गी सिध्द करने दा भली भांति यत्न करदे जाओ, क्योंकि अगर ऐसा करगे ते कदे भी ठोकर ना तोहे खागे; 11 लेकन इस रीति कन्ने तोहे साड़े प्रभु और उध्दारकर्ता यीशु मसीह दे अनन्त राज्य च बड़े आदर दे कन्ने प्रवेश करने तोहे पागे।

12 इसलेई अगर तोहे ए गल्ला जानदे हो, और जेड़ा सच्चा वचन तोहे गी मिलेया ऐ उन्दे च बने रेंदे हो, फेर भी में तोहे गी इन गल्ले दी सुधि दिलाने गी सदा तैयार रोगा। 13 में ए अपने लेई ठीक समझदा हां कि जदू तकर में इस डेरे च हां, अदू तकर तोहे गी सुधि दिलाई दिलाईये उभारदा रवा। 14 क्योंकि ए जान्दा हां कि मेरे डेरे दे गिराए जाने दा समय जल्दी आने आला ऐ, जिन्ना कि साड़े प्रभु यीशु मसीह ने मेरे उप्पर प्रगट किता ऐ। 15 इसलेई में ऐसा यत्न करगा कि मेरे कुछ करने दे बाद तोहे इन सारी गल्ले दी सदा स्मरण करी सको।

16 क्योंकि जदू आहे तोहे गी अपने प्रभु यीशु मसीह दी सामर्थ्य दा और आगमन दा समाचार दिता ही, ते ओह चतुराई कन्ने गद्दी होई कहानियों दा अनुकरण नेई ही लेकन आहे आपे ही उदे प्रताप गी दिखेया ही। 17 क्योंकि जदू उन परमात्मा पिता कन्ने आदर और महिमा पाई और उस प्रतापमय महिमा बीचा ए आवाज आई, “ए मेरा प्रिय पुत्र ऐ, जिदे कन्ने में खुश हां।” 18 फेर आहे उदे कन्ने पवित्र पहाड उप्पर ही और स्वर्ग बीचा ऐही आवाज आंदे सुनी। 19 साड़े कोल जेड़ा नबियों दा वचन ऐ, ओह इस घटना कन्ने मजबूत ठहरेया। तोहे ए अच्छा करदे हो जो ए समझिये उदे उप्पर तयान करदे होन कि ओह इक दीया ऐ, जेड़ा नेरी जगह च उस समय तकर प्रकाश दिंदा रेंदा ऐ जदू तकर कि पौ ना फटे और भोर दा तारा तुन्दे दिलो च ना चमक उठे। 20 लेकन पैहले ए जानी लो कि पवित्रशास्त्र दी कोई भी भविष्यवाणी किसी दे अपने ही विचारधारा दे आधार उप्पर पूर्ण नेई होंदी, 21 क्योंकि कोई भी भविष्यवाणी मनुख दी इच्छा कन्ने कदे भी नेई होई, लेकन भक्त जन पवित्र आत्मा दे द्वारा उभारे जाईये परमात्मा दी ओर च बोलदे ही।

2 जिस तरह उन लोके च चूठे नबी ही, उसी तरह तुन्दे बीचा भी चूठे उपदेशक होन गए, जेड़े नाश करने आले पाखण्ड दा उद्घाटन छिपी

छिपिये करन गए, और उस स्वामी दा जिन्ने उनेगी मोल लेता ऐ इन्कार करन गए, और अपने आप गी जल्दी विनाश च डाली देन गए। 2 बड़े गे उन्दे समान लुचपन करन गए, जिन्दे कारण सच्चाई दे रस्ते दी निन्दा किती जाग। 3 ओह लोभ दे लेई गल्ला गढड़िये तोहे गी अपने लाभ दा कारण बनान गए, और जो दण्ड दी आज्ञा उन्दे उप्पर पैहले तो होई चुकी ऐ उदे आने च कुछ भी देर नेई, और उन्दा विनाश सोया होया नेई।

4 क्योंकि जदू परमात्मा ने उन स्वर्गदुते गी जिन्ने पाप किता नेई छोड़ेया, लेकन नरक च पेजिये नेरे कुण्डों च पाई ओड़ेया ताकि न्याय दे दिन तकर बन्दी रेए; 5 और प्राचीन युग दे संसार गी भी ना छोड़ेया लेकन भक्तिहीन संसार उप्पर महा जल – प्रलय पेजेया, लेकन धर्म दे प्रचारक नूह समेत आठ मनुखे गी बचाई लेया; 6 और सदोम और अमोरा दे गरा गी विनाश दा ऐसा दण्ड दिता कि उनेगी पस्म करिये राख च मिलाई दिता ताकि ओह आनेआले भक्तिहीन लोके दी शिक्षा दे लेई इक उदाहरण ठहरे, 7 और धर्मी लूत गी जो अधर्मियों दे अशुध्द चालचलन कन्ने बड़े दुखी ही छुटकारा दिता। 8 (क्योंकि ओह धर्मी उन्दे बीच च रेंदे होए और उन्दे अधर्म दे कमे गी दिखी दिखिए और सुनी सुनिए, हर दिन अपने सच्चे मन गी पीड़ित करदा हां।) 9 ते प्रभु भक्तों गी परीक्षा बीचा कडी लेया और अधर्मियों गी न्याय दे दिन तकर दण्ड दी दशा च रखना भी जान्दा ऐ,

10 विशेष करिये उनेगी जो अशुध्द अभिलाषाओं दे पीछे शरीर दे अनुसार चलदे और प्रभुता गी तुच्छ जानदे नए। ओह ढील, और हठी ऐ, और ऊंचे पद आले गी बुरा भला बोलने कन्ने नेई डरदे, 11 फेर भी स्वर्गदूत जेड़े शक्ति और सामर्थ्य च उन्दे कोला बड़े नए, प्रभु दे समान उनेगी बुरा भला बोलिए दोष लगादे। 12 लेकन ए लोक निर्बुध्द पशुओं ही दे तुल्य नए, जेड़े पकड़े जाने और नाश होने दे लेई पैदा होए नए; और जिन गल्ले गी जानदे ही नेई उन्दे बारे च दुए गी बुरा भला बोलदे नए, ओह अपनी सड़ाहट च आपे ही सड़ जाग। 13 दुए दा बुरा करने दे बदले उन्दा गे बुरा होग। उने दिन – दोपहर भोग – विलास करना पला लगदा ऐ। ए कलंक और दोष ऐ; जदू ओह तुन्दे कन्ने खांदे – पिंदे ही, ते अपनी ओर ता प्रेम भोज करिये भोग – विलास करदे ही। 14 उन्दी अख्खे च व्यभिचार बसा होया ऐ, और ओह पाप किते बिना रुकी नेई सकदे। ओह चंचल मनआले गी फुसलाई लेनदे नए। उन्दे मन गी लोभ करने दा अभ्यास होई गया ऐ; ओह सन्ताप दे बच्चे नए। 15 ओहसीधे रस्ते गी छोड़िये पटकी गए नए, और बओर दे पुत्र बिलास दे रस्ते उप्पर हो लेई ऐ, जिन्ने अधर्म दी मजदूरी गी प्रिय जानेया; 16 लेकन उदे अपराध दे बारे च उलाहना दिता गया, इत्थं तकर कि अबोल गदही ने मनुख दी बोली कन्ने उस नबी गी उदे बावलेपन च रोकेया।

17 ए लोक सूखे कूएँ, और आँधी दे उड़ाए होए बादल नए; उन्दे लेई अनन्त नेरा ठहराया गया ऐ। 18 ओह बेकार घमण्ड दी गल्ला करी करिये लुचपन दे कमे दे द्वारा, उन लोके गी शारीरिक अभिलाषाओं च फसाई लेनदे नए जेड़े पटके होए बीचा हुने निकली गे रहे नए। 19 ओह उनेगी स्वतंत्र करने दी प्रतिज्ञा ते करदे नए, लेकन आपे ही सड़ाहट दे दास नए; क्योंकि जेड़ा मनुख जिदे कन्ने हारी गया ऐ, ओह उदा दास बनी जान्दा ऐ। 20 जदू ओह प्रभु और उध्दारकर्ता यीशु मसीह दी पहचान दे द्वारा संसार दी नाना प्रकार दी अशुध्दता कन्ने बची निकले, और फेर उन्दे च फसिये हारी गए, ते उन्दी पिछली दशा पैहली तो भी बुरी होई गई ऐ। 21 क्योंकि धर्म दे रस्ते दा ना जानना ही उन्दे लेई इदे कन्ने पला होंदा कि उसी जानिये, उस पवित्र आज्ञा कन्ने फिर जानदे जेड़ी उनेगी सोंपी गई ही। 22 उन्दे उप्पर ए कहावत ठीक

बैठदी ऐ, कि कुत्ता अपनी छांट दी ओर और नहलाई होए सूअरनी कीचड़ च लोटने दे लेई फेर चली जान्दी ऐ।

3 हे प्रियो, हुन में तुन्दे ए दुई पत्री लिखदा हां, और दोनों च सुधि दिलाईये तुन्दे शुध्द मन गी उभारदा हां, 2 कि तोहे उन गल्ले गी जो पवित्र नबियों ने पैहले तो बोली ही, और प्रभु और उध्दारकर्ता दी उस आज्ञा गी स्मरण करो जेड़ी तुन्दे प्रेरितों दे द्वारा दिती गई ही। 3 पैहले ए जानी लो कि अन्तिम दिनों च हंसी ठह्ठा करने आले आन गए जो अपनी ही अभिलाषाओं दे अनुसार चलन गए 4 और बोलन गए, “ उदे आने दी प्रतिज्ञा कित्थे गई ? क्योंकि जदू ता बापदादे सो गए नए, सारा कुछ इन्ना ही ऐ जिन्ना संसार दे शुरू च ही ? ” 5 ओह ते जान बूझिये ए पूली गए कि परमात्मा दे वचन दे द्वारा आकाश प्राचीन काल तो विघमान ऐ और पृथ्वी भी पानी बीचा बनी और पानी च मजबूत ऐ, 6 इसी दे कारण उस युग दा जगत पानी च डूबिये खत्म होई गया। 7 लेकन वर्तमान काल दे आकाश और पृथ्वी उसी वचन दे द्वारा इसलेई रखे गए नए कि जलाए जान; और ए भक्तिहीन मनुखे दे न्याय और खत्म होने दे दिन तकर ऐसे ही रखे रेन गए।

8 हे प्रियो, ए गल्ल तुन्दे कोला छिपी ना रेए कि प्रभु दे इत्थे इक दिन हजार वर्ष दे बराबर ऐ, और हजार वर्ष इक दिन दे बराबर ऐ। 9 प्रभु अपनी प्रतिज्ञा दे बारे च देर नेई करदा, जिन्नी देर कुछ लोक समझदे नए; लेकन तुन्दे बारे च धीरज धरदा ऐ, और नेई चांदा कि कोई खत्म होए, लेकन ए कि सारे गी मन फिराव दा मोका मिले। 10 परैन्त प्रभु दा दिन चोर दे समान आई जाग, उस दिन आकाश बड़ी हड़हड़ाहट दे शब्द कन्ने जान्दा रोग और तत्व बड़ा ही

तत्व होईये पिघली जाग और पृथ्वी और उदे उप्पर दे काम जल पान गए।

11 जदू कि ए सारी वस्तुएँ इस रीति कन्ने पिघलने आली ऐ, ते तोहे गी पवित्र चाल - चलन और भक्ति च किन्ना मनुख होना चाही दा ऐ, 12 और परमात्मा दे उस दिन दी बाट किस रीति कन्ने जोहना चाही दा ऐ और उदे जल्दी आने दे लेई कैसा यत्न करना चाहि दा ऐ, जिदे कारण आकाश आग च पिघली जाग, और आकाश दे गण बड़े ही तत्व होईये गली जाग। 13 लेकन उदी प्रतिज्ञा दे अनुसार आहे इक नए आकाश और नई पृथ्वी दी आस दिखदे हां जिन्दे च धार्मिकता वास करग।

14 इसलेई, हे प्रियो, जदू कि तोहे इन गल्ले दी आस दिखदे हो, ते यत्न करो कि तोहे शान्ति कन्ने उदे सामने निष्कलंक और निर्दोष ठहरो, 15 और साडे प्रभु दे धीरज गी उध्दार समझो, जिन्ना साडे प्यारे परा पौलुस ने भी उस ज्ञान दे अनुसार जेड़ा उसी मिलेया, तोहे गी लिखेया ऐ। 16 इन्ना ही उन अपनी सारी पत्रियों च भी इन गल्ले दी चर्चा कित्ती ऐ, जिन्दे च कुछ गल्ला ऐसी नए जिन्दा समझना मुश्किल ऐ, और अनपढ़ और चंचल लोक उन्दे शब्दों गी भी पवित्रशास्त्र दी अन्य गल्ले दी तरह खिंच तानिये अपने ही नाश दा कारण बनादे नए। 17 इसलेई हे प्रियो, तोहे लोक पैहले ही च इन गल्ले गी जानिये सावधान रहो, ताकि अधर्मियों दे भ्रम च फसिये अपनी मजबूती गी किते हाथ च खोई ना देयो। 18 लेकन साडे प्रभु और उध्दारकर्ता यीशु मसीह दे अनुग्रह और पहचान च बढ़दे जाओ। उसी दी महिमा हुन भी होए, और युगानुयुग होंदी रेए। आमीन।

1 यूहन्ना

1 उस जीवन दे वचन दे बारे च जेड़ा आदि कन्ने ही, जिसी आहे सुनेया, और जिसी अपनी अख्खे कन्ने दिखेया, मतलब जिसी आहे ध्यान कन्ने दिखेया और हथ्थे कन्ने छुयेआ - 2 ए जीवन प्रगट होया, और सानु उन दिखेया, और उदी गवाही दिंदे हां, और तोहे गी उस अनन्त जीवन दा सुसमाचार दिंदे हां जो पिता दे कन्ने ही और साडे उप्पर प्रगट होया - 3 जेड़ा कुछ आहे दिखेया और सुनेया ए उदा समाचार तोहे गी भी दिंदे हां, इसलेई कि तोहे भी साडे कन्ने सहभागी हो, और साड़ी ए सहभागिता पिता दे कन्ने और उदे पुत्तर यीशु मसीह दे कन्ने ही। 4 और ए गल्ला आहे इसलेई लिखदे हां कि साड़ा आनन्द पूरा होई जाए।

5 जेड़ा समाचार आहे उदे कोला सुनेया और तोहे गी सुनादे हां, ओह ए कि परमात्मा ज्योति ए और उदे च कुछ भी नेरा नेई। 6 अगर आहे बोलिए कि उदे कन्ने साड़ी सहभागिता ए और फेर नेरे च चलिए, ते आहे चुठे ही और सच्चाई उप्पर नेई चलदे; 7 लेकन अगर जिन्ना ओह ज्योति च ऐ, इन्ना ही आहे भी ज्योति च चलिए, ते इक दुए कन्ने सहभागिता रखदे ही, और उदे पुत्तर यीशु दा लहू सानु सारे पापे कन्ने शुध्द करदा ऐ। 8 अगर आहे बोलिए कि साडे च कुछ भी पाप नेई, ते अपने आप गी तोखा दिंदे हां, और आहे सच्चाई नेई। 9 अगर आहे अपने पापे गी मनी ले, ते ओह साडे पापे गी माफ करने और सानु सारे अधर्म कन्ने शुध्द करने च विश्वासयोग्य और धर्मी ही। 10 अगर आहे बोलिए कि आहे पाप नेई किता, ते उसी चूठा ठहरानदे ही, और उदा वचन आहे नेई ऐ।

2 हे मेरे बच्चो, में ए गल्ला तोहे गी इसलेई लिखदा हां कि तोहे पाप ना करो; और अगर कोई पाप करे, ते पिता दे कोल साड़ा इक सहायक ऐ, मतलब धर्मी यीशु मसीह; 2 और ओही साडे पापे दा प्रायश्चित्त ऐ, और केवल साडे ही नेई मतलब सारे जगत दे पापे दा भी। 3 अगर आहे उदी आज्ञाओं गी मनगे, ते इदे कन्ने आहे जानी लेगे कि आहे उसी जानी गए ऐ। 4 जेड़ा कोई ए बोल्दा ऐ, " में उसी जानी गया हां, " और उदी आज्ञाओं गी नेई मनदा, ओह चूठा ऐ और उदे च सच्चाई नेई; 5 लेकन जेड़ा कोई उदे वचन उप्पर चले, उदे च सचमुच परमात्मा दा प्रेम सिध्द होया ऐ। इसी दे कन्ने आहे जानदे हां कि आहे उदे च ही: 6 जेड़ा कोई ए बोल्दा ऐ कि में उदे बनेया रेना हां, उसी चाही दा ऐ कि आपे भी इन्ना ही चलिए जिन्ना ओह चलदा हां।

7 हे प्रियो, में तोहे गी कोई नई आज्ञा नेई लिखदा, लेकन ओही पुरानी आज्ञा जेड़ी खुरु च तोहे गी मिली ऐ; ए पुरानी आज्ञा ओह वचन ऐ जिसी तोहे सुनेया ऐ। 8 फेर भी में तोहे गी नई आज्ञा लिखदा हां, और ए उदे च और तुन्दे च सच्ची ठहरदी ऐ; क्योंकि नेरा मिटदा जान्दा ऐ और सच्चाई दी ज्योति हुन चमकने लग्गी ऐ। 9 जेड़ा कोई ए बोल्दा ऐ कि में ज्योति च हां और अपने परा कन्ने बैर रखदा ऐ, ओह हुन तकर नेरे ही च ऐ। 10 जेड़ा कोई अपने परा कन्ने प्रेम रखदा ऐ ओह ज्योति च रेंदा ऐ, और ठोकर नेई खाई सकदा।

11 लेकन जेड़ा कोई अपने परा कन्ने बैर रखदा ऐ ओह नेरे च ऐ और नेरे च चलदा ऐ, और नेई जान्दा कि कित्थे जान्दा ऐ, क्योंकि नेरे ने उदी अख्खा अन्नी कर दिती ऐ।

12 हे बच्चो, में तोहे गी इसलेई लिखदा हां कि उदे नाम कन्ने तुन्दे पाप माफ होए नए। 13 हे पितरो, में तोहे गी इसलेई लिखदा हां कि जेड़ा आदि कन्ने ऐ तोहे उसी जानदे हो। हे जवानो, में तोहे गी इसलेई लिखदा हां कि तोहे उस दुष्ट उप्पर जय पाई ऐ। हे मनुखो, में तोहे गी इसलेई लिखेया ऐ कि तोहे पिता गी जानी गए हो। 14 हे पितरो, में तोहे गी इसलेई लिखेया ऐ कि जेड़ा आदि कन्ने ऐ तोहे उसी जानी गए हो। हे जवानो, में तोहे गी इसलेई लिखेया ऐ कि

तोहे बलवन्त हो, और परमात्मा दा वचन तुन्दे च बना रेंदा ऐ, और तोहे उस दुष्ट उप्पर जय पाई ऐ।

15 तोहे ना ते संसार कन्ने और ना संसार च दी वस्तुओं कन्ने प्रेम रखो। अगर कोई संसार कन्ने प्रेम रखदा ऐ, ते उदे च पिता दा प्रेम नेई ऐ। 16 क्योंकि जेड़ा कोई संसार च ऐ, और शरीर दी अभिलाषा और अख्खे दी अभिलाषा और जीविका दा घमण्ड, ओह पिता दी ओर ता नेई परैन्त संसार ही दी ओर ता ऐ। 17 संसार और उदी अभिलाषाएँ दोनों मिटदे जान्दे नए, लेकन जेड़ा परमात्मा दी इच्छा उप्पर चलदा ऐ ओह सर्वदा बना रेगा।

18 हे बालको, ए अन्तिम समय ऐ; और जिन्ना तोहे सुनेया ऐ कि मसीह दा विरोधी आनेआला ऐ, उदे अनुसार हुन भी बड़े गे मसीह - विरोधी उठ खड़े होए नए; इदे कन्ने आहे जान्दे हां कि ए आखिर समय ऐ। 19 ओह निकले ते साडे बीचा, लेकन साडे बीचा ही नेई; क्योंकि अगर ओह साडे बीचा होंदे, ते साडे कन्ने रेंदे; लेकन निकली इसलेई गए कि ए प्रगट होए कि ओह सारे साडे बीच नेई ऐ। 20 लेकन तुन्दा ते उस पवित्र कन्ने अभिषेक होया ऐ, और तोहे सारा कुछ जानदे हो। 21 में तोहे गी इसलेई नेई लिखेया कि तोहे सच्चाई गी नेई जानदे, लेकन इसलेई कि उसी जानदे हो, और इसलेई कि कोई चूठ, सच्चाई दी ओर ता नेई। 22 चूठा कौन ऐ? केवल ओह जेड़ा यीशु दे मसीह होने कोला इन्कार करदा ऐ; और मसीह दा विरोधी ओही ऐ, जेड़ा पिता दा और पुत्तर दा इन्कार करदा ऐ। 23 जेड़ा कोई पुत्तर दा इन्कार करदा ऐ उदे कोल पिता भी नेई; जेड़ा पुत्तर गी मनी लेनदा ऐ, उदे कोल पिता भी ऐ।

24 जेड़ा कुछ तोहे शुरू तो सुनेया ऐ ओही तुन्दे च बना रहे; जेड़ा तोहे शुरू ता सुनेया ऐ, अगर ओह तुन्दे बना रहे ते तोहे भी पुत्तर च और पिता च बने रोगे। 25 और जिदी उन साडे कोला प्रतिज्ञा किती ओह अनन्त जीवन ऐ।

26 में ए गल्ला तोहे गी उन्दे बारे च लिखी ऐ, जेड़े तोहे गी भरमंदे नए; 27 लेकन तुन्दा ओह अभिषेक जो उदी ओर ता किता गया, तुन्दे च बना रेंदा ऐ; और तोहे गी इदा प्रयोजन नेई कि तोहे गी सिखाए, और जिन्ना ओह अभिषेक जो उदी ओर च किता गया तोहे गी सारी गल्ला सिखांदा ऐ, और ए सच्चा ऐ और चूठा नेई; और जिन्ना उन तोहे गी सिखाया ऐ इन्ना ही तोहे उदे च बने रेंदे हो।

28 आखिर च हे बालको, उदे च बने रवो कि जदू ओह प्रगट होए ते सानु हियाव होए, और आहे उदे आने उप्पर उदे सामने शर्मिदा ना होचे। 29 अगर तोहे जानदे हो कि ओह धर्मी ऐ, ते ए भी जानदे हो कि जो कोई धर्मी दा काम करदा ऐ ओह उदे च सदा जन्मेया ऐ।

3 दिखो, पिता ने साडे कन्ने कैसा प्रेम किता ऐ कि आहे परमात्मा दे बच्चे कलाएँ; और आहे भी। इस कारण संसार सानु नेई जान्दा, क्योंकि उन उसी भ नेई जानेया। 2 हे प्रियो, हुन आहे परमात्मा दे बच्चे हां, और हुन तकर ए प्रगट नेई होया कि के कुछ होंगे। इन्ना जानदे हां कि जदू ओह प्रगट होए गा ते आहे उदे समान होंगे, क्योंकि उसी इन्ना ही दिखो जिन्ना ओह ऐ। 3 और जेड़ा कोई उदे उप्पर ए आशा रखदा ऐ, ओह अपने आप गी इन्ना ही पवित्र करदा ऐ जिन्ना ओह पवित्र ऐ।

4 जेड़ा कोई पाप करदा ऐ, ओह व्यवस्था दा विरोध करदा ऐ; और पाप ते व्यवस्था दा विरोध ऐ। 5 तोहे जानदे हो कि ओह इसलेई प्रगट होया कि पापे गी हर ले जाए; और उदे स्वभाव च पाप नेई। 6 जेड़ा कोई उदे च बनेया रेंदा ऐ, ओह पाप नेई करदा: जेड़ा कोई पाप करदा ऐ, उन ना ते उसी दिखेया ऐ और ना उसी जानेया ऐ। 7 हे बच्चो, किसे दे बहकावे च ना आयो। जेड़ा धर्म दे काम करदा ऐ, ओही उस दे समान धर्मी ऐ। 8 जेड़ा कोई पाप करदा ऐ ओह शैतान दी ओर ता ऐ, क्योंकि शैतान शुरू ही च पाप करदा आया ऐ।

परमात्मा दा पुत्तर इसलेई प्रगट होया कि शैतान दे कमे गी खत्म करे। 9 जेड़ा कोई परमात्मा च जमेया ऐ ओह पाप नेई करदा; क्योंकि उदा बीज उदे च बनेया रेंदा ऐ, और ओह पाप करी गे नेई सकदा क्योंकि परमात्मा च जमेया ऐ। 10 इदे कन्ने परमात्मा दे बच्चे और शैतान दे बच्चे जाने जान्दे नए; जेड़ा कोई धर्म दे काम नेई करदा ओह परमात्मा च नेई, और ना ओह जेड़ा अपने परा कन्ने प्रेम नेई रखदा।

11 क्योंकि जेड़ा समाचार तोहे शुरू ता सुनेया, ओह ए ही कि आहे इक दुए कन्ने प्रेम रखिये; 12 और कैन दे समान ना बनेयो जेड़ा उस दुष्ट च हां, और जिन्ने अपने परा गी मारी ओड़ेया। और उसी किस तरह कारण खत्म किता ? इस कारण कि उदे काम बुरे ही, और उदे परा दे काम धर्म दे ही।

13 हे पराओ, अगर संसार तुन्दे कन्ने बैर करदा ऐ ते हेरान ना होयो। 14 आहे जान्दे हां कि आहे मौत बीचा पार होईये जीवन च पूजे हां; क्योंकि आहे पराए कन्ने प्रेम रखदे हां। जेड़ा प्रेम नेई रखदा ओह मौत दी दशा च रेंदा ऐ। 15 जेड़ा कोई अपने परा कन्ने बैर रखदा ऐ, ओह हत्यारा ऐ; और तोहे जानदे हो कि किसे हत्यारे च अनन्त जीवन नेई रेंदा। 16 आहे ते प्रेम इदे च जानेया कि उन साडे लेई अपने प्राण दे दिते; और सानु भी पराए दे लेई प्राण देना चाही दा ऐ। 17 लेकन जिस किसे दे कोल संसार दी तानदोलत होए और ओह अपने परा गी कंगाल दिखिए उदे उप्पर तरस खाई ना सकेया, ते उदे च परमात्मा दा प्रेम किन्ना बनेया रह सकदा ऐ ? 18 हे बच्चो, आहे वचन और जीभ ही च नेई, लेकन काम और सच्चाई दे द्वारा भी प्रेम करो।

19 इदे च गे आहे जानगे कि आहे सच्चाई दे हां; और जिस गल्ल च साड़ा मन सानु दोष देग, उदे बारे च आहे उदे सामने अपने अपने मन गी डाटी दे सकगे; 20 क्योंकि परमात्मा साडे मन कोला बड्डा ऐ, और सारा कुछ जान्दा ऐ। 21 हे प्रियो, अगर साड़ा मन सानु दोष ना दे, ते सानु परमात्मा दे सामने हियाव होंदा ऐ; 22 और जेड़ा कुछ आहे मंगदे हां, ओह सानु उदे कोला मिलदा ऐ, क्योंकि आहे उदी आज्ञाओं गी मनदे हां और जेड़ा उसी भान्दा ऐ ओही करदे ऐ। 23 उदी आज्ञा ए ही कि आहे उदे पुत्तर यीशु मसीह दे नाम उप्पर विश्वास करिये, और जिन्ना उन सानु आज्ञा दिती ऐ उस दे अनुसार आपस च प्रेम रखिये।

24 जेड़ा उदी आज्ञाओं गी मनदा ऐ, ओह उदे और ओह उन्दे च बना रेदा ऐ; और इदे कन्ने, मतलब उस आत्मा च जेड़ा उन सानु दिता ऐ, आहे जानदे हां कि ओह साडे च बनेया रेंदा ऐ।

4 हे प्रियो, हर इक आत्मा दी प्रतीति न करो, लेकन आत्माओं गी परखो कि ओह परमात्मा दी ओर ता ऐ कि नेई; क्योंकि बडे गे चूठे नबी जगत च निकले खडे होए नए। 2 परमात्मा दा आत्मा तोहे इस रीति कन्ने पहचानी सकदे हो: जेड़ी आत्मा मनी लेंदी ऐ कि यीशु मसीह शरीर च होईये आया ऐ ओह परमात्मा दी ओर ता ऐ, 3 और जेड़ी आत्मा यीशु गी नेई मनदी, ओह परमात्मा दी ओर ता नेई; और ओही ते मसीह दे विरोधी दी आत्मा ऐ, जिस दी चर्चा तोहे सुनी चुके हो कि ओह आने आला ऐ, और अजे भी जगत च ऐ। 4 हे बच्चो, तोहे परमात्मा दे हो, और तोहे उदे उप्पर जय पाई ऐ; क्योंकि जेड़ा तुन्दे च ऐ ओह उदे कन्ने जो संसार च ऐ, बड्डा ऐ। 5 ओह संसार दे ऐ, इस कारण ओह संसार दी गल्ला बोलदे नए, और संसार उन्दी सुन्दा ऐ। 6 आहे परमात्मा दे हां। जेड़ा परमात्मा गी जान्दा ऐ, ओह साड़ी सुन्दा ऐ; जेड़ा परमात्मा गी नेई जान्दा ओह साड़ी नेई सुन्दा। इस तरह आहे सच्चाई दी आत्मा और भ्रम दी आत्मा गी पहचान लेनदे ऐ।

7 हे प्रियो, आहे आपस च प्यार रखिये; क्योंकि प्यार परमात्मा ऐ। जेड़ा कोई प्यार करदा ऐ, ओह परमात्मा कोला जमेया ऐ और परमात्मा गी जान्दा ऐ। 8 जेड़ा प्रेम नेई रखदा ओह परमात्मा गी नेई जान्दा, क्योंकि परमात्मा प्रेम ऐ। 9 जेड़ा प्यार परमात्मा साडे कन्ने करदा ऐ, ओह इदे कन्ने प्रगट होया कि परमात्मा ने अपने इकलौते पुत्तर गी जगत च पेजेया ऐ कि आहे उदे द्वारा जीवन पाईये। 10 प्रेम इदे च नेई कि आहे परमात्मा कन्ने प्रेम किता, लेकन इदे च ऐ कि उन साडे कन्ने प्रेम किता और साडे पापे दे प्रायश्चित्त दे लेई अपने पुत्तर गी पेजेया। 11 हे प्रियो, जदू परमात्मा ने साडे कन्ने ऐसा प्रेम किता, ते सानु भी आपस च प्रेम रखना चाही दा ऐ। 12 परमात्मा गी कदे भी किसे ने नेई दिखेया; अगर आहे आपस च प्रेम रखिये, ते परमात्मा साडे च बनेया रेंदा ऐ और उदा प्रेम साडे च सिध्द होई गेया ऐ।

13 इदे कन्ने आहे जानदे हां कि आहे उदे च बने रेंदे हां, और ओह साडे च; क्योंकि उन अपने आत्मा बीचा सानु दिता ऐ। 14 आहे ते दिखी भी लेया और गवाही दिंदे हां कि पिता ने पुत्तर गी जगत दा उध्दारकर्ता करिये पेजेया ऐ। 15 जेड़ा कोई ए मनी लेनदा ऐ कि यीशु परमात्मा दा पुत्तर, परमात्मा उदे च बनेया रेंदा ऐ, और ओह परमात्मा च। 16 जेड़ा प्यार परमात्मा साडे कन्ने रखदा ऐ, उसी आहे जानी गए और सानु उदा विश्वास ऐ। परमात्मा प्यार ऐ, और जेड़ा प्यार च बनेया रेंदा ऐ ओह परमात्मा च बनेया रेंदा ऐ, और परमात्मा उदे च बनेया रेंदा ऐ। 17 इदे कन्ने प्यार साडे कोला सिध्द होया कि सानु न्याय दे दिन हियाव होए; क्योंकि जिन्ना ओह ऐ इन्ना ही संसार च आहे भी हां। 18 प्यार च डर नेई होंदा, लेकन सिध्द प्यार डर गी दूर करी दिंदा ऐ; क्योंकि डर दा सम्बन्ध दण्ड कन्ने होंदा ऐ, और जेड़ा डर करदा ऐ ओह प्यार च सिध्द नेई होया। 19 आहे इसलेई प्यार करदे हां, कि पैहले उन साडे कन्ने प्यार किता। 20 अगर कोई बोले, " में परमात्मा कन्ने प्यार करदा हां, " और अपने परा कन्ने बैर रखिए ते ओह चूठा ऐ; क्योंकि जेड़ा अपने परा कन्ने जिसी उन दिखेया ऐ प्यार नेई करदा, ते ओह परमात्मा कन्ने भी जिसी उन नेई दिखेया प्यार नेई करी सकदा। 21 उदे कन्ने सानु ए आज्ञा मिलदी ऐ, कि जेड़ा कोई परमात्मा कन्ने प्यार करदा ऐ ओह अपने परा कन्ने भी प्यार रखे।

5 जिस दा ए विश्वास ऐ कि यीशु ही मसीह ऐ, ओह परमात्मा ता पैदा होया ऐ; और जेड़ा कोई पैदा करनेआले कन्ने प्यार करदा ऐ, ओह उदे कन्ने भी प्यार करदा ऐ जेड़ा उदे कोला पैदा होया ऐ। 2 जदू ओह परमात्मा कन्ने प्यार करदे नए और उदी आज्ञाओं गी मनदे नए, ते इदे कन्ने आहे जान्दे हां कि आहे परमात्मा दे बच्चे कन्ने प्यार करदे हां। 3 क्योंकि परमात्मा कन्ने प्यार करना ए ही कि आहे उदी आज्ञाओं गी मनचे; और उदी आज्ञा मुश्किल नेई। 4 क्योंकि जेड़ा कुछ परमात्मा च पैदा होया ऐ, ओह संसार उप्पर जय प्राप्त करदा ऐ; और ओह विजय जिदे कन्ने संसार उप्पर जय प्राप्त होंदी ऐ साड़ा विश्वास ऐ। 5 संसार उप्पर जय पाने आला कौन ऐ ? केवल ओह जिदा ए विश्वास ऐ कि यीशु, परमात्मा दा पुत्तर ऐ।

6 ऐही ऐ ओह जेड़ा पानी और लहू दे द्वारा आया हां, मतलब यीशु मसीह: ओह ना केवल पानी दे द्वारा लेकन पानी और लहू दोनों दे द्वारा आया हां। 7 और जेड़ा गवाही दिंदा ऐ, ओह आत्मा ऐ; क्योंकि आत्मा सच्चाई ऐ। 8 गवाही देनेआले तीन ऐ, आत्मा, और पानी, और लहू; और तीनों इक ही गल्ल उप्पर सहमत ऐ। 9 जदू आहे मनुखे दी गवाही मनी लेनदे हां, ते परमात्मा दी गवाही उदे कोला अच्छी ऐ; और परमात्मा दी गवाही ए ही कि उन अपने पुत्तर दे बारे च गवाही दिती ऐ। 10 जेड़ा परमात्मा दे पुत्तर उप्पर विश्वास करदा ऐ ओह अपने ही च गवाही रखदा ऐ। जिन्ने परमात्मा उप्पर विश्वास नेई किता उन उसी चूठा ठहराया, क्योंकि उन उस गवाही उप्पर विश्वास नेई किता जेड़ा परमात्मा ने अपने पुत्तर दे बारे च दिती ही। 11 और ओह गवाही ए ही कि परमात्मा ने सानु अनन्त जीवन दिता ऐ, और ए जीवन उदे पुत्तर च ऐ। 12 जिस दे कोल पुत्तर ऐ, उदे कोल जीवन ऐ; और जिस दे कोल परमात्मा दा पुत्तर नेई, उदे कोल जीवन भी नेई ऐ।

13 में तोहे गी, जेड़ा परमात्मा दे पुत्तर दे नाम उप्पर विश्वास करदे होन, इसलेई लिखेया ऐ कि तोहे जानो कि अनन्त जीवन तुन्दा ऐ। 14 और सानु उदे सामने जेड़ा हियाव होंदा ऐ, ओह ए ही; कि अगर आहे उदी इच्छा दे अनुसार कुछ मंगने हां, ते ओह साड़ी सुन्दा ऐ। 15 जदू आहे जानदे हां कि जेड़ा कुछ मंगने हां ओह साड़ी सुन्दा ऐ, ते ए भी जानदे हां कि जेड़ा कुछ आहे उदे कोला मंगेया, ओह पाया ऐ।

16 अगर कोई अपने परा गी ऐसा पाप करदे दिखे जिदा फल मौत ना होए, ते विनती करिये, और परमात्मा उसी उन्दे लेई, जिन्ने ऐसा पाप किता ऐ जिदा फल मौत ना होए, जीवन देग। पाप ऐसा भी होंदा ऐ जिदा फल मौत ऐ; इदे बारे च में विनती करने दे लेई नेई बोल्दा। 17 सारे प्रकार दा अधर्म ते पाप ऐ, लेकन ऐसा पाप भी ऐ जिदा फल मौत नेई।

18 आहे जानदे हां, कि जेड़ा कोई परमात्मा च पैदा होया ऐ, ओह पाप नेई करदा; लेकन जेड़ा परमात्मा च पैदा होया, उसी ओह बचाए रखदा ऐ, और ओह दुष्ट उसी छुई नेई सकदा।

19 आहे जानदे ही कि आहे परमात्मा ता ऐ, और सारा संसार उस दुष्ट दे वश च पेरा ऐ।

20 आहे ए भी जानदे हां कि परमात्मा दा पुत्तर आई गया ऐ और उन सानु समझ दिती ऐ कि आहे उस सच्चे गी पहचानी ऐ; और आहे उदे च जो सच्चा

ऐ, मतलब उदे पुत्तर यीशु मसीह च रेंदे हां। सच्चा परमात्मा और अनन्त जीवन ऐही ऐ। 21 हे बच्चो, अपने आप गी मूरतों च बचाए रखो।

2 यूहन्ना

1 मिगी प्राचीन दी ओर ता उस चुनी होई महिला और उदे बच्चे दे नाम, जिन्ने में सच्चा प्रेम रखदा ही, और केवल में ही नेई और ओह सारे भी प्रेम रखदे ही जेड़े सच्चाई गी जानदे ही; 2 ओह सच्चाई जेड़ा साड़े च मजबूत रेंदा ऐ, और सर्वदा साड़े कन्ने अटल रोग;

3 परमात्मा पिता, और पिता दे पुत्तर यीशु मसीह दी ओर ता अनुग्रह और दया और शान्ति, सच्चाई और प्रेम सहित साड़े कन्ने रोग।

4 में बड़े खुश होया कि में तेरे कुछ बच्चों गी उस आज्ञा दे अनुसार, जो सानु पिता दी ओर ता मिली ही, सच्चाई उप्पर चलदे होए पाया। 5 हुन ए महिला, में तुगी कोई नई आज्ञा नेई, लेकन ओही जो शुरू च गे साड़े कोल ऐ, लिखंदा हां; और तेरे अग्गे विनती करदा हां कि आहे इक दुए कन्ने प्यार रखिये।

6 और प्यार ए ही कि आहे उदी आज्ञाओं दे अनुसार चलिये; ए ओही आज्ञा ऐ जेड़ी तोहे शुरू च सुनी ऐ, और तोहे गी इदे उप्पर चलना भी चाही दा ऐ।

7 क्योंकि बड़े गे ऐसे भरमनने आले जगत च निकल आए नए, जेड़े ए नेई

मनदे कि यीशु मसीह शरीर च होईये आया; भरमनने आला और मसीह विरोधी ऐही ऐ। 8 अपने बारे च सावधान रवो, कि जो परिश्रम आहे किता ऐ उसी तोहे गवाई नेई ओडेयो, और उदा पूरा प्रतिफल पाओ। 9 जेड़ा कोई मसीह दी शिक्षा कन्ने अग्गे बद्धा जान्दा ऐ और उन्दे च बना नेई रेंदा, उदे कोल परमात्मा नेई; जेड़ा कोई उदी शिक्षा च मजबूत रेंदा ऐ, उदे कोल पिता भी ऐ और पुत्तर भी। 10 अगर कोई तुन्दे कोल आए और ऐही शिक्षा ना दे, उसी ना ते कार च आने दो और ना नमस्कार करो। 11 क्योंकि जेड़ा कोई ऐसे जन गी नमस्कार करदा ऐ, ओह उदे बुरे कमे च साझी होंदा ऐ।

12 मिगी बड़ी गे गल्ला तोहे गी लिखनी ऐ, लेकन कागज और स्याही कन्ने लिखना नेई चान्दा, लेकन आशा ऐ कि में तुन्दे कोल आगा और आमने - सामने गल्ला करगा, जिदे कन्ने तुन्दा आनन्द पूरा होए।

13 तेरी चुनी होई पै न दे बच्चे तुगी नमस्कार बोलदे नए।

3 यूहन्ना

1 मिगी प्राचीन दी ओर ता उस चुनी होई महिला और उदे बच्चे दे नाम, जिन्ने में सच्चा प्रेम रखदा ही, और केवल में ही नेई और ओह सारे भी प्रेम रखदे ही जेड़े सच्चाई गी जानदे ही; ² ओह सच्चाई जेड़ा साड़े च मजबूत रेंदा ऐ, और सर्वदा साड़े कन्ने अटल रोग; ³ परमात्मा पिता, और पिता दे पुत्तर यीशु मसीह दी ओर ता अनुग्रह और दया और शान्ति, सच्चाई और प्रेम सहित साड़े कन्ने रोग। ⁴ में बड़े खुश होया कि में तेरे कुछ बच्चों गी उस आज्ञा दे अनुसार, जो सानु पिता दी ओर ता मिली ही, सच्चाई उप्पर चलदे होए पाया।

⁵ हुन ए महिला, में तुगी कोई नई आज्ञा नेई, लेकन ओही जो शुरू च गे साड़े कोल ऐ, लिखंदा हां; और तेरे अग्रे विनती करदा हां कि आहे इक दुए कन्ने प्यार रखिये। ⁶ और प्यार ए ही कि आहे उदी आज्ञाओं दे अनुसार चलिये; ए ओही आज्ञा ऐ जेडी तोहे शुरू च सुनी ऐ, और तोहे गी इदे उप्पर चलना भी चाही दा ऐ। ⁷ क्योंकि बड़े गे ऐसे भरमनने आले जगत च निकल आए नए, जेड़े ए नेई मनदे कि यीशु मसीह शरीर च होईये आया; भरमनने आला और मसीह विरोधी ऐही ऐ। ⁸ अपने बारे च सावधान रवो, कि जो

परिश्रम आहे किता ऐ उसी तोहे गवाई नेई ओड़ेयो, और उदा पूरा प्रतिफल पाओ।

⁹ जेड़ा कोई मसीह दी शिक्षा कन्ने अग्रे बढ़ा जान्दा ऐ और उन्दे च बना नेई रेंदा, उदे कोल परमात्मा नेई; जेड़ा कोई उदी शिक्षा च मजबूत रेंदा ऐ, उदे कोल पिता भी ऐ और पुत्तर भी। ¹⁰ अगर कोई तुन्दे कोल आए और ऐही शिक्षा ना दे, उसी ना ते कार च आने दो और ना नमस्कार करो।

¹¹ क्योंकि जेड़ा कोई ऐसे जन गी नमस्कार करदा ऐ, ओह उदे बुरे कमे च साझी होंदा ऐ। ¹² मिगी बड़ी गे गल्ला तोहे गी लिखनी ऐ, लेकन कागज और स्याही कन्ने लिखना नेई चान्दा, लेकन आशा ऐ कि में तुन्दे कोल आगा और आमने – सामने गल्ला करगा, जिदे कन्ने तुन्दा आनन्द पूरा होए।

¹³ तेरी चुनी होई पै न दे बच्चे तुगी नमस्कार बोलदे नए। ¹⁴ लेकन मिगी आशा ऐ कि तेरे कन्ने जल्दी मिलगा, फेर आहे आमने – सामने बातचीत करगे।

¹⁵ तुगी शान्ति मिलदी रहे। इदर दे मित्र तुगी नमस्कार बोलदे नए। उत्थे दे मित्रों कन्ने लेई लेईये नमस्कार बोली ओड़या।

यहूदा

1 यहूदा कोलां जेड़ा यीशु मसीह दा नोकर ते याकूब दा प्रा ऐ, उन बलाए दे नां जेड़े परमातमा पिता च प्यारे ते यीशु मसीह आस्ते सुरक्षित न।

2 दया ते शांति ते प्रेम तुसँ मता सारा आसल ओंदा रवे।

3 ए प्राओ, जेस ले मैं तुसँ ओस उद्धार दे बारे च लिखने च मती मेनत कन्ने कोशश करा दा हा जेस च आस सारे शामिल न, ते मैं तुसँ ए समझाना जरूरी जानेया के ओस बिश्वास आस्ते पुरी कोशश करो जेड़ा पवित्र लोकें गी इक गै बार सोंपया गया हा। 4 की के कन्ने ऐसे मनुख चोरीयें साड़े कन्ने आई मिले न, जिंदे एस दंड दा बयान पराने समें च पैलें दा गै लिखे दा हा: ए पगतहिन् न, ते साड़े परमातमा दे अनुग्रह गी लुचेपन च बदली दिंदे न, ते साड़े इक मात्र स्वामी ते प्रभु यीशु मसीह दा मना करदे न।

5 लेकन अगर चे तुस सारे इक बारी जानी चुकेदे ओ, तां भी मैं तुसँ एस गल्ल दी याद दलाना चाना ऐ के प्रभु ने इक कुल गी मिस्त्र देश बीचा छुड़ाने कोलां बाद बिश्वास ना लेने आलें गी नाश करी दिता। 6 फिरी जिन सुर्गदुतें अपने ओदे गी टिके दे नेई रोना दिता बरना अपने कोल दे नवास गी छुड़ी दिता, ओस ने उन्हें गी भी ओस भीषण दे न्याय आस्ते न्हरे च, जेड़ा म्हेशां काल आस्ते ऐ, बंधन च रखा दा ऐ। 7 जेस रिती कन्ने सदोम ते अमोरा ते उंदे आसे पासे दे नगर, जेड़े इंदे जे व्यभिचारी ओई गे हे ते पराए शरीर दे पीछे लगी गे हे, अग्गी दे अनंत दंड च पेईयें दृष्टांत तैरे न।

8 उसे रिती कन्ने ए सूखने दिखने आले भी अपने अपने अशुद्ध करदे, ते प्रभुता गी नक्कमा जानदे न, ते उच्चे ओदे आले गी बुरा पला आखदे न।

9 लेकन प्रधान सुर्गदूत मिकाईल ने, जेस लै शैतान कोलां मूसा दे शरीर दे बारे च वाद विवाद किता, ते उसी बुरा पला आखिये दोष लाने दी इम्मत नेई किती लेकन ए आखया, “प्रभु तुगी निखरे (द्रडे)।” 10 लेकन ए लोक जिन्हें गल्लें गी नेई जानदे उन्हें गी पला बुरा आखदे न, ते जिन्हें गल्लें गी अचेतन डंगरें जेया सभाव कोलां गै जानदे न, उंदे च अपने आप गी नाश करदे न।

11 उंदे उप्पर हाय ! की के ओह कैन जेई चाल चले, ते मजदूरी आस्ते बिलां जे प्रष्ट ओई गे न, ते कोरह जे बरोध करियें नाश ओए न। 12 ए तुंदी प्रेम सभाए च तुंदे कन्ने खांदे पिंदे, समुंद्र च छुपी दी चटाने आलें लेखे न, ते

बेधड़क अपना गै पेट (टिड्ड) परने आले रखवाले न; ओह निर्जल बदल न, जिन्हें अच्चा जुआइ लेई जांदी ऐ; पतझड़ दे बगैर फले आले बूटे न, जेड़े दो बार मरी चुके दे न, ते जड़ कोलां उखड़ी चुके दे न; 13 ए समुंद्र दे प्रचंड लैरां न, जेड़ी अपनी बेशती दा फेन उछालदे न; ए डांवाडोल तारे न, जिंदे आस्ते म्हेशां काल तकर गुप न्हेरा रखया गया ऐ।

14 हनोक ने भी जेड़ा आदम कोलां सतवीं पीढ़ी च हा, इंदे बारे च ए भविष्यवाणी किती, “दिखो, प्रभु अपने लखां पवित्र कन्ने आया 15 के सारें दा न्याय करे, ते सारें पगतहिनें गी उंदे अभक्ति दे सब कम्मं दे बारे च जेड़े उन्हें अभक्तिहिन् ओइयें किते न, ते उन सारीं सख्त गल्लें दे बारे च जेड़ीयां भक्तिहिन् पापियें ओस दे बरोध च आखियां न, दोषी तैरा।” 16 ए ते असंतुष्ट, कुड़कुड़ाने आले, ते अपनी अभिलाशां दे मताबक चलने आले न, ते अपने मुंह बीचा कमंड दियां गल्लां बोलदे न, ते ओह फायदे आस्ते मुंह दिखी बड़ाई (तरीफ) करदे न।

17 लेकन ए प्यारो, तुस उन गल्लें गी याद रखो जेड़ीयां साड़े प्रभु यीशु दे प्रेरित पैलें गै आखी चुके दे न। 18 ओह तुंदे कन्ने आखा करदे हे, “पिछले दिनें च ऐसे ठठा करने आले ओने जेड़े अपनी अभक्ति गी अभिलाशां दे मताबक चलघन।” 19 ए ओह न जेड़े फुट पुआंदे न; ए शारीरिक लोग न, जिंदे च आत्मा नेई। 20 लेकन ए प्यारो, तुस अपने अति पवित्र बिश्वास च तरक्की करदे ओई ते पवित्र आत्मा च प्रार्थना करदे ओई, 21 अपने आप गी परमातमा दे प्रेम च बनाए दे रखो; ते अनंत जीवन आस्ते साड़े प्रभु यीशु मसीह दी दया दा रस्ता दिखदे रवो। 22 उंदे उप्पर जेड़े शँका च न दया करो; 23 ते मतें गी अग्गी बीचा चपटीयें कड्डो; ते मतें उप्पर डर दे कन्ने दया करो, लेकन ओस कपड़े कन्ने भी नफरत करो जेड़ा शरीर दे द्वारा दागी ओई गेदा ऐ।

24 हून जेड़े तुगी ठोकर खाने कोलां बचाई सकदा ऐ, ते अपनी महिमा दी भरपूरी दे सामने मगन ते नदोश करियें खड़ा करी सकदा ऐ, 25 ओस इक मात्र परमातमा साड़े उद्धार करने आले दी माहिमा ते आदर ते पराक्रम ते अधिकार, साड़े प्रभु यीशु मसीह दे द्वारा जिय्यां सनातन काल कोलां ऐ, हून भी ओए ते जुगानुजुग रवे। आमीन।

प्रकाशित वाक्य

1 यीशु मसीह दा प्रकाशितवाक्य, जेड़ा उसी परमातमा ने इस लेई दिता के अपने दासं गी ओह गल्लां, जिंदा जल्दी ओना जरूरी ऐ, दस्से; ते ओस ने अपने सुर्गदूत गी पेजिये ओस दे द्वारा अपने दास यूहन्ना गी सनाया, 2 जेस ने परमातमा दे बचन ते यीशु मसीह दी गुआई, मतलब जे किश ओस ने दिखे दा हा ओस दी गुआई दिती। 3 धन्य न ओह जेड़ा एस भविष्यवाणी दी कताब गी पढ्दा ऐ, ते ओह जेड़े सुनदे न ते एस च लिखीं गेदी गल्लें गी मनदे न; की के समां कोल ऐ।

4 यूहन्ना कोलां आसिया दी सत कलिसियां दे नां:

ओस कोलां जेड़ा ऐ ते जेड़ा ऐहा ते जेड़ा आने आला ऐ; ते उन सत आत्मां कोलां जेड़ीयां ओस दे सिहांसन दे सामने ऐ,

5 ते यीशु मसीह कोलां जेड़ा बिश्वास जुगा साक्षी ते मरें बीचा जिंदा ओने आला पहिलोठा ते धरती दे राजां दा अकीम ऐ, तुसं अनुग्रह ते शान्ति मिलदी रवे।

ओह साडे कन्ने प्रेम रखदा ऐ, ते ओस ने अपने खून दे द्वारा असं पापें कोलां छुड़ाया ऐ, 6 ते असं इक राज ते अपने पिता परमातमा आस्ते याजक भी बनाई दिता; ओस दी गै मैमा ते पराक्रम जुगानुजुग ओंदी रवे। आमीन। 7 दिखो, ओह बदलें कन्ने ओने आला ऐ, ते हर इक अख उसी दिखग, बरना जिन्हें उसी वेधया हा ओह भी उसी दिखघन, ते धरती दे सारे कुल ओस दे कारण छाती पिटंघन। आं। आमीन।

8 प्रभु परमातमा, जेड़ा ऐ ते जेड़ा ऐहा ते जेड़ा ओने आला ऐ, जेड़ा सर्वशक्तिमान ऐ, ए आखदा ऐ, “मैं गै अल्फा ते ओमेगा ऐं।”

9 मैं यूहन्ना, जेड़ा तुंदा प्रा ते यीशु दे क्लेश ते राज ते सबर च तुंदा सहभागी ऐं, परमातमा दे वचन ते यीशु दी गुआई दे कारण पतमुस नां दे टापू च हा। 10 मैं प्रभु दे दिन आत्मा च आई गया, ते अपने पीछे तूतड़े दा बड्डा शब्द ए आखदे सुनया, 11 “जे किश तू दिखना ऐ उसी कताब च लिखिये सतें कलिसियां दे कोल पेजी दे, मतलब इफिसुस, ते स्मुरना, ते पिरगमुन, ते थुआतीरा, ते सरदीस, ते फिलदिलफिया, ते लौदीकिया गी।”

12 उस बेले मैं उसी, जेड़ा मेरे कन्ने बोला दा हा, दिखने आस्ते अपना मुंह फेरया; ते पीछे कुमिये मैं सोने दी सत दिवटां दिखियां, 13 ते उन दिवटें बीच मनुख दे पुत्तर जेया इक मनुख गी दिखया, जेड़ा पैरें तकर कपड़ा लाएदे, ते छाती उप्पर सोने दा पटुका बन्ने दा हा। 14 ओस दे सर ते बाल सफेद ऊन बरना पाले जे उज्वल ह, ते ओस दीयां अखियां अग्न दी ज्वाला जेई हियां। 15 ओस दे पैर उत्तम पीतल जे हे जेड़े मन्ने पठी च तपाए दा ऐ, ते ओस दा शब्द मता पानी दे शब्द जेया हा। 16 ओह अपने सज्जे हत्थे च सत तारे लेते दा हा, ते ओस दे मुंह कोलां तेज दोधारी तलवार निकलदी ही। ओस दा मुंह ऐसा प्रज्वलित हा, जिय्यां सूरज कड़ाके दी तूप च चमकदा ऐ। 17 जेस ले मैं उसी दिखया ते ओस दे पैरें उप्पर मुड्दा जेया किरि पेया। ओस ने मेरे उप्पर अपना सज्जा हत्थे रखिये आखया, “मत डर; मैं पैला ते आखर ते जिंदा ऐं; 18 मैं मरी गेदा हा, ते दिख मैं जुगानुजुग जिंदा ऐं; ते मोत ते अधोलोक दी चाबियां मेरे गै कोल ऐ। 19 इसे आस्ते जेड़ीयां गल्लां तो दिखियां न ते जेड़ीयां गल्लां उआ करदीयान ते जेड़ीयां गल्लां एस कोलां बाद ओने आलियां न, उन सारें गी लिखी लै। 20 मतलब उन सत तारें दा पेद जिन्हें तो मेरे सज्जे हत्थे च दिखया हा, ते उन सत सोनें दी दिवटें दा पेद: ओह सत तारे सत कलिसियां दे दूत न, ते ओह सत दीवट सत कलिसियां न।

2 “इफिसुस दी कलीसिया दे दूत गी ए लिख:

“जेड़े सत तारे अपने सज्जे हत्थे च लेते दे न, ते सोने दी सत दिवटें बीच फिरदा ऐ, ओह ए आखदा ऐ के 2 मैं तेरे कम्म, ते तेरी मेनत, ते तेरे सबर

गी जानना ऐ; ते ए भी के तू बुरे लोकें गी दिखी नेई सकदा, ते जेड़े अपने आप गी प्रेरित आखदे न, ते ऐ नेईयें न, उन्हें तू परखीयें चुठा पाया। 3 तू सबर रखना ऐ, ते मेरे नां आस्ते दुःख चुकदे चुकदे थक्या नेई। 4 लेकन मीगी तेरे खलाफ ए आखना ऐ के तो अपना पैलें जेया प्रेम छुड़ी दिते दा ऐ। 5 इसे आस्ते याद कर के तू कुत्थुआं डिगयां ऐ, ते मने गी फेर ते पैलें जेया कम्म कर। जे तू मन नेई फेरगा, ते मैं तेरे कोल आइयें तेरे दीवट गी ओस दी जगह कोलां अटाई देगा। 6 लेकन आं, तेरे बीच ए गल्ल ते ऐ के तू नीकुलइयो दे कम्म कन्ने नफरत करना ऐ, जिदे कन्ने मैं भी नफरत करना ऐ। 7 जेस दे कन ओं ओह सुनी लेन के आत्मा कलिसियें कन्ने के आखदा ऐ। जेड़ा जय पा, मैं उसी ओस जीवन दे बूटे कोलां जेड़ा परमातमा दे सुर्गलोक च ऐ, फल खाने गी देगा।

8 “स्मुरना दी कलीसिया दे दूत गी ए लिख:

“जेड़ा पैला ते आखर ऐ, जेड़ा मरी गया हा ते हूं जिंदा ओई गेदा ऐ, इह ए आखदा ऐ के 9 मैं तेरे क्लेश ते दरिद्रता गी जानना ऐ (लेकन तू अमीर ऐ), ते जेड़े लोग अपने आप गी यहूदी आखदे न ते ए नेईयें न, लेकन शैतान दी सभा न, उंदी निंदा गी भी जानना ऐ। 10 जेड़े दुःख तुगी चलने ओघनं, उंदे कोलां मत डर। की के दिखो, शैतान तुंदे बीच कईयें गी ते जेलखाने च सुटने उप्पर ऐ तां जे तुस परखे जाओ; ते तुसं दस दिन तकर दुःख चूकना ओग। प्राण देने तकर बिश्वासी रे, ते मैं तुगी जीवन दा मुकुट देगा। 11 जेस दे कन ओन ओह सुनी लै के आत्मा कलिसियें कन्ने के आखदा ऐ। जेड़ा जय पा, ओस गी दुई मोत कोलां कोई नुस्कान नेई पुजग।

12 “पिरगमुन दी कलीसिया दे दूत गी ए आज्ञा लिख:

“जेस दे कोल दोधारी ते तेज तलवार ऐ, ओह ए आखदा ऐ के, 13 मैं ए जानना ऐ के तू उत्थें रैना ऐ जित्थें शैतान दा सहासन ऐ; तू मेरे नां उप्पर टिके रैना ऐ, ते मेरे उप्पर बिश्वास करने आस्ते उनें दिनें भी पीछें नेई अटया जिदे च मेरा बिश्वास जोग गुआह अन्तिपास, तुंदे बीच ओस जगह उप्पर मारी दीता जित्थें शैतान रेंदा ऐ। 14 लेकन मेरे तेरे खलाफ किश गल्लां आखनीयां न, की के तेरे इत्थें किश ऐसे न, जेड़े बिलाम दी शिक्षा गी मनदे न, जेस ने बालाक गी इस्राएलीयें दे अगें ठोकर दा कारण रखना सखाया के ओह मुर्तियें उप्पर चढ़ाई दीयां चीजां खान ते व्यभिचार करन। 15 उय्यां गे तेरे इत्थें किश ऐसे न, जेड़े नीकुलइयो दी शिक्षा गी मनदे न। 16 इस आस्ते मने गी फेर, नेई तां मैं तेरे कोल जल्दी गै आइयें अपने मुंह दी तलवार कन्ने उंदे कन्ने लडगा। 17 जेस दे कन ओन ओह सुनी लेन के आत्मा कलिसियें कन्ने के आखदा ऐ। जेड़ा जय पा, ओस गी मैं गुप्त मन्ना बीचा देगा; ते ओस पत्थर उप्पर इक नां लिखा ओग, जेस गी ओस दे पाने आले दे बौर ओर कोई नेई जानग।

18 “थुआतीरा दी कलीसिया दे दूत गी ए लिख:

“परमातमा दा पुत्तर जेस दीयां अखां ज्वाला जेइयां, ते जेस दे पैर उत्तम पीतल जे न ओह ए आखदा ऐ के 19 मैं तेरे कम्म तेरे प्रेम ते बिश्वास ते सेवा ते सबर, गी जानना ऐ ते ए भी के तेरे पिछले कम्म पैलें कोलां बढिये (जादे) न। 20 लेकन मिगी तेरे खलाफ ए आखना ऐ के तू ओस जनानी इजेबेल गी रैने दीना ऐ जेड़ी अपने आप गी भविष्यक्तिन आखदी ऐ, ते मेरे दासं गी व्यभिचार करने ते ते मूर्तियें दे अगें चढ़ाई दी चीजां खाना सखाइयें परमांदी ऐ। 21 मैं ओस दा मन फराने गी मोका दीता, लेकन ओह अपने व्यभिचार कोलां मन फराना नेई चांदी। 22 दिख, मैं उसी रोगशैय्या उप्पर सुटना ऐ; ते जेड़े ओस कन्ने व्यभिचार करदे न जे ओह भी ओस जे कम्म कोलां मन नेई फेरघन ते मैं उन्हें बड्डे क्लेश च पागा। 23 मैं ओस दे बच्चें गी मारी देगा; उस बेले

सारियां कलिसियां जानी लेघन के दिल ते मन गी परखने आला में गैं, ते में तुं दे बीचा हर इक गी ओस दे कम्मं दे मताबक बदला देगा। 24 लेकन तुस दुआतीरा ते बाकी लोकें कन्ने, जिन्ने एस शिक्षा गी नेई मनदे ते उन गल्ले गी जिन्हें शैतान दी गैरी गल्लां आखदे न नेई जानदे, ए आखना ऐ के में तुं दे उप्पर और पार नेई सुट्गा। 25 लेकन आं, जेड़ा तुं दे कोल ऐ उसी मेरे आने तकर थमे रवो। 26 जेड़ा जय पा, ते मेरे कम्मं दे मताबक आखर तकर करदा रवे, में उसी जाति जाति दे लोकें उप्पर अधिकार देगा, 27 ते ओह लोए दा राजदंड लेईयें उं दे उप्पर राज करग, जेस चाली कमैर दे मिट्टी पां दे चूर चूर ओई जां दे न: में भी ऐसा गै अधिकार अपने पिता कोलां पाया ऐ; 28 ते में उसी बडले दा तारा देगा। 29 जेस दे कन ओन ओह सुनी लै के आत्मा कलिसियें कन्ने क आखदा ऐ।

3 "सरदीस दी कलीसिया दे दूत गी ए आज्ञा लिख:

"जेस दे कोल परमातमा दी सत आत्मां ते सत तारे न, ओह ए आखदा ऐ के में तेरे कम्मं गी जानना ऐ: तू जिंदा ते आखा जाना ऐ, लेकन ए मरे दा। 2 जागी जा, ते उन चीजें गी जेड़ीयां बाकी रेई गेदियां न ते जेड़ीयां खत्म ओने उप्पर न, उन्हे मजबूत कर; की के में तेरे किसे कम्म गी अपने परमातमा दे कोल पूरा नेई पाया। 3 इसे आस्ते याद कर के तू कैसी शिक्षा आसल किती ते सुनी ही, ते ओस च बना रै ते मने गी फरा। जे तू नेई जागा नेई रोगा ते में चोरे जेया आई जागा, ते तू कदं भी नेई जानी सकगा के में किस कड़ी तेरे उप्पर आई पोगा। 4 लेकन आं, सरदीस च तेरे इत्थें ऐसे लोग भी ऐन जिन्हें अपने अपने कपड़े अशुद्ध नेई किते, ओह सफेद कपड़े लाए दे मेरे कन्ने कुमघन, की के ओह एस जोगे न। 5 जेड़ा जय पा उसी इत्थें गै सफेद कपड़ा लुआया जाग, ते में ओस दा नां जीवन दी कताबा बीचा किसे रिती कन्ने नेई कट्गा; लेकन ओस दा नां अपने पिता ते सुर्गदूतें दे सामने मनी लेगा। 6 जेस दे कन ओन ओह सुनी ले के आत्मा कलिसियें कन्ने के आखदा ऐ।

7 "फिलदिफिया दे दूत गी ए लिख:

"जेड़े पवित्र ते सच्चे न, ते जेड़ा दाऊद दी चाबी रखदा ऐ, जेस दे खोले गी कोई बंद नेई करी सकदा ते बंद किते दे कोई खोली नेई सकदा, ओह ए आखदा ऐ के 8 में तेरे कम्मं गी जानना ऐ; दिख, में तेरे सामने इक द्वार खोले दा ऐ, जिसी कोई बंद नेई करी सकदा; तेरी शक्ति थुड़ी जेई ते ऐ, तां भी तू मेरे बचन दा पालन किता ऐ ते मेरे नां दा मना नेई किता। 9 दिख, में शैतान दे उन सभाआलें गी तेरे वस च करी देगा जेड़े यहूदी बनी बैठे दे न, लेकन ऐ नेई न बरना चुठ बोलदे न - दिख, में ऐसा करगा के ओह आइये तेरे पैरें उप्पर किरघन, ते ए जानी लेंघन के में तेरे कन्ने प्रेम रखे दा ऐ। 10 तू मेरे सबर दे वचन गी थमी दा ऐ, इसे आस्ते में भी तुगी परख दे ओस समं बचाई रखगा जेड़े धरती उप्पर रैन आलें दे परखने आस्ते दुनियां उप्पर आने आला ऐ। 11 में जल्दी गे आने आला ऐ; जे किश तेरे कोल ऐ उसी थमी रख के कोई तेरा मुकट छूड़काई नी ले। 12 जेड़ा जय पा उसी में अपने परमातमा दे मंदिर च इक खंभा बनागा, ते ओह फिरी कदं बार नेई निकलग; ते में अपन परमातमा दा नां ते अपने परमातमा दे नगर मतलब नमें यरूशलेम दे नां, जेड़ा मेरे परमातमा कोलां सुर्ग बीचा उतरने आला ऐ, ते अपना नमां नां ओस उप्पर लिखगा। 13 जेस दे कण ओन ओह सुनी ले के आत्मा कलीसिया कन्ने के आखदा ऐ।

14 "लौदीकिया दी कलीसिया दे दूत गी ए लिख:

"जेड़ा आमीन ते बिश्वास जुगा ते सच्चा गुआह ऐ, ते परमातमा दी सृष्टि दा मूल कारण ऐ, ओह ए आखदा ऐ के 15 में तेरे कम्मं गी जानना ऐ के तू ना गै ठंडा ऐ ते ना गर्म: पला ओंदा के तू ठंडा जां गर्म ओंदा। 16 इसे आस्ते के तू कोसा ऐ, ते ना ठंडा ऐ ते ना गर्म, में तुगी अपने मुंह बीचा उगलने उप्पर ऐ। 17 तू आखना ऐ के में सोखा ऐ ते अमीर ओई गेदा ऐ ते मीगी किसे चीज दी भी कमी नेई; ते ए नेई जानना के तू बद नसीब ते तुच्छ ते कंगाल ते अन्ना ते नंगा ऐ। 18 इसे आस्ते में तुगी सम्मति दीना ऐ के अग्न बीच ताए दा सुन्ना मेरे कोलां मूलें लै के तू सोखा ओई जाए, ते सफेद कपड़े लेई लै के लाइये तुगी अपने नगे पन दी शर्म नेई ओए, ते अपनी अर्खी च लाने आस्ते सुरमा लेई लै के तू दिखने लगे। 19 में जिं दे जिं दे कन्ने प्रेम रखना ऐ, उन्हे सबनी गी लामा ते सजा भी दीना ऐ; इसे आस्ते सरगम ओ ते मने गी फिरा। 20 दिख, में द्वार

उप्पर खड़ोते दे खड़काना ऐ; जे कोई मेरा बचन सुनियें द्वार खोलग, ते में ओस दे कोल नेड़े आईये ओस दे कन्ने रुट्टी खागा ते ओह, मेरे कन्ने। 21 जेड़ा जय पा में उसी अपने कन्ने अपने सहासन उप्पर बठागा, जिय्यां में भी जय पाइये अपने पिता दे कन्ने ओस सहासन उप्पर बैठी गया। 22 जेस दे कन ओन ओह सुनी ले के आत्मा कलीसिया कन्ने के आखदा ऐ।"

4 इनं गल्ले दे बाद जेड़ी में दृष्टि किती ते के दिखना ऐ के सुर्ग च इक द्वार खुले दा ऐ, ते जिसी में पैलें तूरी दे जे शब्द कन्ने अपने कन्ने गल्लां करदे सुनया हा, उए आखदा ऐ, "इत्थें उप्पर आई जा; ते में ओह गल्लां तुगी दसगा, जिंदा इनं गल्लें कोलां बाद पूरा ओना जरूरी ऐ।" 2 फोरन में आत्मा च आई गया; ते के दिखना ऐ के इक सहासन सुर्ग च रखे दा ऐ, ते ओस सहासन उप्पर कोई बैठे दा ऐ। 3 जेड़ा ओस उप्पर बैठा ऐ ओह यशब ते माणिक्य जेया लबदा ऐ, ते ओस सहासन दे चोनी पासं मरकत जेया इक मेघतनष लबदा ऐ। 4 ओस सहासन दे चोनी पासं चोबी सहासन न; ते इनं सहासनें उप्पर चोबी प्राचीन सफेद कपड़े लाए दे बैठे न, ते उं दे सिरे उप्पर सुन्ने दे मुकट न। 5 ओस सहासने बीचे बिजलियां ते गर्जन निकलदे न ते सहासन दे सामने अग्न दे सत दीये जला दे न, ओह परमातमा दी सत आत्मां न, 6 ते ओस सहासन दे सामने मनो बिलौर (पारदर्शी पत्थर) जेया शीशे दा समुंद्र ऐ।

सहासन दे बीच ते सहासन दे चोनीं पासं चार प्राणी न, जिं दे अगं पीछें अखियां गे अखियां न। 7 पैला प्राणी शेर जेया ऐ, ते दुआ प्राणी बछड़े जेया ऐ, त्रिये प्राणी दा मुंह मनुख जेया ऐ, ते चोथा प्राणी उडदे उकाब जेया ऐ। 8 चोनीं प्रानियें दे छे छे पर (पख) न, उं दे चोनीं बखी ते नेड़े अखियां गे अखियां न; ते ओह रात दिन बगैर अराम दे ए आखदे रेंदे न,

"पवित्र, पवित्र, पवित्र प्रभु परमातमा, सर्वशक्तिमान, जेड़ा ऐहा ते जेड़ा ऐ ते जेड़ा आने आला ऐ।"

9 जेस ले ओह प्राणी ओस दी जेड़ा सहासन उप्पर बैठा ऐ, ते जेड़ा जुगा नु जुग जिंदा ऐ, मैमा ते आदर ते धन्यावाद करगे; 10 उस बेले चोबी प्राचीन सहासन उप्पर बैठने आले दे सामने किरी जांघन, ते उसी जेड़ा जुगा नु जुग जिंदा ऐ नमस्ते करघन; ते ओह अपने अपने मुकट सहासन दे सामने ए आखदे ओई सुटी देघन,

11 "ए साडे प्रभु ते परमातमा, तुएं मैमा ते आदर ते शक्ति दे काबल ऐ; की के तू गै सारियां चीजां बनाइयां ते ओह तेरी गे मर्जी कन्ने हियां ते बनाइ गेइयां।"

5 जेड़ा सहासन उप्पर बैठा हा, में ओस दे सच्चे हत्थ च इक कताब दिखी जेड़ी नेड़े ते बार लिखी दी ही, ते ओह सत मौर लाइये बंद किती ही 2 फिरी में इक जोरे आले सुर्गदूत गी दिखया जेड़ा उच्चे शब्द कन्ने ए प्रचार करदा हा, "एस कताब गी खोलने ते ओस दी मौरां तोड़ने दे काबल कुन्न ऐ?" 3 लेकन ना सुर्ग च, ना धरती उप्पर, ना धरती दे थले कोई ओस कताब गी खोलने जां ओस उप्पर दृष्टि मारने दे काबल निकलया। 4 उस बेले में फुटी फुटी रोना लगया, की के ओस कताब दे खोने जां ओस उप्पर दृष्टि मारने दे काबल कोई नेई मिलया। 5 एस उप्पर उन प्राचीनं बीचा इक ने मेरे कन्ने आखया, "मत रो; दिख, यहूदा दे गोत्र दा ओह शेर जेड़ा दाऊद दा मूल ऐ, ओस कताब दे खोलने ते ओस दी सतें मौरां तोड़ने आस्ते जयवंत ओया ऐ।"

6 उस बेले में ओस सहासन ते चोनीं प्रानियें ते उन प्राचीनं बीच, मनो इक करबान किते दा मेन्ना खड़ोते दा दिखया। ओस दे सत सींग ते सत अखियां हियां; ए परमातमा दी सते आत्मां न जेड़ीयां सारी धरती उप्पर पेजी गेदियां न। 7 ओस ने आइये ओस दे सच्चे हत्थ च जेड़ा सहासन उप्पर बैठा हा, ओह कताब लेई लेती। 8 जेस ले ओस ने कताब लेई लेती, ते ओह चारे प्राणी ते चोबीसो प्राचीन ओस मेन्ने दे सामने किरी पे। उं दे बीचा हर इक दे हत्थे बीच वीणा ते धूप, जेड़ीयां पवित्र लोकें दी प्रार्थनां न, कन्ने परोचे दे सुन्ने दे कटोरे हे। 9 ओह ए नमां गाना गाने लगे,

"तू एस कताब दे लेने, ते एस दी मौरां खोलने दे काबल ऐ; की के तू करबान ओइये अपने खून कन्ने हर इक कुल ते हर इक पाशा ते लोग ते जाति कोलां परमातमा आस्ते लोकें गी खरीदी लेता ऐ,

10 ते उन्हें साड़े परमातमा आस्ते इक राज ते इक याजक बनाया; ते ओह धरती उप्पर राज करदे ना।”

11 जेस ले मैं दिखया, ते ओस संहासन ते उन प्राणीयें ते उन प्राचीनें दे चोर्नीं पासे मते सारे सुर्गदूतें दा शब्द सुनया, जिंदा गिनती लखें दे करोड़ें दी ही, 12 ते ओह उच्चे शब्द कन्ने आखदे हे, “करबान किते दा मेम्ना गे शक्ति ते ते धन ते ज्ञान ते ताकत ते आदर ते मैमा ते धन्यावाद दे जुगा ऐ।” 13 फिरी मैं सुर्ग च ते धरती उप्पर ते धरती दे थले ते समुंद्र दी सब बनाई दी चीजें गी, ते सारे किश गी जेड़ा उंदे बीच ऐ, ए आखदे सुनया, “जेड़ा संहासन उप्पर बैठा ऐ ओस दा ते मेम्ने दा धन्यावाद ते आदर ते मैमा ते राज जुगा नु जुग रवे !” 14 ते चोर्नीं प्राणियें आमीन आखया, ते प्राचीनें किरियें दंडवत किता।

6 फिरी मैं दिखया के मेम्ने उन सतें मौरां बीचा इक गी खोलया; ते उन चोर्नीं प्राणियें बीचा इक दा गर्जन जेया शब्द सुनया, “आ !” 2 मैं दृष्टि किती, ते दिखो, इक सफेद घोड़ा ऐ, ते ओस दा सवार तनुष लेते दे ऐ; ते उसी इक मुकुट दिता गया, ते ओह जय करदा निकलया के और भी जय आसल करे।

3 जेस ले ओस ने दुई मौर खोली, ते मैं दुए प्राणी गी ए आखदे सुनया, “आ !” 4 फिरी इक और घोड़ा निकलया जेड़ा लाल रंग दा हा; ओस दे सवार गी ए अधिकार दिता गया के धरती उप्पर मेल चुकी लै, तां जे लोग इक दुए दी अत्या करन; ते उसी इक बड्डी तलवार दीती गई।

5 जेस ले ओस ने त्री मौर खोली, ते मैं त्रिये प्राणी गी ए आखदे सुनया, “आ !” मैं दृष्टि किती, ते दिखो, इक काला घोड़ा ऐ, ते ओस दे सवार दे हत्थे च इक तराजू (त्रकड़ी) ऐ; 6 ते मैं उन चोर्नीं प्राणियें बीचा इक शब्द ए आखदे सुनया, “दीनार दा सेर पर कनक, ते दीनार दा तीन (त्रै) सेर जौ, लेकन तेल ते दाखरस दा नुस्कान नी करयो।”

7 जेस ले ओस ने चोथी मौर खोली, ते मैं चोथे प्राणी दा शब्द ए आखदे सुनया, “आ !” 8 मैं दृष्टि किती, ते दिखो, इक पिला जेया घोड़ा ऐ; ते ओस दे सवार दा नां मोत ऐ, ते अधोलोक ओस दे पीछे पीछे ऐ; ते उन्हें धरती दी इक चोथाई उप्पर ए अधिकार दीता गया के तलवार, ते अकाल, ते मरी, ते धरती दे वनपशुएं दे द्वारा लोकें गी मारी दें।

9 जेस ले ओस ने पंजमी मौर खोली, ते मई वेदी दे थले उंदे प्राणें गी दिखया जेड़े परमातमा दे बचन दे कारण ते ओस गुआइ दे कारण जेड़ी उन्हें दीती ही मारी दीते गए हे। 10 उन्हें बड्डे शब्द कन्ने पकारिये आखया, “ए स्वामी, ए पवित्र ते सचाई; तू कदों तकर न्याय नेई करगा ? ते धरती दे रोने आलें कन्ने साड़े खून दा बदला कदों तकर नेई लेगा ?” 11 उंदे बीचा हर इक गी सफेद कपड़ा दीता गया, ते उंदे कन्ने आखया गया के और थोड़ी देर आराम करो, जेस ले तकर के तुंदे संगी दास ते प्रा जेड़े तुंदे जे वध ओने आले न उंदी भी गिनती पूरी नी ओई लै।

12 जेस ले ओस ने छेमी मौर खोली, ते मैं दिखया के इक बड्डा पुंचाल ओया, ते सूरज कंबल जेया काला ते पूरा चान खून जेया ओई गया। 13 अंबर दे तारे धरती उप्पर इय्यां किरि गे जिय्यां बड्डी अधी कोलां इलिये अंजीर दे बूटे कोलां कच्चे फल चड़दे ना। 14 अंबर ऐसा सरकी गया जिय्यां पत्र लपेटने कन्ने सरकी जांदा ऐ; ते हर इक पाड़, ते टापू, अपने अपने जगह टली गया। 15 उस बेले धरती दे राजा, ते प्रधान, ते सरदार, ते अमीर ते जोरे आले ते शक्ति आले लोग, ते हर इक दास ते हर इक आजाद पाड़ें दी खुएं च ते चट्टानें च जाई छपे, 16 ते पाड़ें ते चट्टानें गी आखना लगे, “साड़े उप्पर किरि जाओ; ते असें ओस दे मुंह कोलां जेड़ा संहासन उप्पर बैठा ऐ, ते मेम्ने दे गुस्से कोलां छपाली लेओ। 17 की के उंदे गुस्से दा खतरनाक दिन आई पुजे दा ऐ, हून कुन्न ठैरी सकदा ऐ ?”

7 एस दे बाद मैं धरती दे चोर्नीं कोनें उप्पर चार सुर्गदूत खड़ोते दे दिखे। ओह धरती दी चारें हवाएं गी थमे दे हे तां जे धरती जा समुंद्र जां किसे बूटे उप्पर हवा ना चले। 2 फिरी मैं इक ओर सुर्गदूत गी जिंदे परमातमा दी मौर लेते दे पूरब कोलां उप्पर आले पासे आंदे दिखया; ओस ने उन चारें सुर्गदूतें कोलां जिन्हें धरती ते समुंद्र दा नुस्कान करने दा अधिकार दीता गेदा हा, उच्चे शब्द कन्ने पकारिये आखया, 3 “जेस ले तकर आस अपने परमातमा दे दासें दे मत्थे उप्पर मौर ना लाचे, उस बेले तकर धरती ते समुंद्र ते बूटें गी नुस्कान नेई पजायो।” 4 जिंदे उप्पर मौर दीती गई मैं उंदी गिनती सुनी,

मतलब इस्राएल दी संतानें दे सब गोत्रें बीचा इक लाख चरताली हजार उप्पर मौर दीती गई: 5 यहूदा दे गोत्र बीचा बारां हजार उप्पर मौर दीती गई; रुबेन दे गोत्र बीचा बारां हजार उप्पर, गाद दे गोत्र बीचा बारां हजार उप्पर। 6 आशेर दे गोत्र बीचा बारां हजार उप्पर, नपताली दे गोत्र बीचा बारां हजार उप्पर, मनशिशह दे गोत्र बीचा बारां हजार उप्पर, 7 शमौन दे गोत्र बीचा बारां हजार उप्पर, लेवी दे गोत्र बीचा बारां हजार उप्पर, इस्साकार दे गोत्र बीचा बारां हजार उप्पर, 8 जबूलून दे गोत्र बीचा बारां हजार उप्पर, युसूफ दे गोत्र बीचा बारां हजार उप्पर, ते बिन्यामीन दे गोत्र बीचा बारां हजार उप्पर मौर दीती गई।

9 एस दे बाद मैं दृष्टि किती, ते दिखो, हर इक जाति ते कुल ते लोग ते पाषा बीचा इक ऐसी बड्डी भीड़, जिसी कोई गिनी नेई सकदा हा, सफेद कपड़े लाए दे ते अपने हत्थें च खजूर दी टालियां लेते दे संहासन दे सामने ते मेम्ने दे सामने खड़ोती ऐ, 10 ते बड्डे शब्द कन्ने पकारिये ए आखदी ऐ, “उद्धार आस्ते साड़े परमातमा दा, जेड़ा संहासन उप्पर बैठा ऐ, ते मेम्ने दा जय जय कार उए !” 11 ते सारे सुर्गदूत ओस संहासन ते प्राचीनें ते चोर्नीं प्राणियें दे चारे पासे खड़ोते दे न; फिरी ओह संहासन दे सामने मुंह दे पार किरि गे ते परमातमा गी दंडवत करीयें आखया, 12 “आमीन ! साड़े परमातमा दी स्तुति ते मैमा ते ज्ञान ते धन्यावाद ते आदर ते ताकत ते शक्ति जुगा नु जुग बनी रवे। आमीन !”

13 एस उप्पर प्राचीनें बीचा इक ने मेरे कन्ने आखया, “ए सफेद कपड़ा लाए दे कुन्न ऐ ? ते कुत्थुंआ आए न ? ” 14 मैं ओस कन्ने आखया, “ए स्वामी, तू गे जानना ऐ।” ओस ने मेरे कन्ने आखया, “ए ओ न, जेड़े ओस माहाकेश बीचा निकलीये आए न; इन्हें अपने अपने कपड़े मेम्ने दे खून कन्ने तोईये सफेद किते ना।

15 इसे कारण ओह परमातमा दे संहासन दे सामने न, ते ओस दे मंदिर च दिन रात दिन रात ओस दी सेवा करदे न, ते जेड़ा संहासन उप्पर बैठा ऐ, ओह उंदे उप्पर अपना तम्बू तानगा।

16 ओह फिरी पुखे ते त्रै दे नेई ओघन; ते उंदे उप्पर तूप, ना कोई तपन पोग।

17 की के मेम्ना जेड़ा संहासन दे बीच ऐ उंदी राखी करग, ते उन्हें जीवन रूपी पानी दे सोतें कोल लेई जा करग; ते परमातमा उंदी अखां बीचा सारे अथरु साफ़ करी देग।

8 जेस ले ओस ने सतर्वीं मौर खोली, ते सुर्ग बीच अंधे घंटे आस्ते स्नाता छाई गया। 2 उस बेले मैं उन सतें सुर्गदूतें गी दिखया जेड़े परमातमा दे सामने खड़ोते रेंदे न, ते उन्हें सत तुरियां दीती गईयां।

3 फिरी इक और सुर्गदूत सुन्ने दा धूपदान लेते दे आया, ते वेदी दे कोल खड़ा ओया; ते उसी मता धूप दीता गया के सारे पवित्र लोकें दी प्रार्थनाएं दे कन्ने सुन्ने दी ओस वेदी उप्पर, जेड़े संहासन दे सामने न चढान। 4 ओस तूप दा तुआं पवित्र लोकें दी प्रार्थना कन्ने सुर्गदूत दे हत्थे कोलां परमातमा दे सामने पूजी गया। 5 उस बेले सुर्गदूत ने तूपदान लेइये ओस च वेदी दी अग्न पारी ते धरती उप्पर सुटी दीती; ते गर्जन ते शब्द ते बिजलियां ते पुंचाल ओना लगे।

6 उस बेले ओह सते सुर्गदूत जींदे कोल सत तुरियां हियां उन्हें फुकने गी तयार ओए।

7 पैले सुर्गदूत ने तुरी फुकी, ते खून कन्ने मिले दे ओले ते अग्न पैदा ओई, ते धरती उप्पर सुटी गई; ते धरती दी इक तिहाई जली गई, ते साड़ी सैली घा (घास) भी जली गई।

8 दुए सुर्गदूत ने तुरी फुकी, ते मनो अग्न जेया जलदा इक पाड़ समुंद्र बीच सुट्या गया; ते समुंद्र दा इक तिहाई खून ओई गया, 9 ते समुंद्र दे इक तिहाई प्राणी मरी गे, ते इक तिहाई जाज नाश ओई गे।

10 त्रिये सुर्गदूत ने तुरी फुकी, ते इक बड्डा तारा जेड़ा मशाल जेया जलदा हा, सुर्ग कोलां टूट्या, ते नदियें दी इक तिहाई उप्पर ते पानी दे सोतें उप्पर आई पेया। 11 ओस तारे दा नां नागदौना ऐ; ते इक तिहाई पानी नागदौना जेया कोड़ा ओई गया, ते मते सारे मनुख ओस पानी दे कोड़े ओने दे कारण मरी गे।

12 चोथे सुर्गदूत ने तुरी फुकी, ते सूरज दी इक तिहाई, ते चान दी इक तिहाई ते तारे दी इक तिहाई उप्पर मसीबत आई, इत्थं तकर के उंदा इक तिहाई अंग नेरा ओई गया ते दिन दी इक तिहाई च लो नेई रेई, ते उय्यां गे राती च भी।

13 जेस ले मैं फिरी दिखया, ते अंबर दे बीच इक उकाब गी उडवा ते उच्चे शब्द कन्ने ए आखदे सुनया, “उन तीन सुर्गदुतें दे तुरी दे शब्दें दे कारण, जिंदा फुकना अय्यें बाकी ऐ, धरती दे रेने आलें उप्पर आय, आय, आय !”

9 जेस ले पंजवे सुर्गदूत ने तुरी फुकी, ते मैं सुर्ग कोलां धरती उप्पर इक तारा किरदा दिखया, ते उसी अथाह कुंड दी चाबी दिती गई। 2 ओस ने अथाह कुंड गी खोलया, ते कुंड बीचा बड्डी पठी जेया तुंआ उठया, ते कुंड दे तुंए कोलां सूरज ते अवा नेरा ओई गे। 3 ओस तुंए बीचा धरती उप्पर त्रिडीयां निकलीयां, ते उन्हें धरती दे बिछुं आली शक्ति दीती गई। 4 उंदे कन्ने आखा गया के ना धरती दी घा गी, ना किसे अरियाली गी, ना किसे बूटे गी नुस्कान पूजे, सिर्फ उन मनुखें गी नुस्कान पजान जिंदा उप्पर परमातमा दी मौर नेईयें। 5 उन्हें लोकें गी मारी देने दा ते नेई लेकन पंज मीने तकर पीड़ देने दा अधिकार दीता गया: ते उंदी पीड़ ऐसी ही जिय्यां बिछु दे डंग मारने कन्ने मनुख गी ओंदी ऐ। 6 उन्हें दिनें च मनुख मोत गी टूडगन ते नेई पाघन; ते मरने दी इच्छा करघन, ते उंदे कोलां नसग।

7 उन त्रिडीयें दे आकार लड़ाई आस्ते तयार किते दे घोड़ें जे हे, ते उंदे सिरे उप्पर मनो सुन्ने दे मुकट हे; ते उंदे मुंह मनुखें जे हे। 8 उंदे बाल जनानीयें दे बाल जे ते दंद शेरें दे दंद जे हे। 9 ओह लुए दी झिलम लाए दे हे; ते उंदे फंगें दा शब्द ऐसा हा जिय्यां रथ ते मते सारे घोड़ें दा जेड़े लड़ाई च दोड़दे ओन। 10 उंदी दुंब बिछुंए जे ही ते उंदे बीच डंग हे, ते उन्हें पंज मीने तकर मनुखें गी दुःख पजाने दी जेड़ी शक्ति मिली ही, ओह उंदी दुंबें च ही। 11 अथाह कुंड दा दूत उंदे उप्पर राजा हा; ओस दा नां इब्रानी च अबदोन, ते यूनानी च अप्पुलयोन ऐ।

12 पैली बिपत्ति बीती गई, दिखो, हून एस दे बाद दो बिपतियाँ और भी आने आलियां ना। 13 जेस ले छेमे सुर्गदूत ने तुरी फुकी ते सुन्ने दी वेदी जेड़ी परमातमा दे सामने ऐ ओस दे सींगें बीचा मैं ऐसा शब्द सुनया, 14 मनो कोई छेमें सुर्गदूत कोलां, जेस दे कोल तुरी ही, आखा दा ऐ, “उन चार सुर्गदूतें गी जेड़े बड्डी नदी फुरात दे कोल बनोदे न, खोली दे।” 15 ओह चारे सुर्गदूत खोली दीते गे जेड़े ओस कड़ी, ते दिन, ते मीने, ते साल आस्ते मनुखें दी इक तिहाई गी मारने आस्ते तयार किते गे हे। 16 उंदी फोज दे सवारें दी गिनती बी करोड ही; मैं उंदी गिनती सुनी। 17 मीगी एस दर्शन च घोड़े ते उंदे ऐसे सवार लब्बे जिंदा झिलमं अग, ते धूमकान्त, ते गंधक जेई हियां, ते उन घोड़ें दे सिर शेरें जे हे; ते उंदे मुंह बीचा अग, तुंआ ते गंधक निकलदे हे। 18 ए तीनों महामारीयां मतलब अग ते तुंए ते गंधक कोलां, जेड़े उंदे मुंह कोलां निकलदे हे मनुखें दी इक तिहाई मारी दीती गई। 19 की के उन घोड़े दी शक्ति उंदे मुंह ते उंदी दुंबें च ही; इसे आस्ते के उंदी दुंबां सप्यें जेइयां हियां, ते उन दुंबें दे सिर भी थे ते इनां कोलां गे ओह पीड़ भी पजां दे हे। 20 बाकी मनुखें जेड़े उन मारियें कोलां नेई मरे हे, अपने हत्थें दे कम्मं कोलां मन नेई फेरया, के दुष्टात्मा दी, ते सुन्ने ते चांदी, ते पीतल ते पत्थर ते काठ दी मूर्तियें दी पूजा नेई करन जेड़ी ना दिखी, ना सुनी, ना चली सकदीयां न; 21 ते जेड़ा खून, ते टोना, ते व्यभिचार, ते चोरी उन्हें किती ही, उंदे कोलां मन नेई फरया।

10 फिरी मैं इक और ताकत आले सुर्गदूत गी बदल ओढ़े दे सुर्ग कोलां उतरदे दिखया। ओस दे सिर उप्पर मेघतनश हा। ओस दा मुंह सूरज आले लेखे ते ओस दे पैर अग दे खंभे जे हे। 2 ओस दे हत्थे च इक छोटी जेई खुली दी कताब ही। ओस ने अपना सज्जा पैर समुंद्र उप्पर ते सज्जा धरती उप्पर रखया, 3 ते ऐसे बड्डे शब्द कन्ने करलाया, जिय्यां शेर गरजदा ऐ; ते जेस ले ओह करलाया ते गरजन दे सत्त शब्द सनोचे। 4 जेस ले सत्ते गरजन दे शब्द सनोची चुके, ते मैं लिखने उप्पर हा, लेकन मैं सुर्ग कोलां ए शब्द सुनया, “जेड़ी गल्लां गरजन दे उन सत्त शब्दें कोलां सुनीयां न उन्हें गुप्त रख, ते मत लिख।” 5 जेस सुर्ग दूत गी मैं समुंद्र ते धरती उप्पर खलोते दे दिखया हा, ओस ने अपना सज्जा हत्थ सुर्ग आली बक्खी चुकया, 6 ते जेड़ा जुगानुजुग जिंदा ऐ, ते जेस ने सुर्ग गी ते जे किश ओस च ऐ, ते धरती गी जे

किश ओस दे उप्पर ऐ, ते समुंद्र गी जे किश ओस च ऐ सृज्या, ओस दी गे कसम खाइये आखया, “हून ते और देर नेई ओग।

7 बरना सतवें सुर्गदूत दे तुरी फुकने उप्पर ओने आले शब्द दे दिनें च परमातमा दा गुप्त मनोरथ ओस सुसमाचार दे मताबक जेड़ा ओस ने अपने दास भविष्यवक्तें गी दीता, पूरा ओग।” 8 जेस शब्द गी मैं सुर्ग कोलां बोलदे सुनया हा, ओह फिरी मेरे कन्ने गल्लां करना लगया, “जा, जेड़ा सुर्ग दूत समुंद्र ते धरती उप्पर खलोते दा ऐ, ओस दे हत्थे दी खुली दी कताब लेई ले।” 9 मैं सुर्ग दूत दे कोल जाइये आखया, “ए छोटी कताब मीगी दे।” ओस ने मेरे कन्ने आखया, “ले, इसी खाइ ले; ए तेरा पेट कोड़ा ते करग, लेकन तेरे मुंह च मखीर जेई मीठी लगग।” 10 इस आस्ते मैं ओह छोटी कताब ओस सुर्ग दूत दे हत्थे कोलां लेइये खाई लेती। ओस मेरे मुंह च मखीर जेई मीठी ते लगी, लेकन जेस ले मैं उसी खाई गया, “ते मेरा पेट कोड़ा ओई गया। 11 उस बेले मेरे कन्ने ए आखा गया, “तुगी मते सारे लोकें, ते जातियें, ते भाषां ते राजाओं दे बारे च फिरी भविष्यवाणी करनी ओग।”

11 फिरी मीगी नापने आस्ते इक सरकंडा दीता गया, ते किसे ने आखया, “उठ, परमातमा दे मंदिर ते वेदी, ते ओस च उपासना करने आलें गी नापी ले। 2 लेकन मंदिर दे बार दा आंगन छोड़ी दे; उसी मत नाप की के ओह बखरी जातियें गी दीते दा ऐ, ते ओह पवित्र नगर गी बताली मीने तकर मिंघन (रोंदना)। 3 मैं अपने दो गुआएं गी ए अधिकार देगा के टाट ओढ़े दे इक हजार दो सो साठ दिन तकर भविष्यवाणी करन।

4 ए उए जैतून दे दो बुट्टे ते दो दीवट न, जेड़े धरती दे प्रभु दे सामने खड़ोते रेंदे न। 5 जे कोई उन्हें नुस्कान पजाना चांदा ऐ, ते उंदे मुंह बीचा अग निकलिये उंदे बैरियें गी पसम करदी ऐ; ते जे कोई उन्हें नुस्कान पजाना चाग, ते जरूर इसे रिती कन्ने मारी दीता जाग। 6 उन्हें अधिकार ऐ के अंबर गी बंद करन, के उंदी भविष्यवाणी दे दिनें च बदल नेई बरसे; ते उन्हें सारे पानी उप्पर अधिकार ऐ के उसी खून बनान, ते जेस जेस ले चान उस उस बेले धरती उप्पर हर किस्म दी मसीबत लाई सकन। 7 जेस ले अपने गुआई देई जांघन, ते ओह जानवर जेड़ा अथाह कुंड बीचा निकलग, उंदे कन्ने लड़ीये उंदे कोलां जीती जाग ते उन्हें मारी देग। 8 उंदी लाशां ओस बड्डे नगर दे चौक बीच पेदियां रोंघन, जेड़ा आत्मिक रूप कन्ने सदोम ते मिस्त्र आखा चांदा ऐ, जित्थें उंदा प्रभु भी क्रूस उप्पर चढ़ाया गया हा। 9 सारें लोकें ते कुलें ते भाषां ते जातियें दे लोग उंदीं लाशें गी साढ़े तीन दिन तकर दिखदे रोंघन, ते उंदी लाशें गी कन्न बीच नेई रखना देंघन। 10 धरती दे रेंने आले उंदे मरने लेई आनंदित ते मगन ओघन, टी इक दुए दे कोल पेंट पेजघन, की के इन दोनीं भविष्यवक्तें धरती उप्पर रेने आलें गी सताया हा। 11 लेकन साढ़े तीन दिन दे बाद परमातमा कोलां जीवन दा श्वास उंदे च बेई गया, ते ओह अपने पैरें दे पार खड़ोइ गे ते उंदे दिखने आलें उप्पर बड़ा डर छाई गया। 12 उस बेले उन्हें सुर्ग कोलां इक बड्डा शब्द सनोचेया, “इत्थें उप्पर आओ !” ए सुनी ओह बदले उप्पर सवार ओइये अपने बैरीयें दे दिखदे दिखदे सुर्ग उप्पर चढ़ी गे। 13 फिरी उसे बेले इक बड्डा पुंचाल ओया, ते नगर दा दसमा इस्सा किरा गया; ते ओस पुंचाल कन्ने सत्त हजार मनुख मरी गे, ते बाकी डरी गे ते सुर्ग दे परमातमा दी महिमा किती।

14 दुई मसीबत बीत चुकी; दिखो, त्री मसीबत जल्दी आने आली ऐ।

15 जेस ले सतमें दूत ने तुरी फुकी, ते सुर्ग बीच एस दे बारे च बड्डे बड्डे शब्द ओना लगे: “संसार दा राज साड़े प्रभु दा ते ओस दे मसीह दा ओई गया ऐ, ते ओह जुगानुजुग राज करग।” 16 उस बेले चोबीसो प्राचीन जेड़े परमातमा दे सामने अपने अपने संह्रासन उप्पर बैठे दे हे, मुंह दे पार किरिये परमातमा गी करिये 17 ए आखना लगे,

“ए सर्वशक्तिमान प्रभु परमातमा, जेड़ा ऐ ते जेड़ा ऐहा, आस तेरा शुक्रिया करनेयान के तू अपने बडी शक्ति गी कम्म लाइये राज किता ऐ।

18 जातियें गुस्सा किता, लेकन तेरा गुस्सा आई पेया, ते ओह समां आई पूजे दा ऐ के मरे दा न्याय किता जा, ते तेरे दास भविष्यवक्तें ते पवित्र लोकें गी ते उन छोटे बड्डे गी जेड़े तेरे नां कन्ने उरदे न बदला दीता जा, ते धरती दे बगाड़ने आले नाश किते जान।”

19 उस बेले परमात्मा दा जेड़ा मंदिर सुर्ग च ऐ ओह खोलया गया, ते ओस दे मंदिर च ओस दी वाचा दा संदूक लबया; ते बिजलियां ते शब्द ते गर्जन ते पुंचाल ओए ते मते ओले पे।

12 फिरी सुर्ग च इक बड्डा चिन लबया, मतलब इक जनानी जेड़ी सूरज ओढ़े दी ही, ते चन्न ओस दे पैरें थले हा, ते ओस दे सिर उप्पर बारें तारें दा मुकुट हा। 2 ओह गर्भवती ओई, ते करलां दी ही, की के प्रसव दी पीड़ च ही। 3 इक और चिन सुर्ग च लबया; ते दिखो, इक बड्डा लाल अजगर हा, जेस दे सत्त सिर ते दस सिंग हे, ते ओस दे सिरें उप्पर सत्त राजमुकुट हे। 4 ओस दी दुंब ने अंबर दे तारें दी इक तिहाई गी खिचीये धरती उप्पर सुटी दीता। ओह अजगर ओस जनानी दे सामने जेड़ी जच्चा ही, खडोइ गया के जेस ले ओह बच्चा जम्मे ते ओस बच्चे गी नींगली जा। 5 ओह जागत जम्मी जेड़ा लोए दा दंड लेते दे सारियें जातियें उप्पर राज करने आला हा, ते ओह बच्चा इका इक परमात्मा दे कोल ते ओस दे संहा सन दे कोल तुआलीये पजाई दीता गया; 6 ते ओह जनानी ओस जंगल गी नस्सी गई जित्थें परमात्मा कोलां ओस आस्ते इक जगह तैयार किती दी ही के उत्थें ओह इक हजार दो सो साठ दिन तकर पाली जाए।

7 फिरी सुर्ग च लड़ाई ओई, मिकाईल ते ओस दे सुर्ग दूत अजगर कन्ने लड़ने निकले; ते अजगर ते ओस दे दूत ओस कन्ने लड़ने गी निकले; ते अजगर ते ओद दे दूत ओस कन्ने लड़े, 8 लेकन प्रबल नेई ओए, ते सुर्ग बीच फिरी उंदे आस्ते जगह नेई रेई। 9 उस बेले ओह बड्डा अजगर, मतलब उए पराना साप्प जेड़ा इबलीस ते शैतान आखा जांदा ऐ ते सारे संसार दा परमाने आला ऐ, धरती उप्पर डिगाई दीता गया, ते ओस दे दूत ओस दे कन्ने डिगाई दीते गे। 10 फिरी मैं सुर्ग कोलां ए बड्डा शब्द ओंदे सुनया, “हून साड़े परमात्मा दा उद्धार ते शक्ति ते राज ते ओस दे मसीह दा अधिकार प्रगट ओया ऐ, की के साड़े प्रां उप्पर दोष लाने आला, जेड़ा रात दिन साड़े परमात्मा दे सामने उंदे उप्पर दोष लांदा हा, डिगाई दीता गया। 11 ओह मेमने दे खून दे कारण ते अपनी गुआई दे वचन दे कारण ओस उप्पर जयवंत ओए, ते उन्हेँ अपमे प्राणें गी प्यारा नेई जानया, इत्थें तकर के मोट भी सैई लेई। 12 इस दे कारण ए सुर्गो ते उंदे च रेने आलेयो, मगन उओ; ए धरती, ते समुंद्र, तुंदे उप्पर आए ! की के शैतान बड्डे गुस्से कन्ने तुंदे कोल उतरी आए दा ऐ, की के जानदा ऐ के ओस दा थोड़ा समां और बाकी ऐ।

13 जेस ले अजगर ने दिखया के मैं धरती उप्पर डिगाई दीते दा ऐ, ते ओस जनानी गी जेस ने जागत जम्मी ही, सताया। 14 लेकन ओस जनानी गी बड्डे उकाब दे दो फंग दीते गे के साप्प दे सामने कोलां उडरीयें जंगल च ओस जगह पुज्जी जाए, जित्थें ओह इक समे ते समें, ते अधे समे तकर पाली जाए। 15 ते साप्प ने ओस जनानी दे पीछें अपने मुंह बीचा नदि जेया पानी रोढ़या के उसी एस नदि बीचा रोढ़ी दे। 16 लेकन धरती ने ओस जनानी दी मदद किती, ते अपना मुंह खोलिये ओस नदि गी जेड़ी अजगर ने अपने मुंह कोलां रोढ़ी ही पी लेती। 17 उस बेले अजगर ओस जनानी उप्पर गुस्से ओया, ते ओस दी बाकी संतान कन्ने, जेड़े परमात्मा दी आज्ञा गी मनदे ते यीशु दी गुआई देने उप्पर स्थिर न, लड़ने गी गया। 18 ते ओह समुंद्र दे रेते उप्पर जाई खलोता।

13 उस बेले मैं इक पशु गी समुंद्र बीचा निकलदे दिखया, जेस दे दस सींग ते सत्त सिर हे। ओस दे सिंगे उप्पर दस राजमुकुट, ते ओस दे सिरें उप्पर परमात्मा दी निंदा दे नां लिखे हे। 2 जेड़ा पशु मैं दिखया ओह चित्रे जेया हा; ते ओस दे पैर भालू जे, ते मुंह शेर जेया हा। ओस अजगर ने अपनी शक्ति ते अपना संहासन ते बड्डा अधिकार उसी देई दीता। 3 मैं ओस दे सिरें बीचा इक उप्पे ऐसा पारी जखम लगा दिखया मनो ओह मरने उप्पर ऐ, फिरी ओस दा प्राण नाश ओने आला जखम ठीक ओई गया, ते साड़ी धरती दे लोग ओस पशु दे पीछे पीछे अरान ओंदे ओई चलदे रे। 4 लोकें अजगर दी पूजा किती, की के ओस ने पशु गी अपना अधिकार देई दीता हा, ते ए आखिये पशु दी पूजा किती, “एस पशु जेया कुन्न ऐ ? कुन्न एस कन्ने लड़ी सकदा ऐ ?”

5 बड्डे बोलने ते निंदा करने आस्ते उसी इक मुंह दीता गया, ते उसी बताली मिने तकर कम्म करने दा अधिकार दीता गया। 6 ओस ने परमात्मा दी निंदा करने आस्ते मुंह खोलया के ओस दे नां ते ओस दे तम्बू मतलब सुर्ग च रेने आलें दी निंदा करै। 7 उसी ए भी अधिकार दीता गया के पवित्र लोकें

कन्ने लड़ें ते उंदे उप्पर जीत आसल करे, ते उसी हर इक कुल ते लोग ते पाशा ते जाति उप्पर अधिकार दीता गया। 8 धरती दे ओह सारे रेने आले, जिंदे नां ओस मेमने दी जीवन दी कताब बीच लिखे नेई गे जेड़ा संसार दे पैदा दे समें कोलां कायल ओया ऐ, ओस पशु दी पूजा करघन। 9 जेस दे कन्न ओं ओह सुनी लेन।

10 जीसी कैद च पोना ऐ, ओह कैद च पेई जाग; जेड़ा तलवार कन्ने मारग, जरूरी ऐ के ओह तलवार कन्ने मारी दीता जाग। पवित्र लोकें दा सबर ते बिश्वास इसे च ऐ।

11 फिरी मैं इक ओअशु गी धरती कोलां निकलदे दिखया, ओस दे मेमने जे दो सिंग हे, ते ओह अजगर जेया बोलदा हा। 12 ओह उस पैले पशु दा सारा अधिकार ओस दे सामने कम्म च लांदा हा; ते धरती ते ओस च रेने कोलां ओस पैलें पशु दी, जेस दा प्राण घातक जखम ठीक ओई गेदा हा, पूजा करांदा हा। 13 ओह बड्डे बड्डे चित्र दसदा हा, इत्थें तकर के मनुखें दे सामने सुर्ग कोलां धरती उप्पर अग्न बरसाई दिंदा हा। 14 उन्हेँ चित्रे दे कारण, जिन्हेँ ओस पशु दे सामने डसने दा अधिकार दीता गया हा, ओह धरती दे रेने आलें गी परमांदा हा ते धरती दे रेने आलें गी आखदा हा के जेस पशु गी तलवार लगी ही ओह जिंदा ओई गया ऐ, ओस दी मूर्ति बनाओ। 15 उसी ओस पशु दी मूर्ति बीच प्राण पाने दा अधिकार दीता गया के पशु दी मूर्ति बोलना लगै, ते जिन्हे लोग ओस पशु दी मूर्ति दी पूजा ना करन, उन्हेँ मराई दीये। 16 ओस ने निके बड्डे सोखे कंगाल, अजाद नाकर सारे दे सज्जे हत्थ जां उंदे मथे उप्पर इक इक मोर कराई दीती, 17 के उसी छोड़ी जेस उप्पर मोर मतलब ओस पशु दा नां जां ओस दे नां दा अंक ओए, बाकी कोई लें दें नेई करी सक्के। 18 ज्ञान इसे बीच ऐ: जीसी दमाक ओए ओह एस पशु दा अंक जोड़ी लै, की के ओह मनुख दा अंक ऐ, ते ओस दा अंक छे सो छयाड ऐ।

14 फिरी मैं दृष्टि किती, ते दिखो, ओह मेम्ना सिथ्योन पाड़ उप्पर खलोते दा ऐ, ते ओस दे कन्ने इक लाख चरताली मनुख न, जिंदे मथे उप्पर उंदे पिता दा नां लिखे दा ऐ। 2 ये सुर्ग बीचा मिगी इक ऐसा शब्द सनाई दीता जेड़ा पानी दी मती तारें च बडे गरजने आले जेया शब्द हा, ते जेड़ा शब्द मैं सुनया ओह ऐसा हा मन्नो वीणा बजाने आले वीणा बजादे ओन। 3 ओह संहासन दे सामने ते चारे प्राणियें ते प्राचिनें दे सामने इक नमां गीत गा करदे हे। उन इक लाख चरताली जार मनुखें गी छोड़ीये, जेड़े धरती उपरा खरीदी लेते दे हे, कोई ओह गाना नेई सीखी सकदा हा। 4 ए ओह न जेड़े जनानियें दे कन्ने अशुद्ध नेई ओए, लेकन कंवारे न; ए उए न के जित्थें कुते मेम्ना जांदा ऐ, ओह ओस दे पीछे ओई लेंदे न; ए ते परमात्मा दे नमित्त पैला फल ओने आस्ते मनुखें बीचा खरीदी लेते दे न। 5 उंदे मुंह बीचा कदें चुठ नेई निकले दा हा, ओह नदोश न।

6 फिरी मैं इक और सुर्ग दूत गी अंबर च उड़दा दिखया, जेस दे कोल धरती च रेने आलें दी हर इक जाति, ते कुल, ते पाशा, ते लोकें गी सनाने आस्ते सनातन सुसमाचार हा। 7 ओस ने बड्डे शब्द कन्ने आखया, “परमात्मा कोलां उरो, ते ओस दी मैमा करो, की के ओस दे न्याय करने दा समां आई पुजे दा ऐ; ते ओस दा पजन करो, जेस ने सुर्ग ते धरती ते समुंद्र ते पानी दे सांते बनाए।”

8 फिरी एस कोलां बाद इक और, दुआ, सुर्ग दूत ए आखदा आया, “डिगी पेया, ओह बड्डा बेबीलोन डिगी पेया, जेस ने अपने व्यभिचार दी कोपमय मदिरा साड़ी जातियें गी पलाई ऐ।”

9 फिरी इंदे बाद इक और, त्रिया, सुर्ग दूत बड्डे शब्द कन्ने ए आखदे आया, “जेड़ा कोई ओस पशु ते ओस दी मूर्ति दी पूजा करे, ते अपने मथे जां अपने हत्थे उप्पर ओस दी मोर ले 10 ओह परमात्मा दे प्रकोप दी निरी मदिरा, जेड़ी ओस दे कटोरे च पाई गेदी ऐ, पीग ते पवित्र सुर्ग दूतें सामने ते मेम्ने दे सामने अग्न ते गन्धक दी पीड़े च पोग। 11 उंदी पीड़ा दा तूआं जुगानुजुग उठदा रोहग, ते जेड़ा ओस पशु ते ओस दी मूर्ति दी पूजा करदे न, ते जेड़े ओस दे नां दी मोर लेंदे न, उन्हेँ रात दिन चैन नेई मिलगा।”

12 पवित्र लोकें दा संदोख इसे च ऐ, जेड़े परमात्मा दी आग्र्यें गी मनदे ते यीशु उप्पर बिश्वास रखदे न।

13 फिरी मैं सुर्ग बीचा ए शब्द सुनया, “लिख: जेड़े मुर्दे प्रभु च मरदे न, ओह हून कोलां धन्य न।” आत्मा आखदा ऐ, “आं, की के ओह अपने सारे कम्मे कोलां आराम पांघन, ते उंदे कम्म उंदे कन्ने ओई लेंदे न।”

14 मैं दृष्टि किती, ते दिखो, इक उजला बदल ऐ, ते ओस बदल उप्पर मनुख दे पुत्तर जेया कोई बैठे दा ऐ, जेस दे सिर उप्पर सोने दा मुकट ते हत्थ च चोखी दराटी ऐ। 15 फिरी इक और सुर्ग दूत ने मंदिर कोलां निकलिये ओस कन्ने, जेड़ा बदल उप्पर बैठा हा, बड्डे शब्द कन्ने पकारीये आख्या, “अपनी दराटी लेइये बड्डे, की के बड्डेने दा समां आई पुज्जे दा ऐ, इसे आस्ते के धरती दी खेती पक्की चुकी दी ऐ।” 16 इसे आस्ते जेड़ा बदल उपर बैठा हा ओस ने धरती उप्पर अपनी दराटी लाइ, ते धरती दी बड्डाई किती गई।

17 फिरी इक सुर्ग दूत ओस मंदिर कोलां निकलया जेड़ा सुर्ग च ऐ, ते ओस दे कोल भी चोखी दराटी ही। 18 फिरी इक और सुर्ग दूत जिसी अग्गी उप्पर अधिकार हा, वेदी बीचा निकलया, ते जेस दे कोल चोखी दराटी ही ओस कन्ने उच्चे शब्द कन्ने आख्या, “अपनी चोखी दराटी कन्ने धरती दी बेल दे गुछे कटी ले, की के ओस दी दाख पकी दी ऐ।” 19 उस बेले ओस सुर्ग दूत ने धरती उप्पर अपनी दराटी लाइ ते धरती दी दाखलता दा फल कटिये अपने परमात्मा दे प्रकोप दे बड्डे रसकुंड च सुझी दीता; 20 ते नगर दे बार ओस रस कुंड च दाख मिंघे गे, ते रस कुंडे बीचा इन्ना खून निकलया के कोड़े दी लगामें तकर पुजया, ते सो म्यान (दो मील) तकर रुड़ी गया।

15 फिरी मैं सुर्ग इक इक होर बड्डा अद्भुत चित्र दिखया, मतलब सत्त सुर्ग दूत जिंदे कोल सत्त आखर बिपत्तियाँ हियां, की के उंदे खत्म ओई जाने उप्पर परमात्मा दे गुस्से दा अंत ऐ।

2 उस बेले मैं अग्ग मिले दे कच्चे दा इक समुंद्र दिखया; ते जेड़े लोग ओस पशु उप्पर ते ओस दी मूर्ति उप्पर ते ओस दे नां दे अंक उप्पर जीत आसल किती ही, उन्हें ओस कच दे समुंद्र दे कोल परमात्मा दी वीणें गी लेते दे खडे दिखया। 3 ओह परमात्मा दे दास मूसा दा गाना गाइये आखदे हे,

“हे सर्वशक्तिमान प्रभु परमात्मा, तेरी कम्म महान ते अद्भुत न; हे जुग जुग दे राजा, तेरी चाल ठीक ते सच्ची ऐ।”

4 “हे प्रभु, कुन्न तेरे कोलां नेई डरग ते तेरे नां दी महिमा नेई करग ? की के सिर्फ तू गै पवित्र ऐ। सारी जातियां आइये तेरे सामने निभियां ओघंन, की के तेरे न्याय दे कम्म परगट ओई गेदे न।”

5 एस दे बाद मैं दिखया सुर्ग बीच गुआई दे तम्बू दा मंदिर खोलया गया; 6 ते ओह सत्त सुर्गदूत जिंदे कोल सत्त बिपत्तियाँ हियां, मलमल दे साफ ते चमकदार कपड़े लाएदे ते छाती उप्पर सुने दी पट्टियां बन्ने दे मन्दिर बीचा निकले। 7 उस बेले उन चोर्नी प्राणिये बीचा इक ने उन सत्ते सुर्ग दूतें गी परमात्मा, जेड़ा जुगा जुग जिंदा ऐ, ओदे गुस्से कन्ने परोचे दे सुने दे सत्त कटोरे दीते; 8 ते परमात्मा दी महिमा ते ओ दी शक्ति दे कारण मंदिर च तुआं परोची गया, ते जेस ले तकर उन सत्तें सुर्ग दूतें दी सत्तें बिपत्तियाँ खत्म नेई ओई उस बेले तकर कोई भी मंदिर च नेई जाई सकया।

16 फिरी मैं मंदिर बीचा किसे गी उच्चे शब्द कन्ने उन सत्तें सुर्ग दूतें कोलां ए आखदे सुनया, “जाओ, परमात्मा दे गुस्से दे सत्तें कटोरे गी धरती उप्पर डोली देओ।”

2 इस आस्ते पेले सुर्ग दूत ने जाइये अपना कटोरा धरती उप्पर डोली दीता। उस बेले उन मनुखें दे, जिंदे उप्पर पहु दू मोर ही ते जेड़े ओस दी मूर्ती दी पूजा करदे हे, इक चाली दा बुरा ते दुःख देने आला फोड़ा निकलया।

3 दुए सुर्ग दूत ने अपना कटोरा समुंद्र उप्पर डोली दीता, ते ओह मरे दे मनुखे दे खून जेया बनी गया, ते समुंद्र दा हर इक जीवधारी मरी गया।

4 त्रिये सुर्ग दूत ने अपना कटोरा नदिये ते पानी दे सोंतें उप्पर डोली दीत्ता ते ओह खून बनी गे। 5 उस बेले मैं पानी दे सुर्ग दूत गी ए आखदे सुनया, “हे पवित्र, जेड़ा ऐ ते जेड़ा ऐहा, तू न्यायी ऐ ते तो ए न्याय किता।

6 की के उन्हें पवित्र लोकें दा ते भविष्यवक्तें दा खून भाया हा, ते तो उन्हें खून पलाया; की के ओह इसे जोगे न।”

7 फिरी मैं वेदी कोलां ए शब्द सुनया, “हाँ, हे सर्वशक्तिमान ओरभु परमात्मा, तेरे फैसले ठीक ते सच्चे न।”

8 चोथे सुर्ग दूत ने अपना कटोरा सुरजे उप्पर डोली दीत्ता, ते उसी मनुखें गी अग्गी कन्ने झुलसने दा अधिकार दीता गया। 9 मनुख बड़ी तपन कन्ने

झुलसी गे, ते परमात्मा दे नां दी जिसी इनें बिपत्तिये उप्पर अधिकार ऐ, निंदा किती लेकन ओस दी महिमा करने आस्ते मन नेई फेरया।

10 पंजमें सुर्ग दूत ने अपना कटोरा ओस पशु दे संहासन उप्पर डोली दीत्ता, ते ओस दे राज उप्पर नेरा छाई गया। लोग पीड़ दे मारे अपनी अपनी जीभ चबाने लगे, 11 ते अपनी पीड़ ते फोड़ें दे कारण सुर्ग दे परमात्मा दी निंदा किती; लेकन अपने अपने कम्में कोलां मन नेई फेरया।

12 छेमे सुर्ग दूत ने अपना कटोरा महानदी फरात उप्पर डोली दीत्ता, ते ओस दा पानी सुकी गया के पूर्व पासे दे राजें आस्ते रस्ता तेयार ओई जाए 13 फिरी मैं ओस अजगर दे मुंह बीचा, ते ओस पशु दे मुंह बीचा, ते ओस चुटे भिविष्यवक्तें दे मुंह बीचा तीन अशुद्ध आत्में गी मिनकें दे रूप च निकलदे दिखया। 14 ए चित्र दिखने आली दुष्टात्मां न, जेड़ीयां सारे संसार दे राजें दे कोल निकलिये एस लेई जांदियां न के उन्हें सर्वशक्तिमान परमात्मा दे ओस बड्डे दिन दी लड़ाई आस्ते किटठा करण 15 “दिख, मैं चोर दे समान आना ऐ; धन्य ओह न जेड़ा जागे दा रेंदा ऐ, ते अपने कपड़े दी राखी करदा ऐ के नंगा नेई फिरे, ते लोग ओस दा नंगापन गी नेई दिखन।” 16 ते उन्हें उन्हें गी ओस जगह किटठा कीत्ता जेड़ा इब्रानी च हर मगिदोन आखा जांदा ऐ।

17 सतमें सुर्ग दूत ने अपना कटोरा अच्चा च डोली दीत्ता, ते मंदिर दे संहासन कोलां ए बड्डा शब्द ओया, “ओई चुकया !” 18 फिरी बिजलियां चमकीयां, ते शब्द ते गर्जन ओए, ते इक ऐसा बड्डा पुंचाल आया के जेस समें कोलां मनुख दी पैदाइश धरती उप्पर ओई, उस बेले कोलां ऐसा पुंचाल कदें भी नेई आया हा। 19 एस कन्ने ओस बड्डे नगर दे तीन टुकड़े ओई गे, ते जाति जाति दे नगर डिगी पे; ते बड्डे बेबीलोन दी याद परमात्मा दे इत्थें ओई के ओह अपने गुस्से दी जलजलाहट दी मदिरा उसी पलाए। 20 ते हर इक टापू अपनी जगह कोलां टली गया, ते पाड़ें दा पता नेई चलया। 21 अंबर कोलां मनुखे उप्पर मन मन भर दे बड्डे ओले डिगे, ते इसे आस्ते की के एस बिपत्ती मती गे पारी ही, लोकें ओलें दी बिपत्ती दे कारण परमात्मा दी निंदा किती।

17 जेड़े सत्त सुर्ग दूतें दे कोल ओह सत्त कटोरे हे, उंदे बीचा इक ने आईये मेरे कन्ने ए आख्या, “इत्थें आ, मैं तुगी पस बड्डी वेश्या दा दंड दसां, जेड़ी मते पानी उप्पर बैठी ऐ, 2 जेस दे कोल धरती दे राजें व्यभिचार किता; ते धरती दे रेने आले ओस दे व्यभिचार दे मदिरा कन्ने मतवाले ओई गेदे हे।” 3 उस बेले ओह आत्मा च मीगी जंगल गी लेई गया, ते मैं लाल रंग दे पशु उप्पर, जेड़ा निंदा दे नां कन्ने परोचे दा हा ते जेस दे सत्त सिर ते दस सींग हे, इक जनानी गी बैठे दे दिखया। 4 ए जनानी बैजनी ते लाल रंग दे कपड़े लाए दी ही, ते सुने ते मैंगी मणियें ते मोतियें कन्ने सजी दी ही, ते ओस दे हत्थे च इक सुने दा कटोरा हा जेड़ा बार आली चीजें कन्ने ते ओस दे व्यभिचार दी अशुद्ध चीजें कन्ने परोचे दा हा। 5 ओस दे मत्थे उप्पर ए नां लिखे दा हा, “पेद - बड्डा बेबीलोन धरती दी वेश्यां ते बैर आली चीजें दी मां।” 6 मैं ओस जनानी गी पवित्र लोकें दा खून ते यीशु दे गुआंहा दा खून पीने कन्ने मतवाली दिखया; उसी दिखिये मैं हरान ओई गया।

7 उस बेले ओस सुर्ग दूत ने मेरे कन्ने आख्या, “तू की हरान ओया ? मैं एस जनानी ते ओस पशु दा, जेस उप्पर ओह सवार ऐ ते जेस दे सत्त सिर ते दस सींग न, तुगी पेद दसना ऐ। 8 जेड़ा पशु तो दिखया ऐ, ओह पेलें ते ऐहा लेकन हून नेईयें, ते अथाह कुंड बीचा निकलिये नाश च पेई जाग; ते धरती दे रेने आले जिंदे नां संसार दी पैदाइश दे समें कोलां जीवन दी कताब बीच लिखे नेई गे, एस पशु दी ए दशा दिखिये के पेलें एहा ते हून नेईयें ते फिरी आई जाना, अचम्भा करघंन। 9 ओस दमाक आस्ते जेस बीच ज्ञान ऐ, इय्ये बेला ऐ: ओह सत्ते सिर सत्ते पाड़ न जिंदे उप्पर ओह जनानी बैठी दी ऐ। 10 ओह सत्त राजा भी एन, पंज ते ओई चुके दे न, ते इक हून ऐ, ते इक अय्यें तकर आया नेई, ते जेस ले आई जाग ते किश समें तकर ओस दा रेना भी जरूरी ऐ। 11 जेड़ा पशु पेलें हा, ते हून नेईयें, ओह अप्पुं अठवां ऐ ते उन सत्तें बीचा पैदा ओया, ते विनाश च पेई जाग। 12 जेड़े दस तो दिखे ओह दस राजा न जिन्हें अय्यें तकर राज नेई पाया, लेकन ओस पशु आस्ते कड़ी पर आस्ते राजें आला अधिकार पाघन। 13 ए सारे इक मन ओघंन, ते ओह अपनी अपनी शक्ति ते अधिकार ओस पशु गी देंघन। 14 ओग मेम्ने कन्ने लड्डंघन, ते मेम्ना उंदे उप्पर जीत आसल करग, की के ओह प्रभुएं दा प्रभु ते राजें दा

राजा ऐ, ते जेडे बलाए दे ते चुने दे ते बिश्वासी न ओह ओस दे कन्ने न; ओह भी जीत पाघन।"

15 फिरी ओस ने मेरे कन्ने आख्या, "जेडे पानी तो दिखे, जिंदेउप्पर वेश्या बैठी ऐ, ओह ते लोक ते भीड़ ते जातियां ते पाशां न। 16 जेडे दस सींग तो दिखे, ओह ते पशु ओस वेश्या कन्ने बैर रखघन, ते उसी लाचार ते नंगी करी देंघन। 17 की के परमातमा ओस दे मने च ए पाई देग के ओह ओस दी मर्जी पूरी करन, ते जेस ले तकर परमातमा दे वचन पुरे नेई ओई जान उस बेले तकर इक इक मन ओइये अपना अपना राज पशु गी देई देन। 18 ओह जनानी, जिसी तो दिखया ऐ, ओह बड्डा नगर ऐ जेड़ा धरती दे राजें उप्पर राज करदा ऐ।"

18 एस कोलां बाद में इक सुर्ग दूत गी सुर्ग कोलां उतरदे दिखया, जिसी बड्डा अधिकार आसल हा; तेधरती ओस दे तेज कन्ने चमक उठी।

2 ओस ने उच्चे शब्द कन्ने पकारीये आख्या "डिगी गया, बड्डा बेबीलोन डिगी गया ऐ ! ओह दुष्टात्मा दा नवास, ते हर इक अशुद्ध आत्मा दा अड्डा, ते हर इक अशुद्ध ते बैर आला पैछी दा अड्डा ओई गया।

3 किके ओस दे व्यभिचार दी खतरनाक मदिरा दे कारण सारियां जातियां डीगी गइयां न, ते धरती दे राजें ओस कन्ने व्यभिचार किता ऐ, ते धरती दे बपारी ओस दी सुख विलास दे मते ओने दे कारण सोखे ओए न।"

4 फिरी मैं सुर्ग कोलां इक और शब्द सुनया, "ए मेरे लोको, ओस बीचा निकली आओ के तुस ओस दे पापें च शामिल नेई उओ, ते ओस दी बिपतियें बीचा कोई तुं दे उप्पर आई नेई पवे।

5 की के ओस दे पापें दा टेर सुर्ग तकर पुज्जी गेदा ऐ, ते ओस दे अधर्म परमातमा गी याद आए न।

6 जिय्यां ओस ने तुसैं दीता ऐ उय्यां गे उसी भी देओ, ते ओस दे कम्मैं इ मताबक उसी दो गुणा बदला देओ; जेस कटोरे च ओस ने परी दीता हा उसे च ओस आस्ते दो गुणा परी देओ।

7 जिन्नी ओस ने अपनी बड़ाई किती ते सुख विलास किता, उन्नी उसी पीड़ ते दुःख देओ; की के ओह अपने मन च आखदी ऐ, 'मैं रानी ओई गेदी ऐं, बिधवा नेई; ते शोक च कदें भी नेई पोगी।'

8 इसे आस्ते इक गे दिन च ओस उप्पर बिपतियाँ आई पोघन, मतलब मोत, ते बसोस, ते काल; ते ओह अग्गी च पसम किती जाघन, की के ओस दा न्यायी प्रभु परमातमा शक्तिमान ऐ।

9 "धरती दे राजा जिन्हें ओस दे कन्ने व्यभिचार ते सुख बिलास किता, जेस ले ओस दे जलने दा तुआं दिखघन, ते ओस आस्ते रोघन ते छाती पिटघन।

10 ओस दी पीड़ दे डर दे मारे ओह बडी दूर खडोइयें आखघन,

'ए बेबीलोन ! ए सख्त नगर, आय ! आय ! कड़ी पले च गे तुगी दंड मिली गया ऐ।'

11 "धरती दे बपारी ओस आस्ते रोघन ते कलपघन, की के हून कोई उंदा माल नेई खरीदग; 12 मतलब सोना, चांदी, रत्न, मोती, ते मलमल, ते बैजनी, रेशमी, ते लाल रंग दे कपड़े, ते हर चाली दा सुगन्धित काठ, ते हाथी दंड दी हर चाली दी चीजां, ते मते किमती काठ ते पीतल ते लोए ते संगमरमर दी सारी भाँती दियां चीजां, 13 ते दाल चीनी, मसाले, तूफ, इन्न, लोबान, मदिरा, तेल, मैदा, कनक, गाए दांद, पिड्डां - बकरियां, कोड़े रथ ते दास, ते मनुखें दे प्राण। 14 हून मन दे पाभने फल तेरे कोलां जांदे रे, ते सुआद ते पडकिली चीजां तेरे कोलां दूर ओइयां न, ते हून ओ कदें भी नेई मिलघन। 15 इन चीजें दे बपारी जेडे ओस दे द्वारा सोखे ओई गे हे, ओस दी पीड़ दे डर दे मारे दूर खडोइ जाघन, ते रोंदे ते कलपदे ओई आखघन,

16 'आय ! आय ! ए बड्डा नगर जेड़ा मलमल, ते बैजनी ते लाल रंग दे कपड़े लाए दा हा, ते सोने ते रत्नों ते मोतियें कन्ने सजे दा हा;

17 कड़ी पले च गे ओस दा ऐसा पारी धन नाश ओई गया।' हर इक माझी ते यात्री ते मलाह, ते जिन्ने समुंद्र कोलां कमांदे न, सारे दूर खडे ओए, 18 ते ओस दे जलने दा तुआं दिखिये जोरिये बोलघन,

'केड़ा नगर एस बड्डे नगर जेया ऐ ?' 19 ते अपने अपने सिरे उप्पर तूल सुटी देंघन, ते रोंदे ओई ते कलपदे ओई करलाई करलाई आखघन,

'आय ! आय ! ए बड्डा नगर जेस दी सम्पति दे द्वारा समुंद्र दे सारे जाज आले सोखे ओई गे हे, कड़ी पले च गे उजड़ी गया।'

20 ए सुर्ग, ते ए पवित्र लोको, ते प्रेरितो, ते भविष्यवक्ताओ, ओस उप्पर आनंद करो, की के परमातमा ने न्याय करिये ओस कन्ने तेरा बदला लेता ऐ !"

21 फिरी इक जोरे आला सुर्ग दूत ने बड्डी चक्की दे पाट जेया इक पत्थर चुकया, ते ए आखिये समुंद्र च सुटी दीता, "बड्डा नगर बेबीलोन इय्यां गे बड्डे जोरे कन्ने डिगाइ दीता जाग, ते फिरी कदें भी ओस दा पता नेई चलग।

22 वीणा बजाने आले, ते गाने आलें, ते बॉसली बजाने आलें, ते तूरी फुकने आलें दा शब्द फिरी कदें भी तुगी सनाई नेई देग; ते किसे उघम दा कोई कारीगर भी फिरी कदें तेरे च नेई मिलग; ते चक्की दे चलने दा शब्द फिरी कदें तेरे च नेई सनोचग;

23 ते दिये दी लो फिरी कदें तेरे च नेई चमकग, ते मराज ते करेआली दा शब्द फिरी कदें तेरे च सनाई नेई देग; की के तेरे बपारी धरती दे प्रधान हे, ते तेरे टोने कन्ने सारियां जातियां परमाई दीयां हियां।

24 भविष्यवक्तें ते पवित्र लोके, ते धरती उप्पर सारे नाश कितें दा खून उसे च पाया गया।

19 इस दे बाद मैं सुर्ग च मनो बड्डी भीड़ गी उच्चे शब्द कन्ने ए आखदे सुनया, "हल्लिलूय्याह ! उद्धार ते महिमा ते सामर्थ्य साडे परमातमा दी गे ऐ।

2 की के ओस दे निर्णय सच्चे ते ठीक न। ओस ने ओस बड्डी वेश्या दा, जेडी अपने व्यभिचार कन्ने धरती गी प्रष्ट करदी ही, न्याय किता ते ओस कोलां अपने दासें दे खून दा बदला लेता ऐ।"

3 फिरी दुई बार उन्हें आख्या, " हल्लिलूय्याह ! ओस दे जलने दा तुआं जुगानुजुग उठदा रोहग।"

4 उस बेले चोबीसो प्राचिनें ते चोनी प्रानियें किरिये परमातमा गी दंडवत किता, जेड़ा संहासन उप्पर बैठा हा, ते आख्या, "आमीन ! हल्लिलूय्याह !"

5 उस बेले संहासन बीचा इक शब्द निकलया, "ए साडे परमातमा कोलां सारे डरने आले दासो, के छोटे, के बड्डे; तुस सारे ओस दी स्तुति करो।"

6 फिरी मैं बड्डी भीड़ जेया ते मते पानी जेया शब्द, ते गर्जन जेया बड्डा शब्द सुनया: " हल्लिलूय्याह ! की के प्रभु साड़ा परमातमा सर्वशक्तिमान राज करदा ऐ।

7 आओ, आस आनंदित ते मग्न ओचे, ते ओस दी स्तुति करचे, की के मेम्ने दा ब्याह आई पुजे दा ऐ, ते ओस दी कराली ने अपने आप गी तैयार करी लेता ऐ।

8 उसी शुद्ध ते चमकदार महीन मलमल लाने दा अधिकार दीता गया"- की के ओस महीन मलमल दा अर्थ पवित्र लोके दे धर्म दे कम्म न।

9 उस बेले सुर्ग दूत ने मेरे कन्ने आख्या, "ए लिख, के धन्य ओ न, जेडे मेम्ने दे ब्याह दे भोज च बलाए गेदे न।" फिरी ओस ने मेरे कन्ने आख्या, "ए बचन परमातमा दे सच्चाई दे बचन न।" 10 उस बेले मैं उसी दंडवत करने आस्ते ओस दे पैरें उप्पर डिगी गया। ओस ने मेरे कन्ने आख्या, "दिख, इय्यां मत कर, मैं तेरे ते तेरे प्रां दा संगी दास ऐ जेडे यीशु दी गुआई देने आस्ते टिके दे न। परमातमा गी गे दंडवत कर; की के यीशु दी गुआई भविष्यवाणी दी आत्मा ऐ।

11 फिरी मन सुर्ग गी खुले दा दिखया, ते दिखना ऐं की इक सफेद कोड़ा ऐ; ते ओस उप्पर इक सवार ऐ, जेड़ा बिश्वास जोग ते सत्य आखा जांदा ऐ; ते ओह धर्म कन्ने न्याय ते लड़ाई करदा ऐ। 12 ओस दी अखियाँ अग दी ज्वाला न, ते ओस दे ससिर उप्पर मते राजमुकुट न। ओस उप्पर इक नां लिखे दा ऐ, जेस गी ओस दे अलावा और कोई नेई जानदा ऐ। 13 ओह खून छिड़के दा कपड़ा लाए दे ऐ, ते ओस दा नां परमातमा दा बचन ऐ। 14 सुर्ग दी सेना सफेद कोड़ें उप्पर सवार ते सफेद ते शुद्ध मलमल लाए दे ओस दे पीछें न। 15 जाति जाति गी मारने आस्ते ओस दे मुह बीचा इक चोखी तलवार निकलदी ऐ। ओह लोए दा राजदंड लेते दे उंदे उप्पर राज करग, ते सर्वशक्तिमान परमातमा दे खतरनाक गुस्से दी जलजलाहट दी मदिरा दे कुंड च दाख रोंद्वन। 16 ओस दे कपड़े ते लात उप्पर ए नां लिखे ऐ: "राजें दा राजा ते प्रभुएँ दा प्रभु।"

17 फिरी मैं इक सुर्ग दूत गी सुरजे उप्पर खडोते दे दिखया। ओस ने बड्डे शब्द कन्ने पकारिये अंबर दे बीचा उडने आले सारें पैछियें गी आख्या

“आओ, परमात्मा दे बड्डे भोज आस्ते किड्डे ओई जाओ, 18 जेस कन्ने तुस राजें दा मास, ते सरदारें दा मास, ते शक्तिआले मर्दे दा मास, ते कोइं दा ते उंदे सवारें दा मास, ते के अजाद ते के नोकर, के छोटे ते के बड्डे, सारें लोकें दा मास खाओ।”

19 फिरी मैं ओस पशु, ते धरती दे राजें ते उंदी सेनाएं गी ओस कोडे दे सवार ते ओस दी सेना कन्ने लड़ने आस्ते किड्डे दिखया। 20 ओह पशु, ते ओस दे कन्ने ओह चुठा भविष्यवक्ता पकड़या गया जेस ने ओस दे सामने ऐसे चित्र दसे हे जिंदे द्वारा ओस ने उन्हें गी परमाया जिंदे उप्पर ओस पशु दी मोर ही ते जेडे ओस मूर्ति दी पूजा करदे हे। ए दोनों जिंदे जी ओस अग्न दी चील च, जेडी गंधक कन्ने जलदी ऐ, सुटी दीते। 21 बाकी लोक ओस कोडे दे सवार दी तलवार कन्ने, जेडी ओस दे मुह कोलां निकलदी ही, मारी दीते गे; ते सारे पैछी उंदे मांस कन्ने रज्जी गे।

20 फिरी मैं इक सुर्ग दूत गी सुर्ग कोलां उतरदे दिखया, जेस दे हत्थ च अथाह कुंड दी चाबी ते इक बड्डी जंजीर ही। 2 ओस ने ओस अजगर, मतलब पराने सप्प गी, जेडा इबलीस ते शैतान ऐ, पकड़िये जार साल आस्ते बन्नी दीता, 3 ते उसी अथाह कुंड च सुटीय बंद करी दीत्ता ते ओस उप्पर मोर लाई दीती के ओह जार साल पूरे ओने तकर जाति जाति दे लोकें गी फिरी नेई परमाए। इस दे बाद जरूरी ऐ के ओह थोड़ी देर आस्ते फिरी खोली दीत्ता जा।

4 फिरी मैं संहसन दिखे, ते उंदे उप्पर लोग बैठी गे, ते उन्हें गी न्याय करने दा अधिकार दीत्ता गया। मैं उंदी आत्में गी भी दिखया, जिंदे सिर यीशु दी गुआइ देने ते परमात्मा दे बचन दे कारण कट्टे हे, ते जिन्हें ना ओस पशु दी, ते ना ओस दी मूर्ति दी पूजा किती ही, ते ना ओस दी छाप अपने मत्थे ते हत्थें उप्पर लेती ही। ओह जिंदे ओइये मसीह कन्ने जार साल तकर राज करदे रे। 5 जेस ले तकर ए जार साल पूरे नेई ओए उस बेले तकर बाकी मरे दे नेई जिंदे ओए। ए ते पैला पुनरुत्थान ऐ। 6 धन्य ते पवित्र ओ न, जेडा एस पैले पुनरुत्थान च शामिल ऐ। ए जें उप्पर दुई मोत दा कोई भी अधिकार नेईये, लेकन ओह परमात्मा ते मसीह दे याजक ओघन ते ओस दे कन्ने जार साल तकर राज करघन।

7 जेस ले जार साल पूरे ओई जाघन ते शैतान कैद कोलां छोड़ी दीत्ता जाग। 8 ओह उन जातियें गी जेडीयां धरती दे चोर्नी बक्खी ओघन, मतलब गोग ते मागोग गी जिंदी गिनती समुंद्र दे रेत दे बराबर ओग, परमाइयें लड़ाई आस्ते किटठा करने गी निकलग। 9 ओह सारी धरती उप्पर फैलीयें पवित्र लोकें दी छावनी ते प्यारे नगरें गी केरी लेघन; ते अग्न सुर्ग कोलां उतरिये उन्हें गी पस्म करी देग। 10 उंदा परमाने आला शैतान अग्न दे गंधक दी ओस चील च, जेस च ओ पशु ते चुठा भविष्यवक्ता भी ओग, सुटी दीता जाग; ते ओह रात दिन जुगानुजुग पीड़ च तड़फदे रोघन।

11 फिरी मैं इक बड्डा सफेद संहसन ते उसी, जेडा ओस उप्पर बैठे दा ऐ, दिखया; ओस दे सामने कोलां धरती ते अंबर नस्सी गे, ते उंदे आस्ते जगह नेई मिली। 12 फिरी मैं निक्के बड्डे सारें गी संहसन दे सामने खडोते दे दिखया, ते कताबां खोलीयां गइयां; ते फिर इक और कताब खोली गयी, मतलब जीवन दी कताब; ते जिय्यां उन कताबें च लिखे दा हा, उय्यां गे उंदे कम्मं दे मताबक मरें दा न्याय किता गया। 13 समुंद्र ने उन मरें गी जेडे ओस च हे देई दित्ता, ते मोत ते अधोलोक अग्नी दी झील च पाई दित्ते गे। ए अग्नी दी झील दुई मोत ऐ; 14 मोत ते अधोलोक अग्न दी चील च सुटे गे। ए अग्न दी चील दुई मोत ऐ; 15 ते जेस किसे दा नां जीवन दी कताब बीच लिखे दा नेई मिलया, ओह आगी दी झील च पाई दिते गया।

21 फिरी मैं नमें अंबर ते नमी धरती गी दिखया, की के पैला अंबर ते पैली धरती जांटी रेइ ही, ते समुंद्र भी नेई रेया। 2 फिरी मैं पवित्र नगर नमें यरुशलेम गी सुर्ग कोलां परमात्मा दे कोला उतरदे दिखया। ओह ओस दुल्हन जेई ही जेडी अपने करेआले आस्ते शंगार किती दी ओए। 3 फिरी मैं संहसन कोलां किसे गी उच्चे शब्द कन्ने ए आखदे दिखया, “दिख, परमात्मा दा डेरा मनुखें दे बीच ऐ। ओह उंदे कन्ने डेरा करग, ते ओह ओस दे लोग ओघन, ते परमात्मा अप्पुं उंदे कन्ने रोहग ते उंदा परमात्मा ओहग। 4 ओह उंदी अखियां कोलां सारे अथरू साफ करी देग; ते इस दे बाद मोत नेई रोहग, ते ना बसोस, न रोना, ना पीड़ा रोहग; पैलियां गल्लां जांदियान रेइयां।”

5 जेडा संहसन उप्पर बैठा दा हा, ओस ने आखया “दिख, मैं सब किश नमां करी देना।” फिरी ओस ने आखया, “लिखी ले, की के ए बचन बिश्वास जोगे ते सच्चाई आले ना।” 6 फिरी ओस ने मीगी आखया, “ए गल्लां पूरी ओई गेदियां ना। मैं अलफा ते ओमेगा, आदि ते आखर ऐं। मैं प्यासे गी जीवन दे पानी दे सोते बीचा सेंटमेंत पलागा। 7 जेडा जीत पा उए एन चीजां दा बारस ओग, ते मैं ओस दा परमात्मा ओगा ते ओह मेरा पुत्तर ओग। 8 लेकन डरपोक, ते अविश्वासियें, ते घिनोने, ते अत्यारें ते व्यभिचारियें, ते टोने, ते मूर्तिपुजके, ते सारें चुठें दा इस्सा ओस झील च मिलग जेडी अग्न ते गंधक कन्ने जलदी रेंदी ऐ: ए दुई मोत ऐ।

9 फिरी जेडे सत्त सुर्गदुतें कोल सत्त आखर बिपतियें कन्ने परोचे दे सत्त कटोरे हे, उंदे बीचा इक मेरे कोल आया, ते मेरे कन्ने गल्लां करीये आखया, “इत्थे आ, मैं तुगी दुल्हन मतलब मेम्ने दी कराली दसगा।” 10 उस बेले ओह मीगी आत्मा बीच इक बड्डे ते उच्चे पाड़ उप्पर लेई गया, ते पवित्र नगर यरुशलेम गी सुर्गकोलां परमात्मा दे कोला उतरदे दसया। 11 परमात्मा दी मैमा उंदे च ही ते उंदी लो मती गे मंगा पत्थर, मतलब बिलोर जेया यशब् जेई साफ ही। 12 ओस दी शैरपनाह बड्डी उच्ची ही, ते ओस दे बारां फाटकें उप्पर बारां सुर्गदूत हे; ते उन फाटकें उप्पर इस्राएल दे बारां गोत्रें दे नां लिखे दे हे। 13 पूर्व आली बक्खी तीन फाटक, उत्तर आली बक्खी तीन फाटक, दक्षिण आली बक्खी तीन फाटक, ते पश्चिम आली बक्खी तीन फाटक हे। 14 नगर दे शैरपनाह दीयां बारां निवां हियां, ते उंदे उप्पर मेम्ने दे बारां प्रेरितें दे बारां नां लिखे हे। 15 जेडा मेरे कन्ने गल्लां करा करदा हा ओस दे कोल नगर ते ओस दे कोल फाटकें ते ओस दी शैरपनाह गी नापने आस्ते इक सुन्ने दा गज हा। 16 ओह नगर वर्गाकार बसे दा हा ते ओस दी लमाई, चोड़ाई दे बराबर ही; ते ओस ने ओस गज कोलां नगर गी नापया, ते साडे सो कोस दा निकलया: ओस दी लमाई ते चोड़ाई ते उच्चाई बराबर ही। 17 ओस ने ओस दी शैरपनाह गी मतलब सुर्गदूत दे नाप कन्ने नापया, ते इक सो चरताली हत्थ निकली। 18 ओस दी शैरपनाह यशब् दी बनी ही, ते नगर ऐसे सुन्ने सुन्ने दा हा जेडा साफ काच जेया ओए। 19 ओस नगर दी नीवां हर चाली दे कीमती पत्थरें कन्ने सजाई दीयां हियां; पैली नीह यशब् दी, दुई नीलमणि दी, त्री लालडी दी, चोथी मरकत दी, 20 पंजमीं गोमेदक दी, छेमी माणिक्य दी, सतमीं पीतमणि दी, अठवीं पेरोज दी, नोमी पुखराज दी, दसमी लहसनिए दी, ग्यारवीं धुम्रकांत दी, ते बारमी याकूत दी ही। 21 बारां फाटक बारां मोतियें दे हे; इक फाटक इक इक मोती दा बना हा। नगर दी सिडक साफ काच जेई सुचे सुन्ने दी ही।

22 मैं ओस च कोई मंदिर नेई दिखया, की के सर्वशक्तिमान प्रभु परमात्मा ते मेम्ना ओस दा मंदिर ऐ। 23 पस नगर च सूरज ते चान दे लो दी जरूरत नेईये, की के परमात्मा दे तेज कन्ने ओस च लो ऊआ करदी ऐ, ते मेम्ना ओस दा दीया ऐ। 24 जाति जाति दे लोग ओस दी लो च चलघन फिरघन, ते धरती दे राजा अपने अपने तेज दा समान ओस च लाघन। 25 ओस दे फाटक दिन गी कदें बंद नेई ओघन, ते रात उत्थें नेई ओग। 26 लोग जाति जाति दे तेज ते शान शौकत दा समान ओस च लाघन। 27 लेकन ओस च कोई गंदी चीज जां बुरा कम्म करने आला, जां चुठ दा गढ़ने आला किसे रिती कन्ने परवेश नेई करग, लेकन सिर्फ ओह लोग जिंदे नां मेम्ने दी जीवन दी कताब च लिखे ना।

22 फिरी ओस ने मीगी बिलोर जेई चलकदी, जीवन दे पानी दी नदी दसी, जेडी परमात्मा ते मेम्ने दे संहसन कोलां निकलिये 2 ओस नगर दी सिडक दे बीचों बीच रुद्धी ही। नदी दे इस पार ते ओस पार जीवन दा बुट्टा हा; ओस च बारां किस्म दे फल लगदे हे, ते ओह हर मीने फलदा हा, ते ओस बुट्टे दे पत्रें कोलां जाति जाति दे लोग चंगे ओंदे हे। 3 फिरी श्राप नेई ओग, ते परमात्मा ते मेम्ने दा संहसन ओस नगर च ओग ते ओस दे दास ओस दी सेवा करघन। 4 ओह ओस दा मुंह दिखघन, ते ओस दा नां ओस दे मत्थें उप्पर लिखे दा ओग। 5 फिरी रात नेई ओग, ते उन्हें दीये ते सूरज दी जरूरत नेई ओग, ते ओह जुगानुजुग राज करघन।

6 फिरी ओस ने मीगी आखया, “ए गल्लां बिश्वास जोगियां ते सच ना। प्रहु ने, जेडा भविष्यवक्तें दी आत्मा दा परमात्मा ऐ, अपने सुर्गदूत गी इस आस्ते पेजया के अपने दासं गी ओ गल्लां, जिंदा जल्दी पूरा ओना जरूरी ऐ, दसे।”

7 "दिख, मैं जल्दी आने आला ऐं! धन्न ऐ ओह, जेड़ा एस कताब दी भविष्यवाणी दी गल्लां मनदा ऐ।"

8 मैं उए यूहन्ना ऐ, जेड़ा ऐ गल्लां सुनदा ते दिखदा हा। जेस ल मैं सुनया ते दिखया, ते जेड़ा सुर्गदूत मीगी ए गल्लां दसदा हा, मैं ओस दे पैरें उप्पर दंडवत करने आस्ते डिगी गया। 9 लेकन ओस ने मेरे कन्ने आखया, "दिख, ऐसा मत कर; की के मैं तेरा, ते तेरे प्रा भविष्यवक्ते, ते एस कताब दे मनने आलां दा संगी दास ऐं। परमातमा गी गे दंडवत कर।"

10 फिरी ओस ने मिगी आखया, "एस कताब दी भविष्यवाणी दी गल्लें गी बंद मत कर; की के समां कोल ऐ। 11 जेड़ा अन्याय करदा ऐ, ओह अन्याय गे करदा रवे; ते जेड़ा खराब ऐ, ओह खराब बना रवे; ते जेड़ा धर्मी ऐ ओह धर्मी बना रवे; ते जेड़ा पवित्र ऐ; ओह पवित्र बना रवे।"

12 "दिख, मेज जल्दी आने आला ऐं; ते हर इक गी कम्मे दे मताबक बदला देने आस्ते प्रतिफल मेरे कोल ऐ। 13 मैं अल्फा ते ओमेगा, पैला ते आखर, आदि ते अंत ऐं। 14 "धन्न ओह न, जेड़े अपने कपड़े तोई लेंदे न, की के उन्हें जीवन दे बुट्टे दे कोल आने दा अधिकार मिलग, ते ओह फाटके कोलां ओंदे ओई नगर च परवेश करघन। 15 लेकन कुत्ते, ते टोन्हें, ते व्यभिचारी, ते अत्यारे ते मूर्तिपूजक, ते हर इक चुठ दा गड़ने आला बार रोग।

16 "मीगी यीशु ने अपने सुर्गदूत गी इस आस्ते पेजया की तुंदे अमों कलिसियें दे बारे च इक गल्लें दी गुआई दीयें। मैं दाऊद दा मूल ते वंश ते सबेरे दा चमकने आला तारा ऐं।"

17 आत्मा ते दुल्हन दोनों आखदियां न, "आ !" ते सुनने आला भी आखे, "आ !" जेड़ा प्यासा ओए ओह आ, ते जेड़ा कोई चा ओह जीवन दा पानी सेंट मेंत ले।

18 मैं हर इक गी, जेड़ा इस कताब दी भविष्यवाणी दी गल्लां सुनदा ऐ, गुआई दीना ऐ: जे कोई मनुख इनें गल्लें च किश बदाए ते परमातमा उन बिपतियें गी, जेड़ियाँ इस कताब लिखियां न, ओस उप्पर बदाग।

19 जे कोई इस भविष्यवाणी दी कताब दी गल्लें बीचा किश कड्डी देग, ते परमातमा ओस जीवन दे बुट्टे ते पवित्र नगर कोलां, जेस दा बर्णन एस कताब च ऐ, ओस दा इस्सा कड्डी देग।

20 जेड़ा एस गल्लें दी गुआई दिंदा ऐ ओह ए आखदा ऐ, "आं, मैं जल्दी आने आला ऐं।" आमीन। ए प्रभु यीशु आ ! 21 प्रभु यीशु दा अनुग्रह पवित्र लोके दे कन्ने रवे। आमीन।